


আর্য্যাবর্ত্ত।

মাসিক পত্র



শ্রীহেমেন্দ্রপ্রসাদ ঘোষা

সম্পাদিত।



তৃতীয় বর্ষ।




দ্বিতীয় খণ্ড।

(কার্তিক হইতে চৈত্র ।)

১৩১৯

প্রকাশক—শ্রীজুর্গানাথ বসু।

১০৬২ শ্যামবাজার ষ্ট্রীট, কলিকাতা।



প্রবন্ধের বর্ণনামানুক্রমিক সূচী ।

—:~:—

অ

প্রবন্ধের নাম	লেখকগণের নাম	পৃষ্ঠা
অদৃষ্ট-চক্র (উপস্থাপন)	সম্পাদক ১৮৬, ৫৫৪, ৬৪১, ৬৮৮, ৭৫১, ৮২৬	
অলবেকুণীর ভারত বিবরণ	শ্রীগিরিজানাথ সাংখ্যল	৮-৪

আ

আরতীর শেষ (গল্প)	শ্রীযতীন্দ্রমোহন সেন গুপ্ত	৭-৬
আত্মান (কবিতা)	শ্রীযতীন্দ্রনাথ চট্টোপাধ্যায়	৬৭৬

উ

উপহার (কবিতা)	শ্রীযতীন্দ্রনাথ চট্টোপাধ্যায়	৭৮২
উপাসনা	শ্রীম্মরেন্দ্রনাথ রায় চৌধুরী	৬০৭

ক

কর্ণেল স্কিনার	শ্রীদেবেন্দ্রপ্রসাদ ঘোষ	৪৭১
কবি (কবিতা)	শ্রীগিরিজানাথ মুখোপাধ্যায়	৫০০
কবি (কবিতা)	শ্রীবসন্তকুমার চট্টোপাধ্যায়	৫০৬
কবিতা (কবিতা)	ঐ	৬১৯
কবিতার রূপ (কবিতা)	শ্রীযতীন্দ্রনাথ চট্টোপাধ্যায়	৬৫৭
কৃষ্ণচন্দ্র রায়	সম্পাদক	৫০১
কামনা (কবিতা)	শ্রীমতী সরোজবাসিনী গুপ্তা	৭২৭
কাশী (কবিতা)	সম্পাদক	৪৮৫

গ

গো-বসন্ত	শ্রীসত্যেন্দ্রনাথ মিত্র	৫২৬
গ্রন্থ পরিচয়		৮৪৯

৯০

চ

প্রবন্ধের নাম	লেখকের নাম	পৃষ্ঠা
চন্দ্রবংশ	শ্রীবিনোদবিহারী বিষ্ণাবিনোদ	৮১৯
চন্দ্রমণ্ডল	শ্রীউমাপতি বাজপেয়ী	৬৭৭
চিত্র (কবিতা)	শ্রীভূজঙ্গধর রায় চৌধুরী	৭২৬
চিরকল্পা (কবিতা)	শ্রীকালিদাস ঝাঁয়	৫৭২
চীনের ভারত আক্রমণ	শ্রীতারানাথ রায়	৭২২

জ

জিনতুল্লিসা	শ্রীব্রজেন্দ্রনাথ বন্দ্যোপাধ্যায়	৬৪৬
জীবন-বৈচিত্র্য	শ্রীঅবিনাশচন্দ্র ঘোষ	৬১১

ন

নলডাঙ্গার প্রাচীন কীৰ্ত্তি	শ্রীননীগোপাল মজুমদার	৭৮৮
নীরব কবি (কবিতা)	শ্রীভূজঙ্গধর রায় চৌধুরী	৪৯৪

প

পুরাতন প্রসঙ্গ	শ্রীবিপিনবিহারী গুপ্ত	৫২৯
----------------	-----------------------	-----

ফ

ফরাসীবিপ্লবের ইতিহাস	শ্রীসুরেন্দ্রনাথ দোশ	৪৯৫, ৫২৪, ৬৫৯, ৭৫০, ৭৮৩, ৮৪৪
----------------------	----------------------	---------------------------------

ব

বন্দীপ্রেমের স্বপ্নভঙ্গ (কবিতা)	শ্রীযতীন্দ্রনাথ চট্টোপাধ্যায়	৭ ০
১) বিজ্ঞান ও হিন্দু ব্যবস্থা	শ্রীরমেশচন্দ্র রায়	৮০৮
বিদায় (কবিতা)	শ্রীমতী লাবণ্যময়ী বসু	৪৭০
বিনয়কৃষ্ণ দেব	সম্পাদক	৬২০
বিরহে (কবিতা)	শ্রীমতী স্ন ঘোষ	৬৪০
বিরহিণী (কবিতা)	শ্রীপ্রবোধচন্দ্র ঘোষ	৬ ৫
বুদ্ধগয়া	সম্পাদক	৪৫৭, ৫৫৭, ৬০০
বেগুণ	শ্রীদেবেন্দ্রনাথ মিত্র	৮১
বৈদিক সমাজ	শ্রীসুরেন্দ্রনাথ মিত্র	৮০১

ভ

প্রবন্ধের নাম	লেখকের নাম	পৃষ্ঠা
ভারতের প্রথম নীলকর	শ্রীঅশ্বিনীকুমার সেন	৫৭১

ম

মধুপুর জঙ্গল ও ব্রহ্মপুত্র নদ	শ্রীসত্যেন্দ্রকুমার বসু	৪৮২
মহেন্দ্রনাথ বিজ্ঞানিধি	শ্রীব্যোমকেশ মুস্তফা	৬২৮
মহেশপুরের সূর্যরাজা (প্রতিবাদ)	শ্রীসুদর্শন বিশ্বাস	৭৭৫
যোগেন্দ্রচন্দ্র বসু	শ্রীকালিদাস রায়	৭২৭
(মাথার খুলি গল্প)	শ্রীযতীন্দ্রমোহন বন্দ্যোপাধ্যায়	৫৭২
মানব-প্রহেলিকা	শ্রীশশিভূষণ মুখোপাধ্যায়	৫১৭, ৬২৮
‘মেঘদূতের’ সমস্তা পূরণ	শ্রীহরিহর ভট্টাচার্য	৭২২
মেলা (কবিতা)	শ্রীযতীন্দ্রনাথ চট্টোপাধ্যায়	৮৬০

য

যবন হরিদাস (কবিতা)	শ্রীবসন্ত কুমার চট্টোপাধ্যায়	৫৫২
যশোহরের পত্র	শ্রীযোগীন্দ্রনাথ সমাদ্দার	৭৭৭
যৌবনাবসান (কবিতা)	শ্রীগিরিজানাথ মুখোপাধ্যায়	৬৫৮

র

রক্ষা কবচ (গল্প)	শ্রীযতীন্দ্রমোহন গুপ্ত	৭৬৬
রাধা (কবিতা)	সম্পাদক	৫২৭
রাধারাগী (গল্প)	শ্রীতারাদাস চট্টোপাধ্যায়	৮৩৬
রামটেক	শ্রীঅবিনাশ চন্দ্র ঘোষ	৬৬২, ৭৬০
রাক্ষসী না দেবী (গল্প)	শ্রীদেবেন্দ্রনারায়ণ রায়	৫ ৭

স

সুধারাম গণেশ দেউস্কর	সম্পাদক	৫৪৬
সনাতনধর্ম (কবিতা)	শ্রীপ্রবোধচন্দ্র ঘোষ	৫৪৫
সমাজনীতি	শ্রীমণীন্দ্রমোহন বসু	৪৬৫
সমালোচনা		৫৭৩, ৬৫০
সংগ্রহ	৫২৪, ৫২২, ৬৬৬, ৭২৭, ৭২৩, ৮৫৫	
সাহিত্যিক (গল্প)	শ্রীহেমদাকান্ত চৌধুরী	২৩৪
সে গেছে চলিয়া (কবিতা)	শ্রীরমণীমোহন ঘোষ	৬৬৮

লেখকগণের নামানুক্রমিক সূচী

অ

লেখকগণের নাম	প্রবন্ধের নাম	পৃষ্ঠা
শ্রীঅবিনাশচন্দ্র ঘোষ	জীবন বৈচিত্র্য	৬১১
শ্রীঅবিনাশচন্দ্র ঘোষ	রামটেক	৬৬২, ৭৬০
শ্রীঅম্বিনীকুমার সেন	ভারতের প্রথম নীলকর	৫৭৬

উ

শ্রীউমাপতি বাজপেয়ী	চন্দ্রমণ্ডল	৬৭৭
---------------------	-------------	-----

ক

শ্রীকালিদাস রায়	চিরকল্পা (কবিতা)	৫৭২
	যোগেন্দ্রচন্দ্র বসু	৭১৭

গ

শ্রীগিরিজানাথ মুখোপাধ্যায়	কবি (কবিতা)	৫০০
	যৌবনাবসান (কবিতা)	৬৫৮
শ্রীগিরিজানাথ সাত্তাল	অলবেকুণীর ভারত বিবরণ	৮১৪

ত

শ্রীতারানাথ রায়	চীনের ভারত আক্রমণ	৭২২
শ্রীতারাদাস চট্টোপাধ্যায়	রাধারাগী (গল্প)	৮৩৬

দ

শ্রীদেবেন্দ্রনাথ মিত্র	বেগুন	৬৮১
শ্রীদেবেন্দ্রনারায়ণ রায়	রাক্ষসী না দেবী (গল্প)	৫০৭
শ্রীদেবেন্দ্রপ্রসাদ ঘোষ	কর্ণেল স্কিনার	৪৭১

ন

শ্রীননীগোপাল মজুমদার	নলডাক্তার প্রাচীন কীর্তি	৭৮৮
----------------------	--------------------------	-----

প

শ্রীপ্রবোধ চন্দ্র ঘোষ	বিরহিণী (কবিতা)	৬৪৫
	সনাতন ধর্ম (কবিতা)	৫৪৫

ব

লেখকগণের নাম	প্রবন্ধের নাম	পৃষ্ঠা
শ্রীবসন্ত কুমার চট্টোপাধ্যায়	কবি (কবিতা)	৫০৬
	কবিতা (কবিতা)	৫১৯
	যবন হরিদাস (কবিতা)	৫৫২
শ্রীবিপিন বিহারী গুপ্ত	পুরাতন প্রসঙ্গ	৫২৯
শ্রীবিনোদবিহারী বিজ্ঞাবিনোদ	চন্দ্রবংশ	৮১৯
শ্রীব্যোমকেশ মুস্তফী	মহেন্দ্রনাথ বিজ্ঞানিধি	৬২৮
শ্রীব্রজেননাথ বন্দ্যোপাধ্যায়	জিন্নতুল্লিসা	৬৪৬

ভ

শ্রীভূজঙ্গধর রায় চৌধুরী	নীরব কবি (কবিতা)	৭২৪
	চিত্র (কবিতা)	৭২৬

ম

শ্রীমণীন্দ্রমোহন বসু	সমাজনীতি	৪৬৫
----------------------	----------	-----

য

শ্রীযতীন্দ্রনাথ চট্টোপাধ্যায়	আহ্বান (কবিতা)	৬৭৬
	উপহার (কবিতা)	৭৮২
	কবিতার রূপ (কবিতা)	৬৫৭
	বন্দীপ্রেমের স্বপ্ন ভঙ্গ (কবিতা)	৭৫০
	মেলা (কবিতা)	৮৬০
শ্রীযতীন্দ্রমোহন গুপ্ত	রক্ষা কবচ (গল্প)	৭৬৬
শ্রীযতীন্দ্রমোহন বন্দ্যোপাধ্যায়	মাধার খুলি (গল্প)	৫৭৯
শ্রীযোগীন্দ্রনাথ সমাদ্দার	যশোহরের পত্র	৭৭৭

শ্রীরমণীমোহন ঘোষ	সে গেছে চলিয়া (কবিতা)	৬৬৮
শ্রীরমেশচন্দ্র রায়	বিজ্ঞান ও হিন্দু ব্যবস্থা	৮০৮


ল


শ্রীমতী লাবণ্যময়ী বসু	বিদায় (কবিতা)	৪৭০
------------------------	-----------------	-----

লেখকগণের নাম	প্রবন্ধের নাম	পৃষ্ঠা
শ্রীশশিভূষণ মুখোপাধ্যায়	মানব-প্রহেলিকা	৫৫, ৬৮
শ্রীশ্রামলাল গোস্বামী	গল্প	৮২
শ্রীসত্যেন্দ্রকুমার বসু	মধুপুর জঙ্গল ও ব্রহ্মপুত্র নদ	৮২
শ্রীসত্যেন্দ্রনাথ মিত্র	গো বসন্ত	৫২৬
সম্পাদক	অদৃষ্ট-চক্র (উপন্যাস)	৪৮৬, ৫৫৪, ৪১, ৬৮৮, ৭৫১, ৮২৬
	রুমচন্দ্র রায়	৫০১
	কাশী কবিতা)	৪৮৫
	বিনয়রুম্ম দেব	৬২০
	বুদ্ধগয়া	৪৫৭, ৫৩৭, ৬০০
	রাধা (কবিতা)	৫ ৭
	সখারাম গণেশ দেউস্কর	৫৪৬
শ্রীমতী সরোজ বাসিনী গুপ্তা	কামনা (কবিতা)	৬ ৭
শ্রীমতী সু ঘোষ	বিরহে (কবিতা)	৬৪০
শ্রীসুদর্শন বিশ্বাস	মহেশপুরের সূর্য্যরাজ (প্রতিবাদ)	৭৭৫
শ্রীসুৱেন্দ্রনাথ ঘোষ	ফরাসী বিপ্লবের ইতিহাস	৪২৫, ৫৬৪, ৬৫২, ৭৩০, ৭৮২, ৮৪৪
শ্রীসুৱেন্দ্র নাথ চৌধুরী	উপাসনা	৬০৭
শ্রীসুৱেন্দ্রনাথ মিত্র	বৈদিকসমাজ	৬৮১
হ		
শ্রীহরিশ্রর ভট্টাচার্য্য	‘মেঘদূতের’ সমস্যা পূরণ	৪৭২
শ্রীহেমদাকান্ত চৌধুরী	সাহিত্যিক (গল্প)	৬৩৪

চিত্রসূচী ।

গয়া	৪৫৭
গয়ার পথে	৪৬০
বুদ্ধগয়ার মন্দির	৪৬৫
কুম্ভচন্দ্র রায়	৫০০
বিদেশিনী	৫২৯
সদাস্নাতা	৫৩৭
সখারাম গণেশ দেউরুর	৫৪৬
মদ্রঙ্গা	৫৯৬
বুদ্ধগয়ায় অশোকের মন্দির	৬০৪
সুজার সমাধি	৬৪৮
যাত্রা	৬৬৮
বেগুনের পোকা		...	৬৮৪
খুঁটের শেষ ভোজ	৭৪১
রামটেক	৭৬৫
তদগতা	...		৮১৩





—:~:~:~:—

(১)

বাঙ্গালার বাহিরে যে সকল ভীর্ষে ভারতের নানা স্থান হইতে হিন্দু নর-নারীর সমাগম হইয়া থাকে সে সকলের মধ্যে গয়া আমাদের বহু নিকটস্থিত এক বৈষ্ণনাথ ব্যতীত আর কোন ভীর্ষই তত নিকটস্থিত নহে। পূর্বে বখন ভারতে রেলপথ বিস্তৃত হয় নাই—বাপ্পীয় যানের বা বাপ্পীয় পোতের আবির্ভাব হুচিৎ হয় নাই তখনও বাঙ্গালার স্নিগ্ধ পল্লী হইতে বর্ষে বর্ষে বহু নরনারী বিহারের কঙ্করকণ্টকিত পথ অতিক্রম করিয়া গয়ায় বিষ্ণুপাদে মৃত স্বজনাদির পিণ্ডদান করিয়া আপনাদিগকে ধৃত ও পরলোকগত স্বজনগণকে মুক্ত মনে করিত। তখন “সুফল” প্রদানের অধিকারী গয়ালীদিগের কর্মচারীরা বন্দের পল্লীতে পল্লীতে ঘুরিয়া “বাজী” সংগ্রহ করিত। তাহার পর বহু বাজী একত্র বিয়বহুল পথ অতিক্রম করিত। তখন গয়ালীর কর্মচারীর আগমনে শান্ত পল্লীগ্রামে বিশেষ চাকল্য লক্ষিত হইত। অন্তঃপুর-চারিকাদিগের গুপ্ত পরামর্শ—পুরুষ অভিভাবকদিগের সম্মতিলাভের উপায়-নির্ধারণ প্রভৃতি তখন মহিলাদিগকে ব্যস্ত করিয়া তুলিত। তাঁহারা পুণ্য লাভের আশায় ও আকাঙ্ক্ষায় পথপ্রায়ে অনভ্যন্তর ক্রেশনসম্ভাবনার কথা তুলিয়া বাইতেন। বাস্তবিক মানুষ ধর্মের লব্ধ যে ক্রেশ—যে বাতনা অনায়াসে সহ করিতে পারে পার্শ্বব কিছুরই লব্ধ সে ক্রেশ—সে বাতনা সহ করিতে পারে না।

এখন দেশের সে অবস্থার পরিবর্তন হইয়াছে। দুর্গম পথ পদব্রজে অতিক্রম করা দূরে থাকুক এখন আর কেহ সুগঠিত ও সুরক্ষিত রাজপথে অশ্বখানে বা গোয়ানে গয়ায় গমনের কথাও মনে করে না। রেলপথের বিস্তারহেতু গয়া এখন নিভাঙ্কই “ঘরের কাছে” হইয়া পড়িয়াছে। বাঙ্গালা হইতে বাইতে এখন গ্রাণ্ড কন্ড লাইনে যাওয়াই সুবিধা। পথ রম্যদর্শন। প্রথমে ছই পার্শ্বে কেবল সমতল ভূমি—ভ্রামশস্ত্রপূর্ণ—প্রাচুর্যের পরিপূর্ণ প্রফুল্লভায় প্রকট,—দূরে চক্রবালরেখার প্রান্তর ও অশ্বর প্রগাঢ় আলিঙ্গনে বদ্ধ;—মধ্যে মধ্যে পল্লবত্রীসুন্দর বৃক্ষ—বৃক্ষের শ্রাব্য শোভার মধ্যে বংশ-

শুষ্কবেষ্টিত বাদালায় গ্রাম ; বিন্দু—শান্ত—সুন্দর। মাঠে কৃষক কাষ করিতেছে—কৃষক-বালক গোপাল চরাইতেছে। সমস্ত পথে কোথাও মাঠে কোন রমণীকে কঠোর শ্রমে রত দেখিতে পাইবে না। গৃহ ভাহাদিগের কর্মক্ষেত্র—তাহারা গৃহের লগ্নী। তাই পুরুষ তাহাকে গৃহের ভার দিয়া সানন্দে সকল শ্রমসাধ্য কার্য্য করিতেছে। আপনার স্বদেশে তত্ত্ব ভূমি সিক্ত করিয়া সে নিদাঘের মধ্যাহ্নমর্ত্তও তাপেও ভূমি কর্ষণ করে,—বর্ষার অবিরল ধারায় সিক্ত হইয়া জলোকাবহল প্রান্তরে দাঁড়াইয়া সে ধাত্ত রোপণ করে,—দারুণ হিমে সে বিনিদ্র হইয়া রজনীতে শস্তক্ষেত্র আঙুলিয়া থাকে। সংসারের শ্রম তাহার, গৃহস্থালী রমণীর। এ উদারতা প্রতীচ্যে কোথায়? অবরোধ প্রথা পুরুষের স্বার্থপরতার পরিচায়ক, না স্বার্থত্যাগের প্রকৃষ্ট পরিচয়?

তাহার পর ভূমির মূর্ত্তি ও প্রকৃতি, বর্ষ ও বৈষম্য পরিবর্তন প্রকাশিত করে। প্রান্তরে সরসতার হাস পরিলক্ষিত হয়, পাদপপত্রে বর্ণের গাঢ়তায় পরিবর্তন দেখা যায়—শুল্কের বিরলতা ধরিত্রীর স্নেহের অভাব সূচিত করে। ক্রমে ভূমি কঙ্করাকীর্ণ দেখা যায়। আর দূরে মেঘের কোলে গাঢ়তর মেঘের মত গিরশ্রেণী দেখা দেয়। প্রকৃতি জীবের জীবন নিয়ন্ত্রিত করে। এই প্রান্তরে কৃষিকার্য্য শ্রমসাপেক্ষ—পর্জন্তের পর্যাণ্ত অল্পগ্রহও শস্তোৎপাদনের জন্য যথেষ্ট নহে, তাই মানুষকে ক্ষেত্রে জলসেচন করিয়া শস্তোৎপাদন করিতে হয়। যে স্থানে খালে বা খাতে জল নাই সে স্থানে কৃপ কইতে জল তুলিয়া ক্ষেত্র সিক্ত করিতে হয়। এই দারুণ শ্রমে রমণী পুরুষের সাহায্য করে। ক্ষেত্রে মলিনবাস শ্রমজীবীর পার্শ্বে শ্রমশীলা রমণীর মূর্ত্তি দেখা দেয়; তাহার রঞ্জিত বাস প্রান্তরদৃশ্যে বৈচিত্র্যসঞ্চার করে।

ক্রমে ট্রেণ পর্ব্বতের মধ্যে আসিয়া পড়ে। কোথাও পর্ব্বত কাটিয়া পথ—দুই পার্শ্বে উচ্চ গিরি, মধ্য পথ; গিরিগাত্রে লতাশুল্ক। কোথাও বা শীর্ণ জলধারা শিলা বাহিয়া ঝরিতেছে। কোথাও পর্ব্বতের পথে ঘুরিয়া, কোথাও পর্ব্বতের উপর দিয়া, কোথাও বা খাতপথে বা সুরঙ্গে পর্ব্বতের মধ্য দিয়া বৃহৎ উরগের মত ট্রেণ চলিতে থাকে।

প্রথমে পর্ব্বতাদে বৃক্ষলতাশুল্কের শ্রাম শোভা; ক্রমে গিরিগাত্রে বৃক্ষলতার বিরলতা লক্ষিত হয়। শেষে ট্রেণ যখন গয়ায় আসিয়া উপনীত হয় তখন পর্ব্বতাদে শিলাখণ্ডেরই প্রাচুর্য্য দেখা যায়।

চারি দিকে গণ্ড শৈল গয়ার প্রাকৃতিক সৌন্দর্য্য পরিবৰ্দ্ধিত করিয়াছে। রামশিলা, প্রেতশিলা, ব্রহ্মযোনি—নানা পৰ্ব্বতে গয়া পরিবেষ্টিত। পৰ্ব্বতেষু শিরোদেশে প্রায়ই মন্দির দৃষ্ট হয়।

রামশিলা গয়ার উত্তরে অবস্থিত। এই গণ্ডশৈল ৩৭২ ফিট উচ্চ। ইহার চূড়ায় 'পাতালেস্বর' মহাদেবের মন্দির। মন্দিরের উপরার্ক দেখিয়া পুরাতন বলিয়া মনে হয় না। সম্ভবতঃ প্রাচীন মন্দিরের ভগ্নাবশেষ প্রভৃতি দিয়া ইহা নিৰ্ম্মিত হইয়াছিল। নিম্নাংশে প্রায় ১০ ফিট পুরাতন—সম্ভবতঃ ১০১৪ খৃষ্টাব্দে (১০৭১ সন্থ২) নিৰ্ম্মিত। মন্দিরগাত্রে এই কালপরিচয় উৎকীর্ণ। পূর্বে পৰ্ব্বতে উঠিবার সোপান সুগঠিত ছিল বলিয়া বোধ হয় না। বৰ্ত্তমান সময়ে সুগঠিত সোপানশ্রেণী পৰ্ব্বতমূল হইতে মন্দির পর্য্যন্ত প্রসারিত; ৩১২ টি ধাপ অতিক্রম করিয়া মন্দিরে উপনীত হইতে হয়। এই সোপান-শ্রেণী ১২২২ সালে "টিকারির শ্রীযুক্ত রাজা রণবাহাদুর সিংহ নিৰ্ম্মিত।" সোপানশ্রেণীর সংস্কারের প্রয়োজন হয় নাই; কিন্তু মধ্যপথে বিশ্রামগৃহটির জীর্ণসংস্কার একান্তই প্রয়োজন।

রামশিলা হইতে একটি সুগঠিত রাজপথ আঁকিয়া বাকিয়া প্রেতশিলার পদতল পর্য্যন্ত বিস্তৃত। এই পৰ্ব্বত ৫৪১ ফিট উচ্চ। এই পৰ্ব্বতে প্রেত-শান্তির জন্ত পিণ্ড প্রদত্ত হয়। পৰ্ব্বতোপরি অহল্যাবাইর প্রতিষ্ঠিত মন্দির বিদ্যমান।

গয়ার দক্ষিণে ব্রহ্মযোনি পৰ্ব্বত। ইহাই পুরাণ-প্রসিদ্ধ কোলাহল গিরি। পৰ্ব্বতের উচ্চতা ৪৫০ ফিটের অধিক নহে। পৰ্ব্বতোপরি শক্তিমন্দিরে শক্তির পঞ্চমুণ্ড মূর্ত্তি প্রতিষ্ঠিত। মহারাত্রীর হিন্দু দেব রাও ভাও সাহেবের ব্যয়ে পৰ্ব্বতমূল হইতে মন্দির পর্য্যন্ত সোপানশ্রেণী নিৰ্ম্মিত হইয়াছে। মন্দির-মধ্যস্থিত মূর্ত্তির বেদীতে উৎকীর্ণ শ্লোকে জানা যায়, বেদীটি ১৬৩৩ খৃষ্টাব্দে নিৰ্ম্মিত হইয়াছিল। কিন্তু মূর্ত্তি তত প্রাচীন বলিয়া মনে হয় না। কথিত আছে, শাক্যসিংহ বুদ্ধের অবস্থান অরণীয় করিবার জন্ত বৌদ্ধ সম্রাট অশোক এই গিরিশিখরে ৩০ ফিট উচ্চ একটি প্রস্তর স্তূপ প্রতিষ্ঠিত করিয়াছিলেন। হিউয়েন সাং ৬৩৭ খৃষ্টাব্দে গয়ায় আসিয়াছিলেন। তখন আর সে স্তূপের চিহ্নও বিদ্যমান নাই। তাহার পূর্বেই ব্রহ্মযোনি শৈল হিন্দু তীর্থে পরিণত হইয়াছে।

গয়ায় বাঙ্গালীরা ৪৫ স্থানে পিণ্ডদানাদি করিয়া থাকেন। এই কার্য্য

দীর্ঘকালসাপেক্ষ । তাই আজ কাল অনেকে ফকুর বালুবন্ধে, বিষ্ণুপাদে ও অক্ষয়বটবুলে পিণ্ড দিয়াই গয়ালীর নিকট “সুফল” (সফলতা) লইয়া থাকেন ।

গয়া ফকুর পশ্চিম তীরে অবস্থিত । ফকু পার্কত্যা নদী—অন্তঃসলিলা । নদীগর্ভে বালুবিন্ধ্য—স্থানে স্থানে সামান্য জল বাধিয়া আছে । এই ফকুর পরপার হইতে গয়া সহর অতি সুন্দর দেখায়—কূলে গৃহশ্রেণী—মধ্যে মধ্যে মন্দিরচূড়া । এই সকল মন্দিরের মধ্যে বিষ্ণুপাদ মন্দিরই সর্বপ্রধান । বর্তমান মন্দির বহু দিনের নহে । ইহা অহল্যাবাই কর্তৃক প্রতিষ্ঠিত । শুনা যায়, এই মহারাজ্যীয় রাণী গয়ায় মন্দির প্রতিষ্ঠায় ১৬,০০,০০০ টাকা ব্যয় করিয়াছিলেন । ইহার মধ্যে মন্দিরনির্মাণে ২,০০,০০০ টাকা ব্যয়িত হয় ; অবশিষ্ট অর্থ ব্রাহ্মণদিগকে বিতরণ করা হইয়াছিল ।* এই মন্দির ধূসর প্রস্তরে গঠিত । মন্দিরের সর্বপ্রধান অংশ একটি মণ্ডপ মাত্র । ওচ্ছ ওচ্ছ স্তম্ভোপরি গম্বুজ—প্রতি ওচ্ছ চারিটি স্তম্ভ—স্তম্ভগুলি ছই স্তরে সজ্জিত । গর্ভগৃহ অষ্টকোণ ও চূড়াকৃতি । এই গৃহমধ্যে প্রস্তরে পদচিহ্ন—ইহাই গয়াস্বরের শিরোপরিস্থ ধর্ম্মশিলায় বিষ্ণুর চরণচিহ্ন । মন্দিরের সম্মুখে একটি ক্ষুদ্র গম্বুজে একটি বৃহৎ ঘণ্টা বিরাজিত । ইহা নেপালের রাজমন্ত্রী রণজিত পাণ্ডে কর্তৃক প্রদত্ত । মন্দিরের প্রবেশপথে আর একটি ঘণ্টা আছে—তাহাতে লিখিত, “বিষ্ণুপাদে শিষ্টায় ফ্রান্সিস গিলানডাস কর্তৃক অর্পিত । গয়া, ১৫ই জানুয়ারী, ১৭৯৮” । গিলানডাস বহুদিন গয়ায় যাত্রী-স্বকের তত্ত্বাবধায়ক ছিলেন ।


বিষ্ণুপাদের সন্নিকটে গদাধরের মন্দির । মন্দির-প্রাঙ্গণের উত্তর-পশ্চিম কোণে একটি শীর্ষাতরঙ্গহীন স্তম্ভ আছে । এই স্তম্ভ হইতে পঞ্চকোশ পরিক্রমণের পথ আশ্রয় ।

অদূরে সূর্য্যামন্দির । সূর্য্যদেব সপ্তাশ্ব-বাহিত যানে অসীন । কিছু দূরে “অক্ষয় বট”—মন্দিরটি বিশেষ উল্লেখযোগ্য নহে ।

গয়ায় বহু শিলালিপি পাওয়া গিয়াছে । এই সকলের অধিকাংশই পাল রাজ্যদিগের সময়ের । পাল রাজগণ বারাণসী, মগধ ও বাঙ্গালা শাসন করিতেন । সেনবংশীয় রাজগণ তাঁহাদিগকে বাঙ্গালার প্রভুস্বচ্যুত করিলেও তাঁহারা মুসলমান বিজয়কাল পর্য্যন্ত মগধের অধিপতি ছিলেন ।

* বুকাশন বলেন, মন্দিরনির্মাণে ২,০০,০০০ টাকা ব্যয় হইয়াছিল ।

আর্য্যাবর্ত ।



গয়ায় বৌদ্ধ মূর্তির প্রাচুর্য্য বিস্ময়কর। কিন্তু এই সকল মূর্তি গয়ায় ছিল, কি নিকটবর্তী বুদ্ধ গয়া হইতে আনীত তাহা স্থির করা অসম্ভব।

বাস্তবিক গয়ায় হিন্দুবৌদ্ধ ষাণ্মতপ্রতিঘাতের স্বরূপ নির্ণয় করা অসাধ্য-সাধন। কিন্তুদ্বিতীয় কেনপুঞ্জতলে ঐতিহাসিক সত্যের নীর্ণ ধারার চিহ্ননির্ণয় এত দিন পরে আর সম্ভব নহে। তবে গয়া যে বৌদ্ধ প্রাধিক্যকালে বৌদ্ধ-দিগের প্রচারকেন্দ্র ও পুণ্যতীর্থ ছিল বর্তমান গয়ানগরের উপকণ্ঠস্থিত বুদ্ধ গয়ায় মন্দির, বৃতি, স্তূপ প্রভৃতিই তাহার প্রমাণ।

বৌদ্ধদিগের নিকট সমগ্র ভারতবর্ষে চারিটি তীর্থ বিশেষ সমাদৃত। বৌদ্ধধর্ম এককালে সমগ্র এসিয়ায় সর্বপ্রধান ধর্ম ছিল। এখনও এসিয়ায় নানা রূপে তাহার বিস্তার সামান্য নহে। বিশেষ বৌদ্ধধর্ম এসিয়ায় শিল্পে ও সাহিত্যে যে প্রভাব অঙ্কিত করিয়াছে তাহা অক্ষয় বলিলেও অত্যাুক্তি হয় না—কারণ, বহু শতাব্দীর রাষ্ট্রনৈতিক ও সামাজিক পরিবর্তনেও তাহার বিলোপ সংসাধিত হয় নাই। এই চারিটি স্থান সেই ধর্মের প্রবর্তক ও প্রথম প্রচারক শাক্যসিংহের জীবনের চারিটি ঘটনার লীলাভূমি; (১) কপিলবস্ত—বুদ্ধের জন্মস্থান, (২) উকবিষ—বুদ্ধের সন্ন্যাসভূমি, (৩) বারাণসী—বুদ্ধের প্রথম ধর্ম প্রচারস্থান, (৪) কুশী—বুদ্ধের নির্বাণ-লাভভূমি। পঞ্চদশশত বৎসর বৌদ্ধগণ এই চারিটি তীর্থে গমন করিতেন। ইহাদিগের মধ্যে আবার উকবিষ ও বারাণসী সমধিক সমাদৃত ছিল। বর্তমান কালে বৌদ্ধধর্ম ভারত হইতে বিতাড়িত হইয়াছে বলিলেও অত্যাুক্তি হয় না। এক নেপালে সে ধর্ম আত্মপরিচয় দিতে পারে, অজ্ঞাত তাহা ক্রিয়াকলাপে বিকৃত অবস্থায় আত্মগোপন করিয়া আছে। বৌদ্ধধর্ম যে হিন্দুধর্ম হইতে সম্পূর্ণ স্বতন্ত্র—তাহা যে হিন্দুধর্মেরই শাণা নহে, এমন কথা নিঃসংশয়ে বলা যায় না। বৌদ্ধ পুরাণে পূর্ববর্তী বুদ্ধের উল্লেখ আছে, উত্তরকালে বৌদ্ধধর্ম হিন্দুধর্মের অঙ্গীভূত হইয়াছে। কিন্তু নূতন ধর্মমত প্রচারিত হইলেই প্রচলিত ধর্মমতের সহিত তাহার বিরোধ অনিবার্য্য। যখন রাজ্যত্যাগী রাজপুত্রের প্রচারিত ধর্ম প্রচলিত ক্রিয়া-কাণ্ডের নিন্দা করিয়া—বর্ণাশ্রমের মূল শিথিল করিয়া—গৃহস্থকে গৃহত্যাগী করিয়া—শত শত নরনারীকে নির্বাণের কথা শুনাইতে লাগিল—আর নরনারী চূতকুলগন্ধাকর্ষণ মধুমক্ষিকার মত সেই ধর্মমতে আকৃষ্ট হইতে লাগিল তখন হিন্দু সমাজ যে চঞ্চল হইয়াছিল তাহাতে সন্দেহ নাই।

রাজাহুগৃহীত হিন্দু সমাজের সে চাকল্য যে একান্তই নির্বিরোধীভাবে আত্মপ্রকাশ করিয়াছিল এমনও বোধ হয় না । দৃষ্টান্ত স্বরূপে রাজা শশাঙ্কের বৌদ্ধনিপীড়নের উল্লেখ করা যাইতে পারে । ষাণ্ডের প্রতিঘাত কিরূপ হইয়াছিল সে কথা উল্লেখ ইতিহাসে নাই । কিন্তু শিলালিপি ও শিল্পনিদর্শন সে বিষয়ে আর অধিক দিন সত্য গোপন রাখিতে পারিবে কি না সন্দেহ ।

ইহার পর বৌদ্ধ শ্রমণগণ ভূবারমণ্ডিত হিমগিরি অতিক্রম করিয়া, গুলজ্বা সাগর লঙ্ঘন করিয়া, মরু পার হইয়া যে সকল দেশে ধর্ম্মপ্রচার করিয়াছিলেন সে সকল দেশে স্বীয় ধর্ম্মমত প্রতিষ্ঠার কল্পনাও বোধ হয় শাক্যসিংহের মনে উদ্ভিত হয় নাই । কিন্তু ভারতে বৌদ্ধধর্ম্মের অধঃপতন আরম্ভ হইয়াছিল । শাক্যসিংহ ধর্ম্মমত প্রচার করিয়াছিলেন, কিন্তু সমাজে তাহাকে স্থায়ী করিবার ব্যৱস্থা করেন নাই । রাজ্যত্যাগী রাজপুত্রের আদর্শেও উপদেশে যে ধর্ম্মমত বিস্তারলাভ করিয়াছিল ; সাধারণের বোধ্য ভাষায় যে ধর্ম্মমতের সার সত্য প্রচারিত হইত*, শাক্যসিংহের মৃত্যুর সঙ্গে সঙ্গে তাহা ব্রাহ্মণ্য ধর্ম্মের আঘাতে দুর্বল হইতে লাগিল । এদিকে সে ধর্ম্মে ক্রিয়াকাণ্ডের প্রবর্ত্তন হইতে লাগিল । বিগুহ জ্ঞানে ও ধ্যানে জনসাধারণের চিত্তাকর্ষণ অসম্ভব ; অজ্ঞানের জন্ত দৃশ্যমান আদর্শের প্রয়োজন হয় । হিন্দুর সাকামোপাসনা সেই জন্তই নিরাকারের স্বভাবভবের সোপান । যে বৌদ্ধধর্ম্ম হিন্দুধর্ম্মের পৌত্তলিক ব্যবহারের বিরোধী হইয়াছিল সেই বৌদ্ধধর্ম্মই ক্রমে মূর্ত্তি-পূজার প্রবর্ত্তন হইল ; বুদ্ধ, বোধিসত্ত্ব, পৃথিবী প্রভৃতি দেবদেবীর পূজা আরম্ভ হইল । বৌদ্ধদিগের বিহার ছিল—মন্দির ছিল না । প্রসিদ্ধ শ্রমণগণের দেহভস্মের রক্ষার্থ গৃহ নির্মিত হইতে লাগিল । প্রথমে সে সকল গৃহ কারুকার্য্যহীন ছিল—ক্রমে তাহাতে পরিবর্ত্তন লক্ষিত হইতে লাগিল—কারুকার্য্যের বাহুল্য তাহার অভাবের স্থান অধিকার করিতে লাগিল । চৈত্যাগারে মূর্ত্তির স্থান হইল—চৈত্যমধ্যে মূর্ত্তি প্রতিষ্ঠিত হইতে লাগিল । বিগুহ জ্ঞানের গৃহে তাত্ত্বিক ক্রিয়াকাণ্ড প্রবেশাধিকার পাইল । সঙ্গে সঙ্গে ব্রাহ্মণ্য ধর্ম্ম প্রবল হইতে লাগিল । শেষে শঙ্কর-বিজয়ে বৌদ্ধধর্ম্ম ভারত হইতে অন্তর্হিত হইল । মাতৃকল্পা মহাপ্রজাপতির সনির্ভর অনুরোধে মহিলাদিগকে স্বীয় প্রবর্ত্তিত

ধৰ্ম্মে দীক্ষিত করিবার সময় শাক্যসিংহ প্রিয় শিষ্য আনন্দকে বলিয়াছিলেন,—আনন্দ, এই ধৰ্ম্মে যদি রমণীর প্রব্রজ্যার ব্যবস্থা না থাকিত, তবে ইহা দীর্ঘকাল স্থায়ী হইত—সহস্র বৎসর অটুট থাকিত ; কিন্তু যখন ইহাতে রমণীর প্রবেশাধিকার হইল তখন ইহা দীর্ঘকাল স্থায়ী হইবে না—ইহার পরমায়ু পঞ্চাশতবর্ষের অধিক হইবে না। শঙ্কর-বিজয়ে শাক্যসিংহের সেই ভবিষ্যৎ বাণী সফল হইল।

কিন্তু তখন বৌদ্ধ মত সিংহদ্বারপথে হিন্দুসমাজে প্রবেশ করিতে না পারিলেও পশ্চাতের দ্বারপথে সে সমাজে প্রবেশ করিয়াছে। ক্রমে বৌদ্ধধর্ম্ম হিন্দু ধর্ম্মের উদার বক্ষে স্থায়ী স্থান লাভ করিল ; বৌদ্ধ তীর্থে হিন্দুর তীর্থে পরিণত হইল ; শাক্যসিংহ হিন্দুর অবতারমধ্যে পরিগণিত হইলেন। জয়দেবের শ্লোকে বুদ্ধের বর্ণনা—

“নির্ম্মসি বজ্র-বিধেরহহ শ্রুতি-জাতঃ

সদয়-হৃদয় দর্শিত-পদ্ম-দ্যাতঃ

কেশব ধৃত-বুদ্ধ-শরীর, জয় জগদীশ হরে।”

নিন্দা কর শ্রুতিজাত বজ্রবিধিচয়

লক্ষ্য করি' পদ্মদ্যাত সদয়-হৃদয়,

কেশব উরিলা যবে বুদ্ধরূপ ধরি'।

জয় জয়; তব জয়, জগদীশ হরি।

• শাক্যসিংহের জীবনকথা সম্বন্ধে ‘ললিত বিস্তর’ বিশেষ প্রামাণ্য পুস্তক। তাহাতে প্রকাশ, ব্যাধিত, জরাগ্রস্ত ও মৃত মানব দেখিয়া শাক্যসিংহ সংসারের অনিত্যতা উপলব্ধি করেন ; এবং মানবকে এই সকল স্বাভাবিক বিকারযুক্ত করিবার জন্য কৃতসঙ্কল্প হইয়া প্রাসাদ পরিত্যাগ করিয়া প্রব্রজ্যা গ্রহণ করেন। সন্ন্যাসীর চিন্তে শান্তি বিরাজিত মনে করিয়া তিনি সেই শান্তির সন্ধানে সন্ন্যাসী হইলেন। তিনি প্রথমে কোন শাক্য ব্রাহ্মণীর আশ্রমে উপনীত হইলেন ও তথা হইতে পদ্মার আলয়ে আশ্রয় গ্রহণ করেন। ইহার পর তিনি ব্রহ্মর্ষি রৈবতের ও রাজকের আশ্রম হইয়া ক্রমে বৈশালী নগরে কোন প্রসিদ্ধ পণ্ডিতের শিষ্য স্বীকার করেন। সে শিক্ষায় সন্তুষ্ট হইতে না পারিয়া তিনি রাজগৃহে আসিয়া পাণ্ডব পর্বতে অবস্থান করিয়া সপ্ত শত শিষ্যবেষ্টিত রুদ্ধকের শিষ্য হইলেন। তাহার শিক্ষাতেও শাক্যের অসুসন্ধিৎসা পরিতৃপ্ত হইল না। তখন তিনি


গয়ায় গমন করেন। ক্রন্দকের আর পাঁচজন শিষ্য তাঁহার সহগামী হইলেন। গয়ায় বা ব্রহ্মযোনি পৰ্ব্বতে অভীষ্মিত কার্য্যের সুবিধা নাই দেখিয়া তিনি নিকটবর্তী উরুবিশ্ব গ্রামে উপনীত হইলেন এবং বড়বার্ষিক ব্রত পালন করেন। ব্রত উজ্জাপন করিয়াও যখন তিনি শাস্তি পাইলেন না, তখন তিনি বুঝিলেন, তিনি যে পথ অবলম্বন করিয়াছেন সে পথ প্রকৃত পথ নহে। তিনি আহার্য্যের সন্ধানে বাহির হইলেন। তাহা দেখিয়া তাঁহার পঞ্চশিষ্য তাঁহাকে ত্যাগ করিয়া গেল। আহার্য্যের জন্ত গৃহস্থের দ্বারে বাইতে হইলে বসনাবৃত হইতে হয়। তাঁহার জীর্ণ বাস নষ্ট হইয়াছিল। তিনি স্থানে শবদেহ হইতে বসন সংগ্রহ করিলেন।

তাহার পর নিরঞ্জনর জলে স্নানে স্নিগ্ধ ও সুজাতাপ্রদত্ত আহার্য্যে পরিভূষ্ট হইয়া তিনি বোধিজ্ঞানতলে প্রাণপণ করিয়া বুদ্ধিসাধনার প্রবৃত্ত হইলেন। মারপ্রদর্শিত সকল প্রলোভন পরিহার করিয়া তিনি এই স্থানে দিব্য জ্ঞান লাভ করেন; এবং এই স্থান হইতেই তিনি অজ্ঞানতমসাক্ষর অগৎকে জ্ঞানজ্যোতিতে ভাস্বর করিবার জন্ত বারানসী অভিমুখে যাত্রা করেন।

এই উরুবিশ্বই বর্তমান বুঢ় গয়া।

এই স্থানে শাক্যসিংহ বুদ্ধ লাভ করিয়াছিলেন, তাই উক্তর কালে বৌদ্ধ নৃপতিবৃন্দ বুঢ় গয়ায় বুদ্ধের অবস্থান অরণীয় করিবার জন্ত অকাতরে অর্থব্যয় করিয়া উরুবিশ্বকে স্থাপত্য ও ভাস্কর্য্য সৌন্দর্য্যে অতুলনীয় করিতে প্রয়াস পাইয়াছিলেন। এখনও তাহার নিদর্শন বিশ্ববাসীকে মুগ্ধ করিতেছে। এখনও ব্রহ্ম, সিংহলাদি বৌদ্ধপ্রধান স্থান হইতে বহু যাত্রী এই পুণ্য ভীর্থে সমাগত হইয়া থাকে। কিন্তু বুঢ় গয়া হিন্দু মোহান্তের অধিকারে—হিন্দুর ভীর্থে পরিণত।

ଆର୍ଯ୍ୟାବର୍ତ୍ତ



ବୁଦ୍ଧ ଗୟାର ମନ୍ଦିର

Engraved & Printed by K. V. Seyne & Bros.

সমাজনীতি।

প্রাচ্য ও প্রতীচ্য।

প্রতীচ্য ভূখণ্ডে “শক্তিশালীর প্রাধান্ত” বা “Survival of the fittest” বলিয়া একটা কথা আছে। শুধু কথায় নহে, প্রতীচ্যবাসিগণের রাষ্ট্রীয় জীবনের প্রতি কার্যে, সমাজের প্রতি স্তরে, পারিবারিক প্রতিষ্ঠানের প্রতি অণু-পরমাণুতে ইহা এমনই স্বনিষ্ঠ ভাবে বিজড়িত রহিয়াছে যে, যে দিকেই দৃষ্টিপাত করা যায়, এই ভাবটি অতি উজ্জল ভাবে চক্ষুর সম্মুখে প্রতিভাত হইয়া আমাদের ইহার অভিত সর্বত্র উপলব্ধ করাইয়া দেয়।

প্রধানতঃ পশ্চিমতেই আমরা এই প্রাধান্তনীতির দৃষ্টান্ত স্পষ্ট দেখিতে পাই। সিংহ মৃগশূকরাদি প্রাণী ধরিয়া আহার করে, যুধপতি প্রতিদ্বন্দীর ভয়ে সর্বদাই সজ্জত থাকে। ডারউইনের মতে বানর আত্মরক্ষার্থ অনন্তোপায় হইয়া বৃক্ষ হইতে বৃক্ষান্তরে লক্ষ প্রদানকৌশল শিক্ষা করিয়াছে; বাজ, চিল প্রভৃতি হিংস্র পক্ষীর নিষ্ঠুর আক্রমণে অনেক প্রাণীকেই অকালে জীবলীলা সম্বরণ করিতে হয়। “শক্তিই আমার স্বয়ং” এই নীতির বিষময় ফল বৃষ্টিতে অক্ষমতা প্রযুক্ত ইতর প্রাণীরা নিজ নিজ প্রকৃতিজাত ব্যবহার সংযত করিতে পারে নাই সত্য; কিন্তু বিধাতার শ্রেষ্ঠ সৃষ্টি মানবগণ এই অনিষ্টকর নীতির দোষগুণ অবগত হইয়াও কি আপনাদের কার্যকলাপে অপেক্ষাকৃত উদার নীতি অবলম্বন করিতে পারিয়াছে? শুধু জীবন ধারণের জন্য নহে, নিকট আমোদপ্রমোদের প্রলোভনের বশবর্তী হইয়াও, আমরা যে সব নিষ্ঠুরতার দৃষ্টান্ত প্রদর্শন করি, তাহা ভাবিলে অনেক সময় আমাদের সভ্যতায় ধিকার আসিয়া পড়ে। প্রকৃত পক্ষে অস্তিত্ব প্রাণী হইতে মানবই “শক্তিশালীর প্রাধান্ত” এই নীতির শ্রেষ্ঠ উপাসক! কিন্তু ইতর প্রাণীদিগের সহিত ব্যবহারে মানব যে নীতিই অবলম্বন করুক না কেন, স্বকীয় মঙ্গলার্থ তাহাকে সমাজে থাকিয়া অনেক সময়েই সংযত হইয়া চলিতে হয়। সমগ্র মানবজাতির অন্তর্ভুক্ত বিভিন্ন সমাজের বিভিন্ন প্রকার নৈতিক ধারণার বশবর্তী হইয়া পৃথক পৃথক জাতিকে স্ব স্ব সুবিধামুগ্ধ নিজ নিজ সমাজে জায়ের বিধান বদ্ধমূল করিয়া লইতে হইয়াছে। পাশ্চাত্য দেশবাসিগণ এক দিকে চলিয়াছেন, আর আমরা প্রাচ্যদেশবাসী ভিন্ন পন্থা অবলম্বন

করিয়াছি। এই দুই পন্থার বিশেষত্ব প্রদর্শন করাই এই প্রবন্ধের মূখ্য উদ্দেশ্য।

প্রথমেই উক্ত হইয়াছে যে, “শক্তিশালী প্রাধাত্য” এই নীতির উপরেই পাশ্চাত্য রাষ্ট্রীয়, সামাজিক, ও পারিবারিক জীবন গঠিত। আমরা পৃথক পৃথক ভাবে এই তিনটির আলোচনা করিব। প্রথমতঃ রাষ্ট্রীয় জীবন। যুরোপ আজকাল শক্তিশালী, সমাগরা পৃথিবী তাহার পদানত। কিন্তু যুরোপের রাষ্ট্রীয় জীবন কোন্ রীতি অবলম্বনে চলিতেছে ? যুরোপ আমেরিকা অবিকৃত করিল কিন্তু সঙ্গে সঙ্গে তথাকার আদি অধিবাসীদিগের ধ্বংস সাধিত হইল। আফ্রিকার অনেক প্রদেশে সেই সেই প্রদেশের লোকদিগের চিহ্নমাত্রও বিদ্যমান নাই। পাশ্চাত্য দেশে “কালো আদমির” প্রবেশ সহজসাধ্য নহে। এই সব কিসের অভিব্যক্তি ? “শক্তিই আমার স্বত্ব,” “তুমি অশক্ত অতএব তোমাকে পৃথিবী হইতে বিদায় লইতে হইবে” যুরোপ এই নীতির বিজয় ঘোষণা করিতেছে যাত্র।

‘তাহার পর সামাজিক জীবন। যুরোপে জাতিভেদ প্রথা বর্তমান না থাকিলেও স্ব স্ব অবলম্বিত বৃত্তি অনুযায়ী লোকদিগকে ভিন্ন ভিন্ন সম্প্রদায়ে বিভক্ত হইতে হইয়াছে ; যথা তত্ত্বাবয় সম্প্রদায়, কর্মকার সম্প্রদায় প্রভৃতি। কিন্তু এই সব সম্প্রদায়ভুক্ত লোকদিগের বৃত্তির স্থিরতা আছে কি ? আজ যদি কোন দেশে বর্তমান বয়স প্রণালী হইতে উৎকৃষ্টতর কোন প্রথা আবিষ্কৃত হয়, তবে ম্যান্‌চেষ্টারের তত্ত্বাবয় সম্প্রদায়ের ধ্বংস সাধিত হইবে। ঐ সম্প্রদায়ের কাহার কি হইল, কয়জন অনাহারে প্রাণত্যাগ করিল, তাহার দিকে কেহ ফিরিয়া দৃষ্টিপাত করিবে কি ? অর্থাৎ আমি শক্তিশালী, অতএব আমাকে প্রাধাত্য করিতে দাও। তুমি যে দিন সমর্থ হইবে, আমাকে গলা টিপিয়া মারিয়া ফেলিও—সমাজ ইহাই ঘোষণা করে।

শেষ পারিবারিক জীবন। আমরা তাই, এক মাতৃগর্ভে জন্মগ্রহণ করিয়াছি, একত্র প্রতিপালিত হইয়াছি। কিন্তু তুমি যদি দৈবগতিতে প্রতিষ্ঠাপন্ন হইতে না পার, তাহাতে আমার কিছুই ভাবিবার নাই। আমি সুখ ও ঐশ্বর্য উপভোগ করিব, তোমার জন্ম আমি কিছু করিতে বাধ্য নহি। পাশ্চাত্য পারিবারিক জীবন এইরূপ ভাব লইয়া গঠিত।

প্রত্যেক কার্যেই দোষগুণ উভয়ই আছে ; এই “প্রাধাত্য নীতিতে”ও তাহার ব্যতিক্রম ঘটিতে পারে না। রাষ্ট্রীয় জীবনে এই নীতি অবলম্বন

করাতেই য়ুরোপ আজ পৃথিবীতে আধিপত্য করিতেছে। সামাজিক জীবনে এই নীতি অবলম্বন করাতে, প্রত্যেকেই শ্রেষ্ঠতর কিছু অবিকার করিয়া স্তরের উপর প্রাধান্য-লাভের চেষ্টা করিতেছে; ইহাতেই শ্রমশিল্পে য়ুরোপ বর্তমান যুগে প্রধান। আর পারিবারিক জীবনে এই নীতি অবলম্বিত হওয়াতে প্রত্যেকেই স্বীয় সামগ্যের উপর নির্ভর করিয়া জীবিকা অর্জনের চেষ্টা করিতেছে। তাহাতে সমগ্র জাতিটা উত্তরোত্তর উন্নতির পথে অগ্রসর হইতেছে। কিন্তু কোন জাতি বিশেষের উন্নতি বা অবনতি লইয়া আলোচনা করা এই প্রবন্ধের উদ্দেশ্য নহে। কোন জাতি কতটা উদার ভাব পোষণ করে এবং সার্বজনীন ভ্রাতৃত্বাবে কাহার কতটুকু দিবার আছে, তাহা প্রদর্শিত করাই আমাদের উদ্দেশ্য।

এখন আমাদের দিকে দৃষ্টিপাত করা যাউক। আর্য্যগণ মধ্যে এসিয়া হইতে উত্তর-পশ্চিম প্রান্তসীমা দিয়া যখন এ দেশে প্রবেশ করেন, তখন দ্রাবিড়, ভীল প্রভৃতি অপেক্ষাকৃত অসভ্য জাতি ভারতবর্ষে বাস করিত। আর্য্যগণের সহিত যুদ্ধে তাহারা পরাজিত হইল; আর্য্যগণ তাহাদিগের পরিত্যক্ত দেশগুলি অধিকার করিয়া বসিলেন; অসভ্যগণ একটু দক্ষিণে সরিয়া নির্ব্বিবাদে বসবাস করিতে লাগিল। এইরূপে সরস্বতীতীরে প্রথম আর্য্য উপনিবেশ স্থাপিত হয়। কিন্তু আর্য্যগণ তখন কি করিয়া ছিলেন? যোর কৃষকায় অসভ্যদিগের মধ্যেও বাহারা তাঁহাদের বস্ত্রতা স্বীকার করিল, তাঁহারা তাহাদিগকে আপনাদিগের সমাজভুক্ত করিয়া লইলেন। ইচ্ছা করিলেই তাঁহারা অসভ্যদিগের উচ্ছেদসাধন করিতে পারিতেন; কিন্তু “শক্তিশালী প্রাধান্য” তাঁহাদের মূলমন্ত্র না হইয়া “দুর্ব্বলের রক্ষা” তাঁহাদের নীতি বাক্য হইয়াছিল। হিন্দু সমাজ আজ পর্য্যন্ত সেই নীতি বাক্যকে আপনার অস্তিত্বের সঙ্গে জড়াইয়া রাখিয়াছে।

আর্য্যদিগের রাষ্ট্রীয় জীবন সম্বন্ধেই প্রথমে আলোচনা করা যাউক। সরস্বতীতীরে যখন তাঁহাদের বংশ এত বৃদ্ধি পাইল যে, তখন আর তাঁহাদের স্থানসম্মুলান অসম্ভব হইয়া উঠিল, তখন তাঁহারা আবার দেশজয়ে বহির্গত হইলেন। কিন্তু যতটুকু স্থান তাঁহাদের প্রয়োজন, কেবল ততটুকু অধিকার করিয়াই—তাঁহারা নিশ্চেষ্ট রহিলেন; অধিকন্তু অপরের লজ্জাও আপন সমাজে উপযুক্ত স্থাননির্দেশ করিয়া দিলেন। এইরূপে আপনাদিগের আবশ্যক বোধে বহু শতাব্দীর অভিযানের ফলে তাঁহারা দ্রাবিড় প্রভৃতি জাতিকে বিজ্যাচলের

পরপারে রাখিয়া আসিলেন ; কিন্তু আর অগ্রসর হইলেন না । “বিক্র্যাচলের দক্ষিণে আর্য্য বাইবেন না” এইরূপ একটা নিবেদনাক্য রচনা করিয়া তাঁহার ভবিষ্যত বংশধরগণকেও দক্ষিণাভিমুখী হইতে নিবেদন করিয়া দিলেন । বোধ হয় তখন তাঁহার ভবিষ্যদ্বাণী ছিল, “আর লোকপীড়ন করিবার প্রয়োজন নাই, এই বিস্তীর্ণ আর্য্যাবর্ত্তই আমাদের পক্ষে যথেষ্ট ।” যদি “শক্তিই আমার স্বৰ্ঘ” ইহাই আর্য্যদিগের অবলম্বিত নীতি হইত, তবে হিমালয় হইতে বিক্র্যাচল পর্যন্ত আসিতে তাঁহাদের এত দীর্ঘকাল অতিবাহিত হইত না । ইতিহাসের আলোচনা করিলে দেখা যায়, আর্য্যগণ ধীরে ধীরে অগ্রসর হইয়াছিলেন ; যেন নিত্য প্রয়োজনে তাঁহাদিগকে অভিবান করিতে হইয়াছিল । আবার তাঁহার বিজিতদিগকে আপনাদিগের সমাজে আশ্রয়সাৎ করিয়াছিলেন ।

দ্বিতীয়তঃ—আর্য্যদিগের সামাজিক জীবন । জাতিবিভাগ আজকাল একটা মহা অনর্থের মূল বলিয়া কীৰ্ত্তিত হইতেছে ; কিন্তু কি উদ্দেশ্যে ইহা গঠিত হইয়াছিল, তাহা ভাবিলে আর্য্যবুদ্ধির প্রশংসা না করিয়া থাকা যায় না । এক ব্যবসারে অধিকার জাতিবর্ণনির্কির্ষে সর্বসাধারণের পক্ষে উন্মুক্ত করিয়া দিলে, বাহারা অশক্ত তাহাদের দাঁড়াইবার স্থান হয় না ; পাছে নিত্য অক্ষম, দুর্বল ব্যক্তিও প্রতিদ্বন্দ্বিতায় ভিত্তিতে না পারিয়া উপায়হীন হইয়া পড়ে, এই জন্য আর্য্যগণ সমাজকে ভিন্ন ভিন্ন অংশে বিভক্ত করিয়া প্রত্যেকের জন্য পৃথক পৃথক বৃত্তি নির্দিষ্ট করিয়া দিলেন । নিয়ম হইল যে, কেহই জাতিগত ব্যবসা পরিত্যাগ করিয়া অন্য ব্যবসায় অবলম্বন করিতে পারিবে না । সমাজের অতি হেয় ব্যক্তির জন্যও এত সতর্কতা শুধু এই রক্ষণশীল সমাজেই সম্ভবপর । ভিন্ন ভিন্ন সমাজে বিভক্ত এই জাতি কিরূপ নির্কির্ষবাদে উন্নতির পথে অগ্রসর হইয়াছিল, তাহা ইতিহাস পাঠে অবগত হওয়া যায় । ইহার ফলে বৃত্তিবিকাশে বিশেষ সহায়তা হইয়াছিল ।

আর্য্যদিগের পারিবারিক জীবনের আলোচনা করিলে দেখা যায়, এক পরিবারে বহু ব্যক্তিকে লইয়া একত্র বাস করা আমাদের প্রচলিত প্রথা । রক্ষণশীল নীতি হইতেই ইহার উৎপত্তি হইয়াছে । আমি বহুলভায় জীবন অতিবাহিত করিয়া বাইব, আর আমার আত্মীয় অক্ষম বিধায় লোকের দ্বায়ে ভিক্ষা করিয়া কালাতিপাত করিবে, ইহা আমাদের নিকট স্বপ্ন ।

তাই আমরা সক্ষম, অক্ষম সকলে একীভূত হইয়া একই পরিবারে আসিয়া আশ্রয়স্থান খুঁজিয়া লই। হিন্দুসমাজে দেখা যায়, এক ব্যক্তি সঙ্গতিপন্ন হইলে দূরবর্তী আশ্রয়ের ত কথাই নাই, পাড়াপ্রতিবেশীও আসিয়া তাঁহার আশ্রয়ে প্রতিপালিত হইয়া থাকে।

এই উদারতার যেমন গুণ আছে তেমনই দোষও আছে। রাষ্ট্রীয় জীবনে “শক্তিই আমার স্বৰ্গ” এই নীতি অবলম্বন না করাতে ভারতবর্ষ কখনও এক রাজ্যের অধীনে দৃঢ়রূপে গঠিত পারে নাই। সামারগমহাভারতে দেখিতে পাই, ভারতবর্ষ প্রায় শতাব্দিক রাজ্যে বিভক্ত ছিল। এই সকল রাজ্যের রাজগণ যে, অপেক্ষাকৃত নির্বিবাদে রাজত্ব করিয়া গিয়াছেন, তাহা তাঁহাদের রাজ্যবিস্তারলালসার অভাবই বিজ্ঞাপিত করিয়া থাকে। কিন্তু যদি কোন রাজা অগ্ৰাণ্ড রাজ্যগুলি স্বীয় আয়তাবলীন করিয়া রাজহত্যা ও লোকপীড়ন পূর্বক নিজ অদমনীয় রাজ্যপিপাসার শান্তি করিতেন, এবং দিগ্বিত রাজ্যকে সর্বতোভাবে ভাঙ্গিয়া চুরিয়া নিজ সাম্রাজ্যভূক্ত করিয়া লইতেন, তবেই আমরা এ দেশে দীর্ঘকালস্থায়ী রাজবংশ সকলের অস্তিত্ব উপলব্ধি করিতে পারিতাম। মহারাজ অশোক প্রথমজীবনে এই কার্য কিছু করিয়াছিলেন সত্য, কিন্তু উত্তরকালে “অহিংসা পরমো ধর্ম” নীতি অবলম্বন করিয়া তিনি পথান্তর গ্রহণ করেন।

আর্যাদিগের সামাজিক জীবন “শক্তিশালী প্রাধান্য” এই নীতির উপর গঠিত না হওয়ায় সমাজের অনিষ্ট সাধিত হইয়াছিল। ভারতবর্ষে এ দেশে প্রায় সমস্ত ক্ষত্রিয় রাজগণের বিনাশ সাধিত হইয়াছিল; ভারতের তৎ-পরবর্তী ইতিহাস বড়ই অপরিষ্কৃত। আর্য বীরত্ব প্রায় দেড় সহস্র বৎসর পরে পুনরায় রাজপুতানার ইতিহাসে দেখিতে পাই। এইরূপে যদি কোন প্রকারে কোন সাম্রাজ্যের ধ্বংস সাধিত হয়, তবে জাতিভেদ প্রধায় গঠিত সমগ্র সমাজটা তাহার অভাবে অনেকটা নানিয়া পড়ে। তাহার পর প্রত্যেক সাম্রাজ্যের বৃত্তি নির্দিষ্ট থাকাকে তদন্তর্গত লোকগণ প্রতিদ্বন্দ্বিতার অভাবে ইসপের গল্পের ধরগোসের মত খুঁমাইবার অনেকটা অবসর পাইয়াছিল। তাহাতেই আমাদের দেশে শ্রমশিল্প আশাহুরূপ উন্নতিলাভ করিতে পারে নাই। এখন প্রবল প্রতিদ্বন্দ্বীর সন্মুখীন হওয়াতে তাহা একেবারে লোপ পাইয়া গিয়াছে বলিলেও হয়।

অবশেষে আর্যাদিগের পরিবারগঠন। রক্ষণনীতির প্রবর্তন হওয়াতে

পরিবারে অনেক নিশ্চেষ্ট পুরুষের স্থান হইয়াছে । ইহা জাতির উন্নতির পক্ষে বিশেষ অন্তরায় ।

কিন্তু এই সকল দোষ সত্ত্বেও হিন্দুগণ তিন চারি সহস্র বৎসর কিরূপে জ্ঞানে ও বিজ্ঞানে অগতির গীর্ধ স্থানে অধিষ্ঠিত ছিলেন, তাহাই চিন্তার বিষয় । আমাদের পক্ষে এখন আর সে স্থান অধিকার করিয়া থাকা সম্ভব নহে কেন ? পরিবর্ত্তন আমাদের শিক্ষার ও দীক্ষার ।

কিন্তু আজও হিন্দু সমাজের একপ্রাণতা শিথিলতার জিনিষ । এত বড় একটা প্রকাণ্ড মহাসত্ত্ব, কত শত সহস্র লোকের মিলনক্ষেত্র, অথচ ইহার অন্তর্ভুক্ত অতি দুর্ব্বল প্রাণীর সুখের জন্যও সমাজ বেকল্প সতর্কতার সহিত অগ্রসর হইয়াছে, তাহা বস্তুতঃই মহান্ এবং বিন্ময়কর । বাহ্যর দৃশ্য আছে, সে-ই ইহার উদারতা উপলব্ধি করিতে পারে ।

শ্রীমণীশ্রমোহন বসু ।

বিদায় ।

জননী চাহিয়া আছে দূর নভো-পানে,
প্রবাসী পুত্রের তরে, আকুল পরাণ ।
মনে পড়ে, বিদায়ের সঙ্কল্প ছবি,
মনে পড়ে, সেই ছুটি কাতর নয়ান,
অশ্রুতার সমাকুল । স্নানমুখে আসি'
নীরবে নমিলা যবে চরণের তল ;
কুটিল না কোন কথা, চাহি' মুখপানে,
স্নেহভরা দুটি অঁধি করে ছল ছল ।

শ্রীমতী লাবণ্যময়ী বসু ।

কর্ণেল স্কিনার।

—:—

অষ্টাদশ শতাব্দীর শেষ ভাগে যখন ধ্বংসোন্মুখ মোগল সাম্রাজ্য হস্তগত করিয়া ভারতের সম্রাট হইবার বাসনার নানা দিকে নানাধন নানারূপ চেষ্টা করিতেছিলেন তখন প্রধানতঃ রোহিলা ও মহারাষ্ট্রীগণই দিল্লীর মোগল সম্রাটকে “সাক্ষীগোপাল” করিয়া প্রথমে তাঁহার নামে রাজ্য-শাসন করিয়া পরে—ক্রমশঃ ভারতসাম্রাজ্য আত্মসাৎ করিবার চেষ্টায় ব্যাপৃত ছিলেন। এই বিষয়ে মাধোজী সিদ্ধিয়াই সর্বাপেক্ষা সফলপ্রযত্ন হইয়াছিলেন। তিনি দিল্লীশ্বরের নামে ভারতসাম্রাজ্য শাসন করিয়াছিলেন। এই সময়ে যুরোপীয় বিভিন্ন বণিক সম্প্রদায়ও ভারতে সাম্রাজ্য সংস্থাপনের সুযোগ দেখিয়া স্থির থাকিতে পারেন নাই। চারি দিকেই ক্ষুদ্র ক্ষুদ্র স্বাধীন রাজ্য সংস্থাপন চলিতেছিল। যুরোপীয়দিগের যুদ্ধপ্রণালী দেখিয়া সকলেই বুঝিয়াছিলেন, তাহাদিগের মত অশিক্ষিত সৈন্য না পাইলে তাহাদিগের সমকক্ষ হওয়া দুষ্কর। তাই ভারতবাসী স্বাধীন রাজারা যুরোপীয় যোদ্ধৃগণের আদর করিতেন। আর লাভের আশায় অনেক যুরোপীয় তাঁহাদিগের সেনাদলে কার্য করিয়া অর্থ ও যশ লাভ করিয়াছিলেন। ইতিহাসের আলোচনা করিলে স্পষ্টই প্রত্যত হয়—ইংরাজ মুসলমানের নিকট হইতে ভারত জয় করেন নাই ; ভারতে সাম্রাজ্যসংস্থাপনে তাঁহাদিগকে প্রধানতঃ মাহারাষ্ট্রীয় ও শিব-দিগের সহিত যুদ্ধ করিতে হইয়াছিল। সে সময় ইংরাজ না আসিলে ভারতবর্ষ আবার হিন্দুর শাসনাধীন হইত। যে সকল যুরোপীয় অর্থলোভে ভারতীয় সেনাদলে নেতৃত্ব করিয়াছিলেন, স্কিনার তাঁহাদিগের অন্ততম।

১৭৭৮ খৃষ্টাব্দে জেমস্ স্কিনারের জন্ম হয়। তাঁহার পিতা তখন কোম্পানীর সেনাদলে এনসাইন। স্কটল্যান্ড তাঁহার জন্মভূমি। চেংসিংহের সহিত যুদ্ধকালে তিনি মৃগাপুর অঞ্চলের কোম রাজপুত ভূম্যধিকারীর হুহিতাকে বন্দী করিয়া স্বীয় প্রণয়িনী করেন। এই রাজপুত রমণীর গর্ভে স্কিনারের তিন পুত্র ও তিন কন্যা জন্মগ্রহণ করেন। কন্যাত্রয়ের সহিত কোম্পানীর তিন জন উচ্চ কর্মচারীর বিবাহ হইয়াছিল। পুত্রত্রয়ের মধ্যে জে. ডেভিড জাহাজে কায করিতেন এবং মধ্যম জেমস্ ও কনিষ্ঠ রবার্ট যুদ্ধব্যবসায়ী

ছিলেন। শিক্ষার্থ ছুহিতাদিগের বিদ্যালয়বাসের প্রভাব হইলে তাঁহাদিগের জননী অবরোধ প্রথার বিলোপে সম্মননাশের আশঙ্কায় আত্মহত্যা করেন। মাতৃহীন জেমস ও রবার্ট কোন দাতব্য বিদ্যালয়ে প্রেরিত হইলেন। তাঁহাদিগের পিতা তখনও সামান্য বেতনভোগী লেকটেন্যান্ট—এতগুলি সন্তানের শিক্ষার ব্যয়ভারবহনে অক্ষম। ১৭২৩ খৃষ্টাব্দে তিনি ক্যাপ্টেনের পদে উন্নীত হইলে পুত্রদ্বয়ের বোর্ডিং বিদ্যালয়ে বাসের ব্যবস্থা হয়। ইহাতে প্রত্যেকের জন্য মাসিক ত্রিশ মুদ্রা ব্যয়িত হইত।

দুই বৎসর পরে সাত বৎসরের জন্য চুক্তি করিয়া জেমসকে কোন মুদ্রাকরের নিকট কাষ শিখিতে দেওয়া হয়। তিন দিন কাষ করিয়াই তিনি বিরক্ত হইয়া পলায়ন করেন। তখন তিনি জ্যেষ্ঠের মত জাহাজে যাইতে উত্তম—সম্মল ছয় আনা। এই ছয় আনার ছয় দিন আহার নির্বাহ করিয়া তিনি রিক্তহস্তে কোন দিন বা মোট বহিয়া—কোন দিন বা দৈনিক তিন আনা মজুরীতে হস্তধরের কার্য্যে সহকারিতা করিয়া জীবিকা নির্বাহ করিতে থাকেন। কয়দিন পরে তাঁহার জ্যেষ্ঠা ভগিনীর কোন পরিচারক তাঁহাকে চিনিতে পারিয়া প্রভুর নিকট লইয়া যায়। তৎসিত বালক দলিল পত্র নকলের কার্য্যে নিযুক্ত হইলেন। তিন মাস পরে তাঁহার Godfather কর্ণেল বার্ণ কলিকাতায় উপনীত হইলেন এবং জেমসকে সৈনিককার্য্য গ্রহণ-প্রয়াসী দেখিয়া তাঁহাকে তিন শত টাকা দিয়া তাঁহার পিতৃসমীপে প্রেরণ করেন। পিতা তখন সৈন্তদলসহ কানপুরে। ১৭২৫ খৃষ্টাব্দের এপ্রিল মাসে জেমস তথায় উপনীত হইলেন। তাহার এক পক্ষকাল পরে কর্ণেল বার্ণ তথায় উপনীত হইয়া সিক্কিমার সেনাধ্যক্ষ ছুবোয়াকে একখানি পত্র দিয়া জেমসকে তাঁহার নিকট প্রেরণ করেন। তিনি জেমসকে মধুরায় কাপ্তেন পলম্যানের (Pohlman) অধীনে মাসিক ১৫০ টাকা বেতনে এনসাইন নিযুক্ত করেন।

ছুবোয়ী অল্প দিন পরেই (১৭২৫ খৃষ্টাব্দের খৃষ্টমাস দিন) কার্য্য ত্যাগ করিলে দ্বিতীয় সেনাদলের সেনাপতি সাদারল্যাণ্ড সিক্কিমার অস্থায়ী প্রধান সেনাপতি নিযুক্ত হইলেন। জেমস কিনার তাঁহার অধীনে সর্বপ্রথম যুদ্ধে প্রবৃত্ত হইলেন। সাদারল্যাণ্ড ও লাকাদাদা তখন বুন্দেলখণ্ডে কতিপয় অবাধ্য রাজার ও সর্দারের বিরুদ্ধে অভিযানে প্রবৃত্ত। জেমস তাঁহাদিগের অধীনে ছুইট যুদ্ধে ও পাঁচ ছয়টি দুর্গ আক্রমণে ও অধিকারে যোগ দিয়াছিলেন।

ইহাতে তাঁহার যুদ্ধাসক্তি বর্দ্ধিত হয় ও তিনি ভারতীয় যুদ্ধপ্রথা অধ্যয়ন করিতে থাকেন ।

পরবৎসর পেরং সিদ্ধিয়ার প্রধান সেনাপতি নিযুক্ত হইলে জেমস ক্যাপ্টেন বাটারফিল্ডের অধীনে বিজোহদমনে নিযুক্ত হইলেন । প্রথম যুদ্ধে চাঁদঘোরাতে মার্হাট্টা অঝারোহী সৈন্যদল দলভ্যাগ করিলে বাটারফিল্ডের পরাজয় হয় । প্রত্যাবর্তনকালে স্কিনার বিশেষ সাহস ও কৌশলের সহিত সেনাদলের পশ্চাত্তাগ রক্ষা করিলে সেনাপতি তাঁহার প্রকৃত প্রশংসা করেন ও প্রধান সেনাপতি তাঁহার বেতন মাসিক ৫০ টাকা বর্দ্ধিত করিয়া তাঁহাকে লেফটেন্যান্ট পদে উন্নীত করেন ।

ইহার পর সাদারল্যান্ডের পদে পলম্যান অধিষ্ঠিত হইলে যুবক স্কিনার তাঁহার অধীনে নানা যুদ্ধে ও অবরোধে ব্রতী হইয়াছিলেন । মালপুরার যুদ্ধে তিনি অসীম সাহসে শত্রুর কামান দখল করেন । কিন্তু যুদ্ধের শেষ সময় রাঠোরগণের পলায়নকালে তিনি আক্রান্ত হইলে তাঁহার অশ্ব নিহত হয় ও তিনি একটি কামানের নিরে আশ্রয় লইয়া প্রাণরক্ষা করেন । যুদ্ধের পর তিনিই প্রথম শত্রুশিবির পরিদর্শন করেন ও নানা মূল্যবান দ্রব্যের মধ্যে জয়পুরের রাজার প্রধান রাজচিহ্ন মহিমার্ত্তব* আনিয়া স্বীয় মার্হাট্টা সেনাপতিকে দেন । সেনাপতি তাঁহার যথেষ্ট প্রশংসা করেন ও তাঁহাকে একটি মূল্যবান খেলাত দেন ।

* ইহার পর পেরং সেনাদলসহ স্কিনারকে একজন রাজপুত রাজার বিরুদ্ধে যুদ্ধে প্রেরণ করেন । এ যুদ্ধে তিনিই কর্তা ছিলেন । এই যুদ্ধে তিনি বিশেষ পারদর্শিতা প্রদর্শন করেন । ফলে কেরোলীর রাজা তাঁহার প্রতিবেশী উনিয়ারার রাজার বিরুদ্ধে সাহায্য প্রার্থনা করিলে তিনি ছয় দল পদাতিক, দুই সহস্র অঝারোহী ও বিংশতি কামান সহ রাজার সাহায্যার্থ প্রেরিত হইলেন । তখন বিদেশীয় সেনাপতিগণ অর্ধসাহায্য লইয়া সচরাচর এক্রপ পক্ষাবলম্বন করিতেন । ইহা তাঁহাদিগের আগ্রের উপায় ছিল । স্কিনার কিন্তু বিপন্ন হইলেন । কেরোলীর রাজা প্রতিশ্রুত অর্ধপ্রদানে অসমর্থ হইলে অর্ধাভাবে স্কিনারের সেনাদল অসন্তুষ্ট হইয়া উঠিল । তিনি সেনাপতি পলম্যানের নিকট সাহায্য প্রার্থনা করিলেন । তিনি সে সাহায্য পাইবার পূর্বেই উনিয়ারার রাজার বড়বন্ধে সর্বলোভে সিদ্ধিয়ার ও কেরোলীর

* এই মন্তব্যটি বোমলবাদসাহদিগের বিশেষ অঙ্গপ্রহের নিদর্শন ছিল ।

সমস্ত সৈন্য তাঁহাকে ত্যাগ করিয়া শত্রুদলে যোগ দিল। বিপন্ন স্থানার তিন কোশ দূরস্থিত টেকে আশ্রয়গ্রহণে সচেষ্ট হইলেন। বিপক্ষদলও সুযোগ বুঝিয়া তাঁহাকে আক্রমণ করিল। তিনি প্রথম আক্রমণে তাহাদিগকে পরাভূত করিলেন বটে; কিন্তু তাঁহার পাঁচটি কামান শত্রুর হস্তগত ও তাঁহার অশ্ব নিহত হইল। বিপক্ষদল পুনরায় তাঁহাকে আক্রমণ করিল। পশ্চাদ্গমন অসম্ভব বুঝিয়া তিনি সৈন্যদলকে বলিলেন—এক বার ব্যতীত কেহ দুই বার মরে না—অতএব যুদ্ধে বীরের জায় মৃত্যুই শ্রেয়ঃ। উৎসাহিত সেনাদল শত্রুদলকে আক্রমণ করিল। শত্রুসেনার সম্মুখভাগ পশ্চাদ্গত হইল ও তাহাদের কামানগুলি স্থানারের হস্তগত হইল সত্য; কিন্তু তাহাদের পশ্চাত্তাগের সৈনিকগণ তাঁহাকে আক্রমণ করিল। তিনি পিছু হঠিয়া নিকটবর্ত্তী গিরিশৃঙ্খটে আশ্রয়গ্রহণে সচেষ্ট হইলেন। ইহাতে শত্রুদলের সাহস বাড়িয়া গেল; তাহারা তাঁহাকে আক্রমণ করিয়া কামানগুলি অধিকার করিল। তিনি অবশিষ্ট তিন শত মাত্র সৈনিক লইয়া “মরিয়া হইয়া” তাহাদিগকে আক্রমণ করিলেন। তিনি স্বয়ং—আহত হইয়া ধরাশায়ী হইলেন ও তাঁহার সেনাদল বিধ্বস্ত হইল।

তখন অপরাহ্ন। যখন তিনি সংজ্ঞালাভ করিলেন তখন প্রভাত হইয়াছে। তাঁহার পরিধেয় ইজার ব্যতীত আর সবই অপহৃত। চারি দিকে মৃত ও আহত সৈনিক; তাহাদের মধ্যে একজন সুবাদার—তাহার একখানি পদ গোলায় উড়িয়া গিয়াছে—আর একজন জমাদার—বর্শার আঘাতে কাতর। সকলেই তুষার পীড়িত। রোদ্র যত প্রখর হইতে লাগিল তুষা ততই প্রবল হইতে লাগিল। অথচ পিপাসা নিবারণের উপায় নাট। দারুণ বজ্রণার সকলেই মৃত্যুকামনা করিতে লাগিলেন। ক্রমে রাত্রি হইল; কিন্তু মৃত্যু বা সাহায্য কিছুতেই আহতদিগের বজ্রণানিবারণের উপায় হইল না। ক্রমে চন্দ্রোদয় হইল—জ্যোৎস্নালোকে রণক্ষেত্র প্রেতলীলা-ভূমির মত বোধ হইতে লাগিল। চারিদিকে নৈশ নিরবতা ভেদ করিয়া আহতের আর্তনাদ—পিপাসা-কাতরের জলপ্রার্থনা। শিবাদল শব ভঞ্জন করিতে করিতে জীবিতদিগের সন্নিকটে আসিতে লাগিল; তাহারা দুর্বল হস্তে উপলব্ধ নিষ্কিণ্ড করিয়া শবাহারীদিগকে বিভাড়িত করিতে প্রয়াস পাইতে লাগিল। দিবাভাগে ভীষণ রোজের পর নিশীথের শীতল বাতাসে অবসন্নদেহ আহতগণ কল্পিত হইতে লাগিল। স্থানার সঞ্চয় করিলেন,

এ বাতায় রক্ষা পাইলে আর কখন যুদ্ধ করিবেন না, আর সারিয়া উঠিলে খুঁটান পিতার উপাস্ত দেবতার উদ্দেশে গির্জা নির্মাণ করাইয়া দিবেন।

পরদিন প্রভাতে এক বৃদ্ধ ও এক বৃদ্ধা একটি বুড়িতে রুটি ও একটি কলসে পানীয় জল লইয়া যুদ্ধক্ষেত্রে উপস্থিত হইল এবং আহতদিগকে এক এক টুকরা রুটি ও জল দিতে লাগিল। রুটি খাইয়া ও জল পান করিয়া স্কিনার একটু শ্রু হইলেন। কিন্তু বৃদ্ধ ও বৃদ্ধা চামার জানিয়া উচ্চবর্ণ রাজপুত স্রাবাদার আহাৰ্য্য ও পানীয় গ্রহণে অসম্মত হইলেন। তিনি বলিলেন—বস্ত্রণার অবসানের অধিক বিলম্ব নাই—বস্ত্রণার সামান্য তায়তম্য অকিঞ্চিৎকর; বস্ত্রণালাঘব করিবার জন্য জাতিধৰ্ম্মনাশ কখনই অভিপ্রেত নহে। এই সময় উনিয়ারার রাজার লোক মৃতের সংকার করিতে ও আহতদিগকে শিবিরে লইতে আসিল। সেই স্বধৰ্ম্মনিষ্ঠ স্রাবাদার তাহা-দিগের প্রদত্ত জল পান করিলেন এবং স্কিনার ও অন্যান্য আহতদিগের সহিত শিবিরে প্রেরিত হইলেন।

এক মাস পরে স্বাধীনতা লাভ করিয়া স্কিনার স্বাধীনতালাভোদ্দেশে বিদায় লইয়া কলিকাতায় ভগিনীর নিকট আসিলেন। তিনি রণক্ষেত্রে জলদাতাকে সহস্র যুদ্ধ উপহার দিয়া বলিয়া পাঠান যে, তিনি তাহাকে মাতৃসম জ্ঞান করেন।

যুদ্ধক্ষেত্রে দারুণ বস্ত্রণায় স্কিনার সঙ্কল্প করেন যে, রক্ষা পাইলে তিনি আর যুদ্ধে লিপ্ত হইবেন না এবং শ্রু হইলে গির্জার প্রতিষ্ঠা করিবেন। তিনি শেষ সঙ্কল্প রক্ষা করিয়াছিলেন; কিন্তু তাঁহার প্রথম সঙ্কল্প সংরক্ষিত হয় নাই।

১৮০১ খৃষ্টাব্দে জাহ্নয়ারী মাসে স্কিনার শ্রু হইয়া কার্য্যস্থলে প্রত্যাবর্তন করেন ও মে মাসে সৌভাগ্য আক্রমণ করিবার জন্য সিদ্ধিয়ার তৃতীয় সেনাদলের সহিত প্রেরিত হইলেন। যুদ্ধে স্কিনারের সেনাদলের তিনজন সেনাধ্যক্ষ হত ও প্রায় একসহস্র সৈনিক হতাহত হইলেও* তিনি শত্রু-সেনাপতি লাকাদাদার কামানগুলি অধিকার করেন। ইহার পর স্কিনার সেনাদলসহ আলিগড়ে প্রত্যাবর্তন করেন।

* কন্সটবলের মতে এই সকল ঘটনার বিবরণ একটু অভিন্ন। কারণ, ইহা স্কিনারের আত্মজীবনী হইতে গৃহীত এবং স্কিনার এ সকল বিষয়ে একটু অভিন্নপ্রিয় ছিলেন।

দুই মাস পরে তিনি “হরিশ্চন্দ্রের রাজা” নামে খ্যাত বিখ্যাত জর্জ টমাসের বিরুদ্ধে যুদ্ধে প্রেরিত হইলেন। স্কিনারের মতে জর্জগড়ের যুদ্ধের মত আর কোন ভীষণ যুদ্ধে তিনি যোগ দেন নাই। জর্জগড়ে পরাজিত টমাস হানসিতে আসিলে আবার যুদ্ধ হইল। এই যুদ্ধে কনিষ্ঠ রবার্ট জেমস স্কিনারের সহকারী ছিলেন। টমাসের বিরুদ্ধে রবার্টকে পশ্চাদ্গত হইতে হয়। এমন সময় জেমস আসিয়া টমাসকে পরাজিত করেন। এই যুদ্ধে রবার্ট ও টমাস পরস্পরের এত নিকটে আসিয়াছিলেন যে, রবার্ট টমাসের সঙ্গে তরবারির আঘাত করিয়াছিলেন—বন্দীকৃত থাকায় টমাস রক্ষা পাইয়াছিলেন। উদারহুদর টমাস শত্রুহস্তে আত্মসমর্পণের পর রবার্টের বীরত্বের বিশেষ প্রশংসা করেন ও স্বীয় দেহে তাঁহার অস্ত্রাঘাতচিহ্ন দেখান। স্কিনার বেকুপ ব্যবস্থা করেন তাহাতে টমাস আত্মসম্মান অক্ষুণ্ণ রাখিয়া শত্রুহস্তে আত্মসমর্পণ করেন। এ ক্ষেত্রে স্কিনারের কার্য্য বিশেষ প্রশংসার্হ।

১৮০২ খৃষ্টাব্দে মার্চ মাসে স্কিনার পেরংএর সহিত দৌলত রাও সিদ্ধিয়ার প্রসিদ্ধ উজ্জয়িনীর দরবারে উপস্থিত ছিলেন। ১৭৯৪ খৃষ্টাব্দে মাধোজি সিদ্ধিয়ার মৃত্যু হইলে তদীয় পৌত্র দৌলত রাও তাঁহার উত্তরাধিকারী হইলেন। তিনি তরুণবয়স্ক, হীনচরিত্র ও অকর্ম্মণ্য ছিলেন। তিনি স্বীয় স্বত্ত্ব স্বর্ঘ্যরাও ঘাটকের পরামর্শে পেরং ও তাঁহার পক্ষীয় প্রধান প্রধান সেনানায়কগণকে দরবারে আহ্বান করিয়া নিহত বা বন্দী করিবার জন্ত বড়বন্দ করলেন। কর্ণেল সাদারল্যাণ্ড ও মেজর ব্রাউনরিগ এই বড়বন্দে তাঁহার সহায় ছিলেন। কিন্তু প্রধান মার্হাট্টা সেনাপতি গোপাল রাও ভাউ পেরংকে বড়বন্দের কথা বলিয়া দেন। তাঁহার নিকট সংবাদ পাইয়া সিদ্ধিয়ার ব্যবহারে সন্দেহান পেরং আক্রমণের জন্ত প্রস্তুত হইয়া দরবারে রাও-রায় সিদ্ধিয়ার ছুরতিসজ্জি পণ্ড হয়। স্কিনার বলেন, দরবার শেষ হইলে পেরং স্বীয় তরবারি সিদ্ধিয়ার পদতলে সংস্থাপিত করিয়া বলেন—বুদ্ধ বয়সে তিনি কোনরূপ অপমান সহ করিতে অসমর্থ—যিনি কার্য্য ত্যাগ করিতেছেন। অতঃপর তিনি অধীনস্থ সেনানায়কদিগকে বলেন, তাঁহার। আর তাঁহার অধীন নহেন—এখন হইতে সিদ্ধিয়ার নির্দেশমত কার্য্য করিবেন। তিনি সিদ্ধি-রাকে সাবধান হইতে পরামর্শ দিয়া বলেন,—স্বর্ঘ্যরাও কর্তৃক তাঁহার সর্বনাশ হইবে। তাঁহার এই কথার প্রবীণ মহারাজার সর্দারগণ যোগ দেন ও স্পষ্ট করিয়া এই কথা বলার জন্ত পেরংকে সাধুবাদ করেন। কিন্তু শিথ বলেন,

স্বীয় কমতাহাসাশকার পেরং দৌলতরাওকে পাঁচ লক্ষ মুদ্রা দিয়া ভুট্ট করেন। ঐতিহাসিক কম্পটন এই কথাই গ্রহণ করিয়াছেন। তিনি বলেন, দৌলত-রাও বেল্লপ চরিত্রহীন, হীনবৃত্তি ছিলেন তাহাতে তাঁহার পক্ষে একজন বিশস্ত কর্মচারীর দৃষ্টে বিচলিত হওয়া সম্ভব নহে। কিন্তু পেরংএর অর্থ পাইয়া ভুট্ট হওয়া তাঁহার পক্ষে স্বাভাবিক। পেরংএর স্ত্রী সম্মানজনক অপেক্ষা তাঁহার প্রদত্ত অর্থই দৌলতরাওকে সঙ্গরচ্যুত করা অধিক সম্ভব।

১৮০৩ খৃষ্টাব্দে ইংরাজের সহিত সিন্ধিয়ার যুদ্ধোৎসাহ হইলে গভর্ণর জেনারেল লর্ড ওয়েলেসলি মার্হাট্টা বেতনভোগী ইংরাজ কর্মচারীদিগকে কর্মত্যাগ করিয়া ইংরাজের আশ্রয় ও পদোচ্চিৎ পেনসন লইবার জন্য এক ইস্তাহার প্রচার করেন। অনেক ইংরাজ এই আহ্বানে প্রলুব্ধ হইলেন। কার্ণেসী ও টুয়ার্ট নামক দুইজন ক্যাপ্টেন পেরংকে পদত্যাগবার্তা জ্ঞাপন করিলে তিনি ক্রুদ্ধ হইয়া সকল ইংরাজ কর্মচারীকে পদচ্যুত করিয়া অবিলম্বে মার্হাট্টারাজ্য ত্যাগ করিতে আদেশ করেন। তাঁহার সহিত ইংরাজ কর্মচারী-দিগের সম্ভাব ছিল না; সুতরাং তাঁহার এই অবিস্থানে বিম্বিত হইবার কারণ নাই। এই পদচ্যুত কর্মচারীগণের মধ্যে স্কিনার ও টুয়ার্ট যুগ্মশীর্ষ। ছয়জন পদচ্যুত কর্মচারী পরিজনগণের বাসভূমি আশ্রয় প্রার্থা করিলেন। তাঁহারা মধ্যাহ্নে পথে আড্ডা লইয়া বিশ্রামলাভের আয়োজন করিতেছিলেন, এমন সময় দেখিলেন, মার্হাট্টা অখারোহী সেনাদল যুদ্ধে পরাভূত সেনার মত বিলুপ্ত অবস্থায় পলায়ন করিতেছে। তাঁহারা আলিগড়ে লেকের সহিত যুদ্ধে পেরংএর পরাজয়ের এই প্রথম আভাস পাইলেন। অল্পকণমধ্যেই পেরং বিশস্তবেশে সেই পথে উপস্থিত হইলেন।

স্কিনার ইংরাজের অল্পরক্ত থাকি দূরে থাকুক স্বীয় জননীর প্রতি পিতার ব্যবহার স্মরণ করিয়া বিরক্তই ছিলেন। তিনি ইংরাজের অধীনে কর্ম করিতে প্রস্তুত বা ইচ্ছুক ছিলেন না—সেই জন্য অগ্রসর হইয়া পেরংএর নিকট তাঁহার পদচ্যুতির প্রতিবাদ করিয়া পুনরায় তাঁহার অধীনে যুদ্ধক্ষেত্রে ভাগ্য পরীক্ষা করিবার ইচ্ছা প্রকাশ করিলেন। পেরং বলিলেন, মার্হাট্টা অখারোহীরা পলায়ন করায় জয়ের আশা নির্মূল হইয়াছে, সুতরাং স্কিনারের পক্ষে ভবিষ্যৎ ভাবিয়া ইংরাজের পক্ষাবলম্বনই শ্রেয়ঃ। স্কিনার পুনরায় বলিলেন, তখনও জয়ের আশা শেষ হয় নাই—তিনি স্বয়ং সেনাদলসহ ইংরাজ-দিগকে পরাজিত করিতে প্রস্তুত। তদন্তরে পেরং ভালা ভালা ইংরাজীতে

বলিলেন—“বিশ্বাস করিতে পারি না—বিশ্বাস করিতে পারি না।” তখন হিনার রুঠ হইয়া বলিলেন, কয়েকজন অবিশ্বাসী সেনানায়কের ব্যবহারে সমস্ত বিশ্বাসী সেনানায়ককে পদচ্যুত করিয়া ও স্বয়ং যুদ্ধক্ষেত্র হইতে পলায়ন-পর হইয়া তিনিই অকৃতজ্ঞতার পরিচয় দিয়াছেন। তাঁহার সিদ্ধিলাভকে এ কথা জানাইবেম। পেরং আর কিছু না বলিয়া বিদায় অভিনন্দন করিয়া হাতরাসগড় অভিযুখে বাজা করিলেন। হিনার চীৎকার করিয়া তাঁহাকে অভিসম্পাত করিতে লাগিলেন।

তাঁহার পর হিনার ও তাঁহার সহবাত্রীরা সংশয়াকুল চিত্তে লর্ড লেকের শিবিরে উপস্থিত হইলেন। লেক তাঁহাদিগকে আশস্ত করিয়া কার্য্যে নিযুক্ত করিতে প্রতীকৃত হইলেন। হিনার বহুদিন সিদ্ধিয়ার বেতন ভোগ করিয়া-ছিলেন বলিয়া তাঁহার বিরুদ্ধে অজ্ঞধারণ করিতে অস্বীকৃত হইলেন। লর্ড লেক যুবক হিনারের ব্যবহারে মুগ্ধ হইয়াছিলেন। তিনি তাঁহাকে কান-পুরের পথে শাস্তিরক্ষাকার্য্যে নিযুক্ত করিলেন। হিনার একদল অস্বারোহী সৈন্য সংগ্রহ ও গঠন করিয়া পেরংএর একটি পূর্বসেনাবাসে আড্ডা করিয়া চারি দিকে ব্যাপ্ত অশান্তির ও অরাজকতার মধ্যে শান্তি ও শৃঙ্খলা সংস্থাপনে সচেষ্ট হইলেন। এই সময় তাঁহাকে অদূরে বার্বাট্টা দস্যু মধুরাওয়ের বিরুদ্ধে ও দূরে পাঠান আমীর খাঁর বিরুদ্ধে অভিযান করিতে হয়। উভয় অভি-যানেই তিনি জয়ী হইলেন।

এই সময়ে বশোবস্তরাও হোলকারের সহিত ইংরাজের যুদ্ধ বাধিল। হোলকার সিদ্ধিয়ার চিরশত্রু। সুতরাং হিনার সানন্দে তাঁহার বিরুদ্ধে যুদ্ধে প্রবৃত্ত হইলেন। তিনি পেরংএর পূর্বসেনাদল হইতে দুই সহস্র সৈনিক সংগ্রহ করিয়া এক সেনাদল সংগঠিত করিলেন। লর্ড লেক ইহাদিগকে অধ্যক্ষ নিয়োগের কথা জিজ্ঞাসা করিলে সকলে একবাক্যে “সিকন্দর সাহেবকে” অধ্যক্ষ পদে বৃত্ত করিতে বলে। এই সেনাদল এখনও Skinner's Horse নামে পরিচিত। ইহার পীতাম্বর্ণ উর্দী পরিত বলিয়া এখনও Yellow Boys বলিয়া বর্ণিত।

গিওরী আমীর খাঁ ও হোলকার এই অভিযানে পরাস্ত হইলেন। হোলকার বোধপুরে আশ্রয় লইলেন ও পরবৎসর পুনরায় যুদ্ধের জন্য প্রস্তুত হইয়া রাজ্যগঠনে নিযুক্ত পঞ্জাবকেশরী রণজিতের সহিত মৈত্রী সংস্থাপন-চেষ্টার পঞ্চনদ্যভিযুখে চলিলেন। তিনি লাহোরে উপনীত হইবার পূর্বেই লেক তাঁহাকে যুদ্ধে পরাজিত ও সন্ধিসংস্থাপনে বাধ্য করিলেন।

ইহার পর দশ বৎসর স্কিনার যোদ্ধাবৃত্তি ত্যাগ করিয়া চাবকার্ঘ্যে মনোযোগ দিলেন। যে হারিয়ানায় তিনি জর্জ টমাসের সহিত যুদ্ধ করিয়াছিলেন, স্কিনার সেই হারিয়ানায় থাকিয়া সে অঞ্চল জুশাসিত করিলেন ও হান্‌সি অঞ্চলে ৬৭টি বিস্তৃত সম্পত্তি পুরস্কার পাইলেন। বুলন্দসহর জিলার বিলাসপুরেও তাঁহার সম্পত্তি ছিল। এখনও তথায় তাঁহার উত্তরাধিকারীদিগের উত্তান ও উত্তানগৃহ আছে।

১৮১৫ খৃষ্টাব্দে স্কিনার পিটারোদমানে স্যার সেনাদলসহ লর্ড মররাকে সাহায্য করিয়া গভর্ণর জেনারল, প্রধান সেনাপতি প্রভৃতির ধন্যবাদ অর্জন করেন। ১৮১৯ খৃষ্টাব্দে পুনায় আরববিদ্রোহদমনে সাহায্য করিয়াও তিনি ঐরূপ ধন্যবাদ অর্জন করেন। ইহার পর তিনি আর একবার যুদ্ধে ব্রতী হইয়াছিলেন।

এই সময় স্কিনারের সৈন্তসংখ্যা তিন সহস্র। যুদ্ধসম্ভবনা নাই দেখিয়া তিনি সহস্র সৈনিককে বিদায় দিলেন। সহস্র সৈনিক তাঁহার ভ্রাতা রবার্টের অধীনে নিযুক্ত রক্ষিত হইল। অবশিষ্ট সৈনিকগণ তাঁহার অধীনে হান্‌সিতে রহিল। জেনারল ম্যালকমের সহিত তাঁহার বহুদিনের সৌহার্দ ছিল; এবং প্রধানতঃ এই বন্ধুর চেষ্টায় স্কিনার হান্‌সির সম্পত্তি চিরস্থায়ী জায়গীর রূপে প্রাপ্ত হইলেন। পূর্বে ইহা তাঁহার সেনাদলের ব্যয়নির্বাহার্থে প্রয়ুক্ত হইয়াছিল। সিজিয়ার করানী সেনাধ্যক্ষ দুবোয়* ও বেগম সমরুও সেনাব্যয় নির্বাহার্থে জায়গীর পাইয়াছিলেন। বেগমের মৃত্যুর পর তাহা বাণেশ্যাপ্ত করা হয়।* বুলন্দসহরের সম্পত্তি তাঁহার নিজস্বই ছিল।

এককালে কলিকাতায় তিনি ছাপাখানার কায করিতে বাইয়া পলায়ন করিয়াছিলেন। ১৮২২ খৃষ্টাব্দে কলিকাতায় তিনি বিশেষ সমাদৃত হইলেন। এই সময় রাজনৈতিক গগনে আবার ঘনঘটা দেখা দিল। তখন গভর্ণর জেনারল লর্ড অ্যামহাষ্ট ব্রহ্ম অভিযানের উদ্যোগ করিতেছেন—রাজপুতানায় ও মহারাষ্ট্রদেশে অশান্তির সূচনা সপ্রকাশ। অথচ ইংরাজপক্ষে বিচক্ষণ সেনানায়কের ও বিখ্যাত ভারতীয় সেনাদলের একান্ত অভাব। স্কিনার পুনরায় সেনাদল সংগঠিত করিয়া যুদ্ধযাত্রা করিতে আদিষ্ট হইলেন। ১৮২৫ খৃষ্টাব্দে ভরতপুরের দুর্গ অধিকারে সেনাদলসহ স্কিনার লর্ড কম্বারমিয়ারকে বিশেষ সাহায্য করেন। ইহাই তাঁহার শেষ যুদ্ধ। ১৮২৬ খৃষ্টাব্দে তিনি

* 'সমর বেগম' এবং ঐষ্টব্য।—'আর্থাবর্ড'—আবার, ১৩১৭।

হান্সিতে প্রত্যাবর্তন করেন এবং ভূসম্পত্তির তত্ত্বাবধানে মন দেন। এই সময় তিনি ইংরাজ সরকার কর্তৃক লেফটেন্যান্ট কর্নেল পদে উন্নীত হইয়া ও কম্পানিয়ান অব দি অর্ডার অব বাথ উপাধি লাভ করিয়া বিশেষ আস্থা-দিত হইলেন। বহুদিন সসন্মানে হান্সিতে বাস করিয়া ১৮৪০ খৃষ্টাব্দে ৪ঠা ডিসেম্বর তারিখে তিনি তত্ত্বত্যাগ করেন।

পারিবারিক আচারব্যবহারে স্কিনার মুসলমানের মত ছিলেন। তাঁহার পত্নীসংখ্যা অন্ততঃ চতুর্দশ ছিল। শেষ বয়সে—১৮৩৬ খৃষ্টাব্দে, তিনি খৃষ্টধর্ম গ্রহণ করেন এবং তাহার পর হইতে নির্ভাবান খৃষ্টানের ত্রায় ধর্মগ্রন্থ পাঠে ও সদাচারের অনুষ্ঠানে অনন্ত ব্যতীর লগ্ন প্রস্তুত হইলেন। শেষ বয়সে তিনি ইংরাজী বেশ পরিধান করিতেন এবং ইংরাজী ভাষা-রূপ বলিতে পারিতেন। কিন্তু দীর্ঘ রচনার তিনি পার্শ্বই ব্যবহার করিতেন। বেগম সম্রাটর উত্তরাধিকারী ডাইস সম্রাটর ম্যুরোগমনো-চ্ছত হইলে তিনি তাঁহাকে নিবৃত্ত করিবার লগ্ন পার্শ্বিতে এক কবিতা লিখিয়া পাঠাইয়া দেন। * তাঁহার আত্মজীবনীও পার্শ্বিতে রচিত—ফ্রেজার কর্তৃক ইংরাজীতে অনূদিত।

তাঁহার জ্যেষ্ঠ পুত্র ইংলণ্ডে শিক্ষিত হইয়া প্রধানতঃ লর্ড উইলিয়ম বেঙ্কিনের চেষ্টায় সেনাদলে লেফটেন্যান্টের পদ পাইলে তিনি অত্যন্ত আনন্দিত হইলেন। তিনি লর্ড লেক, সার জন ম্যালকম, লর্ড মেটকাফ, লর্ড মিল্টো, লর্ড ময়রা, লর্ড কদ্বারামিরার, লর্ড উইলিয়ম বেঙ্কিন প্রভৃতি উচ্চপদস্থ কর্মচারীদের নিকট বিশেষ সমাদৃত ছিলেন। ইঁহার সকলেই তাঁহার গুণবৃত্ত হইয়া তাঁহাকে সমাদর করিতেন।

উনিয়ারার বৃদ্ধকালে তিনি যে প্রতিজ্ঞা করেন তদনুসারে তিনি তিন লক্ষ টাকা ব্যয় করিয়া দিল্লীতে সেন্ট জেমস্ চার্চ নামক গির্জা নির্মিত করান। তিনি বিশেষ বিনয়ী ও মিষ্ট ছিলেন। গির্জা নির্মাণ করাইয়া তিনি তাঁহার প্রিয় বন্ধু ও চরিত্রকার ফ্রেজারের ভ্রাতার নিকট গির্জার দায়দেবে সমাহিত হইবার বাসনা ব্যক্ত করেন—তাহা হইলে উপাসকবৃন্দ তাঁহার পাপ দেহের উপর দিয়া ধর্ম্মমন্দিরে গমন করিবেন। শেষ পর্য্যন্ত তাঁহার ভোজন-পাত্রের নিকট তাঁহার প্রথম-জীবনের দারিদ্র্যমারক কার্টের চামচ রক্ষিত হইত।

এখানে তাঁহার পদ বাধুগিরে লবায়িত করা হয়। কিন্তু নবাবের হইবার সময় তাঁহার ইচ্ছানুসারে ১৮৪২ খৃষ্টাব্দে ১১ই ফেব্রুয়ারী তারিখে ঐ পদ ফরাসিদের দ্বারা তাঁহার সেনাদলকে উত্তীর্ণ করিয়া দিল্লীর উপর্য উপর ৩ নম্বরে তাঁহার প্রতিষ্ঠিত নির্দ্বার দ্বারদেশে লবায়িত হয়।

জেনারেল কনিষ্ঠ বার্ট ১৮০০ খৃষ্টাব্দে নভেম্বর মাসে দিল্লীর সেনাদলে প্রতিষ্ঠিত হইয়া তাঁহার অধীনে কার্যে প্রবৃত্ত হইলেন। তৎপরেই তাঁহার সুবুদ্ধিতে লক্ষ্মীনাথ হইয়া জেনারেল বীর সেনাদলকে সমবেত করিয়া বলেন,— “এই আমার আতা। তোমরা সকলে ইহার রক্ষক হইবে।” তখন নবীর নিকট যুদ্ধে বার্ট আহত হইয়াছিলেন। উনিয়ারার যুদ্ধের পর বার্ট পুনরায় তাঁহার সহিত যোগদান করিয়া লেকটেন্যান্ট পদে উন্নীত হইলেন। পূর্বেই উক্ত হইরাছে, হুই আতাই জর্জগড়ের টবাসের বিরুদ্ধে যুদ্ধে নিহত ছিলেন। হুই আতা হুই পার্শ্বে যুদ্ধ করিতেছিলেন। যুদ্ধান্তে পরস্পর পরস্পরের সূচাসংবাদ পাইয়া সর্বকার্য ত্যাগ করিয়া হতাশতপূর্ণ বর্ণনাক্রমে তাঁহার শবদেবশে প্রবৃত্ত হইলেন। অতঃপরে বিকলমনোরথ হইয়া অবশেষে ঐ ব সেনাদলের সংবাদের অন্ত উত্তরে এখান সেনাপতির নির্দিষ্ট প্রত্যাহৃত হইলেন। হুইজন হুই পথে শিবিরে প্রবেশ করেন। পরস্পর পরস্পরকে দেখিয়া আনন্দে বিহ্বল হইয়া ছুটিয়া বাইরা পরস্পরকে পরস্পরকে আলিঙ্গনবদ্ধ করেন। ১৮০৩ খৃষ্টাব্দে ইংরাজ অধ্যক্ষের নির্দিষ্ট সেনাদল হইতে পদচ্যুত হইলে তিনি প্রসিদ্ধ বেগম সমস্ত সেনাদলে প্রবেশ করেন। বেগম যখন লর্ড লেকের নিকট ইংরাজের আত্মপত্তা স্বীকার করেন তখন বার্টই দৌত্যকার্যে নিযুক্ত হইয়াছিলেন। তাহার পর বার্ট পুনরায় জ্যেষ্ঠের অধীনে সেনাদলে লেকটেন্যান্ট পদে উন্নীত হইলেন। কতক সেনাদলে তাঁহার উন্নতির সমধিক সম্ভাবনা বুঝিয়া কাদা বৎসর জেনারেল বীর সেনাদল বিচ্ছিন্ন করিয়া তাঁহার অধীনে এক পূর্ণ সেনাদল সংস্থাপনের প্রস্তাব করেন। পূর্ণের সেনাদল এই প্রস্তাবের অনুমোদিত না করার বার্ট তাঁহার সেনাদলেই স্থানীয় সেনার পদে উন্নীত হইলেন। ১৮১২ খৃষ্টাব্দে কতক ই তাঁহাকে আনিঙ্গন দিল্লীর একটি পদে উন্নীত করা হয়। কিন্তু তিনি অধিক দিন উক্ত পদে বসিয়া থাকিতে পারেন না—১৮১৩ খৃষ্টাব্দে তাঁহার মৃত্যু হয়।

মধুপুর-জঙ্গল ও ব্রহ্মপুত্র নদ ।

বাংলা দেশের মানচিত্রের প্রতি দৃষ্টিনিবেশ করিলেই দেখা যায় যে, ব্রহ্মপুত্র নদ ডিব্রুগড় হইতে হিমালয়ের পাদদেশে পশ্চিমে আসিয়া খুবড়ির নিকট হইতে দক্ষিণে আসিয়াছে। কুলছড়ির নিকট হইতে এই নদ হুই শাখার বিভক্ত হইয়াছে—প্রধান শাখা বমুনা বেশ পরিপুষ্ট ও বরাবর দক্ষিণে আসিয়া পদ্মার সহিত মিশিয়াছে; অপর শাখা ব্রহ্মপুত্র অনেকটা পূর্বে ঘুরিয়া ঢাকা জিলার উত্তরে মধুপুর-জঙ্গল নামে যে উচ্চ বনভূমি আছে তাহার পূর্বপ্রান্ত বেটন করিয়া মেঘনার সহিত মিশিয়াছে। এই শেষোক্ত শাখা বৎসরের অধিকাংশ সময়েই ক্ষুদ্র ক্ষুদ্র জলাভূমির আকার ধারণ করে। এই জঙ্গল অনেক আধুনিক স্থলপাঠ্য মানচিত্রে (যথা, The Royal Indian World Atlas) বমুনা নদীট ব্রহ্মপুত্র নামে অভিহিত হইয়াছে। বাস্তবিক, যে স্থানে একটি নদীর হুই শাখা দেখা যায়, সে স্থানে যেটি অপেক্ষাকৃত অধিক পরিপুষ্ট, তাহাকে নদীটির নামে অভিহিত করা হয়, ও অপরটির নূতন নামকরণ হয়। এই স্থলে এই নিয়মের ব্যতিক্রম হইল কেন, দেখা বাউক।

একশত বৎসর পূর্বে ব্রহ্মপুত্র নদ এরূপ ছিল না। ১৭৮৫ খ্রষ্টাব্দে রেনেল (Major Rennell) যখন ঢাকা জিলার পরিমাপ করিয়া করেন, তখন বমুনা নদী ক্ষুদ্র প্রশাখা মাত্র ছিল ও ব্রহ্মপুত্র নদের অপর শাখাই' সর্বিশেষ পরিপুষ্ট ছিল। সে সময়ে এই শাখা মধুপুর জঙ্গলের পূর্বপ্রান্তে প্রবাহিত হইয়া, ঐহট্টের নিকট যে কতকগুলি ঝিল বা জলাভূমি আছে সেগুলি গলিতে পূর্ণ করিত ও মেঘনা বাহিয়া সমুদ্রে গড়িত।

ব্রহ্মপুত্রের এই গতিপরিবর্তনের কারণ সম্বন্ধে যে হুইট নত প্রচলিত আছে তাহাই আমি পাঠকবর্গের নিকট উপস্থিত করিব।

পৃথিবীর অনেক স্থানে দেখা যায় যে, ভূমি বহু বৎসর ধরিয়া অল্পে অল্পে উত্থিত হইতেছে। ইটালীতে এমন হুই একটি সহর আছে বাহা ২০০০ বৎসর পূর্বে রোমশাস্ত্রাত্তোর সময়ে বন্দর ছিল, কিন্তু এখন সমুদ্রপ্রান্ত হইতে বহু দূরে অবস্থিত। এইরূপ পর্য্যবেক্ষণের দ্বারা জানিতে পারা যায় যে, সমগ্র ময়গওরে ও সুইডেন সমুদ্রগর্ভ হইতে এখনও উঠিতেছে।

ফারগুসন (Fergusson) বলেন যে, মধুপুর জঙ্গল পূর্বে এত উচ্চ

ছিল না। পূর্বোক্ত প্রকারে ক্রমশঃ উথিত হওয়াতে ব্রহ্মপুত্র নদ এই জঙ্গলের পূর্ব হইতে পশ্চিমে চলিয়া গিয়াছে। *

পূর্বে এই মতই পণ্ডিত সমাজে প্রচলিত ছিল। অনেক পুস্তকে, বিশেষতঃ 'সুস' নামক অষ্ট্রিয়ান পণ্ডিত-লিখিত "পৃথিবীর আনন" নামক বিখ্যাত পুস্তকেও এই মত উল্লিখিত আছে।†

হুই বৎসর হইল, মিষ্টার লাট্‌শ্‌ এসিয়াটিক সোসাইটিতে একটি প্রবন্ধ পাঠ করেন।‡ তাহাতে তিনি বলেন যে, কারগুসনের মত অনুসারে যদি মধুপুর জঙ্গল সত্য সত্যই উথিত হইত তবে ব্রহ্মপুত্র নদ আরও পূর্বে সরিয়া বাইতে পারিত; উহা একেবারে পশ্চিমে চলিয়া আসিল কেন? বিশেষতঃ নিকটস্থ আর কোনও স্থান উন্মোচিত না হইয়া কেবলমাত্র মধুপুর জঙ্গল উন্মোচিত হইবে, ইহা অতি আশ্চর্যজনক। তিনি এইরূপে কারগুসনের অবনির্দেশ করিয়া মধুপুর জঙ্গলের উচ্চতা ও ব্রহ্মপুত্র নদের গতিপরিবর্তনের কারণ অভিনব প্রকারে বুঝাইতে চেষ্টা করিয়াছেন।

ভূতত্ত্ববিদমাজেই জানেন যে, বহুকাল পূর্বে, পৃথিবীতে মহুস্তের আবির্ভাবের প্রায় সমসাময়িক কালে, কোনও অজ্ঞাত কারণে, পৃথিবীর বহিরা-বরণ স্বরূপ যে বায়ুমণ্ডল আছে, তাহার তাপ অত্যন্ত কমিয়া যায়। সেইজন্য যে ভূবারনদ সকল (Glacier) এখন অতি উচ্চ পর্বতে বা মেরুস্থলের নিকট দেখিতে পাওয়া যায়, সে সকল এই সময়ে অত্যন্ত বিস্তৃতি প্রাপ্ত হয়। এই সময়ে, উত্তরে ইংলও প্রভৃতি দেশ উত্তর ও দক্ষিণ মেরুস্তায় ভূবার-নদসমূহে আবৃত ছিল। হিমালয়েও ভূবারনদ সকল অনেক নিম্ন পর্য্যন্ত আসিয়া পড়ে। এইজন্য, ভূতত্ত্বে এই সময়ের নাম হিমবৃগ বা Glacial Epoch।

* Fergusson—Recent Changes in the Delta of the Ganges—Quart. Journal—Geol. Soc. Vol XIX. (1863).

2. Hiouen Thsang's Journey from Patna to Bullair—Journal Royal Asiatic Soc. New Series VI (1873) &c. &c.

† Suess 'Das Antlitz der Erde.'

‡ Lecture on 'the Ice Age in India' by T. D. La Touche, Feb. 10, 1910.

পর্যবেক্ষণশালী ব্যক্তিমাঝেই বুঝেন যে, হুষ্টির জলে পর্কতের প্রস্তর
কর হইয়া নদীসমূহে পলির সৃষ্টি হয়। নদীর বেগ যতই অধিক হয়,
তাহার পলিবহন করিবার শক্তিও ততই অধিক হয়। অতএব পার্কত্যা
নদী অভিনয় বেগবতী হওয়াতে পর্কতের পাদদেশে যে পরিমাণ পলি
বহিয়া লইয়া আইসে, অপেক্ষাকৃত সমতল ভূমিতে আসিয়া আর তত পলি
সন্নিহিতে পারে না। সেইজন্য পর্কতের পাদদেশে সর্বত্রই অনেক পলি
জমিতে থাকে।

আর এক কথা—জল প্রস্তর কর করিয়া পলি সংগ্রহ করিয়া আনে,
কিন্তু পর্কতের গাত্র যদি বৃক্ষলতাসমূহ হয় তবে, জলের প্রস্তর কর করিবার
শক্তি ও পলিবহন করিয়া আনিবার ক্ষমতা উভয়ই কমিয়া যায়।

হিমালয়ে আপাততঃ প্রায় ১৮০০০ ফুট উচ্চে পর্য্যন্ত জাতাঙ্ক দেখিতে
পাওয়া যায়।* কিন্তু ভূবার নদের সময়ে নিশ্চয়ই এত উপরে বৃক্ষ বা লতা
জন্মিতে পারিত না। অতএব সে সময়ে হুষ্টির জল ও গম্বিত ভূবারের জল
এখন অপেক্ষা অনেক অধিক পরিমাণে প্রস্তর কর করিহুত পারিত এবং
অনেক অধিক পরিমাণ পলি হিমালয়ের পাদদেশে জমিত। লাট্‌শ্
বলেন, মধুপুর জঙ্গল সেই পুরাতন পলির অবশিষ্টাংশ। “ভূবার নদের”
সময়ের” অবসানে ক্ষুদ্র ক্ষুদ্র নদীসকল এই পলি খুইয়া সমুদ্রে লইয়া যাইতে
লাগিল। মধুপুর জঙ্গলের পূর্বপ্রান্তে প্রবাহিত ব্রহ্মপুত্র ইহাদেরই অন্ততম
ছিল। তৎকালে ব্রহ্মপুত্র স্বল্পায়তন ক্ষুদ্র নদ মাত্র ছিল। পাঠকবর্গ
বাঙ্গালাদেশের মানচিত্রের প্রতি দৃষ্টিপাত করিলেই দেখিতে পাইবেন যে,
ব্রহ্মপুত্র নদের ফুলছড়ির নিকট হইতে বরাবর দক্ষিণে আসিয়া সমুদ্রে পড়াই
যাওয়ায়িক। পূর্বকালে ইহার ব্যতিক্রম ঘটায় কারণ এই যে, সেই ক্ষুদ্র-
স্রোত স্রোতবতী পদ্মার রানীকৃত পলির চাপের বাধা অতিক্রম করিয়া
পশ্চিমে আসিতে পারিত না।

ব্রহ্মপুত্র নদের আরম্ভন এক্ষণে কিরূপে বিস্তৃতি লাভ করিল তাহা
বুঝাইতে হইলে একটু বিশদ বর্ণনা আবশ্যক।

মনে করুন, হুইটি নদী একটি উচ্চ ভূমিভাগের হুই দিকে প্রায় সমান্তরাল
রেখাঘরের দ্বারা প্রবাহিত হইতেছে। একটি নদী অপরটি হইতে
অপেক্ষাকৃত নিম্নভূমিতে প্রবাহিত হইতেছে। এখন, যদি উভয় নদীর

শাখাবারা মধ্যস্থ উচ্চভূমিভাগ দ্বারা হইয়া একটি প্রণালীর দ্বারা উত্তর নদীর সংযোগ হয়, তবে যে নদীটি অপেক্ষাকৃত উচ্চ ভূমিতে প্রবাহিত হইতেছে, তাহার সমস্ত জল অপর নদীটিতে চলিয়া আসিবে। ভূতত্ত্বে এই ঘটনার নাম প্রযোজ্য নদীটির “মস্তকচ্ছেদন” বা Beheading।*

লাটুশ্ বলেন, তিব্বতের সান্পো নদী পুরাকালে পশ্চিম তিব্বতের একটি নদীর প্রশাখা ছিল। (এই শেবোক্ত নদীটি এখন তিব্বতের মঙ্গ-ভূমিতে অবস্থিত হইয়াছে।) ডিহং নদী এই সান্পো নদীর “মস্তকচ্ছেদন” করিয়া ব্রহ্মপুত্রের সহিত মিলিত হয়। তাহাতে ব্রহ্মপুত্রের আরতন বেশ বড় হইয়া উঠে। তৎপরে তিস্তা নদীও পদ্মার কিয়দংশ পলি দৌত করিয়া যখন ব্রহ্মপুত্রের সহিত মিলিত হইল, তখন ব্রহ্মপুত্র পদ্মার পলিকে অগ্রাহ্য করিয়া মধুপুর অঞ্চলের পশ্চিমপ্রান্তে নূতন পথ কাটিয়া লইয়া বরাবর দক্ষিণে আসিয়া সমুদ্রে পড়িতে লাগিল। এই নূতন পথই কোন কোন মানচিত্রে যমুনা নদী নামে, কোন কোন বিলাতী মানচিত্রে ব্রহ্মপুত্র নামে অভিহিত হইয়াছে।

শ্রীসত্যেন্দ্রকুমার বসু।

কাশী।

অর্দ্ধচন্দ্রাকৃতি পদ্মা—উত্তর-বাহিনী ;
 তীরে ভরে ভরে বাট, অসংখ্য দেউল,—
 বিজড়িত কত স্মৃতি—কতই কাহিনী—
 উদ্বেল ভক্তির স্রোত নাহি তা’র কূল।
 ধর্মপ্রাণ হিন্দুদান—কাশী যদি তা’র—
 স্পন্দিত ভারতভূমি তোমার স্পন্দনে।
 কত রাজা, কত ধর্ম বরাদ্দে তোমার
 আঁকিতে আগস চিহ্ন অজস্র বতনে
 করিয়াছে প্রাপণ। আজি তা’রা সব
 বিস্মৃতির অন্ধ গর্ভে লতেছে বিলস,
 ভূমি হির—অচঞ্চল। নিশ্চল নীরব
 ইতিহাস গদে ভব রাগিছে আঁড়র।
 ভক্তের আঁড়র ভূমি—হৃক্তির আগার,
 বিরাজিত বিবেকের হৃদয়ে তোমার।

অদৃষ্ট-চক্র ।

ষষ্ঠ পরিচ্ছেদ ।

—ঃ—

বিদেশে ।

সমস্ত রাত্রি ট্রেন চলিল। অন্ধকার ভেদ করিয়া ট্রেন ছুটিতে লাগিল। শেষে রাত্রি পোহাইল। বিনিময় ধরনীধর দেখিলেন, তিনি বনের প্রান্তে প্রাচীর ছাড়াইয়া আসিয়াছেন। তিনি ভাবিলেন, জীবনে আর কখন বঙ্গজননীর দ্বিধা অঙ্গে ফিরিতে পারিবেন কি? এই বিদায় শেষ বিদায়! তিনি ভাবিতে লাগিলেন।

একদা ট্রেন বারাণসীর নিম্নে সেতুর নিকটবর্তী হইল। বারাণসীর বর বণু নরনসমকে উদ্ভাসিত হইয়া উঠিল। অহুকণ্যার পুত্র প্রবাহ অর্দ্ধবৃত্তাকারে বারাণসীকে ঘিরিয়া প্রবাহিত হইতেছে। কুলে ঘাটের পর ঘাট—মন্দিরের পর মন্দির—হস্ত্যের পর হস্ত্য। ঘাট স্থানার্ধী ও স্থানার্ধিনীতে পূর্ণ। ঘাটের জনভায় ভারতের সকল স্থানের অধিবাসীর সমাবেশ। বারাণসীর পুণ্য ভূমিতে তহু ত্যাগ করিয়া মণি-কর্ণিকার মহানন্দশানে তন্দ্রীভূত হইবার বাসনার নানা দিশেষ হইতে হিন্দুরা আসিয়া বারাণসীতে বাস করেন। মোক্ষকানীর এই মহানন্দ ভারতের সর্বস্থানের হিন্দুদিগের মহা সম্মিলনস্থান। বারাণসী হিন্দুধর্মের কেন্দ্র—হিন্দুধর্মের স্বর্গগিও এই বারাণসীতে অবস্থিত। ইতিহাস ইহার আরম্ভকালে বিকলমনোরথ, কল্লনা ইহার প্রারম্ভকালের ধারণা করিতে পারে না। শতাব্দীর পর শতাব্দী অতিবাহিত হইয়াছে—প্রাচ্যে ও প্রাচ্যে কত নূতন নগরের উত্থানপতন হইয়াছে, বারাণসীর গৌরবশ্রী অক্ষত হয় নাই। কারণ, সে গৌরব রাষ্ট্রধর্মের সহচর নহে—পরন্তু তকের ভিত্তিতে প্রতিষ্ঠিত; তাহা রাজার দান নহে, পরন্তু রাজরাজ্যধর্মের বিজুতি। নির্দোষকারী শাক্য রাজকুমার হইতে ধর্মপ্রাণ শকরাচার্য্য, প্রেমাবতার চৈতন্য হইতে আর্য্যধর্মপ্রচারক দয়ানন্দ পর্য্যন্ত যিনি যখন

হিন্দুধর্মের নূতন রূপ দেখিয়া মুগ্ধ হইয়াছেন—তিনিই তখন স্বীয় মতের প্রচার ও প্রতিষ্ঠার জন্য বারাণসীতে গমন করিয়াছেন। যে মত বারাণসীতে প্রতিষ্ঠিত হয় নাই হিন্দু সমাজে সে মত স্থায়ী হয় নাই। তিনি বারাণসীতে স্বীয় মতের প্রতিষ্ঠা করিয়াছেন হিন্দু ধর্মের বিরাট ইতিহাসে তাঁহারই নাম লিখিত হইয়াছে। আর কতজন বারাণসীতে স্ব স্ব মতের বিজয় বৈজয়ন্তী উদ্ভূত করিবার বিফল চেষ্টায় প্রাণপাত করিয়াছে কে তাহার ইয়ত্তা করিতে পারে? তাহাদের চেষ্টা গলাবন্ধোখিত এক একটি তরঙ্গের মত মিলাইয়া গিয়াছে; তাহাদের নাম বিশ্বতির অতল-তলে বিশ্রামলাভ করিয়াছে। ইতিহাস অসাফল্যের বিবরণ লিপিবদ্ধ করিতে চাহে না। বারাণসী-হিন্দুধর্মের কেন্দ্র, তাই বৌদ্ধগণ বারাণসীর উপকর্ষে, ধর্মপ্রচারকেন্দ্র সংস্থাপিত করিয়াছিলেন।—তাই বৈরীনির্ঘাতিত বারাণসীর রক্তসিক্ত বক্ষে ইসলামের জয়ধ্বজা প্রোথিত করিয়া শ্রান্তবুদ্ধি আরজজেব অশেষ আশ্বপ্ৰসাদ লাভ করিয়াছিলেন। কালের ভেবজে সে কতচিহ্ন আজও মিলায় নাই। বারাণসী দৃষ্টিগোচর হইবামাত্র ট্রেন হইতে বারাণসীর জয়ধ্বনিতে তীর্থযাত্রীগণের অসীম উল্লাস আশ্ব-প্রকাশ করিল। যাত্রিদল বে আশায় দীর্ঘপথ অতিবাহিত করিয়াছে, সে আশা ফলবতী হইয়াছে। কত দরিদ্র কষ্টলব্ধ সামান্য সঞ্চয় হইতে কিছু কিছু স্বতন্ত্র করিয়া রাখিয়াছিল—আশা, বারাণসী দর্শন করিবে; কত বিধবা বারাণসীতে বিশ্বেশ্বরদর্শনে পরকালের উন্নতির আশায় ইহকালের জীবিকানির্ভারের উপায় নষ্ট করিয়াছে; কত বৃদ্ধ বারাণসী-দর্শনের উৎসাহে শারীরিক দৌর্বল্য জয় করিয়াছে; কত ধন, অর্থ, বিকলাঙ্গ পরের দয়ারও বিশ্বেশ্বরের কৃপায় নির্ভর করিয়া এই দীর্ঘ পথ অতিক্রমে প্রবৃত্ত হইয়াছে। আজ তাহারা সফলসাধন। আজ তাহাদের সাধনার সিদ্ধি অদূরবর্তিনী। বারাণসীর বর বপু তাহাদের নয়নসমক্ষে উদ্ভাসিত। তাই তাহারা আনন্দে জয়ধ্বনি করিতেছে। ভারতের কালীকথা ধরনীধরের মনে গড়িল।

“পুণ্যভূমি বারাণসী

বেষ্টিত বরুণা অসি,

বাহে গঙ্গা আসিয়া মিলিত।

আনন্দ কামন নাম

কেবল কৈবল্য ধাম,

শিবের ত্রিশূল পরি হিত ॥

বাহে জীব তাজি জীব

সেইকণে হয় শিব

পুনঃ নহে অঠর-বাতনা ।

দেবতা গুরু বক

দহুজ বহুজ রক্ষ

সবে বার করয়ে কামনা ॥”

ধরনীধর পূর্বে একাধিকবার বারাণসীতে আসিয়াছেন। কিন্তু আজ যেন বারাণসীর কম কান্তি তাঁহার নিকট অদৃষ্টপূর্ব সৌন্দর্য্যে সুন্দর বোধ হইতে লাগিল। বারাণসী ত্যাগীর স্বর্ণ—মাস্তাবুদ্ধ মাসাবুদ্ধ মানবের মনে তাহার স্বরূপ প্রতিভাত হয় না। পূর্বে বখন তিনি বারাণসীতে আসিয়াছেন তখন তিনি সংসারী—সংসারের সুখ তাঁহার অতী-
লিত। আজ তাঁহার সে স্বপ্ন শেষ হইয়াছে,—আজ অদৃষ্ট নির্ণয় হস্তে তাঁহার সে আশার বন্ধন ছিন্ন করিয়াছে—তাঁহাতে মুক্তি দিয়াছে। আজ তিনি মারা হইতে মুক্তি পাইয়া মহামুক্তির সন্ধানে সচেত; তাই আজ বারাণসী দেখিয়া তাঁহার হৃদয় অনুভূতপূর্ব ভক্তির রসে দ্বিগুণ ও মরস হইল।

ট্রেন আসিয়া ষ্টেশনে স্থির হইল। পূর্ণ বান শূন্য করিয়া শত শত বাতী কানীর পুণ্য ভূমিতে অবতরণ করিল। আবার বারাণসীর অর-
ণ্যনিত্যে গগন পূর্ণ হইল। ধরনীধর সেই জনসভ্যে মিশিয়া চলিলেন।

কানীতে কয়দিন থাকিয়াই ধরনীধর বুঝিলেন, তিনি মুক্তির সন্ধানে আসিয়াছেন বটে; কিন্তু তিনি হৃদয় হইতে সংসারের মারা দূর করিতে পারেন নাই। তিনি বুঝিলেন, তাঁহার হৃদয় সমস্ত সময় দূরস্থিত পুত্রের অন্ত বাতুল হয়—তাঁহার কল্পনা সেই দূর পরীতবনে ফিরিয়া যায়। কলে হৃদয় কেবল হতাশার বেদনার পীড়িত হয়।

তিনি ইহার নিবারণোপায় চিন্তা করিতে লাগিলেন। তিনি বুঝিলেন, নদীর প্রবাহমুখে বাধা সংস্থাপিত করিয়া তাহার গতিরোধ করা হুঃসাধ্য; কিন্তু অল্প পথ প্রস্তুত করিয়া প্রবাহকে সেই পথে প্রবাহিত করা অপেক্ষাকৃত সহজ। তিনি সেই চেষ্টায় চেষ্টিত হইলেন। তিনি শাস্ত্রাহীনলনে প্রবৃত্ত হইলেন। কানীতে শাস্ত্রাহীনলনের সুবিধাও বধেই। তৎকালীনাব্দেবার পক্ষে কানীর বড় উপযোগী স্থান আর নাই। ধরনীধর বিবরবাসনাবদ্ধ চিত্তকে বাসনাবন্ধনমুক্ত করিবার জন্য তৎকালীনাব্দেবার প্রবৃত্ত হইলেন।

এই জ্ঞানের তৃপ্তি একবার হৃদয়ে দেখা দিলে হৃদয়ে আর কোন আশার—আর কোন ভ্রুতার স্থান থাকে না—জানাবোধই ইহারই বোধে মুক্ত হইয়া আর সব ভুলিয়া যায়। সংসারে সম্পদ, মেহ, প্রেম সব ত্যাগ করিয়া এই জ্ঞানভ্রুকাজুর ইহারই অস্ত্র ব্যাকুল হয়। ধরণীধরেরও তাহাই হইল। তিনি অস্ত্র চিত্তা ভুলিবার চেষ্টার বাহাকে অবলম্বন করিয়াছিলেন—সে তাঁহার বাসনা পূর্ণ করিল—তিনি ক্রমে ইহলোকে থাকিয়া পরলোকের সম্বল পরাবিভার চর্চায় তন্ময় হইয়া আর সব ভুলিলেন। তাঁহার যাবাবন্ধন বস্ত শিথিল হইতে লাগিল—শানগরের সেই পল্লভবন তাঁহার হৃদয়ের কেন্দ্র হইতে তত দূরে পরিবিরেখার অস্পষ্টদৃষ্ট বিন্দুমাঝে পর্যাবসিত হইতে লাগিল।

হৃদয়ের সহিত সংগ্রামে ধরণীধর জয়ী হইলেন। কিন্তু সংগ্রাম সর্বদা—সর্বত্র ব্যয়সাধ্য। যখন রাজার রাজার বিবাদ বাধিয়া উঠে, তখন লোক কলাকলের প্রতীক্ষা করে ও জয়ীর সাকল্যে তাহার প্রশংসা করে। কিন্তু তাহারি যে পৌরবে মুক্ত হয়—সে অয়পৌরব কত দুর্খল। তাহা জয়ী ব্যতীত আর কেহ জানে না; সে অয় হয় ত জয়ীর সর্বস্ব দিয়া জীত—তাহার সর্বনাশে হয় ত সে অয়ের পরিণতি। হৃদয়ের সহিত সংগ্রামও সর্বত্র ব্যয়সাধ্য—কুত্ৰাপি সুলভ নহে। ধরণীধর আপনার বাহ্য—আত্ম ব্যয় করিয়া জয় লাভ করিলেন। তাঁহার বলসমুদ্রত দেহ ভাঙ্গিয়া পড়িল—বাহ্যসম্পদহেতু জরা এত দিন যে দেহ স্পর্শ করিতে পারে নাই, এখন সে দেহে তাহার ক্ষয়চিহ্ন অস্পষ্ট হইয়া উঠিল।

সপ্তম পরিচ্ছেদ ।

সংসার ।

যে বারি উর্বর ক্ষেত্রে বর্ষিত হইলে সজলস্রব উৎপাদিত করে, তাহাই পক্ষসার পঞ্চলে পড়িলে মুত্থাবানমাত্র উৎপন্ন করে। যে কথার শিষ্টের ক্রটি সংশোধিত হয়—তাহাতে অনেক সময় ছুটের দোষ বর্জিত হয়। বৈবাহিকের নিকট ভ্রষ্টাচার্য মহাশয় বাসাতরণের ব্যবহারে যে বিরক্তি প্রকাশ করিয়াছিলেন তাহাতে বাসাতরণ লজ্জিত হইল না,

হয় তাহাতে তাহার আর্থিক ব্যবহারের বরূপ সপ্রকাশ হইয়া পড়িল।
কিছদিন বে স্কোট—বে লোকমিন্দাতর—বে গিহুরোবাশকা তাহার
আর্থিক ব্যবহার সর্বোপায়ে আর্থিক রাখিয়াছিল এখন তাহা হ্রস্ব
হইল—তাহার ব্যবহারও স্কোটসীমা অবাধে অতিক্রম করিয়া আর্থ-
প্রকাশ করিল।

ভায়াচরণ কখন কলিকাতায়—কখন গৃহে থাকিত। এবার
ভট্টাচার্য্য মহাশয় বলিলেন, তাহাকে বিভাগরে দেওয়া আবশ্যিক। তিনি
তাহাকে শিকালাতার্ক গ্রামের বিভাগরে পাঠাইবার বন্দোবস্ত করিলেন।
ভায়াচরণ তাহাতে আপত্তি করিল—গ্রামের বিভাগরে ভাল শিক্ষক
নাই; সে পুত্রকে কলিকাতায় বিভাগরে ভর্তি করাইতে চাহিল;
উদ্বেগ, তাহা হইলে সে সপরিবারে কলিকাতায় স্থায়ী হইবে। ভট্টাচার্য্য
মহাশয় তাহা বুঝিলেন; বলিলেন, “ভাল, তাহাই হউক।” কিন্তু
এ ব্যবহার পরিবারের আর সকলে কিছু বিমিত হইল। পার্শ্বভীচরণের
পত্নী বড়বধূকে বলিলেন, “দিদি, এ সময় তারাকে লইয়া যাওয়া কি
ভাল হইবে? ঠাকুর এই এত বড় শোক পাইয়াছেন, তারার কাছে থাকিলে
তিনি ভাল থাকেন।” বড়বধূ বলিলেন, ‘আখেরের’ ভাবনা ভাবিতে
হয়। তখন বে আদর পোবর হইবে? তখন ছেলেই আমাদের দোষ
দিবে। এখন কি আর সুখ হইয়া কেবল দক্ষিণার কড়িতে সংসার
চালান যায়? আর কি ছুই দশ হাজার আছে বে, বলিয়া থাকিবে?”
কথাটাতে উপার্জনবিরত পার্শ্বভীচরণের প্রতি বে একটু রেষ ছিল না—
এমন বোধ হয় না। মধ্যমা বুঝিলেন, তর্ক করা বৃথা। এসব পূর্কেই
‘গড়াগিটা’ হইয়া আছে। পার্শ্বভীচরণ অরুণ পিতাকে বলিল, “তারার
এখন কলিকাতায় বাইরা কাব নাই। আপনার বড় কষ্ট হইবে।”
ভট্টাচার্য্য মহাশয় রান হাসি হাসিলেন, “কষ্ট। জীবনে অনেক
পাইয়াছি—অনুটে আরও কত কষ্ট আছে, জানি না। আমার দিন
কাটিয়াছে। এখন তোমাদের সুখী দেখিয়া মরিতে পারিলে তাহাই
পরম ভাগ্য মনে করিব। তোমাদের সম্বন্ধে বে ব্যবস্থা ভাল বুঝিয়াছি,
করিয়াছি। এখন আমার কর্তব্য শেষ হইয়াছে।”

ভায়াচরণ আসিয়া পত্নীপুত্রকভা লইয়া গেল।

ভায়াচরণ পরিত্যক্ত ছিল না—সে বুঝিয়াছিল, পরীক্ষায় তাহার সাক্ষ্য-

সত্যনা মাই। তাহার পর সে পশ্চিমে একটি চাকরীর সংবাদ পাইয়া দরখাস্ত করিল। দরখাস্ত মঞ্জুর হইলে সে ভট্টাচার্য মহাশয়কে সে কথা জানাইল। সে যে তাঁহার উপদেশের অপেক্ষা না রাখিয়া বিভাগের ত্যাগ করিয়াছে ও বিদেশে চাকরী গ্রহণে কৃতসঙ্কল্প হইয়াছে—ইহা জানিয়া ভট্টাচার্য মহাশয় ব্যথিত হইলেন। শেবে যখন তিনি জানিলেন, সে পত্নীকেও সঙ্গে লইবার ইচ্ছা প্রকাশ করিয়াছে তখন তিনি তাহাতেও সন্মতি দিলেন; কেবল বলিলেন, “দুখমাতা কখনও স্বতন্ত্র সংসার করেন নাই, যদি ভাল বিবেচনা কর তোমার পিসীমা’কে কিছু দিনের জন্য সঙ্গে লইয়া যাও। তুমি সংসার পাতাইয়া বসিলে তিনি চলিয়া আসিতে পারিবেন।” কিন্তু ভট্টাচার্য মহাশয় তাহার বিদেশে চাকরী গ্রহণে আগ্রহের প্রকৃত কারণ নির্ণয় করিতে পারেন নাই। রূপসী পত্নীর রূপক মোহমুগ্ধ হুবক ওরফনবিরহিত গৃহে পত্নীকে একান্ত আপনার রূপে পাইবার এবং বাসনার একান্তবর্তী পরিবারের বন্ধন অত্যন্ত কষ্টকর মনে করিতেছিল—তাই সে বিদেশে চাকরী লইয়াছিল। নহিলে—সে জানিত, ভট্টাচার্য মহাশয়ের শিষ্যদিগের চেষ্টায় কলিকাতাতেই তাহার চাকরী জুটিতে পারিত। আর সেইজন্যই সে উদ্ভাদরোগগ্রস্তা জননীকে সঙ্গে লইয়া বাইতে চাহে নাই। সে তাহার চাকরী করিবার কথা তাহার ভগিনীপতিকে লিখিয়াছিল। তিনি তাহাকে পুনরায় পড়িতে পরামর্শ দিয়াছিলেন। শৈলজা ভ্রাতাকে লিখিয়াছিল, “তুমি বাহাই কর কোঠামহাশয়ের আদেশ না লইয়া করিও না। তিনি যে তোমার বিদেশে চাকরী করার প্রস্তাবে সন্মত হইবেন, এমন বোধ হয় না। তিনি তোমাকে দূরে রাখিতে চাহেন না। তাঁহার মেহে আমরা পিতার অভাব কখনও বুঝিতে পারি নাই। দেখিও, যেন তোমার কাছে তিনি কষ্ট না পান।” রাধাচরণ সে সব কথা কাণে তুলে নাই। সে পিসীমা’কে লইয়া বাইবার সম্বন্ধে জ্যেষ্ঠভ্রাতার অভিপ্রায়ের বিকল্প কাৰ্য্য করিতে পারিল না বটে; কিন্তু স্থির করিল, কর্মস্থানে বাইয়া সংসার পাতাইয়াই তাঁহাকে পাঠাইয়া দিব।

পিসীমা’র রাধাচরণের সঙ্গে বাইবার ব্যবস্থার বাধাচরণ বিরক্ত হইল। কারণ, তিনি সংসারে থাকিলে সংসারের সব বন্ধাটাই তাঁহার।

ভট্টাচার্য মহাশয়ের মনে হইতে লাগিল যেন, দারুণ ভূমিকম্পে তাঁহার গৃহ ভাঙ্গিয়া পড়িতেছে, আর তাহারই মধ্যে তিনি বিপন্ন—ব্যথিত—পড়িয়াছেন।

হৃদয়ে আগনার প্রিয়জনদ্বিগকে রক্ষা করিবার জন্য প্রাণান্ত চেষ্টা করিতেছেন। সাক্ষ্যের সভাবনা আছে কি? এই চিন্তায় তিনি ব্যাকুল হইয়া উঠিলেন। তাঁহার হৃদয়ে শান্তির শেষ সভাবনাও তিরোহিত হইল।

তিনি অকালজলদ্বোধের দ্বারা কন্মলের মত বিধবা হুহিতাকে লইয়া যে দিন গৃহে ফিরিয়াছিলেন—সেই দিন বুকিয়াছিলেন,—তাঁহার শেষ জীবনে অভীক্ষিত শান্তি লাভ ঘটবে না। তিনি বাহার আশার আশাবিত ছিলেন সেই শান্তিলাভ তাঁহার ভাগ্যে নাই। তাহার পর সরোজার অবস্থা বিবেচনা করিয়া তাঁহার হৃদয়ে অশান্তি আরও বর্ধিত হইয়াছিল। দুই হুহিতার জন্য দুশ্চিন্তা দুই বিষয়ের মত দংশনজ্বালায় তাঁহাকে বদ্ধা দিতেছিল। অকৃষ্টের এই অপ্রত্যাশিত ও অতর্কিত আঘাতে তিনি যেন অবসর হইয়া পড়িতেছিলেন। কেবল হুহিত্বয়ের প্রতি—পরিজনগণের প্রতি তাঁহার কর্তব্যের বিষয় চিন্তা করিয়াই তিনি বন্ধে বল বাধিতেন—ভাবিতেন,—কর্ম্মেই বাহার অধিকার সে ফলাফল কেন চিন্তা করিকে? কর্ম্ম করাই তারার নিয়তি; নিয়তিনির্দিষ্ট পথে তাহাকে বাইতেই হইবে।

ভট্টাচার্য্য মহাশয় মনকে বুকাইতে চেষ্টা করিতেন—হৃদয়ে বল বাধিয়া সাধনালাভের প্রয়াস পাইতেন, কিন্তু তিনি যখনই বিরজার ও সরোজার মলিন মুখ দেখিতেন তখনই তাঁহার পিতৃহৃদয় বিষম বেদনার চকল হইয়া উঠিত—সেই চাকলা তাঁহার বহু আয়াসলব্ধ হৈর্ষ্য মট করিয়া দিত।

বিরজা অপর্য্যমেহবাদবক্তিতা হিন্দুবিধবার অবলম্বন ধর্ম্মকেই জীবনের অবলম্বনরূপে গ্রহণ করিয়াছিল। সে ব্রতাদির আচরণে শরীরকে ক্লিষ্ট ও চিন্তকে জর করিতে সচেষ্ট হইয়াছিল। কিন্তু চিন্তভর সহজসাধ্য নহে। নতীরবুদ্ধি জানবান পুরুষের পক্ষে বাহা কষ্টসাধ্য—কোমল-প্রভৃতিপরায়ণা জানহীনা রমণীর পক্ষে তাহা কত দুঃসাধ্য তাহা সহজেই অনুভবের। তাই নরচরিত্রাভিজ্ঞ হিন্দু শাস্ত্রকারগণ রমণীর পক্ষে স্বানীকে বেদভা করিয়া দেবতারাদেশের পথ সুগম করিয়া দিয়াছেন। রমণীর পক্ষে বহু ব্যবস্থা—

নাতি জীমাং পুণ্ণং যজ্ঞো ন ব্রতং নাগ্ন্যপোষিতম্ ।

পতিং ওদ্যতে যেন তেন বর্গে মহীরতে ।

সে কেবল পতি-দেবতার চিত্তার্ণ করিয়া ক্রমে স্বীয়লাভের উপায় করা ;

সীমাবদ্ধ হৃদয়ে সহসা অসীমের ধারণা করা হুঃসাধ্য, তাই সীমাহীন হইতে অসীমকে লাভ করিবার ব্যবস্থা। বিরজা স্বামীকে সম্পূর্ণরূপে পাইবার পূর্ব্বেই—তাহার মুকুলিত বোঁবনের প্রেমপিণাসাত্ত্ব হৃদয়ে প্রেমভুজার তৃপ্তির পূর্ব্বেই—স্বামীকে হারাইয়াছিল। তাই এখন সে দেবতার ধ্যান করিতে বসিলে স্বামীর দিব্যমুষ্টি তাহার মানসপটে ফুটিয়া উঠিত; তাহার হৃদে চক্ষু হইতে অবিরল অশ্রু ঝরিত। সে দেবতার চরণোদ্দেশে প্রণাম করিলে তাহার মনে হইত, সে বেন পতিপদে প্রণতা হইত। দেবপূজা শেষ করিয়া সে যখন পতির চিত্রকে প্রণাম করিত তখন তাহার মনে হইত, দেবতা তাহাকে সেই পরিচিত রূপে দেখা দিয়া কৃতার্থ করিয়াছিলেন। সে পতি-দেবতার ও ইষ্টদেবতার মিশাইয়া ফেলিত। হার রমণী হৃদয় !

আর সরোজা ? তাহার বিকাশোন্মুখ হৃদয় অত্যন্ত বিবশ আঘাতে ব্যথিত হইয়াছিল। তাহার মত হুঃখ কাহার ? প্রসন্নসলিলা প্রবাহিনীর কূলে দাঁড়াইয়া যে তৃক্ষাতুর হতভাগ্য নিরে তপ্ত বায়ুর ও উপরে দীপ্ত সূর্যের উত্তাপে পীড়িত হয় অথচ সলিল স্পর্শ করিতে পায় না, তাহার হৃৎকেন্দ্রে সীমা আছে কি ? সে স্বপ্নের স্নেহে যে অনাবিল মুখ পাইয়াছিল সে মুখতোগ যে তাহার অভূষ্টে নাই তাহা সে বুঝিয়াছে, বুঝিয়া কাঁদিয়াছে। বতীশচন্দ্রের পিতামহীর আদরে সে মাভূহারা কত আবার বেন জননীর স্নেহ ফিরিয়া পাইয়াছিল ; কিন্তু সে কতদিন সে আদর হইতে বঞ্চিত ! যে গৃহ তাহার সে গৃহে সে আর বাইতে পায় না।

সর্বোপরি স্বামীর কথা। তিনি কোন্ দোষে তাহার প্রতি এমন ব্যবহার করেন ? আবার সে আপনাকে আগনি বুকাইতে চেষ্টা করিত, তাহার দোষ কি ? তিনি ত তাহাকে লইয়া বাইতে চাহিয়াছিলেন। তিনি কেন সব বুঝেন নাই ? বাহাকে অস্ত্র সকলে স্থগা করে সেও একেবারে গুণশূন্য নহে। তাহার সে গুণ অস্ত্রে দেখিতে না পাইলেও তাহা তাহার প্রেমপরায়ণা পত্নীর দৃষ্টি অতিক্রম করে না। তাই যে অস্ত্রের নিকট একান্ত স্থগ্য, সেও স্বীয় গৃহে পত্নীর প্রেমে স্বর্ণমুখ লাভ করিতে পারে। সরোজার নিকট বতীশচন্দ্রের অপরাধ ক্রমে একান্ত বার্জনের প্রতীকমান হইতেছিল। তাহার প্রেম বাহার উদ্দেশে প্রবাহিত হইতেছিল সে কি তাহার দোষ দেখিতে পায় ? তাই সে স্বামীর দোষ দেখিত না ; বরং সময় সময় আপনাকেই অপরাধী মনে করিত। কিন্তু সে কি করিবে ?

এখন তাহার কর্তব্য কি ? সে ভাবিত, ভাবিত আর কাদিত তাহার মনে
দুঃখ ছিল না ; অধরে হাসি ছিল না ।

তষ্টাচার্য্য মহাশয়ের সংসারে কেবল দুঃখ ।

—•—

নীলব কবি ।

কর্ম-সিদ্ধ-ঊপকর্মে বিশ্বাস অচলে
পবিত্রতা-তপোবনে সাধনা-কুটীর,
ভকতিদ প্রবাহিনী পুষ্পিত কুন্তলে
বতনে মুছায় তা'র চরণ রুচির ।
অজ বেয়ে ঝরে কিবা রস-নির্ঝরিনী,
মন্দ মন্দ শান্তি-বায়ু বহে নিরমল ;
রোষ-সিংহ নিজাতুর, কাম-কুরঙ্গিনী
অঙ্গে তা'র রহে সুখে নিজায় বিহ্বল ।
সে কুটীরে ধ্যান-মগ্ন ভ্রমিত-অন্তর
বিগাড়ে নীলব কবি নিশ্চল নয়ন,
খসিয়া পড়েছে দূরে ছাড়ি' কলেবর
মলিন বসন সম দেহের চেতন ।
চিন্তে বহে ভাব-স্রোত মহান্ উদার,—
অজ্ঞাতে করিছে পান বিশ্ব সুধা তার ।

শ্রীভুজঙ্গধর রায় চৌধুরী

—•—

করাসী বিপ্লবের ইতিহাস।

(পঞ্চম অধ্যায়।)

নবপ্রতিষ্ঠিত জাতীয় সমিতি সর্বজনসমক্ষে রাজাজ্ঞা অবহেলা করিলেও করাসীরাজ শক্তিহীনতাগ্রস্ত সর্ব সস্ত্রাদারের সম্মিলনে সম্মতি প্রদান করিয়াছিলেন। গার্ড ডি ড্রাক এবং অপরাপর সৈনিকদিগের বিদ্রোহিতা নিবন্ধন, তাঁহার সমিতির ইচ্ছানুসরণ ভিন্ন উপায়ান্তর ছিল না। কিন্তু সৌভাগ্যের উচ্চতম শৃঙ্গ হইতে অকস্মাৎ দুর্ভাগ্যের নিম্নতম প্রদেশে নিপাতিত হইয়া সংসারে কোন ব্যক্তিই স্থির চিত্তে কালযাপন করিতে পারে না। যিনি এ বাবৎ কোটি কোটি মানবের অধীশ্বর রূপে বিরাটমান থাকিয়া বিশাল করাসীরাজ্যে একাধিপত্য করিয়া আসিয়াছেন, অস্ত তিনি সহসা সর্বশক্তিবিবর্জিত হইয়া অদৃষ্টকে ধস্তবাস্ত প্রদান করিবেন, ইহা কদাচ সম্ভবপর নহে। সেই জন্ত তিনি উত্তম, অধ্যবসায় ও স্বীয় পুরুষকারের সাহায্যে অদৃষ্টের সহিত সংগ্রামে প্রবৃত্ত হইতে কৃতসঙ্কল্প হইলেন। অতীষ্ট সাধনের নিমিত্ত তিনি মাসাঁল ডি ব্রলীকে সেনাপতিপদে বরণ করিয়া তাঁহাকে বলিলেন, “ধনজনবিহীন নিঃসহায় রাজা অস্ত আপনার সাহায্যার্থী। রাজসৈন্তগণ বিদ্রোহতাবাগ্ন; সুতরাং আপনার আশ্রয়-গ্রহণ ভিন্ন আমার উপায়ান্তর নাই। বাহারা চতুর্দিক হইতে রাজসিংহাসনের প্রতি জ্রুটি প্রদর্শন করিতেছে আপনি যদি শোণিত-প্রবাহে ধরাধাম কলঙ্কিত না করিয়া তাহাদিগকে দমন করিতে পারেন, তাহা হইলে আমি কৃতার্থ হইব।” মাসাঁল জনৈক রণবিশারদ কৃতকর্মী ধীরপুরুষ। যুরোপ-খণ্ডে এ বাবৎ তিনি শৌর্য বীর্য ও রণনিপুণতার পরাকাষ্ঠা প্রদর্শন পূর্বক জগতে প্রতিষ্ঠা লাভ করিয়াছেন। যে জাতীয় ভাবের অভ্যুদয়ে অর্ধ শতাব্দী কাল বাবৎ সমগ্র ফ্রান্স অভ্যাচার ও উৎপীড়নের প্রতিকূলে দণ্ডায়মান হইয়াছে, তাহা অতাপি তাঁহার চিত্তে স্থান প্রাপ্ত হয় নাই। সেই জন্ত নবপ্রতিষ্ঠিত সমিতির প্রতি তাঁহার শ্রদ্ধা বা অস্বরাগ নাই। সুতরাং তাঁহার রাজতক্তি অক্ষুরভাবে বিস্তমান। কিন্তু তিনি রাজতন্ত ও রণবিশারদ হইলেও দেশের বর্তমান অবস্থাবিশেষে সম্পূর্ণ অনভিজ্ঞ। সমগ্র করাসীজাতি যে একতানুয়ে আবদ্ধ হইয়া রাজশক্তির সহিত শক্তি পরীকার নিমিত্ত দণ্ডায়মান তাহা

কিন্তু তখনও তিনি কোনও প্রকারে তার পৈতৃক কারখানার ভার
শেখেননি। এইজন্য তিনি অপ্রস্তুত ছিলেন। না কখনো বাস্তবায়ন
নিয়েছিলেন। তার প্রবণ ছিল। তিনি যদি উপস্থিত থাকতেন তখন
স্বয়ং প্রবণে থাকতেন, তারা হইলে কিছু ব্যাপারে ব্যাপার করিতেন
নিশ্চয়ই।

কিন্তু তখনও শৈশবকালের সাহায্য গ্রহণ করিতে অভিনাবী হইলেন।
শৈশবকালীন সুপরিচয়ের তার করিবারপ্রসাবে ধরাবাধা কল্পিত কথা
উদ্ধৃত করিলেন। তিনি বনে করিলেন যে, অল্পবয়সে প্রথম পূর্বক
কল্যাণকরতার কারণে জীতি উৎসাহনে কৃতকার্য হইলেন। তাঁহার কার্য-
শক্তি হইল। কিন্তু তিনি স্বয়ং পাশব শক্তি গ্রহণের বিরোধী হইলেন।
হালসার সময়ের নিজস্বের অভিপ্রায় বতর। তাঁহার "পরিচিতি
হইল।" কল্যাণকরতার বৃত্ত বসিলেন, "জাতীয় সমিতির সভাপতি এবং
আন্তর্জাতিক সভাপতি হইলেন। কিন্তু এতিহাসিক সময় উপস্থিত।
উদ্ভাসিত কৃতকার্যতার বিভিন্ন আকারের রূপাণ শাপিত করিয়াছে।" কেবল
এই বা প্রবণের আবেগ সত্তরনে অসমর্থ হইয়া সভাপতিকে পলায়ন
করিতে হইল। নিম্নলিখিত ব্যক্তি করিলেন। বার্মাল এবং সেনাপতিগণ
অভিপ্রায় হইল। প্রস্তুতভাবে এই বত প্রকাশ করিলেন, "গণপন
সময় উপস্থিত। সাহায্যে আমি অবলীলাক্রমে কার্যনির্বাহ করি।"
কিন্তু সাহায্য প্রত্যক্ষ পর্যাটন ব্যক্তিগণের হস্তক্ষেপেই হালসার
অসমর্থতার প্রধান কারণ। বহুসংখ্য সেনার সময় জীতির পৃষ্ঠপোষক
হইলেন। কিন্তু হালসার তাঁহার অভিপ্রায় এককালে বিলুপ্ত হইয়াছিল।
তিনি প্রবণতাদের পূর্ন রহত বিলুপ্তিও অবগত ছিলেন না। তাঁহার
অসমর্থতার প্রধান কারণ হইল। কি উদ্ভাসিত সৈন্যগণ সবচেয়ে হইলেন।
তিনি প্রবণে প্রতিষ্ঠিত থাকিয়াও তৎসময়ে অভিজ্ঞতা লাভ করিতে
সক্ষম হইলেন। কিন্তু এ বিবেকে সেনাপতিগণের অসমর্থিত উভয়
সংস্করণের প্রধান কারণে অবতীর্ণ হইলেন। বার্মাল এবং
সেনাপতিগণের সময় বলে বিশেষ সৈন্যগণ আগমন করত। তাঁহাদের
সময় সৈন্যগণের সময়ে সক্ষম হইতে পারিল। সেনাপতিগণের
সময় সেনাপতিগণের সময়ে সক্ষম হইতে পারিল। সেনাপতিগণের
সময় সেনাপতিগণের সময়ে সক্ষম হইতে পারিল। সেনাপতিগণের
সময় সেনাপতিগণের সময়ে সক্ষম হইতে পারিল। সেনাপতিগণের

মধ্যযুগী স্থানে বিংশতি সহস্র সৈন্তের উপযোগী সেনানিবাস নির্মিত হইতে লাগিল। প্যারিসের চতুর্দিকে স্থানে স্থানে সৈন্ত সংস্থাপিত হইল। ফরাসীরাজ ধনজনবিহীন নিঃসহায় হইলেও মাসীল ব্রলীর কার্য-কুশলতা নিবন্ধন, তাঁহার বুদ্ধারোহনে কোন ক্রটি হইল না।

কিন্তু এ দিকে ফরাসীরাজের সমরসজ্জার বিশেষতঃ বিদেশীয় সৈনিক-গণের আগমনে প্যারিস নগরী উগ্রমূর্তি ধারণ করিল। নিরস্ত্র ইতর সাধারণ উন্নত হইয়া দলে দলে রাজপথে ভ্রমণ করিতে লাগিল। চূড়িক-পীড়িত অনশনক্লিষ্ট সংখ্যাভীত ব্যক্তি প্রতি গ্রাম ও নগর হইতে সমাগত হইয়া রাজধানীর উচ্ছৃঙ্খলাচারিগণের সহিত সম্মিলিত হইল। রাজসৈন্তদল বিদেশীয় সৈনিকগণের আগমন দর্শনে রাজদ্রোহী হইয়া রাজদ্রোহী জনসাধারণের সহিত বোগদান করিল। সাধারণতঃ শাসনের পৃষ্ঠপোষকগণ সুযোগ প্রাপ্ত হইয়া রাজসিংহাসন উৎপাটনকল্পে বহুপরিকর হইল। তাহারা পথে ঘাটে সর্বস্থানে সর্বপ্রকারে রাজা ও মন্ত্রিবর্গের বৃদ্ধাচার প্রতিপাদন করিতে লাগিল। স্মৃতরাং অচিরে প্যারিস নগরীতে হুলস্থূল কাণ্ড আরম্ভ হইল।

জাতীয় সমিতির সভ্যগণের ক্রব বিশ্বাস জন্মিয়াছিল যে, উদারনীতি-পরায়ণ নেকার মন্ত্রিপদে প্রতিষ্ঠিত থাকিতে ফরাসীরাজ কুমন্ত্রণাদাতাদিগের যুক্তির অনুসরণে ফরাসীজাতির বিরুদ্ধে অস্ত্র ধারণ করিতে সমর্থ হইবেন না। কিন্তু যখন তাঁহারা দেখিলেন যে, মন্ত্রিবরের সর্বশক্তি অন্তর্হিত হইবার উপক্রম হইয়াছে এবং দলে দলে বিদেশীয় সৈন্ত আগিয়া জাতীয় স্বাধীনতার হস্তার্পণের নিমিত্ত হস্তপ্রসারণ করিতেছে, তখন তাঁহারা আর নিশ্চিন্ত থাকা শ্রেয়ঃ জ্ঞান করিলেন না। তাঁহারা বাগ্মীকুলভিলক মহামতি মিরাবোর প্রস্তাব অনুমোদন পূর্বক নিম্নলিখিত বর্ণে রাজ-সকাশে একখানি আবেদন পত্র প্রেরণ করিলেন :—

“চতুর্দিক হইতে সৈন্তসম্মিলন, চতুর্দিকে শিবিরনির্মাণ এবং রাজধানী সৈন্তগণ কর্তৃক পরিবেষ্টিত হইতে দেখিয়া আমরা বিস্ময়গম্ব হইয়া এই প্রশ্ন জিজ্ঞাসা করি—ফরাসীজাতি কি রাজার অবিধাসের পাত্র হইয়াছে ? নতুবা এ রণসজ্জার কারণ কি ? রাজার শত্রু কোথায় ? কাহাকে দমন করিতে হইবে ? বিদ্রোহী বা বড়বলকারী কাহারা ? প্রজাবাৎসল্যবশতঃ আপনি ফরাসী জাতিকে যে মহার্ঘ্য রত্ন প্রদান করিয়াছেন, তজ্জন তাহারা

আপনার নিকট সত্যিয়ার কৃতজ্ঞ। সুতরাং কুমন্ত্রণাদাতাদিগের বৃত্তি অহুসরণ না করিলে আপনার কোন প্রকার আশঙ্কার কারণ নাই। কুমন্ত্রণাদাতৃগণ আপনার চিন্তে কি প্রকার সন্দেহ উৎপাদন করিয়াছে জানি না। আপনি কি ভ্রাতৃবিগর্হিত কার্য্য করিয়াছেন যে, তজ্জন্য প্রজাবর্গের বিরাগভাজন হইবেন? আপনি কি প্রজাশোণিতে করাসী-ভূমি প্রাণিত করিয়াছেন? আপনি কি 'করাসীজাতির প্রতি অমানুষিক নির্দুর্ভরতা প্রদর্শন করিয়াছেন? প্রজাগণ কি কখনও আপনাকে তাহাদের হৃর্ভাগ্যের মূলোদ্ধৃত কারণ বলিয়া নির্দেশ করিয়াছে? তাহারা কি আপনার শাসনাধীন থাকিতে অনিচ্ছা প্রকাশ করিয়াছে? তবে এ বুধা সময়সম্ভার কারণ কি?

“কিন্তু এহলে একটি কথা না বলিলে সত্যের অপলাপ করা হয়। বর্ত্তমান সময়ে করাসীদেশে প্রেমমার্গ অহুসরণ ভিন্ন অল্প কোন নীতি অবলম্বনে রাজ্যশাসন সম্ভবপর নহে। আপনি স্বল্প বে পন্থা অবলম্বন করিয়াছেন, করাসীজাতি আপনাকে তাহা ত্যাগ করিয়া পন্থান্তরে গমন করিতে কোন ক্রমে দিবে না। আমরা সৈন্তসমাগমে সমূহ বিপদ দৃষ্টি করিতেছি। রাজা করাসীজাতির স্বাধীনতায় হস্তার্পণ করিতে উদ্বৃত্ত হইরাছেন মনে করিয়া প্রদেশবাসিগণ একবার ধৈর্য্যচ্যুত হইলে তাহা-দিগকে নিরস্ত করা সহজ ব্যপার হইবে না। দূরবর্ত্তী স্থানে অবস্থান হেতু তাহারা রাজধানীর প্রত্যেক ঘটনা বৃহদাকারে দৃষ্টি করিবে, সুতরাং বিপদের পরিসীমা থাকিবে না। প্যারিসবাসিগণও সৈন্ত-সমাগম প্রীতির দৃষ্টিতে দেখিবে না। কারণ, তাহারা হৃর্ভিক্সসমাগমে বৎসরোন্মত্তি ক্রেশ ভোগ করিতেছে। তাহাতে যদি সৈন্তদল আসিয়া কিয়ৎকাল পর্য্যন্ত রাজধানীতে অবস্থিতি করে, তাহা হইলে খাজসাহী এককালে হুর্লভ হইবে, সুতরাং তাহাদের ক্রেশের পরিসীমা থাকিবে না। আবার ভাবিয়া দেখুন, সৈন্তগণের আগমনে সর্ব্ব-সাধারণের চিন্তাচঞ্চল্য উপস্থিত হইয়াছে। সুতরাং শান্তিরক্ষার নিমিত্ত কোন স্থলে বলপ্রয়োগ আবশ্যক হইলে, ঘোরতর বিপদ ঘটবার সম্ভাবনা। তত্ত্বির আরও একটি কথা স্মরণ রাখা কর্তব্য। রাজনৈতিক আন্দোলনের সন্নিকট সৈন্তগণের অবস্থিতি বৃক্তিসম্ভব নহে; কারণ, করাসী সৈন্তগণ করাসী জাতি হইতে বিভিন্ন নহে। আবার বিবেচনা করিয়া দেখিলে

রাজধানী সৈন্তগণ কর্তৃক পরিবেষ্টিত থাকিলে আমরাও স্বাধীন ভাবে নিঃশঙ্কচিত্তে কর্তব্য সম্পাদনে সমর্থ হইব না। সুতরাং আমরা সৈন্ত-সন্মিলনে অশেষ প্রকার বিপদের আশঙ্কা করিতেছি। এতদপেক্ষা ক্ষুদ্রাহপি-ক্ষুদ্র কারণ হইতে জগতে মহাবিপ্লব ঘটিয়াছে। এতদপেক্ষা ক্ষুদ্র কারণ হইতে মহা প্রলয়ের উৎপত্তি হইয়া রাজা প্রজা উভয়ের সর্বনাশ উপস্থিত হইয়াছে। যাহারা ফরাসী জাতিকে অবহেলার সামগ্রী মনে করেন, আপনি তাঁহাদের বাক্যে কর্ণপাত করিবেন না। আমাদের বিশেষ অনুরোধ—আপনি সৈন্তগণকে অচিরে স্থানান্তরে প্রেরণ করুন। তাহারা রাজ্যের সীমান্ত প্রদেশ রক্ষা করুক। আর বিদেশীয় সৈন্তগণকে কর্তৃক হইতে অবসর প্রদান করুন। দুই কোটি পঞ্চাশ লক্ষ রাজতন্ত ফরাসী বে রাজার প্রজা তাঁহার বিদেশীয় সাহায্যের প্রয়োজন কি ?”

ফরাসীরাজ এই প্রাজ্ঞ আবেদনের উত্তরে বলিলেন :—

“সংপ্রতি প্যারিস নগরে যে সমস্ত কুৎসিত নাট্যের অভিনয় হইয়াছে তাহা কাহারও অবিদিত নাই। সেই জন্ত রাজধানী ও তৎ-সমীপবর্তী স্থানসমূহে শান্তি-সংরক্ষণের নিমিত্ত উপায় অবলম্বন করা আবশ্যক। কারণ, শান্তি-সংরক্ষণই রাজার প্রধান কার্য। সেই উদ্দেশ্যেই আমি প্যারিস নগরের চতুর্দিকে সৈন্তসংস্থাপন করিয়াছি। রাজধানীর শান্তিরক্ষণ ও সমিতির সভ্যগণের স্বাধীনতা রক্ষা ভিন্ন আমার অন্য কোন অভিপ্রায় নাই। ধলপ্রকৃতি ব্যক্তি ভিন্ন কেহই আমার উদ্দেশ্যের প্রতি দোষারোপ করিতে পারে না। তবে যদি সৈন্ত-সমাগম দৃষ্টি করিয়া সভ্যগণ অসন্তুষ্ট হইয়া থাকেন, তাহা হইলে তাঁহারা যদি ইচ্ছা করেন, আমি স্থানান্তরে সমিতির অধিবেশনের ব্যবস্থা করিয়া দিব।”

রাজপ্রদত্ত উত্তর সমিতিগৃহে আলোচিত হইল। জটিল সভ্য বলিলেন, “রাজা বলিয়াছেন, রাজধানীর শান্তি রক্ষার নিমিত্ত সৈন্ত সমবেত হইয়াছে। সমিতির প্রতি বলপ্রয়োগ করা তাঁহার অভিপ্রেত নহে। তাঁহার বাক্যে বিশ্বাস স্থাপন করা কর্তব্য; কারণ, সম্রাট ব্যক্তির বাক্যই যথেষ্ট।”

মহামতি মিরাবো বলিলেন :—

“রাজা বলিয়াছেন যে, তাঁহার কোন হুজুতিসন্ধি নাই। এ কথা

আমরা বিশ্বাস করিতে পারি; কিন্তু মন্ত্রীদিগের কথার কিরণে বিশ্বাস করিব? মন্ত্রী বারবার প্রতিজ্ঞা ভঙ্গ করিয়াছেন। দূরদর্শিতার অভাবপ্রযুক্ত রাজা পরবুদ্ধিচালিত হইয়া আমাদিগকে বারবার শঙ্কটাপন্ন করিয়াছেন,—ইহা কাহারও অবিদিত নাই। যদি চিরদাসত্ব পরিহারের বাসনা থাকে, তাহা হইলে আপনারা একবার চক্ষুরুন্মোচন করুন। রাজা প্রকারান্তরে আমাদের ইচ্ছা পূর্ণ করিতে অনিচ্ছা প্রকাশ করিয়াছেন। আমরা সৈন্তগণকে স্থানান্তরে প্রেরণের নিমিত্ত তাঁহাকে অহুরোধ করিয়াছিলাম, আমরা স্থানান্তরিত হইবার নিমিত্ত তাঁহার নিকট প্রার্থনা করি নাই। সৈন্তগণ রাজধানীসন্নিধানে উপস্থিত থাকিলে সমূহ বিপদের সম্ভাবনা। সমিতি স্থানান্তরিত হইলে সেই বিপদের বুদ্ধি ভিন্ন হ্রাস হইবে না।”

(ক্রমশঃ)

শ্রীস্বরেন্দ্রনাথ ঘোষ ।

কবি ।

সদা ভাবে ভোলা মন,	হৃদ-হৃদ নদী ধার,
কিবা পর, কি আপন,	তা'রি সনে গীত গায়,
সে চাহে না কোন দিন, কারো পরিচয় ।	কত কথা বলে তারে, কুটে ভাবরাশি ।
নাহি জানে কোন ভেদ,	ভায় বে প্রাণের বীণা,
নাহি জানে কোন বেদ,	বাজে সে বিরাটহীন,
শ্রেয়-বহুনার ধারা হৃদে সদা বয় ।	গুনে কেহ, নাহি গুনে—মিশে সম্মতাকাশে ।
ভরু লভিকার সনে	কোন্ সে আরাধ্য লাগি',
কথা তা'র নিরঞ্জে,	সারা রাতি রহে জাগি',
পুষ্পভূজ বৃকে ধরে সোহাগে—আদরে ;	যদি তা'র শুভ স্পর্শ একবার আশে ।
দলিতে ছুঁকার দল	হোক সে ধরার প্রাণী,
অঁধি তা'র হল হল,	নাহি তা'র জানাজানি,
করণার উৎস বেন উথলে অন্তরে ।	অতি তুচ্ছ তা'র কাছে ভক্তি-নিদা-বশ ;
চাঁদ মেখি' ভরে বুক,	গর্জ তা'র—দীনভায়,
মনে ভাবে চাঁদমুখ,	স্বপ্ন তা'র—হীনভায়,
মেখে এলোকেশ মেখে, চপলায় হাসি ।	বহুখা হৃদে তা'র, সর্বভূত বশ ।
	শ্রীস্বিরেন্দ্রনাথ ঘোষোপাধ্যায় ।



স্বর্গীয় কৃষ্ণচন্দ্র রায় ।

জন্ম—

১৫ই চৈত্র, ১২৪৪ সাল ।

1st. April 1838.

মৃত্যু—

৫ই কার্তিক, ১৩১৯ সাল

21st October, 1912.

কৃষ্ণচন্দ্র রায়।

গত এই কার্তিক পরিণত বয়সে কৃষ্ণচন্দ্র রায় মহাশয় পরলোকগত হইয়াছেন। বাঙ্গালার ইংরাজী শিক্ষাবিস্তারকার্যে তাঁহার কৃতিত্বকথা অস্বর্ণীয় ও উল্লেখযোগ্য। তিনি দীর্ঘ জীবন শিক্ষাদানকার্যে ব্যাপ্ত ছিলেন এবং তিন পুরুষ বাঙ্গালী তাঁহার নিকট শিক্ষালাভ করিয়াছে। আর তাঁহার শিক্ষাদানপ্রণালীর এই বিশেষত্ব ছিল যে, তাহাতে তাঁহার ছাত্রদিগের হৃদয়ে জ্ঞানার্জনস্পৃহা প্রদীপ্ত হইয়া উঠিত।

বর্তমান প্রবন্ধের লেখক যখন বিজ্ঞাপিকার্য কলিকাতায় আসিয়াছিল তখন শিক্ষকরূপে কৃষ্ণ বাবুর যশ চারি দিকে ব্যাপ্ত হইয়াছে—তখন তাঁহার বিরাট কৌণ্ডি Phrases and Idioms “বঙ্গে যথা তথা।” তখন ছেলেকে হেয়ার স্কুলে কি হিন্দু স্কুলে ভর্তি করা হইবে সে কথা উঠিলে লোক বলিত, “যদি ছেলেকে ইংরাজী শিখাইতে চাহ, তবে হেয়ার স্কুলে দাও,—কেউ বাবু আছেন।” বাস্তবিক কৃষ্ণ বাবুর শিক্ষাদানপদ্ধতি অতি বিশ্বস্কর ছিল। তিনি খুঁটিনাটি লইয়াই হয় ত ঘণ্টা কাটাইয়া দিলেন—উচ্চারণের জন্ত তিনি হয় ত ঘণ্টায় তিন চারি ছত্রের অধিক পড়াইতে পারিলেন না। শব্দ যাহাতে সুপ্রযুক্ত হয় সে জন্য তিনি সকল ছাত্রকে Webster's Dictionary হইতে শব্দের অর্থ সংগ্রহ করিতে বলিতেন; এ বিষয়ে কোনরূপ ওজর আপত্তি শুনিতেন না, এমন কি একবার একজন ছাত্র আর্থিক অভাব প্রযুক্ত ঐ অভিধান কিনিতে অক্ষমতা জানাইলে তিনি স্পষ্টই বলিয়াছিলে, “এবিষয়ে কোন আপত্তি শুনিব না—Buy, beg or borrow—ঐ অভিধান সংগ্রহ কর।” এক দিন একটি ছাত্র প্রশ্নের উত্তরে একটি কথার যে অর্থ বলিয়াছিল তাহা সঙ্গত, কিন্তু সে প্রতিশব্দটি ওয়েবস্টারে নাই। কৃষ্ণ বাবু বলিলেন, “এ প্রতিশব্দ তুমি কোথায় পাইলে?” বালকটি বলিল, তাহার গৃহ-শিক্ষক বলিয়া দিয়াছেন। কৃষ্ণ বাবু বলিলেন, “তোমার গৃহ-শিক্ষক আছেন! তুমি যদি আর কখনও অভিধান দেখিয়া স্বয়ং প্রতিশব্দ সংগ্রহ কর না দেখিতে পাই, তবে তোমাকে যে শাস্তি দিব তাহা কখনও ভুলিবে না।”

যক্ষঃবল হইতে কলিকাতায় আসিয়া যখন হেয়ার স্কুলে প্রবেশ করিলাম তখন কৃষ্ণ বাবুকে দেখিবার জন্ত বিশেষ কৌতুহল হইল। কারণ, “বাইময়”

(মিড্‌ল ইংলিস) পরীক্ষার তাঁহার Middle Class Reader ও ভারত-বর্ষের ইতিহাস পাঠ করিয়াছিলেন। দেখিলাম—গৌরবর্ণ প্রৌঢ় মুর্ত্তি—আননে গাভীৰ্য্য ও চিন্তাশীলতা সপ্রকাশ। এই স্বাভাবিক গাভীৰ্য্যযেতু ছাত্রদল তাঁহাকে বিশেষ ভয় করিত; অলস বা বিলাসী ছাত্রদল হেয়ার স্কুলে দ্বিতীয় শ্রেণীতে উঠিলেই স্কুল ছাড়িয়া বাইত। অথচ কৃষ্ণচন্দ্র কখনও ছাত্রদিগের কঠোর শাস্তির ব্যবস্থা করিতেন না। তাঁহার শাসিত বিজ্ঞপই ছাত্রশাসনের পথে যথেষ্ট ছিল। একবার প্রপ্রান্তরে একটি ছাত্র whether বানান করিয়াছিল wheather কৃষ্ণ বাবু ক্লাসে তাহাকে ঐ শব্দটি বানান করিতে বলিলেন। সে উত্তর করিল wheather; কৃষ্ণ বাবু বলিলেন, “e ও a বলিলে—i, o, u তিনটি বাদ দিলে কেন?” বেচারী আর বাহাই করুক আর কখন ও whether বানান ভুল করে নাই।

কৃষ্ণ বাবু যে বংশে জন্মগ্রহণ করিয়াছিলেন, সে বংশের নাম বাজার ইতিহাসে বিশেষ পরিচিত। হেষ্টিংসের চক্রান্তে যে নন্দকুমারের কান্দী হয়—বাহার বিচারকে কোন প্রসিদ্ধ ইংরাজ লেখক Judicial Murder বলিতেও কুণ্ঠিত করেন নাই, কৃষ্ণচন্দ্র সেই নন্দকুমারের দৌহিত্রের পৌত্র। মহারাজা নন্দকুমারের এক পুত্র ও তিন কন্যা জন্মিয়াছিল। পুত্র রাজা ওরুদাস অপুত্রক থাকিয়া লোকলীলা সম্বরণ করেন; কন্যা আনন্দময়ীরও অবিবাহিত অবস্থার মৃত্যু হয়। কন্যা সোণামণির সহিত জগৎচন্দ্রের ও কিণুমণির সহিত রাধাচরণের বিবাহ হয়। জগৎচন্দ্রের বংশধরগণ কুজঘাটার “রাজা” বলিয়া পরিচিত, কৃষ্ণচন্দ্র রাধাচরণের প্রপৌত্র।

নন্দকুমার যখন হুগলীর ফৌজদার তখন রাধাচরণ মূর্খিদাবাদের উপকণ্ঠস্থিত সৈদ্যাবাদ হইতে আসিয়া ভট্টপন্নীতে বাস করেন। তাঁহারই গৃহের মঞ্চরাজত্ব বৃহৎ সুসজ্জিত কক্ষে মহারাজ নন্দকুমারের দরবার বসিত। রাধাচরণ নবাব মবারকউদ্দৌলার উকীল ছিলেন এবং সেইজন্য পুরুষাঙ্কমে “বাবু” ও “রায় রাজা” বলিয়া অভিহিত হইবার অধিকার পাইয়াছিলেন। তখন “বাবু”—বর্ত্তমান সময়ের “বাবু” হইতে অনেক ভিন্ন প্রকারের সম্মান ছিল। ভট্টপন্নীতে তাঁহার জমীদারী “বাবুর আনি,” তাঁহার বাজার “বাবুর বাজার,” তাঁহার বাসপন্নী “বাবুর পাড়া” নামে এবং তমলুকে তাঁহার জমীদারী দোরো পরগণা “রায় রাজা চক” নামে প্রসিদ্ধ।

রাধাচরণের পৌত্র তারকনাথ স্বধর্মপরায়ণ ও অধিতিবৎসল লোক ছিলেন। তিনি প্রতিদিন বেলা ১০টা হইতে ২টা পর্যন্ত গলাপ্রবাহে দাঁড়াইয়া পূজা করিতেন। তিনি পুত্রদিগের শিক্ষা শেষ না হইলে তাঁহাদিগের বিবাহ দেন নাই; এবং বহু আত্মীয়স্বজনদের আপত্তি সত্ত্বেও পুত্রগোপালচন্দ্রকে মেডিক্যাল কলেজে পড়িতে পাঠাইয়াছিলেন। তিনি ডেপুটিগভর্নর ম্যাডক ও লিট্‌লার, সার অ্যাসলি ইন্ডেন, বোর্ড অব রেভিনিউর আর্থার গ্রোট প্রভৃতি যুরোপীয়ের সহিত বন্ধুত্বস্থিত্রে বদ্ধ ছিলেন। সন ১২৮০ সালে ১৫ই ভাদ্র তারিখে হাওড়ার তাঁহার দেহান্ত ঘটে।

কৃষ্ণচন্দ্র পিতার দ্বিতীয় পুত্র ও তৃতীয় সন্তান। সন ১২৪৪ সালে ১৫ই চৈত্র তারিখে মাতুলালয় খাসবাটি—হালিসহরে তাঁহার জন্ম হয়। জন্মের সাড়ে সাত মাস পরেই কৃষ্ণচন্দ্র মাতৃহীন হইলেন। প্রতিবেশিনী কারন্ত মহিলা ব্রহ্মময়ী মাতৃহীন ব্রাহ্মণসন্তানকে লালন পালন করেন।

সাত বৎসর বয়সে গ্রামের পাঠশালার পাঠ শেষ করিয়া কৃষ্ণচন্দ্র চুঁচুড়ার হরচন্দ্র রায়ের ইংরাজী স্কুলে পাঠ আরম্ভ করেন। তিনি যখন এই স্কুলের ছাত্র, সেই সময় এক দিন (১৮ই মে, ১৮৪২) মিষ্টার লজ স্কুল পরিদর্শনে আসিয়া কৃষ্ণচন্দ্রকে ও রসিকলাল নিয়োগীকে সাক্ষাৎকৃত ছাত্র বলিয়া নির্দেশ করেন। তিনি বালক কৃষ্ণচন্দ্রের আনুষ্ঠিত বিশেষ প্রীতি করেন ও তাঁহাকে হগলী কলেজে বিনা বেতনে পাঠের অধিকার দেন। এই কলেজে ১৮৫৫ খৃষ্টাব্দে তিনি মাসিক ৮ টাকা “জুনিয়ার” বৃত্তি লাভ করেন। হগলী কলেজে তিনি মহেশচন্দ্র বন্দ্যোপাধ্যায়, ঈশানচন্দ্র বন্দ্যোপাধ্যায়, শ্রীনাথ দত্ত প্রভৃতি বাল্যলী ও কার, থয়েটস, লজ প্রভৃতি যুরোপীয় শিক্ষকের ছাত্র ছিলেন। শ্রীনাথ বাবু ছাত্রদিগকে অভিধান ব্যবহার করিতে উৎসাহিত করিতেন। ঈশান বাবুর গ্রেসর Elegy ও Eton College পড়াইতে ছয় মাস লাগিয়াছিল। মিষ্টার কার এক বৎসরে Vanity of Human Wishes শেষ করিয়াছিলেন। সব গুলিই স্কুদ্রায়তন কবিতা। অতএব দেখা বাইতেছে খুঁটিনাটি লইয়া সময় কাটাইয়া শিক্ষা হারী কলপ্রদ করিবার অভ্যাস কৃষ্ণচন্দ্রের গুরুদত্ত সম্পদ। তখন বাল্যলী পাঠ্য পুস্তক ছিল—নীলমণি বসাকের ‘নবনারী’। এই সময় কৃষ্ণচন্দ্র ইংরাজী সাহিত্যিক ও ঐতিহাসিক বহু গ্রন্থ পাঠ শেষ করেন

এবং ১৮৫৭ খৃষ্টাব্দে কলিকাতার প্রেসিডেন্সি কলেজ সংস্থাপিত হইলে তথায় আইসেন। কবি হেমচন্দ্র ও সুধী শ্রামাচরণ গঙ্গোপাধ্যায় তাঁহার সতীর্থ। কলিকাতার তখন “রেতে মশা, দিনে মাছি।” এই অসহ্যকর স্থানে বাস করিয়া ভয়বান্ধা কৃষ্ণচন্দ্রকে পাঠ ত্যাগ করিয়া গৃহে বাইতে হয়।

১৮৫৮ খৃষ্টাব্দে কৃষ্ণচন্দ্র মাসিক ৫০ টাকা বেতনে পাণ্ডুরার নিকটস্থ শর্বা স্কুলের হেডমাষ্টার নিযুক্ত হইলেন ও অল্পদিন পরেই বারাসতে আসিয়া সার অ্যাসলি ইডেনের স্কুল সংস্থাপিত করেন। ইহার পর তিনি পুলিশ দারোগা হইলেন, কিন্তু সে কার্য্য ভাল না লাগায় ১৮৫৯ খৃষ্টাব্দে পুরী জিলা স্কুলের হেড মাষ্টার হইয়া যান। তখন পথের অবস্থা একপ ছিল যে, ভট্টপল্লী হইতে পুরী বাইতে তাঁহার দেড় মাস লাগিয়াছিল। ১৮৬০ খৃষ্টাব্দে তিনি বহরমপুরে বদলী হইলেন। তখন সাঁইতিয়া পর্য্যন্ত রেলপথ সংস্থাপিত হইয়াছে। এক মাসে তিনি পুরী হইতে বহরমপুরে পৌঁছেন। বহরমপুরে তাঁহাকে স্কুলের শিক্ষকতা ও জিলার জজের অহুবাদকের কাৰ্য্য করিতে হইত। অধচ এই দুই কার্য্যের বিরলপ্রাপ্ত অবসরকালে ‘ভারতবর্ষের ঐতিহাস’ রচিত হয় (১৮৬০)। বরিশাল জিলা স্কুলের হেড মাষ্টারের কাৰ্য্য করিতে অস্বীকৃত হইয়া তিনি রামপুর বোয়ালিয়ার স্কুলে বদলী হইলেন। তখন মিষ্টার মায়ে স্কুলের পরিদর্শক। তিনি কৃষ্ণচন্দ্রের কার্য্যনিপুণতায় বিশেষ প্রীত হইলেন। তাহার পর তাঁহাকে আরায় বাইতে হয়। তখন অভিধানপ্রণেতা ডাক্তার ফালন তথায় ইন্সপেক্টর। তাঁহার সহিত মনোমালিন্য ঘটায় কৃষ্ণচন্দ্র চাকরী ত্যাগ করেন। কিন্তু ডিরেক্টর অব পাবলিক ইন্সট্রাকশান মিষ্টার আর্টকিনসন তাঁহাকে পদত্যাগ পত্র প্রত্যাহার করাইয়া আবার বহরমপুরে বদলী করেন। ইহার পর ১৮৬৭ খৃষ্টাব্দে তাঁহাকে সাবরেজিষ্টার হইয়া বালেশ্বরে বাইতে হয়। উড়িষ্যার দূর্তিকে বহু সম্পত্তি হস্তান্তরিত হওয়ার কাৰ্য্য বাকি পড়িয়া গিয়াছিল। সেই কাৰ্য্য শেষ করিয়া দিয়া কৃষ্ণচন্দ্র পুনরায় বহরমপুরে আইসেন। অল্পস্থ হইয়া তিনি ১৮৬৯ খৃষ্টাব্দে কলিকাতা হেয়ার স্কুলে আইসেন। তিনি ১৮৯১ খৃষ্টাব্দে হিন্দু স্কুলের ও ১৮৯৪ খৃষ্টাব্দে হিন্দু ও হেয়ার স্কুলের হেড মাষ্টার হইয়া ১৮৯৫ খৃষ্টাব্দে কৰ্ম্ম হইতে অবসর গ্রহণ করেন।

তাঁহার শরীর বহুদিন হইতেই অসুস্থ ছিল। ১৮৭৯ খৃষ্টাব্দ হইতে

তিনি বহুমুখ রোগে ভুগিতেছিলেন। মধ্যে মধ্যে তাঁহার রক্তাশাশয় হইত। গত মহাপঞ্চমীর দিন তাঁহার রক্তাশাশয় দেখা দেয় এবং সেই রোগেই একাদশীর দিন তাঁহার জীবনান্ত হয়। তাঁহার সাক্ষী পত্নী পতির লাভ বৎসর পূর্বে লোকান্তরিতা হইয়াছিলেন।

শিক্ষাদানেই কৃষ্ণ বাবুর কৃতিত্ব; শিক্ষালাভেই তাঁহার আনন্দ ছিল। শেষ ব্যাধির পূর্ব পর্যন্ত তিনি প্রত্যহ সন্ধ্যা ১২টা হইতে প্রাতঃকাল ১০টা পর্যন্ত পাঠ করিতেন। ইহার মধ্যে কেবল প্রত্যুষে ত্রিশে এক ঘণ্টা ব্যয়িত হইত। আবার অপরাহ্নে ৩টা হইতে ৪টা পর্যন্ত অধ্যয়ন চলিত। এ অধ্যয়ন কেবল জ্ঞানার্জনের জন্ত—জ্ঞানপিপাসার পরিতৃপ্তি সাধনোদ্দেশ্যে। তিনি যে পুস্তকই পাঠ করিতেন তাহা বিশেষ যত্নসহকারে করিতেন—পুস্তকের সর্বান্নে নানাবিধ রেখায় সে অধ্যয়নচিহ্ন থাকিত। আবার বখন যাহা পড়িতেন তাহার আবশ্যক অংশ—সুপ্রযুক্ত শব্দাদির ব্যবহার-নিদর্শন খাতায় লিখিয়া রাখিতেন। তিনি সমস্ত জীবন এই কার্য করিয়া গিয়াছেন। তিনি যত্নের ছয় দিন পূর্বে লেখনী ত্যাগ করিয়া শয্যায় আশ্রয় লইয়াছিলেন—সেই শয্যাই তাঁহার শেষ শয্যা। তাঁহার Phrases and Idiomsএর পরিচয় দিতে যাওয়া ধুট্টা। উহার প্রকাশের পর ঐ প্রকারের বহু পুস্তক প্রকাশিত হইয়াছে; কিন্তু কেহই উহার সমকক্ষ নহে। Middle Class Readerএর সংগ্রহে গ্রন্থকারের অগাধ পাণ্ডিত্যে বিম্বিত হইতে হয়। ভিন্ন ভিন্ন গ্রন্থকারের রচনা হইতে আদর্শচরিত্রকথা বাছিয়া এই সংগ্রহ, অথচ রচনাশ্রাণালীতে বৈষম্য অত্যধিক নহে। এ সংগ্রহে যে নিপুণতার পরিচয় আছে তাহা বাক্যালীর কেন, বহু ইংরাজের কৃত সংগ্রহেও দেখিয়াছি বলিয়া মনে হয় না। এতস্তিন্ন Higher Class Reader উল্লেখযোগ্য। তাঁহার ‘ভারতবর্ষের ইতিহাস’ ও ‘ভারতবর্ষের ভূবিস্তার’ সরল ভাষায় লিখিত। বখন একখানি পাঠ্য পুস্তকে “পর্যন্তকটকে নৌহকৌলক প্রোত করিয়া আরোহণ করিলেন” পাঠ করিতাম, তখন কৃষ্ণবাবুর ভাষা এত ভাল লাগিত যে তাহা আজও ভুলিতে পারি নাই।

তিনি Lord Curzon's Work in India পুস্তকে লর্ড কার্জনের কৃত কর্মের বিশ্লেষণ করিয়াছিলেন। ১৮৮৪ খৃষ্টাব্দে ও ১৯০০ খৃষ্টাব্দে এডুকেশন কমিশনের সময় তিনি যে দুইখানি পুস্তিকা প্রকাশ করেন সেই

ছুইখানিতে অভিজ্ঞতার ও সূক্ষ্মদর্শনের প্রমাণ এত অধিক যে, কমিশন ছুইখানি সম্বন্ধে অধ্যয়ন করিয়াছিলেন ।

টেটস্‌ম্যান পত্রে Fraser Junior ছদ্মনামে লিখিত তাঁহার কতকগুলি প্রবন্ধের কলে শিক্ষা বিভাগে বেতনের বিভাগের (grading) ব্যবস্থা হয় ।

ককচন্দ্র হগলী কলেজে বি, এ, পরীক্ষায় ইংরাজী সাহিত্যে সর্বোৎকৃষ্ট ছাত্রের জন্ত একটি ও নদীয়া জিলার ন্যায় পরীক্ষার সর্বোৎকৃষ্ট ছাত্রের জন্ত একটি মেডল দিবার ব্যবস্থা করিয়া গিয়াছেন । প্রথমটি তাঁহার পিতা ভারকনাথ রায়ের নামে ও দ্বিতীয়টি তাঁহার পত্নী বিরাজমোহিনী দেবীর নামে প্রদত্ত হইয়াছে ।

তিনি আহারে, বাবহারে, বেশে আড়ম্বরশূন্য ছিলেন । তাঁহার পরিচ্ছন্নতা ও উদ্ভিদপ্রিয়তা অসাধারণ ছিল । তিনি বহুতে বৃক্ষ-লতাদি রোপণ করিতেন ও সময় সময় গৃহসম্মুখস্থ স্বাক্ষপথের ফুটপাথেও ঘাস বসাইয়া জল দিতেন । এমন কি তিনি গৃহসম্মুখস্থ ফুটপাথ অগ্ন্যেই কাঁটি দিয়া পরিষ্কার রাখিতেন ।

তাঁহার মত জ্ঞানান্বেষণপ্রয়াসী বাকালী অধিক নাই । তিনি Plain living and high thinking এর যে দৃষ্টান্ত দেখাইয়াছেন বাকালীর ঘরে ঘরে তাহা অন্বকৃত হইলে বাকালীর ভবিষ্যৎ উন্নতির পথ সুগম হইবে ।

তাঁহার কৃত্তী ছাত্রের সংখ্যা অল্প নহে । তাঁহার ছাত্রগণ কি তাঁহার স্মৃতি রক্ষার কোন আয়োজন করিবেন না ?

কবি ।

দার্শনিক চাহে শুধু নীরস প্রমাণ ;

বৈজ্ঞানিক মরে খুঁজে কারণ কেবল,

তবুও সন্তোষ হীন ; সরস মহান—

কবি বাহা দেখে তাই—নবীন সরল ।

শ্রীবসন্তকুমার চট্টোপাধ্যায় ।

রাক্ষসী না দেবী ?

(১)

সুরেন্দ্রের ভাবী স্বপ্নের শ্রামলাল বাবু যখন তাঁহার কন্যা নিকুপনার সহিত সুরেন্দ্রের বিবাহ-সম্বন্ধ স্থির করিবার জন্য তাহার পিতার নিকট উপস্থিত হইলেন তখন সুরেন্দ্রের বয়স অষ্টাদশ বৎসর। তৎপূর্বেও বহুলোক সুরেন্দ্রকে জামাত্বে বরণ করিবার অভিলাষ প্রকাশ করিয়াছিলেন; কিন্তু প্রজাপতি তাঁহাদের কাহারও কন্যার সহিতই তাহার বিবাহ-সম্বন্ধ স্থির করিয়া রাখেন নাই। শ্রামলাল বাবুর সহিত সুরেন্দ্রের পিতার পূর্ব হইতেই পরিচয় ছিল; কাষেই বংশপরিচয়াদি জানিবার আর প্রয়োজন হইল না। সেই প্রথম প্রস্তাব উত্থাপিত হইবামাত্র প্রজাপতির অদৃষ্ট অজুগিসঙ্কেতে সুরেন্দ্রের পিতা শ্রামলাল বাবুর কন্যাকে পুত্রবধূরূপে গৃহে আনিতে সম্মতি দান করিলেন, তবে আত্মীয়স্বজনগণের সহিত পরামর্শ না করিয়া পাকা জবাব দিতে পারেন না এবং প্রচলিত প্রথা অনুসারে চারিজন তত্ত্ব লোকের সম্মুখে দেনা পাওনার মীমাংসা হইয়া কথাবার্তা স্থির হওয়া উচিত, এই কথা বলিয়া পুনরায় শ্রামলাল বাবুকে চতুর্থ দিবসে আসিবার জন্য অনুরোধ করিলেন। তিনি আসিবার সময় শ্রামলাল বাবুকে তাঁহার কন্যার জন্ম-পত্রিকাখানি আনিতে বলিয়া দিলেন; কিন্তু শ্রামলাল বাবু তাঁহার কন্যার জন্ম-পত্রিকা নাই বলিতে অগত্যা সুরেন্দ্রের পিতা তাঁহাকে কন্যার জন্মের বৎসর, মাস, বার ও সময় প্রভৃতি সম্বন্ধে তথ্য সংগ্রহ করিয়া আসিতে উপদেশ দিলেন।

(২)

সুরেন্দ্রের পিতা পরদিন গ্রাম্য আচার্য্য মহাশয়কে ডাকাইয়া পুত্রের কোষ্ঠীখানি দেখাইলেন, এবং যে কন্যার সহিত তিনি পুত্রের বিবাহ দিতে ইচ্ছুক তাহার কোনও জন্মপত্র নাই সুতরাং এ ক্ষেত্রে কি কন্যা কর্তব্য জানিতে চাহিলেন। গ্রাম্যচার্য্য মহাশয় সুরেন্দ্রের কোষ্ঠীখানি দেখিয়া সহাস্ত বদনে বলিলেন, “প্রজাপতির নির্বন্ধ। মহাশয়, তিনি পূর্বেই পাত্রপাত্রীর বোণাযোগ স্থির করিয়া রাখেন, কন্যার জন্মকোষ্ঠী যদি না থাকে তাহাতে ক্ষতি নাই। পাত্রের লগ্ন প্রভৃতি দেখিবাই ততদিন ঠিক করিয়া দিব।” তৎপরে আচার্য্যপ্রবর সুরেন্দ্রের পিতাকে কাণে কাণে বলিলেন, “সুরেন্দ্রের

রাক্ষস গণ, সুতরাং কোষ্ঠিবিচার লইয়া গোলযোগে কোনও লাভ নাই। কত্তার যদি রাক্ষসগণ হয় সে ত উত্তম। আমার ত বিশ্বাস কত্তার রাক্ষস গণ, তাই কত্তার পিতা কোষ্ঠি গোপন করিতেছেন। আর দেখুন, যদি কত্তার দেব গণ হয় তাহা হইলেও কোনও ক্ষতি নাই; আর যদি নর গণ হয় তাহাতেও আপনার পুত্রের ত কোনও অনিষ্ট হইবে না। তবে আমার বিশ্বাস, কত্তাটির রাক্ষস গণ। বাহাই হউক, যদি আপনি তথায় বিবাহ দিতে ইচ্ছা করিয়া থাকেন স্বচ্ছন্দে মত দিতে পারেন। তাহার পর এক দিন শুভদিন স্থির করিয়া দিব।” এইরূপ কথাবার্তা স্থির হইলে আচার্য্য মহাশয় বিদায় গ্রহণ করিলেন।

(৩)

নির্দিষ্ট দিবসে গ্রামের কয়েকজন ভদ্রলোক, বৃদ্ধ ভট্টচার্য্য মহাশয় ও সুরেন্দ্রের কতিপয় আত্মীয় সন্ধ্যাকালে পাত্রপাকের বাটীতে মজলিস করিয়া কত্তার পিতা শ্রামলাল বাবুর আগমন প্রতীক্ষা করিতেছেন এবং ঘন ঘন তাম্রকূট ধুমোদগীরণ করিয়া নানারূপ হস্তপরিহাসে স্থানটিকে আনন্দ-কোলাহলমুখরিত করিয়া তুলিতেছেন, এমন সময় শ্রামলাল বাবু তথায় উপস্থিত হইলেন। সমবেত ভদ্রমহোদয়গণ সাদরে শ্রামলাল বাবুকে অভ্যর্থনা করিয়া কুশল প্রশ্ন জিজ্ঞাসা করিলেন। দুই চারিটি অবাস্তর কথা পর বিবাহের প্রস্তাব উপস্থিত হইল। বিধাতাপুত্র পূর্বেই যে সম্বন্ধ স্থির করিয়া রাখিয়াছেন তাহা স্থির হইতে বিলম্ব হইল না। উভয় পক্ষের দেনা পাওনার কথাবার্তা সমাগত ব্যক্তিবর্গের সম্মুখে স্থিরীকৃত হইল। বিবাহের দিন পরে স্থির করা যাইবে, উভয় বৈবাহিকই এইরূপ মত প্রকাশ করিলেন। তবে বিবাহসম্বন্ধে আর কাহারও কোনও অমত রহিল না। যথাসময়ে সভাভঙ্গ হইল। সুরেন্দ্রের পিতার আগ্রহাতিশয়ে সকলেই একটু একটু ‘মিষ্টমুখ’ করিলেন। শ্রামলাল বাবু প্রথমতঃ কত্তার বাটীতে দৌহিত্র না হওয়া পর্য্যন্ত আহার নিবিক এই মত উত্থাপিত করিয়া জলযোগে দারুণ অসম্মতি জ্ঞাপন করিলেন; কিন্তু সে আপত্তি টিকিল না,—সকলেই বলিলেন, “বিবাহ হউক, তাহার পর সে কথা। আসুন একটু ‘মিষ্টমুখ’ করিয়া এই শুভকার্য্যের প্রারম্ভকে মধুর করিয়া দিউন।” অগত্যা শ্রামলালবাবুকে সন্ততিদান করিতে হইল। জলযোগের পর সকলেই বিদায় গ্রহণ করিয়া স্ব স্ব আবাসাভিমুখে প্রস্থান করিলেন।

(৪)

প্রথম যে দিন প্রামলাল বাবু আসিয়াছিলেন সুরেন্দ্রনাথ সেই দিনই বুঝিয়াছিল, বিবাহ-সম্বন্ধ স্থিরীকৃত হইবে। সে নিতান্ত 'ছেলেমানুষ' ছিল না, বিশেষতঃ এই উপভ্রাসপ্লাবিত দেশে জন্মগ্রহণ করিয়া সেও নানা পাঠ্য অপাঠ্য উপভ্রাস পাঠ করিয়া তাহার জীবনসঙ্গিনীর সম্বন্ধে একটা আদর্শ ইতঃ-পূর্বেই স্থির করিয়া রাখিয়াছিল। বিবাহের কথাবার্তা শেষ হইবামাত্র সে কতটা দেখিতে কেমন, তাহার বয়স কত, সে লিখাপড়া জানে কি না ইত্যাদি তথ্যসংগ্রহে মনোনিবেশ করিল। পাশ্চাত্যশিক্ষালোকপ্রাপ্ত তরুণ যুবা সুরেন্দ্রনাথ স্বীয় জীবনসঙ্গিনীকে কেমনটি চাহে তাহা কি আর বলিয়া দিতে হইবে ? সাধারণতঃ যুবকগণ বিবাহের পূর্বে কল্পনারাজ্যে বিচরণ-কালে যেমন আদর্শ খাড়া করিয়া তুলিতে চেষ্টা করে সুরেন্দ্রনাথও তাহাই করিয়াছিল। কিন্তু সুরেন্দ্রের আশা পূর্ণ হইবে কি ? গোপনে তথ্যসংগ্রহ করিয়া সুরেন্দ্রনাথ অবগত হইল যে, পাত্রীটি গৌরাকীর্ণ নহে লিখাপড়াও জানে না। বলিকার মুখ চক্ষু দেখিতে 'চলনসই' রকমের। কিন্তু সে অশিক্ষিতা গ্রাম্য বালিকা মাত্র। সুরেন্দ্রনাথ এতদিন হৃদয়ে যে আদর্শ অঙ্কিত করিয়া রাখিয়াছিল, জানি না কাহার তুলিকাপাতে আজ তাহা সহসা মলিনতা প্রাপ্ত হইয়া সুরেন্দ্রনাথকে অহরহঃ দুর্ভিবহ আলায় পীড়িত করিতে লাগিল। সে চারিদিক অন্ধকার দেখিল। কিন্তু সে মুখ ফুটিয়া পিতার নিকট বিবাহে অসম্মতি জ্ঞাপন করিতে পারিল না। শিষ্ট শাস্ত বলিয়া সুরেন্দ্রনাথের সুনাম ছিল। প্রকৃত পক্ষেও সে শিষ্ট শাস্ত ছিল। হায় বিধাতা তোমার এ কি বিচার ? তোমার রাজ্যে যে যেমনটি চাহে সে যেমনটি পায় না কেন ? সুরেন্দ্রনাথ গোপনে হৃদয়ের এই অহুযোগ বিধাতার চরণে উপস্থিত করিল। জানি না, বিধাতা সুরেন্দ্রের কাতর প্রার্থনার কর্ণপাত করিলেন কি না। সুরেন্দ্র কল্পনায়নে যতই তাহার ভাণী গৃহিনীকে দেখিতে চেষ্টা করে, তাহার মনে ততই হুচিন্তায় দাবানল প্রথল বেগে প্রজ্জ্বলিত হইতে আরম্ভ হয়। অবশেষে হতাশ হইয়া সুরেন্দ্র ভাবনা ত্যাগ করিল ; স্থির করিল, অদৃষ্টে বাহা আছে তাহার উপর কাহারও হাত নাই। তাহার অদৃষ্টে বাহা আছে তাহাই ঘটবে। জীবনে যদি সুখলাভ থাকিত অবশ্যই সে মনোমত গৃহিনী লাভ করিয়া সুখী হইত। সে ভগবানে আশ্রয়-সমর্পণ করিয়া তাঁহারাই নির্দিষ্ট পথে

জীবনযাত্রা আরম্ভ করিবে ইহাই সকল করিল। কিন্তু মাতৃবের দুর্জল হৃদয় লইয়া সুরেন্দ্রনাথ কেমন করিয়া ছুশিস্তার হস্ত হইতে অব্যাহতি লাভ করিবে? তাই আশা ও নিরাশার বাতপ্রতিঘাতে তাহার হৃদয় নিরন্তর বিক্ষুব্ধ হইতে লাগিল।

(৫)

এদিকে সময়স্রোত পূর্বেরই মত প্রবাহিত হইতে লাগিল। দিনের পর রাত্রি আবার রাত্রির পর দিন নিরন্তর গতিতে গতায়ত করিতে লাগিল। ক্রমে বিবাহের দিন উপস্থিত হইল। বাস্তবকোলাহলের মধ্যে সুরেন্দ্র আশা ও নিরাশার আন্দোলনে আন্দোলিত হইতে হইতে যথাসময়ে কন্যাগৃহে উপস্থিত হইল। পাত্র সভাস্থ হইয়াছে। বিবাহ-বাটা আনন্দের কলকোলাহলে মুখরিত। পাত্রকে অপ্রতিভ করিবার জন্য কয়েকটি বালক ও যুবক নানাবিধ উপায় উদ্ভাবনে ব্যাপৃত। সুরেন্দ্রের মন তখন নানা হর্ভাবনার পীড়িত।

“কন্যা পাত্রস্থ করিবার লক্ষ্যকাল উপস্থিত, আর বিলম্ব করা হইবে না। বালিয়া কন্যাপক্ষের পুরোহিত মহাশয় পাত্রকে বিবাহ-মণ্ডপে লইয়া আসিবার জন্য অনুরোধ করিলেন। নাগিত পাত্রকে বিবাহ-মণ্ডপে আনয়ন করিল। সুরেন্দ্রের বক্ষঃ অজানিত আশঙ্কায় সবেগে স্পন্দিত হইতে লাগিল।

কন্যার পিতা শ্রামলাল বাবু কন্যা সম্ভ্রাদান করিতেছেন। কন্যার আগাদমস্তক রক্তাধরে আবৃত। চিত্রপুঙ্খলীর মত সুরেন্দ্র বস্তু পাঠ করিতে লাগিল। ক্রমে ‘শুভ দৃষ্টির’ সময় উপস্থিত হইল। সুরেন্দ্রের বক্ষঃ আরও বেগে স্পন্দিত হইতে লাগিল। ‘শুভ দৃষ্টি’ হইয়া গেল। সুরেন্দ্রনাথ দেখিল, একখানি সরল শান্ত মুখ; বালিকা যেন সংসারের কিছুই জানে না। সে যেন সংসারের সব ছাড়িয়া একটি মাত্র আশ্রয়ে আপনাকে ন্যস্ত করিয়া রাখিতে চাহে। সে মুখে বাহ্য সৌন্দর্যের আভিষ্য নাই; বাহ্যেতে লোক বিমোহিত হয় এমন সৌন্দর্য নাই। তবুও সুরেন্দ্র সে রূপে বিমোহিত হইল। বিধাতা বুঝি সুরেন্দ্রের সে দিনের কাতর প্রার্থণায় কর্ণপাত করিয়াছিলেন। তাই আজ সুরেন্দ্রের নয়নে এই বালিকাকে সারল্যের ও শান্তির আদর্শ-বস্তুপিত্ত প্রতিভাত করিয়া দিলেন।

(৬)

বিবাহের পরও কয়েক দিন নানা উৎসবে কাটিয়া গেল। তাহার পর সুরেন্দ্রনাথ সহসা অরে আক্রান্ত হইল। দুই দিন ভাল থাকে, আবার অর হয়; এইরূপে দুই মাস কাটিয়া গেল। প্রতিবেশিনীর দল কন্যাকে নিতান্ত কুলক্ষণা স্থির করিলেন; এবং সুরেন্দ্রের পিতা কন্যার কোম্পী না দেখিয়া বিবাহে সম্মতিদান করিয়া ভাল কাষ করেন নাই বলিয়া তাহার দুর্বৃত্তি সম্বন্ধে অতিশয় সন্দেহ প্রকাশ করিতে লাগিলেন। সুরেন্দ্রের পীড়া কিছুতেই সারে না। অর যায়; আবার অর হয়। সে পিতামাতার একমাত্র জীবিত পুত্র, পিতামাতা তাহার পীড়ায় যৎপরোনাস্তি চিন্তিত হইয়া উঠিলেন। রীতিমত চিকিৎসা চলিতে লাগিল। কিন্তু কিছুতেই রোগের শেষ গেল না। পরন্তু ক্রমশঃ রোগ প্রবল হইতে লাগিল। অবশেষে এক দিন সে অরের প্রকোপে প্রলাপ বকিতে আরম্ভ করিল। সুরেন্দ্রের পিতা ডাক্তার ডাকাইলেন। ডাক্তার আসিয়া মুখ বিবরণ করিলেন। সকলেই বুঝিলেন, অবস্থা ভাল নহে। ডাক্তার বলিলেন “প্রবল অর; এক্ষণে সম্পূর্ণ বিকার। রোগ কঠিন হইয়া উঠিয়াছে।” বাটীতে ক্রন্দনের রোল উঠিল। প্রতিবেশিনীরা সুরেন্দ্রের পত্নীর উদ্দেশে নানারূপ দোষাবোপ করিতে লাগিলেন। সকলেই এক-বাক্যে বলিলেন, “এমন ‘অলক্ষণ’কনে ঘরে আনিয়াই এক্ষণ হইল। ৩ ‘রাক্ষসে’ মেয়ে নিশ্চয় বাছাকে খাইতে আসিয়াছে।” নিক্রপমা এই তীব্র সবালোচনার প্রতিবাদ করিতে নিতান্ত অক্ষম হইয়া অপরাধীর ন্যায় এক পার্শ্বে বসিয়া থাকিত; কখনও বা নির্জন্ম কক্ষে নীরব অশ্রু-পাতে হৃদয়ের নিকর বেদনা শাস্ত করিতে চেষ্টা করিত। বালিকার মর্শ্বব্যথা কাহারও নিকট প্রকাশ করিবার উপায় নাই, তাহার মনঃ-কষ্ট দূর করিবে কে ?

(৭)

সুরেন্দ্রের অর প্রবল হইতে প্রবলতর হইল। রোগীর অবস্থা নিতান্ত শঙ্কাজনক হইয়া উঠিল। চিকিৎসক বলিলেন, “অবস্থা অত্যন্ত খারাপ; আর সামান্য উৎকট লক্ষণ প্রকাশ পাইলে প্রাণের আশা ত্যাগ করিতে হইবে। আজিকার দিনটা যদি ভালয় ভালয় কাটিয়া যায়, তবে জীবনের আশা করিলেও করা যাইতে পারে।” সমগ্র ভবন বিবাদে অন্ধকার

হইল। মহিলাকুল নিরুপমার উদ্দেশে অজস্র নিন্দাবাণ বর্ষণ করিতে লাগিলেন। হতভাগিনী সাধুনীর পরিবর্তে বাহা লাভ করিতে লাগিল তাহাতে তাহার মর্ম্মবাধা বিশৃঙ্খল হইয়া উঠিল। অবশেষে বালিকা আর থাকিতে পারিল না। তাহার দ্বন্দ্বয়ে প্রবল ঝড় উঠিয়াছে। সে দিন মধ্যাহ্নে সে তাহার ননন্দাকে একাকী পাইয়া তাহার হাত দুই-খানি ধরিয়া অবিরাম অশ্রুজলে তাহার হস্তদ্বয় প্লাবিত করিতে লাগিল। সে অশ্রু বাধা মানে না। ননন্দার শত প্রবোধবাণীও সে প্রবাহকে বন্ধ করিতে পারিল না। অবশেষে বহু কষ্টে কথঞ্চিৎ বৈষ্য ধারণ করিয়া সে কহিল,—“ভাই আমা হঠতেই এষ্ট অমঙ্গল। আমার যদি বিবাহ না হইত”—বলিতে বলিতে বালিকার কণ্ঠ রুদ্ধ হইয়া গেল। অশ্রুপাতে তাহার বক্ষস্থল প্লাবিত হইল। ঐশ্বর্য্যের বাধ দিয়া এত দিন সে বাহা রক্ষা করিয়াছে আজ আর তাহা কোনও মতেই রক্ষা করিতে পারিল না। তাহার ননন্দা বালিকার অশ্রুমার্জ্জন করিয়া দিয়া গদগদ কণ্ঠে বলিল, “কি করিবে, বৌ দিদি, আমাদের অদৃষ্ট! আমাদের অদৃষ্ট মন্দ, তোমার দোষ কি, ভাই? দাদা যে বাঁচিবেন সে তরসা নাই; পাঁচজন তোমার দোষ দিতেছে। কিন্তু কি করিবে? এখন ভগবানের কাছে প্রার্থনা কর, দাদা যেন তোমার সিঁথির সিন্দূর অক্ষয় রাখিতে বাঁচিয়া উঠেন।”

ননন্দার কথার নিরুপমা কতকটা আশ্বস্ত হইল। বিবাহের পর আজ পর্য্যন্ত স্বামীর সহিত বালিকার ভাল করিয়া আলাপ পর্য্যন্ত হয় নাই। তথাপি কি এক অজ্ঞাত আকর্ষণে সে স্বামীর রোগবিস্ময় ব্যাকুল অন্ত-করণে দিবা নিশি দেবতার নিকট স্বামীর দীর্ঘ জীবন কামনা করে। শাস্ত সঙ্ঘায় সাঁঝের প্রদীপ হস্তে ভুলসীমঙ্কের মূলে উপস্থিত হইয়া বালিকা তথায় প্রদীপ দান করিয়া প্রণাম করিতে করিতে প্রার্থনা করে, “হে দেবতা, আমার স্বামীকে বাঁচাইয়া দাও; এ অভাগিনীর জীবন লইয়া, যদি তাঁহাকে বাঁচাইতে চাহ, তবে আমাকে লইয়া তাঁহার জীবন দান কর।” সুরেন্দ্রের প্রার্থনার ভগবান এক দিন কর্ণপাত করিয়াছিলেন; জানি না নিরুপমার প্রার্থনা ভগবান কর্ণপাত করিলেন কি না।

কিন্তু সুরেন্দ্রের আর কোনও উৎকর্ষ লক্ষণ উপস্থিত হইল না। ধীরে ধীরে সুরেন্দ্রনাথ আরোগ্যের পথে অগ্রসর হইতে লাগিল। কিছু দিন অভিবাহিত হইল। সুরেন্দ্রনাথ একটু সুস্থ হইয়াছে।—এক দিন—

সুরেন্দ্রের বিধবা ভ্রাতৃবধূ তাহাকে বলিলেন, “নিরুপমা কি পাঠাইয়া দিব ?” সুরেন্দ্রনাথ বলিল, “কেন ?” “কেন আবার, একটু বাতাস দিবে।” এই বলিয়া সুরেন্দ্রের প্রভুত্বের অপেক্ষাকৃত না করিয়া তিনি তথা হইতে বহির্গত হইয়া গেলেন। সেই শান্ত দিগ্ধ যথু বৃষ্টিখানি বহু দিন পরে আবার সুরেন্দ্রের হৃদয়ে আগিয়া উঠিল। অজ্ঞাত আশঙ্কায় ও আনন্দে তাহার হৃদয় পূর্ণ হইল। এ দিকে সুরেন্দ্রের ভ্রাতৃবধূ দীর্ঘাবগ্ঠনবতী নিরুপমাকে লইয়া উপস্থিত। তাহাকে বলিতে বলিয়া তিনি কক্ষ হইতে নিষ্কাশিত হইলেন। সুরেন্দ্র কণকাল পর্যন্ত দিকে চাহিয়া বীর স্বরে কহিল, “নিরুপমা, পাঠাইয়া কেন ?” নিরুপমা তাহার দীর্ঘাবগ্ঠন সমুখের দিকে আরও একটু টানিয়া লইয়া অতি সফোটের সহিত সুরেন্দ্রের শব্দ্য পার্শ্বে উপবেশন করিল। সুরেন্দ্রনাথ বলিল “কাছে আইস, নিরু। অত দূরে কেন ?” নিরুপমা অবগ্ঠনটি সমুখের দিকে আরও একটু টানিয়া দিয়া একটু পিছাইয়া গেল। সুরেন্দ্র বলিল “বেশ, বন্দ নহে। এই বুঝি কাছে আসা !” এই বলিয়া সে আপনার কীর্ণ হস্ত প্রসারিত করিয়া বালিকার বাহ ধারণ করিয়া ঈষৎ আকর্ষণ করিলে নিরুপমা নিষ্কণ পুস্তিকার ভাঙ্গ সুরেন্দ্রের নিকটবর্তিনী হইল। তখন সুরেন্দ্র তাহার অবগ্ঠন ঈষৎ উন্মোচিত করিয়া কহিলে, “নিরুপমা, আমার যখন অশ্রু তখন তুমি কি করিতে ?” বালিকা কি একটা অক্ষুট কথা বলিয়া লজ্জিত হইয়া পুনরায় অবগ্ঠনটি টানিয়া দিল। সুরেন্দ্র বলিল, “হি। ও কি, নিরু ? আমার এই অশ্রু শরীর এখন তোমার অত লজ্জা-তাল দেখায় না। বল, তখন তুমি কি করিতে ?” তখন নিরুপমা অতি মুহু স্বরে বলিল “কাদিতাম।” সুরেন্দ্র জিজ্ঞাসা করিল, “কাদিতে কেন ? আর কেহ কি দেখিতে পাইত ?” নিরুপমা বলিল, “ঠাকুরকি দেখিয়াছিল।” সুরেন্দ্র পুনরায় জিজ্ঞাসা করিল, “কাদিতে কেন ?” বালিকা আর কোন ও উত্তর দিতে পারিল না।

তখন সুরেন্দ্র পুনরায় তাহার অবগ্ঠন উন্মোচন করিতে বাইয়া দেখিল, সে কাদিতেছে। সুরেন্দ্রবলিল, “এ কি ! তুমি কাদিতেছ। আমার ক্রন্দন কেন, নিরু ? আমার অশ্রু ত সারিয়া গিয়াছে।” বালিকা এবার ব্যাকুল স্বরে জিজ্ঞাসা করিল, “কবে তুমি সারিয়া উঠিবে ? তোমার অশ্রু না হইয়া আমার হইল না কেন ?” বালিকার নয়নাক্ষ বিগ্ধ বেগে প্রবাহিত হইতে লাগিল।

সুরেন্দ্র বীর কীণ হস্তে তাহার চক্ষুর জল মুছাইতে মুছাইতে কহিল, “কাদিও না, নিরু, ছি ! তোমার জন্মদেখিয়া আমার কষ্ট হয় । আর কাদিও না ।” সে মনে মনে কহিল, ভগবান, কি সুকৃতিবলে এই অমূল্য রত্ন আমার দিয়াছেন ? সেই দিন সুরেন্দ্রের স্বচ্ছ হৃদয়ে নিরুপমার যে বৃষ্টি প্রতিকলিত হইল সে তাহাতে তন্দ্রা হইয়া গেল ।

(৮)

এদিকে সুরেন্দ্র দিন দিন যেমন আরোগ্যলাভ করিতে লাগিল প্রতিবেশিনী মহলেও তেমনই নিরুপমার সুখ্যাতির কথা ধ্বনিত হইতে আরম্ভ হইল । সকলেই বলিতে লাগিলেন, “আমরা ত জানিই নিরুপমার মত সতী লক্ষ্মীর সিঁথির সিন্দূর ভগবান কখনই মুছিতে দিবে না ।” কেহ বা বলিলেন “আর তাহাও বলি, বধূর সিঁথির সিন্দূরের বলেই সুরেন্দ্রের মাতা এ ব্যাধার সুরেন্দ্রকে কিরাইয়া পাঠায়েন ।” অপর এক জন কথা কড়িয়া লইয়া কহিলেন, “যে দিন হৌ আদিয়া এ বাটীতে পা দিল সেই দিনই আমি বৌ দেখিয়া বলিয়াছিলাম, সাক্ষাৎ সাবিত্রী । আহা বাঁচিয়া থাকুক ; উহার ঘৌলভে সুরেনের আমার মাথার চুলের সমান পরমাহু হউক ।” কলতঃ এক দিন যে বধূটি গিশাচিনী, তর্জার পরমাহু-হয়ী বলিয়া প্রতিবেশিনীমণ্ডলীর নিকট অবজাত হইয়াছিল আক সে অবর বহিমার উজ্জ্বললোকে মতিত হইয়া দেবীর আসনে স্থান পাইবার যোগ্য হইয়াছিল ।

শ্রীদেবেন্দ্রনারায়ণ রায় ।

মানব-প্রহেলিকা।

(৩)

জড়বাদ ও আত্মবাদ।

পূর্বপ্রবন্ধে উক্ত হইয়াছে যে, সৰ্ব প্রাণীর আদি বীজ একই প্রকারের। রাসায়নিক বিশ্লেষণদ্বারা উহার পার্থক্য নির্ণয় করা যায় না। অর্থাৎ উহাদের উপাদানগত কোন প্রভেদই নাই। বর্তমান সময়ের জীববিজ্ঞানবিৎ পণ্ডিতগণ অল্পবীক্ষণ যন্ত্রের সাহায্যে দেখিয়াছেন যে, ডিম্বকোষের ও শুক্রবীজের মধ্যে যে জৈব-উপাদান থাকে, তাহা সম্পূর্ণ তরল নহে,—অতি সূক্ষ্ম সূক্ষ্ম বিন্দুতে বিভক্ত। তন্মধ্যে একটি বিন্দু বৃহত্তর। ঐ বৃহত্তর বিন্দুর মধ্যে ক্ষুদ্র ক্ষুদ্র আঁশ বর্তমান। কেহ কেহ বলেন, বিভিন্ন জাতীয় প্রাণীর কোষস্থ প্রধান বিন্দুর আঁশগুলির সংখ্যাও বিভিন্ন। এই তথ্য নবাবিদ্ধৃত; ইহার অনুসন্ধান এখনও শেষ হয় নাই। মানবের কোষস্থ বৃহৎ বিন্দুর মধ্যে কতগুলি আঁশ আছে, সে সম্বন্ধে মতভেদ বৃষ্টি হয়। কেহ কেহ বলেন যে, মানবীর বৈজ্ঞানিক বিন্দুতে মোটটি আঁশ বর্তমান; কেহ বলেন, চৌদ্দটি; আবার কেহ তেরটির অধিক গণিয়া পায়েন নাই। ইহাতে মনে হয় যে, সকল মানবের কৌমিক বৃহত্তর বিন্দুস্থিত অংগুসংখ্যা সমান নহে, অথবা একই ব্যক্তির সকল কৌমিক মূল বিন্দুর অংগুসংখ্যা সমান নহে। অত্যাশ্চর্য্য জীবের কৌমিক মূল বিন্দুস্থিত আঁশের সংখ্যা সম্বন্ধেও ঐরূপ বিভিন্নতা লক্ষিত হয়। কোষস্থিত অত্যাশ্চর্য্য বিন্দুগুলি বারংপূর্ণ থাকে। সেই জন্ত ইদানীন্তন বৈজ্ঞানিকগণ অনুমান করিতেছেন যে, উক্ত কৌমিক প্রধান বিন্দুর মধ্যস্থিত আঁশগুলির সংখ্যার উপরই বিভিন্ন জাতীয় জীবের জাতীয়ত্ব এবং উহার বিকাশের বিশেষত্বের উপরই উক্ত জাতীয় জীবের বিশেষত্ব নির্ভর করে। বলা বাহুল্য, ইহা সম্পূর্ণ অনুমান মাত্র;—বৈজ্ঞানিক তথ্য সপ্রমাণ করিবার জন্য যেরূপ প্রমাণপ্রয়োগের প্রয়োজন, প্রাপ্তিতত্ত্ববিদগণ সেরূপ প্রমাণ-প্রয়োগ দ্বারা উহা প্রতিপন্ন করিতে সমর্থ হইবেন নাই। বিশেষতঃ এই মূল বিন্দুস্থিত সূক্ষ্মাতিসূক্ষ্ম তত্ত্ববৎ পদার্থসংখ্যা জীবভেদে বিভিন্ন হইলেও উহাতে উপাদানগত পার্থক্য নাই। সুতরাং একই উপাদান হইতে যে বিভিন্ন জীব আবির্ভূত হয়, ইহা অস্বীকার করিবার উপায় নাই।

এখন বিজ্ঞান, একই উপাদান হইতে টিকটিকি, গিরগিটি হইতে রান, ভান, এমন কি শর, চৈতন্য পর্যন্ত বিভিন্ন জীবন্তি হইল কি রূপে ? সর্ব শৈশবের ধর্মশাস্ত্র একবাক্যে বলিতেছেন যে, জড় উপাদানের রাসায়নিক ক্রিয়াবিকৃতিপ্রভাবে জীবের আবির্ভাব হয় না, জড় হইতে সম্পূর্ণ স্বতন্ত্র চৈতন্য-শক্তির দ্বারা জীবদেহ গঠিত হইয়া থাকে । জড় উপাদান ভিন্ন জীবে ‘আত্মা’ আছে । এ বিশ্বাস সর্বজনীন ও সর্বকালীন । অবশ্য কোন কোন দেশীয় লোকের ধারণা যে, কেবল মানবেরই আত্মা আছে, তীর্থ্যক প্রাণি-গণের আত্মা নাই । এ ধারণা যে ভ্রান্ত, তাহা সহজেই উপলব্ধ হইতে পারে । যদি আত্মার অস্তিত্ব স্বীকার করিতে হয় তাহা হইলে সর্ব জীবেরই আত্মার অস্তিত্ব স্বীকার করিতে হয় । মানুষ অতদৃষ্টি-প্রভাবে মানসিক ব্যাপারসম্পর্কিত সমস্ত বিষয়ই অল্পভন করিয়া থাকে । সংজ্ঞায় (Consciousness) অতদৃষ্টির দ্বারা আত্মাহুত্ব অতদৃষ্টি । এ হলে জ্ঞাতা (Subject) ও জ্ঞেয় (Object) একই । বাহ্য-দেহ দৃষ্টি সর্বাঙ্গ, তাহার অতদৃষ্টি অতদৃষ্টির দ্বারা বাহ্য উপলব্ধি করে, তাহা বড় জ্ঞেয় তাহাদের স্বভাবি পর্যন্ত বিদ্যুত করিতে পারে । সেই জন্য তাহার মানবের আত্মার অস্তিত্ব স্বীকার করে ; তীর্থ্যক প্রাণিগণের আত্মা স্বীকার করিতে সক্ষম নহে । তবে ইহার দ্বারা এই টুকু সপ্রমাণ হয় যে, সর্ব রূপে সর্ব শ্রেণীর লোকের পক্ষে মানবের জড়তর সত্ত্বা স্বীকার স্বাভাবিক । অন্ততঃ আত্মার অস্তিত্বে বিশ্বাস মানুষের প্রকৃতিগত । কেহ কেহ এই সর্বজনীন বিশ্বাসের হেতুবাদ প্রদর্শন করিয়া আত্মার অস্তিত্ব সপ্রমাণ করিতে প্রয়াস পাইয়া থাকেন । কিন্তু বিশ্বাস প্রমাণের ভিত্তি হইতে পারে না । মানবের বিশ্বাস বহুদলেই ভ্রান্ত বলিয়া প্রমাণিত হই-য়াছে । সেই জন্য উক্ত দৃষ্টির উপর সম্পূর্ণ নির্ভর করা চলে না । আত্মার অস্তিত্ব ও স্বাভাবিক সপ্রমাণ করিতে হইলে অন্য দৃষ্টির ও প্রমাণের প্রয়োজন ।

কি প্রকারে আত্মার অস্তিত্ব সপ্রমাণ করা বাইতে পারে, ইহাই গুরুতর সমস্যা । অনেক জড়বিজ্ঞানের সাহায্যে আত্মার অস্তিত্ব সপ্রমাণ করিতে চাহেন । জড় বিজ্ঞানের প্রমাণ ভিন্ন অতদৃষ্টি প্রমাণ তাহার গ্রাহ্য করিতে সক্ষম নহেন । বাঁহারা জড়বিজ্ঞান ভিন্ন অন্য প্রমাণ স্বীকার করিতে সক্ষম নহেন, তাহাদের নিকট আত্মার অস্তিত্ব সপ্রমাণ করিবার প্রয়াস নিতান্তই নিষ্ফল । জড়বিজ্ঞান কখন কালেও আত্মার অস্তিত্ব সপ্রমাণ

করিতে সমর্থ হইবে না—হইতে পারে না। আত্মা জড় পদার্থ নহে। সুতরাং উহা কখনই জড়বিজ্ঞানের আশ্রমে আসিতে পারে না। বাহ্য বস্তুর পরি-
বীক্ষণের ও পরীক্ষণের উপরই জড়বিজ্ঞান দণ্ডারমান। পদার্থবিজ্ঞা, রসায়ন,
প্রাণিবিজ্ঞা, জলবিজ্ঞা, এমন কি মনোবিজ্ঞানও বাহ্য বস্তুর পরিবীক্ষণ ও
পরীক্ষণ দ্বারা বিকাশ লাভ করিয়াছে। আত্মার এরূপ বাহ্য পরিবীক্ষণ ও
পরীক্ষণ সম্ভবে না। সুতরাং উহা এরূপ বিজ্ঞানের আশ্রমে আসিবে
কি করিয়া তাহা আমরা বুঝিয়াই উঠিতে পারি না। বাঁহারা আত্মবাদী
তাঁহারা জড়বিজ্ঞানে নিয়মানুসারে আত্মবাদ প্রতিষ্ঠিত হইতে পারে, ইহা স্বীকার
করেন না। পক্ষান্তরে বাঁহারা জড়বাদী বাঁহারা জড় ও আত্মা অভিন্ন বলিয়া মনে
করেন, তাঁহাদের পক্ষে জড়বিজ্ঞানের সিদ্ধান্ত অনুসারে জীবনীর তথ্য সন্ধান
স্বাভাবিক। জড়বাদীরা আত্মার জড়ত্ব প্রমাণিত করিবার জন্য বিলক্ষণ চেষ্টা
পাইতেছেন; কিন্তু এ পর্যন্ত তাঁহাদের সমস্ত চেষ্টাই নিষ্ফল হইয়া গিয়াছে।
গত ৪ঠা সেপ্টেম্বর তারিখে ডাণ্ডি সহরের ব্রিটিশ অ্যাসোসিয়েসনে ডাক্তার
সেফার (Dr. Schafer) জীবনীর বনিয়াদ (Origin of Life) শীর্ষক
এক মন্দর্ভ পাঠ করিয়াছিলেন। তিনি বলেন যে, জড় পদার্থ হইতে জৈব
উপাদান সৃষ্টি সম্ভবে। অনতিদূরবর্তী কালে বৈজ্ঞানিক পরীক্ষা-মন্দিরে
জড় পদার্থের সন্মিলনে জৈব পদার্থের উদ্ভব করা যাইবে। তিনি বলেন,
অনুকূল অবস্থার আবশ্যক উপাদানের সংযোগকালে এই বিশেষ মধ্য মধ্য
জড় হইতে জৈব উপাদান উদ্ভূত হইতেছে,—মানব এখনও পর্যন্ত সেই
রহস্ত জানিয়া লইতে পারে নাই; সেই জন্য তাহারা জড় হইতে জীবের
উৎপত্তি সপ্রমাণ করিতে সমর্থ হইতেছেন না। বর্তমান সন্দর্ভে অধ্যাপক সেফারের
সমস্ত উক্তির আলোচনা সম্ভবে না। আপাততঃ আমরা এই মাত্র বলিতে
পারি যে, বৈজ্ঞানিক পরীক্ষা-মন্দিরে জৈব উপাদান প্রস্তুত হইলেই যে অধ্যাত্ম-
তত্ত্বের সকল সমস্ত্যারই সমাধান হইবে এরূপ অনুমান করা নিতান্তই ভ্রম। জৈব
উপাদান, protoplasm, bioplasm, pschycoplasm, প্রকৃতি যে নামেই
ঐ পদার্থকে অভিহিত করা বাউক না কেন, উহা যে আত্মা এ কথা কোনও
দুঃসাহসিক বৈজ্ঞানিকই বলিতে সমর্থ নহেন। জীবদেহ জড়পিণ্ড বলিয়াই অভি-
হিত। সেই দেহেরই অংশবিশেষও জড় ভিন্ন আর কিছুই নহে। সুতরাং জড়-
পদার্থসংযোগে তাহার সৃষ্টি করা অসম্ভব নহে। তবে জৈব উপাদান রহস্ত
আত্মিক শক্তি সুরূপের সহায়তা করে। সুতরাং বৈজ্ঞানিক উপারে জৈব

উপাদান নষ্ট হইলে জড় হইতে আত্মার উদ্ভব করা হইবে, ইহা কেহই স্বীকার করিবেন না ।

হিন্দুর মতে, এই বিশ্বচরাচরের সর্বত্রই আত্মা জড়ের সহিত ওতপ্রোতভাবে অবস্থিতি করিতেছে । যে স্থানে তমোগুণ অত্যন্ত প্রবল,—সেই স্থানেই জড়,—তাহাই জড় । প্রকৃতির জোড়ে মাঝে উপহত আত্মা বুদ্ধদের জ্ঞান ক্ষুরিত হইয়া উঠিতেছে । আত্মাশক্তি বস্তু বিকশিত হইয়া উঠে, জড়ের শক্তি,—প্রকৃতির বা মায়ার শক্তি ততই কুণ্ঠিত হইয়া যায় । তৈব উপাদান জড়ই, কিন্তু জড়গুণদ্বারা ঐরূপ অবস্থা প্রাপ্ত হইলে চৈতন্যশক্তিক্ষুরণের সহায়তা করে । অর্থাৎ উহা চৈতন্য শক্তির,—বা জীবনীশক্তির অল্পকূল আশ্রয়মাত্র—উহা জীবনীশক্তি বা চৈতন্যশক্তি নহে । অধ্যাপক সেকার হিন্দুর একটি সিদ্ধান্ত স্বীকার করিয়াছেন । তিনি বলিয়াছেন,—আত্মা (Soul) ও প্রাণ (Life) এক নহে,— উহা স্বতন্ত্র ; তাহার ঐ স্বতন্ত্র্য অব্যাহত রাখাই কর্তব্য * । আরি পূর্বপ্রবন্ধে ঐ কথাই বলিয়াছি । অধ্যাপক সেকার বাহা বলিয়াছেন, হিন্দু তাহা অসম্ভব বলিয়া মনে করে না । কিন্তু যদি বাস্তবিকই বৈজ্ঞানিক পরীক্ষা-বন্ধিরে তৈব উপাদান প্রস্তুত হয়, তাহা হইলে আত্মাসম্পর্কিত সমস্তার যে সমাধান হইবে । এ কথা কখনই স্বীকার করা যায় না । ইহা কেবল আমাদেরই কথা নহে । ভাস্কার সেকারের বক্তৃতা পাঠ করিয়া বিলাতের বিখ্যাত বৈজ্ঞানিক অধ্যাপক অলিভার লজও ষ্টিক ঐ কথাই বলিয়াছেন ।†

* Not infrequently they found the terms 'life' and 'soul' erroneously employed as if identical, but unless the use of the latter expression was extended to a degree which would deprive it of all special significance, the distinction between these terms must be strictly maintained.

• "It does not follow that the nature of life will be much better understood even when living protoplasm has been artificially put together ; the thing which by its interaction with matter confers on it what we know as 'vitality' will still in all probability elude us. It does not appear to be a form of energy but it certainly is a guiding principle utilising forces known to chemistry and physics and all the ordinary laws of nature for ends which appear to be outside the known laws of the physical world."

সার জেমস ক্রাইটম-ব্রাউন ডাক্তার সেকারের বক্তৃতা সম্বন্ধে বলিয়াছেন যে, বর্তমান সময়ে জড়বাদের প্রভাব ক্ষুণ্ণ হইতেছে। লোক আধ্যাত্মিক ভাবে বিশ্বপ্রাহেলিকার সমাধানে আগ্রহের হইতেছে; আমি জড় হইতে জীবোৎপত্তিবাদে বিশ্বাস করি না। ডাক্তার সেকার যে যুক্তি-প্রদর্শন করিয়াছেন,—তাহা অপেক্ষা প্রবলতর যুক্তি তিনি আমি আমার মত পরিবর্তিত করিতে পারিব না।* অধ্যাপক মেকেনিকক বলেন,—কৃত্রিম উপায়ে জীবোৎপত্তি বর্তমান যুগের রসায়ণ শাস্ত্রের সাধ্যাতীত (not within the present range of practical chemistry)। ইহাতেই প্রতীয়মান হইতেছে যে, জড়বাদিগণ এখনও আত্মবাদিগণের মত বঞ্চিত করিতে সমর্থ হইবেন নাই।

সুতরাং আত্মাসে বুঝা যাইতেছে যে, জড়বাদদ্বারা অধ্যাত্ম সমস্যার সমাধান এখনও অসম্ভবপর্যন্ত। উহা কখনও সম্ভব হইবে বলিয়া মনে হইতেছে না। তবে কি প্রকারে এই সমস্যার সমাধান হইতে পারে? মনোবিজ্ঞানের আলোচনার এই বিষয়ের আত্মাস মাত্র পাওয়া যাইতে পারে। মন ও বস্তুর জড় পদার্থ হইলেও আত্মার শক্তি মনের ভিতর দিয়া কার্য করে। যে সময় আত্মার শক্তি মনের ভিতর দিয়া কার্য করে, অথবা অহুত্ব ভিত্তির ভিতর দিয়া মনের নিকট উপনীত হয়, সেই সময় বস্তুর আণবিক চাকল্য (molecular movement) আছে। সেই জড় জড়বাদীরা উক্ত চাকল্যকে সংজ্ঞা বা চৈতন্য বোধের (Consciousness) কারণ বলিয়া নির্দিষ্ট করেন। কিন্তু ইহা নিতান্তই প্রান্তিক। বিখ্যাত নাস্তিক হাক্সলিও বলিয়াছেন,—“I know nothing and never hope to know anything of the steps by which the passage from the molecular movement to states of consciousness is

* “Anything that Dr. Schafer says must be listened to with very great respect and deference, but at the same time I must say that the swing of the pendulum has been in a direction entirely opposite to that in which his views lead us. It has returned from the materialistic to a more spiritual conception of the universe. Do I believe in the theory of spontaneous origin of life? Certainly not, and it would need a very powerful argument to lead me to change my views.”

effected.” ইহার মর্মার্থ এই যে, আণবিক চাকল্য হইতে সংজ্ঞার উৎপত্তি কিরূপে হয়, তাহা আমি জানিও না, জানিতে পারিব বলিয়া আশাও করি না। বিখ্যাত নাস্তিক আর্নেস্ট হেকেল কিন্তু আণবিক চাকল্যকে সংজ্ঞার কারণ নির্দেশ করিবার জন্য প্রাণপণ চেষ্টা করিয়াছেন। তাঁহার মতও বিশেষরূপে খণ্ডিত হইয়াছে। • সংজ্ঞা হইতেই আত্মার স্বাভাব্য আভাস পাওয়া যায়। অল্প পদার্থই জেয় ও জাতা হইতে পারে, ইহা আমাদের ধারণার মধ্যেই আইসে না। ইহা তিন Telepathy, Hypnotism, Clairvoyance, Mediumistic phenomena, প্রভৃতির সত্যতা সম্বন্ধে প্রমাণ ক্রমশঃ দৃঢ়ীভূত হইয়া আসিতেছে। সাধারণ সংজ্ঞা (Consciousness) তিন মানবের আর একটি অক্ষুট সংজ্ঞা আছে। ইংরেজী ভাষার উহাকে Subliminal consciousness বলে। বর্তমান যুগের মনো বিজ্ঞান উহার অস্তিত্ব স্বীকার করিতে বাধ্য হইয়াছেন। অড়বাদীরা ইহার যে কারণ নির্দিষ্ট করেন, তাহা সন্তোষজনক নহে। দ্ব্যর্থাক্রমে এই ক্ষুদ্র প্রবন্ধে আমি ইহার বিস্তৃত আলোচনা করিতে সমর্থ হইলাম না। অতি সংক্ষিপ্তভাবে এইরূপ অটল বিষয়ের আলোচনা করিলেও উহা প্রকাণ্ড প্রবেশ পরিণত হয়। অথচ এ বিষয়ের চূড়ান্ত মীমাংসা করা সহজ নহে।

আমার মতে আত্মা সম্বন্ধীয় ব্যাপার জানিতে হইলে অধ্যাত্ম বিজ্ঞান পাঠ করাই কর্তব্য। পুরাকালে আমাদের দেশে অধ্যাত্ম বিজ্ঞানের চরম উন্নতি হইয়াছিল। আমাদের দেশে এখন যে সমস্ত অধ্যাত্মবিজ্ঞান প্রবর্তমান আছে, তাহাতে আত্মার অস্তিত্ব সপ্রমাণ করিবার জন্য অনাবশ্যক বিতণ্ডা নাই। সে সকলে উক্ত হইয়াছে, বোগদারাই আত্মার অস্তিত্ব উপলব্ধ হয়। এখন অনেক অধ্যাত্মবিজ্ঞানবিৎ পাশ্চাত্য পণ্ডিতও এই কথা স্বীকার করিতেছেন। তাঁহার বলিয়াছেন যে, স্বপ্ন, অহুত্ব, সংস্কার প্রভৃতির দ্বারা আমাদের চৈতন্যবোধ নিরন্তর অহরজিত হইতেছে। মানবের মানসমুহুরে স্বপ্ন, অহুত্ব, প্রবৃত্তি প্রভৃতি চিত্তবৃত্তির রূপ সর্বদা প্রতি-
কলিত থাকে বলিয়া মানব আত্মার সত্তা উপলব্ধি করিতে সমর্থ হয় না। সেই চিত্তবৃত্তি নিরুদ্ধ করিতে পারিলে আত্মসাক্ষ্যকারের পথ মুগ্ধ হয়। সেই জন্য বোগিগণ বোগদারা চিত্তবৃত্তির নিরোধ করিয়া থাকেন। মহর্ষি পতঞ্জলি বলিয়াছেন,—“বোগস্তিত্ত্বনিরোধঃ।”—বোগ চিত্ত বৃত্তির

নিরোধ। যোগিগণ যোগদ্বারা দেহকে ও দেহসম্ভব ইন্দ্রিয়দিগকে সম্পূর্ণ অসাড়া ও নিষ্পন্দ করিয়া মানস-মুকুরকে রাগশূন্য করিয়া ফেলেন। তখন ক্রমশঃ তাঁহার বহিঃসংজ্ঞা ও অন্তরস্থ অক্ষুট সংজ্ঞা একীভূত হইয়া যায়—সংজ্ঞা (Consciousness) বিষয়াস্তরব্যাবৃত হইতে পারে না,—অতরাং অন্তরস্থ অব্যক্ত সংজ্ঞার (Subliminal consciousness) সহিত পরিচিত হইবার অবকাশ পায়। এই উভয় সংজ্ঞাই যখন একই ভাবে ভাবিত হয়, তখন আর তাহাদের বৈষম্য থাকে না;—তুই মিলিয়া এক হইয়া যায়। হিন্দুর এই প্রাচীন সিদ্ধান্তের—এই সাধন-পদ্ধতির সত্যতা এখন কোন কোন পাশ্চাত্য মনস্তত্ত্ববিদ পণ্ডিত মুক্তকণ্ঠে স্বীকার করিতেছেন। আমাদের নিতান্ত দুর্ভাগ্য যে, আমাদের পূর্বপুরুষের এই সনাতন সিদ্ধান্ত সমর্থন করিবার জন্য আধ্যাত্মিক পন্থার অভিনব পন্থী পাশ্চাত্য মনস্তত্ত্ববিদ পণ্ডিত-দিগের মত উদ্ধৃত করিতে হইল। * পাশ্চাত্য পণ্ডিতগণ যোগদ্বারা চিত্ত-বৃত্তির নিরোধ সম্ভবে কি না, তাহা অবগত নহেন; তবে চিত্তবৃত্তি নিরুদ্ধ হইলে নির্মল মানস-মুকুরে প্রকৃত জ্ঞান প্রতিফলিত হইতে পারে, ইহার আভাস-মাত্রই তাঁহারা জানিতে পারিয়াছেন।

* এ সম্বন্ধে বিখ্যাত দার্শনিক Edward MacNulty—Phenomena of Consciousness নামক সম্বর্ধে বাহা লিখিয়াছেন তাহা এই:—

Above all, he (man) must disentangle himself from the intricate embraces of sensualism, the sleepless and all-pervading power which marches triumphantly over the prostrate forms of its myriad victims, with its retinue of a thousand illusions. The accumulated refuse of unwholesome thoughts; the hunger for wealth, power, fame, hatred and pleasure must not only be abandoned but destroyed. Hitherto, he has known himself as a bundle of memories, sensations and habits. Divested of these he has nothing to recognise himself by, save a name which is a mere label, that must also be thrown aside. He now stands alone—conscious but uninfluenced by the world without or that within—a stranger to himself. From this close pre-occupation with secret springs of being arises the phenomenon of double consciousness, the sensation of being two persons in one body. For him who is resolved to develop, there is no escape from this unpleasant and dangerous condi-

ইরোপেও অধ্যাত্মতত্ত্বের আলোচনা আরম্ভ হইয়াছে । কিন্তু ঐ বিজ্ঞা এখনও তথায় পরিপক্বতা লাভ করে নাই । উহা Occult Science নামে অভিহিত । যে সকল মনস্বী এই অধ্যাত্মবিজ্ঞার আলোচনার আত্মনিয়োগ করিয়াছেন, তাঁহাদের মধ্যে অনেকেই অধুনাতন জড় বিজ্ঞানে বিশেষ ব্যুৎপন্ন । ইহাদের প্রদত্ত প্রমাণে সহসা অবিশ্বাস করা যায় না । কিন্তু এই বিজ্ঞানের এখনও শৈশবাবস্থা । ইহাতে ভ্রম প্রমাদ ষটিবারও বিলম্ব সম্ভাবনা । কিন্তু ইতোমধ্যেই এই বিজ্ঞান যতটুকু অগ্রসর হইয়াছে, তাহাতে আত্মার স্বাভাবিক অনেক পরিমাণে সপ্রমাণ হইয়াছে বলিয়াই মনে হয় ।

আধুনা অনেক অধ্যাত্ম-বিজ্ঞানে আত্মস্থাপন করিতে চাহেন না, উহা অলৌকিক ও ঋনাবিজৃম্বিত বলিয়া মনে করেন । পক্ষান্তরে তাঁহারা জড় বিজ্ঞানের বাক্যগুলি আপ্তবাক্যের ন্যায় বিশ্বাস করিতে কুণ্ঠিত নহেন ; কিন্তু অধ্যাত্ম সমস্যার সমাধানে জড় বিজ্ঞান একেবারেই অসমর্থ হইয়া পড়িয়াছে । জড়বাদীরা জীবনকে শক্তিবিশেষ (Vital force or energy) বলিয়া নির্দিষ্ট করেন । ইহা নিতান্তই “গৌজামিল” । *কারণ, শক্তি কি,

tion. * * * * * Into this arcanum of profound suspense and silence, doubt must not enter nor impurity of thought. There is no guiding light. Having parted from the phrases and knowledge which directed him in the world of men, he is alone with the unknown. Freedom arrives. As globules of mercury coalesce, so the two personalities merge into one, never again to be divided.” Vide the ‘Occult Review’ July, 1912. pages 32-33. এক্ষণে বলা আবশ্যক যে, উক্ত মনস্তত্ত্ববিৎ পণ্ডিত বোগসম্বন্ধে এই কথাগুলি বলেন নাই । প্রকৃত আধ্যাত্মিক জ্ঞানলাভ করিতে হইলে বেরূপ চিন্তাবৃত্তি নিরোধ করা আবশ্যক, তাহারই কথা বলিয়াছেন । বোগসম্বন্ধে ইহা সম্পূর্ণ প্রয়োগ করা যায় । অন্তান্ত দার্শনিকবিগ্নের এইরূপ মতও উদ্ধৃত করা বাইতে পারে ।

* The actual nature of force—the thing in itself—is unknown to us. Our knowledge of force is confined to the conditions under which it is manifested and the effects which flow from it. We observe the changes brought about in the condition of matter under the influence of heat, electricity etc. It is seen that given like conditions similar changes are invariably produced under such influensess. Of the intrinsic nature of the agent that brings about the change we are ignorant—Alfred Hook.

উহার প্রযোজ্য কে,—তাহা তাঁহারা নির্ণয় করিতে অসমর্থ। তাঁহারা কেবল সামান্ত কয়েকটি ক্ষেত্রে শক্তির অভিব্যক্তি দেখিয়া শক্তি-বিজ্ঞান রচনা করিতেছেন। যে সমস্তার সমাধানে জড়বাদ বারংবার আপনার সামর্থহীনতা প্রকাশ করিতেছে,—তাহার উপর নির্ভর করা নিরাপদ নহে; বরং আত্মবাদীদিগের প্রমাণের উপর কতকটা নির্ভর করা চলে। কারণ, তাঁহারা যে সমস্ত তথ্য সকলের সমক্ষে উপস্থিত করিতেছেন, আত্মার অস্তিত্ব স্বীকার না করিলে তাহা বুঝিয়া উঠা যায় না। এরূপ ক্ষেত্রে আত্মার অস্তিত্ব স্বীকার hypothetical হইতে পারে, কিন্তু জড়বিজ্ঞানেও এইরূপ hypothetical ব্যাপার বহুস্থলে স্বীকৃত হইয়াছে। সুতরাং মানব-প্রহেলিকার আলোচনায় আত্মার অস্তিত্ব স্বীকার অপরিহার্য।

শ্রীশশিভূষণ মুখোপাধ্যায়

সংগ্রহ ।

—:~:—

ইতিহাস ।

—:~:—

প্রাচীন কলিকাতা ।

—:~:~:~:—

ইংলণ্ডের ভারত সম্রাজ্যের রাজধানী কলিকাতা হইতে দিল্লীতে স্থানান্তরিত হইয়াছে। এই স্থানান্তরের রাজনীতিক কারণ বাহাই হউক কেন না ইহা যে সকলের প্রীতিপ্রদ হয় নাই তাহাতে আর সন্দেহের অবকাশ নাই। দিল্লীর প্রান্তরে বহুবার ভারতের রাজধানী সংস্থাপিত হইয়াছে। মহাভারত-বর্ণিত প্রাগৈতিহাসিকযুগে ইন্দ্রপ্রস্থে ধর্ম্মপুত্র যুধিষ্ঠির রাজত্বের সম্বন্ধে অমুর্জান করিয়াছিলেন—এই স্থানেই ময়দানবগঠিত মণিময় সভার অভিবানী দ্রবোধনের জলে ফলভ্রমে যে বিবোধনার হইয়াছিল, তাহার বিবরণ মহাভারতের বর্ণনীর বিবরণ। তাহার পর মুসলমানগণ বহুবার দিল্লীতে রাজধানী প্রতিষ্ঠিত করিয়াছেন। দিল্লীতে সাতটি নগরের ধ্বংসাবশেষ বর্ত্তমান। দিল্লীর সহিত ইংরাজের রাজ্যস্থাপনের ইতিহাস বশেষভাবে বিজড়িত নহে। কিন্তু কলিকাতার সহিত এদেশে ইংরাজাধিকারের স্মৃতি অবিচ্ছিন্ন ভাবে বিজড়িত। ইংরাজ যখন মুসলমানের কুপায় নির্ভর করিয়া বাণিজ্যবিস্তারবাসনায় এ দেশে আসিয়াছিলেন তখন হইতে আজ পর্য্যন্ত ইংরাজের সকল স্মৃতি কলিকাতার সহিত বিজড়িত। সব চার্লক এই কলিকাতার জলা ভূমিতে মুঠোমেয় ইংরাজ লইয়া উপনিবেশ সংস্থাপিত করিয়াছিলেন। এই কলিকাতায় ইংরাজের লাঞ্ছনার ও বীরত্বের ইতিহাস ভারতের ইতিহাসে অক্ষয় অক্ষরে লিখিত। ব্লাইব হেষ্টিংস, বেক্টিক প্রভৃতির স্মৃতি এই কলিকাতার সহিতই বিজড়িত।

সংগ্রহিত কলিকাতার সম্বন্ধে করণানি উৎকৃষ্ট গ্রন্থ প্রকাশিত হইয়াছে। বাস্টড প্রথম কলিকাতার ইতিহাস উদ্ধারের চেষ্টা করেন। তৎপূর্বে মিষ্টার লং ‘কলিকাতা রিভিউ’ পত্রে অনেকগুলি উৎকৃষ্ট গ্রন্থে কলিকাতার কথা বিবৃত করেন। তাহার পর হাইড, কটন, কামিঞ্জার, কুমারী রিচেনডেল, ম্যাক প্রভৃতির চেষ্টায় কলিকাতার ইতিহাস সম্পূর্ণ হইবার সম্ভাবনা হইয়াছে।

বার্ণার, টেম্পার্নার প্রভৃতি করাসী লেখকদিগের রচনায় ভারতের অনেক কথা জানিতে পারা যায়। ১৮২২ খ্রষ্টাব্দে ডিভিল নামক একজন করাসী নৌকাধ্যক্ষ ‘গঙ্গাতীর’ হইতে ৩৩ খানি পত্র লিখিয়াছিলেন। সে সকল পত্রে চিনির ব্যংসা হইতে সভ্যদাহ পর্য্যন্ত নানা বিবরণ লিখিত হয়। লেখকের রচনা দেখিয়া মনে হয়, তিনি বুদ্ধিমান ও পর্য্যবেক্ষণশক্তিশালী ছিলেন। পত্রগুলি ১৮২৬ খ্রষ্টাব্দে প্যারিসে প্রকাশিত হয়।

সেগুলিতে কলিকাতা ও তাহার সন্নিকটস্থ বহু স্থানের বিবরণ দেখিতে পাওয়া যায়।

বারাকপুর।

যে সময় পত্রগুলি লিখিত হয় সে সময় হইতে আজ পর্যন্ত বারাকপুরের বিশেষ পরিবর্তন হইয়াছে বলিয়া বোধ হয় না। বারাকপুর হইতে ঘনচ্ছায় বৃক্ষবীথি, মধ্যবর্তী সুগঠিত পথ কলিকাতা পর্যন্ত বিস্তৃত। সহরে অনেকগুলি স্থান 'বাঙ্গালো' বিদ্যমান। বড় লাটের প্রাদান বিশেষ উল্লেখযোগ্য। তাহার নিকটেই পণ্ডশালা। এই পণ্ডশালা এখন অন্তর্হিত হইয়াছে। কিন্তু গ্রাণ্টের সুপ্রসিদ্ধ Rural Life in Bengal পুস্তকেও ইহার উল্লেখ আছে। ডিভিল বলেন, বারাকপুরের প্রকৃতিক সৌন্দর্য ও এই ছায়াবহুল স্থানের বাতাসের সুখদ ভাবহেতু ইহা কলিকাতার নিকটবর্তী স্থানসমূহের মধ্যে বিশেষ রমণীয় ও বাহুল্যীয়।

ডেনিস সহর জীৱামপুরকেও ডিভিল স্থান বলিয়া বর্ণনা করিয়াছেন। ঋণদায়ে

জীৱামপুর।

বিব্রত হইলে লোক পলাইয়া জীৱামপুরে যাইত। ইহাতে ডিভিল অত্যন্ত বিস্মিত হইলেন। ডিভিল চন্দননগরের পূর্বকথা শ্রবণ করিয়া বিলাপ করিয়াছিলেন। তিনি বলিয়াছিলেন, ফরাসী, ওলন্দাজ ও দিনেমারদিগের এই সকল ক্ষুদ্র গ্রাম ও উপনিবেশ কেবল ইংরাজের প্রাধাত্যের কথাই ভাবতবাসীর চিত্তে অঙ্কিত করিয়া দেয়।

তিনি বলেন, সে কালের কলিকাতার বণিকরা আফিস হইতে যাইয়া সন্ধ্যার পাড়ীতে

কলিকাতার সমাজ। সস্ত্রীক ভ্রমণে বাহির হইতেন। কেহ হইতে সহর পর্যন্ত বিস্তৃত পথেই

তাঁহাদের ভ্রমণ নিষ্পন্ন হইত। তবে তাঁহাদের ভ্রমণ নাকি নিরানন্দ

ব্যাপার ছিল—শববাহক দিগের শকটশ্রেণীর কথা শ্রবণ করাইয়া দিত। গৃহে ফিরিয়া ইংহারা আহায়ে প্রবৃত্ত হইতেন। ভোজনটাও কিছু অতিরিক্ত হইত। মধ্যরাত্রিতে তাঁহারা মত্ত অবস্থায় বাহির হইতেন। প্রায়ই ভৃত্যগণ প্রভুদিগকে গৃহে লইয়া আসিত, আর প্রভুরা তাহাদিগকে নির্দয় ভাবে প্রহার করিতেন। কলিকাতার বণিকদিগের বিরুদ্ধে এই অভিযোগের সত্যাসত্য নির্ণয় করা অসম্ভব নহে।

তখন রাজ্যদিন তরবারিধারী শাস্ত্রীগণ সহর পাহারা দিত। তাহাদিগকে চৌকিদার

পুলিশ। বলা হইত। কোন স্থানে শাস্তিভঙ্গ হইলে তাহারা নিকটস্থ

থানায় সংবাদ দিত; ঘটায় ঘটায় "সব আচ্ছা হায়" বলিয়া চীৎকার

করিত। চৌকিদাররা মুরোপীয় নাবিকদিগকে লইয়া বড় বিব্রত হইত। জাহাজ ভিড়িলেই এই নাবিকগণ সহরের নিকটস্থে ছড়াইয়া পড়িত ও মারামারি করিত। ডিভিল বলেন, ধরা পড়িলে তাহারা প্রায়ই অব্যাহতি পাইত। বাঙ্গালীকে হত্যা না করিলে তাহাদের বড় শাস্তি হইত না; এ অপরাধেও সামান্য অর্থদণ্ডই যথেষ্ট বিবেচিত হইত। এ কথা, বোধ হয়, অতিরিক্ত। ডিভিল বলেন, কোন ভারতবাসীই কোন আদালতে ম্যাজিস্ট্রেট ছিলেন না।

গোবসন্ত ।

(২)

সময়ে সময়ে রোগাক্রান্ত পশুর উদ্ধদেশে, পাজরায়, গলকষলের যকৈ বসন্তের আয় স্ফোটক দৃষ্ট হয়। ইহা কিন্তু সকল সময়ই দৃষ্ট হয় না। গ্রীষ্মকালে আক্রান্ত হইলে এই লক্ষণটি দৃষ্টিগোচর হয়। ইহা ব্যাধি শীঘ্র আরোগ্য হইবার একটি প্রধান চিহ্ন। এই স্ফোটক নির্গত হইলে ব্যাধি শীঘ্র আরোগ্য হয়। এ জন্ত সাধারণ লোকে এই রোগকে বসন্ত বলিয়া বিবেচনা করিয়া “মাতা” বলিয়া থাকে।

সময়ে সময়ে নিম্নলিখিত ব্যাধিগুলি গোবসন্ত ভ্রম হইতে পারে।

১। গবাদির সংক্রামক ম্যালিক জ্বর (malignant catarrhal fever of the ox).

২। এঁসো (Foot and mouth disease).

৩। রক্ত আমাশয় (Dysentery).

৪। ভড়কা (Arthrax).

পূর্বোক্ত লক্ষণগুলি উক্তম প্রণিধান করিলে ভ্রম কম হইবার সম্ভাবনা।

পশুর মৃতদেহ ব্যবচ্ছেদ করিলে মুখের অভ্যন্তরে, চতুর্ধ পাকস্থলীতে, ক্ষুদ্র অন্ত্রে, গুহ্বারে এই ব্যাধির প্রধান ও মূল পরিবর্তন লক্ষিত হয়। চতুর্ধ পাকস্থলী ম্যালিক প্রদাহ জনিত রক্তবর্ণ হইতে নীলাভ ধারণ করে, স্থানে স্থানে ক্ষত দৃষ্ট হয়। Pylorus নামক ছিদ্রে এই প্রকার লক্ষণ দৃষ্ট হয়। সময় সময় অত্যধিক প্রদাহজনিত রস নির্গত হইয়া এই সকল ক্ষত বিশেষের উপর একপ্রকার ক্রান্তিম আবরণ পড়ে। ক্ষুদ্র অন্ত্রের প্রদাহহেতু রক্তাধিক্য এবং পূর্বোক্ত প্রকার ক্ষতসকল দৃষ্ট হয়। Peycis patches নামক গ্রন্থিগুলি ফুলিয়া উঠে। বৃহৎ অন্ত্রে পূর্বোক্ত চিহ্ন অল্প পরিমাণে বর্তমান থাকে। গুহ্বারে বিস্তৃত অত্যন্ত রক্তবর্ণ হয় এবং প্রায়ই তাহাতে রক্তবর্ণ লম্বা লম্বা দাগ পড়ে। প্রাণীর কোনও পরিবর্তন হয় না। বহুৎ অভ্যন্ত নরম হয় একটু জোর দিলে গলিয়া যায়। কিন্তু কোষের বিন্ধি-প্রদাহ ও স্থানে স্থানে ক্ষত দৃষ্ট হয়। ফুসফুসে রক্তাধিক্য হয় এবং বায়ুকোষে অধিক পরিমাণে বায়ু প্রবেশ করতঃ ফুসফুসকে বিকৃতিত করে।

কোন স্থানে গোবস্তের আবির্ভাব হইলে, গরুগুলিকে আক্রান্ত, সন্দেহ-যুক্ত ও স্তূহ এই তিন ভাগে ভাগ করিয়া, স্বতন্ত্র করিবে; এবং পীড়িত বা সন্দেহযুক্ত শুশ্রূষার জন্য স্বতন্ত্র স্বতন্ত্র লোকের বন্দোবস্ত করিবে। প্রত্যেক বা পরোকভাবে উহাদের সহিত যেন নিরোগ গরুর সংস্রব না থাকে। যদি স্বতন্ত্র লোক রাখিবার অনুবিধা হয়, তাহা হইলে রোগীর গোশালা হইতে নির্গত হইলে, গোবর মাটি বা ফিনাইল মিশ্রিত জলে হাত পা ধুয়াইবে, ও পরিধেয় বস্ত্র পরিত্যাগ করিবে। যথাযথ চিকিৎসা করাইলে অনেক গরু আরোগ্যলাভ করিতে পারে। কারণ, পূর্বেই বলিয়াছি যে, আমাদের দেশে, এই ব্যাধি যুরোপের ন্যায় মারাত্মক নহে। পল্লীগ্রামে বিলাতি ঔষধ না পাইবার সম্ভাবনা, সেই জন্য দেশীয় ঔষধের কথা বলিব। রোগের প্রথম অবস্থায় যখন জ্বর ও কোষ্ঠবদ্ধ হয় তখন প্রত্যাহ সকাল বিকাল দেড় হইতে তিন আউন্স পর্যন্ত লবণ বা Epsom Salt কিছু গরম ভাতের মাড়ের সহিত খাইতে দিবে। প্রত্যাহ এক হইতে দুই ড্রাম পর্যন্ত কুইনাইন ভাতের মাড়ের সঙ্গে খাওয়াইবে। জলীয় ভাতের মাড় দিবে। ইহাতে পিপাসা নিবারণ ও শরীরে বলবর্দ্ধন হইবে। মল পাতলা হইতে আরম্ভ হইলে, যত দিন না মল শক্ত হয় ততদিন নিম্ন লিখিত ঔষধটি দিনে চারিবার খাওয়াইবে।

খড়মাটির গুঁড়া	২ ছটাক
খদির	এক কাঁচা
তুট	১ কাঁচা
আফিং	৩ দোয়ানি।
দেশীয়দ	১ ছটাক।
ভাতের বা তিসির মাড়	যথেষ্ট পরিমাণে

রোগীর ঠাণ্ডা লাগিতে দিবে না। তাহাকে কম্বলদ্বারা আচ্ছাদিত করিয়া রাখিবে। গোয়াল সাধ্যমত পরিষ্কার রাখিবে এবং সন্ধ্যাবেলা গরুকে ঘুম দিবে। আবর্জনা সকল নিকটবর্তী কোন স্থানে পোড়াইয়া ফেলিবে। পশু একটু আরোগ্য লাভ করিলে তাহাকে কাঁচ কাঁচ দুর্ব্বাস অল্প পরিমাণ খাইতে দিবে। ভাতের মাড় যত বেশী খাইতে পারে দিবে। কিছুদিন কোন প্রকার কঠিন খাদ্য খাইতে দিবে না, কারণ যুথের ক্ষত ক্ষত খাইতে পারিবে না; এবং কিছু খাইলে অজীর্ণ হইবে।

সন্দেহযুক্ত ও সূহ গরুদিগকে প্রত্যাহ পর্য্যবেক্ষণ করিতে হইবে। সন্দেহ-যুক্তের মধ্যে যদি কাহারও কোষ্ঠবদ্ধ হয় এবং কেহ চূপ করিয়া দাঁড়াইয়া থাকে তাহা হইলে তৎক্ষণাৎ তাহাকে রোগাক্রান্ত গরুর গোহালে সরাইয়া দিবে। এবং পূর্কোক্ত প্রকার চিকিৎসা করিবে। প্রত্যাহ সূহ পশুগুলির তাপ পরীক্ষা করিবে। অর হইলে তাহাকে সন্দেহযুক্তের পাশে পাঠাইয়া দিবে। সূহ পশুদিগের ভক্ত বত নীত্র পার ঢীকা দিবার আয়োজন করিবে। কলিকাতা বঙ্গদেশের পশু চিকিৎসা বিভাগের অধ্যক্ষের নিকট আবেদন করিলে তিনি ইহার বন্দোবস্ত করাইয়া দেন। যক্ষ্মায়ে স্থানীয় পশু চিকিৎসক, পুলিশ ইন্সপেক্টর, জিলার ম্যাজিষ্ট্রেট, কিম্বা বঙ্গদেশের পশুচিকিৎসা বিভাগের তত্ত্বাবধায়কের নিকট আবেদন করিতে হয়।

ঢীকা নানাপ্রকারের; আশাদের দেশের যে ঢীকার প্রচলন হইয়াছে তাহাতে ভয়ের কোন কারণ নাই।

ভিন্ন ভিন্ন প্রকারের রোগরস লইয়া ঢীকা দেওয়া বাইতে পারে।

এই রোগরস এক প্রকার সূহ পিচকারির দ্বারা প্রাণিদেহে প্রবিষ্ট করাইয়া দৈওয়া হয়। ইহাতে তাহাদিগের কোনও অসুবিধা হয় না। অর কিম্বা ঢীকার স্থানে কিছুই হয় না। গরুসকল নিয়মিত কায করে, দুগ্ধবতী গাভীর দুগ্ধের কোনও পরিবর্তন হয় না। গর্ভবতী গাভীর গর্ভপাতের কোন আশঙ্কা নাই। কোনও জন্তু মরিলে, তাহাকে ফেলিয়া দিবে না; দুগ্ধবর্তী কোন স্থানে পুতিয়া ফেলিবে। কারণ, পূর্কোই বলিয়াছি, কুকুর, শূগল প্রভৃতি জন্তুর দ্বারা এই ব্যাধি বিস্তারিত হইতে পারে। আর একটি কথা, কোনও নূতন গাভী কিনিলে তাহাকে অন্ততঃ ১৫ দিনের জন্ত বতর রাখিবে, কারণ, নূতন গরুতে গো বসন্তের বীজ সূপ্ত অবস্থায় থাকিতে পারে। কোনক্রমে বা নিকটবর্তী কোন স্থানে গোবসন্তের আবির্ভাব হইলে এক মাঠে, পাশে গরু চরিতে দেওয়া উচিত নহে। রোগী গরু চরিত্তা বাইলে, তথায় সূহ গরু চরিলে ব্যাধি অবশ্যজ্ঞাবী।

ঐসত্যেন্দ্রনাথ মিত্র ।

আর্য্যাবর্ত ।



বিদেশিনী

পুরাতন প্রসঙ্গ ।

(১৩)

১৩ই কার্তিক, ১৩১৯ ।

প্রসঙ্গক্রমে শ্রীযুক্ত তারকনাথ পালিতের কলিকাতা বিশ্ববিদ্যালয়কে পনের লক্ষ টাকা দানের কথা উত্থাপন করাতে আচার্য্য শ্রীযুক্ত কৃষ্ণকমল ভট্টাচার্য্য মহাশয় বলিলেন “আমার মত তারককে যাহারা বিশেষ ভাবে জানে, তাহারা তারকের এই দানে বিম্বিত হইবে না ।

“আমার বখন ১৫।১৬ বৎসর বয়স সেই সময় হইতেই তারকের সহিত আমার বন্ধুত্ব । আমরা প্রায় সমবয়সী । বোধ হয় তারক আমার অপেক্ষা বছর ধানেরের ছোট হইবেন । তিনি পড়িতেন হিন্দু কলেজে জুনিয়র ডিপার্টমেন্টে, আমি পড়িতাম সংস্কৃত কলেজে ; আলাপ পরিচয়ের সম্ভাবনা ত বড় কিছু ছিল না, কি গতিকে যে হইল তাহা আমার স্মরণ নাই । এই পর্য্যন্ত বলিতে পারি যে, যে গতিকেই হউক আলাপ পরিচয়ের পর হইতেই তারকের প্রতি আমার একটু বিশেষ আকর্ষণ জন্মিয়াছিল । ভাবিয়া দেখিলে বোধ হয় যে, তাঁহার অসাধারণ বুদ্ধিমত্তা, স্বভাবের অকুতোভয়তা, অল্পবয়সে ইংরাজী ভাষাতে বিশেষ দখল, এই সব কারণে আমি তাঁহার প্রতি আকৃষ্ট হইয়াছিলাম । আমি ছিলাম সংস্কৃত কলেজের ছাত্র ; সংস্কৃত সাহিত্যই বিশেষ আগ্রহের সহিত অধ্যয়ন করিতাম, অল্পবয়স হইতেই কলেজের লাইব্রেরীতে বসিয়া হস্তলিখিত পুঁথিগুলি একাগ্রচিত্তে পাঠ করিতাম । দিষ্টাসাগর কখনও কখনও লাইব্রেরীতে আসিয়া হাসিয়া আমাকে দুই একটি কথা বলিয়া আমার পার্শ্ব দিয়া চলিয়া যাইতেন । আমার দাদাকে তিনি চারি খণ্ড folio মহাভারত পুরস্কার দিয়াছিলেন । সেই সংস্কৃত মহাভারতের সমস্ত খণ্ডগুলি আমি দশ এগার বৎসর বয়সের মধ্যে পড়িয়া ফেলিয়াছিলাম । সংস্কৃত সাহিত্য-চর্চায় রত থাকিয়া ইংরাজীতে পারিপাট্য লাভ করিবার অবসর তখন হয় নাই ; সেই অল্পবয়সে তারক, যেরূপ ইংরাজী কহিতে পারিতেন, সেরূপ পারিপাট্য আর কাহারও দেখি নাই । আমাদের উভয়ের মধ্যে বন্ধুত্ব জন্মিল ।

“সে আজ পঞ্চাশ ছাপ্পাশ বৎসরেরও অধিক দিনের কথা । সেই সময়

অবধি এ পর্য্যন্ত এক দিনের তরেও আমাদের উভয়ের মনোমালিঙ্গ জন্মে নাই। আমরা ‘সখা’ শব্দের অর্থ মোটামুটি সহচর বা বন্ধু বুঝিয়া থাকি ; কিন্তু টীকাকার মল্লিনাথ স্থলবিশেষে সখা শব্দের বিশিষ্ট অর্থ দেখাইয়া দিয়াছেন। তিনি কোথা হইতে একটা শ্লোকখণ্ড উদ্ধৃত করিয়াছেন ‘এক প্রাণঃ সখা প্রোক্তঃ’ অর্থাৎ প্রাণে প্রাণে মিল হইলে সখা হয়। তাহার মানে এই যে, তুমি ও সেন্সপায়র ভালবাস আমিও সেন্সপায়র ভালবাসি, তোমারও বাহাতে হাসি পায় আমারও তাহাতে হাসি পায়, তুমিও বাহা ঘৃণা কর আমিও তাহা ঘৃণা করি, এইরূপ নানা প্রকার মিল থাকিলে দুইজনে পরস্পর সখা হয়। তারকের সঙ্গে আমার সেইরূপ অনেক বিষয়ে মিল আছে ; বিশেষতঃ হাসির কথা সম্বন্ধে। আমরা উভয়েই এক্ষণে ক্লম ও জরাজীর্ণ হইয়া পড়িয়াছি ; দেখা সাক্ষাৎ বড় কম ; তথাপি এখন পর্য্যন্ত একলা বসিয়া ভাবিতে ভাবিতে যদি কোন হাসির কথা আমার মনে আইসে তৎক্ষণাৎ তারককে মনে হয় ; ভাবি যে, সে এ কথাটা শুনিলে খুবই হাসিত।

“তারকের মত বিমলবুদ্ধি আমি খুব কমই দেখিয়াছি। অল্পবয়স হইতেই তাহার ইংরাজী দর্শন-শাস্ত্রের প্রতি বিশেষ ঝোঁক ছিল। তৎকালে স্তর উইলিয়ম হ্যামিল্টন নুতন চলন হইয়াছিল, তারক তাঁহার গ্রন্থ খুব পাঠ করিতেন ও তাঁহার খুব ভক্ত হইয়াছিলেন ; কিন্তু কয়েক বৎসর গতে সে মিল ও স্পেন্সরের দিকে ঝুঁকিয়া পড়িয়াছিলেন। আমি যদিও দর্শন শাস্ত্র কতক কতক পড়িতাম বটে, কিন্তু তারকের সহিত কথাবার্তা কহিয়া অনেক বিষয়ে আমার অভূতপূর্ব চক্ষুরুন্মীলন হইয়াছে। একটা বিষয় অত্মাপি আমার অরণ আছে ; আমার একটি বিশেষ অস্বস্থতা আছে, সে অস্বস্থতাটির বাহ্যিক কোনও লক্ষণ নষ্টইতঃ প্রকাশ পায় না, কিন্তু আমি নিজের ভিতরে ভিতরে দ্রুত অস্বচ্ছন্দতা অনুভব করি। এক দিন তারকের সহিত এই বিষয়ের আলোচনা করিতে করিতে আমি বলিলাম যে, অনেকে ইহা imaginary (কাল্পনিক) বলিয়া আমাকে উপহাস করেন ; তারক কিন্তু তৎক্ষণাৎ তদুত্তরে বলিলেন, the imaginary is not the less real। এ কথাটি আমার বড়ই ভাল লাগিল, এবং তদবধি আমার মানসক্ষেত্রে উহা উৎকীর্ণ হইয়া আছে।

“ইংরাজী ভাষার উচ্চারণ, শব্দপ্রয়োগ ইত্যাদি সম্বন্ধে তারকের নিকট আমি যে কত জিনিষ শিখা করিয়াছি তাহা বলিয়া শেষ করিতে পারি না ; তারকের ইংরাজী গদ্য কি পদ্য আবৃত্তি যেরূপ মিষ্ট আমার

কাছে আর কাহারও আবৃত্তি কখনও সেরূপ নিষ্ট লাগে নাই। ইংরাজী গল্প-পত্রে আবৃত্তি মোটামুটি বলিতে গেলে দুই প্রকারের আছে বলা যায়। এক প্রকার আবৃত্তি খুব demonstrative, চীৎকার, হাতপা নাড়া, ইত্যাদি। আর এক প্রকার আবৃত্তি তরলবিহীন, একঘেয়ে। তারকের রীতি এই দুইয়েরই বহির্ভূত; ঠিক বুঝাইতে গেলে বোধ হয় তাহাকে serene বলা যাইতে পারে।

“তাহার বিমলবুদ্ধিতা সম্বন্ধে বলিতে পারি যে, Reason নামে আমাদিগের যে একটা attribute আছে উহার বশবর্তী হইয়া সমস্ত কার্য সম্পন্ন করা, এই বৃত্তি তারকের যে প্রকার বলবতী দেখিয়াছি এরূপ আর আমি কাহারও দেখি নাই। কিন্তু তাই বলিয়া মনে করা উচিত নহে যে, Sentiment বা Impulse তাহার স্বভাবে কিছুমাত্র নাই। এতকালের সংসর্গের দ্বারা আমি ভালরূপই জানি, তাহার মধ্যে Sentiment কত প্রবল। এক দিনের কথা মনে পড়ে। চা বাগানের এক ‘সাহেব’ একজন কুলিরমণীর প্রতি এরূপ পাশব বলপ্রয়োগ করে যে, উহাতে স্ত্রীলোকটির মৃত্যু হয়। সে সময়ে সর্বত্রই এ বিষয়ের আন্দোলন হইতেছিল। আমি স্পষ্ট প্রত্যক্ষ করিলাম যে, আমার কাছে ঐ কথা বলিতে বলিতে তারকের দুই চক্ষু অশ্রু-জলে পারিল্পূত হইল। Impulseএর বিষয় অধিক বলিবার আবশ্যকতা নাই। অনেকেই বোধ হয় জানেন যে, তাহার মেজাজ কিছু গরম, তিনি অল্পেই চটিয়া উঠেন। ইহা নিতান্ত অমূলক নহে। সেরূপ মেজাজ গরম না হইলে বোধ হয় তিনি রাজপুরুষদিগের নিকট সমধিক সম্মানিত হইতে পারিতেন এবং তাহার ব্যবসা সম্বন্ধেও আরও অধিক উন্নতিলাভ করিতে পারিতেন। কিন্তু স্বভাবের দোষই বল আর গুণই বল, কোন রূপ অত্যাচার তিনি সহ করিতে পারেন না; অত্যাচার ছোটই হউক আর বড়ই হউক, দেখিলেই তিনি আগুন হইয়া উঠেন। ঠাণ্ডা মেজাজের লোকরা হয় ত অনেক সময়ে মনের ভাব চাপিয়া রাখে; তারক সেইটি আদৌ পারেন না।

“তিনি এককালে এত লক্ষ টাকা সাধারণের হিতার্থে দান করিতে আবাল-বৃদ্ধবনিতা আশ্চর্য্যান্বিত হইয়াছে। কিন্তু আমি তাহাকে বরাবর জানি; এ দান তাহার পক্ষে খুবই সম্ভব। বজ্রবান্ধব বিপন্ন হইলে এ প্রকার কত টাকা যে তিনি চিরকাল ব্যয় করিয়া আসিয়াছেন, বাহিরের লোক তাহা জানে না। কিন্তু ব্যক্তিবিশেষ দ্বায়ে পড়িলে, পুনঃপ্রাপ্তির আশা সম্পূর্ণ ত্যজ করিয়া

তিনি চল্লিশ পঞ্চাশ হাজার টাকা এক একবারে দান করিয়াছেন, এ কথা কেহ কেহ জানেন ।

“বদান্ততা বা দানশৌণ্ডতা তারকের পুরুষাত্মকমিক । তাঁহার পিতা ৮কালীকঙ্কর পালিত যেমন কলিকাতার একজন ক্রোরপতি বলিয়া প্রসিদ্ধ হইয়াছিলেন, বদান্ততা সম্বন্ধেও তাঁহার সেইরূপ যশ ছিল । তাঁহার নিজ বাসস্থান তারকেররের নিকট অমরপুর গ্রামের সন্নিকটবাসী বিস্তর গৃহস্থ ব্রাহ্মণের তিনি বসত বাটী নির্মাণ করাইয়া দিয়াছিলেন । ইহা ব্যতীত কলিকাতা সহরেও তাঁহার পরোপকারবৃত্তি প্রবল ছিল । প্রসিদ্ধ ডাক্তার দুর্গাচরণ বন্দ্যোপাধ্যায় এক সময় কথাপ্রসঙ্গে তাঁহাকে বলিয়াছিলেন You are the architect of many a man's fortune in town । কিন্তু তিনি কিছুই রাখিয়া যাইতে পারেন নাই । এক্ষণে মহারাজা দুর্গাচরণ লাহার প্রধান বাটী বলিয়া যাহা বিদিত আছে, ঐ বাটী ৮ কালীকঙ্কর পালিত নির্মাণ করাইয়াছিলেন ।

“কালীকঙ্কর কিছুই রাখিয়া যাইতে পারেন নাই । তোমাদের রিপণ কলেজের পুরাতন বাড়ীটির ঠিক পশ্চিম অংশে তারকের মাতামহপ্রদত্ত একখানি একতলা বাড়ী ছিল । কতদিন সেই বাড়ীতে তারকের সহিত দেখা করিতে গিয়াছি ; তাহার বসিবার ক্ষুদ্র কক্ষটিতে কত নিভৃত বিশ্রাম আলাপ, কত ভবিষ্যতের আশার কথা, দুইটি অশান্ত ক্ষুদ্র হৃদয়ের কত ব্যাকুল স্পন্দন !

“তারকের বাহা কিছু সম্পত্তি সমস্তই স্বোপার্জিত এবং অক্লিষ্ট পরিশ্রমের ফলস্বরূপ । এই অর্থ উপার্জন করিতে তাঁহাকে যে কিরূপ পরিশ্রম করিতে হইয়াছিল তাহা তাঁহার বন্ধুবান্ধবরাই জানেন । এত পরিশ্রমের ধন অমান-বদনে অকাতরে দান করা অসামান্য মহাত্ম্যবতাসূচক এ বিষয়ে দুই মত হইতে পারে না ।

“কলেজের পাঠ সাক্ষ করিয়া তারক যেকোন বৃত্তি অবলম্বন করিবেন তাহা প্রথমেই ঠিক হয় নাই । তিনি প্রথম উত্তম একবার যুৎসুদ্বিগিরির চেষ্টা করিয়াছিলেন, কিন্তু জুয়াচোরের হস্তে পড়িয়া তাঁহার কিছু টাকা লোকসান হইল । সেই উপলক্ষে তাঁহাকে সুপ্রীম কোর্টে স্তর মর্ডেন্ট ওয়েল্‌স্ নামক দুর্ধর্ষ জজের সমক্ষে সাক্ষ্য দিতে হইয়াছিল । তারকের অকুতোভয়তা, ইংরাজী বলিবার পারিপাট্য, straightforwardness ইত্যাদি দর্শন করিয়া জজ

এরূপ impressed হইয়াছিলেন যে, তাঁহার রায়ের মধ্যে এই বাক্যটি তিনি প্রয়োগ করিয়াছিলেন, Here is a young man fresh from college who straightforwardly answers questions put to him, ইহাকে বিশ্বাস না করিয়া কাহার কথা বিশ্বাস করিব? ইহার পর তাঁহার ব্যারিষ্টার হইবার নিমিত্ত বিলাত রাইবার বাসনা উপস্থিত হয়। তিন চার বৎসর পরে প্রত্যাগমন করিয়া তিনি যখন কার্য্যে প্রবৃত্ত হইয়াছিলেন তখন প্রতিকূল অবস্থার সহিত সংগ্রাম করিতে হইয়াছিল। কিন্তু অসামান্য বুদ্ধিমত্তা, অধ্যবসায়, কার্য্যাভিনিবেশ, অনন্তমনস্কতা, ও অক্লিষ্ট পরিশ্রমের গুণে অল্পকালের মধ্যেই তিনি যথেষ্ট প্রতিপত্তি লাভ করিলেন।

“তোমরা বোধ হয় জান না যে, তারক কলেজ ছাড়িবার পর প্রথম প্রথম বাঙ্গালাভাষার একজন লেখক হইবেন এ প্রকার প্রবণতা কিছু কিছু দেখা-ইয়াছিলেন। তিনি জগমোহন তর্কালঙ্কারের সহিত ‘ভ্রমভঞ্জিনী’ নামী একখানি পত্রিকা সংস্থাপিত করিয়া তাহাতে লিখিতে আরম্ভ করেন। তদ্য-ভীত কেশবচন্দ্র সেন কর্তৃক সংস্থাপিত একটি ইংরাঙ্গী বিদ্যালয়ে তিনি বিনা বেতনে কিছুদিন শিক্ষকতাও করিয়াছিলেন।”

পণ্ডিত মহাশয় চুপ করিলেন।

কিছুক্ষণ পরে আমি বলিলাম—“আপনার নিকট হইতে ৮প্রসন্নকুমার সর্বাধিকারীর বিষয় কিছু শুনিতে ইচ্ছা হয়।” তিনি বলিলেন—

“প্রসন্নকুমার সর্বাধিকারী এক উচ্চবংশের কায়স্থকুলে জন্মগ্রহণ করিয়া-ছিলেন। সর্বাধিকারী এই নামটা কোন এক সময়ে বোধ হয় Prime Minister এই প্রকার এক উন্নত রাজপুরুষকে বুঝাইত। সংস্কৃত গ্রন্থের মধ্যে নাট্য কবি আত্মপরিচয় প্রদানকালে এই শব্দটা প্রয়োগ করিয়াছেন; ‘অধিকার’ শব্দটা সংস্কৃত শাস্ত্রে বিলক্ষণ প্রচলিত আছে। ইহার অর্থ State function; সেই অর্থ ধরিতে সর্বাধিকারী বলিতে a state functionary who looked after all the departments of a state এইরূপে বুঝাইতে পারে। ইংলণ্ড রাজ্যের Prime Minister বলিতে যদিও ঠিক তাহা বুঝায় না, তথাপি তিনি প্রধান অমাত্য এই অংশে সর্বাধিকারী পদের সহিত কিছু সাদৃশ্য আছে।

“প্রসন্ন বাবু বহু বংশজ ছিলেন। বোধ হয় তাঁহার কোনও পূর্বপুরুষ এক সময়ে স্থানীয় সামন্ত রাজা বিশেষের রাজ্যে ঐ পদ পাইয়াছিলেন,

ভদ্রবংশী তাঁহাদের বংশে নামটা স্থায়ী হইয়া আসিয়াছে। যৈয়মন দেখিতে পাওয়া যায়, হাবড়ার সন্নিহিত শিবপুর সহরে একটি মুসলমান বংশ আছে, তাহার অজ্ঞাপি ‘কাজী’ নামে অভিহিত হয় যদি চ এক্ষণে তাঁহাদিগের মধ্যে কেহই কাজীপদস্থ নহেন।

“প্রসন্ন বাবুর জন্মস্থান খামাকুল কৃষ্ণনগরের সন্নিহিত রাধানগর নামক একখানি ক্ষুদ্র গ্রাম। ঐ গ্রামটি হুগলি জিলার অন্তর্গত, এবং এক সময়ে বিলক্ষণ স্বাস্থ্যকর স্থান ছিল; কিন্তু সম্প্রতি বাঙ্গালাদেশের অপরাপর অনেক স্থানের মত ম্যালেরিয়া দোষে নিতান্ত অতিভূত হইয়া গিয়াছে। প্রসন্ন বাবুদিগের কক্ষিৎ ভূসম্পত্তি ছিল বোধ হয়, কিন্তু তথাপি তাঁহার নিজমুখে শুনিয়াছি যে, কলিকাতায় থাকিয়া হিন্দু কলেজে অধ্যয়নকালে টাকাকড়ির অভাবে তাঁহাকে অনেক সময়ে বিলক্ষণ কষ্টে পড়িতে হইয়াছিল, এমন কি রাত্রিতে পাঠকারবার জন্ত প্রদীপের তৈল পর্য্যন্ত জুটিত না। তিনি রাস্তার লষ্ঠনের নিম্নে দাঁড়াইয়া পাঠ্য গ্রন্থের অমূল্যলন করিতেন। এই সমস্ত বাধা বিস্মৃত হইয়া তিনি বুদ্ধিমত্তা ও অধ্যবসায়গুণে এক জন সুপ্রতিষ্ঠিত ছাত্র হইয়া উঠিয়াছিলেন, তিন চারি বৎসর চল্লিশ টাকা ছাত্রবৃত্তি ভোগ করিয়াছিলেন, এবং ছাত্রদিগের মধ্যে অনেকবার সর্বোচ্চ পদ পাইয়াছিলেন। তাঁহার সময়ে কলিকাতা, ঢাকা, কৃষ্ণনগর এই তিন কলেজের বাৎসরিক পরীক্ষা এক সঙ্গে হইত; সুতরাং সে সময়ে সর্বোচ্চ পদ লাভ করা কম সুখ্যাতির কথা নহে। তখন যে সকল ছাত্রের পরীক্ষার উত্তরগুলি অতি উৎকৃষ্ট হইত সেগুলি বাৎসরিক রিপোর্টে ছাপাইয়া শিক্ষাবিভাগের অধ্যক্ষগণ সাধারণের গোচর করাইয়া দিতেন। আমার মনে আছে, ইংরাজী সাহিত্যশাস্ত্রের একটি উত্তর প্রসন্ন বাবু লিখিয়াছিলেন; তাহা আমি রিপোর্টে দেখিয়াছিলাম। সেবার সেক্সপীয়রের টেম্পেষ্ট নামক নাটক পরীক্ষার পুস্তক ছিল, প্রসন্ন বাবু তাহারই উত্তর লিখিয়াছিলেন; এবং তৎসম্বন্ধে ইংরাজী সাহিত্যশাস্ত্রে বিশিষ্ট ব্যুৎপত্তি প্রদর্শন করিয়াছিলেন। ফলতঃ তিনি ইংরাজী সাহিত্যেই প্রধানতঃ বশবী ছিলেন; কিন্তু তাহা বলিয়া গণিতশাস্ত্রেও তাঁহার অল্প অধিকার ছিল না। তাঁহার প্রণীত বাঙ্গালা পাটিগণিত ও বীজগণিত সে বিষয়ে যথেষ্ট সাক্ষ্য প্রদান করিবে। বাঙ্গালা পাটিগণিত প্রসন্ন বাবুর চিরস্থায়ী কীর্তি। যখন শিক্ষাবিভাগের অধ্যক্ষগণ বাঙ্গালার নক:খলপ্রদেশে বিদ্যাচর্চার উন্নতির জন্ত ইন্স্পেক্টর, ডেপুটি ইন্স্পেক্টর

প্রভৃতি নিয়োগের ব্যবস্থা করিলেন এবং বিশ্ব নূতন বিদ্যালয় সংস্থাপিত করিলেন,—আন্দাজ ১৮৫৪, ১৮৫৫ খৃষ্টাব্দ,—সেই সময়ে বাঙ্গালা ভাষাতে ইংরাজী ধরণের কতকগুলি নূতন গ্রন্থ শিশুদিগের পাঠোপযোগী করিয়া প্রণয়ন করিবার আবশ্যক হইয়া উঠিল। পাটিগণিত রচনা করিবার ভার প্রসন্ন বাবু গ্রহণ করিলেন। এই গুরুতর কার্য্য তিনি কি প্রকার সুসম্পন্ন করিয়াছিলেন তাহার বিস্তারিত পরিচয় বোধ হয় দিতে হইবে না। তাঁহার পরিগৃহীত পারিভাষিক শব্দগুলি এক্ষণে বাঙ্গালা পাটিগণিত শাস্ত্রে বহুমূল্য হইয়া গিয়াছে। তাঁহার গ্রন্থ দেখিয়াই তাঁহার পরের সমস্ত পাটিগণিত গ্রন্থ রচিত হইয়াছে। সে সাহায্য না পাইলে অস্ত্রাবধি কেহ এ কার্য্যে অগ্রসর হইতে পারিতেন কি না সন্দেহ। এক্ষণে তাঁহার গ্রন্থের তাদৃশ চলন নাই; কারণ, বোধ হয় সে গ্রন্থখানি অতি বিস্তৃত। এবং আমাদের দেশে সকল কার্য্যই সুপারিশের দ্বারা চলে, এই জন্য তাঁহার গ্রন্থ সর্ব্বাপেক্ষা উৎকৃষ্ট হইলেও অর্ধলোপ অস্ত্রান্ত গ্রন্থকারগণ তাঁহার সাহায্য লইয়াই তাঁহার গ্রন্থকে পদচ্যুত করিয়াছে। একটা প্রবাদ আছে,

তোর শিল, তোর নোড়া,

তোরই ভাজি দাঁতের গোড়া,—

প্রসন্ন বাবুর পাটিগণিতের পদচ্যুতি ইহারই একটি দৃষ্টান্তস্থল! বাঙ্গালা পাটিগণিতের প্রবর্তনিতা বলিয়া প্রসন্ন বাবুকে সকলেই জানেন। কিন্তু তিনি যে দুই খণ্ড বহুবিস্তৃত বীজগণিত গ্রন্থ রচনা করিয়াছিলেন, তাহা অনেকেই অবগত নহেন। তাহার কারণ, বাঙ্গালাতে গণিতশাস্ত্রের অধ্যয়ন বীজগণিত পর্য্যন্ত অগ্রসর হয় নাই। সুতরাং সেই দুই খণ্ড এক্ষণে লুপ্তপ্রায় হইয়াছে; কিন্তু থাকিলে, গণিতশাস্ত্রসম্বন্ধে ভাষার প্রতিষ্ঠা বিলক্ষণ বৃদ্ধি করিতে পারিত।”

পণ্ডিত মহাশয় ধামিলেন। আমি বলিলাম “আপনার মুখে পূর্বে শুনিয়াছি যে, পাটিগণিত রচনা করিবার সময় প্রসন্ন বাবু আপনার জ্যেষ্ঠ সহোদর ৮রামকমল ভট্টাচার্য্যের নিকট পরিভাষা সম্বন্ধে যথেষ্ট সাহায্য পাইয়াছিলেন। বিদ্যাসাগর মহাশয়ের নিকটেও কি তিনি পাটিগণিত ও বীজগণিতের পরিভাষা সম্বন্ধে খণী ছিলেন?”

পণ্ডিত মহাশয় বলিলেন—“না। বিদ্যাসাগর মহাশয়ের ‘লীলাবতী’ প্রভৃতি ভাল পড়া ছিল না। তিনি নূতন ধরণে ইংরাজী প্রণালীতে অধ্যা-

পনার প্রবর্তন করিবার পূর্বে সংস্কৃত কলেজে ‘লীলাবতী’ প্রকৃতি রীতিমত পড়ান হইত। আমি পণ্ডিত প্রিয়নাথ ভট্টাচার্য্যের নিকট ‘লীলাবতী’ পড়ি ; বিজ্ঞা-
সাগর ইঁহাকে পরে মূল্যক করাইয়া দেন। আমার জ্যেষ্ঠ সহোদর ‘লীলাবতী’
পড়েন কলেজের এক খোঁট। পণ্ডিতের কাছে, তাঁহার নাম পণ্ডিত যোগদ্যান।
পণ্ডিত যোগদ্যান প্রত্যহ নিজের ব্যবহারের জন্ত কলস ভরিয়া গঙ্গাজল
নিজে স্বন্ধে করিয়া বহন করিয়া আনিতেন। সংস্কৃত কলেজে খোঁট। পণ্ডিত
এক জন না এক জন বড় গোছের বরাবরই প্রায় নিযুক্ত হইতেন। খোঁট।
পণ্ডিত নাথুরাম এক জন প্রসিদ্ধ নৈয়ায়িক ছিলেন। তারানাথ তর্কবাচ-
স্পতি ও জয়নারায়ণ তর্কপঞ্চানন নাথুরামের ছাত্র। বিজ্ঞাসাগর জয়নারা-
য়ণের ছাত্র। তিনিয়াছি, তারানাথের চাকল্য দেখিয়া নাথুরাম বলিতেন—
‘তারা তু পবন এব।’ যখন মল্লিনাথের টীকার কোনও manuscript
বঙ্গালাদেশে প্রবেশলাভ করে নাই তখন সংস্কৃত কলেজের যে তিনজন
পণ্ডিত মিলিয়া একখানা চলনসই টীকা প্রস্তুত করিয়াছিলেন, নাথুরাম
তাঁহাদিগের অন্ততম। আমরা সেই টীকা পাঠ করিতাম। তাঁহাদিগের
নাম একটি শ্লোকে গ্রথিত হইয়াছিল।

কৃষ্ণা কিঞ্চিৎ রামগোবিন্দসুরো

নাথুরামো প্রাজ্ঞ বর্জ্জপানল্পঃ।

যাতে স্বর্গং প্রেমচন্দ্রো মনীষী

টীকামেতাং পূর্ণভাঃ সংনোনায় ॥

পণ্ডিত গিরিশচন্দ্র বিজ্ঞারত্ন সর্বপ্রথম মল্লিনাথ প্রকাশিত করেন।

পণ্ডিত জয়নারায়ণ সম্পূর্ণ Epicurean ছিলেন। কেশব সেনকে লক্ষ্য
করিয়া তিনি বলিতেন—“কেশব কেন ঈশ্বর ঈশ্বর করে বেড়ায় ? ও সব এ
দেশে চের হয়ে গেছে। যদি বিলাতি কল কজা এখানে করাবার চেষ্টা করে,
তা হোলে উপকার হতে পারে।”

এক হিসাবে তখনকার দিনে সংস্কৃত কলেজের Moral atmosphere
খুব ভাল ছিল। বিজ্ঞাসাগর, বিজ্ঞাত্বষণ, গিরিশ বিজ্ঞারত্ন কখনও কোনও
বিষয়ে কথার নড়চড় করিতেন না ; পরসার লোভে সংপথ হইতে এক চুলও
বিচলিত হইতেন না। বোধ হয় ব্রাহ্মণ পণ্ডিতদিগের এ গুণটা সাধারণতঃ
আছে। তবে জজ পণ্ডিতরা সকলে টীকার লোভ সামলাইতে পারিত না,
যুব লইত।

শ্রীবিপিনবিহারী গুপ্ত ।



সদাশ্রীত !

বুদ্ধ গয়া ।

—১ঃ—

(২)

বুদ্ধ গয়া কত দিন পূর্বে প্রথম হিন্দুর অধিকারে আসিয়াছিল, তাহা এখনও নির্ণীত হয় নাই । তবে পুরাবস্তুর সাক্ষ্য মনে হয়, বুদ্ধ গয়ার প্রাধাত্য-লোপ গয়ার প্রাধাত্য-নাশের কারণ ।

বায়ু পুরাণান্তর্গত ‘গয়া মাহাত্ম্যে’ গয়ার উৎপত্তির বিবরণ বিবৃত আছে ।—বিষ্ণুর নাভিপদ্মসমুৎত ব্রহ্মা বিষ্ণুর অমৃতমতি অমৃতসারে জীবন্তষ্টি করেন—সুরাসুর তাঁহারই সৃষ্ট । অমুরদলমধ্যে গয়া মহাবল ও পরাক্রম-শালী ছিল । সে ১২৫ বোজন দীর্ঘ ও ৬০ বোজন বিস্তৃত ছিল ; সেই বৈকব কোলাহল গিরিশিখরে নিরুদ্ধ হইয়া বহু সহস্র বৎসর স্তম্ভাক্রম তপ করিয়াছিল । তাহার তপশ্চারণে ভীত দেবদল ব্রহ্মার নিকট অভয় প্রার্থী হইলে ব্রহ্মা তাঁহাদিগকে সঙ্গে লইয়া কৈলাশশিখরাসীন মহেশ্বরের নিকট গমন করেন । মহেশ্বর উপায়নির্দ্ধারণে অক্ষম হইয়া দেবগণসহ ক্ষীরাদ্ধিশয়নে শয়ান বিষ্ণুর সমীপবর্তী হইয়া অভিপ্রায়বিজ্ঞাপন করেন । বিষ্ণু স্বয়ং পশ্চাদ্গামী হইবেন বলিয়া অস্ত্র দেবতাদিগকে অগ্রসর হইতে আদেশ করিলেন । তখন কেশব গুরুড়-পৃষ্ঠে ও অস্ত্রাত্ম দেবতারা স্ব স্ব বাহনে আরোহণ করিয়া গয়াসুর-সমীপে উপনীত হইয়া বলিলেন, “তুমি কেন আর তপশ্চারণ করিতেছ ? আমরা তোমার প্রতি সন্তুষ্ট হইয়াছি । তুমি কি বর চাহ, বল ; আমরা তাহাই দিব ।” শুনিয়া গয়া বলিল, “যদি আমাকে অভীষ্মিত বর প্রদান করেন তবে আমার দেহ ব্রহ্মা বিষ্ণু মহেশ্বরের দেহা-পেক্ষা—দেব, ব্রাহ্মণ, যজ্ঞ, তীর্থ হইতেও পবিত্র করুন ।” দেবগণ “তথাত্ম” বলিয়া প্রস্থান করিলেন । ফলে জীবগণ গয়ার দেহ স্পর্শ বা দর্শন করিয়া ব্রহ্মলোকে গমন করিতে লাগিল ; যমালয় শূন্য হইল । তখন পুরুন্দরাদি-সহায় যম বিষ্ণুর শরণাগত হইলে বিষ্ণু গয়ার দেহোপরি যজ্ঞাহুষ্ঠানার্থ দেব-গণকে উপদেশ দিলেন । গয়া সমাগত দেবগণকে সম্মুখে দেখিয়া আপনাকে ধৃত্ত জান করিয়া তাঁহাদিগের আদেশ পালন করিতে স্বীকৃত হইল । তখন ব্রহ্মা যজ্ঞাহুষ্ঠানার্থ তাহার দেহ প্রার্থনা করিলে গয়া সানন্দে নিজ দেহ প্রদান করিল । সে নৈঋতে হেলিয়া কোলাহল গিরিতে পতিত হইল ; তাহার

মন্তক উত্তর দিকে রহিল ও পদ দক্ষিণে প্রসারিত হইল। তখন ব্রহ্মা বধাবিধি যজ্ঞ সম্পাদন করিলেন। কিন্তু যজ্ঞশেষে দেবগণ সবিস্ময়ে দেখিলেন, গয়ান্নুর যজ্ঞ-ক্ষেত্রে বিচরণ করিতেছে। তখন ব্রহ্মা যমকে বলিলেন, “তোমার গৃহ হইতে ধর্ম্মশিলা আনয়ন করিয়া উহার মন্তকোপরি সংস্থাপিত কর।” এই ধর্ম্মশিলা সমাগত ব্রহ্মার পূজার উদ্দেশ্যে স্বামীর পদসেবাবিরত। কোন ব্রাহ্মণীর পাষণ দেহ। মন্তকে ধর্ম্মশিলা স্থাপিত হইলে ও দেবগণ তরুণ উপবিষ্ট হইলেও যখন গয়ার গতিরোধ হইল না, তখন ব্রহ্মা আবার বিষ্ণুর শরণ লইলেন। বিষ্ণু দেহোদ্ধৃত মূর্ত্তি প্রদান করিয়া তাহাকে শিলার উপর প্রতিষ্ঠিত করিতে বলিলেন। তাহাতেও কোন ফলোদয় না হওয়ায় বিষ্ণু অয়ং আসিয়া আদি গদাধর রূপে গদাঘাতে গয়ান্নুরকে নিশ্চল করিয়া সকল দেবদেবীসহ ধর্ম্মশিলায় অধিষ্ঠিত হইলেন। তখন গয়ান্নুর বলিল, “আমি নিষ্পাপ দেহ ব্রহ্মার যজ্ঞানুষ্ঠানার্থ দিবার পর আমার প্রতি এ নির্য্যাতন কেন? আমি ত হরির আদেশেই নিশ্চল হইতাম। আমাকে কৃপা করুন।” দেবগণ গয়ার এই উজ্জ্বলিত তুষ্ট হইয়া তাহাকে বর প্রার্থনা করিতে বলিলেন। সে বলিল, “যাবচ্ছত্রদিবাকর দেবগণ এই শিলায় অবস্থান করুন; পঞ্চকোশব্যাপী এই ক্ষেত্র গয়াক্ষেত্র নামে কীৰ্ত্তিত হউক—ইহার এক কোশ আমার মন্তক অবস্থান করিবে। আর এই তীর্থে শ্রাদ্ধ করিয়া সর্বলোক যেন পূর্বপুরুষসহ ব্রহ্মলোকে গমন করে।” গয়ার এই প্রার্থনা শুনিয়া বিষ্ণুসনাথ দেবগণ বলিলেন, “তোমার প্রার্থনা পূর্ণ হইবে। এই স্থানে শ্রাদ্ধ করিলে ও পিণ্ডদান করিলে শ্রাদ্ধকারী অয়ং ও তাহার উর্দ্ধতন সাত পুরুষ অনাময় ব্রহ্মলোকে গমন করিবে।”

কে এই পরম বৈষ্ণব গয়ান্নুর বাহার দেহ ব্রহ্মা বিষ্ণু মহেশ্বরের দেহা-পেক্ষাও পবিত্র এবং যাহাকে নিশ্চল করিতে বিষ্ণুসনাথ সমগ্র দেবকুলের সর্বশক্তি প্রযুক্ত হইয়াছিল? যিনি সব্যসাচী রূপে ভারতীয় প্রভুত্বের একদিকে প্রচলিত ভ্রান্ত মত বিনষ্ট করিয়া অল্প দিকে স্বীয় মত প্রতিষ্ঠিত করিয়াছিলেন সেই সুধী রাজেন্দ্রলাল মিত্র বলেন—এই গয়ান্নুর প্রচলিত প্রবলবল বৌদ্ধ-ধর্ম্ম; আর গয়ান্নুরবিজয় বৌদ্ধধর্ম্মের উপর ব্রাহ্মণ্য ধর্ম্মের প্রাধান্য প্রতিষ্ঠার রূপক ব্যতীত আর কিছুই নহে। বায়ু পুরাণের গ্রন্থকার জটিল দার্শনিক ভাষার বিচার করিয়াছেন। তিনি কিরূপে ব্রহ্মযোনি পরীতে গয়ান্নুরের বিরাট বপু স্থাপিত করিবার কল্পনা করিলেন? গয়ান্নুরের অপরাধ—সে

মুক্তির পথ অত্যন্ত সুগম করিয়াছিল। সে প্রচলিত ব্রাহ্মণ্য ধর্মের অনুষ্ঠান পালন করিত না। ইহা বৌদ্ধ ধর্মেরই লক্ষণ। বৌদ্ধগণ ধর্মাত্মা, আত্ম-ত্যাগী ছিলেন। গয়াস্বর বৌদ্ধধর্ম। তাহার দেহ ৫৭৬ × ২৬৮ মাইল। কলিক হইতে হিমালয় ও মধ্য ভারত হইতে বহু পর্য্যন্ত যে ভূভাগে বৌদ্ধধর্ম প্রচলিত ছিল, তাহার পরিমাণ ইহার কিছু অধিক। দেবগণের গয়াস্বর-দমনচেষ্টা ব্রাহ্মণ্য ধর্মের বৌদ্ধ ধর্মের দমনচেষ্টার রূপক; আর বিষ্ণুর গদাঘাত বৌদ্ধধর্মনির্ধাতন। গয়ার মন্তকে শিলাসংস্থাপন বৌদ্ধধর্মের কেন্দ্রস্থানে আঘাতের পরিচায়ক। আবার দেবতার আশীর্বাদেই বৌদ্ধ গয়া হিন্দুভীরে পরিণত হইয়াছিল। বুদ্ধের পদচিহ্ন গয়ায় সম্পূর্ণ। ভারতে আর কোন ভীরে পদচিহ্নপূজা প্রচলিত নাই। আবার ‘গয়া মাহাত্ম্যেই’ বিষ্ণুকে বুদ্ধ আখ্যা পর্য্যন্ত প্রদত্ত হইয়াছে। এই গয়ামাহাত্ম্যেই দেখিতে পাওয়া যায়—পুণ্যকামী বিষ্ণুপাদে পিণ্ডদানের পূর্বে বুদ্ধ গয়ার বোধিক্রমমূলে পূজা করিবেন। এই পূজার বিশেষ মন্ত্রও আছে,—“আমি চলদল, স্থিতি-কারণ, যজ্ঞ, বোধিসত্ত্ব অশ্বথকে নমস্কার করি। হে বৃক্ষরাজ অশ্বথ, তুমি কল্পগণমধ্যে একাদশ, বসুগণ মধ্যে পাবক, দেবগণমধ্যে নারায়ণ। নারায়ণ সর্বদা তোমাতে অধিষ্ঠিত বলিয়া তুমি বৃক্ষশ্রেষ্ঠ। তুমি ধত্ত্ব ও হৃঃস্বপ্নবিনাশন। আমি অশ্বথরূপী দেব—শত্ৰুক্ষেত্রগদাধর, পুণ্ডরীকাক্ষ, বৃক্ষরূপধর হরিকে নমস্কার করি।”

এত দিন পরে এ সম্বন্ধে নিশ্চিত হইয়া মতপ্রকাশ সহজসাধ্য নহে। কারণ, রূপক কল্পিত—তাহা ক্রমেই অতিরঞ্জন বিস্তৃতি লাভ করিয়া বিশাল-বপু হইয়া উঠে। শেষে কি জন্ত সে রূপকের সৃষ্টি হইয়াছিল তাহা অনুমান করা ব্যতীত গত্যন্তর থাকে না। তবে আমাদের পুরাণে রূপকের অভাব নাই। আর গয়ায় যে বৌদ্ধপ্রাধাত্য প্রণট করিয়া হিন্দুপ্রাধাত্য প্রতিষ্ঠিত হইয়াছিল তাহার প্রমাণেরও অভাব নাই। বুদ্ধ গয়ায় এমনও দেখা যায় যে, মন্দিরে সম্পূর্ণ প্রতীমার পরিবর্তনেরও প্রয়োজন অনুভূত হয় নাই। পঞ্চপাণ্ডব মন্দির তত প্রাচীন নহে। মন্দিরে কয়টি বুদ্ধমূর্তি ও মায়াদেবীর মূর্তি আছে—এ গুলি পঞ্চপাণ্ডব ও কুন্তী বলিয়া কথিত। প্রধান মন্দিরের নিকটে একটি পুরাতন মন্দির বিদ্যমান। ইহা প্রধান মন্দিরের আদর্শে গঠিত। উভয় মন্দিরের ইষ্টকও একইরূপ। এই মন্দিরের অধিষ্ঠাতৃ দেবী “তারা দেবী” নামে কীর্তিতা; কিন্তু মূর্তি জীমূর্তি নহে—পরন্তু পদ্মপাণি

বোধিসত্ত্বমূর্তি। পরবর্তীকালে হিন্দু মোহন্তগণ যে সকল মন্দির নির্মিত করাইয়াছিলেন সে সকলে প্রধান মন্দিরের শিল্পনৈপুণ্যানুকরণযোগ্যতা পরিলক্ষিত হয় না। তাই মনে হয়, এ মন্দির প্রাচীন—বোধ হয় হিউয়েন সাং সে সকল ক্ষুদ্র মন্দিরের উল্লেখ করিয়াছেন সে সকলের একটি। বৌদ্ধ তান্ত্রিক মতে তারার পূজা হইত। হয় ত এ মন্দির সেই তারার। সেই ভগ্নপ্রায় পরিত্যক্ত মন্দির পরিশেষে হিন্দু তারা দেবীর মন্দিরে পরিণত হইয়াছে। কিন্তু বোধিসত্ত্বের মূর্তি স্থানান্তরিত হয় নাই। *

চীন দেশীয় পর্য্যটক ফাহিয়ান ৪৩৪ খৃষ্টাব্দে বুদ্ধ গয়ায় গিয়াছিলেন। তখন নগর যেন “পরিত্যক্ত ও নিরানন্দ।” ইহাতে বুঝা যাইতেছে, তৎপূর্বেই বুদ্ধ গয়া হিন্দুর অধিকারে আসিয়াছে। তাহার পর ৬৩৭ খৃষ্টাব্দে হিউয়েন সাংও দেখেন,—বুদ্ধ গয়া ব্রাহ্মণ্য ধর্ম্মাবলম্বীদিগের অধিকৃত—একই ঋষিবংশীয় সহস্র ব্রাহ্মণ পরিবার কর্তৃক অধ্যুষিত। ইহারা বোধ হয় গয়ালী। গয়ালীরা আপনাদিগকে ব্রাহ্মসম্প্রদায় পুরোহিতের বংশধর বলিয়া পরিচিত করিয়া থাকেন। এক্ষণে ইহাদিগের সংখ্যার হ্রাস হইয়াছে। কারণ, ইহারা অল্প পরিবারের সহিত বৈবাহিক সম্বন্ধ সংস্থাপন স্বপ্নাই বিবেচনা করিয়া স্বজনমধ্যেই বিবাহ করিয়া থাকেন। এরূপ বিবাহে বংশবৃদ্ধি হয় না। মিশরের পুরাকালীন রাজবংশেও ইহার প্রমাণ পাওয়া যায়।

তবে বুদ্ধ গয়া কতকাল পূর্বে হিন্দুর হস্তগত হইয়াছিল তাহা নির্ণয় করা যায় না। হিউয়েন সাংএর আগমনের পূর্বেই যে বুদ্ধ গয়ায় সমৃদ্ধিস্বরূপ অস্তমিত হইয়াছিল তাহাতে আর সন্দেহ নাই। তিনি বলিয়াছেন, বৌদ্ধধর্ম্মের পতনহেতু বজ্রাসন বালুকায় ও মৃত্তিকায় আবৃত হইয়াছে। উহা আর খুঁটি হয় না।—বাস্তবিক কোন প্রকৃতিক পরিবর্তনে ক্ষুদ্র গর্ভ হইতে বালুকা উৎপত্ত হইয়া মন্দিরপ্রাঙ্গণ পূর্ণ করিয়াছিল। সে বালুকাস্তর ২৥০ ফিট উচ্চ হইয়াছিল। এ সম্বন্ধেও কিম্বদন্তী আছে।—এই স্থানে দশ সহস্র সন্ন্যাসী বাস করিতেন। তাহারা হুশিচ্ছাপীড়িত হইলে প্রত্যাঘে উঠিয়া নদীতীরে যাইয়া আনন পর্য্যন্ত জলে অগ্রসর হইতেন ও নদীগর্ভ হইতে মুষ্টিমেয় বালুকা সংগ্রহ করিয়া একটি থলীতে রাখিতেন। তাহার পর তাহারা প্রত্যাগত হইয়া সমবেত সন্ন্যাসীদিগের সম্মুখে অপরাধ স্বীকার

* বৌদ্ধমতে তারার একবিংশ রূপ আছে।—Waddell—Buddhism of Tibet.

করিয়া ঐ বালুকা ভূমিতে নিক্ষিপ্ত করিতেন। এইরূপে ক্রমে ক্রমে বোড়শ মাইল ব্যাপী বালুপ্রান্তর সৃষ্ট হইয়াছিল।

এইরূপে ক্রমে ক্রমে মন্দির-প্রাঙ্গণ বালুকায় ও মৃত্তিকায় পূর্ণ হইয়া উঠে। শেষে ভারত গভর্মেণ্টের চেষ্টায় জেনারেল কামিংহামের নির্দেশমত মিষ্টার বেগলার এই সঞ্চিত আবর্জনা স্থানান্তরিত করিয়া মন্দিরের স্বরূপ প্রকাশিত করেন।

কামিংহাম বলেন, যে স্থান বর্তমানে বুদ্ধ গয়া নামে পরিচিত তাহা পূর্বে মহাবোধি নামে পরিচিত ছিল। হিউয়েন্থ সাং মন্দিরকে মো-হো-পু-তি (মহাবোধি) এবং ঐ স্থানের বিহারকে মহাবোধি সজ্জারাম বলিয়াছেন। খৃষ্টীয় সপ্তম শতাব্দীতে যে সকল চীনদেশীয় পরিব্রাজক ভারতে আসিয়াছিলেন—তাঁহারাও ঐ নামই ব্যবহার করিয়াছেন। ৮৫০ খৃষ্টাব্দে রাজা ধর্মপালের শিলালিপিতেও ঐ নাম পাওয়া যায়। ১১৫৭ খৃষ্টাব্দে রাজা অশোকবল্লভ ঐ নামের ব্যবহার করিয়াছিলেন। তাহার পর ১৩৩১ খৃষ্টাব্দ পর্য্যন্ত সকল লিপিতেই ঐ নাম পাওয়া যায়।

যে বুদ্ধতলে শাক্যসিংহ বুদ্ধত্বলাভ করেন প্রথমে তাহাকেই বোধি বা মহাবোধি আখ্যায় আখ্যাত করা হইত। ১৭৮৫ খৃষ্টাব্দে উইলমট এই স্থানে একখানি শিলালিপি প্রাপ্ত হইলেন। উহা সার চার্লস উইলকিন্স কর্তৃক ইংরাজীতে অনূদিত হইয়া ‘এসিয়াটিক রিসার্চেস’এ প্রকাশিত হয়। তাহাতে • বিক্রমাদিত্যের সভার মনবরত্নের অন্ততম অমরদেব কর্তৃক কীটক প্রদেশে এই মন্দির নির্মাণের কথা লিখিত আছে। এই শিলালিপির উজ্জ্বলতায় বিশ্বাস করিয়া বহু প্রত্নতাত্ত্বিক মন্দিরের কালনির্ণয়ে ভ্রম করিয়াছিলেন। এই শিলালিপিতে ‘বুদ্ধ গয়ার’ উল্লেখ পাওয়া যায়। অশোকের সময় বোধি নামই প্রচলিত ছিল এবং বরহতিয়র ভগ্নাবশেষে (খৃঃ পূঃ ২০০) দেখা যায়—“ভগবতো শক মুনিমো বোধি”—লিখিত আছে। ইহার অর্থ—ভগবান শাক্যমুনির বোধিক্রম।

তাহার পর হিউয়েন্থ সাংএর সময় হইতে দ্বাদশ শতাব্দীর অধিক কাল ‘মহাবোধি’ নাম ব্যবহৃত হইয়া আসিয়াছে। বুদ্ধের নাম—বোধিক্রম; বুদ্ধের আসনের নাম—বোধিমণ্ড; আসনোপরি নির্মিত মন্দিরের নাম—মহাবোধি বিহার; আর নিকটবর্তী বিহারের নাম—মহাবোধি সজ্জারাম। আবার ধর্মপালের রাজত্বকালের লিপিতে স্পষ্টই দেখা যায়—

মনাবোধি-নিবাসীদিগের কল্যাণার্থ চতুমুখ মহাদেবের মূর্তি প্রতিষ্ঠিত হইয়াছিল ।

এই সকল প্রমাণ হইতে বোধ হয়, উক্রবিষ বৌদ্ধগণকর্তৃক মহাবোধি নামে অভিহিত হইত । বুদ্ধগয়া নাম—গয়ার প্রাধাত্যের পরবর্তী কালে প্রচলিত হয় ।

বোধিজন্মকে কেন্দ্র করিয়াই বুদ্ধ গয়ার প্রতিষ্ঠা । ইহারই ছায়ায় বসিয়া শাক্যসিংহ বুদ্ধত্বলাভ করিয়াছিলেন । তাই বৌদ্ধদিগের নিকট ইহা পূজার বোধ্য । ইউয়েঙ্গ সাং এই বুদ্ধের কণায় বহুবিধ অলৌকিক কাহিনীর অবতারণা করিয়াছেন । তিনি বলিয়াছেন, এই বুদ্ধ পিঙ্গল জাতীয় । বুদ্ধের জীবদ্দশায় ইহা বহুশত ফিট উচ্চ হইয়াছিল । বহবার ছেদিত হইলেও বর্তমানে ইহা ৪০।৫০ ফিট উচ্চ । বুদ্ধ এই বুদ্ধভলে সম্রাট সম্বোধি লাভ করিয়াছিলেন বলিয়া ইহাকে বোধি বলা হয় । ইহার কাণ্ডের বর্ণ হরিত্রাভ খেত—শাখা ও পত্র কৃষ্ণাভ হরিৎ । হিমে বা নিদাঘে ইহার পত্র বৃন্তচ্যুত হয় না । তবে তথাগতের নির্বাণ-সময় পত্রগুলি পড়িয়া গিয়াছিল । তখন বহু লোক আসিয়া বুদ্ধমূলে গন্ধদ্রব্য ও অগন্ধি দ্রব্য প্রদান করিয়াছিল । তখন ইহার চতুর্দিকে সঙ্গীত শ্রুত হইয়াছিল; দীপাবলি প্রজ্জ্বলিত হইয়াছিল । তথাগতের নির্বাণলাভের পর ভ্রান্তমতে আত্মবান নৃপতি অশোক সৈন্তসহ এই স্থানে আসিয়া বুদ্ধটিকে ছিন্ন ভিন্ন করিয়া স্তূপাকার করেন । তাঁহার আদেশে একজন অগ্নিহোত্রী ব্রাহ্মণ সেই স্তূপে অগ্নিসংযোগ করেন । অগ্নি নির্বাণের পূর্বেই শিখামণ্ডলমধ্যে পত্রবহুল দুইটি বুদ্ধের আবির্ভাবে সকলেই বিশ্বাসাবিষ্ট হইলেন । অশোক এই অলৌকিক ব্যাপার দেখিয়া অমৃতপ্ত হইয়া বুদ্ধের অবশিষ্ট মূলে অগন্ধি দ্রব্য প্রদান করেন । পর দিন প্রত্যাবেই বুদ্ধ পূর্ণাবস্থা প্রাপ্ত হয় ।* ইহাতে অশোক আনন্দে বিহ্বল হইয়া গৃহে প্রত্যা-বর্তন করিতে বিম্বত হইলে তাঁহার পত্নী গোপনে লোক পাঠাইয়া মথারাজির পর বুদ্ধচ্ছেদন করান । প্রভাতে অশোক বুদ্ধের পূজা করিতে আসিয়া ইহার এই অবস্থা দেখিয়া শোকার্ত হইয়া উপাসনা করিলে বুদ্ধ পুনর্জীবিত হয় ।

* সংপ্রতি পুরাবৃত্ত বিভাগের যে বার্ষিক বিবরণ প্রকাশিত হইয়াছে (১৯০৮—৯ খ্রষ্টাব্দ) তাহাতে ডাক্তার ব্রুক বলেন, অশোক বুদ্ধপূজার বিরোধী ছিলেন এবং এক্রপ পূজা দিয়াই ও নিষ্কল মনে কাঁরতেন । তাঁহার পক্ষে বুদ্ধচ্ছেদন অসম্ভব নহে । ভিব্যাক্ষিতার বুদ্ধদামপ্রয়াস অশোকের কৃতকর্ম গোপন করিবার উদ্দেশ্যে গয়ে রচিত ।

রাজা প্রায় দশ ফিট উচ্চ ব্রুতি দিয়া ব্রুটি বেষ্টিত করিয়া দেন। এই ব্রুতি এখনও বর্তমান। পরবর্তী কালে রাজা শশাঙ্ক জৈষ্ঠ্যপ্রণোদিত হইয়া বহু বৌদ্ধবিহার ভগ্ন করেন ও বোধিজয় ছেদন করেন। তিনি বোধিজয়ের মূলোৎপাটনোদ্দেশ্যে ভূমি খনন করান। খনিত ভূমিতে জল দেখা দিল—তথাপি সকল মূল উৎপাটিত হইল না দেখিয়া তিনি ঐ ভূমির উপর অগ্নি প্রজ্জ্বলিত করান এবং ইকুরস ও শর্করা ছড়াইয়া দেওয়ান। কয় মাস পরে মগধের রাজা অশোকের শেষ বংশধর পূর্ণব্রহ্ম এই সংবাদ পাইয়া বহু বিলাপ করিয়া যে স্থানে ব্রুদগুম্বারমান ছিল, তথায় পতিত হয়েন ও বহুসহস্র গাভীর দুগ্ধ ঢালিয়া দেন। এক রাত্রির মধ্যে ১০ ফিট উচ্চ ব্রুদ জন্মে। পাছে কেহ আবার ব্রুদ ছেদন করে এই আশঙ্কায় তিনি ২৪ ফিট উচ্চ প্রস্তর-প্রাচীর দিয়া ব্রুটি বেষ্টিত করান। তাই আজও বোধিজয় ২০ ফিটের অধিক উচ্চ ব্রুতিবেষ্টিত।*

অশোকের ব্রুদছেদনের কথা ‘অশোকাবদানে’ নাই। কিন্তু তাঁহার মহিষী তিব্বারক্ষিতা কর্তৃক ব্রুদছেদনে কথা ‘অশোকাবদানে’ আছে। অশোক প্রথমা মহিষীর মৃত্যুর পর তিব্বারক্ষিতাকে বিবাহ করেন। এই তিব্বারক্ষিতাই সপত্নীপুত্র কুনালের প্রতি আসক্ত হয়েন এবং কুনাল কর্তৃক তাঁহার পাপ প্রস্তাব প্রত্যাখ্যাত হইলে কুনালের চক্ষুরুৎপাটন করান। ‘অশোকাবদানে’ লিখিত আছে, অশোক বহুমূল্যরত্নাদি ও সুশোভন কুসুম বোধিজয়ের সজ্জায় ব্যবহার করেন দেখিয়া জৈষ্ঠ্যবশে রাণী এই ব্রুদ নষ্ট করিতে কৃতসংকল্প হয়েন। তিনি চণ্ডাল রমণী মাতঙ্গীকে, সে বাহা চাহিবে তাহাই দিতে স্বীকৃত হইয়া, তাঁহার সপত্নী এই বোধিজয়ের বিনাশকার্য্যে

* ডাক্তার ব্লক বলেন শশাঙ্ক বৌদ্ধধর্ম্মদেবী বলিরা বোধিজয় নষ্ট করেন—ইহার প্রমাণ নাই। পূর্ণবর্ম্মার ‘বর্ম্মা’ উপাধি হইতে বোধ হয়, তিনি ক্ষত্রিয় ছিলেন। বুদ্ধগয়া ও তন্নিকটবর্ত্তী স্থানে মোখারী বংশীয় ক্ষত্রিয় রাজারা যে খৃষ্টপূর্ব্ব দ্বিতীয় বা তৃতীয় শতাব্দী হইতে খৃষ্টীয় ষষ্ঠ বা সপ্তম শতাব্দী পর্য্যন্ত রাজত্ব করিয়াছিলেন তাহার ঐতিহাসিক প্রমাণ আছে। মগধের গুপ্তবংশীয় রাজা কুমারগুপ্ত, দামোদরগুপ্ত ও মহাসেনগুপ্তের সহিত তাঁহাদের যুদ্ধেরও প্রমাণ বিদ্যমান। প্রচলিত হিন্দু ব্যবস্থায় রাজ্যস্থিত মন্দিরের বা ভার্য্যহানের আয়ের একাংশ রাজার প্রাপ্য। সুতরাং বুদ্ধ গয়া যে মগধের রাজার আয়ের প্রশস্ত উপায় ছিল তাহাতে সন্দেহ নাই। এ অবস্থায় শশাঙ্কের গকে তাঁহার শত্রু মগধের রাজার অনিষ্ট সাধনোদ্দেশ্যে বোধিজয় নষ্ট করাই সম্ভব।

নির্যোজিত করেন। মাতঙ্গী মন্ত্রপ্রভাবে বৃক্ষটিকে দহন করে। রাজকর্ম-চারীরা রাজার নিকটে বোধিজ্রমের বিনাশবার্তা নিবেদন করিলে অশোক সংজ্ঞাশূন্য হইয়া ভূতলে নিপতিত হইলেন। তাঁহার জ্ঞানসঞ্চারের পর তিনি বৃক্ষের জন্ত বিলাপ করিতে থাকেন। তখন তিস্তরক্ষিতা তাঁহাকে বলেন, “ইহাতে বিলাপ না করিয়া আমার সহিত সংসারের সুখ ভোগ করুন।” কিন্তু রাজা তাহা শুনিলেন না। তখন তিস্তরক্ষিতার চৈতন্যোদয় হয় এবং তিনি পুনরায় মাতঙ্গীর সাহায্যে বৃক্ষটির পুনরুদ্ধার করান।

১৮১১ খৃষ্টাব্দে ডাক্তার বুকানন বলেন, বৃক্ষটি সতেজ অবস্থায় বিদ্যমান; কিন্তু ইহার বয়স শত বর্ষের অধিক বলিয়া মনে হয় না। ১৮৬২ খৃষ্টাব্দে কানিংহাম যখন বৃক্ষটিকে দেখেন তখন ইহা জরাগ্রস্ত—পশ্চিম পার্শ্বে তিনটি শাখা ব্যতীত আর সবই শুষ্ক। ১৮৭৬ খৃষ্টাব্দে বৃক্ষের অবশিষ্ট অংশ ব্যতীত হইয়া নিপতিত হয়। আবার নূতন বৃক্ষ প্রতিষ্ঠিত হইয়াছে।

কানিংহামের বিশ্বাস পূর্ণব্রহ্ম (বর্মা) কর্তৃক বৃক্ষের পুনঃস্থাপন খৃষ্টীয় ৬০০ হইতে ৬২০ বৎসরের মধ্যে সংঘটিত হয়। তখন হর্ষবর্দ্ধন কর্তৃক শশাঙ্কের ক্ষমতানাশ সম্পন্ন হইয়াছে। কানিংহাম ও বেগলার উভয়েরই বিশ্বাস, প্রস্তরপ্রাচীর দিয়া বৃক্ষবেষ্টন ভূমি হইতে প্রায় ৩০ ফিট উচ্চ মন্দিরের রোয়াকের উপর নূতন তরুর প্রতিষ্ঠা ব্যতীত আর কিছুই নহে।

১৮৮০ খৃষ্টাব্দে বর্তমান মন্দিরের পাশ্চাত্তাগে যখন বজ্রাসন বাহির করা হয়, তখন পূর্ববর্তী বৃক্ষের চিহ্ন পাইবার আশায় কানিংহাম বজ্রাসনের পশ্চিমে ভূমি খনন করান। আসনের পদতল হইতে ৩ ফিট ও পরবর্তী বৃক্ষতল হইতে ৩০ ফিট নিম্নে তিনি প্রাচীন পিঙ্গল বৃক্ষের ছই খণ্ড অবশেষ পাইয়াছিলেন। একটি ৪ইঞ্চ ও অপরটি ৬ইঞ্চ মাত্র। মন্দিরের পশ্চাত্তাগের পোস্ত দ্বাদশ শতাব্দীর অধিক কাল এই স্থানে বিদ্যমান। তাই অনুমান হয়, এই দুইখণ্ড ৬০০ হইতে ৬২০ খৃষ্টাব্দের মধ্যে শশাঙ্ক কর্তৃক কর্তিত বোধিজ্রমের ধ্বংসাবশেষ।

বাস্তবিক এই স্থানের বৃক্ষ যে কতবার বিনষ্ট হইয়াছে তাহা নির্ণয় করা যায় না। তারানাথ খৃষ্টীয় প্রথম শতাব্দীতে “পশ্চিম প্রদেশের রাজা” হুনিমন্ত কর্তৃক মগধ আক্রমণের কথা লিপিবদ্ধ করিয়াছেন। তিনি মন্দির বিনষ্ট করিয়াছিলেন। বোধিজ্রম যে অব্যাহতি লাভ করিয়াছিল, এমন মনে হয় না। কানিংহামের বিশ্বাস, এই হুনিমন্ত হয় ত হুণরাজা মিহিরকুল। ইহার পর

হর্ব্বর্ধনের পর হইতে বৃক্ষবিনাশের প্রমাণ নাই। তখন বহু সিংহলীয় পরি-
ব্রাজক বৃক্ষ গয়ায় আসিয়াছিলেন। তাঁহারা সকলেই বোধিজ্রমের উল্লেখ
করিয়া গিয়াছেন। ৭০০ হইতে ৮০০ খৃষ্টাব্দ পর্য্যন্ত বোধিজ্রমের বিমাশ না
হইয়া থাকিলে পালরাজাদিগের রাজত্বাবসান পর্য্যন্ত ইহার কোন বিপদ
ঘটিবার সম্ভাবনা ছিল বলিয়া মনে হয় না। এই বৌদ্ধরাজগণ অনুমান ৮১০
খৃষ্টাব্দে রাজত্বারম্ভ করেন। তখন হইতে ১২০১ খৃষ্টাব্দে মুসলমানবিজয়
পর্য্যন্ত বোধিজ্রমের বিনাশ সম্ভবপর নহে। তবে মুসলমানগণ যখন পেশো-
য়ারে প্রসিদ্ধ বৃক্ষ বিনষ্ট করে নাই, তখন সম্ভবতঃ মহাবোধির বোধিজ্রমও
রক্ষা পাইয়াছিল।

ব্রহ্মদেশীয় প্রচলিত বিবরণে দেখা যায়, রাজা পসেনদী (প্রসেনজিৎ)
দুই প্রস্ত প্রাচীরে বোধিজ্রম পরিবেষ্টিত করান; ধর্ম্মাশোক আর একটি প্রাচীর
নির্মাণ করান। এ কথা সত্য হইলে মনে হয়—প্রসেনজিতের প্রাচীর কাষ্ঠ
বৃতিমাত্র। তাঁহার সার্কিটশতাব্দী পরে অশোক যখন সিংহাসনারূঢ় হইলেন
তখন সে বৃতি বিনষ্টপ্রায় হইয়াছিল। অশোক কর্তৃক বোধিজ্রমের পূর্ব
পার্শ্বে বিহার নির্মাণকালে এই বৃতি উন্মূলিত হইয়াছিল।

পিপ্পল তরু দ্রুতবর্দ্ধনশীল ও অল্পকালজীবী। তাই অনুমান হয়,
অশোকের সময় হইতে আজ পর্য্যন্ত বোধ হয় ক্রমে ক্রমে বিংশটি বৃক্ষ পূর্ববর্তী
বৃক্ষের স্থান অধিকৃত করিয়াছে। ক্রমের পর ক্রম প্রতিষ্ঠিত হইয়া শাক্য-
সিংহের সম্বোধিলাভের পূত ভূমিকে ছায়াশ্রুতীতল করিয়া আসিতেছে।

সনাতন ধর্ম্ম।

(সংস্কৃত হইতে অনূদিত ।)

এই বিশ্ব সর্ববিশাল পবিত্র মন্দির তাঁ'র,
নিরমল হৃদিধানি সকল ভীষের দ্বার ;
অজর অমর হেথা সত্য শুদ্ধ চিরন্তন,
স্বজন পালন লয়ে বিকার নাহিক কোন।
মন যাহা 'লয় মানি' তাই ধর্ম্মমূলাধার,
প্রীতি মর জগতের সকল সাধনসার।
স্বার্থ গেলে মন হ'তে বৈরাগ্য উপজ্ঞে তথা
এই ধর্ম্ম সনাতন জেন মনে সার কথা।

ঐপ্রবোধজ্ঞ বোধ।

সখারাম গণেশ দেউস্কর ।

গত ৮ই অগ্রহায়ণ শনিবার প্রাতে বৈজ্ঞানাথে সখারাম গণেশ দেউস্কর মহাশয় লোকান্তরিত হইয়াছেন ।

“জন্মিলে মরিতে হ’বে

অমর কে কোথা র’বে ;

চিরস্থির কবে নীর হায়রে জীবন-নদে ?”

কিন্তু যখন বার্কিকোর বহু পূর্বে কর্মবহুল জীবনের আরও কর্ম অসম্পূর্ণ রাখিয়া কোন কর্মবীরের তিরোভাব হয়, তখন শোক আমাদিগের হৃদয় পূর্ণ করে । সখারামের মৃত্যুতে আমরা কেবল যে একজন লক্ষপ্রতিষ্ঠ বাঙ্গালা লেখক হারাইয়াছি তাহা নহে । আমাদের আশঙ্কা হয়, বুঝি বা যে চিতায় সখারামের শবদাহ হইয়াছিল সেই চিতায়িশিখার মহারাষ্ট্রের সহিত বাঙ্গালার ঘনিষ্ঠ যোগস্থত্রও ভঙ্গসাৎ হইয়াছে ।

সখারাম মহারাষ্ট্রীয় ব্রাহ্মণ । ১৭৪৮ খৃষ্টাব্দে বাঙ্গালার নবাব আলিবর্দী খাঁ’র সহিত নাগপুরের রঘুজী ভোঁল্লার যে সন্ধি হয় তাহার সর্ত্ত অনুসারে নবাব বাঙ্গালার চৌধ হিসাবে উড়িষ্যা প্রদেশ রঘুজীকে দেন । সেই সময় কৃষ্ণভট্ট রায়কর রঘুজীর দূতরূপে বাঙ্গালার আসিয়া কিছু দিন মুর্শীদাবাদে বাস করেন । এই সময় নবাব কোন কারণে বীরভূমির শাসনকর্ত্তা বাদিয়াৎ জামা খাঁ’র উপর বিরক্ত হইয়া তাঁহাকে দণ্ড দিতে উত্তত হয়েন । বাদিয়াৎ জামা খাঁ কৃষ্ণভট্টের সাহায্যে নবাবের কোপানগ হইতে অব্যাহিত লাভ করিয়া তাঁহাকে বৈজ্ঞানাথের নিকটবর্ত্তী করে । গ্রাম জায়গীর দেন । কৃষ্ণভট্ট তদবধি করোঁতেই বাস করেন । সখারামের পিতামহ এই রায়কর পরিবারে বিবাহ করিয়া কিছু ভূসম্পত্তি ষোড়শক পাইয়া করোঁগ্রামেই আসিয়া বাস করেন । বাঙ্গালা সখারামের জন্মভূমি ও কর্মভূমি ।

১৮৮৯ খৃষ্টাব্দে বৈজ্ঞানাথে সখারামে সহিত আমার প্রথম পরিচয় । তখন সখারাম দেওঘর স্কুলের ছাত্র—মধুসূদনের চরিতকার যোগীন্দ্র বাবু স্কুলের হেড মাস্টার । তাহার চারি বৎসর পরে আমি আবার দেওঘরে গমন করি । তখন সখারাম স্কুলে শিক্ষক । তাঁহার সাহিত্যাহুরাগ তখনই আশ্রয়-প্রকাশ করিতেছে । তিনি অবসর পাইলেই রাজনারায়ণ বসু মহাশয়ের গৃহে যাইতেন । বসু মহাশয় পরম ধার্মিক, সুপণ্ডিত, সাহিত্যাহুরাগী ও মজলিসী

আর্য্যাবর্ত



স্বর্গীয় সখারাম গণেশ দেউস্কর ।

লোক ছিলেন। সখারাম নানাবিষয়ে তাঁহার সহিত আলোচনা করিতেন। সেই মজলিসে সখারামের সহিত আমার পরিচয় ঘনীভূত হয়।

এই সময় আমার কোন আত্মীয় ‘প্রতিভা’ মাসিক পত্র প্রকাশ করেন। পত্রখানি বর্ষমাত্র স্থায়ী হইয়াছিল। আমি তাহার লেখক, সখারামও অল্পতম লেখক। তখনও সখারামের বাঙ্গালা রচনার “আড়” ভাঙ্গে নাই। কিন্তু একাগ্র সাধনার ফলে তিনি অল্পকালমধ্যেই বাঙ্গালার সংবাদ-পত্রে ও সাময়িক সাহিত্যে প্রধান লেখকদিগের অন্ততম হইয়া উঠিয়াছিলেন। সখারামের সকল কার্য্যেই এই একাগ্র সাধনা সপ্রকাশ।

ইহার পর অদৃষ্ট চক্রের অতর্কিত আবর্তন সখারামকে দেওঘরের নিভৃত নিবাস হইতে কর্ম্মক্ষেত্র কলিকাতায় আনিয়া শিক্ষকের শান্তিনিক্ষেপ কার্য্য হইতে সর্ব্বগ্রাসী সংবাদ-পত্রসেবায় নিযুক্ত করে। আচার্য্য কৃষ্ণকমল ভট্টাচার্য্য মহাশয়কে সম্পাদক করিয়া রবীন্দ্রনাথ ঠাকুর, ভূপেন্দ্রনাথ বসু প্রভৃতি “আদর্শ সংবাদ পত্র” ‘হিতবাদীর’ পরিচালনে অসক্ত হইয়া তখন তাহার ভার ত্যাগ করিয়াছেন। কালীপ্রসন্ন কাব্যবিশারদ মহাশয় তখন ‘হিতবাদীর’ ভার লইয়াছেন। বিশারদ অত্যাচার অনাচারের বিরুদ্ধে অস্ত্রধারণ করিয়াছেন। মিষ্টার হাড তখন দেওঘরের ম্যাজিষ্ট্রেট। তাঁহার বিরুদ্ধে নানা কথা ‘হিতবাদীতে’ প্রকাশিত হয়। যোগীন্দ্র বাবু ও সখারাম দুইজনেরই বাঙ্গালা লেখক “অপবাদ” ছিল। তাই দুইজনে ম্যাজিষ্ট্রেটের কোপানলে পতিত হইয়া চাকরী ত্যাগ করিতে বাধ্য হইলেন। সখারাম ‘হিতবাদীতে’ লিখিয়াছিলেন সেই সন্দেহে কর্ম্ম ত্যাগ করিতে বাধ্য হইয়াছিলেন বলিয়া বিশারদ তাঁহাকে ‘হিতবাদীতে’ চাকরী দিলেন। সখারাম সংবাদপত্রসেবায় নিযুক্ত হইলেন। তাহার পর অসাধারণ শ্রমশীলতা ও বিন্ময়কর একাগ্রতার ফলে তিনি ক্ষমতাশালী সম্পাদক, ভাষার বিশুদ্ধিরক্ষাতাপর বিশারদের জীবনের শেষ সময় তাঁহার প্রধান অবলম্বন ছিলেন। জাপান হইতে প্রত্যাবর্তনের পথে—“তুফা জুড়ায় যা’র জলে” তাঁহার সেই জন্মভূমি হইতে দূরে বারিধিবন্ধে বিশারদের মৃত্যুর পর সখারাম ‘হিতবাদীর’ কর্ণধার নিযুক্ত হইলেন। তিনি কিরূপ দক্ষতার সহিত এই কার্য্য সম্পন্ন করিয়াছিলেন—দলাদলির বাতায়—রাজনৈতিক আন্দোলনের তরঙ্গ-তাড়নে তিনি কিরূপ নিপুণতাসহকারে ‘হিতবাদী’ পরিচালিত করিয়াছিলেন, তাহা কাহারও অবদিত নাই। মধ্যে একবার ‘হিতবাদীর সহিত’

তঁাহার সম্বন্ধ বিচ্ছিন্ন হয় । সে বিচ্ছেদও সখারামের মনুষ্যত্বের পরিচায়ক । জুরাতে কংগ্রেস ডাকিয়া গেল । ‘হিতবাদী’র কর্তৃপক্ষীয়গণ ভিলকপ্রমুখ ব্যক্তিদিগকে দোষী প্রতিপন্ন করিতে চাহিলেন । সখারামের বিশ্বাস অন্তরূপ । তাই তিনি বিশ্বাসের বিরুদ্ধ কার্য্য করিতে অসম্মত হইয়া কার্য্যত্যাগ করিলেন । দরিদ্রের পক্ষে এ কার্য্য সহজ নহে ।

বাস্তবিক সখারামের সমস্ত জীবন প্রতিকূল অবস্থার সহিত সংগ্রাম ।

প্রতিকূল অবস্থাহেতু তঁাহাকে অত্যন্ত শ্রম করিতে হইত । সংবাদ-পত্র সেবার বিরলপ্রাপ্ত অবসরকালে তিনি সাহিত্যচর্চা করিতেন । ‘এটা কোন্ যুগ ?’ ব্যতীত তঁাহার আর সকল পুস্তকই এইরূপ অবসরকালে লিখিত । পুস্তক ব্যতীত তিনি গত বিংশবর্ষ কালে বহু প্রবন্ধ প্রকাশিত করিয়া গিয়াছেন । সাময়িক সাহিত্য হইতে সংগৃহীত হইয়া সেগুলি স্বতন্ত্র ভাবে প্রকাশিত হইবার যোগ্য । তিনি ‘সাহিত্য’ পত্রে “মহারাষ্ট্র সাহিত্যে” মহারাষ্ট্রীয় সাহিত্যিক ভাব বাঙ্গালীকে বুঝাইয়াছিলেন । তিনি বহু প্রবন্ধে বাঙ্গালীকে মহারাষ্ট্রীয় ইতিহাসের আশ্রয় প্রদান করিয়াছিলেন । তিনি মহারাষ্ট্র ইতিহাস বিশেষ যত্নসহকারে অধ্যয়ন করিয়াছিলেন এবং তাহাতে তঁাহার বিশেষ অধিকার ছিল । ‘আর্য্যাবর্ত্ত’ প্রকাশের পূর্বে তঁাহাকে একটি প্রবন্ধ লিখিতে অনুরোধ করিয়াছিলাম । তিনি এক দিন আসিয়া উপস্থিত হইলেন এবং কি লিখিবেন জিজ্ঞাসা করিলেন । বাজীরাও যখন নর্থদার কূলে পানিপথযুদ্ধের ফলাফল প্রতীক্ষা করিতেছিলেন তখন তঁাহার সেনাদল এক ব্যক্তিকে ধরিয়া আনে । সে দাক্ষিণাত্যে আওরঙ্গাবাদের কোন মহাজনের দিল্লীস্থ পদ হইতে মহারাষ্ট্রবাহিনীর বিনাশবার্ত্তা লইয়া বাইতেছিলেন । তাহার নিকট বাজীরাও প্রথম আপনার সর্বনাশের সংবাদ পাইয়াছিলেন । গ্র্যান্ট ডাফ লিখিত ইতিহাসপাঠক সে কথা অবগত আছেন । আমি তঁাহাকে সেই বিষয়ে একটি প্রবন্ধ লিখিতে বলিলাম । তাহার পর টেব্লে একখানি ‘হিন্দুস্থান রিভিউ’ দেখিয়া সখারাম তাহা তুলিয়া লইলেন । তাহাতে মন্তানীসম্বন্ধে একটি প্রবন্ধ ছিল । তাহা দেখিয়া সখারাম বলিলেন, “আমি বাজীরাওয়ের কলঙ্ক মোচন করিব ।” দুই তিন দিন পরে তিনি ‘আর্য্যাবর্ত্তের’ প্রথম সংখ্যার জন্য “রাজীরাও ও মন্তানী” নামক প্রবন্ধ দিয়াছিলেন । শিবাজীর একখানি বিদ্রুত চরিত রচনা তঁাহার অভিপ্রেত ছিল । সে জন্য তিনি বহুদিন ধরিয়া বহু উপাদান সংগ্রহ করিয়াছিলেন । কিন্তু গ্রন্থরচনা

হয় নাই। তিনি তাঁহার সেই দ্বৈন্দিত কার্য সম্পন্ন করিয়া যাইতে পারেন নাই। আর কাহারও দ্বারা লেই উপহৃত উপাদানসাহায্যে বাঙ্গালার শিবাঙ্গীচরিত রচিত হইবে কি না, তাহাও জানি না।

কিন্তু কেবল মহারাষ্ট্র ইতিহাস অধ্যয়নে নহে—সকল বিষয়ের অধ্যয়নেই তাঁহার শ্রমশীলতা ও একাগ্রতা তাঁহাকে যত্নসহকারে উপাদানসংগ্রহে প্রবৃত্ত করাইত। তিনি বিনাপ্রমাণে কোন কথা বলিতেন না; তাই তাঁহার কথার প্রতিবাদ করা সহজ ছিল না। তাঁহার 'দেশের কথা' এই শ্রমশীলতার পরিচয় সর্বত্র পরিষ্কৃত। তিনি কিরূপ যত্নসহকারে উপাদান সংগ্রহ করিতেন, তাহার একটি দৃষ্টান্ত দিতেছি।—সখারাম যখনই আমার গৃহে আসিতেন তখনই টেবলের উপর নূতন পুস্তকগুলি নাড়িয়া চাড়িয়া দেখিতেন। একবার তিনি সার ফ্রেডরিক ট্রীভসের The Other Side of the Lantern দেখিয়া পুস্তকখানি কি জিজ্ঞাসা করিলেন। আমি বলিলাম, উহা ভ্রমশ্রুতান্ত। তাহার পর পুস্তকের ভূমিকা পড়িয়া নামকরণের কারণ দেখাইয়া দিয়া আমি বলিলাম, ইহাতে "দেশের কথা" আছে;—গ্রন্থকার ভারতের দারিদ্র্য দেখিয়া বিস্মিত হইয়াছেন। কিছুদিন পরে এক দিন সখারাম আসিয়া বলিলেন, 'দেশের কথা'র নূতন সংস্করণ ছাপা হইতেছে—সার ফ্রেডরিক ট্রীভসের উক্তিটুকু লিখিয়া দিতে হইবে। সার ফ্রেডরিকের উক্তি 'দেশের কথা'র অন্তর্ভুক্ত হইল। বাস্তবিক 'দেশের কথা' তিনি অসাধারণ শ্রমশীলতার পরিচয় দিয়াছিলেন। কিন্তু অল্প দিনে 'দেশের কথা' আদর হয় নাই। 'কলিকাতা রিভিউ' পত্রে পুস্তকখানির সমালোচনা করিবার জন্য অনুরোধকালে সখারাম বলিয়াছিলেন—অনেকে পাঠাগার প্রভৃতির জন্য বিনামূল্যে পুস্তক প্রার্থনা করিতেছেন; কিন্তু তিনি ছাপাখানার ও কাগজের দেনা শোধ করিতে পারিতেছেন না। তাহার পর এ পুস্তকের যথেষ্ট প্রচার হয়;—সন ১৩১১ সাল হইতে সন ১৩১৪ সাল—এই চারি বৎসরে 'দেশের কথা' চারি সংস্করণে ১০০০০ ২৩ বিক্রীত হয়। তাহার পর সরকার ইহার প্রচার বন্ধ করিয়া দেন। কিন্তু পুস্তকের প্রচার বন্ধ বাড়িতে লাগিল শিকান্তত সখারাম তাহার মূল্য তত কমাইতে লাগিলেন। কাষেই ইহাতে তাঁহার অধিক আর্থিক লাভ হয় নাই।

'এটা কোন্ যুগ?' ও 'দেশের কথা' ব্যতীত সখারাম আর পাঁচখানি পুস্তক প্রচার করেন—'কাজির রাজকুমার' 'তিলকের মোকদ্দমা' 'মহামতি

রানাড়ে', 'বাজীরাও' 'আনন্দো বাই'। 'তিলকের মোকদ্দামার' প্রচারও বন্ধ হয়। 'বাজীরাও' পুস্তকের পুনঃপ্রচারও তিনি বন্ধ রাখিয়াছিলেন।

সখারাম বাঙ্গালীকে মহারষ্ট্রের কথা বুঝাইয়াছিলেন। শ্রীযুক্ত বাল গঙ্গাধর তিলক প্রথমবার রাজাঘারে অভিযুক্ত হইলে বঙ্গবাসী যে তাঁহার সাহা-য্যার্থ অগ্রসর হইয়াছিল তাহাতে সখারামের চেষ্টার বিষয় তাঁহার অন্তরঙ্গ বন্ধু ব্যতীত আর কেহই অবগত নহেন। তাহার কারণ, তিনি কাষ করিতেই ভালবাসিতেন; কোন অমুষ্ঠানেই আপনাকে পুরোভাগে প্রতিষ্ঠিত করিতে চাহিতেন না। মুসলমান ইতিহাসে শিবাজীর যে চিত্রিত চিত্রিত হইয়াছে সখারাম তাহা বিকৃত প্রতিপন্ন করিতে প্রয়াস পাইয়াছিলেন। বঙ্গ শিবাজী উৎসবের অমুষ্ঠান প্রধানতঃ তাঁহারই চেষ্টায় অমুষ্ঠিত হইয়াছিল। রবীন্দ্রনাথ লিখিয়াছেন, শিবাজী, তুমি বধন ধও, ছিন্ন, বিক্ষিপ্ত ভারতকে "এক ধর্মরাজ্যপাশে" বাঁধিতে চাহিয়াছিলে—

"সে দিনো শোনে নি বঙ্গ মারাঠার সে বজ্রনির্ঘোষে

কি ছিল বারতা।"

তাঁহার পর—

"এ কথা ভাবে নি কেহ এ তিন শতাব্দিকাল ধরি'—

জানে নি স্বপনে—

তোমার মহৎ নাম বঙ্গ মারাঠারে এক করি'

দিয়ে বিনা রণে।"

রবীন্দ্রনাথ বলিয়াছেন—

"—ভাবিতেছি আমি কবি এ পূর্বভারতে —

কি অপূর্ব হেরি !

বঙ্গের অঙ্গন-ঘারে কেমনে ধ্বনিত কোথঃ হ'তে

তব জয়ভেরি ?"

যে মহারাষ্ট্রীয় ত্রাঙ্গণ বঙ্গের অঙ্গন-ঘারে শিবাজীর জয়ভেরি ধ্বনিত করিয়া-ছিলেন—বৈষ্ণনাথের নদীকূলে তাঁহার দেহ ভস্মীভূত হইয়াছে। কিন্তু শিবাজী উৎসবে তাঁহার চেষ্টা কয়জন অবগত আছেন?

বাঙ্গালার রাজনৈতিক অটলতাজড়িত স্বদেশী আন্দোলনের বহুপূর্বে রানাড়েপ্রমুখ অর্থনীতিবিশারদের চেষ্টায় বোম্বাই অঞ্চলে ভারতীয় শিল্পের উন্নতিচেষ্টা হইতেছিল। তখন বোম্বাই অঞ্চলের কলে যে বঙ্গ উৎপন্ন হইত

তাহার পাড়ের বর্ণ পাকা হইত না; আর ম্যানুচেষ্টারে উৎপন্ন মিহি বস্ত্র ব্যবহারে অভ্যস্তা বঙ্গাঙ্গনার পক্ষে সে কাপড় ভিজিলে টানা দায় হইত। সখারাম সেই মোটা কাপড় ব্যবহার করিতেন। আপনার মতমত কার্য্য করিতে তিনি কখনও কুণ্ঠিত হয়েন নাই। বিলাস তাঁহাকে স্পর্শ করিতে পারে নাই।

অতিরিক্ত পরিশ্রমে সখারামের স্বাস্থ্যভঙ্গ হইয়াছিল। তাহার উপর তিনি একমাত্র পুত্রের মৃত্যুশোকে কাতর হইয়াছিলেন। এই সময় হইতে তিনি নানারূপে বিপন্ন হইতে থাকেন। ‘হিতবাদী’র সহিত সংশ্রবত্যাগের পর তিনি “জাতীয় শিক্ষাপরিদে” অধ্যাপনা করিতেছিলেন। কিন্তু সরকার হইতে তাঁহার সামান্য আয়ের উপায় ‘দেশের কথা’ ও ‘ভিলকের মোকদমা’ পুস্তকের প্রচার বন্ধ হইয়া গেল। আর সঙ্গে সঙ্গে “জাতীয় শিক্ষাপরিদে”র শক্তিত কর্তৃপক্ষীয়দিগের ভাব বুঝিয়া সখারাম অধ্যাপকপদ ত্যাগ করিলেন।

এই সময় হইতে তিনি আর নষ্ট স্বাস্থ্য ফিরিয়া পানেন নাই। সাময়িক সাহিত্যেও আর তাঁহার অধিক প্রবন্ধ প্রকাশিত হয় নাই।

ইহার পর বিধাতার বজ্র সখারামের দারিদ্র্যদুঃখপীড়িত পুত্রশোককাতর হৃদয় বিদীর্ণ করিয়া দিল; তাঁহার পরীব্রিয়োগ হইল।

ভগ্নস্বাস্থ্য সখারাম দ্রুতপন্নব রিক্তশাখ তরুর দশাগ্রস্ত হইলেন। তাঁহার বন্ধুগণ তাঁহার জন্ত শঙ্কিত হইলেন। সে আশঙ্কা অতি অল্প দিনেই সত্যে পরিণত হইয়াছে।

সখারামের মত দুর্ভাগ্য কাহার? তিনি যে বাঙ্গালা সাহিত্যের সেবার জীবন উৎসর্গ করিয়াছিলেন, সে সাহিত্যে তাঁহার স্থায়ী চিহ্ন থাকিল কোথায়? সংবাদপত্রের রচনায় যতই প্রতিভাফুরণ থাকুক না কেন, তাহার স্থায়ীত্ব-সম্ভাবনা নাই। তাঁহার জীবনব্যাপী পরিশ্রমের ফল—‘দেশের কথা’র প্রচার বন্ধ হইয়াছে। যে শ্রমশীলতা প্রতিভার ফুরণে প্রধান সহায় সেই শ্রমশীলতা সঙ্গেও দারিদ্র্যদুঃখে তিনি স্বাধীনভাবে রচনার যথেষ্ট অবকাশ পানেন নাই। তাঁহার জীবনসাধন শিবাঙ্গীচরিত রচিত হয় নাই। তিনি সংসারে সম্পদ লাভ করেন নাই; শোকের পর শোক তাঁহাকে পীড়িত করিয়াছিল।

সব গেল—রহিল কেবল বন্ধুজনের চিন্তে তাঁহার পুণ্য স্মৃতি।—সে স্মৃতি মুছিবার নহে। তাঁহার আন্তরিকতা—তেজস্বিতা ভুলিবার নহে। রোগের

কষ্টকশয়নে তিনি শোকবিক্ত হৃদয়ে যে শান্তির কামনা করিয়াছিলেন,
আশা করি, মৃত্যুর পরপারে তিনি সেই শান্তি লাভ করিয়াছেন।—

“তাই হোক হোক ! নিবে চিতানল,

কলসে কলসে ঢাল শান্তিজল !

ধরা দগ্ধ প্রাণ হউক শীতল—

ভব-জনমের হাহা !

লহ লহ, বন্ধু, মরণ-সময়—

জীবনে খুঁজিলে বাহা !”

যবন হরিদাস ।

ক্রুদ্ধ বাদশা দেখি' হরিদাসে—হইয়া মুসলমান

কাফের হিন্দু তাহার ধর্মে করিল আত্মদান ?

স্বণিত হিন্দু গোলামের জাতি তা'দের আবার ধর্ম ?

তাই কিনা শেষে করিল বরণ ; যবনের এই কর্ম ?

ডাকিয়া বাদশা মুচ হরিদাসে দিলা এ সহপদেশ,

“এখনও ছাড় দুর্গতি হেন, ঘুচাও কাফের বেশ ।

“তা'নহিলে তোমা দুর্গতি বহু সহিতে হইবে শুন,

“মুসলমানের পূত ধর্মে দীক্ষা লওগে পুনঃ !

“অভাব তোমার বুচাইব আমি, রাখ আমাদের মান

“বাদশার জাতি, গৌরব কত, কেন লহ অপমান ?”

ধীরে ধীরে কহে পরম ভক্ত । “কমা কর মোরে প্রভু

“অমৃতের বাদ পেয়েছি হেথায় ছাড়িতে নারিব কভু ।

“তুমি কি বুঝিবে অভাব আমার ? পারিবে না দিতে তাহা

“তাণ্ডারে তব নাহি সে রক্ত জান নাও তুমি বাহা ।

“একটি বিন্দু পাও যদি তা’র ভূমিও দেখিবে তবে
 “দীন হুনিয়ার বাদশাহগিরি চরণে পড়িয়া র’বে ।
 “কোরান্ পুরাণ নহেত ভিন্ন, খোদা হরি দুই নয়
 “ভক্ত সে জানে গঙ্গা যমুনা সিদ্ধিতে এক হয় ।
 “চরমের সেই এক—শুধু এক পরম পুরুষ হরি ।
 “কেন তবে মিছে ষাপিতেছ কাল মিথ্যা কলহ করি’ ?
 শুনিয়া বাদশা অজ্ঞান ক্রোধে আদেশিলা দাসগণে
 “বাইশ বাজারে গ্রাহারে গ্রাহারে শিক্কা দাও এ জনে ।
 “মারিতে মারিতে হয় যেন শেষ ভণ্ডের হরিভক্ত ।
 “বাঁচাক্ আসিয়া দেবতা উহার, দেখুক্ কেমন মজা !”
 বাদশা আজ্ঞা রক্ষা করিতে ছুটিল লক্ষ দাস
 শ্রোতবৃন্দ চমকি উঠিল পাইল বিষম ত্রাস ।
 জল্লাদ সেও পালিতে আজ্ঞা ফেলিল দীর্ঘশ্বাস
 মৃত্যু আদেশে অটল কিন্তু নির্ভীক হরিনাম ।।
 গ্রহাণ দেখিয়া দর্শকগণ শক্রমিত্রে সবে
 “আর না আর না মেরো না সেপাই” বলিছে উচ্চ রবে ।
 ধরণীর ধূলা রক্তেতে কাঁদা, এসয় বদন হরি—
 পীড়কের ভরে আশীষ মাগিছে হাত দু’টি ষোড় করি’ ।
 শ্রীবসন্তকুমার চট্টোপাধ্যায় ।

অদৃষ্ট-চক্র ।

—:—

অষ্টম পরিচ্ছেদ ।

—•—

চিন্তারন্ত ।

—•—

ধরনীধর চলিয়া বাইলে বতীশ গৃহে আসিল, উদ্বেগ কিছু অর্ধ সংগ্রহ করিবে। পূর্বে সে কখনও অর্থের অভাব অনুভব করে নাই। তাহার ব্যয় অল্প ছিল—সে পিতার নিকট ও পিতামহীর নিকট হইতে আবশ্যক-তিরিক্ত অর্থ পাইত। এখন ব্যয় বাড়িয়াছে—অথচ আয়ের পথ রুদ্ধ। সে যখন পিতার অবাধ্য হইয়া কলিকাতার বাসা করিয়াছিল তখন হইতে তাহার ব্যয় কেবল বাড়িয়াই চলিয়াছে। সে বিদ্যালয় ত্যাগ করিয়াছে। একবার বাসা করিয়া সে আর ‘মেন্সে’ ফিরিয়া বাইতে পারিল না। বাসা রহিল—ব্যয়বাহ্য চলিতে লাগিল। অমূল্যচরণ তাহার অবস্থা বুঝিতে পারিয়া তাহাকে ঋণ গ্রহণের ব্যবস্থা করিয়া দিত—প্রাপ্ত অর্থের সম্পূর্ণ ভাগ বতীশচন্দ্রের হস্তগত হইত না। উপস্থিত প্রয়োজন—ভবিষ্যতে উপার্জন করিয়া ঋণ শোধের আশা সমুজ্জল। এ ব্যবহার বতীশও ঋণ করিত। ঋণের বত রক্তশোষী শত্রু আর নাই। সে কখন যে আসিয়া পুণ্ড মানবের বক্ষে বসিয়া তাহার রক্ত শোষণ করিতে আরম্ভ করে মাছুষ তাহা বুঝিতে পারে না। শেষে যখন সে জাগিয়া আপনার অবস্থা উপলব্ধি করে—তখন তাহার দেহ বলশূন্য—সে নিরুপায়। সংসারজ্ঞানহীন যুবক যখন ভবিষ্যতে উপার্জনের আশায় উৎসাহিত হইয়া ঋণজালে জড়িত হয়, তখন সে স্বপ্নেও ভাবিতে পারে না যে, হয় ত জীবনে সে আর সে জাল হইতে মুক্তি লাভ করিতে পারিবে না ; এই বন্ধন তাহার ভবিষ্যৎ উন্নতির গতিরোধ করিবে, তাহার সকল আশা বিনাশের কারণ হইবে। বতীশচন্দ্রেরও তাহাই হইয়াছিল।

আপনার প্রতিভা সম্বন্ধে তাহার ভ্রান্ত ধারণা তাহার যুবজনমুলত আশা আরও উদ্দীপ্ত করিয়াছিল। সে যে সহজেই প্রচুর অর্থ উপার্জন করিতে

পারিবে, সে বিষয়ে তাহার সন্দেহমাত্র ছিল না। আঘাতের পর আঘাতে তাহার আশার ঔজ্জ্বল্য মলিন হইতেছিল বটে, কিন্তু তখনও সে প্রকৃত অবস্থা উপলব্ধি করিতে পারে নাই। বিশ্ববিজ্ঞাননের আদর্শ হিসাবে তাহার মত বিদ্বান সামান্য বেতনে কেরানীগিরির জন্ত লাগানিত। যতীশচন্দ্র তাহাদিগকে কৃপার পাত্র মনে করিত; বুকিত না—সেও তাহাদেরই একজন।

ক্রমে সংসারে অন্বচ্ছলতা যত বাড়িতে লাগিল যতীশচন্দ্র ততই বিপন্ন ও বিষন্ন হইতে লাগিল। স্বচ্ছলতার সময়—সংসারের ভাবনা ভাবিতে শিখিবার পূর্বে—যখন জীবনে অন্বচ্ছলতার সম্ভবনা কল্পনাও করা যায় না তখন স্বাবলম্বনের প্রশংসা করা অতি সহজসাধ্য। কিন্তু স্বাবলম্বন সর্বধা শূণ্যের নহে। তাহার জন্ত যে সাধনার ও যে সংযমের প্রয়োজন, যতীশচন্দ্র সে সাধনা-পরাজু—সে সংযমে অনভ্যস্ত। এ অবস্থায় সে পিতাকে পত্র লিখিবার সময় স্বাবলম্বনের যে সুরম্য মূর্তির কল্পনা করিয়াছিল—কার্যকালে তাহা দেখিতে পাইল না। তাই সে চিন্তিত হইল—কিছু ভীতও যে না হইল এমন নহে।

উপস্থিত প্রয়োজনের প্রাবল্যেইহু যতীশচন্দ্র গৃহে আসিয়াছিল। তাহার সে উদ্দেশ্য সহজেই সিদ্ধ হইল। তাহার অর্ধাভাব জানিয়া স্নেহশীলা পিতামহী তাহাকে কিছু অর্থ দিলেন। সে অর্থে দিন কয়েক চলিবে; কিন্তু তাহার পর? যতীশচন্দ্র তাহা ভাবিল, ভাবিয়া পিতামহীকে বলিল, “তুমি একাকী এই স্থানে থাকিয়া কায নাই। কলিকাতায় ত বাসা রহিয়াছে; তুমি চল।” পিতামহী বলিলেন, “বুড়া বয়সে কি আর এ ভিটা ছাড়িয়া যাইতে পারি? আমি যাইলে বার ভূতে সব লুটিয়া থাকিবে। বাড়ীখানিও নষ্ট হইবে। আর কলিকাতায় যাইয়া কি আমি থাকিতে পারি? তোর বয়স আমি কলিকাতায় যাই নাই। সেবার কালীঘাটে গিয়াছিলাম। কলিকাতা কি অপরিষ্কার, কি দুর্গন্ধ! এই স্থানেই গঙ্গাতীরে থাকি। তুই আর কেন কলিকাতায় থাকিস? কেবল কষ্ট। তুই ফিরিয়া আয়। আমি বৌদিন্দিকে আনাই। তোর বাপকেও পত্র লিখি। সে কি তোর উপর রাগ করিয়া থাকিতে পারিবে? আমি পত্র লিখিলেই সে ফিরিয়া আসিবে। কি বলিস?”

পিতামহীর প্রস্তাব যে সাধু যতীশ তাহা বুঝিল; বুঝিবার বিশেষ

কারণও ছিল—তাহার বে অবস্থা তাহাতে এ প্রস্তাব প্রলোভনীয় । কিন্তু ? কিন্তু পিতার নিকট স্বাবলম্বনের অত কথা বলিয়া—আপনি আপনার ব্যয়-নির্বাহ করিবে বলিয়া পিতার ইচ্ছার বিরুদ্ধে বাসা করিয়া—পত্নীকে আনিতে চাহিয়া আজ সে কি বলিয়া আবার ফিরিয়া আসিবে ? অমূল্যচরণ তাহার সব কথা জানে ; সে কি ভাবিবে ? তাহার নিকট সে কি করিয়া মুখ দেখাইবে ? বতীশ কিছু স্থির করিতে পারিল না ; বলিল, “আমি আবার আসিয়া বলিব ।”

পিতামহী বলিলেন, “আমি বৌদ্ধিদিকে আনিতে পাঠাইতেছি ।”

বতীশ বলিল, “আমি ফিরিয়া আসি । তখন বাহা হয় করিও ।”

বতীশচন্দ্র চলিয়া গেল । উপস্থিত অভাবমোচনের উল্লেখগী অর্থ, সংগৃহীত হইয়াছে—কিছু দিন অভাবের দংশন হইতে সে মুক্তি পাইয়াছে । তাহাই সে যথেষ্ট লাভ মনে করিল ।

কলিকাতায় আসিয়া সে আবার পরিচিত জীবনের মায়ায় মুগ্ধ হইল ; অমূল্যচরণের অসার উপদেশে কুপথে চালিত হইতে লাগিল । পল্লভবনে পিতামহীর সেই প্রস্তাবের কথা সে ভুলিতে লাগিল । যখন তাহা মনে পড়িত, তখন সে ভাবিত—সে যত দূর অগ্রসর হইয়াছে তাহাতে আর তাহার ফিরিবার উপায় নাই । উদ্ভ্রান্ত যুবক—উদ্ধত গর্বে মনে করে, তাহার ফিরিবার পথ রুদ্ধ । সে ভুলিয়া যায়, ফিরিবার পথ রুদ্ধ হয় না ; যে পথ দেহকুম্ভস্থানুভূত—প্রেমবারিসেচিত—শতশ্রুতিছায়ানিষ্ক—সে পথ তাহারই প্রত্যাবর্তনপ্রতীক্ষায় থাকে । ফুল মলিন হয়, বারি শুকাইয়া যায়, ছায়া আর থাকে না—তখনও সে পথে তাহার গমনাধিকার থাকে । এই কথা ভুলিয়াই সে ভ্রম ভোগ করে ।

সে আর সব ভুলিল ; কিন্তু খণ্ডরালয় হইতে পত্নীকে আনিতে বাইয়া সে যে বিফলপ্রযত্ন হইয়া ফিরিয়া আসিয়াছিল, সে কথা সে ভুলিতে পারিল না ।

হিন্দুর সংসারে সমষ্টিই সমাজের উপাদান । হিন্দু পরিবার অনেকের মিলন কেন্দ্র ; তাই হিন্দু পরিবারের পঠন স্বতন্ত্র, তাহার ব্যবস্থাও স্বতন্ত্র । সে পরিবারে প্রত্যেকের নির্দিষ্ট স্থান আছে—পুত্রবধূ অল্প বয়সে পরিবারে প্রবেশ করিয়া সেই পরিবারের আচার-ব্যবহারে অভ্যস্ত হয়—সে পরিবারের বিশেষত্বে শিক্ষিতা হয় ; ক্রমে সে যখন স্বাভাবিক স্থান অধিকার করে তখন সে সে সংসারের অঙ্গীভূত । বধূ

হইতে গৃহিণীতে পরিণতি এমন সহজ ও স্বাভাবিক ভাবে হইয়া যায় যে, কেহ তাহা বুঝিতেও পারে না, সংসারেও কাহারও অভাব হয় না ; খাণ্ডী সংসারের ভার পুত্রবধূর উপর দিয়া পৌত্রপৌত্রী লইয়া কৰ্ম্মক্লান্ত জীবনের সায়াহ্নে শীপন করেন—শেষে যে দিন তিনি মহাযাত্রা করেন সে দিন সংসারের যন্ত্রচালনের কোনই পরিবর্তন পরিলক্ষিত হয় না। প্রতীচ্যে স্বাতন্ত্র্যপ্রিয়তা এমনই প্রবল হইয়া উঠিয়াছে যে, তথায় ব্যক্তিই সমাজের উপাদান। প্রত্যেকে স্বতন্ত্রভাবে সংসার পাতাইয়া বসে—সে বয়ঃপ্রাপ্ত হইলেই যে সংসারে সে ভ্রম গ্রহণ করিয়াছিল সে সংসারে আর তাহার স্থান হয় না। প্রতীচ্য উপন্যাস পাঠ করিলে প্রতীচ্য সমাজের যে আদর্শ আমাদের মানস-মুকূরে প্রতিবিম্বিত হয়,—তাহাতে বোধ হয় যেন জগতে মাতা নাই, পিতা নাই, ভ্রাতা নাই, ভগিনী নাই—আছে কেবল নায়ক আর নায়িকা। প্রতীচ্য গ্রন্থকার সেই নায়কনায়িকার প্রেমকে পুস্তকের ভিত্তি করিয়া তাহাদের সুখদুঃখ, বিরহমিলন প্রভৃতির মধ্য দিয়া বর্ণনার ধারাটিতে প্রবাহিত করিয়া লয়েন—সেই নায়কনায়িকার সংসারের—সজ্জীর্ণ ও সীমাবদ্ধ পরিবারের ঘটনার স্বাভাবিকভাবে তাহার বক্তব্যও সীমাবদ্ধ হয়। প্রতীচ্যে ও প্রতীচ্যে সমাজের আদর্শ স্বতন্ত্র। একে স্বার্থকতা উদার আনুত্যাগে, অপরে স্বার্থকতা সজ্জীর্ণ আত্মরতিতে। আমাদের দেশে পাশ্চাত্য শিক্ষার শিক্ষিত যুবক যখন প্রতীচ্য উপন্যাসে প্রেমের সীমাবদ্ধ ভাব দেখে, তখন সে অনেক সময় তাহাতে আকৃষ্ট হয়। বর্তমানকালেরও তাহাই হইয়াছিল। যে শতাধিক উপন্যাসের কুসৃত্তিকার মধ্য দিয়া সমাজ দর্শন করে, সে কি কখন সমাজের স্বরূপ নির্ণয় করিতে পারে? সে কল্পনায় বাস্তবের স্থান পূর্ণ করিয়া ফেলে—উপন্যাসবর্ণিত চরিত্রপূর্ণ জগতে বাস করে। বর্তমানকালে পাশ্চাত্য উপন্যাসের আদর্শে পন্থীর কল্পনা করিয়াছিল। তাই সে সরোজার ব্রীড়াসমুচিত ব্যবহারে তৃপ্ত হইতে পারে নাই। আর তাই সরোজা তাহার সহিত না আসায় সে তাহার উপর অত্যন্ত ক্রুদ্ধ হইয়াছিল। সে ক্রোধ অন্ধমের ক্রোধ—তাহা নিরপরাধের উপর নিপতিত হয়। সে যে সমাজে জন্মিয়াছে সে সমাজে যে হিন্দুকতার পক্ষে পিতৃগৃহে পিতার আদেশ বা অভিপ্রায়বিরুদ্ধ কার্য করা অসম্ভব, সে তাহা বুঝিল না। সে কেবল মনে করিল—কেন সরোজা সব তাপ করিয়া—তাহার সহিত আসিল না?

সে এ বিষয়ে অমূল্যচরণের পরামর্শ লইল। অমূল্যচরণ তাহার মনের ভাব বুঝিয়া অসুস্থ পরামর্শ দিল। ফলে সে পত্রীকে আর একখানি পত্র লিখিল। তাহাতে সে লিখিল, যদি সরোজা পত্র পাইয়া তাহার নিকট চলিয়া না আইসে তবে তাহার সহিত সে সকল সম্বন্ধ বিচ্ছিন্ন করিবে।

এই পত্র পাঠিয়া সরোজা কাঁদিল; পত্র বিরজাকে দেখাইল। বিরজা পিতাকে পত্রের কথা বলিল। ভট্টাচার্য্য মহাশয় বলিলেন, “উন্মাদের প্রলাপ! তবে দেখিতেছি, সরোজার কপালে সুখ নাই। কি জানি চঞ্চল-চিত্ত যুবক কি করিয়া বসে! কিন্তু সরোজা কি আপনি যাইবে? আর যাইবে কোথায়? স্বপুত্রালয়ে হয়—আমি পাঠাইয়া দিব। কলিকাতায়—অভিভাবকহীন অবস্থায় সে কেমন করিয়া থাকিবে?” বিরজা বলিল, “যতীশ যখন তাহা বুঝিল না, তখন আর আমরা কি করিব? সে বাহা ভাল বুঝে সরোজাকে ত তাহা করিতেই হইবে।” ভট্টাচার্য্য মহাশয় বলিলেন, “এ বড় সমস্যা। আমি বৈবাহিক মহাশয়কে পত্র লিখি। তিনি বেক্সপ ব্যবস্থা করেন—সেইরূপ হইবে।” তিনি ধরনীধরকে পত্র লিখিলেন।

ধরনীধর বৈবাহিকের পত্র পাইলেন। তিনি কি উত্তর দিবেন ভাবিতে লাগিলেন।

সেই দিন মধ্যাহ্নে কক্ষদ্বার অর্গলবদ্ধ করিয়া সরোজা স্বামীর পত্র হস্তে লইয়া বহুক্ষণ কাঁদিল; মনে মনে বলিল, হে আমার দেবতা, হে আমার জীবনসর্ব্বস্ব—আমি কোন্ অপরাধে তোমার নিকট অপরাধী যে তুমি আমার উপর রাগ করিয়াছ? তুমি বাহা বলিবে, আমি তাহাই করিব। কিন্তু কোন উপায়ে আমি তোমার কাছে যাইব? তুমি আমাকে লইয়া যাও। তোমার নিকট থাকিলেই আমি জীবন স্বার্থক মনে করিব। তাহার পর সে বাস্তব খুলিয়া কাগজ, কলম, দোয়াত বাহির করিল। মনের এই কথা পত্রে লিখিল। তাহার নয়ন লইতে অশ্রু ঝরিতেছিল। সেই অশ্রুপাতহেতু সে ভাল করিয়া দেখিতে পাইতেছিল না;—অক্ষরগুলি বড় অসমান—ছত্রগুলি আঁক। বাঁকা হইতেছিল; অশ্রুপাতে অক্ষরগুলি একান্তই অস্পষ্ট হইতেছিল।

সরোজা ভাবিল, এ পত্র কেমন করিয়া পাঠাইব? তিনি কি ভাবিলেন। তাহার পর যে আবেগে সে পত্র লিখিয়াছিল সে আবেগ একটু প্রশমিত

হইলে সে ভাবিল,—এ কি লিখিতেছি ? তিনি নিশ্চয়ই আমাকে একান্ত লজ্জাহীনা মনে করিবেন ।

সে আরও ভাবিল, পিতার মত—খণ্ডরের অভিপ্রায়, এসকল না জানিয়া—না বুঝিয়া সে কেমন করিয়া এরূপ পত্র লিখিবে ?

ভাবনায় ভাবনা বাড়িল। সরোজা পত্রখানি ছিঁড়িয়া ফেলিল ; খণ্ড করিয়া কাগজের টুকরাগুলি বাতায়নপথে বাহিরে ফেলিয়া দিল। তাহার পর সে আবার কাঁদিল।

—:~:—

নবম পরিচ্ছেদ

স্বপ্ন-শেষে ।

আকাশ মেঘহীন—বায়ুমণ্ডল অনাবিল—প্রকৃতি প্রসন্নাননা। পূর্ব গগনে দিবালোকবিকাশ শিশিরস্রাত প্রান্তরদৃশ্যে নূতন সৌন্দর্য্য সঞ্চারিত করিয়াছে। বসন্তাগমপ্রকৃত তরুর পত্রাগ্রে দোহুল্যমান শিশিরবিন্দু তরুণ রবিকরে হীরকের মত জ্বলিতেছে ; তৃণদলে শিশিরবিন্দু—যেন দিবালোকভয়ভ্রম। বিভাবরী চঞ্চলপদে গমনকালে ছিন্নমুত্র মুক্তাহারের মুক্তাগুলি ফেলিয়া গিয়াছে, তৃণ-পুষ্পে সঞ্চিত শিশির এখনও টল টল করিতেছে—যেন তরুণীর প্রেম এখনও অনাদরে—উপেক্ষায় শুকাই নাই। বসন্তের আরম্ভ—প্রান্তরে স্থানে স্থানে শিমুলের বিরাট বপু কোমল—মাংসল রক্ত পুষ্পে ভরিয়া উঠিয়াছে—যেন হরিৎ প্রান্তরে অগ্নিশিখা উর্দ্ধে উঠিতেছে ; আর কিছু দূরে একটি অনতি-উচ্চ জুপের উপর কয়টি পলাশ তরু শুষ্ক শুষ্ক কুম্ব-শোভায় সুন্দর। চারিদিকে সৌন্দর্য্য—চারি দিকে বিহগবিরাব। প্রান্তরের পার্শ্বে নদী—নদীবক্ষে বালুকাবিস্তার—মধ্যে জলধারা। নদীর পরপারে গিরিশ্রেণী—ররিকরে পর্ব্বতাদ্বে নানাবর্ণের বিকাশ লক্ষিত হইতেছে। একজন যুবক ও একজন যুবতী নিকটস্থ গ্রাম হইতে নদীতীরবর্তী পথে আসিয়া প্রান্তরে উপনীত হইল। উভয়েই যুগ্মনেত্রে প্রান্তরদৃশ্য দেখিল। উভয়েই আননে হর্ষদীপ্তি—সে হর্ষ প্রেম-সংচর—জীবনে তাহার স্বাদ যে পায় না সে হৃর্ভাগ্য।

দীর্ঘপথ অতিক্রম করিয়া যুবতী শ্রান্তা হইয়াছিল। তাহার চাম্বীকরতপ্তগৌর ললাটে স্বেদচিহ্ন লক্ষিত হইতেছিল। তাহার নিখাস কিছু ক্রম পড়িতেছিল। যুবক তাহা লক্ষ্য করিল ; বলিল, “চাকু, চল একটু বিশ্রাম করিবে।”

যুবতী কোন কথা কহিল না। সে এই অভিনব সৌন্দর্য্যের রাজ্যে—অভি-

নব জীবনে স্বামীর প্রেমে এমনই মুগ্ধ যে তাহার বেন স্বতন্ত্র অস্তিত্ব নাই । সে বুকের সঙ্গে বাইয়া অদূরে নদীতীরস্থ একখণ্ড শিলার উপর উপবেশন করিল, তাহার পর শালখানি খুলিয়া রাখিল । পত্নীকে বসাইয়া রাধাচরণ তাহার পার্শ্বে বসিল, সাদরে পত্নীর মুখ চুম্বন করিল । তাহাদের পদতলে তৃণগুলি রক্তাভ হরিদ্রা কুমুদে সজ্জিত—সম্মুখে নদীর শীর্ণ প্রবাহ প্রভাত পবনে বীচিবিক্ষুক—পশ্চাতে প্রান্তর হইতে প্রবাহিত পবনের স্পর্শ সুখদ । রাধাচরণ ও চাক্রশীলা মনে করিল, এই পৃথিবীই স্বর্গ ।

কর্মস্থানে আসিয়া স্থির হইয়া বসিয়াই রাধাচরণ পিসীমা'কে কলিকাতায় পাঠাইয়া দিয়াছে । এখন সে আর চাক্রশীলা—আর কেহই নাই । তাহার মনে হইত, বেন প্রকৃতির সৌন্দর্য্যসম্ভার কেবল তাহাদেরই দুইজনের জন্ত, জীবনের—যৌবনের অমৃতউৎস তাহাদেরই দুইজনের জন্ত উৎসারিত ।

সে প্রভাতে পত্নীকে লইয়া গ্রামের বাহিরে প্রান্তরে বেড়াইতে আসিত । তাহার পর আফিসের নির্দিষ্ট কাৰ্য কোনরূপে সম্পন্ন করিয়া বা অসম্পূর্ণ রাখিয়াই সে অপরাহ্নে গৃহে আসিত । গৃহে আসিয়া সে আবার পত্নীকে লইয়া কোন দিন নদীর পরপারে—কোনদিন নিকটবর্ত্তী পর্ব্বতে—কোন দিন বা গ্রামপ্রান্তস্থিত শালবনের দিকে বেড়াইতে বাইত । জীবনের যে সুখা যৌবন তাহাদের জন্ত পাত্র পূর্ণ করিয়া আনিয়াছিল তাহা তাহারা অকুণ্ঠিত ভাবে পান করিত—তবুও বেন পিপাসা মিটিত না ।

আজ শিলাখণ্ডের উপর বসিয়া স্বামী-স্ত্রীতে কথা হইতে লাগিল—গৃহে তাহার। এই মুখ হইতে বক্তিত ছিল ! জীবনে যে মুখ প্রেমের দান—যাহাতে বুঝ বুঝতীর স্বাভাবিক অধিকার সমাজের ব্যবস্থায় তাহারা তাহা ভোগ করিতে পারে না—জীবন দুঃখময় করে । যে সামাজিক ব্যবস্থা মানুষকে প্রকৃতিপ্রদত্ত মুখ হইতে বঞ্চিত করে সে ব্যবস্থায় দিক ।

চাক্রশীলা মুগ্ধ হইয়া স্বামীর এই সব কথা শুনিতে লাগিল ।

দেখিতে দেখিতে কত সময় কাটিয়া গেল কেহই তাহা বুঝিতে পারিল না, শেষে চাক্রশীলা স্বামীকে বলিল, “চল বাড়ী বাই ।”

রাধাচরণ বড়ি খুলিয়া দেখিল, বেলা প্রায় নয়টা । সে উঠিল—দস্তারবান। পত্নীর সঙ্গে শালখানি সযত্নে জড়াইয়া দিল । উভয়ে গৃহাভি-মুখগামী হইল । আফিসের সময় হইয়া আসিতেছে ; রাধাচরণ একটু দ্রুত চলিল । কিন্তু অল্প দূর যাইয়াই সে দেখিল, পথপ্রমে অনভ্যস্তা চাক্র-

নীলা শ্রান্ত হইয়াছে—তাহার কপালে বেদচিহ্ন—মুখে রক্তাভা।

তাহার মুখ নয়নে পত্নীকে যেন আরও সুন্দর দেখাইল। সে আবার পত্নীর মুখ চুশন করিয়া তাহাকে বলিল, “তোমার শ্রান্তি বোধ হইতেছে—তাহা কি বলিতে নাই?”

সে ধীরে চলিল। তাহার নানা কথায়—নানা গল্পে হাসিতে হাসিতে গৃহে চলিল। যখন হৃদয় আনন্দে পূর্ণ থাকে তখন হাসির উৎস আপনি মুক্ত হয়।

অল্পকণ পরেই তাহার যে স্থানে পৌঁছিল সেই স্থানে রাস্তা ঘুরিয়া গ্রামে প্রবেশ করিয়াছে। সেই বাঁকের নিকট পশ্চিমার্শ্বে একটি ঝোপে গুচ্ছ গুচ্ছ নীল ফুল ফুটিয়া ছিল। চারুশীলা বলিল, “কি সুন্দর ফুল!” রাধাচরণ ফুল তুলিতে হাত বাড়াইল। সে জানিত না, গাছটি কণ্টকময়। তাহার করে করটি কণ্টক বিদ্ধ হইয়া গেল। সে একগুচ্ছ ফুল তুলিয়া পত্নীকে দিল। ফুলে রক্তচিহ্ন দেখিয়া চারুশীলা বলিল, “একি?” সে দেখিল, স্বামীর হাত হইতে রক্ত ঝরিতেছে। সে ফুল ফেলিয়া দিয়া বলিল, “আমার জ্ঞাত তোমার এই কষ্ট।” রাধাচরণ বলিল, “কষ্ট কি? এ সামান্য একটু ছড়িয়া গিয়াছে।” চারু সমস্ত স্বামীর হস্ত পরীক্ষা করিয়া দেখিল—কণ্টক বিদ্ধ হইয়া মাংসে গভীর ক্ষত হইয়াছে। সে রাধাচরণের ক্রমাগত লইল। গ্রামে প্রবেশ করিতেই একটি কূপ। একজন কৃষক সেই কূপ হইতে জল তুলিতেছিল। চারুশীলা তাহার নিকট জল চাহিয়া লইয়া ক্রমাগত ভিজাইয়া স্বামীর হস্তে জড়াইয়া দিল।

সে দিন রাধাচরণের আফিসে বাইতে বিলম্ব হইল। সে চিন্তিত হৃদয়ে আফিসে গেল—কারণ পূর্কদিন সে কাষ অসম্পূর্ণ রাখিয়া আসিয়াছিল; ভাবিয়াছিল, পরদিন বাইয়াই সে কাষ শেষ করিয়া রাখিবে। কিন্তু আজ সে করতলে বেদনাহতু কলম ধরিতে পারিতেছিল না।

আফিসে আসিয়াই রাধাচরণ শুনি, ‘সাহেব’ তাহাকে ডাকিয়াছেন। সে সজ্জিত চিত্তে ‘সাহেবের’ নিকট গেল। “সাহেব” সেলামবিমুখ বালাজী কেরাণীর উপর বড় প্রসন্ন ছিলেন না; তাহাকে দেখিয়াই বলিলেন, “তুমি অভ্যস্ত বিলম্বে আসিয়াছ।”

রাধাচরণ কোন উত্তর দিল না।

“তোমার আসিতে প্রায়ই বিলম্ব হয়।”

রাধাচরণ বলিল, “মধ্যে মধ্যে হয় ?”

“কাল যে কাষ দিয়াছিলাম, তাহা শেষ হইয়াছে ?”

যে অভাবের তাড়নায় লোক সময় সময় সত্য গোপন করিবার জন্য অসত্যের আশ্রয় লয়—রাধাচরণ সে অভাবপীড়িত নহে। সে অসত্যে অভ্যস্ত নহে। সে বলিল, “না।”

প্রশ্ন হইল, “কেন ?”

রাধাচরণ বলিল, “গৃহে কাষ ছিল—আমি চলিয়া গিয়াছিলাম।”

“তোমাকে লইয়া আমার চলিবে না। আজ মাসের ২৫শে—মাসের সঙ্গে সঙ্গে তোমার কার্য্যকাল শেষ হইবে জানিও।”

রাধাচরণের মাথায় আকাশ ভাজিয়া পড়িল। তাহার ইচ্ছা হইল ‘সাহেবের’ কৃপাভিক্ষা করে; কিন্তু সে তাহা পায়িল না। রাধাচরণ যখন গৃহে ফিরিল তখন চাকরীলা গৃহকর্ম্ম সারিফ—ভৃত্যের সাহায্যে প্রাঙ্গণে রোপিত ফুল গাছগুলির মূলে জল দিয়া বেশ পরিবর্তন করিয়া স্বামীর আগমন প্রতীক্ষা করিতেছিল। রাধাচরণ হস্তমুখ প্রক্ষালিত করিয়া বারান্দায় আসিয়া বসিল। চাকরীলা “জলধাবার” আনিয়া দিল। তাহার আহার শেষ হইলে চাকরীলা বলিল, “আজ কোন্ দিকে বেড়াইতে বাইবে ?” রাধাচরণ বলিল, “যে দিকে হয় চল।”—হৃৎসংবাদ দিয়া পত্নীর হৃদয়ে আনন্দালোক নির্বাপিত করিতে তাহার মন সরিল না! দুইজনে নদীকূলে বেড়াইতে গেল। কিন্তু রাধাচরণ কেমন অশ্রমস্ব। কিছুক্ষণ পরে যখন পল্লবরাগতাত্র তপন পশ্চিম গগনে মেঘমালায় রক্তাভা বিকীর্ণ করিয়া অন্তগমনোন্মুখ হইল, তখন তাহার। শ্রামায়মান বনপথে গৃহে ফিরিল।

রাত্রিতে ভ্রমণশ্রান্ত চাকরীলা শয়ন করিয়াই গাঢ় নিদ্রায় অভিভূত হইল। রাধাচরণের নয়নে নিদ্রা নাই। পত্নীকে স্থপ্ত বুঝিয়া সে ধীরে ধীরে কক্ষের বাহিরে বারান্দায় আসিয়া বসিল। বাতাস শীতস্পর্শ—সে দিকে তাহার লক্ষ্য ছিল না। তখনও চন্দ্রোদয় হয় নাই; কিন্তু দিগন্তের পুঞ্জীভূত মেঘমালায় প্রান্তে উদীয়মান চন্দ্রের রক্তত কিরণ ফুটিয়া উঠিতেছিল। ক্রমে আলোকবিকাশ হইতে লাগিল। দূরে বৃক্ষগুচ্ছ স্বচ্ছাঙ্ককারে গাঢ় অন্ধকারভূপবৎ প্রতীয়মান হইতে লাগিল;—ক্রমে তাহার। স্পষ্ট লক্ষিত হইতে লাগিল।

মেঘমালায় মধ্য দিয়া চন্দ্রের নিম্ন মূর্ত্তি গগনে উদ্ভিত হইল। রাধাচরণ

ভাবিতে লাগিল। তাহার জীবনে চাকরীলা ঐ চক্রেই মত উদ্ভিত হইয়াছে। মাসাধিক কাল সে তাহার স্নিগ্ধোজ্জ্বল প্রেমের কারণে অসীম তৃপ্তি ও আনন্দ লাভ করিয়াছে। আজ কোথা হইতে কাল মেঘ আসিয়া তাহাকে সে তৃপ্তি—সে আনন্দ হইতে বঞ্চিত করিতে উদ্ভত হইয়াছে? তাহার মনে হইল, তাহার জীবনে আনন্দ নির্দোষ ও তাহার হৃদয় হইতে সূখ নির্দোষ হইতেছে। তাহার হৃদয় বিবাদবেদনার যেন কাণায় কাণায় পূর্ণ হইয়া উঠিল। তাহার নয়নে অশ্রু ফুটিয়া উঠিল। সে তখন আর আত্মসম্মরণে অক্ষম হইয়া ক্ষত-পদে কক্ষে ফিরিয়া আসিল।

শয্যায় চাকরীলা নিদ্রিত। রাধাচরণ প্রবল আবেগে—উদ্ভাদের মত তাহাকে বন্ধে চাপিয়া ধরিয়া তাহার মুদিত নেত্রে, অধরে, গণ্ডে, কপালে চুম্বনদান করিল। চাকরীলার নিদ্রাভঙ্গ হইল। তাহার বোধ হইল, স্বামীর নয়ন হইতে অশ্রু ধরিয়া তাহার আননে পতিত হইল। সে জিজ্ঞাসা করিল, “তুমি কাঁদিতেছ?”

তখন রাধাচরণ তাহাকে সব কথা বলিল।

চাকরীলা উঠিয়া বসিল। অশ্রুর উচ্ছ্বাসে তাহার কণ্ঠরোধ হইতেছিল। কিন্তু রোগে—শোকে—বেদনায় রমণীর সাস্থ্যনাদায়িনী কণ্ঠ্যনী মূর্ত্তি আত্ম-প্রকাশ করে। সে আপনার বেদনা গোপন করিয়া স্বামীকে বলিল, “তুমি ভাবিতেছ কেন? আবার চাকরী পাইবে।”

এ আশার কথা এতক্ষণ রাধাচরণের মনে হয় নাই। সে যেন অকূলে কুল পাইল। সে শান্ত হইল।

তাহার পর চাকরীর চেষ্টা করিয়া পক্ষান্তে বিকলমনোরথ রাধাচরণ সজ্জাক কলিকাতায় ফিরিয়া আসিল। তাহার প্রত্যাবর্ত্তনে ভট্টাচার্য্য মহাশয় আনন্দিত হইলেন। তাহাকে দূরে বাইতে দেওয়া তাঁহার অভ্যর্থিত ছিল না। বিশেষ বিদেশে চাকরী করিতে যাইয়া তাঁহার একমাত্র ভ্রাতা কিরূপে ভগ্ন-স্বাস্থ্য হইয়া ফিরিয়াছিলেন তাহা শ্রবণ করিয়া রাধাচরণের লজ্জা সর্বদাই তাঁহার মনে আশঙ্কা হইত। তাই তাহার প্রত্যাবর্ত্তনে তিনি আনন্দিত হইলেন।

রাধাচরণ লজ্জায় গৃহে থাকিল না—কলিকাতায় আসিয়া চাকরীর চেষ্টা করিতে লাগিল।

ফরাসী বিপ্লবের ইতিহাস ।

ষষ্ঠ অধ্যায় ।

(ইতর সাধারণ কর্তৃক ব্যাস্টাইল

দুর্গ অধিকার—১৭৮৯খৃঃ জুলাই ।)

এদিকে সর্বজনপ্রিয় সচিবশ্রেষ্ঠ মহামুভব নেকার রাজ্যভাষ্য কর্ম হইতে অবসর প্রাপ্ত হইলেন । সমরনীতিপরায়ণ অদূরদর্শী ব্রিটিশ প্রধান মন্ত্রিষ্মে প্রতিষ্ঠিত হইয়া কুচক্রিগণ সমাভিব্যাহারে রাজনৈতিক গগন হইতে ধূমকেতুর ত্রায় ফরাসী জাতির প্রতি জ্রকুটি প্রদর্শন করিতে লাগিলেন । নেকারের পদচ্যুতির সঙ্গে সঙ্গে ফরাসী রাজ্যের শাসননীতি এককালে পরিবর্তিত হইয়া গেল । সমগ্র ফরাসী জাতির সহিত অচিরে শক্তি পরীক্ষায় প্রবৃত্ত হইতে হইবে মনে করিয়া বর্তমান মন্ত্রিগণ তদনুরূপ আয়োজনের অকূটান করিতে লাগিলেন । অস্বাভাবিক দলে দলে অহর্নিশ রাজবস্ত্রে ধাবিত হইতে লাগিল । কামান, সঙ্গীন, বন্দুক, গোলা, গুলি ও তরবারী অপৰ্য্যাপ্ত পরিমাণে সংগৃহীত হওয়ায় প্যারিস রণক্ষেত্রে সজ্জিত হইল ।

অকস্মাৎ এইরূপ বিরাট আয়োজন দেখিয়া প্যারিসবাসিগণের হৃদয়ে প্রথমতঃ আতঙ্ক ও ত্রাস উপস্থিত হইল । কিন্তু কিয়ৎকাল পরেই তাহারা ভীকৃত্য পরিহার পূর্বক প্রতিহিংসাবৃত্তিপরিচালিত হইয়া উত্তম ও উৎসাহ সহকারে কর্মক্ষেত্রে উপস্থিত হইবার আয়োজন করিল । অচিরে নগরের বাবতীয় নাট্যশালা অবরুদ্ধ হইয়া নৃত্যগীত প্রভৃতি সর্বপ্রকার আনন্দ উৎসব পরিত্যক্ত হইল । বিপ্লবনেতৃগণ সর্বসাধারণকে উত্তেজিত করিবার নিমিত্ত অশেষবিধ উপায় অবলম্বন করিতে লাগিলেন । ১২ই জুলাই তারিখে ইতর সাধারণ প্যাঁলে রয়াল ভবনে সম্মিলিত হইলে জনৈক নেতা সর্বসাধারণকে অস্ত্র ধারণের নিমিত্ত বলিলেন :—“প্যারিসবাসিগণ, কার্য্যক্ষেত্রে অবতীর্ণ হইবার সময় উপস্থিত । মাননীয় নেকারের পদচ্যুতিতে স্পষ্টই প্রতীয়মান হইতেছে যে, স্বদেশসেবকগণের সংহারসাধনের সময় উপস্থিত । জাতীয় সমিতির ধ্বংসাধনের নিমিত্ত সমিতিগৃহের নিম্নভাগে রাশীকৃত বারুদ সংস্থাপিত হইয়াছে । প্যারিস নগরের

প্রতি লক্ষ্য করিয়া শতাধিক কামান শ্রেণীবদ্ধ ভাবে রক্ষিত হইয়াছে। আবালবৃদ্ধবণিতা কাহারও নিস্তার নাই। অল্প সন্ধ্যাকালে চ্যাম্প ডিমার সৈন্তাগারস্থিত বিদেশীয় সৈন্তগণ আমাদিগের সকলকেই হত্যা করিবে। নিষ্কৃতিলাভের একমাত্র উপায় অস্ত্রধারণ”।

নেতৃবরের বক্তৃতা শ্রবণ করিয়া প্যারিসের ইতরসাধারণ উগ্রমূর্তি ধারণ পূর্বক অস্ত্রধারণ করিতে প্রতিশ্রুত হইল। সংখ্যাভীত ব্যক্তি পদচ্যুত মন্ত্রিবরের প্রতি ভক্তি ও কৃতজ্ঞতা প্রদর্শনের নিমিত্ত তাঁহার প্রতিমূর্তি লইয়া রাজবস্ত্রে ভ্রমণ করিতে লাগিল। শান্তি ও শৃঙ্খলা সংস্থাপনের নিমিত্ত একদল পদাতিক তাহাদিগকে আক্রমণ করিলে, তাহারা পদাতিকবৃন্দের প্রতি অক্লান্ত প্রস্তর বর্ষণ করিল। তখন পদাতিকগণ রণে ভঙ্গ দিয়া পলায়ন করিল। কিন্তু অনতিবিলম্বে একদল অস্বারোহী তথায় উপস্থিত হইল দেখিয়া, ইতর সাধারণ স্থান ত্যাগ করিয়া টুইলারি উদ্ভানে প্রবিষ্ট হইল। কিন্তু কিয়ৎকাল পরেই গার্ড ডি ড্রাফ নামক রাজসৈন্যদল প্রকাণ্ডভাবে রাজদ্রোহিণের সহিত যোগদান করিল। সুতরাং ফরাসীরাজার বিপত্তির পরিসীমা রহিল না।

পরদিবস (১৩ই জুলাই, ১৭৮৯খৃঃ) প্রত্যুষে সংখ্যাভীত ব্যক্তি যুদ্ধের, বল্লম, তরবারি প্রভৃতি নানা অস্ত্রসজ্জিত হইয়া সেণ্ট লাজার নামক ধর্ম্ম-শ্রম পরিবেষ্টন পূর্বক ঋতুসামগ্রী প্রাপ্তির নিমিত্ত উচ্চৈঃস্বরে চীৎকার করিতে লাগিল। অধিবাসিগণ যৎপরোনাস্তি ভীত ও ত্রস্ত হইয়া ভাণ্ডারস্থ বাবতীয় ঋতু তাহাদিগকে বিতরণ করিল; কিন্তু তাহাতেও পরিতৃপ্ত না হইয়া আগন্তুকগণ বলপূর্বক গৃহাভ্যন্তরে প্রবেশ করিয়া যথাসর্ব্ব্ব লুণ্ঠন করতঃ পরিশেষে ধর্ম্মশ্রমে অগ্নিপ্রদানের আয়োজন করিতে লাগিল। অকস্মাৎ তথায় একদল সৈন্য উপস্থিত হইলে তাহারা ধর্ম্মশ্রম ত্যাগ করিয়া গার্ড মিউবল্ নামক অস্ত্রাগারাভিমুখে ধাবমান হইল। বলপূর্ব্বক দ্বার ভঙ্গ করতঃ অস্ত্রাগারে প্রবিষ্ট হইয়া তাহারা রাশি রাশি বন্দুক, সজীন, তরবারি প্রভৃতি অস্ত্র লুণ্ঠন পূর্ব্বক তথা হইতে প্রস্থান করিল। অনন্তর তাহারা লাকোর নামক সূত্রগন্ধ কারাগৃহ আক্রমণ করিয়া কারাবাসিগণকে মুক্তিপ্রদান করিয়া ঘড়ীঘাটারের পরাকারী প্রদর্শন করিল। কারাবাসিগণ মুক্তি লাভ করিয়া মহানন্দে শান্তিভঙ্গকারিণের সহিত সম্মিলিত হইল।

চতুর্দশ শতাব্দীতে, প্যারিস ও ফবর্গ নগরীদ্বয়ের মধ্যবর্তী স্থানে উভয়

নগরীর বিদ্রোহদমনকল্পে যে দুর্জয় দুর্গ নির্মিত হইয়াছিল, উহা ব্যাসটাইল দুর্গ নামে অভিহিত। ব্যাসটাইল দুর্গ স্মৃগভীর সুপ্রশস্ত পরিধাবেষ্টিত ; তদুপরি কয়েকটি অস্থায়ী সেতু ; সেতুগুলি একরূপ ভাবে নির্মিত যে, প্রয়োজন হইলে যুদ্ধে পরিধা-সংলগ্ন অথবা স্থানান্তরিত হইতে পারিত। দুর্গের চতুর্দিকে কতিপয় উচ্চ গুহা গৃহ ; তদুপরি পঞ্চদশটি অতি বৃহৎ কামান সংস্থাপিত। দুর্গপ্রবেশের সর্বপ্রধান দ্বারের উপরিভাগে অজ্ঞাগার। দুর্গাভ্যন্তরে তিনটি প্রাঙ্গণ। বহির্দেশ হইতে দুর্গে প্রবেশ করিয়াই প্রথম প্রাঙ্গণ। প্রথম প্রাঙ্গণের বহির্দিক উচ্চ সুপ্রশস্ত দুর্ভেদ্য প্রাচীরে পরিবেষ্টিত। প্রথম প্রাঙ্গণে দুর্গ-রক্ষকের অশ্বশালা এবং সৈনিকবৃন্দের অবস্থিতির নিমিত্ত কয়েকটি সুদীর্ঘ বারাক। প্রথম প্রাঙ্গণের পার্শ্বেই দ্বিতীয় প্রাঙ্গণ। প্রথম ও দ্বিতীয় প্রাঙ্গণের মধ্যবর্তী স্থানে একটি শুষ্ক পরিধা, তদুপরি একটি অস্থায়ী সেতু। সেই সেতু সংরক্ষণের নিমিত্ত তৎসম্মুখি একটি প্রহরিশালা ; তৎপার্শ্বে দুর্গ-রক্ষকের ভবন। দ্বিতীয় প্রাঙ্গণ হইতে একটি সুবৃহৎ লৌহ নির্মিত দ্বার দিয়া তৃতীয় প্রাঙ্গণে প্রবেশ করিতে হয়। তৃতীয় প্রাঙ্গণ ১০০ ফিট দীর্ঘ এবং ৭০ ফিট প্রশস্ত ; ইহার চতুঃপার্শ্বে বেষ্টিত করিয়া রাজনৈতিক বন্দোবস্তের আবাস গৃহ। দুর্গের বহিঃ পরিধা সীম নদীর সহিত সম্মিলিত। স্মৃতরাং ব্যাসটাইল দুর্গ যে অতি দুর্গম ও দুর্ভেদ্য তাহাতে সন্দেহ নাই।

প্যারিস নগরে বিদ্রোহানল প্রজ্জ্বলিত হইতে দেখিয়া রাজমন্ত্রিগণ দুর্গ-রক্ষক ডেলানিকে দুর্গ সংরক্ষণের নিমিত্ত আদেশ প্রদান পূর্বক জনৈক দূত-দ্বারা একখানি লিপি প্রেরণ করিয়াছিলেন। কিন্তু দুর্ভাগ্যক্রমে লিপিখানি বিপ্লব প্রহরীগণের হস্তে পতিত হওয়ায় তাহারা তৎক্ষণাৎ উহা হোটেল ডি ডিলা ভবনে বিপ্লব সমিতি সমীপে প্রেরণ করিল। বিপ্লব সমিতি রাজা ও মন্ত্রিগণের অভিপ্রায় অবগত হইয়া অবিলম্বে ব্যাসটাইল দুর্গ আক্রমণের নিমিত্ত ১৩ই জুলাই তারিখে বহুসংখ্যক অস্ত্রধারী প্রেরণ করিলেন।

১৩ই জুলাই রাত্রিকালে আক্রমণকারিগণ দুর্গস্থ প্রহরীবৃন্দের প্রতি কয়েকবার মাত্র অগ্নিবর্ষণ করতঃ সন্নিহিত স্থানে যামিনী বাপন করিল ; কিন্তু দুর্গস্থ সৈন্তগণ তৎপ্রতি ক্রক্ষেপ করিল না। পরদিবস বেলা দশ ঘটিকার সময় আক্রমণকারিগণ প্রাধান দ্বারে সমবেত হইয়া উত্তম ও অধ্যবসায় সহকারে দুর্গ প্রবেশের নিমিত্ত প্রয়াস পাইতে লাগিল। তদৃষ্টে দুর্গ-রক্ষক আক্রমণকারিগণের প্রতি অগ্নিবর্ষণের আদেশ প্রদান করিলেন।

কিন্তু অগ্নিবর্ষণ আরম্ভ হইবামাত্র আক্রমণকারীরা স্থান ত্যাগ করিয়া কিয়দ্দূরে গমন করিল। তখন শুষ্ক গৃহের বৃহৎ কামানগুলি রিউ সেন্ট এন্টনি নামক স্থানের প্রতি লক্ষ্য করিয়া সংস্থাপিত হইল। কিন্তু সেরূপ ভাবে কামান সংস্থাপিত হইলে, প্যারিস নগরের ক্ষয় হইবার সম্ভাবনা মনে করিয়া বহু সংখ্যক ব্যক্তি উপস্থিত বিপদ নিরাকরণমানসে দুর্গসন্নিধানে সমাগত হইল। জাতীয় সমিতির দুইজন সভ্য দুর্গ-রক্ষকের সহিত সাক্ষাৎ করিয়া তাঁহাকে কামানগুলি অল্প ভাবে সংস্থাপিত করিতে অনুরোধ করিলেন। দুর্গ-রক্ষক এই প্রস্তাবে সন্মত হইয়া আক্রমণনিবারণকল্পে অল্প উপায় উদ্ভাবন করিতে লাগিলেন। কিন্তু প্রতি মুহূর্তে আক্রমণকারিগণের দলপুষ্টি হইতে দেখিয়া ডেলানির হৃৎকম্প উপস্থিত হইল। এদিকে আক্রমণকারিগণ সর্বপ্রধান দ্বার দিয়া দুর্গপ্রবেশের চেষ্টা করিতেছে দেখিয়া দুর্গ-রক্ষক সৈনিকগণ অত্ৰকোন দিকের প্রতি লক্ষ্য না করিয়া সেই দ্বার সংরক্ষণের প্রয়াস পাইতে লাগিল। শত্রুগণের দুর্গপ্রবেশ নিবারণের নিমিত্ত পরিখা-সেতু ইত্যাদি পূর্বে শৃঙ্খলসাহায্যে পরিখাচ্যুত করিয়া উপরিভাগে রক্ষিত হইয়াছিল। আক্রমণকারীদিগের দলে টুর্নি ও বনমারী নামক দুইজন বহুদর্শী সৈন্য ছিল। তাহারা দুর্গরক্ষক সৈন্যগণের অজ্ঞাতসারে কোণে দুর্গাভ্যন্তরে প্রবেশ পূর্বক পরিখা-সেতু পরিখাসংলগ্ন করিয়া দিল। তৎক্ষণাৎ আক্রমণকারিগণ সেই সেতুর উপর দিয়া দলে দলে দুর্গে প্রবিষ্ট হইয়া দুর্গ-রক্ষকের আবাসগৃহ ভূতনে প্রবৃত্ত হইল। তদুপস্থি দুর্গরক্ষক সৈন্যগণ আগন্তুকগণের প্রতি অনবরত অগ্নিবর্ষণ করিতে লাগিল। বহুসংখ্যক ব্যক্তি হত হইলে আক্রমণকারিগণ তথা হইতে প্রস্থান করিয়া সেতুসন্নিধানে সমবেত হইয়া ক্ষিপ্ৰহস্তে অগ্নিবৃষ্টি আরম্ভ করিল। কিয়ৎকাল পরে রাজদ্রোহী গার্ড ডি ফ্রাঙ্ক দলভুক্ত বহু সংখ্যক সৈন্য ইনভালিড অস্ত্রাগারলুপ্তিত কামান ও অস্ত্রাশ্রয় সমস্তিবিধাধারে আক্রমণকারিগণের সাহায্যার্থ উপস্থিত হইল। গার্ড ডি ফ্রাঙ্কের আগমনমাত্র আক্রমণকারিগণের সমগ্র যুদ্ধপ্রণালী পরিবর্তিত হইল। তৎক্ষণাৎ সন্নিহিত অট্টালিকাসমূহের উপরিভাগে এবং গদাঙ্ক-প্রদেশে বহুসংখ্যক বন্দুকধারী দণ্ডায়মান হইয়া দুর্গ-রক্ষক সৈন্যগণের প্রতি অল্প অগ্নিবর্ষণ আরম্ভ করিল। সঙ্গে সঙ্গে কামানের গোলাদ্বারা দুর্গের প্রাচীরসমূহ ভূমিসাৎ হইতে লাগিল। আক্রমণকারিগণ গার্ড ডি ফ্রাঙ্কের আগমনে উৎসাহিত হইয়া দুর্গাভ্যন্তরে প্রবেশ পূর্বক

হর্গ-রক্ষকের গৃহে অগ্নি প্রদান করিল। কামানের ভীষণ নিনাদে দিগ্-
দিগন্ত নিনাদিত এবং প্রজ্জ্বলিত হতাশনের প্রচণ্ড প্রতাপে হর্গের চতুর্দিক
ভস্মীভূত হইতে লাগিল। আক্রমণকারীরা হর্গ-রক্ষকের গৃহে, একটি
বালিকাকে দেখিয়া তাহাকে হর্গ-রক্ষকের কণ্ঠা মনে করিয়া অশেষ প্রকারে
নির্ব্যাভিত করিতে লাগিল। তাহারা বালিকাটির হস্ত ধারণ করিয়া
উচ্চৈঃস্বরে বলিয়া উঠিল, “হর্গ-রক্ষক এই মুহূর্তে হর্গ সমর্পণ না করিলে তাহার
কণ্ঠাকে অগ্নিকূণ্ডে নিক্ষেপ করিব।” বালিকা ভীত হইয়া উচ্চৈঃস্বরে
রোদন করিতে লাগিল কিন্তু পাপাশ্বগণের হৃদয়ে করুণার লেশমাত্র সঞ্চার
হইল না। তাহারা তাহাকে তৃণরাশির মধ্যে শয়ন করাইয়া তৃণে অগ্নি-
প্রদানের আয়োজন করিতে লাগিল। বালিকার পিতা মমস্বীন এই হৃদয়-
বিদায়ক দৃশ্য অবলোকন করতঃ উচ্চৈঃস্বরে চীৎকার করিতে করিতে কণ্ঠার
জীবন রক্ষার নিমিত্ত উর্দ্ধ্বাশ্রমে ধাবমান হইলেন। কিন্তু বন্ধুকের গুলির
আঘাতে তিনি অচিরে ভূতলশায়ী হইলেন। সুতরাং বালিকার জীবন
রক্ষার কোন সম্ভাবনা রহিল না। সৌভাগ্যক্রমে গার্ড ডি ক্রাঙ্ক দলস্থ
অনেক সৈনিক পুরুষ বালিকার জীবন রক্ষার নিমিত্ত সাত্তিশয় ব্যগ্র হইয়া
তথায় উপস্থিত হইয়া বলিলেন, “তোমরা কি করিতেছ? বালিকাটি হর্গ-
রক্ষকের কণ্ঠা নহে।” এই বলিয়া তিনি বালিকার হস্ত ধারণ পূর্বক
তাহাকে নিরাপদ স্থানে লইয়া গেলেন।

তিন ঘণ্টাকাল উত্তরপক্ষে ঘোর যুদ্ধ হইল, তথাপি ডেলানি হর্গ সমর্পণ
করিতে স্বীকৃত হইলেন না। চাম্প ডি মারস্ সেনাপতি তাঁহার সাহায্যার্থ
সৈন্ত প্রেরণ করিবেন এইরূপ আশা করিয়া তিনি অতুল বিক্রমে হর্গ রক্ষা
করিতে লাগিলেন। কিন্তু সেনাপতি সর্বপ্রধান সেনাপতির বিনামুমানিতে
সৈন্ত প্রেরণ করিতে অক্ষম। সর্বপ্রধান সেনাপতি হর্গসংরক্ষণবিষয়ে
উদাসীন। সুতরাং ডেলানির সকল চেষ্টাই বিফল হইল। এ দিকে হর্গ-
রক্ষক সৈন্তগণ আক্রমণকারীগণের সহিত গার্ড ডি ক্রাঙ্কের সম্মিলন দৃষ্টে
ডেলানিকে পুনঃ পুনঃ হর্গ সমর্পণ করিতে অহুরোধ করিতে লাগিল।
কিন্তু ডেলানি সে প্রস্তাবে স্বীকৃত হইলেন না। অবশেষে যখন তিনি
সেনাপতিপ্রবরের নিকট হইতে সাহায্যপ্রাপ্তিবিষয়ে নিরাশ হইলেন;
যখন দেখিলেন যে, মুষ্টিপরিমিত সৈন্তের সাহায্যে সংখ্যাভীত অস্ত্রধারীর
আক্রমণ নিবারণ অসম্ভব, তখন তিনি মনে করিলেন, শত্রুর হস্তে সমর্পণ

অপেক্ষা দুর্গের ধ্বংসসাধন সহস্রক্ষেপে প্রেরণ। এইরূপ চিন্তা করিয়া দুর্গ ও দুর্গবাসিগণের সহিত নিধন প্রাপ্ত হইবার নিমিত্ত তিনি দুর্গস্থ বারুদ-রাশিতে অগ্নি প্রদানকল্পে প্রজ্জ্বলিত দীপ-শলাকা হস্তে উন্নতের ত্রায় ধাবমান হইলেন। কিন্তু দুর্গস্থ সৈন্তগণ বলপূর্ব্বক তাঁহাকে নিরস্ত করিল। স্মৃতরাং অনন্তোপায় হইয়া তিনি আক্রমণকারিগণের হস্তে দুর্গসমর্পণ করিতে বাধ্য হইলেন।

এদিকে ভাসেলিস নগরে জাতীয় সমিতির অধিবেশন হইতেছে। সভাপণ ব্যাসটাইল দুর্গবিজয় অথবা প্যারিস নগরের ঘটনাবলী বিন্দুবিসর্গ অবগত নহেন। রাজা অজ্ঞধারণ করিয়াছেন, রাজধানীতে না জানি কি কি ভীষণ নাট্যের অভিনয় হইতেছে। তাঁহার মনোবাঞ্ছা পূর্ণ হইলে ফরাসী জাতির দুর্গতির পরিসীমা থাকিবে না, এই চিন্তায় সকলেই স্ত্রিয়মাণ। কামা-নের ভীষণ নিনাদ তাঁহাদের কর্ণকূহরে প্রবিষ্ট হইতেছে অথচ ব্যাপারটি কি তাহা কেহই উপলব্ধি করিতে পারিতেছেন না। তাঁহারা বিদেশীয় সৈন্ত-গণকে স্থানান্তরিত করিবার নিমিত্ত বারম্বার রাজাকে অহুরোধ করিতেছেন। কিন্তু ফরাসীরাজ নিরুত্তর।

ফরাসীরাজ সপরিবারে ভাসেলিস প্রাসাদে অবস্থিতি করিতেছেন। তিনি দলন-নীতি পরিচালিত হইয়া অজ্ঞধারণ করিয়াছেন; কিন্তু ইনড্যানিভ অস্ত্রাগার লুণ্ঠন অথবা ব্যাসটাইল দুর্গ বিজয় ইত্যাদি কোন ব্যাপারই অবগত নহেন। অনন্তর এক দিবস রাজি দ্বিপ্রহর কালে ডিউক্ ডি লিয়ান কোটের প্রমুখাৎ প্রাপ্ত হইয়া ঘটনাবলী শ্রবণ করতঃ তিনি বিতুষ্ট বদনে বলিলেন, “হাঁ। দেশে বিজ্রোহ উপস্থিত।” লিয়ান কোট বলিলেন, “বিজ্রোহ নহে। মহারাজ, বিপ্লব।” তখন ফরাসীরাজ অনন্তোপায় হইয়া পরদিবস ভ্রাতৃত্ব সমভিব্যাহারে জাতীয় সমিতিগৃহে উপস্থিত হইয়া সভ্যগণকে সম্বোধন করিয়া বলিলেন :—

“সভ্য মহোদয়গণ, একটি গুরুতর প্রসঙ্গে আপনাদিগের সহিত মন্বণা করিবার নিমিত্ত আমি এই স্থানে আসিয়াছি। রাজধানীর উচ্ছৃঙ্খলতার প্রতি আশু মনোযোগ দেওয়া কর্তব্য। বিষম বিভ্রাট দেখিয়া ফরাসী জাতির নেতৃস্বরূপ আমি শান্তি সংস্থাপনের উপায় উদ্ভাবনকল্পে বিখণ্ড জাতীয় প্রতিনিধিবর্গসন্নিধানে প্রহরিবিহীন হইয়া উপস্থিত হইয়াছি। ইতঃপূর্বে আমার অভিসন্ধিসম্বন্ধে অশেষবিধ অলৌক জনরব প্রচারিত হইয়াছে, তৎ সমস্তই আমি অবগত হইয়াছি। হৃষ্ট ব্যক্তিগণ এরূপ রটনা করিতেও ক্রটি

করে নাই যে, আমি আপনাদের দৈহিক স্বাধীনতার প্রতি হস্তার্পণের নিমিত্ত প্রয়াস পাইতেছি। কিন্তু আমার নিষ্পাপ চরিত্রই আমার নির্দোষিতার প্রমাণ। আমি যে, প্রহরবিহীন হইয়া আপনাদিগের নিকট আগমন করিয়াছি ইহাই আমার নির্দোষিতার প্রমাণ। আমি ফরাসী জাতির প্রতিনিধিবর্গসন্নিধানে প্রকাশ করিতেছি যে, অস্ত্র হইতে চিরদিনের নিমিত্ত আমি ফরাসী জাতির সহিত সন্মিলিত হইলাম। জাতীয় সমিতির উপর সম্পূর্ণ বিশ্বাস স্থাপন করিয়া আমি ভাসেলিস ও প্যারিস হইতে সৈন্তগণকে স্থানান্তরে প্রেরণের নিমিত্ত আদেশ প্রদান করিয়াছি। আমার বিশেষ অনুরোধ যে, আপনারা আমার অভিপ্রায় রাজধানীতে প্রচারিত করিবেন।”

রাজার বক্তৃতা শ্রবণে সভ্যগণ প্রীতিলাভ করিয়া ভীহার সহিত রাজ-ভবনে গমন করিলেন। এই শুভ সংবাদ প্যারিসে প্রচারিত হইলে, উন্নত ইত্তরসাধারণ প্রকৃতিস্থ হইল। ইহার অব্যবহিত পরে ফরাসীরাজ্যে সম্মতিক্রমে মহামান্ত্র বেলি প্যারিস নগরের অধ্যক্ষ পদে এবং ল্যাফাইটি জাতীয় সৈন্তগণের সেনাপতিপদে অভিষিক্ত হইলেন।

অনন্তর ১৭ই জুলাই তারিখে ফরাসীরাজ কতিপয় প্রহরী সমভিব্যাহারে প্যারিস অভিমুখে যাত্রা করিলেন। জাতীয় সমিতির বহুসংখ্যক সভ্য তৎসঙ্গে গমন করিলেন। রাজা প্যারিস নগরে উপস্থিত হইলে মাননীয় বেলি মিউনিসিপালিটির সভ্যগণসমভিব্যাহারে রাজাকে অভ্যর্থনা করিলেন। অনন্তর ফরাসীরাজ হোটেল ডি ভিলায় গমন করিয়া জাতীয় ত্রিবর্ণ-চিহ্ন বন্ধে ধারণ করিলেন। তদৃষ্টে সংখ্যাভীত ব্যক্তি জাতীয় ভাবে উন্নত হইয়া “ফরাসী জাতি দীর্ঘজীবী হউক” এই মহাবাক্য উচ্চারণ করিল। অন্তর কয়েক ঘণ্টা কাল রাজধানীতে অতিবাহিত করিয়া ফরাসীরাজ ভাসেলিস নগরে প্রত্যাগমন করিলেন। কয়েকদিন পরে জাতীয় সমিতির আদেশক্রমে ব্যাসটাইল দুর্গ ভূমিসাৎ করা হইল।

(ক্রমশঃ) ।

শ্রীশুরেন্দ্রনাথ বোষ ।

ভারতের প্রথম নীলকর।

—•—

নীল ভারতের, বিশেষতঃ বাঙ্গলার ইতিহাসে কিরূপ প্রভাব বিস্তার করিয়াছিল ইতিহাসজ্ঞ পাঠকমাত্রই তাহা সম্যক্ অবগত আছেন। সুতরাং সে বিষয়ে নূতন কিছু বলিবার নাই। তবে ভারতে সর্বপ্রথম যিনি নীল-বীজ বপন করিয়া অষ্টচন্দ্র ঘটাইয়াছিলেন এই প্রবন্ধে সেই প্রথম নীলকর লুই বোনাডের কথাই কিছু বলিব।

মুসো লুই বোনাড ফরাসী। তিনি অষ্টাদশ শতাব্দীর মধ্যভাগে ফ্রান্সের মাসেলিস্ নগরে জন্মগ্রহণ করেন। বোনাডের সংসারিক অবস্থা ভাল ছিল না। তাই তিনি প্রাপ্তবয়স্ক হইবার পূর্বেই নিজ জন্মভূমি পরিত্যাগ করিয়া ভাগ্য-পরীক্ষার্থ পশ্চিম ভারতীয় দ্বীপপুঞ্জে চলিয়া যান। তথায় বোনাডের সুবিধাই হইল। তিনি অল্পদিনের মধ্যে ব্যবসায়বাণিজ্যে প্রভূত অর্থোপার্জন করিয়া অবস্থার পরিবর্তন করিয়া ফেলিলেন। এই দ্বীপে থাকিতে থাকিতেই বোনাড সর্বপ্রথম নীল-প্রস্তুত-প্রণালী শিক্ষা করেন। কিছু দিন পরে তিনি এ স্থান ত্যাগ করিয়া বুরবনে বাইয়া বাসস্থাপন করিলেন; কিন্তু বুরবনে ভাগ্যলক্ষ্মী তাঁহার প্রতি প্রসন্ন হয়েন নাই। তথা হইতে তিনি তিন জাহাজ পণ্য ফ্রান্সে প্রেরণ করেন। কিন্তু দুর্ভাগ্যক্রমে বাণিজ্যসম্ভারপূর্ণ তিন-খানি জাহাজই পথিমধ্যে জলমগ্ন হওয়ায় তাঁহার বিস্তর লোকসান হইয়া যায়। তথাপি বোনাড ধ্বংসাবশিষ্ট মূলধন লইয়া ১৭৭৭ খৃষ্টাব্দে একেবারে ভারতে— কলিকাতায় আসিয়া উপস্থিত হইলেন। কিন্তু কলিকাতা তাঁহার ভাল লাগিল না। তথা হইতে তিনি ফরাসী অধিকৃত চন্দননগরে চলিয়া গেলেন। নূতন দেশে নূতন আসিয়া বোনাড নীলের ব্যবসায় করিতে মনস্থ করিলেন। এই অভিপ্রায়ে হুগলী জিলার তালডাঙ্গা নামক স্থানে একটি প্রকাণ্ড বাগান জমা লওয়া হইল; কিন্তু তথায় ব্যবসায়ের উপযুক্ত বিস্তৃত জমী না পাওয়ায় এবং বাগানটি নদী হইতে দূরে অবস্থিত বলিয়া সে স্থান পরিত্যাগ করিয়া তিনি চন্দননগরের দক্ষিণ ও তেলিনীপাড়ার নিকটবর্তী নদীতীরস্থ গোন্দল-পাড়ায় বিস্তৃত জমী জমা করিয়া লইয়া তথায় কুঠি স্থাপন করতঃ নীলের ব্যবসায়ে প্রবৃত্ত হইলেন।

এই সময়ে এডাম্‌স্‌প্রমুখ তিনজন অর্থশালী ইংরাজ ব্যবসায়ীর সহিত

বোনাডের পরিচয় হয়। ইঁহাদের সহিত মিলিত হইয়া তিনি মালদহে যানেন এবং তথায় নীলকুঠি স্থাপিত করেন। কুঠির জন্য ইষ্টক ও সুরকি তথায় সহজেই প্রাপ্ত হইত বটে, কিন্তু চূণ পাওয়া যাইত না বলিয়া বোনাডকে প্রথমে কিছু অশ্রুবিধায় পড়িতে হইল। কিন্তু উচোগী পুরুষ ইঁহারও এক উপায় উদ্ভাবন করিয়া ফেলিলেন। মুসলমান-প্রধান মালদহে কবরের অভাব ছিল না। বোনাড এই সমস্ত কবর খুঁড়িয়া নরকঙ্কাল বাহির করিয়া তাহাই পোড়াইয়া চূণের অভাব পূর্ণ করিলেন।

ইঁহার পর বোনাড বশোহরের প্রসিদ্ধ নহাট্টা ও নদীয়ার কালনা ও মীর্জাপুর নামক স্থানের কুঠিগুলির সন্ধাধিকারী হইলেন। ১৮১৯ খৃষ্টাব্দে ইনি মীর্জাপুর কুঠি পরিত্যাগ করিয়া যানেন। এই বৎসর মীর্জাপুর কণসার হইতে ১৪০০ শত মণ নীলের রপ্তানি হয়। এত অধিক পরিমাণ নীল এক বৎসরে এ কুঠি কেন বোধ হয় সমগ্র বাঙ্গলার কোমও কুঠি হইতে পাওয়া যায় নাই। ইঁহার দুই বৎসর পরে বোনাডের মৃত্যু হয়। বোনাডের বংশে কেহ আছেন কি না এবং থাকিলেও কোথায় কি অবস্থায় আছেন সে সম্বন্ধে ইতিহাস সম্পূর্ণ নীরব।

শ্রীঅশ্বিনীকুমার সেন।

চিররুদ্ধা ।

(ম্যাক্সমুলারের German Text হইতে)

তুমি যে আমারি ওগো, তোমারি আমি,
হৃদিমাঝে ভরা আছ দিবসযামী।
হৃদয়ে রুধিয়া তোমা হারানু চাবি,
রুদ্ধ রহিলে চির;—কি হবে ভাবি ?

শ্রীকালিদাস রায় ।

সমালোচনা ।

—০০০০০—

এষা ।*

—:~:—

টেনিসনের In Memoriam গ্রন্থের সমালোচনা করিতে যাইয়া সমালোচক ষ্টপ্‌ফোর্ড ব্রুক বলিয়াছেন, এই পুস্তকের রচনাকালে কবির আত্মবিক রচনাশক্তি অল্পলীনফলে পূর্ণতাপ্রাপ্ত হইয়া স্বীয় ক্ষমতার প্লুত হইয়া উঠিয়াছে। অক্ষয়কুমারের ‘এষা’ সম্বন্ধেও আমরা সেই কথা বলিতে পারি। অক্ষয়কুমার যখন যৌবনের ‘ভুল’ লইয়া ভারতীর কুঞ্জে দেখা দিয়াছিলেন তখনই বাঙ্গালী পাঠক তাঁহার কবিতায় মুগ্ধ হইয়াছিল। তাহার পর ‘প্রদীপ’ ও ‘কনকাজলি’তে সে ক্ষমতার ক্রমবিকাশ; আর ‘শব্দে’ তাহার পূর্ণ পরিণতি। ‘ভুলে’ বিদেশী কবিদ্বিগের প্রভাব স্পষ্ট; কিন্তু অক্ষয়কুমারের ক্ষমতার পরিচয়ও সপ্রকাশ। পরবর্তী গ্রন্থগুলিতে বাঙ্গালার ও বাঙ্গালীর কবির বিশেষত্বের ও নিজস্বেরই পরিচয়। ‘এষা’ শোক-গীতি। উভয় পুস্তকই শোককাতর হৃদয়ের শোকোচ্ছ্বাস—উভয় পুস্তকই বিচ্ছিন্ন কবিতার সমষ্টি।—In Memoriamএর সহিত ‘এষার’ সাদৃশ্য এই পর্য্যন্ত। টেনিসনের পুস্তকের সকল কবিতাই একরূপ ছন্দে রচিত, অক্ষয়কুমারে ‘এষার’ কবিতাগুলি নানা ছন্দে রচিত। টেনিসন বহুবিশোগবিধুর হইয়া কবিতা লিখিয়াছিলেন; অক্ষয়কুমারের বেদনা জীবনসর্ব্বত্র পত্রীর মৃত্যুশোক—

“সে নহে সাবিত্রী, সীতা, দময়ন্তী, সতী—

চিরোজ্জ্বল দেবীমূর্ত্তি কবিত্ব-মন্দিরে।

লয়ে ক্ষুদ্র স্নেহ দুখ সমতা তকতি,

ক্ষুদ্র এক বঙ্গনারী দরিদ্র-কুটীরে।”

মৃত্যুর নিষ্ঠুরতায় বিন্মিত ও শুভিত হইয়া টেনিসন সংশয়ের কঙ্কর-

* এষা, গীতি কাব্য—ঐঅক্ষয়কুমার বড়াল গীত। কলিকাতা ২০১, কর্ণওয়ালিস প্রিট হইতে ঐশ্বর্যদাস চট্টোপাধ্যায় কলিকাতা প্রকাশিত। মূল্য ১ টাকা।

কণ্টাক্ত পথে বাইরা—দার্শনিক নিরাশার মধ্য দিয়া ভক্তির গিরিশিখরে
বিশ্বাসের দিব্য জ্যোতিঃ দেখিয়াছিলেন—বুঝিয়াছিলেন, “বিশ্বাসে মিলয়ে
বস্তু তর্কে বহু দূর ।” অক্ষয়কুমার মৃত্যুর অন্ধকারে প্রেমের দ্বিব্যদীপ্তি প্রত্যক্ষ
করিয়াছেন ; বুঝিয়াছেন, প্রেমমৃত্যুজয়ী—“ইহকাল—পরকাল ।” টেনি-
সনের কবিতা পরাজয় ও মৃত্যুর মধ্য হইতে উখিত জয়ের ও জীবনের তূর্য্য-
নিমাদ । অক্ষয়কুমারের কবিতা মৃত্যুর মধ্য হইতে উখিত প্রেমের জয়গান ।
তবে উভয়েরই শোক শান্ত ভাবে আয়ত্নাক্রান্ত করিয়াছে । উভয়েরই শোক-
গীতি সাহিত্যে স্থায়ী স্থান লাভ করিবে । যদি সাহিত্যে অমরতা মৃতের
সাম্বনার বা স্মৃতির কারণ হয়, তবে টেনিসনের বক্তুর ও অক্ষয়কুমারের
পক্ষীর সে সাম্বনার ও সে স্মৃতির অভাব হইবে না ।

বসুধু পক্ষীর মৃত্যু-শব্দ্যায় ‘এবার’ আরম্ভ, আর মৃত্যুর পরপারে অমর
প্রেমের স্বরূপ বর্ণনায় ‘এবার’ শেষ । প্রথমার্শ পড়িতে পড়িতে অশ্রু সম্বরণ
করা যায় না ; শেষার্শের গভীর ভাব হৃদয়ে স্নিগ্ধ প্রশান্তি আনিয়া দেয় ।
প্রথম অংশের দারুণ শোক ও বেদনা দ্বিতীয় অংশে শান্তি ও সাম্বনা ।

• মরণাহতার শয্যাপার্শ্বে উপবিষ্ট স্বামীর নিকট “কর্ণস্থল হ’তে” পত্র
আসিল । যাত্নসহজ বুঝি মৃত্যুজয়ী । জননী জিজ্ঞাসা করিলেন—‘একি
প্রবাসী পুত্রের পত্র ?’—

“অকৃতরা কাতর নয়ন

এক-দৃষ্টে চায় ;

নাহি হাস, হৃদয়ে কল্মস,

উত্তর-আশায় ।

“হে দেবতা, লই তব দান,

এই মিথ্যা শেষ,—

‘ভাল আছে, করেছে প্রণাম

পড়িতেছে বেশ ।’

“বক হ’তে নেনে গেল তার—

গভীর নিবাস ;

রাস বুধে ফুটিল আবার ;

ধীর ছিন্ন হাস ।

“শান্ত—ভৃগু কৃতজ্ঞতা-নীরে

উজ্জ্বল নয়ন ;

শান্ত—ভৃগু, ধীরে পার্শ্ব কিরে’

করিল নয়ন—

কুরাগ জীবন ।

মৃত্যু ! সে কি এইরূপ ?

“এই কি মরণ ?

এত ক্রম—সহসা এমন ।

চিরতরে ছাড়াহাড়ি,

বেহে প্রাণে কাড়াকাড়ি,

নাই তার কোন আয়োজন ।

বলিবে না কোন কথা,

জানাবে না কোন ব্যথা,

কিরাবে না বারেক নয়ন ।

• মন কি গো কাঁদিছে না ?

প্রাণে কি গো বাধিছে না—

যেতেছ যে অগ্নের মতন ।”

কিন্তু যে কি ছিল স্থির করা যায় না—“প্রেমসী না কৃতদাসী ?

হুটি হাতে সেবা ভরা, বুকে ভরা প্রেমরাশি ” যে—

“একান্ত-আশ্রিত-প্রাণা—নাই নিজ সুখ দুখ,

সব আশা—সব সাধ আঘাতেই জাগরুক ”

তাহাতে ছাড়িয়া জীবন যাপন কি সম্ভব ?

“বেল আঁধি, সর্ব্বদা আমার ।

ম'রো না—ম'রো না, প্রিয়ে,

একমাত্র তোমা নিয়ে

আমার এ সাজান সংসার ।

চেঁটা করি, প্রাণেশ্বর,

নয়—তবে দয়া করি’

নিবাস কেল গো একবার ।

না পারো, আমার প্রাণ

আনি করিতেছি দান

বাস-খাসে অথরে তোমার ।”

দুখী আশা । —

“ধূ ধূ অলে চিতা, ওঠে শূন্যে ধূ-ভার ;

চেয়ে আছি—চেয়ে আছি—সুধু মোহ, কে কাহার ।

অক্রহীন দক্ষ আঁধি আসে যেন বাহিরিয়া

বুকে ঘুরে দীর্ঘবাস সমস্ত হৃদয় নিয়া ।

“চেয়ে আছি—চেয়ে আছি, হৃদয়ে পড়িছে ছেদ,—

পশ্চাতে আলোক-ছায়া স্বর্গে মর্ত্যে অবিভেদ !

সম্মুখে উঠিছে আগি’ কি কঠোর দীর্ঘ দিন !

অমিতেছি শোক-বৃদ্ধ দীন হীন উদাসীন ।

“চেয়ে আছি—চেয়ে আছি, নিষিতেছে চিতানল,

জলদ করুণ-প্রাণ ঢালিতেছে শান্তিঅল ।

বিধবা বিনয়-দৃষ্টি, সধবা প্রণাম করে ;

খসিয়া—খসিয়া বায়ু কাঁদিতেছে বনান্তরে ।

“বিদায়—বিদায় তবে ! দিবা হ’ল অবসান ;

জানি না বৃত্ত্যর পরে বিধাতার কি বিধান ।

বেধা থাক—সুখে থাক । রয়ে তপ্ত অক্রতার ;

অদূরে জাহ্নবী বহে, ধরা অতি অন্ধকার ।”

যে জীবনে সর্ব্বত্র ছিল তাহাকে হারাইয়া জীবনে কি আর আকর্ষণ থাকে ? তখন জীবন যাতনাতার ! ভাবনার হ্রস্বও ছিল ।—

“ডুবিয়া—ডুবিয়া জলে জালা না জুড়ায় । “নাহি আশা, নাহি তৃষা, জীবন যন্ত্রণা,
 নহে দূর—নহে দূর মরিয়া জুড়াতে চাই,
 ওই মরণের পুর । মরিতে সাহস নাই ।
 আর এক পদক্ষেপে সকলি ফুরায় ।” শিথিল শরীর মন, বিচ্ছিন্ন ভাবনা ।”

শোক বিশ্বাসের বন্ধন বিচ্ছিন্ন করিয়াছে । দেবতায় আর বিশ্বাস নাই, প্রকৃতির নিয়ম—“এ নহে দেবের দয়া—দৈত্যের পীড়ন ।” জড় প্রকৃতি নিরানন্দ । পূর্বে—

“হেরি নরে—মম হ’ত ঋষি ভ্রম ; “আজ প্রেম-হারি এয়া সব কারা ?
 নারী ছিল দেবীসমা ; অর্থ-ভরা নারী নয় ।
 মন্ডার-কলিকা বাগল বালিকা ; অগ্ন নরক, হৃদিক, মড়ক ;
 বিধাতা সাক্ষাৎ কমা ! মৃত্যু এক সর্ব্বেশ্বর ।”

কিন্তু এ ভাব স্থায়ী হইতে পারে না; স্থায়ী হইলে অশান বৈরাগ্য দূর হইত না—সংসার অশান হইত । তাই শোকাগ্নে হৃদয়ে “শান্তিজন” আপনি বর্ষিত হয়; মনে হয়, ভ্রম আমাদেরই—“প্রকৃতির নাহি ব্যাভিচার ।”

“বীজে তরু ফুলে ফল, ফলে পুনঃ বীজদল ;
 করে বৃষ্টি, উঠে বাষ্প ধীরে ।”

মৃত্যু কি নিরর্থক নিষ্ঠুরতা মাত্র ?

“কতু দেবি,—মৃত্যু তুচ্ছ নয় ।
 ক্ষুদ্র শুভি, ক্ষুদ্র কীট— ধরিজীর পাদপীঠ ;
 শব্দকে প্রবালে দীপোদয় ।
 কি গৃহ উদ্দেশ্য তরে মরিতেহে তরে তরে—
 দিয়া আশ্র, করি বিশ্বজন ?”

তবে প্রকৃতি কোন মঙ্গলময়ের মঙ্গল নিয়মে নিয়ন্ত্রিত—বিধাতার বিধান মঙ্গলময় ।

মনে যখন এই ভাব আইসে তখন শোকে সাস্থ্যনা আইসে । মনে হয়—

“সত্যী,

স্বপ্নে ভাবি না আর ভয়ঙ্কর অতি !

তুমি যাহে দেহ পদ—

সে যে ফুল কোকনদ।

সে নহে ঝাশান-চুল্লী—ভীষণ সুরতি।

মৃত্যু যদি নাহি হয়

প্রেম হ’তে মধুময়,

দিবেন কন্টারে মৃত্যু কেন বিষপতি ?”

“হে স্বপ্ন ধন্ত তুমি না বুঝে তোমার

ব্রথা নিন্দা করে লোকে ;

জগতে তুমি ত শোকে

অমর করিছ প্রেমে দেব-মহিমায় !”

তখন জাগ্রত স্বপ্নে মনে হয়, মৃত্যু বৈকুণ্ঠে অধিষ্ঠিতা—স্বপ্ন প্রেম অমরতা লাভ করিয়াছে। সংশয়ের স্থানে বিশ্বাস—নিরাশার স্থানে ভক্তি অধিষ্ঠিত হইল—

“ভক্তিগে গড়নি প্রেম, ওহে প্রেমস্বর !

স্বপ্নে নাহিত ভিন্ন,

প্রেম-সুত্র নগে ছিন্ন—

স্বর্গে মর্ত্যে বৈধে দেখ সম্বন্ধ অক্ষয়।

শোকে ধুধু জ্বলি-মরু,

আছে তার কলতরু।

নেত্র-নীরে ইন্দ্রধনু হইবে উদয় !”

“দাও প্রেম—আরো প্রেম, চির-প্রেমস্বর !

আরো জ্ঞান, আরো ভক্তি,

আরো আত্মজয়-শক্তি—

তোমার ইচ্ছায় কর যোর ইচ্ছা লয়।

জীবন—স্বপ্ন-পানে

বহে যাক্ সুরে গানে

হোক প্রেমামৃত-পানে অমর হৃদয় !”

মৃত মানব শোকের আবেগে সংশয়সঙ্কুলিত চিন্তে অবিশ্বাসকে আশ্রয় দিয়াছি—“কম এ ক্রন্দন-গীতি—শোক অবসাদ।”

আমরা ‘এবার’ পরিচয় দিলাম। ইহা বঙ্গ সাহিত্যের অলঙ্কার।

‘এবার’ শোককাব্য। কিন্তু হইতে প্রকৃতির সহিত প্রেমিকারের যে পরিচয়ের প্রমাণ আছে—স্বভাবের চিত্র ভাবার প্রকাশ করিবার যে ক্ষমতা দেখা যায় তাহার উল্লেখ না করিয়া এ সমালোচনা শেষ করিতে পারি না। কবি প্রকৃতিকে সন্ধান করিয়া বলিতেছেন—

“প্রকৃতি—জননী—জননী ।

করিয়া তোমার স্তন-সুধাপান

পর্য্যাপ্তে আগিহে নূতন পরাণ !

নূতন শোণিত, নূতন নয়ান,

নূতন মধুর ধরণী !”

পুস্তকে দুইটি প্রাকৃতিক দৃশ্যের বর্ণনা উদ্ধৃত করিলাম—

“রবি নিরুদ্ধল

আকাশের এক প্রান্তে করে টল টল ।

সমস্ত আকাশ ভরি’

ছিন্ন ভিন্ন মেঘ পড়ি’—

নিশীথে চবেছে শূন্ত বেন দৈত্যদল !”

হৃদ্বিনের বর্ণনা—

“বরে বৃষ্টি শুঁড়ি শুঁড়ি, কভু বা কবরে ;

ছিন্ন ভিন্ন লব্ধ মেঘ ভাসিছে আকাশে ।

এখনো সুবৃণ্ড গ্রাব—তরুছায়ান্তরে,

ভক্ত মাঠে প্রান্তপদে শূন্ত দিন আসে ।

“অদূরে নগর বট, দূরে ত্রস্ত শিবা,

বসিছে হরিত্র পত্র সিক্ত বৃত্তিকায় ;

এলায়ে পড়েছে লতা, সঙ্কুচিয়া গ্রীবা

ভিজিছে বারস ছুটি বসিয়া শাখায় ।

“জনহীন গ্রাম্যপথ কর্দ্দমে পিচ্ছিল ;

পলিত বজন-গন্ধে বায়ু শুভপ্রোত ।

অস্বস্তিত ধাত্তকৈত্রে ‘কাণে কাণে’ মল,

কোথা বা বুঝ্ দ উঠে, কোথা বহে শ্রোত ।

“কীণা সরস্বতী আজ দুই কূল ভরি’

পড়ে’ আছে পতিহীনা হরিত-বরণা ;

ভাসিছে শৈবাল-দাম, ক্ষুদ্র তালতরী ;

বংশসেতু পরে ক্রৌঞ্চী মুদ্রিত-নয়না ।

“তীর-বেগুনে উঠে তেজ-কণ্ঠস্বর ;

ডাকিলে চাতক দূরে আসার-পিপাসী ;

সজল শ্রামল তৃণ, শ্রামল প্রান্তর ;

বৃত্তিপাশে শেফালিকা, মূলে পুষ্পরাশি ।

কচিং তড়িৎ-মুখে ম্লান হাসি লুটে ;

কচিং বলাক। বায়ু নভঃতলে ভাসি ;

কচিং প্রভাত-আলো মেঘ ভেদি’ ফুটে ;

কচিং সমীর ছুটে পড়ীর নিখাসি ।”

প্রকৃতির এইরূপ যথাযথ বর্ণনা পুস্তকে অনেক আছে । কবি নিপুণতা-সহকারে চিত্র অঙ্কিত করিয়াছেন ; চিত্র দেখিলে বাস্তব বলিয়া ভ্রম হয় ।

‘এবা’ কবি অক্ষরকুমারের যশোমুকুটে সমুজ্জল রত্নদীপ্তিবিকাশ করিয়াছে ।

মাথার খুলি।

সুবোধচন্দ্র মেডিক্যাল কলেজের প্রথম বার্ষিক শ্রেণীর ছাত্র। মাতুল হরিমোহন ঐ কলেজের পঞ্চম বার্ষিক শ্রেণীর ছাত্র। উভয়ে কলেজের ছাত্রাবাসের নিয়ন্তলে একটি প্রকোষ্ঠে অবস্থিতি করেন।

গৃহের দুই পার্শ্বে দুইখানি কেওড়া কাঠের তক্তাপোষ, তদুপরি শয্যা আন্তরণ। উভয়ের শিয়রে একখানি করিয়া ক্যাম্প টেবল; তদুপরি বহি, খাতা, কাগজ, কলম, ছুরী, কাঁচি, পেন্সিল এবং মস্তাধার। পার্শ্বে দেওয়ালের গায়ে ছোট শেল্ফ, তাহাতে বিবিধ পাঠ্য পুস্তক সজ্জিত। পশ্চাতে একটি করিয়া ষ্টীল ট্রাঙ্ক এবং তাহার পার্শ্বে দেওয়ালের গায়ে ছোট আলনার নিত্যব্যবহার্য বস্ত্রাদি লম্বান। গৃহের মধ্যস্থলে একটি কেরসিনের স্ক্রলান ল্যাম্প দোহুল্যমান।

সুবোধচন্দ্রের তক্তাপোষের নিম্নে তাহার পাছকা এবং তৎপার্শ্বে এক বাস্ক মাতুষের হাড়। হরিমোহনের শয্যানিম্নে দুই ডিনটি কাঠের এবং কাগজের বাস্কে নানাবিধ ঔষধ, এসিড এবং রাসায়নিক পরীক্ষোপযোগী বস্তুাদি।

সুবোধচন্দ্র কৃশাঙ্গ এবং তাহার বর্ণ ফ্যাকাশে; দেখিলে বোধ হয় “ডিস্‌পেপটিক” অর্থাৎ অন্নরোগী। তাহার পরিপাকশক্তি কিছু অল্প এবং রাত্রিতে স্নিজ্ঞা হয় না। হরিমোহনের দেহ স্থূল, বর্ণ শ্রাম; আহারে যেমন রুচি, নিদ্রায় তেমনই পটুতা। উভয়ের আকৃতি প্রকৃতিতে বিবষ বৈষম্য।

সুবোধচন্দ্রের বরাবর রাত্রি জাগিয়া পড়া অভ্যাস। হরিমোহন অধিক রাত্রি অধ্যয়নের বিপক্ষবাদী।

সুবোধচন্দ্রের বাৎসরিক পরীক্ষা সন্নিবর্ত, সেই জন্ত সে প্রতিদিন রাত্রি বারোটা একটা পর্যন্ত অধ্যয়ন করিত। হরিমোহন দশটা বাজিলে শয়ন করিত এবং প্রত্যুষে প্রাত্যোথান করিয়া পাঠাভ্যাস করিত।

একদিন রাত্রিতে সুবোধচন্দ্র “এনাটমি” (দেহবিজ্ঞান) পড়িতেছিল। হাড়ের বাস্ক হইতে মাতুষের মাথাটি বাহির করিয়া তাহার গঠনপ্রণালী, অন্ধিকোটর এবং মস্তিষ্কাধার উভয়রূপে আয়ত্ত করিতেছিল।

রাত্রি একটা বাজিয়া গিয়াছে; জানি না কি কারণে সুবোধচন্দ্রের চিত্ত

বিকিণ্ড হইয়া পড়িয়াছিল। সুবোধচন্দ্রের মনে হইল,—কাহার এ মাথার খুলি; জীলোকের, কি পুরুষের? তাহার অদৃষ্টের গতি কি আমাদের অদৃষ্টের গতির মতই ছিল?

সুবোধচন্দ্র আর পাঠে মনঃসংযোগ করিতে পারিল না; সেই কোন বহু দিন মৃত অজ্ঞাত ব্যক্তির মস্তকের হাড় নাড়িয়া চাড়িয়া সে কত কি চিন্তা করিতে লাগিল। তাহার পর তাহার অবসর অল ও ক্লাস্ত মস্তিষ্কে বিশ্রাম দিবার জন্য মনুষ্য-মস্তকটি শয়ানিয়নে রাখিয়া সে শয়ন করিল।

সে বহুক্ষণ শয়ন করিয়া রহিল; কিন্তু তাহার নিদ্রাকর্ষণ হইল না। যখন একটু তন্দ্রাবেশ হইল তখন শয়ানিয়নে ষ্টু ষ্টু করিয়া শব্দ হইতে লাগিল। সুবোধচন্দ্রের মনে হইল, সেই মনুষ্যমস্তকটি নড়িতেছে। একে সে তন্দ্রালু ও ক্লাস্তদেহ; তাহার উপর কেমন এক অননুভূতপূর্ব বিষয়, অথবা ভয়, তাহাকে আচ্ছন্ন করিয়া ফেলিল। অবসাদ এবং জড়তা এত অধিক বৃদ্ধি পাইল যে, সুবোধচন্দ্র সম্বোধনাতীত স্বচ্ছাবিবর্জিত ব্যক্তির দ্বারা শয়ন করিয়া রহিল।

ক্রমে শব্দ যেন ধীরে ধীরে শয়ানিয়ন হইতে বহির্গত হইয়া মাতুলের শয্যাভিমুখে অগ্রসর হইতে লাগিল। বিষয় ভয়ে পরিণত হইল।

সুবোধচন্দ্রের মনে হইল, সেই নরকপাল ধীরে ধীরে শৃংখে উঠিল; এবং কণকালমধ্যে পূর্ণাবয়ব নরককালে পরিণত হইল। সুবোধচন্দ্র ললাটে স্বেদসঞ্চার হইতে লাগিল। তাহার মনে হইল, যেন সে কোন এক ভৌতিক রাস্তা উপস্থিত হইয়াছে।

নরককাল ক্রমে তাহার মস্তক-সন্নিধানে উপস্থিত হইয়া যেন হস্তোত্তলন পূর্বক তাহার ললাট স্পর্শ করিতে উদ্ভূত হইল। সুবোধচন্দ্র চীৎকার করিবার চেষ্টা করিল, কিন্তু কে যেন তাহার কণ্ঠরোধ করিয়া দিল।

তখন শয্যা প্রদক্ষিণ করিয়া, সেই নরককাল তাহার পাদদেশে আসিয়া দণ্ডায়মান হইল এবং বলিল—“যুবক আমাকে দেখিয়া ভয় পাইতেছ? কিন্তু চাহিয়া দেখ আমি আর এখন নরককাল মাত্র নাই।”

সুবোধচন্দ্রের মনে হইল, সে যেন চক্ষু মেলিয়া দেখিল, তাহার শয্যাশেবে এক অপূর্ব নারীমূর্তি!

তাহার মুখ সুন্দর; তাহার চক্ষু আরত। মুখাবয়বের তুলনায়

তাহার নাসিকা কিঞ্চিৎ দীর্ঘ; কিন্তু তাহাতে কিছুমাত্র সৌন্দর্য্যহানি হয় নাই। রমণীর বর্ণ গৌর। তাহার অবণী-সংবদ্ধ কেশ নিতম্ব স্পর্শ করিয়াছে। পরিধানে শুভ্র শাটী, তন্নিম্নে মেরুণা রঙ্গের জামা। প্রশান্ত চক্ষুদ্বয়—তাহার ক্ষীণ মুহু দৃষ্টি স্রবোধচন্দ্রের ভীতিবিহ্বল মুখপ্রতি তন্ত। তাহার সৌন্দর্য্য ঘোবনে পরিপূর্ণতা পাইয়াছে; কিন্তু তাহাতে তরঙ্গ নাই। তাহা শান্ত, ধীর, স্থির। ভয়ে—বিস্ময়ে স্রবোধচন্দ্র এক স্বপ্ন-রাজ্যের অলৌকিক প্রভাবে হতশক্তি; দেহ আছে, কিন্তু তাহার কোন সামর্থ্য নাই; সংজ্ঞা আছে, কিন্তু বুদ্ধি পরিচালনা করিবার ক্ষমতা নাই।

নারীমূর্ত্তি বলিল,—“যুবক, এই আমি। এক দিন ঠিক এমনই ছিলাম। তোমাদের মত সংসারের স্রুত দুঃখ, জালা যন্ত্রণা, অভাব অভিযোগ আমাকে বিচলিত করিত। কখন মনে হইত সংসার স্বর্গ; কখন মনে হইত সংসার নরক।”

ঋণকাল নিমন্তর থাকিয়া নারীমূর্ত্তি পুনরায় বলিতে লাগিল,—“আজ আমার মাথার হাড় লইয়া তুমি বিজ্ঞা শিক্ষা করিতেছ; তোমার পূর্বে আরও কত যুবক ক্রীড়নকল্পে আমার মন্তকাঙ্কি ব্যবহার করিয়া বিজ্ঞাধ্যয়ন করিয়াছে। যতবার আমার অস্থি মল্লস্তের হস্ত স্পর্শ করে ততবার আমি সজীব হইয়া উঠি,—প্রতি অস্থিধণ্ডের মধ্যে আমার বিলুপ্ত প্রাণ জাগিয়া উঠে, স্রুপ্ত ইন্দ্রিয় সতেজ হইয়া উঠে। পৃথিবীর স্রুপ্ত—মল্লস্তের সঙ্গলাভ করিবার বাসনা বলবতী হইয়া উঠে।”

মনে হইল যেন নারীমূর্ত্তি গভীর দীর্ঘনিশ্বাস ত্যাগ করিল। স্রবোধ-চন্দ্রের হৃদয়ে সহানুভূতির বেদনা বাজিয়া উঠিল।

নারীমূর্ত্তি বলিতে লাগিল,—“মরিয়াছি—সে কত দিন, কত বৎসর পূর্বে! কিন্তু এখনও সংসারের লালসা ত্যাগ করিতে পারি নাই; ভোগেচ্ছা এখন সম্পূর্ণ বলবতী। বাসনা বিসর্জন করিতে পারি নাই, তাই এখন,—এত দিন প্রেতলোকে বিচরণ করিতেছি।

“কতবার চেষ্টা করিয়াছি, বিজ্ঞার্চিগণকে আমার পরিচয় দিব; কিন্তু চেষ্টা বিফল হইয়াছে; বিফল চেষ্টার নৈরাশ্রে হৃদয় ক্ষত বিক্ষত হইয়াছে। জানি না কেমন তাহাদের ধাতু প্রকৃতি; তোমাকে যেমন আমার ইচ্ছা-শক্তিদ্বারা আয়ত্ত করিয়াছি তাহাদের কাহাকেও তেমন বশীভূত করিতে পারি নাই। মনে হয়, কাহাকেও আমার জীবন-কথা শুনাইতে পারিলে

আমার অন্তর্জালার নিবৃত্তি হয়। শুনিবে আমার কাহিনী! ভয় পাইও না, আমি তোমার কোন অনিষ্ট করিব না।

“চাহিয়া দেখ,—এই আমি দাঁড়াইয়া আছি; আমার কি কিছু রূপ ছিল বলিয়া মনে হয়? রূপ—রূপ—রূপ—; যে রূপের জন্ত প্রীতি নারী লালারিত, সে রূপ তাহার সর্বনাশের মূল,—পাপের কারণ। হায়! কয়জন অভাগিনী তাহা ভাবিয়া দেখে!

“আমার রূপ ছিল না? ছিল!—বল, বল, আবার বল, আমার রূপ ছিল। ছিল; ষষ্ঠার্থই ছিল। তুমি যে রূপ ভালবাস তাহা না থাকিতে পারে, কিন্তু তথাপি আমার রূপ ছিল। সে রূপে কতজনের মস্তিষ্ক বিচলিত হইয়াছিল—হৃদয় বিদীর্ণ হইয়াছিল;—আমার রূপে তাহারা আত্মহারা হইয়াছিল। অন্ততঃ একজন একদিন এই রূপের মোহে পাগল হইয়াছিল! সন্নতান—বিশ্বাসঘাতক—”

যে রূপ ভীত, ভীক, কর্কশ কণ্ঠে সেই নারীমূর্ত্তি—“সন্নতান—বিশ্বাস-ঘাতক,” উচ্চারণ করিল তাহাতে ভীতিবিহ্বল স্রবোধচক্রে সংজ্ঞা লুপ্ত হইয়া আসিবার উপক্রম হইল; তাহার নিষ্পন্দ হৃদয় নিশ্চল, স্থির হইবার মত বোধ হইল। তাহার মনে হইল, তাহার শ্বাসপ্রশ্বাস রুদ্ধ হইয়া আসিতেছে। স্রবোধচক্রে দেখিল, সেই রমণীয় রমণী-মূর্ত্তির শান্ত, স্নিগ্ধ, চক্কু পিশাচীর জীবাংসা-জ্বালায় প্রজ্জ্বলিত।

“সন্নতান—বিশ্বাসঘাতক, আমার সর্বনাশ করিয়া নিজে সুখী হইয়াছিল। কিন্তু পৃথিবীর সুখ কয় দিনের জন্ত? পাপের ফল যে পৃথিবীর পরপার পর্যন্ত আইসে ছবমন তখন তাহা বুঝিতে পারে নাই; এখন আমার মত এই প্রেতলোকে আসিয়া তাহা হাড়ে হাড়ে বুঝিতেছে। কাকের—ছবমন, দূর হ’, আমার অঙ্গ স্পর্শ করিস্ না।” বন্ধিম গ্রীবা বক্র করিয়া নারীমূর্ত্তি ঘেন কাহাকে লক্ষ্য করিয়া এই কথা বলিল। স্রবোধচক্রে মনে হইল যেন নারীমূর্ত্তির পশ্চাৎ হইতে একটি পুংপ্রেত-মূর্ত্তি অপমৃত হইয়া গেল।

নারীমূর্ত্তি পুনরায় বলিতে লাগিল,—“কাকেরের প্রেলোভনে আমি আত্মহারা হইয়াছিলাম; তাহার সুন্দর মুখ দেখিয়া, তাহার মিথ্যা প্রবঞ্চনার আত্মবিসর্জন করিয়াছিলাম; তাহার কপটতার প্রলুব্ধ হইয়া কায়মনোবাক্যে জীবন—যৌবন তাহার ভোগবাসনার জন্ত উৎসর্গ করিয়া-

ছিলাম; ভাবিয়াছিলাম, জীবন-নদীতে যৌবন-নৌকা আনন্দে নৃত্য করিতে করিতে ভাসিয়া বেড়াইবে। কে জানিত, বিনা মেঘে বজ্রাঘাত হইবে—উচ্ছৃঙ্খল যৌবনের দীপ্ত মধ্যাহ্নে ভরা ডুবি হইবে?”

নারীমূর্তি কিছুক্ষণ নীরব হইয়া রহিল; তাহার হিংসাপ্রদীপ্ত কঠোর মুখভঙ্গী ক্রমে কোমল হইয়া আসিল; চক্ষুর প্রান্তে অশ্রু দেখা দিল। তাহার পর সে অকস্মাৎ উত্তেজিত কণ্ঠে বলিতে লাগিল—“যুবক, আমি তোমার মত হিন্দু নহি—মুসলমান। সত্যার্থে আমার জন্ম হইয়াছিল; কাকেরের প্রেমে পড়িয়া আমি ধর্ম বিসর্জন দিয়াছিলাম,—হিন্দুর বেশভূষা, আচারব্যবহার অবলম্বন করিয়াছিলাম। তাই আমার এই কঠোর শাস্তি; মরিয়াও আমার সুখ নাই, কারণ আমি মুসলমানের মত মরিতে পারি নাই, মুসলমানের চিরচরিত কবর আমার ভাগ্যে জুটিয়া উঠে নাই। আমি বাদশাহজাদি—বাদশাহের ঘরে আমার জন্ম হইয়াছিল। বিশ্বাস করিতেছ না? তবে চাহিয়া দেখ;—দেখ,—দেখ, কি সুখ এবং ঐশ্বর্যের মধ্যে আমার জন্ম হইয়াছিল।—”

সুবোধচন্দ্র দেখিতে পাইল,—সুবহৎ সৌধাবলী সমস্ত প্রহরী পরিবেষ্টিত। চারিদিকে চারিটি মহল, তন্মধ্যে অন্তঃপুর। অন্তঃপুরে জ্যোতিষপ্রহরী। বিবিধ বিচিত্র কারুকার্যখচিত, সুসজ্জিত সুরমা হর্ম্যমালা। সম্মুখ মহলে বিস্তৃত প্রাঙ্গণে সুবহৎ মণ্ডপ। মণ্ডপে নবাবের দরবার বসিয়াছে; রাজা প্রজা এবং উজীর পরিবেষ্টিত হইয়া নবাব রাজকার্য পরিচালনা করিতেছেন। দক্ষিণ পার্শ্বের মহলে রাজকর্মচারী এবং কারুকুনরা কর্ম করিতেছে, বামদিকের অট্টালিকা কর্মচারী এবং অভ্যাগত-জনের বাসস্থান। পশ্চাত্তাগের দৃঢ়ভিত্তি লৌহপ্রাচীরবেষ্টিত; প্রকোষ্ঠাবলীতে সেনানিবাস এবং কারাগার।

সর্কাপেক্ষা সুচারু অন্তঃপুর—বেগম মহল; গৃহে গৃহে অসুখ্যাম্পত্তা পারিজাতপুষ্পদ্বন্দ্ব নয়নাভিরাম রমণীমূর্তি; গৃহ কলকণ্ঠের মুহূর্তে এবং মধুর হাস্যপরিহাসে মুখরিত।

সুবোধচন্দ্র শুনিতে পাইল—“ঐ আমার পূর্বপুরুষের কীর্তিকলাপ-পরিপূর্ণ—সুখস্বত্ববিজড়িত বাসভবন। আমিও ঐ গৃহে জন্মিয়াছিলাম; কিন্তু তখন উহার একমাত্র শ্রী ছিল না। তখন ইংরাজ রাজত্বের পূর্ব বিকাশ হইয়াছে। কালের কুটিল প্রবাহে ঐ সৌধাবলী, স্থানে স্থানে

ভগ্ন, চূর্ণ-বিচূর্ণ হইয়াছিল। নবাবী ‘চাল’ বজায় ছিল—পূর্বেরই মত দরবার বসিত, কিন্তু সে, পূর্বদরবারের ছায়া মাত্র! বিরল-প্রহরিপরিবেষ্টিত ঐ গৃহে আমার শৈশব, কৈশোর অতীত হইয়াছিল; যৌবনের প্রারম্ভে এক হিন্দু কৰ্মচারীর মূর্তি আমার হৃদয়ে প্রতিফলিত হইয়াছিল। তাহার পিতা পিতামহ আমার পিতা এবং পিতামহের অধীনে কৰ্ম করিয়াছিলেন। নবাবের গৃহে সন্মুখে প্রতিপালিত হইয়া তরলমতি যুবক কেবল বিলাস-ব্যসন শিখিয়াছিল। বিশ্বস্ত পুরাতন কৰ্মচারীর পুত্র; অন্তঃপুরেও তাহার প্রবেশাধিকার ছিল। উভয়ে অনেক সময় একত্র ক্রীড়া করিতাম। যখন যৌবনে পদাপণ করিয়াছিলাম তখন মাতার নিবেদাজ্ঞা উপেক্ষা করিয়া তাহার সহিত মিশিতাম। ওস্তাদের নিকট গান শিখিয়া তাহাকে না শুনাইলে তৃপ্তি হইত না। সে কি সুখের দিন ছিল!”

উচ্ছ্বসিত অশ্রুবেগ রুদ্ধ করিয়া নারীমূর্তি পুনরায় বলিতে লাগিল,—
“সে তখন কৰ্মোপলক্ষে মধ্যে মধ্যে কলিকাতায় আসিত। ফিরিয়া যাইয়া আমাকে কত প্রলোভনের কথা বলিত—বিলাসব্যসনের কত পাপ চিত্র অঙ্কিত করিয়া আমার অসংযত মনকে আরও দুর্বল করিয়া তুলিত।

“নবাবের গৃহে জন্মিয়াছিলাম, উৎকৃষ্ট পাত্রের অভাবে বিবাহে বিলম্ব হইতে লাগিল এবং পিতামাতার ভৎসনায় সয়তানের সহিত প্রকাশ্য ভাবে সাক্ষাৎ না করিয়া গোপনে সাক্ষাৎ করিতে লাগিলাম। তখন কলিকাতায় প্রথম থিয়েটার হইতে আরম্ভ হইয়াছে। সে আমাকে থিয়েটার দেখাইবার প্রলোভনে প্রলুব্ধ করিতে লাগিল। কিন্তু বাদসাহ-কন্ডা আমার গর্বে অন্ধরের বাহিরে আসা একেবারে নিষিদ্ধ, তাই সয়তান আমাকে ফুসলাইয়া, সমাজ—ধর্ম এবং মর্যাদার মন্তকে পদাঘাত করাইয়া কূলের বাহির করিল।

“মর্যাদাহানির ভয়ে পিতামাতা আমাকে আর গৃহে লইলেন না, হুমমণ্ড আমাকে যাইতে দিল না। ঘৃণা, লজ্জা, ক্ষোভ ও রোষপরবশ হইয়া পিতা আমার মৃত্যুসংবাদ রাষ্ট্র করিয়া দিলেন, এবং প্রকাশ্য ভাবে আমার মিথ্যা কবর দিলেন। আমি সয়তানের আশ্রয়ে হিন্দু নাম গ্রহণ করিয়া হিন্দু কুলকলঙ্কিনীদিগের সহিত কলিকাতায় বাস করিতে লাগিলাম।

“কিছু দিন বেশ সুখে কাল কাটিয়া গেল। সে সুখ যে সুখ নহে, অনন্ত

হৃৎধের আপাতরম্য প্রারম্ভ, তাহা তখন বুঝিতে পারি নাই। পিঞ্জরাবদ্ধ বিহঙ্গিণী যেমন বহুদিন আবদ্ধ থাকিয়া মুক্তি পাইলে স্বাধীনতার প্রাণোদ্বোধকারী রসাবাদন করিয়া আশ্ববিহ্বল হয় এবং অস্থিরভাবে পক্ষ উচাটনপূর্বক মুক্ত আকাশে উড়িয়া বেড়ায়; মনে করে, সেই স্বাধীনতাসুখের নিকট সুবর্ণপিঞ্জর এবং সম্বলসম্বিত অনায়াসলব্ধ আহার অতি তুচ্ছ, আমিও তেমনই শুদ্ধাস্তের পবিত্র তীর্থ পরিত্যাগ করিয়া সংযমহীন বিলাসব্যসনে আগ্রহাৎ হইয়াছিলাম।

“সর্বনাশের মূল, ক্ষণভঙ্গুর সেই সুখ আলস্যের আলোকের ত্রায় মুহূর্ত-জলিয়া অন্তর্হিত হইয়া গেল! হৃৎধের অনন্ত অন্ধকারের প্রথম আভাস আমার জীবনপথে বিভীষিকা দেখাইল। ধর্মবন্ধনবিহীন বন্ধ আমাকে যথেষ্ট ব্যবহার করিয়া লঘুহৃদয় প্রজাপতির ত্রায় পুষ্পান্তরে আশ্রয় গ্রহণ করিল। তখন জানিতাম না যে, পাপের পথে ইহা সম্পূর্ণ স্বাভাবিক; সুতরাং প্রণয়ের প্রথম নৈরাশ্রে হৃদয়ে দারুণ ব্যথা পাইলাম। স্বপ্নায়, লজ্জায়, শোকে—নবাবনন্দিনী আমি, মৃত্তিকায় বুক পাতিয়া অশ্রুজলে ধরা সিক্ত করিলাম।”

অঞ্চলে অশ্রুমোচন করিয়া নারীমূর্তি পুনরায় বলিতে লাগিল,—
“কেমন করিয়া বুঝাইব, সে কি গভীর হৃৎধ, কি মর্শ্বাস্তিক বাতনা? অঐবধ প্রণয়ের প্রথম নৈরাশ্র যে কত তীব্র,—আন্তরিক ভালবাসার প্রথম উপেক্ষা যে কত জ্বালাময় তাহা ভুক্তভোগী ব্যতীত অন্য কেহ সম্যক উপলব্ধি করিতে পারে না। বোধ হয়, ঐবধ প্রণয়্যাপেক্ষা অঐবধ প্রণয়ের আসক্তি অধিক, নতুনা তখন সেই সমস্তানের বিশ্বাস-ঘাতকতায় হৃদয়-পঞ্জর ভাঙ্গিয়া পড়িবে কেন, প্রতি অণুপরমাণুতে ব্যর্থ প্রণয়ের তীক্ষ্ণ-বেদনা বাজিয়া উঠিবে কেন?”

“সে ত অনেক দিনের কথা। তাহার পর কত উপেক্ষা, কত লাঞ্ছনা নীরবে সহ করিয়াছি; হৃদয়ের কোমল প্রবৃত্তিসকল সম্মলে উৎপাটিত করিয়াছি—তথাপি এই যুগ-যুগান্তর-পরে—এই প্রেতলোকে, এই ছায়ামূর্তির পঙ্কহৃতপরিবর্জিত হৃদয়ের নিভৃত কোনে সেই পিশাচের প্রতিবিম্ব লাগিয়া রহিয়াছে। কত চেষ্টা করিয়াছি—হৃৎধের পর হৃৎধ পুঞ্জীভূত করিয়া হৃদয়কে অন্ত্রশোচনার তীব্র কশাঘাতে ক্ষত বিক্ষত করিয়াছি তথাপি সেই প্রথম প্রণয়ের প্রতিচ্ছবি বিদূরিত করিতে পারি নাই।

সে যে আমার হৃদয়কলকে অকৃত্রিম প্রণয়ে উৎকর্ষ,—আমার মর্মে মর্মে গাঁথা, আমার বৌবন-প্রভাতের প্রথম অরুণবাগ, আমার সুখ-জীবনের প্রথম বহুর স্বপ্ন; সে ত বেচ্ছার ত্যাগ করিতে পারি না। ত্যাগ করিলে যে আমার অস্তিত্ব বিলুপ্ত হইবে। এই দৃঢ় জীবনের সেই অকণ্ট প্রণয় ব্যতীত আর সব যে মসৌমর, কুজ্জটিকাচ্ছন্ন! সেই প্রণয়ের জন্য যে আমি সর্ব্বত্যাগী।

“প্রণয় সুখের, কিন্তু প্রণয়হেতু প্রণয়ীর প্রতারণা দুঃখের; তাই তাহাকে দেখিলে—তাহার কথা মনে হইলে হৃদয়ে হিংসাপ্রবৃত্তি জাগিয়া উঠে। তাহাকে যেমনটি ভালবাসিয়াছিলাম,—বখন সে আমাকে ত্যাগ করিয়াছিল, তখন ত সে তেমন ছিল না। তাহার দেবতাকে ভালবাসিয়াছিলাম—সেই দেবতাকে কেন না পূজা করিব? তাহার দানব প্রকৃতিকে ভালবাসি নাই—তাই সেই দানব-প্রকৃতিকে হৃদয়ের সহিত, অন্তরের সহিত, ঘৃণা করি। তাই বখন সে প্রেত-মূর্ত্তিতে আমার নিকটে আইসে তখন তাহাকে দূর করিয়া দিয়া থাকি। ইহা কি আমার দোষ? দোষ হয়, আমি এ দোষ ত্যাগ করিতে প্রস্তুত নহি। দুর্ব্বলতা!—ভাল, এ দুর্ব্বলতা যেন আমার চিরসঙ্গী থাকে।”

নারীমূর্ত্তি মৌন হইয়া রহিল। সুবোধচন্দ্রের মনে হইল, সে যেন চক্ষু মুদ্রিত করিয়া সেই প্রেতমূর্ত্তির করুণকাহিনী বিন্ধত হইবার চেষ্টা করিল। কিন্তু একি! আবার সেই কণ্ঠস্বর, সেই করুণস্বর; আরও বিবাদবিজড়িত, আরও বিনীত।

অনুরুদ্ধ হইয়া সুবোধচন্দ্র যেন পুনরায় চক্ষুরুন্মীলন করিল। কি ভয়ানক দৃশ্য! নারীমূর্ত্তির আর সে রূপ নাই, সে বিনীর্ণ, বিবর্ণ, অস্থি-চর্ম্মসার কঙ্কালমাত্র—রোগ শয্যায় শায়িত। গেই যে শান্ত সুন্দর কম-নীর রূপ তাহার কিছুমাত্র নাই!

“দেখ, সুবক, রূপ দেখিয়াছিলে; এখন রূপের বিকৃতি দেখ। রূপ পুণ্যের কল, পাপসংস্পর্শে রূপ বিকৃত হইয়া যায়। আমারও তাহাই ঘটিয়াছিল। বখন হৃদয়ন আমাকে পরিত্যাগ করিয়া গেল, তখন আমি অর্থহীন, সহায়হীন, অশ্রমাত্র আমার সম্বল। এক পক্ষ অনাহারে অনিদ্রায় এবং অশ্রুজলে অভিবাहित করিলাম।

“যে কুলকলকিনীদিগের সহিত বাস করিতেছিলাম তাহাদের এক-

জনের সহিত আমার বিশেষ সন্ধ্যা হইয়াছিল। সে আমাকে অনেক বুঝাইল, অনেক দৃষ্টান্ত দেখাইয়া আশ্রয়ান্তর গ্রহণ করিতে উপদেশ দিল—অনুরোধ করিল; কিন্তু আমি কিছুতেই তাহাতে সন্মত হইতে পারিলাম না। আমি ঠেকিয়া শিথিয়াছিলাম; সে শিকার কল আমি সহজে ভুলিতে পারিলাম না।

“আমার খলিত চরিত্রের অপূৰ্ণ দৃঢ়তা লক্ষ্য করিয়া আমার সঙ্গিনী আমাকে এক নূতন পথ দেখাইয়া দিল। এক দিন সে আমাকে বলিল—‘একজন বাবু থিয়েটারের জন্য একজন নৃত্যগীতকুশল স্ত্রী-লোকের অনুসন্ধান করিতেছেন। তুমি নিষিদ্ধে পড়িতে জান, এবং তোমার গলাও বেশ মিষ্ট, তুমি যদি বল, আমি তোমাকে সেই বাবুর সহিত পরিচিত করিয়া দিব।’ সে আমাকে বুঝাইল, আমি যে বেতন পাইব তাহাতে আমি স্বাধীন ভাবে জীবিকা নির্বাহ করিতে পারিব। আমি সন্মত হইলাম।

“বাবুর সহিত পরিচয় হইল। তিনি ভদ্রবংশজাত। আমার সহিত আলাপ করিয়া বিশেষ সন্তুষ্ট হইলেন। মাসিক ত্রিশ টাকা বেতনে থিয়েটারে আমার চাকরী হইল। তিনি আমাকে আরও অধিক অর্থের প্রলোভন দেখাইলেন; কিন্তু আমার ক্রটি ভিন্ন বুঝিতে পারিয়া কলা বিজ্ঞান পারদর্শিতা অনুসারে ভবিষ্যতে আমার বর্ধিত উন্নতি হইবে এইরূপ ভরসা দিলেন।

“অনন্তরম্বে অধ্যবসায়ের ফলে অল্পদিনে রঙ্গালয়ে আমার সুখশ হইল। মুসলমান নাগিকার অংশ অভিময় করিতে আমার সমকক্ষ আর কেহ রহিল না।

“মনে হয় প্রথম অভিনয় রজনী। সেই জনবহুল, দীপালোকোজ্জল নাট্যশালা; দর্শকদিগের আগ্রহ এবং সোৎসুক প্রতীক্ষা। যখন নাগিকার ভূমিকা গ্রহণ করিয়া প্রথম দর্শকদিগের সম্মুখে দণ্ডায়মান হইলাম—তখন যুদ্ধেরে জন্ত হৃদয় বড় দুর্বল বোধ হইল;—মনে হইল, ঐকান্তিক শিকার এবং সাধনা বুঝি সব বিফল হইয়া যায়! মনে মনে ডাকিলাম—‘আল্লা, আমাকে বল দাও।’ অনেক দিন আল্লাকে এমন প্রাণ ভরিয়া ডাকি নাই। খোদা মেহেরবানি করিয়া আমার কাতর আহ্বান শুনিলেন। দুই অঙ্ক অভিনয়ের পর হৃদয়ের দুর্বলতা একেবারে তিরোহিত হইয়া গেল।

“ভূতীয় অঙ্কের প্রথম গর্ভাঙ্কে আমার গীত। সেই আমার প্রথম প্রকাশিত গীত। সে গীত কি ভুলিবার ?

‘ওসে কেন আসে না ?

আসি বলে চলে গেল আর এলোনা ।’

“ভৈরবী রাগিণীর কোমল মধুর প্রাণস্পর্শী মূর্ছনা রসালয়ের এক প্রান্ত হইতে অপর প্রান্ত পর্য্যন্ত যখন স্তরে স্তরে চেউ খেলিয়া দর্শক-মণ্ডলীকে অভিভূত করিয়া তুলিল, যন যন—‘বাহবা’, ‘বহৎ আচ্ছা’ প্রভৃতি উৎসাহ-সূচক শব্দে তখন আমার সর্কাদ্দে পুলক-প্রবাহ বহিয়া গেল। সেই গীতের ধ্বনি এবং করতালির প্রতিধ্বনি যেন এখনও আমার কাণে লাগিয়া রহিয়াছে।

“সেই ক্ষুদ্র একটি সঙ্গীতেই আমার যশঃপ্রতিষ্ঠা হইয়া গেল। সে যে আমার প্রাণের গীত। আমার হৃদয়ের নিভৃত প্রদেশ হইতে সেই গীতের প্রতি শব্দ যে ঝঙ্কত হইয়াছিল তাহা কল্পজন অসুভব করিয়াছিল ? সর্কাদ্দঃকরণে যখন আমি সেই গীত গাহিতেছিলাম, তখন যে আমি তন্ময় হইয়া গিয়াছিলাম ; তদন্ত তাহা আমার প্রণয়স্পর্শের উদ্দেশে গাহিতে-ছিলাম—

‘ও সে কেন আসে না ?

আসি বলে চলে গেল আর এলোনা !’

সে যে আমার প্রাণের নিদারুণ নৈরাশ্রের অভিব্যক্তি। হৃদয়ের প্রতি তন্ত্রী ঝঙ্কত করিয়া সেই করুণ কাতর আহ্বান সমুখিত হইয়াছিল। অতীত বর্ত্তমান ভুলিয়া ; স্থান, কাল, পাত্র ভুলিয়া আমি যে প্রাণের আবেগে বলিয়াছিলাম—‘তারে বড় ভালবাসি।’ হায়, লাঞ্ছনা !”

সুবোধ চন্দ্রের মনে হইল, সেই শোণশয্যাশাশিনী ককালাবশিষ্টা রমণীর নেত্রযুগল অশ্রুপ্লাবিত হইয়া আসিল। দুই হস্তে মুখ ঢাকিয়া হস্ত-ভাগিনী অনেকক্ষণ নীরব হইয়া রহিল। তাহার পর সে আবার বলিতে আরম্ভ করিল—

‘এমনই তাহা এক বৎসর কাটিয়া গেল। আমার যশঃস্বর্ঘ্য উত্তরোত্তর অধিকতর ভাস্বর হইতে লাগিল। একদিন অভিনয়াস্ত্রে রজনী-প্রভাতে গৃহে প্রত্যাগত হইলে আমাদের পরিচারিকা বলিল, একজন বারু আমার প্রতীক্ষায় বসিয়া আছেন। এমন অনেক ভদ্রলোক

মধ্যে মধ্যে আসিয়া আমার অপেক্ষায় বসিয়া থাকিতেন এবং আমাকে বিরক্ত করিয়া অপ্রিয় কথা শুনিয়া ক্ষুণ্ণমনে চলিয়া যাইতেন। আমি দাসীকে বলিয়া দিলাম—‘আমার সহিত সাক্ষাৎ হইবেনা, আমি বড় ক্লান্ত হইয়াছি; বাবুকে ফিরিয়া যাইতে বল’ দাসী ফিরিয়া আসিয়া সংবাদ দিল—বাবু আমার পূর্বপরিচিত, বিশেষ আবশ্যক আছে, সাক্ষাৎ না করিয়া ফিরিয়া যাইবেন না। অগত্যা তাঁহাকে আমার কক্ষে আহ্বান করিলাম।

“বাবু আর কেহ নহেন, সেই বিশ্বাসঘাতক—সয়তান—দুষ্মন। কেমন করিয়া বলিব, বৎসরাধিক কাল পরে সেই দুরাচারকে দেখিয়া আমার হৃৎপিণ্ড কত দ্রুত স্পন্দিত হইতেছিল। হৃদয় অপেক্ষাকৃত সংযত করিয়া জিজ্ঞাসা করিলাম—‘আবার কেন আসিয়াছ?’ শুনিলাম, ‘আমি ক্ষমা ভিক্ষা করিতে আসিয়াছি; আমাকে ক্ষমা করা’ বলিলান, ‘ক্ষমা,—এতদিন পরে ক্ষমা ভিক্ষা করিতে আসিয়াছ? কিন্তু তুমি যে ক্ষমার অযোগ্য।’ উত্তর শুনিলাম, ‘যোগ্য ব্যক্তিকে ক্ষমা ত সকলেই করিয়া থাকে। তাহাতে বিশেষত্ব কি? অযোগ্যকে যে ক্ষমা করে—তাহার ক্ষমার মনুষ্যত্ব আছে। আবার বলিলাম, ‘মনে আছে তোমার প্রতিজ্ঞা? সেই যে দিন অমাবস্তার অন্ধকারে পিতামাতার আশ্রয় পরিত্যাগ করিয়া, লাক্ষ্মণ্য বিসর্জন দিয়া, তোমার হাত ধরিয়া কুলত্যাগ করিয়াছিলাম, মনে আছে সেই দিনের প্রতিজ্ঞা? উত্তরে নবপ্রতিষ্ঠিত ধর্ম গ্রহণ করিয়া বিবাহিত জীবন অতিবাহিত করিব?’ শুনিলাম, ‘আমাকে আর লজ্জা দিও না। আমার অপরাধ হইয়াছে; আমাকে ক্ষমা কর, মেহের।’

“মেহের—মেহের! মেহের মরিয়াছে—অনেক দিন মরিয়াছে। আবার কেন মেহেরকে ডাক? না, না; ডাক, আবার আমার সেই পুরাতন নাম ধরিয়া—সেই পুরাতন, পরিচিত চিরবাহিত স্নানমাধা স্বরে ডাক। প্রতারক তোমার কপটতায় অনেক দুঃখ যাতনা সহ করিয়াছি;—তবু ডাক। ঐ নামের সহিত আমার বাল্যস্মৃতি বিজড়িত। সে বড় স্মৃতির স্মৃতি—বড় মধুর।

“আমার আর বাক্যক্ষুণ্ণি হইল না। মা’র কথা মনে হইল। মা ডাকিতেন—মেহের। সে কি মেহের ডাক! পিতার কথা মনে হইল। পিতা ডাকিতেন—মেহের। অশ্রুজলে বুক ভাসিয়া গেল।

“সে সুযোগ বুঝিয়া আমার কর্তৃলগ্ন হইয়া আমাকে চুষন করিল। আমি তখন বেন আত্মহারা হইয়াছিলাম। স্বর্গগত পিতামাতার স্নেহ-স্বাভি আমার হৃদয় উদ্বেলিত করিয়াছিল; মনে হইতেছিল, সেই সুখের শৈশব, সেই সুধাময় কৈশোর,—তাহার পর সেই স্বপ্নময় প্রথম যৌবন; সেই বিকাশোন্মুখ যৌবনের প্রথম অনাবিল প্রণয়। তখন চিত্তের স্বৈর্য্য—হৃদয়ের দাড়া শিথিল হইয়া আসিয়াছিল। তাই সেই ভগ্নের আলিঙ্গন, চুষন আমার বিলম্ব বিদূরিত করিতে পারিল না। আমি ভুলিয়া গেলাম। সে বধন ছল ছল নেত্রে প্রার্থনা করিল,—‘মেহের—মেহের, আমাকে ক্ষমা করিবে না?’—তখন অতীত ভুলিয়া গেলাম—অবজ্ঞা, উপেক্ষা, লাঞ্ছনা সব ভুলিয়া গেলাম। হায়, নারীর দুর্ব্বল হৃদয়।”

সেই মুহূর্ত্ত মারামুষ্টি আবার নীরব হইল। সুহৃৎের জন্ত তাহার রোগাক্রান্ত মুখে শান্তির ছায়া পরিলক্ষিত হইল। সুখোচ্ছ্বাসের মনে হইল, সে বুঝি মৃত্যুর ছায়া। কিন্তু কণপরে আবার সেই বিশীর্ণ, বিবর্ণ—মুখে বিকট ভাব প্রকটিত হইয়া উঠিল। নারীমুষ্টি পুনরায় বলিতে লাগিল—“তাহার পর কিছুদিন পরে আমাকে কালরোগে ধরিল। সে রোগ কিছুতেই সারিল না। যত দিন অর্ধসামর্থ্য ছিল তত দিন রোগের সহিত যুদ্ধ করিলাম। অবশেষে হাসপাতালে আসিয়া আশ্রয় লইলাম। তথায় মৃত্যু আসিয়া আমার সকল পার্থিব বস্ত্রগার অবসান করিয়া দিল।

“বলিতে বুক কাটিয়া যায়, বাহার জন্ত আমার এই দুর্দ্দশা—বাহার জন্ত সব বিসর্জন করিয়াছিলাম—বাহাকে ত্যাগ করিয়াও গ্রহণ করিয়াছিলাম এবং যে বার বার আমাকে লাহিত করিয়া আমার সর্ব্বনাশ সাধন করিয়া, আমাকে প্রবিকিত করিয়া চলিয়া বাইত—যে রোগের সূচনা হইতে শেষ পর্যন্ত আমাকে একবার দেখা দেয় নাই, সংবাদও লয় নাই,—মৃত্যুর পূর্বে হাসপাতালের রোগ-শয্যায় শয়ন করিয়া তাহাকে দেখিবার জন্ত প্রাণ আকুল হইয়াছিল। মনে হইত, যদি একবার তাহাকে দেখিয়া মরিতে পারি তাহা হইলে বুঝি জীবনের সকল অগুণ সাধ পূর্ণ হয়—সকল দুঃখের আলা ভুলিতে পারি। দিনের পর দিন তাহার জন্ত ব্যাকুল ভাবে প্রতীক্ষা করিয়াছি—বিন্দু বিন্দু অশ্রু গতে গড়াইয়া উপাধান সিঁড় করিয়াছে, ধাত্মীয় সহানুভূতি আকর্ষণ করিয়াছি; কিন্তু

বাহার সহায়ভূতি ও সেবার উপর অধিকার আছে মনে করিতে পারিতাম, সে একটি দিন—একটি বারও দেখিতে আইসে নাই।’

“যুবক, আমার হৃৎকের কাহিনী শুনিয়া তোমার হৃদয় ব্যথিত হইয়াছে—তোমার নয়নে অশ্রু ফুটিয়া উঠিয়াছে,—কিন্তু বাহার এক বিন্দু অশ্রুর জন্ম আমি অকাতরে ভয় ভয় নরক-বস্ত্রণা ভোগ করিতে পারিতাম এবং বাহার অশ্রু আমার হৃৎকে স্বস্তিঃসঞ্চারিত হওয়া উচিত ছিল, তাহার চক্ষু তখন অলিতেছিল কি নিবিয়া গিয়াছিল তাহা একবার জানিবার অবকাশ পাই নাই। এখন যুগার আবরণে প্রণয় আবৃত করিয়াছি—হৃদয়ে দারুণ প্রতিহিংসা-প্রবৃত্তি প্রজ্জ্বলিত করিয়াছি—তবুও সেই কালপ্রণয়কালকূটের প্রদাহ সর্বাঙ্গ আচ্ছন্ন করিয়া রহিয়াছে—তুংবের আগুনের জ্বালা এখনও হৃদয়ে থিকি থিকি অলিতেছে। এ আগুন কি কখন নিবিবে না—এ বিষের মোহ কি কখন কাটিবে না? রমণীর প্রণয় কি এত গভীর।”

মায়ামূর্তি ধীরে ধীরে শয্যোপরি বসিল; তাহার পর আবেগভরে বলিতে লাগিল—“যদি মৃত্যুর পূর্বে এক বার দেখা দিত, অন্ততঃ মৃত্যুর পর আমার সৎকার করিত, তাহা হইলে আমার দেহ শবব্যবচ্ছেদাগারে প্রেরিত হইত না,—আমার হাড় বিস্তারিগণের নিকট বিক্রীত হইত না এবং তাহা হইলে আমি তাহার সকল অপরাধ ক্ষমা করিতে পারিতাম।

“যুবক, তুমি আমার একটি উপকার করিবে? কল্যাণে আমার বিচ্ছিন্ন অস্থিগুলি একত্রিত করিয়া জটনৈক মৌলবীসাহায়ে আমার কবর দিবে? কবর হইলে আমি বোধ হয় মুক্ত হইব; মুক্ত হই না হই, তোমার নিকট চিরকৃতজ্ঞ থাকিব।”

তাহার পর স্রবোধচক্র দেখিল—সে শব্দা নাই, সে নারীমূর্তি নাই;—আছে একটি সংযুক্ত সম্পূর্ণ নরককাল। আর সেই ককাল বাহ প্রসারিত করিয়া তাহার দিকে আসিতেছে। ভয়ে স্রবোধচক্র চীৎকার করিয়া উঠিল।

সেই শব্দে হরিমোহনের নিদ্রা ভঙ্গ হইল। হরিমোহন ডাকিল—
“স্রবোধ, স্রবোধ।”

ভীতিবিহ্বল কণ্ঠে স্রবোধ উত্তর দিল, “কি, মামা।”

“তুমি স্বপ্ন দেখিয়াছ,—ভয় পাইয়াছ কি?”

তখন মেজের উপর ঝট্‌ঝট্‌ শব্দ হইতেছিল। সুবোধচন্দ্র জিজ্ঞাসা করিল,—“মামা কিসের শব্দ হইতেছে।”

হরিমোহন বলিল—“মাথার হাড়ের ভিতর বোধ হয় আবার ইন্দুর ঢুকিয়াছে।”

হরিমোহন আলো আলিল। মনুষ্যমস্তকাঙ্কি শয্যানিয় হইতে বহু দূরে নীত হইয়াছে। হরিমোহন সেইটি হাতে করিয়া তুলিবামাত্র উদ্ভাষ্য হইতে একটি ক্ষুদ্র ইন্দুর নিজ্রাস্ত হইয়া গেল।

প্রত্যবে সুবোধচন্দ্র সেই অস্থিখণ্ডসকল মৌলবীসাহায্যে কবরস্থ করিয়াছিল কি না সে সংবাদ জানা যায় নাই।

শ্রীযতীন্দ্রমোহন বন্দ্যোপাধ্যায় ।

সংগ্রহ

বিবিধ ।

হেষ্টিংস হাউস ।

আলিপুরের হেষ্টিংস হাউস সরকারের সম্পত্তি। ইহার সহিত অনেক ঐতিহাসিক কাহিনী জড়িত রহিয়াছে। কেবল কাহিনী নহে, পরন্তু একটি অলৌকিক রহস্যও ইহার সহিত অভ্যস্ত ঘনিষ্টভাবে সংশ্লিষ্ট। এ পর্য্যন্ত সেই রহস্যের উদ্ভেদ হয় নাই। সংগ্রতি সরকার এই ঐতিহাসিক উদ্ভান বাটিকাটি বিক্রয় করিবার ইচ্ছা প্রকাশ করিয়াছিলেন। লর্ড কার্জননের চেষ্টায় লর্ড জু আপাততঃ সেই চেষ্টা হইতে ক্যান্ড হইয়াছেন। এই উপলক্ষে হেষ্টিংস হাউস সম্বন্ধে নানা কথাই বিলম্বী ও এতদশী সংবাদপত্রে আলোচিত হইয়াছে। এফ, এচ, টি, সাক্সর করিয়া অনেক লেখক সংগ্রতি এই ঐতিহাসিক উদ্ভান বাটিকা সম্বন্ধে অতি সুন্দরভাবে আলোচনা করিয়াছেন। আমরা নিম্নে তাহার সংক্ষিপ্ত মর্ম্ম প্রদান করিলাম।

কলিকাতার উপকণ্ঠে, আলিপুরে হেষ্টিংস হাউস অবস্থিত। কর্ণকোলাহলমুখরিত কলিকাতার কলরব ভাষায় প্রবেশ করে না। কেবল পার্শ্বস্থিত রাজপথে মোটরকার ও ট্রামগাড়ির ঘর্ষরঞ্জন এখন মধ্যে মধ্যে ইহার নিম্নকূতা ভঙ্গ করিয়া থাকে। ইহার চারিদিকেই হেষ্টিংস হাউস। সমৃদ্ধিত শাখিরাশি সুশোভিত। সম্মুখে বিস্তৃত শব্যাক্ষেত্র ও বক্র রাজপথ। বাতায়নসামিথ্যে সরল তালভর বৌদ শাক্তীর ভাৱ দণ্ডায়মান। গৃহসামিথ্যেই একটি সুন্দর পুকুরিণী। হেষ্টিংস যখন এই গৃহ নির্মিত

করিয়াছিলেন,—তখন ও তাহার বহুদিন পরবর্তী সময় পর্যন্ত উহা উক্ত গৃহবাসী লোকদিগের জল সরবরাহ করিত। ইহার পশ্চাত্তাপে তরুরাজি সজ্জিত,—উহাদের ঘনসন্নিবিষ্ট পত্রা-বলীর অবকাশমধ্য দিয়া স্থানে স্থানে মন্দুরাদি লক্ষিত হয়।

কলিকাতায় অনেকগুলি প্রাচীন সৌধ বর্তমান আছে,—কিন্তু সেগুলি বহু পুরাতন তাহাদিগকে ভত্ত পুরাতন বলিয়া মনে হয় না। দুই শত বৎসরের পুরাতন বাড়ী কলিকাতায় অনেক আছে। হেষ্টিংস হাউস তাদৃশ পুরাতন নহে। তবে উহা ক্রমশঃ পুরাবস্তুর মধ্যে অবহা।

পণ্য হইবার যোগ্যভালাভ করিতেছে। ১৭৭৬ খ্রষ্টাব্দে এই গৃহ নির্মিত হইয়াছে। কিন্তু এখনও দেখিলে সন্নিবিষ্ট অনেক আধুনিক বাড়ী অপেক্ষা ইহাকে নূতন বলিয়াই মনে হয়।

এই গৃহখানির ইতিহাস অত্যন্ত বৈচিত্র্যময়। সম্ভবতঃ হেষ্টিংস স্থান ও দৃশ্য পরিবর্তন করিতে ভালবাসিতেন। কলিকাতায় ও তাহার সান্নিধ্যে অনেক গৃহেই তিনি বাস করিয়াছিলেন। হেষ্টিংস স্ট্রীটের যে বাড়ীতে এখন বার্ন কোম্পানীর আকিস, সেই বাড়ীই হেষ্টিংসের অগ্রতম বাসভবন ছিল। ঐ বাড়ীর বিস্তৃত একোঠে হেষ্টিংসের বিভিন্ন ভবন।

হেষ্টিংসের আনন্দের পাখা এখনও দোহল্যমান। উক্ত পর্বণের জেনারেল যখন নিমন্ত্রিত ব্যক্তিদিগের সহিত ভোজনে বসিতেন, তখন ঐ পাখাই তাহাদিগের নিদাশ্রয়পত্র দেহ শীতল করিত। উহা এখন কোড়ুহলোদীপক পুরাবস্ত বলিয়াই তথায় রক্ষিত আছে। বেক্টিক স্ট্রীটে যে সৌধে এখন লোরেলিন কোম্পানীর আকিস, উহা এক সময় ‘পর্বণমেট হাউস’ ছিল। উহার যে গৃহে ব্যবস্থাপক পরিষদের বৈঠক বসিত সে গৃহ এখনও অক্ষুন্ন রহিয়াছে। হেষ্টিংস কিছু দিনের অস্ত্র রিভডার হেষ্টিংস মিল গৃহে ও বেলভেডিয়ায় বাস করিয়াছিলেন। কিন্তু ইহাতেও তাহার পরিভূক্তি হয় নাই। সেইজন্য তিনি তরুচ্ছায়াসম্বিত আলিপুরে উদ্যান বাটিকার স্তায় একটি গৃহ নির্মিত করাইয়াছিলেন। উহার চারি দিকেই পল্লীশোভা বিরাজমান। সামাজিক সম্মিলন-ব্যাপারে কিছুকাল বেলভেডিয়ার প্রাসাদই ব্যবহৃত হইত, কিন্তু পরবর্তীকালে হেষ্টিংস বেলভেডিয়ার প্রাসাদ ভাড়া দিয়াছিলেন। যে সময় হেষ্টিংসের সহিত কিলিপ ক্রালিসের বৈরত্বযুদ্ধ হইয়াছিল,—সেই সময় বেলভেডিয়ার মেজর টলি কর্তৃক অধ্যুষিত ছিল। এই মেজর টলির নাম আদিগজার নামের সহিত জড়িত হইয়া অবসর লাভ করিয়াছে। কারণ, আলিপুরের প্রান্তবাহিনী আদিগজার অস্ত্র নাম টলির নাল।

অষ্টাদশ শতাব্দীতেও হেষ্টিংস হাউস বৃহৎ গৃহ বলিয়া বিবেচিত হইত না। সে সময়ের সকল কথা বিবেচনা করিয়া দেখিলে,—ইহাতে একটু বিনিমিত হইতে হয়। মিসেস্ কে. স্কট্ গৃহ।

১৭৮০ খ্রষ্টাব্দে মিসেস হেষ্টিংসের সহিত সাক্ষাৎ করিতে এই গৃহে আগমন করিয়াছিলেন। তিনি উহাকে সুন্দর সুন্দর বাটিকা বলিয়াছেন। ঐ বৎসর ব্যাক্রেরী লিখিয়াছেন,—“কর্ণেল মন্সন্ আমাদের সহিত পল্লী-ভবনে ভোজন করিয়াছিলেন। ভোজনান্তে আমরা পদচারণ করিতে করিতে পর্বণের নবনির্মিত গৃহ দেখিতে গেলাম। বাড়ীখানি সুন্দর ও সুন্দর; কিন্তু উচ্চ। ইহাতে বায়ুপ্রবাহের

অবশ্য পতি । উহার অভুজল হৃদয়েন গুহ্যকান্তি নরনে যৎ উৎপাদন করে।” লেখক ই বৎসর বলিয়া কোন্ বৎসরকে নির্দিষ্ট করিয়াছেন ? তাঁহার লিখা পড়িলে মনে হয়, তিনি ১৭৮০ খ্রীষ্টাব্দের কথা বলিতেছেন । কিন্তু তাহা কখনই সম্ভব হইতে পারে না ।, আলেক-জান্ডার ম্যাক্লেই ও অর্জুন মন্সন উভয়েই ১৭৭৬ খ্রীষ্টাব্দে ভবলীলা লাভ করেন । ঐ সময় হেষ্টিংস হাউস কেবল মাত্র নির্মিত হইয়াছে । সুতরাং উহা ১৭৭৬ খ্রীষ্টাব্দেরই কথা ।

প্রায় সমস্ত আলিপুরটাই হেষ্টিংসের সম্পত্তি ছিল । ১৭৮৫ খ্রীষ্টাব্দে তিনি উহা তিন ভাগে বিভক্ত করিতে প্রয়াস পাইয়াছিলেন । প্রথম ভাগে পুরাতন গৃহ ও তৎসংলগ্ন উদ্যান, দ্বিতীয় ভাগে নূতন গৃহ ও তৎসংলগ্ন গৃহাদি এবং তৃতীয় ভাগে বৃত্তিবেষ্টিত হেষ্টিংসের সম্পত্তি ।

মাঠ । সম্ভবতঃ মেজর টলি বেলেভেডিয়ায় খরিন করিয়া লইয়াছিলেন ।

বে যুরোপীয় হেষ্টিংসের শকটচালকের কার্য্য করিত তাহার ভাগেও অনেক জমী মিলিয়াছিল । সে ব্যক্তি কলিকাতায় বাস করে । ঐ সম্পত্তির বিক্রয়লব্ধ অর্থে তাহার বংশধরগণ বেশ সম্বিশালী হইয়া উঠিয়াছে ।

এই প্রাচীন বাগীচে অনেক লোক বাস করিয়াছেন । অনেকে সপরিবারে ইহাতে বাস করিয়াছেন । ১৮০৩ খ্রীষ্টাব্দে এই গৃহে ভারত পৰ্য্যবেষ্টের নিমন্ত্রিত ব্যক্তিরা বাস করিয়াছিলেন । অনেক সুপ্রসিদ্ধ পরিদর্শক ও ভারতীয় রাজপুত্র এই বাড়ীতে ইন্দোনীতন অধিবাসী ।

রজনী বাগন করিয়াছেন । তিস্তেত্তের দলই লামাও এই গৃহে কয়েক দিন ছিলেন ।

হেষ্টিংস কি কারণে এই গৃহ নির্মিত করিয়াছিলেন, তাহা এক্ষণে অপরিজ্ঞাত । সম্ভবতঃ ব্যারনেশ্ ইন্স্‌ফের বসবাসের জন্য ইহা নির্মিত হইয়া থাকিবে । এই রমণীকে উত্তরকালে ইন্স্‌ফ ও হেষ্টিংস ।

তিনি বিবাহ করিয়াছিলেন । এই ক্ষেত্রে ব্যাপারটি বুঝিয়া উঠা কঠিন । হেষ্টিংসের সহিত উক্ত রমণীর কিরূপ সম্বন্ধ ছিল, তাহা বুঝিয়া উঠা যায় না । সাধারণ লোকের এই সম্বন্ধে যে ধারণা ছিল, - তাহা কত দূর সত্য তাহা বলা যায় না । সমস্ত ব্যাপারটিই এখন অতীতের কুহেলিকার সমাচ্ছন্ন । নৈতিক দৃষ্টিতে হেষ্টিংস ও ইন্স্‌ফ সম্পত্তির আচরণ হুঁট বলিয়াই প্রতিভাত হইয়া থাকে । ব্যাপারটি স্থূলতঃ এইরূপ । ইন্স্‌ফ জাতিতে জর্জাণ । তিনি মাস্তোজ সেনাবিভাগে একটি সামান্ত পদ পাইয়া বিলাত হইতে সক্রীক ভারতে আসিতেছিলেন । যে আহাঙ্গে ইন্স্‌ফ সম্পত্তি ভারতে আসিতেছিলেন, সেই আহাঙ্গেই হেষ্টিংস লগ্ন হইতে মাস্তোজে আসিতেছিলেন । হেষ্টিংস উক্ত আহাঙ্গে অভ্যস্ত পীড়িত হইয়া পড়িয়াছিলেন । ইন্স্‌ফপত্নী সম্বন্ধে তাঁহার গুহ্যবা করেন । এই ব্যাপারে তাঁহাদের মধ্যে ঘনিষ্ঠতার স্ফার হয় । মাস্তোজে আসিয়া ইন্স্‌ফ দেখিলেন যে, সামান্ত পত্নীকী সেনার বেতনে তাঁহার সংসার চলা অসম্ভব । সেই জন্ত তিনি সেনাবিভাগের কার্য্য পরিভ্যাগপূর্ব্বক ‘তসবীর’ অঙ্কিত করিয়া জীবিকা অর্জনের জন্য কলিকাতায় আগমন করেন । এই কার্য্যে ব্যায়গ ইন্স্‌ফের বিশেষ পারদর্শিতা ছিল । মাস্তোজে অবস্থানকালে হেষ্টিংস ঈশ্বরী ইন্স্‌ফের সহিত বিশেষ সৌমন্ত্র করিয়াছিলেন । কিন্তু ঈশ্বরী ইন্স্‌ফ তাঁহার স্বামীর সহিত কলিকাতাই আসিয়াছিাবন । হেষ্টিংসও পরে

গবর্ণর জেনারেলের পদে উন্নীত হইয়া কলিকাতায় আগমন করেন। ইহা ১৭৭১ খ্রীষ্টাব্দের কথা। শুনা যায়, তাহার পর ইম্‌হক, তাঁহার পত্নী ও হেষ্টিংস তিন জনে মিলিত হইয়া এইরূপ বন্দোবস্ত করেন যে, শ্রীমতী তাঁহার পতির সহিত বিবাহ বন্ধন 'নাকচ' করিয়া লইবেন এবং পরে হেষ্টিংসকে বিবাহ করিবেন। ১৭৭০ খ্রীষ্টাব্দে ব্যারন ইম্‌হক লণ্ডনে প্রত্যাগমন করেন। তিনি দশ হাজার পাউণ্ডের (তদানীন্তন লক্ষ টাকা) অধিক টাকা লইয়া বিলাতে গিয়াছিলেন। হেষ্টিংস তাঁহাকে ঐ লক্ষাধিক টাকা দান করিয়াছিলেন। ১৭৭৫ খ্রীষ্টাব্দে ইম্‌হক পুনরায় বিবাহ করিয়াছিলেন। অশ্রীয়া সামাজ্যের একটি ক্ষুদ্র রাজ্যের সামান্য কোনও পন্নীতে ব্যারনেস ইম্‌হকের সহিত তাঁহার বিবাহবন্ধন ছিল হইয়াছিল। সেই বিবাহচ্ছেদ-সংবাদ ১৭৭৭ খ্রীষ্টাব্দের পূর্বে ভারতে গিয়া পৌঁছে নাই। তাহার পর হেষ্টিংস সেট জন্ম গীর্জায় তাঁহাকে পত্নীরূপে গ্রহণ করিয়াছিলেন।

এই ব্যাপার অনেকগুলি সমস্তাবিজড়িত। প্রথমতঃ তাঁহার তিন জনই যদি পরামর্শ করিয়া এই ব্যাপার করিয়াছিলেন, তাহা হইলে ইম্‌হক তৎপরে দুই বৎসর কাল ভারতে থাকিয়া পরে বিলাতে গেলেন কেন? ঐ দুই বৎসর সমস্তা ও সম্ভেহ।

তাঁহার পত্নী তাঁহার সহিত সম্ভাবে একত্র অবস্থান করিয়াছিলেন। দ্বিতীয়তঃ ইম্‌হক ১৭৭৫ খ্রীষ্টাব্দে বিবাহ করিতে সমর্থ হইয়াছিলেন কেন? তৃতীয়তঃ হেষ্টিংস ১৭৭৭ খ্রীষ্টাব্দের পূর্বে ইম্‌হক-ঘরগীকে বিবাহ করেন নাই কেন? চতুর্থতঃ ইম্‌হকের ঠগসে হেষ্টিংস-পত্নীর অনেকগুলি সন্তান হইয়াছিল; একরূপ ক্ষেত্রে কলিকাতায় বিবাহের রেজিষ্টারীতে মিস্‌ আন্না মেরিয়া আপলোনীয়া চাপুসেটিন এই কুমারী অবস্থায় নামে তাঁহাকে অভিহিত করা হইয়াছিল কেন? পঞ্চমতঃ উক্ত ইম্‌হকের সহিত তাঁহার কবে বিবাহ হইয়াছিল?

হেষ্টিংস হাউসের সহিত কোন কলঙ্কের কথা বিজড়িত থাকুক আর নাই থাকুক, (সার চার্লস লসন ও মিস সিডনী গ্রিয়ার উভয়েই বলেন যে, ব্যারনেস ইম্‌হকের ব্যতিচার-কথা অলৌকিক) উহাতে যে একটি বা একাধিক ভূত আছে তাহার বিশ্বাসযোগ্য প্রমাণ আছে। প্রচলিত গল্পগুলির মধ্যে একটু একটু পার্বক্যও আছে। গল্পটি কোঁড়ুলো-দীপক। একটি গল্পের মর্ম্ম এইরূপ। অষ্টাদশ শতাব্দীতে বেরুগ অলৌকিক কাণ্ড।

বেরুগ গাড়ী প্রচলিত ছিল, সেইরূপ একখানি গাড়ী ছুইটি বৃহদাকার কর্তৃক আকৃষ্ট হইয়া দ্রুতবেগে ঐ বাড়ীর দিকে আগমন করে। উহার উচ্চ কোচবন্দে সাবেক ধরণের সাড়ম্বর পরিচ্ছদ পরিহিত জনৈক কোচম্যান বসিয়া থাকে। অধের সুরশব্দ গৃহের দ্বিতলবাসিনীরা স্পষ্টই শুনিতে পায়। গাড়ীখানি তীরবেগে আসিয়া গাড়ীবারান্দায় প্রবেশ করে। গৃহস্থিত লোকগণ উহা ভাল করিয়া দেখিবার জন্য দ্বারদেশে আগমন করে; আসিয়া দেখে কোথাও কিছুই নাই। অনেক সম্ভ্রান্ত পরিবারের সম্পূর্ণ প্রকৃতিস্থ ব্যক্তির দ্বারা এই গল্প সমর্থিত হইয়াছে। উহাদের মধ্যে কোনও কোনও ব্যক্তি এখনও জীবিত আছেন।

আর একটি গল্প এইরূপ।—গাড়ী দেখা যায় না,—উহার বর্ষর ধ্বনি শুনিতে পাওয়া

বার। বিতলের লোকগণ একধাণি গাড়ী আসিতেছে এইরূপ শব্দ শুনিতে পায়। ক্রতগতি
অথের পদশব্দ ও শকটচক্রে নিম্নিষ্ট কঙ্করের মড় মড় শব্দ স্পষ্টই
বিত্তীয় কথা।

ক্ষত হয়। ক্রমে অথের গতি মন্দীভূত হইয়া শেষে থামিয়া
বার। বোধ হয় যেন গাড়ীখানি গাড়ীবাসীন্দ্রের নিম্নে থামিল। তখন কেবল অথের
দীর্ঘবাস ও নাসিকাধ্বনির অল্পঃপ ধ্বনি, দণ্ডায়মান অথের পদাবতশব্দ, মন্তকসকালন-
অনিত সাহের শব্দ, গাড়ীর দরজা খোলার শব্দ প্রভৃতি ক্রমে ক্রমে শুনা যায়। কে
আসিল দেখিবার জন্য লোক বারমেশে আসিয়া দেখে কোথাও কিছুই নাই।

প্রথম ব্যাপারটি অপরাক্ত ও বিত্তীয় ব্যাপারটি ভোজের অব্যবহিত পূর্বেই সংঘটিত
হয়।

এবাম, এই স্থানে একটি ভোজের আয়োজন হয়, কিন্তু কোনও ব্যক্তির আকস্মিক
বুড়ু বা হত্যার জন্য নিমন্ত্রিত ব্যক্তিগণের আহ্বার হয় নাই। কিন্তু এই বাড়ীতে এমন

কোনও ঘটনা ঘটিয়াছিল, এরূপ প্রমাণ নাই। তবে কি হেষ্টিংস
ব্যাপার কি ?
ও তাঁহার পত্নী আগমন করেন ? অথবা বাহারা ঐ বাড়ীতে
যাতায়াত করিতেন তাঁহাদের কেহ ? ইনি কি নন্দকুমার ? কিছুই নিশ্চয় করিয়া
বলা সম্ভবে না। তবে এই ভৌতিক গল্প বাড়ীটিনসম্বন্ধে কৌতুহলকে বিলক্ষণ উদ্দীপ্ত
করে।

ଆର୍ଯ୍ୟାବର୍ତ୍ତ .



ମନ୍ଦଜା ।

ଚିତ୍ରକର-ରବିବନ୍ଧୁ ।

রাখা ।

গভীর বরষা-রাতি বর বর করে বায়িবার,
 আঁধারীয়ে মেঘমালা ঢালিতেছে হৃদয়ের ভার ।
 অগস্ত্য-করজ্যোতি তারাগুল দেখা নাহি বার,
 সলজ্জ আঁকুল আঁধি আর নাহি চাহিছে ধরার ;
 শুধু ঘন মেঘবর সীমাহীন অনন্ত গগন,
 সাক্ষ্য মল্লকারপাতে অন্তহীন অর্পণ বেঘন ।
 নাকে নাকে চপলার দীপ্তিময় আলোক চকল
 আঁধার গগন-বক্ষ ভুলিতেছে করিয়া উজ্জল ।
 নাকে নাকে শুনি বেন জলদের স্তনিত গভীর,
 নদীকূলে ঐতিধ্বনি উঠিতেছে হইয়া অধীর ।
 সে অন্ধ অধরতলে অন্ধকার বহুনার জল,
 কোন্ দূর সিদ্ধুপানে ছুটিয়াছে করি কল কল ;
 বিরহান্তে মিলনের স্তম্ভ সম বর্ষাবারিরাশি,
 প্রাবিয়া হৃদয় তা'র দুই কূলে উঠিছে উজ্জ্বল ।
 উঠিছে তরঙ্গরাশি বরষার চল সমীরণে ;
 শত ধৌত ভাঙ্গি' পড়ে বরষার বরষতাড়নে ।
 নবমুট কদম্বের মুহূর্ত্ত বাস করিয়া বহন
 বহিছে শীকর-সিক্ত বরষার তীব্র সমীরণ ।
 বিকচ কদম্বকুল ছড়াইছে সৌরভ বাতাসে,
 বরষার বনভূমি পূর্ণ তা'র সুরভিনিধাসে ।
 আঁধার বরষা-রাতি প্রাণিকুল স্তম্ভিমগন—
 শুধু আগে কৃষ্ণগৃহে রাধিকার তৃষিত নয়ন ।
 বিপ্রলক্সা একাকিনী কৃষ্ণগৃহে সজল নয়নে,
 জাগরণপ্রান্ত আঁধি কা'র আশে চাহে পথপানে ।
 বরষার বাহুবলে কাঁপি' উঠে বৃক্ষপত্রচয়,
 কা'র পদশব্দ ভাবি' কাঁপি' উঠে তৃষিত হৃদয় ।
 বারিপাতে বনভূমে জাগি' উঠে মুহূর্ত্ত বর বর,
 হৃদয় চমকি' উঠে ভাবি' কা'র বাণরীর ধর !
 কোলে মালা—শোভে তাহে সর্ব্ব কত কুহুমের শোভা,
 বিকশিত ফুল নীপ মধ্যতাপে শোভে মনোলোভা ।

বার্থ অভিসারসাজে বসি' একা শুধু গড়ে মনে
 বিশদ কদম্বমূলে পীতাম্বর মুরলীবদনে ;
 সম্মল জলদ-অঙ্গে সগপ্রভা নেহারি' চঞ্চল,
 মনে গড়ে শ্রাম-অঙ্গে পীতধড়া শোভে সমুজ্জল ;
 শুনি' বনে বৃক্ষগঞ্জে পবনের মৃদু মর মর,
 মনে গড়ে বাধবের মুরলীর মধুময় স্বর ;
 কদম্বসৌরভভরা পবনের মৃদু পরশনে
 মনে গড়ে কেশবের স্নেহভরা সাদর চুম্বনে ;
 হেরি' বাতবিকম্পিত দীপশিখা নিকুঞ্জ-ভবনে
 কক্ষের চঞ্চল প্রেম তাই আজ গড়ে শুধু মনে ।
 অমলকমলদল ত্বাভূর নয়নমুগল
 অক্ষপূর্ণ ; পদ্মপর্ণে শোভে যেন নিরমল জল ।
 বাধিত—ভ্রুত দৃষ্টি কুঞ্জদ্বারবন্ধ ছ'নয়নে,
 হৃদয়ের ভাব যেন প্রকাশিত নয়ন-দর্পণে ।
 প্রণয়কমলকলি ফুটিয়াছে হৃদয়-সরসে
 কা'র সে বাহিত পদে সাধ যায় সপিতে হরসে ।
 এমনি নিষ্ঠুর সে কি লবে না এ প্রেম উপহার ;
 এমনি পাষণ-হৃদি চাহিবে না কিরি' একবার ?
 বার্থ অভিসারসাজে কুঞ্জগৃহে বসি একাকিনী,
 এমনি কি বা'বে কাটি' বরষার বিরহ-যামিনী ?
 পরাণে স্নেহের আলো নিবে যায় নিরাশা আঁধারে ;
 পরাণে প্রেমের স্নেহ ডুবে যায় বিবাদ-পাথারে,
 পরাণের শত আশা মিশাইয়া যায় হতাশায়,
 জ্যোছনা-আলোক বধা মেঘময় বরষা-নিশায় ।
 হতাশায়—বেদনায়—আশঙ্কায় মলিন আনন,
 মধুর বসন্ত-অন্তে তপ্ত বায়ে কুসুম যেমন ।

দীর্ঘ অপেক্ষার পরে বেদনায় সক্রমণ করে
 কহিতে লাগিল দেবী ধীরে ধীরে 'অরি' পীতাম্বরে ;
 কমলনয়নমুগে অক্ষ বহি' অবিরল ধারে,
 সিকিল সলিল যেন অকস্মেৎ কুসুমের হারে :—
 "হে প্রভু, হে বনমালি, বহুকালমিলিনীদিনেশ,
 রাধায় নিদয় কেন আজি তুমি রাধার প্রাণেশ ?

গুণহীন অবলার গুণহীন হৃদি উপহার -
 নিম্নগুণে কৃপা করি' রেখেছ ও চরণে তোমার ;
 কৃতার্থ হয়েছি আমি লভি' ওই রাজীব-চরণ,
 আজি কেন কৃপাময় যোর প্রতি নিদ্রা এমন ?
 ধারণা-অতীত তুমি যোগিকুলসাধনহর্যভ,
 জ্ঞানের অতীত তুমি রাধিকার পরাণ-বল্লভ,
 কে আমি—তোমার পা'ব হৃদীকেশ কোন্ পুণ্যকলে,
 তোমার করুণা, হরি, তাই আমি ও চরণতলে ।

“তুমি কি দিয়াছ, শৌরি, স্থান যোরে তোমার চরণে
 ধনী যথা অর্প দেয় গৃহিতারে না হেরি' নয়নে ?
 প্রেমপূর্ণ হৃদি যোর দেখ নাই তুমি পীতাম্বর ;
 ও প্রেমপিপাসী হৃদি দেখ নাই তুমি, দামোদর ?
 কুল, যান, লজ্জা, ভয় ডুবছে যে প্রেম-পারাবারে
 তুমি কি দেখনি তাহা ? তবে তুমি দেখ নি আমারে ।
 সে প্রেম না নেহারিয়া, দিয়া যোরে পদতলে স্থান
 করিও না, হে মাধব, প্রণয়ের যোর অপমান ।
 প্রণয়ের অপমান সহিবে না হৃদয়ে রাখার,
 তা' চেয়ে বসিব বহি' হৃদিভরা ষাটনার তার ।

“তুমি সে সকলি জান অন্তর্যামী পুরুষপ্রধান
 তোমার প্রেমের লাগি' ব্যাকুল এ সেবিকার প্রাণ ।
 এস তুমি—তোমা তরে রচিছি এ হৃদয়-আসন,
 হৃদয়ে আসিয়া, প্রভো, কর যোর সার্থক জীবন ।
 শব্দ, চক্র, পদা, গুণ, চতুর্ভুজে শোভে বিমোহন ;
 ভক্তিজন্ম, ভক্তপ্রিয়, সৃষ্টিস্থিতিপ্রলয়কারণ ;
 খঞ্জনগঞ্জন দু'টি প্রেমপূর্ণ বক্সিস নয়ন ;
 অধরে মুরলীধোলা ভকতের নয়নরঞ্জন ;
 পীতবড়া পীতাম্বর প্রেমপূর্ণ কোমল হৃদয় ;
 বর গলদেশ বেড়ি' বনমালা শোভে শোভাময় ।
 ভকতবৎসল হরি, ভকতের হৃদয়রঞ্জন
 ভূষিত নয়ন যোর, আজি যোরে দাও দরশন ।
 হের আজি একবার, প্রাণমাধব, হৃদয় রাখার
 ধরমা-আকাশ সম আলোহীন—অনন্ত আধার ;

আজি যোর ছ'ময়নে করিতেছে নরন আসার
 বরষা বারিদে বধা করিতেছে বারি অনিবার ।
 এস প্রভু, দয়াময়, কর যোর সার্থক জীবন
 রাধিকার আঁধি-আলো রাধিকারে দাও দরশন ।
 হেরিয়া তোমার, হরি, দুটিবে এ বেদনা রাধার
 চন্দ্রোদয়ে দুচে বধা নিশীথের ঘন অন্ধকার ।

“না—না কাষ নাই, সখা, আর আর আসিয়া হেথায়
 ভিন্নিরগন বনে কত ব্যথা পা'বে পায় পায় !
 কষ্টক-আকীর্ণ পথে, কত হ'বে রাতুল চরণ
 বেদনাব্যথিত হ'লে স্নান হ'বে কমল-আনন ।
 তবে আজ থাক, সখা, র'ব আমি বেদনা সহিয়া
 কৃতার্থ হইবে রাধা যবে পা'বে চরণ পুজিয়া ।”

বুদ্ধ গয়া ।

(৩)

হিউয়েহ সাং বলিয়াছেন, অশোক বোধিজয়মটি ১০ ফিট উচ্চ পাৰাণ ব্রতি-
 বেষ্টিত করিয়াছিলেন । যে ইষ্টকনির্মিত ভিত্তির উপর এই ব্রতি অবস্থিত
 ছিল তাহার পরিমাণও হিউয়েহ সাং প্রদত্ত পরিমাণের অনুরূপ । এখনও
 বুদ্ধ গয়ায় প্রাচীন পাৰাণব্রতির অবশেষ আছে । পূর্বে এই ব্রতির কতকাংশ
 মন্দিরপ্রাঙ্গণে ও কতকাংশ মন্দিরপার্শ্বস্থ মোহান্তের গৃহ-প্রাঙ্গণে ছিল । লর্ড
 কার্জননের নির্দেশানুসারে, সার উইলিয়ম ডিউকের ও মন্দিররক্ষক পরলোক-
 গত ঐপোপাল বন্দু মহাশয়ের চেষ্টায় সকলগুলি সংগৃহীত ও মন্দিরপ্রাঙ্গণে
 সংস্থাপিত হইয়াছে । এইরূপ ব্রতি অত্র স্থানেও দৃষ্ট হয় । ব্রতির স্তম্ভগাত্রে,
 বোধিজয়, ত্রিরত্ন ও ধর্মচক্র, কল্পদ্রুম, বোধিজয়ভিক্ষুগামী মালাবাহী দেব-
 মূর্তি, লক্ষ্মী, জৈতবন, নৌকা, ভূমিকর্ষণ, প্রভৃতি চিত্র ক্ষোদিত । ছই একটি
 স্তম্ভে যে লিপি উৎকীর্ণ আছে তাহাও অশোকের রাজত্বকালে ব্যবহৃত লিপি ।

রাজেন্দ্রলাল ও কানিংহাম উভয়েই এই ব্রতি অশোকের দান বলিয়া
 নির্দেশ করিয়াছেন ।

ডাক্তার ব্লক বলেন, বর্তমানে বুদ্ধ গয়ায় অশোকের কোন কীর্তিচিহ্নই নাই। তিনি অশোককর্তৃক বোধিচক্রমণ্ডা অসম্ভব বলিয়া মনে করেন; এবং বলেন, বুদ্ধ গয়ায় বৃতি অশোকের শতবর্ষ পরবর্তী। তিনি বলেন, বৃতি-গাত্রে পঞ্চদশবার যে লিপি উৎকীর্ণ আছে তাহাতে দেখা যায়, এই সকল বৃতি মহিষসী মহিলা কুরঙ্গীর উপহার। দুইটি সমরূপ লিপিতে প্রকাশ ইনি ইন্দ্রাগ্নিমিত্রের পত্নী।* একটি বিভিন্নলিপিতে এই ইন্দ্রাগ্নিমিত্রের নামও পাওয়া যায়। আর এক স্থানে লিখিত, ইহা ব্রহ্মমিত্রপত্নীর দান। ব্লকের বিশ্বাস, উত্তর ভারতে বহু তান্ত্র মুদ্রায় যে ইন্দ্রাগ্নিমিত্রের ও ব্রহ্মমিত্রের নাম পাওয়া গিয়াছে—ইহারা সেই ইন্দ্রাগ্নিমিত্র ও ব্রহ্মমিত্র। এই বিশ্বাসে নির্ভর করিয়া তিনি বলিয়াছেন, বুদ্ধ গয়ায় বৃতি অশোকের শতবর্ষপরবর্তী।

এই সকল লিপিরই কানিংহাম দেখিয়াছিলেন। তিনিও এই সকল লিপি-সাহায্যে এই সিদ্ধান্তে উপনীত হইয়াছিলেন যে, বৃতি অশোকের উপহার। কুরঙ্গীর অর্থ কুরঙ্গ-নয়না। বৌদ্ধ সাহিত্যে কুরঙ্গী যুগজাতকও আছে। সারী-পুত্রের জননীর নয়ন সারীর নয়নের মত ছিল বলিয়া তাঁহার নাম সারিকা হইয়াছিল। কানিংহাম লিপির অক্ষরের আকারে নির্ভর করিয়া বলিয়াছিলেন, বৃতি অশোকের সময়ের। ডাক্তার ব্লক সে বিষয়ে কোন কথা বলেন নাই। বৃতির লিপিতে উল্লেখিত ব্রহ্মমিত্র ও ইন্দ্রাগ্নিমিত্রই যে মুদ্রাঙ্কিতনাম ব্রহ্মমিত্র ও ইন্দ্রাগ্নিমিত্র তাহাও তিনি প্রমাণ করিতে পারেন নাই। এ অবস্থায় পর্যাপ্ত প্রমাণে পূর্বপ্রবর্তিত মত খণ্ডিত না হইলে আমরা তাঁহার মত গ্রহণ করিতে পারি না। মিষ্টার মার্সাল ১৯০৮ খৃষ্টাব্দে রয়াল এশিয়াটিক সোসাইটির ‘জার্নালে’ প্রকাশিত একটি প্রবন্ধে ডাক্তার ব্লকের মতই গ্রহণ করিয়াছেন। কিন্তু তিনিও পূর্বমত পরিহারের কোন কারণ নির্দেশ করেন নাই। তিনি যে স্বয়ং এ বিষয়ে অনুসন্ধানও করেন নাই—ইন্দ্রাগ্নিমিত্রের স্থানে ইন্দ্রমিত্র লিখাতেই তাহা প্রতিপন্ন হইতেছে। ভিনসেন্ট স্মিথও এই মত গ্রহণ করিয়াছেন; কিন্তু কোন কারণদর্শন প্রয়োজন মনে করেন নাই!

হিউয়েস সাং বলিয়াছেন, বুদ্ধ গয়ায় অশোক একটি ক্ষুদ্র বিহার নির্মিত করাইয়াছিলেন (খৃঃ পূঃ ২৫৯—২৪১); তাহার পর মহাদেবের স্বপ্নাদেশে কোন ব্রাহ্মণকর্তৃক একটি বৃহৎ মন্দির নির্মিত হয়।

* কানিংহাম বলেন, ডাক্তার জীবীর কথা কুরঙ্গী।

সিংহাসনারোহণকালে অশোক বৌদ্ধ ধর্মাবলম্বী ছিলেন না; পরন্তু তাঁহার স্বাভাবিক নির্ভরতার পরিচায়ক বহু ঘটনার বিবরণ পাওয়া যায়। কথিত আছে, তাঁহার অভিপ্রায়বিরুদ্ধে কথা বলার অপরাধে তিনি স্বহস্তে পঞ্চশত মন্ত্রীকে শিরশ্ছেদ করিয়াছিলেন। একদিন পুরাজনারা তাঁহার শ্রীহীনতায় বিক্রম করিয়া উপবনস্থ অশোকভরুর পত্র ছিন্ন করিলে তিনি পঞ্চশত রমণীকে দণ্ড করাইয়াছিলেন। তাহার পর বৌদ্ধধর্মে দীক্ষিত হইয়া তিনি “অহিংসা পরমো ধর্ম” এই মতের প্রচারকার্যে অকাতরে চেষ্টা করিয়াছিলেন। তিনি উপশুপ্তের সহিত বুদ্ধের স্মৃতিপূত স্থানগুলিতে ভীর্ণযাত্রা করিয়াছিলেন। লুন্ডিনী উজ্জানে ১০০০০০ স্বর্ণমুদ্রা দান করিয়া ও স্তূপানিষ্ঠাণের ব্যবস্থা করিয়া তিনি কাপিলবাস্ত হইয়া বুদ্ধ গয়ার আগমন করেন এবং তথায় ১০০০০০ স্বর্ণমুদ্রা দান করেন ও চৈত্যানিষ্ঠাণের ব্যবস্থা করেন।

বর্তমান সময়ে এই মন্দিরের অস্তিত্ব বিলুপ্ত হইয়াছে। কিন্তু বরহভৈরব ভগ্নস্তূপে অশোকের এই মন্দিরের দুইটি প্রতিকৃতি ক্ষোদিত আছে; উভয়েরই পশ্চাতে বোধিদ্রুম দণ্ডায়মান। একটিতে লিখিত আছে—“ভবগতো শক মুনিমো বোধি”। চিত্রে দেখা যায়, এই মন্দিরের ছাত স্তম্ভোপরি অবস্থিত; মন্দিরের মধ্যস্থলে বজ্রাসন; বজ্রাসনের পশ্চাতে বোধিদ্রুমের কাণ্ড দৃষ্ট হইতেছে; দ্রুমের দুই পার্শ্বে অনুল্ল স্তম্ভোপরি ত্রিরঙ্গ ও ধর্মচক্র; বজ্রাসন-গৃহের দুই পার্শ্বে দুইটি কক্ষ। বর্তমান মন্দিরের সংস্কারকালে যখন হর্ষ্যাতল খনিত হয় তখন দেখা যায়, বর্তমান আসনের পশ্চাতে আর একখানি আসন বর্তমান। তাহার পশ্চাতে আর একখানি আসন দৃষ্ট হয়। এই আসন বর্তমান মন্দিরের মধ্যস্থলে অবস্থিত নহে—ইহা মন্দিরের উত্তর প্রাচীর হইতে ৩৯ ইঞ্চ ও দক্ষিণ প্রাচীর হইতে ২০ ইঞ্চ দূরবর্তী। কানিংহাম অনুসন্ধান করিয়া প্রাচীন মন্দিরের ভিত্তির অবশেষ পাইয়াছিলেন। তাহার সহিত বরহভৈরব ক্ষোদিত মন্দিরের সাদৃশ্যে সন্দেহ করিবার অবকাশ নাই।

বুদ্ধ গয়ার বর্তমান মন্দির কত দিনের তাহা লইয়া বিশেষজ্ঞদিগের মধ্যে বিশেষ মতান্তর লক্ষিত হয়। চীনদেশীয় পর্যটকগণ এই মন্দিরের উল্লেখ করিয়া গিয়াছেন। হিউয়েন্থ সাংএর বর্ণনাই বিদ্যুত।—তিনি মন্দিরের যে বর্ণনা ও পরিমাণ প্রদান করিয়াছেন তাহাতে মনে হয়, তিনি বর্তমান মন্দিরেরই উল্লেখ করিয়াছেন। তবে বলা বাহুল্য, এই দীর্ঘকালে মন্দির বহু বার সংস্কৃত হইয়াছে এবং সংস্কারে পরিবর্তনও যে না হইয়াছে এমন নহে।

কানিংহামের বিশ্বাস খৃষ্টীয় ৩০০ বা ৪০০ বৎসর হইতে খৃষ্টীয় দ্বাদশ শতাব্দী পর্যন্ত মন্দির বহুবার সংস্কৃত হইয়াছে। কিন্তু ফাণ্ড'সন যে বলিয়াছেন ব্রহ্ম-দেবীসংগ উহা পুনর্গঠিত করে, তাহা প্রামাণ্য নহে। লিপিতে দেখা যায়, তাহার মন্দিরের সংস্কারমাত্র করিয়াছিল।

ফাণ্ড'সন প্রথমে বলেন, বর্তমান মন্দির খৃষ্টীয় চতুর্দশ শতাব্দীতে নির্মিত।* পরে তিনি ঐ মন্দির কিঞ্চিৎ পরিবর্তন করিয়া বলেন, বহুবিধ পরিবর্তন সত্ত্বেও বর্তমান মন্দির খৃষ্টীয় ষষ্ঠ শতাব্দীতে নির্মিত নবতল মন্দিরের আদর্শ। বোধ হয় চীন প্রভৃতি দেশের নয় তল মন্দির ইহারই আদর্শে গঠিত। x ফাণ্ড'সনের কৃতিত্ব সন্দেহ নাই সত্য; কিন্তু রিচ ডেভিডস্ সত্যই বলিয়াছেন, সাহিত্য সন্দেহে অজ্ঞ হইয়াও ভারতীয় শিল্পাদিগের কীর্তির স্বরূপ নির্ণয়ে তাঁহার চেষ্টা অসাধাসাধনচেষ্টা। বাতীত আর কিছুই নহে। এ অবস্থায় তাঁহার পক্ষে দুই এক স্থানে ভ্রান্ত হওয়া অসম্ভব নহে। এ স্থলে তিনি যে প্রমাণে নির্ভর করিয়া মন্দিরটিকে ষষ্ঠ শতাব্দীর বলিয়াছিলেন, সে প্রমাণ বিশেষ বিচারের ফলে কানিংহাম কর্তৃক পরিত্যক্ত হইয়াছে। বিশ্বাসের বিষয় এই যে, সংপ্রতি মিষ্টার বার্জেস ফাণ্ড'সনের প্রসিদ্ধ পুস্তকের যে নূতন সংস্করণ প্রকাশিত করিয়াছেন তাহাতেও পূর্বমত পরিত্যক্ত হয় নাই।

যে প্রমাণের উপর নির্ভর করিয়া কানিংহাম এই মন্দিরটিকে ষষ্ঠ শতাব্দীর বলিয়াছিলেন, আমরা পূর্বে তাহার উল্লেখ করিয়াছি। বুদ্ধ গয়ায় প্রাপ্ত ২০৮ খৃষ্টাব্দের একখানি শিলালিপিতে উল্লেখিত আছে, এই মন্দির অমরদেব কর্তৃক নির্মিত হয়। এই অমরদেব বিক্রমাদিত্যের সভাস্থ নবরত্নের অন্ততম এবং বিখ্যাত 'অমর কোষ' অভিধান প্রণেতা। ইনি বরাহমিহির ও কালিদাসের সমসাময়িক; সুতরাং প্রায় খৃষ্টীয় ষষ্ঠ শতাব্দীর লোক। এই শিলালিপিতে প্রকাশ, অমরদেব বুদ্ধ কর্তৃক স্বপ্নাদিষ্ট হইয়া এই মন্দির নির্মাণ করান। এই গল্পের সহিত হিউয়েন সাং লিখিত গল্পের সাদৃশ্য সুস্পষ্ট। দুই বিবরণেই প্রকাশ, দেবাদেশে ব্রাহ্মণকর্তৃক মন্দির নির্মিত হয়। কেবল হিউয়েন সাং দেবতাকে মহাদেব বলিয়াছেন, আর শিলালিপিতে বুদ্ধেরই উল্লেখ আছে।

* J. A. S. B. Vol III.

x Indian and Eastern Architecture.

কিন্তু এ লিপির কথায় আর বিশ্বাস সংস্থাপনের উপায় নাই।

হিউয়েস সাং বুদ্ধ গয়ার মন্দিরের কথা বলিয়াছেন ;—“বোধি-ক্রমের পূর্বদিকে একটি বিহার বিদ্যমান। উহা ১৬০ হইতে ১৭০ ফিট উচ্চ ;—উহার তলদেশ ২০ পাদ (৫০ ফিট) হইবে। এই বিহার নীলাভ ইষ্টকে গঠিত এবং প্রলেপান্তৃত। ইহাতে স্তরে স্তরে কুলঙ্গী আছে। প্রতি কুলঙ্গীতে বুদ্ধের স্বর্ণরঞ্জিত মূর্তি সংস্থাপিত। চারি দিকে প্রাচীর সুন্দর স্থাপত্যকার্য্যে, মুক্তামাল্যে ও ঋষিদিগের মূর্তিতে শোভিত। চূড়ায় স্বর্ণ-রঞ্জিত তাম্রনির্মিত আমলক ফল। পরে ইহার পূর্বদিকে (বা সম্মুখে) একটি দ্বিতল মণ্ডপ গঠিত হইয়াছিল। মন্দির মুক্তারত্নখচিত, স্বর্ণ ও রৌপ্যের অলঙ্কারে শোভিত। বহির্দ্বারের দক্ষিণে ও বামে দুইটি বৃহৎ কুলঙ্গী—দক্ষিণে অবলোকিতেশ্বরের ও বামে মৈত্রেয়র মূর্তি। মূর্তিঘর রোপ্যনির্মিত ও প্রায় ১০ ফিট উচ্চ।”

এই বর্ণনার সহিত বর্তমান মন্দিরের বর্ণনার সাদৃশ্য এমনই সুস্পষ্ট যে, হিউয়েস সাং যে বর্তমান মন্দিরই দেখিয়াছিলেন তাহাতে সন্দেহ নাই। এই সাদৃশ্যের বিশেষ বিবরণ নিয়ে বিবৃত হইল :—

(১) বর্তমান মন্দিরের আকার হিউয়েস সাং বর্ণিত মন্দিরের আকারের সমান। ইহারও ভিত্তি ৪৮ ফিট, উচ্চতা ১৬০ হইতে ১৭০ ফিট। ১৮৬১ খৃষ্টাব্দে ভগ্ন অবস্থায় ইহা ১৬০ ফিট উচ্চ ছিল ; এক্ষণে, সংস্কারের পর, ১৭০ ফিটের কিছু অধিক হইয়াছে।

(২) বর্তমান মন্দির নীলাভ ইষ্টকনির্মিত ও প্রলেপান্তৃত।


(৩) বর্তমান মন্দিরের চারি দিকে স্তরে স্তরে কুলঙ্গী আছে। পূর্বে এট সকল কুলঙ্গীতে বৌদ্ধমূর্তি ছিল। কানিংহাম বধন প্রথম মন্দির দেখিয়াছিলেন তখন তিনটি মাত্র মূর্তি ছিল।

(৪) পূর্বদিকে প্রবেশ-মণ্ডপ যে পরে নির্মিত তাহাতে আর সন্দেহ নাই। ইহার ইষ্টকের সংস্থাপনরীতি মন্দিরের ইষ্টকের সংস্থাপনরীতি হইতে স্বতন্ত্র।

পরবর্তীকালে গঠিত পোস্তগুলিতে মন্দিরের প্রাচীর আবৃত হইয়াছিল। সেগুলি অগস্ত হইলে হিউয়েস সাং বর্ণিত মন্দিরের সহিত বর্তমান মন্দিরের সাদৃশ্য সপ্রকাশ হইয়া পড়ে।

হিউয়েস সাং আরও বলিয়াছেন, নালন্দার বাগাদিত্য মন্দির বুদ্ধ গয়ার

আর্য্যাবর্ত ।



বুদ্ধ গয়ায় অশোকের মন্দির ।

মন্দিরের অমুরূপ ছিল। পূর্বোক্ত মন্দিরের নিম্নাংশ (প্রায় এক-তৃতীয়াংশ) এখনও বিদ্যমান, সুতরাং দুই মন্দিরে তুলনার সুবিধা আছে। বাস্তবিক. দুই মন্দিরের গঠনরীতিগত সাদৃশ্য বুঝিতে বিলম্ব হয় না। হিউয়েন্থ সাংএর ভ্রমণ বৃত্তান্তে দেখা যায়,—নালন্দার মন্দিরের উচ্চতা ৩০০ ফিট; কিন্তু তাহার জীবনীতে লিখিত আছে, উহার উচ্চতা ২০০ ফিট। নালন্দার মন্দিরের তলদেশ ৬৩ ফিট ও বুদ্ধ গয়ার মন্দিরের তলদেশ ৪৮ ফিট। উভয় মন্দিরের গঠনরীতি এক প্রকারের হইলে বুদ্ধ গয়ার মন্দির যখন ১৬০ বা ১৭০ ফিট উচ্চ, তখন নালন্দার মন্দির ২০০ ফিট উচ্চ হওয়াই সম্ভব।

এই সকল কারণে মনে হয়, ৬৩৭ খৃষ্টাব্দে হিউয়েন্থ সাং যে মন্দির দেখিয়াছিলেন, বুদ্ধ গয়ায় অद्याপি সেই মন্দিরই বিদ্যমান এবং ব্রিটিশ গভর্নমেন্ট প্রায় ২০০০০০ টা টাকা ব্যয় করিয়া তাহারই সংস্কার করাইয়াছেন।

কিন্তু এই মন্দির যে খৃষ্টীয় ষষ্ঠ শতাব্দীর পূর্বে গঠিত তাহার প্রমাণ কি? মন্দির যদি সত্য সত্যই অমরদেব কর্তৃক নিৰ্ম্মিত হইত তবে হিউয়েন্থ সাংএর আগমনকালে তাহা পুরাতন বলিয়া পরিগণিত হইত না এবং তাহার নিৰ্ম্মাতার নামও হয়ত উল্লিখিত হইত। হিউয়েন্থ সাংএর বর্ণনায় মনে হয়, মন্দির তখনও বহুদিনের।

মন্দিরের সংস্কারকালে কানিংহাম একটি মৃৎপিণ্ড পাইয়াছিলেন। সেই পিণ্ডমধ্যে যে সকল দ্রব্য দৃষ্ট হয় তন্মধ্যে রৌপ্যমুদ্রাগুলি খৃষ্টীয় দ্বিতীয় বা তৃতীয় শতাব্দীর এবং সুবর্ণে হুবিস্কের মুদ্রার ছাপ খৃষ্টীয় ১২০ হইতে ১৬০ বৎসরের মধ্যবর্তী কালের পরিচয় প্রদান করিতেছে। এই সময়েই মন্দির নিৰ্ম্মিত হয়। ইহার আরও একটি প্রমাণ পাওয়া গিয়াছে। মন্দিরের ব্রতীর দক্ষিণ দ্বারের নিকটস্থ একটি ভগ্ন মন্দিরে একটি বুদ্ধমূর্তির বেদী পাওয়া গিয়াছে। বেদীতে যে লিপি আছে তাহার অক্ষর ও ভাস্কর্য্যকর্ম গুপ্ত-কালীন। ইহা ৬৪ সম্বতের। সুতরাং ইহা যে খৃষ্টীয় দ্বিতীয় শতাব্দীর তাহাতে আর সন্দেহ নাই। কানিংহামের গণনায় এই বৎসর খৃষ্টীয় ১৫২। এই সময় হুবিস্ক রাজ্যাশাসন করিতেছিলেন। কানিংহাম সিদ্ধান্ত করিয়াছেন, এই সময় হুবিস্কের অর্থগাহায্যে বুদ্ধ গয়ার বৃহৎ মন্দির নিৰ্ম্মিত হয়।

ইহার পর মন্দির বহুবার সংস্কৃত হইয়াছে বটে, কিন্তু এখনও বুদ্ধ

গয়ায় খৃষ্টীয় দ্বিতীয় শতাব্দীতে নির্মিত মন্দিরই দণ্ডায়মান। সমস্ত ভারতে এরূপ প্রাচীন মন্দির আর নাই।

বুদ্ধ গয়ায় কেবল স্থাপত্যনিদর্শন নহে, পরন্তু ভাস্করকার্য্যও বিশেষ উল্লেখযোগ্য। ব্রুতিগাত্রে ও মন্দিরগাত্রে ভাস্করকার্য্যের কথা পূর্বেই বলিয়াছি। বাস্তবিক বুদ্ধ গয়ায় বিরাট মন্দির বিবিধ ভাস্করকার্য্যে পূর্ণ। এই সকল ভাস্করকার্য্যে শিল্পনৈপুণ্যের বিশেষ পরিচয় পাওয়া যায়। একটি ভাস্করকার্য্য লইয়া অভিজ্ঞদিগের মধ্যে মতভেদ পরিলক্ষিত হইয়াছে। চারিটি অশ্বসংযুক্ত রথে আসীন মূর্তি—সঙ্গে দুইজন ধনুধারী। কাহিনহাম বলেন, ইহা সূর্য্যমূর্তি। হিন্দুমতে সূর্য্যের রথ সপ্তাশ্বসংযুক্ত। বেদেও ইহাই দেখা যায়; আর সর্বত্র শিল্পনিদর্শনে সপ্তাশ্বরথই দেখা যায়। ততএব এই মূর্তি গ্রীকপ্রভাবের পরিচায়ক। রাজেন্দ্রলাল প্রমাণ করিয়াছেন, এ মূর্তি সূর্য্যের নহে। বিশ্বয়ের বিষয়, সংপ্রতি মিষ্টার মার্শালও কোনরূপ যুক্তি না দেখাইয়া কানিংহামের মতেরই পুনরুক্তি করিয়াছেন।

কানিংহাম যথার্থই বলিয়াছেন, ভারতীয় শিল্পে বুদ্ধ গয়ায় মন্দিরের তুলনা নাই। এই মন্দিরে ভারতীয় স্থাপত্যের ও ভাস্কর্য্যের সর্বাপেক্ষা প্রাচীন নিদর্শন পাওয়া যায়। বরহতের ভাস্করকীর্ত্তি স্তূপদিগের সময়ের; কিন্তু বুদ্ধ গয়ায় মন্দিরে অশোকের সময়ের শিল্প-নিদর্শন প্রাপ্ত হওয়া যায়।

কানিংহাম দেখাইয়াছেন, জরাসন্ধের বৈঠকে বুদ্ধের সমসাময়িক প্রস্তর স্থাপত্যের নিদর্শন বর্তমান। আর এত দিনও যে উহা বিদ্যমান আছে তাহাতেই পুরাতন ভারতীয় শিল্পীর শিল্পনৈপুণ্য সপ্রকাশ। রিড ডেভিড্‌স্‌ বলিয়াছেন, গিরিব্রজে খৃষ্টপূর্ব্ব ষষ্ঠ শতাব্দীতে নির্মিত দুর্গ-প্রাচীরের অবশেষ দেখা যায়। কিন্তু বুদ্ধ গয়ায় মন্দিরের সহিত এ সকলের তুলনা হয় না। উভয় স্থানেই প্রস্তরগুলি সুপরিষ্কৃত নহে। আর বুদ্ধ গয়ায় মন্দিরে যে শিল্পনৈপুণ্য একটিত হইয়াছে তাহা আজও জগতের সর্বস্থানের শিল্পমালোচকের বিশ্বয় উৎপাদিত করিতেছে।

আমাদিগের দৃঢ় বিশ্বাস, ভবিষ্যতে ভারতীয় প্রত্নতত্ত্ববিদগণের অহু-সন্ধানের ফলে এই মন্দিরে প্রাপ্ত উপাদান হইতে ভারতীয় শিল্পের বহু সমস্তার সমাধান হইবে।

উপাসনা।

“নায়মাত্মা বলহীনেন লভ্য”—ইহা উপাসনারাজ্যের এ একটি গূঢ় কথা। যাহার মন দুর্বল ঈশ্বর তাহার লভ্য নহেন। উন্নত হইতে হইলে আপনাকে একটা উচ্চ আদর্শের নিকটে লইতে হয়। ঈশ্বর সর্বোচ্চ আদর্শ। প্রথমতঃ আমরা জগৎ-সম্বন্ধে হই একটি কথা বলিব। এই যে বিটপী-সমাচ্ছন্ন শ্রামল উদ্ভান, নক্ষত্রখচিত নীলাশ্বর, তরুণতাড়িত তটিনী, উন্নতকায় গির্জাশ্রেণী, এগুলি দর্শন করিয়া সকলেরই মনে একটু ভাবের আবেশ হয়। এইগুলি কি, কোথা হইতে আসিয়াছে, কোথায় যাইতেছে সকলেই সেই চিন্তা করিয়া থাকে। সকলের চিন্তা একই ভাবে নিয়ন্ত্রিত না হইলেও একটি ভাব প্রত্যেক উপাসকের সাধারণ সম্পত্তি; তাহা দর্শকের বিশ্বাস। এই বিশ্বাসের কারণ চিন্তা করিয়া আমরা ইহাই পাই, প্রকৃতিরাজ্যে কতকগুলি দূরবিগম্য বিষয় আছে। যাহারা উহা তত্ত্বতঃ দেখিবার সামর্থ্য লাভ করেন, উহাদের নিকট প্রকৃতির আবরণ উন্মুক্ত হইয়া যায়,—এই রহস্যময়ী প্রকৃতিকে তত্ত্বতঃ দেখিয়া বিশ্বাসস্থিত হওয়ার নামই উপাসনা।

সুনীল অশ্বরে যখন নক্ষত্ররাজি ফুটিয়া জ্বলিতে থাকে, চন্দের অমল ধবল কিরণ পৃথিবীর গাত্রে পড়িয়া হাসিতে থাকে, তখন উহাদের দিকে চাহিয়া কি আমরা বিশ্বিত হই না? প্রথম বিশ্বাসের কারণ, চন্দের প্রভাময়ী শক্তি, দ্বিতীয় বিশ্বাসের কারণ অষ্টার শিল্পচাতুর্য্য। চন্দ্র যদি আমার অপেক্ষা সুন্দর, বৃহৎ, দীপ্তিশালী না হইত, তাহা হইলে কি সে আমার এত বিশ্বাসের কারণ হইত?—কখনই নহে। আমার অপেক্ষা শ্রেষ্ঠ বলিয়াই সে আমার বিশ্বাসের পাত্র। যখন এই বিশ্বাস স্থিরতর হইয়া উঠে, তখন চন্দ্র আমার উপাস্ত। এইরূপে জগতের যাবতীয় সুন্দর, বৃহৎ, পদার্থ কোন না কোন সময় মনুষ্যের বিশ্বাস উৎপাদন করিয়াছে, মনুষ্যমণ্ডলীও উহাদের উপাসনা করিয়াছে। এই জগতই বোধ হয়, চন্দ্র, সূর্য্য, বশুন্ধর, পর্বত, সাগর প্রভৃতি বিরাট পদার্থগুলি কোন এক সময় ভারতের লোকের উপাস্ত ছিল—এখনও আছে, কিন্তু পূর্ববৎ নহে।

মনুষ্যের সঙ্গে উহারা সমধর্ম্মী নহে বলিয়া মানুষ চিরকাল উহাদের উপাসনায় পরিভূক্ত থাকিতে পারে না। উপাস্তের বিরাট ভাব শুদ্ধিত

করে বলিয়াই উপাসক উপাসনা দ্বারা তাঁহার জ্ঞান বিরাট হইবার কল্পনা করে ।

প্রত্যেক পদার্থেরই দুইটি দিক আছে, একটি ভিতর, অপরটি বাহির । যে এই দুইটি দিকের প্রতি দৃষ্টি করিতে পারে, সে-ই প্রকৃত দর্শক । উপাসক উপাস্ত্রের এই দুইটি দিক দর্শন না করিয়া কিছুতেই পরিতৃপ্ত থাকিতে পারেন না । কেবল পরিতৃপ্ত নহে, উপাস্ত্রের নিকট হইতে উপাসক মনোরাজ্যের উন্নতির জন্য যে উপদেশ চাহেন, তাহা উপাস্ত্রের কেবল বহির্ভাগ দর্শনে লাভ করিতে পারেন না । উপাস্ত্রের সঙ্গে উপাসকের হৃদয়ের বিনিময় থাকা প্রয়োজন । যে উপাসনায় তাহা হয় না, সে উপাসনা অসম্পূর্ণ । এই জন্য জড়ের উপাসনা অসম্পূর্ণ । হিনালয়ের জ্ঞান দৃঢ়, চন্দের জ্ঞান সুন্দর, সাগরের জ্ঞান শক্তিশালী অথচ ভাব-রাজ্যের যে সর্বস্বাধীন—রাজরাজ্যের যাহার সঙ্গে আমার মনের বিনিময় চলে, এমন যদি কেহ থাকেন, তিনি আমার উপাস্ত্র ।

মহুয়া যতই ইন্দ্রিয়-রাজ্য অতিক্রম করিয়া জ্ঞান-রাজ্যে বিচরণ করিবে, ততই উপাস্ত্রের দৈহিক সৌন্দর্য্যের পিপাসা নিবৃত্ত হইয়া উহার ভাবের পিপাসা প্রবল হইবে, এবং ততই সে জড়ের উপাসনা পরিত্যাগ করিয়া একধর্ম্মী শ্রেষ্ঠ পুরুষের উপাসনার আকিঞ্চন করিবে । মহুয়াই যদি মহুয়ের প্রকৃত উপাসক হয়, তবে কোন্ প্রকার মহুয়ের উপাসনা করিলে আমাদের মহুয়াজীবন সার্থক হইতে পারে ? মহুয়ের ভিতর যাহারা মুক্ত পুরুষ তাহারাই আদর্শ ।

ব্রহ্মপ্রাপ্তির দুইটি পথ; একটিকে দেবযান ও অরপটিকে ধুমযান কহে । যাহারা দেবযান ধরিয়া ব্রহ্মলোক প্রাপ্ত হইলেন, তাহারা আর পুনরাবর্তন করেন না, আর যাহারা ধুমযান অতিক্রম করিয়া ব্রহ্মলোকে গমন করেন, তাহাদের পুনরাবর্তি হয় । কর্ম্মের তারতম্যানুসারে উপাসকের জন্য এই দুইটি পথ স্থিরীকৃত রহিয়াছে । ব্রহ্মচর্য্য, শ্রদ্ধা ও জ্ঞানার্বেণ করিয়া উপাসক দেবযান প্রাপ্ত হইলেন, আর ইষ্টোপ্ত কাৰ্য্যাদি-দ্বারা উপাসক ধুমযান প্রাপ্ত হইলেন । এই দেবযান ও ধুমযানের কথা গীতা ও প্রলোপনিষদে পাওয়া যায়, বেদান্তেও ইহাদের উল্লেখ আছে ।

যখন কোন উপাসকই ব্রহ্ম প্রাপ্তির পর পুনরাবর্তন করিতে চাহেন

না, তখন ব্রহ্মের সঙ্গে সাম্যতা লাভ করিয়া চিরকাল যাহাতে সেই ভাবে অবস্থান করিতে পারেন, তজ্জন্ত ইষ্টাপূর্ত্ত কার্যাদি পরিত্যাগ করিয়া ব্রহ্মচর্য্য, শ্রদ্ধা ও জ্ঞান অন্বেষণ করা সকল উপাসকের কর্তব্য।

শাস্ত্রে ঈশ্বর-জ্ঞান লাভের অনেক পন্থা আছে। তন্মধ্যে জ্ঞান, ভক্তি ও কর্ম্মযোগ প্রশস্ত। ঈশ্বর জ্ঞানময় সূতরাং তাঁহার গুণগুলির আলোচনা করিতে হইলে সাধককে জ্ঞানার্জন করিতেই হইবে। এই জ্ঞান দ্বিবিধ— পরা ও অপরা। পরাবিজ্ঞা ব্রহ্মজ্ঞান, অপরাবিজ্ঞা কল্প ব্যাকরণ নিরুক্ত ছন্দঃ ও জ্যোতিষ। ঐশ্বরিক জ্ঞান লাভে এই দুইটি বিজ্ঞাই সাহায্য করে। তাঁহার স্বরূপত্ব ঐ দুই বিজ্ঞার সাহায্যে ধারণা করিতে পারিলে তৎপ্রতি সাধকের ভক্তি জন্মিয়া থাকে। এই ভক্তি যে সময় উৎকলিত হইয়া উঠে, ভক্ত তখন উপাস্তকে পরিতৃপ্ত করিবার জন্ত কর্ম্মযোগ অবলম্বন করিয়া থাকেন, জ্ঞানের সঙ্গে ভক্তি ও কর্ম্মের এত নৈকট্য সম্বন্ধ আছে যে, জ্ঞান হারাইলে ভক্তি স্থায়ী হয় না, ভক্তি হারাইলে কাহার তৃপ্তির জন্ত কর্ম্ম করিবে? এই জন্ত উপাসনাপথে জ্ঞান সর্ব্বদাই কার্যোপযোগী। উহার নূতনতায় সাধনের অন্তরায় হয়।

জ্ঞানের ফলে যখন ভক্তির উদ্রেক হয়, তখন ভক্তি অচলা রাখিবার জন্ত সাধকের সর্ব্বদা উন্নত হইবার প্রবল বাসনা থাকা চাহি। যে সর্ব্বদা মীচ থাকিতে চাহে, সে কদাপি উন্নত আদর্শের ধারণা করিতে পারে না।

* উপাস্ত সাকার হইলে তিনটি বিভাগের প্রতি সাধকের দৃষ্টি রাখিলেই চলে। যথা শারীরিক, মানসিক, ও আধ্যাত্মিক। উপাস্ত বলবান হইলে দুর্ব্বল তাহার উপাসনায় আনন্দ পায় না। তদ্রূপ উপাস্ত সংযমী হইলে অসংযমী তাহার উপাসনায় ক্ষুণ্ণ পায় না। কেবল ইহাই নহে, উপাস্ত যদি সহস্র প্রলোভনজন্যী বীর হয়েন, তাহা হইলে সেই সংযমী পুরুষ তাঁহার বীরত্বে—আনন্দিত হইতে পারেন যে, অন্ততঃ একটি প্রলোভন জয় করিয়া বীরত্বের পরিচয় দিতে পরিয়াছেন। স্থূল কথা, উপাস্তকে কেবল বুদ্ধিবৃত্তির সাহায্যে হৃদয়ঙ্গম করা যায় না। তাঁহাকে হৃদয়ঙ্গম করিতে হইলে যে সব বিষয়ে তিনি অনন্তসাধারণ সেই সব বিষয়ে উৎকর্ষতা লাভ করা চাহি। অনেকে বলেন, উপাসনার সময় উপাস্তের নিকট প্রার্থনা করিলে উপাসক ভগবৎ কৃপা লাভ করিতে পারেন। প্রতিদিন উপাসনার সময় পূর্ব্বের প্রার্থনাগুলি স্মরণ করিয়া

উন্নতির ও অবনতির পরিমাণ করিয়া লওয়া উচিত। প্রার্থনার সঙ্গে সঙ্গে উপাসক যদি তদনুযায়ী সং হইতে আন্তরিক চেষ্টা না করেন, ভগবান তাহা হইলে সে প্রার্থনা শ্রবণ করেন না। দুর্বলতা দূর করিবার জন্ত প্রার্থনা আন্তরিক ও ক্রমোন্নতিবিধায়ক হওয়া চাহি। উপাসনার এগুলি অঙ্গ হইলেও পূর্ণাঙ্গ নহে। এইরূপ উপাসনার নিয়ম অবলম্বনে উপাস্ত্রের প্রতি ভক্তির উদ্রেক হয়, নিজের উন্নতি হয়, কিন্তু উপাস্ত্র সাক্ষাৎ হয়েন না। উপাস্ত্রকে সাক্ষাৎ করিতে হইলে ধ্যানযোগ অবলম্বন করিতে হয়। এই যোগসাধন ভিন্ন কেহই চৈতন্য রাজ্যে প্রবেশের অধিকারী হয়েন না। কিরূপে ধ্যান করিতে হয় তাৎ সম্বন্ধে কঠোপনিষদ বলিতেছেন, যচ্ছেদ্বাঙ্ মনসি প্রোক্তন্তদ্ যচ্ছেদ্বজ্ঞান জ্ঞান আত্মনি জ্ঞানমাত্মনি মহতি নিষচ্ছেত্তদ যচ্ছেচ্ছান্ত আত্মনি ॥ প্রোক্ত ব্যক্তি বাক্যকে মনে সংযত করিবেন, মনকে জ্ঞানরূপী আত্মাতে অর্থাৎ বুদ্ধিতে সংযত করিবেন, বুদ্ধিকে মহান আত্মাতে অর্থাৎ জীবাাত্মাতে সংযত করিবেন, এবং ইহাকে শাস্ত্র অর্থাৎ সর্ববিকারশূন্য পরমাত্মাতে সংযত করিবেন।

এইরূপে যখন মন বিষয় হইতে প্রত্যাহত হইয়া উপাস্ত্রের প্রতি নিবিষ্ট হয়, তখনই ধ্যানের অবস্থা। এই ধ্যান তৈলধারার জ্বালা উপাস্ত্র ও উপাসকের মধ্যে প্রবাহমান থাকে চাহি। এই অবস্থা দুই এক দিনের সাধনায় হয় না, ক্রমশঃ এই অবস্থায় পৌঁছিবার জন্ত সাধনা করিতে হয়। এই অবস্থায় উন্নীত হইলে চতুর্বেদ, ছন্দ, নিরুক্ত, জ্যোতিষ প্রভৃতি গহন বিষয়গুলিও অবোধ থাকে না। এই জন্ত ধ্যান অপরা ও পরাবিচার মূল। একমাত্র যোগী ইহার সাহায্যে ভূত, ভবিষ্যৎ ও বর্তমান এই ত্রিকালজ হইতে পারেন। বিষয় হইতে মনকে ভগবৎ রাজ্যে লইবার জন্ত ঋষিরা বলিয়াছেন, আত্মাকে রথী, শরীরকে রথ, বুদ্ধিকে সারথী এবং মনকে লাগাম বলিয়া জ্ঞান। কিরূপ স্থানে বসিয়া কিরূপ ভাবে ধ্যান করিতে হইবে, উহাও শাস্ত্র নির্দেশ করিয়া দিয়াছেন।

গীতায় এই যোগের স্থান উচ্চতম। যোগের চরম উপদেশ এই—

আত্মাতে মন অর্পিত কর, আমাকে যাজন কর, আমাকে ভজনা কর, আমাকে প্রণাম কর, আমাকেই সার কর, এইরূপ যোগ করিলে আমাতে মিলিত হইবে। যোগের ইহা সার উপদেশ, উপাসনারও ইহা চূড়ান্ত কথা।

শ্রীসুরেন্দ্রনাথ রায় চৌধুরী।

জীবন-বৈচিত্র্য।

প্রেম।

(২)

প্রেম হৃদয় দিয়া দেবে বলিয়া রূপের অপেক্ষা কোমল হৃদয়ের অধিক পক্ষপাতী। সে কুলমর্যাদার পরিবর্তে প্রীতি-প্রবণ অন্তঃকরণ অন্বেষণ করে এবং স্বার্থের এরূপ অন্তঃকরণ দেখিতে না পায় তথায় রূপের হাটবাজার বসিলেও সে তাহার দিকে ফিরিয়াও চাহে না। ডেম্‌ডিমোনা বলিয়াছিলেন, “আমি ওথেলোর মুখশ্রী তাঁহার মানস-পটে দেখিয়াছিলাম।” একজন প্রেমিক কবি বলেন, “যে চক্ষু আমার প্রতি প্রেম-দৃষ্টি নিক্ষেপ না করে আমি তাহাতে কোনও জ্যোতি দেখিতে পাই না।” এ কথা প্রেমিকমাত্রেই অনায়াসে বুঝিতে পারিবেন। প্রেমিক নিজ প্রণয়িনীর নয়নে যে হৃদয়হারী প্রেমালোক দেখিতে পায়েন তাহা অথ কোনও সুন্দরীর চক্ষুতে দেখিতে পায়েন না বলিয়া তাহাদের রূপ তাঁহার নজরে লাগে না। এইজন্য নারী মাত্রেই তাহার প্রণয়ীর নয়নে স্বর্গের দেবী এবং অপরের নিকট নারী ব্যতীত আর কিছুই নহে। লোক বলে যে, বিবাহকালে বর ও বধুর দেহে হর গৌরীর আবির্ভাব হয়; এ কথা নিতান্ত অসঙ্গত নহে।

প্রেম হৃদয় দিয়া শুধু দেবে না, শুনেও হৃদয় দিয়া; এই জন্য প্রেমের শ্রবণ-শক্তি নিরতিশয় তীক্ষ্ণ। তোমার জীবিতেশ্বরী যতই মৃদুপাদবিক্ষেপে তোমার শরনকক্ষে প্রবেশ করুন না কেন, তোমার হৃদয় তাঁহার সেই নিঃশব্দকল্প পদসঙ্কার গুণিতে পায়। তিনিও সংসারের যে কোনও কার্য্যে ব্যাপ্তা থাকুন না কেন, তাঁহার হৃদয় সর্বদা তোমার যানের শব্দ গুণিতে পায় এবং তখন তিনি তোমার দর্শনোন্মুখী হইয়া বাতায়নের দিকে উর্দ্ধ্বাঙ্গে ছুটিয়া যানেন। একজন তরুণবয়স্ক সাহিত্য-সেবক অর্থাভাব বশতঃ তাঁহার স্বল্পায়তন শরনকক্ষেই সাহিত্য-সেবা করিতেন। তাঁহার তরুণী সহধর্ম্মিনীকে সাংসারিক ন্যায্যব্যাপদেশে ঐ গৃহে দণ্ডে দণ্ডে বাতায়ত করিতে হইত; পাছে অতিরিক্ত মানসিক পরিশ্রমে স্বামীর স্বাস্থ্যনাশ হয় এই উৎকর্ষাৎ যে তাঁহার আনাগোনার একটি মুখ্য কারণ ছিল না তাহা বলিতে পারি না। সে যাহা হউক, পাছে স্বামীর লেখাপড়ার ব্যাঘাত ঘটে এই ভয়ে তিনি

প্রবেশনিষ্ক্রমণক্রিয়া রুদ্ধস্থানে ও নিঃশব্দপদসংস্কারে সম্পন্ন করিতেন। কিন্তু তাঁহার আবির্ভাব তাঁহার কর্মগতচিত্ত স্বামীর হৃদয়ের অগোচর থাকিত না। তিনি স্বতঃপূর্ণ ঐ গৃহে উপস্থিত থাকিতেন ততক্ষণ তাঁহার স্বামীর লেখনী কি এক অজ্ঞাত শক্তির প্রভাবে বিদ্যাবেগে চলিত এবং নব নব ভাব লিপিবদ্ধ করিত। জগতের সাহিত্য প্রেমের এইরূপ অতর্কিত সাহায্য কত বাড়িয়া যায় কে তাহার ইয়ত্তা করিতে পারে? দুইটি প্রেমিক হৃদয় পরস্পরকে একটি মাত্র বিলোল কটাক্ষ বা মুহূর্ত্তের তারযোগে কি সুস্পষ্ট সংবাদ প্রেরণ করে! যিনি এরূপ সংবাদ কখনও পাইয়াছেন তাঁহাকে এ সম্বন্ধে আর কিছু বলা নিম্প্রয়োজন।

আমি যাহাকে হৃদয়ের সৌন্দর্য্য বলিয়া পূর্বে অভিহিত করিয়াছি তাহারই চলিত নাম গুণ। প্রেমবিহীন রূপের ফাঁদে ধরা পড়িলেও কেবল গুণের পিঞ্জরে জন্মের মত বন্দী হয়। জোয়ারের জলের স্রাব রূপ ও যৌবন দেখিতে দেখিতে হ্রাস প্রাপ্ত হয়। কিন্তু রূপ যতই কালক্রমে লয় প্রাপ্ত হয়, গুণ ততই আরও বদ্ধমূল হয়। কাল নারীর দেহ হইতে যে সৌন্দর্য্য অপহরণ করে তাহা তাঁহার হৃদয়পুটে অকাতরে ঢালিয়া দেয়। বিবাহের দিন স্মরণ করিলে কাহার না আনন্দ হয়? আহা সেই ত্রিভাবনতমুখী বালিকাটির সুখ দুঃখ যখন জন্মের মত আমার হস্তে গুস্ত হইল, তখন শুভ-দৃষ্টির সঙ্গে সঙ্গে কি এক বর্ণনাভীত মমতার উদয় হইল! কিন্তু তখন তাহার গুণের কোনও পবিচয় পাই নাই। বহুদিন একত্র সহবাস না করিলে সে পরিচয় কখনই লাভ করা যায় না। এই জন্ত নবোঢ়া যতই আদরের হউক না কেন, সে সম্যক পরিচিতা পত্নীর স্রাব কখনই স্বামীর হৃদয়ের হৃদয় ও প্রাণের প্রাণ হয় না।

এ দেশের বিবাহপ্রথা পাশ্চাত্য পরিণয়প্রথা হইতে সম্পূর্ণরূপে বিভিন্ন। আমরা যেমন বিনানির্কীচনে পিতা, মাতা, সোদর, সোদরা, পুত্র, কন্যা প্রভৃতি ঘনিষ্ঠ অন্তরঙ্গ লাভ করি এবং প্রকৃতির অনতিক্রম্য বিধানে তাঁহা-দিগকে ভালবাসিতে শিখি, সেইরূপ বিনা নির্কীচনে স্ত্রীলাভ করি ও অল্প বয়স হইতেই তাহাকে ভালবাসিতে শিখি। স্ত্রী-নির্কীচনে আমাদের নিজের হাত থাকে না বটে; কিন্তু আমাদের কোনও বিশেষ হিতৈষী গুরুজন প্রায় ঐ ভার গ্রহণ করেন। আমি সমাজ-সংস্কারকের উচ্চ আসন গ্রহণেচ্ছ নহি এবং আমাদের বর্ত্তমান বিবাহপ্রথার দোষ গুণ বিচার এই প্রবন্ধের

উদ্দেশ্য নহে। তবে প্রসঙ্গক্রমে আমি এই দুইটি কথা বলিতে ইচ্ছা করি যে, যদিও আমরা স্বয়ং প্রথার কবিতা বঞ্চিত; আমার দৃঢ় বিশ্বাস যে, আমাদের বিবাহিত জীবনের সুখ মোটের মাধ্যম পাশ্চাত্য পরিণীত জীবনের সুখাপেক্ষা কোন অংশে ন্যূন নহে। এবং বাণ্যবিবাহ যতই দোষাবহ হউক না কেন, উহার দ্বারা দুইটি চিন্তের একীকরণ যত সহজে ও সুচারুরূপে সম্পন্ন হয় এমন আর কিছুতেই নহে। নদী যেমন সমুদ্রে পড়িলেই সমুদ্রের স্বভাব পায়, সেইরূপ বাণিকার তরল হৃদয় স্বামীর হৃদয়ের সহিত অতি সহজ ও সম্পূর্ণরূপে মিশিয়া যায়। প্রেমের প্রথম সঞ্চার কি মধুর! একটি দীর্ঘনিশ্বাস উহার প্রধান পরিচায়ক, সুতরাং উহাতে যে যাতনা নাই, তাহাও বলিতে পারি না। একটি সরল-হৃদয়া বালিকা একবার বিশেষ পীড়াপীড়িতে স্বীকার করিয়াছিল যে, বিবাহের অল্পদিন পরে সে তাহার স্বামীর গৃহ হইতে প্রত্যাঘর্ষন করিলে তাহার স্বামীর জন্য তাহার “মন কেমন” করিয়াছিল। ঐ বালিকাটি নিশ্চয়ই নবোদিত প্রেমের যাতনাময় সুখ অনুভব করিয়াছিল। কিশোরীর ক্ষুদ্র হৃদয়ে যে প্রেম একটি ক্ষীণ দীপশিখারূপে উদ্ভিত হয় তাহাই আবার যুবতীর হৃদয়ে জ্বালামুখীরূপে প্রকাশ পায়। প্রেমের বিকাশ দাম্পত্যজীবনের বিচিত্র ঘটনাবলীদ্বারা ক্রমশঃ সংসাদিত হয়। দাম্পত্যজীবনের প্রথম পরিচ্ছেদে দেখি, একটি যুবক ও একটি যুবতী প্রেমে আত্মহারা হইয়া একদৃষ্টে পরস্পরের মুখাবলোকন করিতেছে। তাহাদের মুখ দেখিলেই বোধ হয়, তাহারা কল্পনা-রাজ্যের প্রভা, সংসারের সুখদুঃখে এখনও সম্পূর্ণরূপে অনভিজ্ঞ। কয়েক বৎসর পরে দেখি, তাহারা আর কেবল পরস্পরের মুখপানে চাহিয়া বসিয়া নাই; দুই জনে একটি পরম সুন্দর শিশুকে আদর করিতেছে, বারম্বার উহার মুখচুম্বন করিতেছে এবং উহাকে ক্রমান্বয়ে একজনের কোড় হইতে অপরের অঙ্গগত করিতেছে। কিন্তু দুইজনের মুখ দেখিলে বেশ বোধ হয় যে, এই নূতন জীবটি উহাদের প্রেমে ভাগ বসাইয়া তাহাকে শতগুণ বাড়াইয়া দিয়াছে এবং উহারা এখন সমস্তই সুখী হইয়া পরস্পরের প্রতি অধিকতর আকৃষ্ট হইয়াছে। আর কয়েক বৎসর পরে দেখি, সেই শিশুটি আর নাই, এবং তাহার বিয়োগে উভয়ে কাতর নয়নে পরস্পরের মুখাবলোকন করি-
ও অশ্রু বিসর্জন করিতেছে। তাহারা দাম্পত্য জীবনের প্রারম্ভে যেমন দুইটি মাত্র ছিল এখন আবার তেমনই; কিন্তু জীবনের সুখদুঃখ সমভাবে

ভোগ করিয়া তাহাদের যুগল হৃদয়ের বন্ধন এখন কত দৃঢ় হইয়াছে এবং তাহাদের প্রেম কত ঘনীভূত হইয়াছে! দাম্পত্য প্রেম কৃত্রিম পুষ্পের জায় “ম্যাসকেসে” সংরক্ষিত হইবার বস্তু নহে। উহা নিত্য “ঘর সন্নিবার” জিনিস। উহা যেমন জীবন-সংগ্রামের প্রধান সহায়, সেইরূপ উহা জীবনের সুখ-দুঃখ-বিমিশ্রিত ঘটনাপরম্পরার ভিতর দিয়া না বাইলে পরিপুষ্ট ও বলী-মান্ হয় না। আমরা যেমন প্রথম বয়সে প্রেম-পুষ্পের সৌরভে আয়োদিত হই, সেইরূপ মধ্য বয়সে প্রেমের পরিণত ফল ভোগ করি এবং মোরকা প্রস্তুত করিয়া শেষ বয়সের সম্বল করি।

প্রথম যৌবনে প্রেমের সহিত রূপজ মোহ মিশ্রিত হইয়া প্রেমের শুভ জ্যোতিকে বিবিধ রমণীয় বর্ণে রঞ্জিত করে। এ বয়সের প্রেম সেই জন্ত অতীব মনোরম তাহাতে সন্দেহ নাই এবং উহার স্মৃতি কোনও কালে বিলুপ্ত হয় না। দাম্পত্য নিবিড় আলিঙ্গনে পরম্পরের হৃদয়ের প্রত্যেক স্পন্দনটি পর্য্যন্ত শুনিতে পায়েন ও অনুভব করেন, পরম্পরকে দেখিয়া ও পরম্পরের কথা শুনিয়া কিছুতেই তৃপ্তি লাভ করেন না এবং তিলেক বিচ্ছেদ ঘটিলে ওষ্ঠাগত-প্রাণ হইয়েন। কিন্তু মধ্য বয়সে হৃদয়ের বেকরূপ পরিণতি হয় যৌবনে কদাপি সেরূপ হয় না। এই বয়সে রূপজ মোহের ঘোরও কাটিয়া যায়। সুদীর্ঘ পরিচয়ে হৃদয়ের আবরণগুলিও একে একে খসিয়া পড়ে এবং প্রেম স্নেহসারে পরিণত হয়। যৌবনের প্রথম প্রেম সৌর কিরণের জায় দাহিকাশক্তি-বিশিষ্ট; মধ্য বয়সের প্রেম জ্যোৎস্নার জায় হৃদয়কে স্নিগ্ধ ও সুশীতল করে। আমি এই জন্ত মধ্য বয়সের প্রেমের সমধিক পক্ষপাতী। বৃদ্ধ বয়সের প্রেম বড়ই বিরল ও বিঘ্নবহুল। ঘোটের পারাবন্তের একটি খসিলে অপরটির প্রাণ বাঁচান ভার। বৃদ্ধ বয়স পর্য্যন্ত প্রেমিকযুগলের একজীবস্থান প্রায় ঘটে না, কিন্তু যদি ঘটে, তবে সে দৃশ্য বড়ই মনোহর ও শিক্ষাপ্রদ। বুড়া-বুড়ীর প্রেম দেখিলে স্পষ্টই প্রতীত হয় যে, প্রেম রূপ বা শারীরিক শক্তির অধীন নহে। উভয়েরই রূপ গিয়াছে, শরীরে শক্তি নাই এবং মৃত্যুও আগমপ্রায়; কিন্তু তবুও বুড়াবুড়ীর পরম্পরের প্রতি প্রেম বিরূপ অটুট ও অটল। তাহার নবীন যৌবনের প্রেমের স্মৃতি বুকে করিয়া পরম্পরের হাত ধরিয়া মৃত্যুর পথে অগ্রসর হইয়েন। আমি এক প্রাণতঃসমগীয় হৃদয়-মিথুনকে জানিতাম। তাহার পঁয়ষটি বৎসরকাল নিরবচ্ছিন্ন দাম্পত্য সুখ সন্ভোগ করিয়াছিলেন এবং তাহাদের প্রেম শেষ পর্য্যন্ত অটল ও অক্ষুণ্ণ ছিল।

যাঁহার প্রকৃত জ্ঞানলাভ হইয়াছে তিনি যেমন জ্ঞানবিষয়ক কথা বাগাড়-
 শ্বর করিতে ভালবাসেন না, সেইরূপ প্রকৃত প্রেমিকের মুখে প্রেমের কথা
 বড় একটা শুনিতে পাওয়া যায় না। আমরা পুরুষ জাতি প্রেমসম্বন্ধে
 যত কথা কহি তাহার এক সহস্রাংশও কি নারীর মুখে শুনিতে পাই?
 কলিহারি নারীর প্রেম! নারীর জায় কে ভালবাসিতে পারে? পুরুষের প্রেম
 পুরুষের জীবনের ও হৃদয়ের একদেশমাত্র অধিকার করে। কিন্তু নারীর
 প্রেম নারী-জীবনের একমাত্র ত্রুত এবং নারী-হৃদয়ের সর্বত্র ব্যাপ্ত থাকে।
 এই জগুই বুকি প্রেমের রাজধানী নারীর হৃদয়ে অধিষ্ঠিত! কিন্তু অবলার
 কোমল হৃদয়ে বাস করিয়াও প্রেমের কি প্রবল প্রভাপ! প্রেমের অজ্ঞ মূঢ়
 হইলেও কি সাংঘাতিক! একটি কোমল কটাক্ষ, একটি মৃদু স্মিত, একটি
 মধুময় চুস্বন কত বিশ্ববিজয়ী বীরের হৃদয় ভেদ করিতে পারে! প্রেমের
 কর্তৃত্বও কি বিচিত্র। মহাকবি সেক্সপীয়ার বলেন যে, যখন প্রেম কথা
 কহে তখন সকল দেবতার কর্তৃত্ব শুনা যায় এবং সেই সঙ্গীতের প্রভাবে
 স্বর্গের নিদ্রাবেশ হয়। গল্প আছে যে, রডল্ফ্ নামক একজন জ্ঞানীদের
 এরূপ হস্ত-লাঘব ছিল এবং তাহার অজ্ঞও এরূপ তীক্ষ্ণ ছিল যে, সে রাজাজ্ঞায়
 বাহার শিরশ্ছেদ করিত সে ব্যক্তি কোনও যন্ত্রণাই অনুভব করিত না।
 উক্ত ঘটক একদা এক ব্যক্তির শিরশ্ছেদ করিলে সে বলিল, “আমার
 এখনও শিরশ্ছেদ হয় নাই, কারণ তাহা হইলে আমার মস্তক গ্রীবাদেশ
 হইতে বিচ্ছিন্ন হইত এবং আমিও যাতনা বোধ করিতাম।” এই কথা
 শুনিয়া রডল্ফ্ ভীষ্মাস্ত্র করিয়া ছিন্নশিরের নাসাগ্রে এক টিপ নস্ত ধরিল।
 যেমন একটি হাঁচি হইল অমনই ছিন্ন মস্তক গ্রীবা হইতে বিচ্যুত হইয়া
 পড়িয়া গেল এবং দর্শককণ্ঠী হইতে রডল্ফের জয়ধ্বনি উখিত হইল।
 একজন ভাবুক বলেন যে, রডল্ফ্ যেমন লোকের অজ্ঞাতসারে শিরশ্ছেদ
 করিত সেইরূপ কামিনীগণ আমাদের হৃদয় কাড়িয়া লয়েন এবং
 আমরা তাঁহাদের প্রেমে প্রাণ বিসর্জন করিয়া স্বপ্নেও ভাবি না যে,
 আমরা মরিয়াছি। কিন্তু আমি বলি, আমরা যেমন রমণীর প্রেমে
 প্রাণ হারাই তেমনই রমণী আবার তাঁহার চতুঃপার্শ্বে কি যেন এক
 নূতন প্রাণের বায়ুমণ্ডল সৃষ্টি করেন। রমণী আমাদের হৃদয় কাড়িয়া লয়েন
 বটে, কিন্তু উহার বিনিময়ে নিজের অমূল্য মধুভরা হৃদয়টি আমাদের কাছে
 সমর্পিত করেন। এ বিনিময়ে কোন্ পক্ষের লাভ হয়, সে প্রশ্নের উত্তর

প্রেমিক দিবেন। রমণী-হৃদয়ের কি মূল্য আছে? এক একটি ভোগবিলাস-বিরতা রমণী দেখিতে পাওয়া যায়, তাঁহারা বাহাকে হৃদয়সমর্পণ করেন তাহাকে ইষ্টদেবতার গ্রাম পূজা করেন। একপ প্রকৃতির নারীরত্নের প্রেম ধর্ম্মের উচ্চতম শিখরে উঠে এবং কিছুতেই বিচলিত হয় না। যিনি একপ প্রেম ভাগ্যক্রমে লাভ করেন, তিনি খতাদপি ধন্ত। আমার এক পরলোক-গত বন্ধু এইরূপ সহধর্ম্মিণী লাভ করিয়াছিলেন। সেই ললনাকুলললাম মৃত্যুর কিয়ৎকাল পূর্বে স্বামীকে বলিয়াছিলেন, “আমি সকলের মায়া কাটাইয়াছি; কেবল তোমার মায়া কাটাইতে পারিতেছি না।” আমার আর একটি বন্ধুর পত্নীও স্বামীকে ইষ্টদেবতার গ্রাম ভক্তি করিতেন। একবার তাঁহার স্বাস্থ্যভঙ্গ হওয়াতে তাঁহার স্বামী তাঁহাকে কিয়দ্বিষের লজ্জ বৈজ্ঞানাথে পাঠাইয়া দেন। তিনি তথা হইতে স্বামীকে একখানি পত্র লিখিয়াছিলেন, “আমি এখানে আত্মিক পূজায় মনোনিবেশ করিতে পারিতেছি না, পূজায় বসিলেই আমার কেবল তোমাকে মনে পড়ে।” বাহ্য-ভয়ে একপ অপন্ন দৃষ্টান্তের আর উল্লেখ করিলাম না। কৃষ্ণশরায় নারী-হৃদয়ের বেক্রপ পরিচয় পাওয়া যায় সেক্রপ পরিচয় আর কিছুতেই পাওয়া যায় না। সেই দেবদুর্ভেদ সেবা পাইবার লোভে রোগকেও আলিঙ্গন করিতে ইচ্ছা হয়।

একজন কবি নিজের ভাগ্যকে সম্বোধন করিয়া বলিয়াছিলেন, “তুমি আমাকে বত উৎপীড়িত করিতে চাহ কর, কেবল আমার প্রিয়তমাকে আমার করিয়া দাও।” বাস্তবিক যিনি বহুপুণ্যফলে একটি প্রেমময়ী গুণবতী রমণীর সহিত পরিণয়সূত্রে আবদ্ধ হইলেন, তিনি সেই স্বর্ণতরীখানির সাহায্যে রোগ, শোক, দারিদ্র্য প্রভৃতি হস্তর সংসার-পাথারের সকল দুঃখই অনায়াসে অতিক্রম করিতে পারেন। আমি বিশ্বাসসূত্রে শুনিয়াছি যে, বঙ্গসাহিত্যের চুড়ামণি বঙ্কিমচন্দ্র এইরূপ ভাগ্য লাভ করিয়াছিলেন এবং তদ্রুচিত সূর্য্যমুখীর অমর চিত্রে তাঁহার সহধর্ম্মিণীর চরিত্রের ছায়াপাত দেখিতে পাওয়া যায়।

প্রেম সকল অবস্থার অহুকুল হইলেও সম্পদের অপেক্ষা বিপদে বিশেষ সহায়। প্রণয়িনীর সহিত দিনান্তে এক ঘণ্টাকাল বিশ্রান্তালাপে কাটাইতে পারিলে মাতুষের সকল দুঃখ ও দুশ্চিন্তা দূর হয়। হৃদয়ভরা সহানুভূতির কাছে কি কোনও কষ্ট ভিত্তিতে পারে? দুর্ব্বস্থা ঘটিলে লোক স্বভাবতঃ

এমনই অভিমানপরতন্ত্র হয় যে, কেহ তাহাকে সংপরামর্শ দিতে আসিলেও সে আপনাকে অপমানিত বোধ করে। কিন্তু তাহার পতিপ্রাণা সহধর্মিণী যখন প্রণয়বিকম্পিত সুধামাধা স্বরে তাহার দুঃবস্থা মোচনের উপায় বলিয়া দেন তখন সে বিনা বিতর্কে সে উপদেশ পালন করে।

আমি এতক্ষণ রমণী-হৃদয়ের যে সকল গুণ ব্যাখ্যা করিলাম তাহা সাধারণতঃ সকল দেশের পক্ষেই পাটে। কিন্তু চিরপ্রচলিত অবরোধপ্রথা-বশতঃই হউক অথবা জাতীয় প্রকৃতিপ্রভাবেই হউক আমাদের দেশের ললনাগণের বিশেষত্ব এই যে, তাঁহাদের স্বভাবসিদ্ধ শালীনতা তাঁহাদের প্রেমকে ত্রীড়াঙ্গনিত অপূর্ণ মাধুর্য্যে ভূষিত করে। ভারতচন্দ্র এ দেশের গৃহসম্মার কি সুন্দর চিত্র অঙ্কিত করিয়াছেন—

“নয়ন অমৃতনদী, সর্বদা চঞ্চল যদি,
নিজপতি বিনা কভু অস্ত্র জনে চায় না।
হাস্ত অমৃতের সিন্ধু, ভূলায় বিদ্রাং ইন্দু,
কদাচ অধর বিনা অস্ত্র দিকে যায় না।
অমৃতের ধারা ভাষা, পতির শ্রবণে আশা,
প্রিয় সখা বিনা কভু অস্ত্র কাণে যায় না।
নতি রতি গতি মতি, কেবল পতির প্রতি,
ক্রোধ হ'লে মৌনভাব কেহ টের পায় না।”

বাস্তবিক আমাদের কুললক্ষ্মীরা যাহা কিছু করেন, তৎসমস্তই সীমাবদ্ধ ;
• কেবল তাঁহাদের প্রেমের কোনও অবধি নাই।

“সর্বং সাবধি নাবধিঃ কুলভূবাং প্রেমঃ পরং লক্ষ্যতে।”

আমাদের কুলানন্দদের লজ্জার কথা আর অধিক কি বলিব ? একটি কুলানন্দা বিবাহের পর অন্যান্য তিন বৎসর পর্য্যন্ত তাঁহার শয়ন কক্ষের আলোক বতক্ৰণ না নির্কাপিত হইত ততক্ষণ স্বামীর সহিত আলাপ করিতে পারিতেন না। কিন্তু এরূপ লজ্জাশীলতা ভালই হউক বা মন্দই হউক পাশ্চাত্য শিক্ষার প্রভাবে দিন দিন হ্রাস প্রাপ্ত হইতেছে। আমার আশঙ্কা হয়, পাছে সেই সঙ্গে প্রেমের ঋক্সতা হয়। সে ক্ষতি কিছুতেই পূরণ করিতে পারিবে না। প্রেমের স্রাব অমূল্য নিধি রক্ষা করিতে হইলে বিশেষ সতর্কতা ও যত্নের প্রয়োজন। কখন এরূপ ঘটে যে, একখানি জাহাজ প্রবল ঝটিক অতিক্রম করিয়া অবশেষে তীরের অনতিদূরে আসিয়া জলমগ্ন হয়। সেইরূপ প্রেম অনেক গুরুতর কষ্ট বা অপমান অকাতরে সহ করিয়া কখন কখন অতি

ভুল্ কারণে ভগ্ন হয় । অপরের হৃদয়বীণার তারগুলি কখন কিরূপ অবস্থায় থাকে তাহা আমরা জানিতে পারি না বলিয়া আমরা কখন কখন একটি সামান্য শ্লেষবাক্য প্রয়োগ করিয়া অথবা অবজ্ঞার হাসি হাসিয়া প্রেমের কোমল প্রাণে একরূপ দারুণ আঘাত করি যে, তাহার অন্তত পরিণাম আমাদের স্বপ্নেরও অগোচর । যাহারা বিবাহিত জীবন সুখে কাটাইতে ইচ্ছা করেন আমি তাঁহাদিগকে নির্ব্বন্ধাতিশয়ের সহিত অনুরোধ করি, তাঁহারা যেন প্রণয়িনীর দোষ সংশোধন করিতে গিয়া প্রেম-তরুর মূলে কুঠারাঘাত না করেন । একসঙ্গে ঘর করিতে গেলে দম্পতীর বড় একটা সাজগোজের দিকে লক্ষ্য থাকে না, সুতরাং পরস্পরের দোষগুণ পরস্পরের অবিদিত থাকে না । ছোট ছোট দোষ প্রেমের ঔদার্য্যগুণে না ধরাই শ্রেয়ঃ । প্রণয়িনীর গুরুতর দোষ দেখিলে উহার সংশোধনের বিধিমত চেষ্টা অতি সম্ভরণে ও বিশেষ সহৃদয়তার সহিত করিতে হইবে । কিন্তু সাতদোহাই প্রেমের, রসিকতার ষাতিরেই হউক অথবা রোগ বা আকস্মিক বিরক্তিবশেই হউক, তোমার প্রাণের প্রাণকে কদাচ অবজ্ঞা বা ব্যঙ্গ করিও না । ব্যঙ্গ শয়তানের ভাষা, প্রেমের অভিধান হইতে একেবারে বর্জিত । প্রেমের বীণা বড় দরদ করিয়া বাজাইতে হয়—

“তানে মানে বাঁধ্লে ডুরি, তারে শতধারে বর মাধুরী,

বাজে না আল্গা তারে, টানে ছিঁড়ে কোমল তার ।”

প্রেমের একাধিপত্যে ভাগ চলে না—

“প্রেমে চায় বোল আনা প্রাণ. সয় না কথার টান,

প্রেম সুরু হুতার বাঁধাবাঁধি, বাতাসের তো ভর সবে না ।”

এক একজন লোক একরূপ আত্মপ্রিয় যে তাহারা যখন কাহারও প্রতি আসক্ত হয় তখন তাহার বিষয় যত না ভাবে তাহাদের নিজের প্রেমের কথা তদপেক্ষা অধিক ভাবে । একরূপ লোক কখনও প্রকৃত প্রেম লাভ করিতে পারে না । যে ব্যক্তি প্রণয়িনীর নিকট আত্মগোপন করে এবং আপনাকে রহস্যজালে আবৃত রাখিতে ভালবাসে সেও কখন প্রকৃত প্রেমের অধিকারী হয় না । হীরকের ভায় স্বচ্ছপ্রকৃতিবিশিষ্ট না হইলে প্রেম লাভ করা দুর্ঘট । কিন্তু তাই বলিয়া জীপুরুষের কেহই যেন স্বাধীন চিন্তার অধিকার হইতে একেবারে বঞ্চিত না হইয়েন । দম্পতী পরস্পরকে সম্মান প্রদর্শন না করিলে প্রেমের মর্যাদা রক্ষিত হয় না । সন্দিক্চিত্ততা প্রেমের একটি প্রধান প্রত্যাহ ।

প্রকৃত প্রেমের লক্ষণই আয়লোপ; বাহার আয়লোপ হইয়াছে সে কখনই সন্দেহচিত্ত হয় না।

দম্পতীর কলহ “বহ্নারস্তে লঘুক্ৰিয়া”র একটি দৃষ্টান্তস্বরূপ সচরাচর উদাহৃত হইয়া থাকে। কিন্তু প্রণয়-কলহ যদি একপভাবে নিম্পন্ন হয় যে, উহাতে প্রণয়ের পূর্ণ বর্ধ্যাদা বজায় থাকে, তাহা হইলে দম্পতীর কলহে প্রেম বাড়ে বই কমে না। সেক্সপীয়ারের একজন সমসাময়িক কবি বলেন যে, একপ কলহের পর চূষনে দম্পতী জ্ঞানকার আশ্বাদ প্রাপ্ত হইলেন। কবি-কল্পিত অমর লোকে প্রেমে গতন্ত শোচনা নাই এবং ভবিষ্যতের জন্তও কোনওরূপ উদ্বেগ নাই। কিন্তু মর্ত্যমানরের হৃদয় একপ প্রেমে তৃপ্তিলাভ করে কি না সে বিষয়ে আমার গভীর সন্দেহ আছে। আমার বোধ হয় যে, কলহবিচ্ছেদাদি আছে বলিয়া মানব-প্রেম এত বিচিত্র ও মধুর। চল্লিশ বৎসরের মধ্যে দুই জী-পুরুষের কখনও মনান্তর ঘটে নাই শুনিয়া একজন তত্ত্বজ্ঞানী বলিয়াছিলেন, “একপ দাম্পত্য জীবন কি নীরস ও স্বাদবিহীন!”

কলহবিচ্ছেদাদি যেমন প্রেমের বন্ধনকে আরও দৃঢ় করে, সেইরূপ মৃত্যুর তামসরজ্জু প্রেমের রক্তশৃঙ্খলের সহিত গ্রথিত হইয়া প্রেমকে প্রিয়-তমাদপি-প্রিয়তম করে। মৃত্যুঞ্জয় প্রেম মৃত্যুর স্পর্শে অমরত্ব লাভ করে। যিনি প্রেমের প্রতিমাকে বিসর্জন দিয়াও আত্মজীবন তাঁহার সহিত সম্বন্ধ ঘুচাইতে পারেন নাই তিনিই এই কথার তাৎপর্য গ্রহণ করিবেন।

শ্রীঅবিনাশচন্দ্র ঘোষ।

কবিতা।

সেই এক শুভক্ৰণে বাল্মীকির পুত্র রসনার
 স্বর্গ ত্যজি' পরহুখে প্রকটিত প্রথম ধরায়
 সেই হ'তে পরহুখে নির্ঘ্যাতিতে দিতে আশীর্বাদ
 হে কবিতা, নানাছন্দে বিলাইছ সাধনা—প্রসাদ।

শ্রীবসন্তকুমার চট্টোপাধ্যায়।

রাজা বিনয়কৃষ্ণদেব বাহাদুর ।*

জীবের জীবন নলিনীদলগত জলের সহিত তুলিত হইয়া থাকে । নিত্য শত শত মানব লোকলীলা শেষ করিয়া মৃত্যুর অধিকারে চলিয়া যায় । স্বজনগণ ব্যতীত আর কেহ তাহাদিগের স্মৃতি রক্ষা করে না, ইতিহাসে তাহাদিগের নামোল্লেখও থাকে না । কিন্তু জীবন যাইলেও কীর্ত্তি যায় না । তাই কীর্ত্তিমান পুরুষের তিরোভাবে সমাজ বা জাতি শোক প্রকাশ করে । রাজা বিনয়কৃষ্ণ দেব বাহাদুর কীর্ত্তিমান পুরুষ ছিলেন ।

তিনি ধনবান ভূম্যধিকারিসমাজের অন্তর্ভুক্ত ছিলেন । কিন্তু তিনি যে বংশে জন্মগ্রহণ করিয়াছিলেন সে বংশের সমৃদ্ধি-সমাগম বহুদিনের কথা নহে । দেশে রাষ্ট্রবিপ্লব হইলেই কতকগুলি সমৃদ্ধ বংশের অধঃপতন ও কতকগুলি বুদ্ধিমান ব্যক্তির উন্নতি হইয়া থাকে । বাঙ্গালায় মুসলমান শাসনের অবসান ও ইংরাজ শাসনের প্রতিষ্ঠার ফলে কতকগুলি পরিবার সম্মানে ও সম্পদে প্রসিক্ত হইয়া উঠে । এই সকল পরিবারের মধ্যে কালীমবাজার, শোভাবাজার, নলীপুর, কান্দি (পাইকপাড়া) — এই সকল স্থানের রাজ-পরিবারগুলি বিশেষ উল্লেখযোগ্য । শোভাবাজার রাজবংশের বংশপতি নবকৃষ্ণ ক্লাইবের মুন্সী ছিলেন এবং দীন অবস্থা হইতে ক্রমে রাজবংশের প্রতিষ্ঠা করেন । এই বংশে রাজা রাধাকান্ত দেব ‘শব্দকল্পদ্রুম’ সংকলন করাইয়া অক্ষয় বশ অর্জন করিয়া গিয়াছেন । রাজা কালীকৃষ্ণ, মহারাজ কমলকৃষ্ণ ও মহারাজ নরেন্দ্রকৃষ্ণ সমসাময়িক সমাজে বিশেষ সম্মানিত ছিলেন । কালীকৃষ্ণ ও কমলকৃষ্ণ উভয়েই—রাধাকান্তের মত—হিন্দুসমাজের মুখপাত্র ছিলেন । রাজা বিনয়কৃষ্ণ মহারাজ কমলকৃষ্ণের কনিষ্ঠ পুত্র ।

অল্পবয়স হইতেই বিনয়কৃষ্ণ সভাসমিতিতে যোগ দিতেন ও জনহিত-কর অমুর্তানে কার্য্য করিতেন । প্রধানতর ‘অমৃতবাজার পত্রিকা’র ঘোষ দ্রাভব কৰ্ত্তৃক প্রতিষ্ঠিত ‘ভ্রাসনাল লিগের’ সহিত তাহার ঘনিষ্ঠ সম্পর্ক ছিল । এই সভা কংগ্রেসের অগ্রদূত বলা যাইতে পারে । তাহার পর কংগ্রেস প্রতিষ্ঠিত হইলে তিনি তাহাতে যোগ দিয়াছিলেন ও একবার কংগ্রেসের ধনাধ্যক্ষের কার্য্যও করিয়াছিলেন । সার আলেকজান্ডার

* বঙ্গীয় সাহিত্য পরিষদের বিশেষ অধিবেশনে পঠিত ।

ম্যাকেন্সীর শাসনকালে কলিকাতা মিউনিসিপাল আইনের বিরুদ্ধে যে প্রবল আন্দোলন হইয়াছিল—রাজা বিনয়কৃষ্ণ সে আন্দোলনে অগ্রণী ছিলেন ; ঐতিবাদকারিগণের মন্ত্রণাসভার অধিবেশন তাঁহার গৃহেই হইত। তিনি একবার বঙ্গীয় প্রাদেশিক সমিতির সভাপতিত্বও করিয়াছিলেন। প্রকাশ্যভাবে রাজনীতিক আন্দোলনে যোগ দিয়া তিনি যে সংসাহসের পরিচয় দিয়াছিলেন তাহাতে আর বিন্দুমাত্র সন্দেহ নাই।

রাজা বিনয়কৃষ্ণ সমাজ-সংস্কারের চেষ্টাও করিয়াছিলেন। কিন্তু সে চেষ্টা কখনও সমাজের প্রতি উপেক্ষায় বা সমাজ-শাসনের প্রতি ঘৃণায় আয়প্রকাশ করে নাই। বাল্যবিবাহের বিরুদ্ধে আন্দোলনে ও সমুদ্রযাত্রা প্রবর্তনের চেষ্টায় তিনি হিন্দুশাস্ত্রের বিধানের উপর নির্ভর করিয়া কার্য-সাধনের চেষ্টাই করিয়াছিলেন। সে চেষ্টার সাকল্যবিচারের বিতর্কে আমরা প্রবৃত্ত হইব না। কিন্তু যদি সে চেষ্টা সাকল্যলাভ না করিয়া থাকে তবে তাহার বিবিধ কারণ আছে। সমাজে একতার ও ব্যক্তিবিশেষের নেতৃত্বের অভাব—সেসকল কারণের মধ্যে উল্লেখযোগ্য। মহারাজ কৃষ্ণচন্দ্র সম্প্রদায় বিশেষকে “জল আচরণীয়” করিয়াছিলেন। এখন সে অধিকার বা ক্ষমতা কাহারও নাই।

সমাজে রাজার সম্মান ছিল। তাঁহার ঐকান্তিক চেষ্টায় ব্যক্তি-বিশেষের, সভাবিশেষের, সংবাদপত্রবিশেষের যে উপকার হইয়াছিল, তাহাতে সন্দেহ নাই। কিন্তু রাজনীতিক আন্দোলনে বা সমাজসংস্কার-বিষয়ে তাঁহার চেষ্টার কোন স্থায়ী নিদর্শন থাকিবে বলিয়া বোধ হয় না।

বিনয়কৃষ্ণের কৃতিত্ব সাহিত্যে—কীর্ত্তি সাহিত্যক্ষেত্রে। সাহিত্য-সেবা তাঁহার পক্ষে মৌলিক না হইলেও কৌলিক বটে। কিন্তু তিনি যে বিলাস-বাসনে ব্যাপৃত না হইয়া সাহিত্যালোচনার বিমল আনন্দ উপভোগ করিতেন তাহা অত্যন্ত প্রশংসার্হ। তিনি সাহিত্য-সেবক ও সাহিত্যামোদী ছিলেন ; এবং সাহিত্যসেবকগণ বেষ্টিত হইয়া থাকিতে ভালবাসিতেন। তিনি স্বয়ং ইংরাজীতে কলিকাতার একখানি ইতিহাস রচনা করিয়াছিলেন। তিনি বহু প্রবন্ধও রচিত করিয়া গিয়াছেন। এই স্থানে তাঁহার আর একটি কার্য্যের উল্লেখ বোধ হয় অগত্য হইবে না। পূর্বেই বলিয়াছি শোভাবাজার রাজবংশের বংশপতি নবকৃষ্ণ ক্লাইবের মুন্সী ছিলেন। নন্দকুমারের বিচারবিষয়ক পুস্তকে ঐতিহাসিক

বেভারিজ নবকৃষ্ণের চরিত্রে যে ছরপনের কলঙ্ককালিমা লেপন করিয়াছিলেন বিনয়কৃষ্ণ তাহার অপনয়নের চেষ্টা করিয়াছিলেন। বেভারিজ তাঁহার পুস্তক রচনাকালে নবকৃষ্ণের বংশধর রাজা সার রাধাকান্ত দেবের পুত্র রাজা রাজেন্দ্রনারায়নের নিকট বহু উপাদান চাহিয়াছিলেন, বহু বিষয়ের সন্ধান লইয়াছিলেন। রাজার ভাগিনের অগাধপাণ্ডিত্যশালী আনন্দকৃষ্ণ বসু মহাশয় সে সব উপাদান যোগাইয়াছিলেন, সে সকল সন্ধান দিয়াছিলেন। নবকৃষ্ণের নিন্দা করিতে হইয়াছিল বলিয়া পুস্তক রচিত হইলে বেভারিজ স্বয়ং আসিয়া আনন্দ বাবুকে নবকৃষ্ণ সম্বন্ধে স্বীয় মন্তব্য শুনাইয়া নবকৃষ্ণের সমর্থনে তাঁহার কিছু বলিবার আছে কি না জিজ্ঞাসা করেন। আনন্দ বাবু বলিয়াছিলেন, সমসাময়িক আদর্শে বিচার করিলে নবকৃষ্ণের অপরাধের গুরুত্বহ্রাস হইবে; তখন সকলে যেমন নবকৃষ্ণও তেমনই ছিলেন। বিনয়কৃষ্ণ কিন্তু নবকৃষ্ণকে নির্দোষ মনে করিতেন। সে কথা তিনি আমাকেও বহুবার বলিয়াছিলেন। তিনি নবকৃষ্ণের কলঙ্কমোচনের চেষ্টা করিয়াছিলেন। মূলধন নগেন্দ্রনাথ ঘোষরচিত নবকৃষ্ণের চরিত্র সেই চেষ্টার ফল। নগেন্দ্র বাবুর এই গ্রন্থরচনার রাজার নানারূপ সাহায্যের কথা তাঁহার বন্ধুবর্গের অবিদিত নাই।

রাজনীতি ও সমাজ-সংস্কার সম্পর্কে রাজার কৃত কর্ম স্থায়ী হইবে কি না—ইতিহাসে তাহার কোন চিহ্ন থাকিবে কি না সন্দেহ। কিন্তু সাহিত্য-সম্পর্কে তাঁহার কৃত কর্ম যে স্থায়ী হইবে তাহাতে সন্দেহ নাই। প্রথমে বঙ্গীয় সাহিত্য পরিষদের ও পরে সাহিত্য সভার প্রতিষ্ঠা তাঁহার বিরাত কীর্ত্তি।

পরিষদের মত সভাসংস্থাপনের কল্পনা রাজনারায়ণ বসু মহাশয়ের উর্দ্বর মস্তিষ্কপ্রসূত। একবার দেওঘরে অবস্থানকালে রাজা বাহাদুর রাজনারায়ণ বাবুর নিকট এই কল্পনার কথা জানিতে পারেন ও কল্পনা কার্য্যে পরিণত করিতে বদ্ধপরিকর হইলেন। তখন আমিও দেওঘরে। এই কার্য্যে মিষ্টার লিওটার্ড, পরলোকগত ক্ষেত্রপাল চক্রবর্ত্তী প্রভৃতি রাজার সহকর্মী। রাজা বাহাদুরের গৃহে বেঙ্গল একাডেমী অব লিট্‌রেচার প্রতিষ্ঠিত হইল। নাম ইংরাজী, কার্য্যবিবরণ ইংরাজীতে লিখিত। রাজনারায়ণ বসু মহাশয় ও উমেশচন্দ্র বটব্যাল মহাশয়ের মধ্যে কে যে বঙ্গীয় সাহিত্য পরিষদ নাম স্থির করেন, ঠিক স্বরণ নাই। তবে পর-

বর্তীকালে আবার পরিবৎ ও পরিবদ্ লইয়াও তর্ক হইয়াছিল। রাজা বঙ্গীয় সাহিত্য পরিষদের প্রবর্তক। পরিষদ তাঁহারই গৃহে সংস্থাপিত ছিল।

ইংরাজী সাহিত্যের ঐতিহাসিক টেন লিখিয়াছেন, সাহিত্য ক্রমে পাঠকসম্প্রদায়ের রুচি অল্পসারে গঠিত হয়। সেক্সপিয়ারের নাটকে সমসাময়িক ইংরাজ সমাজের উচ্ছৃঙ্খলতার পরিচয় আছে; ভারতচন্দ্রের কাব্যে মুসলমান শাসনের অবসানকালে বাঙ্গালার বিলাসী সমাজের বিলাসের চিত্র দেখা যায়। কিন্তু সকল দেশে ও সকল সমাজেই লেখকগণের আবির্ভাব পাঠকসম্প্রদায় সংগঠনের অপেক্ষা রাখে না; বরং অনেক স্থলে লেখকের আবির্ভাব পাঠকের আবির্ভাবের পূর্ববর্তী—রচনা পাঠকসম্প্রদায় সংগঠিত করে। তাহার পূর্বে অনেক স্থলে কমলার বরপুত্রগণ বাণীর সেবকদিগের সাহায্য করিয়াছেন। সাহিত্যিকদিগের রচনায় তাঁহারা যে অমরতালাভ করিয়াছেন তাঁহাদিগের ধন বা প্রতাপ তাঁহাদিগকে সে অমরতা দিতে পারিত না। সজীবচন্দ্র বলিয়াছেন, “বিক্রমাদিত্যের এক্ষণে সিংহবারের এক ভগ্নাংশমাত্র আছে। কিন্তু গরিব কালিদাসের শকুন্তলা অতাপি নব প্রস্ফুটিত কাননকুসুমের ত্রায় সজ্জ; পূর্ণচন্দ্রের ত্রায় মনোহর ও দিগন্তব্যাপী।” আমাদের বাঙ্গালার বিজ্ঞাপতি হইতে ভারতচন্দ্র পর্যন্ত রাজসভায় থাকিয়া—রাজানুগ্রহে দারিদ্র্য-দংশনমুক্ত হইয়া কবিতা রচনা করিয়া গিয়াছেন। মধুসূদনও পাইক-পাড়ার রাজাদিগের ও বতীন্দ্রমোহন ঠাকুর মহাশয়ের সাহায্য পাইয়াছিলেন। বর্দ্ধমানের মহারাজ মহাতাপর্চাদ বাহাদুর মহাভারতের ও রামায়ণের এবং সুপ্রসিদ্ধ কালীপ্রসন্ন সিংহ মহাশয় মহাভারতের যে অনুবাদ করাইয়া গিয়াছেন তাহাতে এবং রাজা সার রাধাকান্ত দেবের শব্দকল্প-ক্রম সঙ্কলনে এইরূপ সাহিত্যানুকূল্য প্রকাশ পাইয়াছিল। ইংরাজী সাহিত্যে জনসনের অভিধান প্রকাশ হইতে এইরূপ সাহিত্যানুকূল্যের শেষ। জনসন এই অভিধান প্রণয়নকালে কোবিদ-সুহৃদ লর্ড চেম্বারফিল্ডের অনুগ্রহপ্রার্থী হইয়াছিলেন। লর্ড চেম্বারফিল্ডও তাঁহাকে আনুকূল্য করিতে সন্মত হইয়াছিলেন। জনসন সুদীর্ঘ অষ্টবর্ষকাল এই অভিধান প্রণয়নকার্যে নিযুক্ত ছিলেন। এই সময়ের মধ্যে তিনি লর্ড চেম্বারফিল্ডের নিকট কোনরূপ সাহায্য পানেন নাই। শেষে যখন গ্রন্থ সম্পূর্ণ হইয়া আসিল তখন গ্রন্থখানি বাহাতে তাঁহাকেই উৎসর্গ করা হয় সেই আশায় চেম্বারফিল্ড উহার

প্রশংসা করিয়া ‘ওয়ার্ল্ড’ পত্রে দুইটি প্রবন্ধ প্রকাশিত করেন। জনসন তাঁহাকে যে পত্র লিখেন, ইংরাজী সাহিত্যে তাহার তুলনা নাই। কার্লাইল বলিয়াছেন, সেই পত্রে জনসন জানাইয়া দেন যে, ইংরাজী সাহিত্যে আর ধনীর আত্মকৃত্য প্রয়োজন হইবে না। বাঙ্গালার বেক্সপ শিক্ষাবিস্তার হইয়াছে ও বাঙ্গালার পাঠক-সম্প্রদায় বেক্সপ বিদ্যুত্তিলাভ করিয়াছে তাহাতে আমরা আশা করিতে পারি, বাঙ্গালারও আর সাহিত্যে ধনীর আত্মকৃত্যের প্রয়োজন নাই। কিন্তু এখনও বোধ হইতেছে, বাঙ্গালী সাহিত্যে সে আত্মকৃত্যপ্রদানের অবকাশ আছে। সমগ্র বাঙ্গালার যে ব্যয়ভার বহন করিবার কথা বাঙ্গালার ইতিহাস উদ্ধারকল্পে সেই ব্যয়ভার কুমার শ্রীযুক্ত শরৎকুমার রায় মহাশয় বহন করিতেছেন। মহারাজ শ্রীযুক্ত শশীন্দ্রচন্দ্র দত্ত ও রাজা শ্রীযুক্ত বোণেজনারায়ণ রাও—বঙ্গীয় সাহিত্য পরিষদে এই দুইজনকে সাহায্য দরশী। মহারাজ বহু সাহিত্যসেবকের আশ্রয়। ইহা বাঙ্গালীর পক্ষে কলঙ্কের কথা হইতে পারে; কিন্তু এ সত্য গোপন করিবার উপায় নাই। সাহিত্য পরিষদের প্রতিষ্ঠায় ও পরিপোষণে রাজা বিনয়কৃষ্ণের কীৰ্ত্তিও দরশী। পরিষদকে তিনি যে বিশেষ স্নেহ করিতেন তাহাতে সন্দেহ নাই।

এই পরিষদসম্পর্কেই আমার সহিত রাজা বাহাদুরের পরিচয়।

সন ১৩০৬ সালে আমি পরিষদের সহকারী সম্পাদক মনোনীত হইয়াছিলাম। সেবার আমার প্রচেষ্টা বহু সুপণ্ডিত ও কোবিদমুহুর শ্রীযুক্ত রায় বতীন্দ্রনাথ চৌধুরী মহাশয় সম্পাদক। বতীন্দ্র বাবুর সাহিত্যপ্রীতি বেক্সপ অধিক অবসর সেরূপ অধিক নহে। সেই জন্য তিনি অনেক সময় সহকারীদিগের উপর কার্যভার দিতে বাধ্য হইতেন। এই অবস্থায় পরিষদ স্থানান্তরিত করিবার প্রস্তাব বিচারার্থ আমাকেই সত্য আহ্বান করিতে হইয়াছিল। সাধারণ সত্য ব্যক্তিবিশেষের গৃহে থাকিলে কিছু অনুবিধা-ভোগ অনিবার্য্য। আমাদিগকেও সময় সময় সেইসকল অনুবিধা ভোগ করিতে হইত। সেই কারণে পরিষদকে কোন স্বতন্ত্র ভবনে সংস্থাপিত করিবার প্রস্তাব হয়;—প্রস্তাবকারিগণের মধ্যে আমি ছিলাম। এ বিষয় লইয়া বিচার হয় ও শ্রীযুক্ত রবীন্দ্রনাথ ঠাকুর, শ্রীযুক্ত হীরেন্দ্রনাথ দত্ত, শ্রীযুক্ত দেবেন্দ্রপ্রসাদ বোস প্রভৃতি সভ্যের স্বাক্ষরিত পত্র পাইয়া আমি পরিষদ স্থানান্তরিত করিবার প্রস্তাব বিচারার্থ সত্য আহ্বান করি।

শ্রীযুক্ত হীরেন্দ্রনাথ দত্ত ও শ্রীযুক্ত সুরেশচন্দ্র সমাজপতি এই স্থানান্তর কার্যের বিশেষ পক্ষপাতী ছিলেন ও পরিষদকে স্থানান্তরিত করিতে বিশেষ চেষ্টা করেন। তখন রাজা বাহাদুর ও সম্পাদক যতীন্দ্রবাবু কেহই কলিকাতায় ছিলেন না।

১৫ই ফেব্রুয়ারী (১৯০০ খৃষ্টাব্দ) বুধবার অপরাহ্নে পরিষদের এই বিশেষ অধিবেশন হয়। যতীন্দ্রবাবু সেই দিন কলিকাতায় ফিরিয়া আইসেন। পরিষদের অধিবেশনে যাহারা সাধারণতঃ যোগ দিতেন না এমন অনেক সভ্যও সে দিন সভায় উপস্থিত ছিলেন। ইহাদিগের মধ্যে মহামহোপাধ্যায় শ্রীযুক্ত হরপ্রসাদ শাস্ত্রী, রায় শ্রীযুক্ত মন্মথনাথ মিত্র, রমানাথ ঘোষ ও হেমচন্দ্র বসু মল্লিক ছিলেন। পাণ্ডিত মহেন্দ্রনাথ বিজ্ঞানিধি, রায় শ্রীযুক্ত চুনীলাল বসু বাহাদুর, রায় শ্রীযুক্ত রাজেন্দ্রচন্দ্র শাস্ত্রী বাহাদুর, কালী-প্রসন্ন কাব্যবিশারদ প্রভৃতি সভ্যধিবেশনের বিরোধী ছিলেন। এ সভাধিবেশনের আহ্বানপত্র সহকারী সম্পাদক কর্তৃক প্রচারিত হওয়ায় তাঁহারা আপত্তি করিলে যতীন্দ্র বাবু তাঁহার সহকারীর কৃত কর্মের সম্পূর্ণ দায়িত্ব গ্রহণ করেন। ৪৯ জন সভ্য সভাধিবেশনের পক্ষে ও ৩৯ জন বিপক্ষে মত দিলে সভার কার্য আরম্ভ হয়। শ্রীযুক্ত রবীন্দ্রনাথ ঠাকুর পরিষদকে স্থানান্তরিত করিবার প্রস্তাব করেন। প্রস্তাব সম্বন্ধে মতামত গ্রহণকালে বিপক্ষদল সভাগৃহ ত্যাগ করেন; প্রস্তাব গৃহীত হয়। সভা পরিষদকে নানাপ্রকার সাহায্যের জন্য রাজা বাহাদুরকে ধন্যবাদ প্রদান করেন এবং পরিষদগৃহে তাঁহার চিত্র প্রতিষ্ঠা করিবেন স্থির করেন। রাজাবাহাদুরের অনিচ্ছাহেতু শেষোক্ত প্রস্তাব এ পর্যন্ত কার্যে পরিণত হয় নাই। আশা করি, পরিষদ এবার প্রতিষ্ঠাতার স্মৃতিরক্ষার উপযুক্ত আয়োজন করিবেন।

রাজা বাহাদুর কলিকাতায় প্রত্যাবৃত্ত হইয়া 'সাহিত্য সভা' প্রতিষ্ঠিত করেন। ইহাতে তাঁহার সঙ্কল্পের দৃঢ়তার পরিচয় পাওয়া যায়। রাজার এই কার্যে যাহারা ব্যথিত হইয়াছিলেন তাঁহার পরবর্তী ব্যবহারে তাঁহাদের সে বেদনা অপনীত হইয়াছিল। পরিষদ রাজা বাহাদুরের গৃহ হইতে স্থানান্তরিত হইলে পরিষদের বহুবর্গ গৃহনির্ম্মাণের জন্য ভিক্ষাপাত্র লইয়া বাঙ্গালার ধনীদিগের দ্বারে দ্বারে ফিরিয়াছিলেন। ধনবানদিগের বদান্ততার সে পাত্র যে অল্প দিনেই পূর্ণ হইয়াছিল এমন স্লামার কথা বলিতে পারি

না। কিন্তু যেকোনোই হউক কালীমাজারের মহারাজদত্ত ভূমির উপর পরিষদের স্বতন্ত্র ভবন নির্মিত হইয়াছে। পরিষদের গৃহপ্রবেশোৎসবে যাহারা যোগ দিগাছিলেন রাজা বিনয়কৃষ্ণ তাঁহাদিগের অগ্রতম। যদি তিনি কখন পরিষদের প্রতি বিরূপভাব পোষণ করিয়া থাকেন, তবে সে দিন তিনি তাহা পরিহার করিয়াছিলেন।

এত দিন পরে—যখন কালের ভেবজে সকলেরই হৃদয়-কৃত দূর হইয়াছে এবং মৃত্যুর নীতল প্রলেপ সাময়িক উত্তেজনার তাপ নষ্ট করিয়াছে তখন ধীরভাবে বিবেচনা করিলে সাহিত্য সভার সংস্থাপনকার্য্য প্রতিহিংসা-প্রণোদিত না বলিয়া তাহাতে অশুভ উদ্দেশ্যের আরোপ করাও অসম্ভব বোধ হয় না। হয়ত সাহিত্যোন্মাদী রাজা বাহাদুর যে সাহিত্যিক সঙ্গ ভালবাসিতেন পরিষদ স্থানান্তরিত হওয়াতে তাহার অভাব আশঙ্কা বা অসুস্থ করিয়াই তিনি সাহিত্য সভার প্রতিষ্ঠা করিয়াছিলেন। পরবর্তী কালে তিনি যে সাহিত্য সভার কার্য্যপ্রবাহ ভিন্ন পথে প্রবাহিত করিয়া পরিষদের সহিত সভার প্রতিদ্বন্দ্বিতার পথ রুদ্ধ করিয়াছিলেন ইহাতে এই মতই সঙ্গত বলিয়া মনে হয়। পরিষদ পুরাবস্তুর সংগ্রহে, প্রত্নতত্ত্বের গবেষণায় ও ইতিহাসের উদ্ধারে শক্তি নিয়োগ করিয়াছেন। সাহিত্য সভা বর্তমানকে অবহেলা না করিয়া বর্তমান সাহিত্যের আলোচনার ও উন্নতি-সাধনে প্রবৃত্ত হইয়াছেন। বাঙ্গালার উভয়েরই কর্তব্যক্ষেত্র বিশাল।

রাজা বাহাদুরকে পরিষদের গৃহপ্রবেশোৎসবে যোগ দিতে দেখিয়া কেহ কেহ আশা করিয়াছিলেন, মুক্ত বেগী আবার যুক্ত হইবে। কিন্তু পরিষদের ও সভার কার্য্য বিবেচনা করিলে উভয়ের সংযোগ অতিশ্রেত কি না বলা চুক্কর হইয়া উঠে। রাজা বাহাদুরের মৃত্যুতে যদি সাহিত্য সভার কার্য্যকরী শক্তির হ্রাস না হয়, তবে তাহার স্বতন্ত্র অস্তিত্বই বোধ হয় সঙ্গত হইবে এবং তাহার সহিত রাজা বাহাদুরের স্মৃতি অবিচ্ছেদ্য ভাবে বিজড়িত রহিবে।

রাজা বাহাদুর অত্যন্ত বিনয়ী ও সদালাপী ছিলেন। সকল প্রকারের লোক সকল সময় তাঁহার সহিত সাক্ষাৎ করিতে যাইত। কিন্তু তিনি সাহিত্যালোচনার বিশেষ আনন্দ অনুভব করিতেন। ঐতিহাসিক ও রাজনীতিক বিষয়ে তিনি বহু তথ্য অবগত ছিলেন।

তাঁহার মৃত্যুর ৫৬ বৎসর পূর্ক হইতেই তাঁহার স্বাস্থ্য ভঙ্গ হইয়াছিল। কিন্তু তিনি স্বাস্থ্যরক্ষাবিষয়ে বিশেষ সতর্ক থাকায় তিনি জীবনের শেষ পীড়া পর্যন্ত কার্যক্ষম ছিলেন।

তাঁহার নানা সদৃশ্যের মধ্যে বহুবাসন্য বিশেষ উল্লেখযোগ্য।
* মতান্তরকে তিনি মনান্তরের কারণ করিয়া রাখিতে ভালবাসিতেন না। পরিবদ স্থানান্তরিত করিয়া যাঁহার তাঁহাকে ব্যথিত করিয়াছিলেন তাঁহা-
দিগের অনেকের সহিতই তাঁহার বন্ধুত্ব বিচ্ছিন্ন হয় নাই বা পুনরায়
সংস্থাপিত হইয়াছিল।

তাঁহার সদৃশ্যের স্মৃতি তাঁহার বহুবর্ণের স্মৃতিতে নিবদ্ধ থাকিবে।
কিন্তু বাঙ্গালার সাহিত্য-সুহৃদদিগের মধ্যে তাঁহার নাম সমুজ্জ্বল বর্ণে
লিখিত রহিবে। পরিবদের পুণ্য পীঠে দাঁড়াইয়া আমরা এ আশা করিতে
পারি যে, পরিবদ চিরস্থায়ী হইবে আর পরিবদের সহিত বিচ্ছিন্নতা রাজা
বাহাদুরের নামও কালজয়ী হইয়া থাকিবে।



কামনা।

সাবুজ্য চাহি না, নাথ, শুধু দাসীরূপে।
চরণ পূজিতে চাহি শুধু চুপে চুপে।
চাহি ভালবাসিবারে ক্ষুদ্র প্রাণ দিয়া।
চাহি, প্রেতা, সর্বজীবে তোমায়ে হেরিয়া
বিলাইতে সবাকারে দ্বিধা অনাবিল
মৌন ভালবাসা। চাহি হেরিতে নিখিল
ভান্বর তোমার প্রেমে, হে জগৎআমি,
তুমি থাক প্রভু হ'য়ে, দাসী থাকি আমি।

শ্রীসরোজবাসিনী গুপ্তা

মহেন্দ্রনাথ বিদ্যানিধি ।

বঙ্গীয় সাহিত্য পরিষদ আজ যে বিদ্যানিধি মহাশয়ের জ্ঞাত শোক প্রকাশ করিতেছেন তাঁহার নিকট বঙ্গীয় সাহিত্য পরিষদ আপন সম্বন্ধে অনেক বিষয়ে বহুল পরিমাণে ঋণী । ইহার প্রাথমিক গঠনকালে বিদ্যানিধি মহাশয় একজন প্রধান মন্ত্রী ছিলেন—অনেক উপাদান তাঁহার যত্নে ইহার দেহগঠনে তাঁহার হস্তেই সংযোজিত হইয়াছে । অনেক ফাঁটা-চটা মেরামতেও তাঁহাকে সে সময় বিধম পরিশ্রম করিতে হইয়াছিল । বঙ্গীয় সাহিত্য পরিষদ বর্ত্তমান থাকিবে ততকাল বিদ্যানিধি মহাশয়কে আপনায় অন্ততম গঠনকর্ত্তা বলিয়া স্বরণ রাখিতে বাধ্য এবং পরিষদের বর্ত্তমান হিতৈষিবৃন্দের মধ্যে যাহারা বিদ্যানিধি মহাশয়ের সহিত ইহার গঠনকার্য্যে লিপ্ত ছিলেন, তাঁহারা তাঁহাকে কোন দিনই ভুলিবেন না,—ভুলিতে পারিবেন না । আর যাহারা পরিষদ-গঠনে বিদ্যানিধি মহাশয়ের অক্লান্ত পরিশ্রম, অদম্য উৎসাহ ও আন্তরিক বন্ধু দেখেন নাই তাঁহারা, (এই পরিষদের অপর গঠনকর্ত্তৃগণের সঙ্গে) সেই দরিদ্র ব্রাহ্মণের নামটি স্বরণ রাখিলে বাধিত হইব । পরিষদের প্রতি যাহাদের প্রীতি আছে যাহারা পরিষদকে বাঙ্গালা ভাষায়, বাঙ্গালীর সমাজের—এক কথায় বাঙ্গালী জাতির গৌরবস্থল ও উন্নতির সোপান বলিয়া মনে করেন, এই পরিষদের জন্মতিহাসের সহিত একাত্মভাবে জড়িত এই দরিদ্র ব্রাহ্মণের নাম যদি তাঁহারা স্বরণ না রাখেন, তাহা কেবল তাঁহাদের অকৃতজ্ঞতার পরিচায়ক হইবে ।

পরিষদের সম্পোষণার্থ সদন্তসংগ্রহ, পরিষদের পালনার্থ সহকারীসম্পাদক-রূপে নানাতাবে পরিশ্রম, পরিষদ পুস্তকাগারের জ্ঞাত পুস্তকসংগ্রহ, পরিষদ পত্রিকার উন্নতির জ্ঞাত লেখকসংগ্রহ, অধিবেশনে পাঠের জ্ঞাত প্রবন্ধ-সংগ্রহ, অধিবেশনে গণ্যমান্য ব্যক্তিদিগকে উপস্থিত হইবার জ্ঞাত আমন্ত্রণ, অনুরোধ প্রভৃতি পরিষদের উন্নতিকর ও সদন্তগণের প্রীতিবর্দ্ধক সকল কার্য্যেই বিদ্যানিধি মহাশয় অশ্রান্ত পরিশ্রম করিতেন । তৎকালীন সাহিত্য-সংসারে ও সাহিত্যিক-সমাজে তাঁহার নানাবিধ কার্য্য ছিল । সেই সকল কার্য্যস্বত্রে যাহারাই সহিত, যে জ্ঞাত, যখনই দেখা হইত, প্রসঙ্গতঃ পরিষদের কথা উত্থাপিত করিয়া পরিষদের প্রতি তাঁহাকে আকৃষ্ট করিবার

চেষ্ঠা করিতে তাঁহাকে সর্বদা সচেঁট দেখিতাম । শ্রাদ্ধ-সভায় ব্রাহ্মণ পণ্ডিতের সমাগমেও তাঁহাকে একরূপ চেষ্ঠার বিরত থাকিতে দেখি নাই । সাহিত্য পরিষদ যখন রাজা বিনয়কৃষ্ণ দেব বাহাদুরের গৃহ হইতে স্থানান্তরিত হয়, সেই দিন হইতে কোন সতীর্থ বন্ধুর অনুরোধ রক্ষার জন্ত তিনি কিছু দিন পরিষদের সহিত সম্পর্ক ত্যাগ করিয়াছিলেন বটে ; কিন্তু ইহার প্রতি প্রীতি ও স্নেহ বর্জন করেন নাই । সাহিত্য তাঁহার চিরপ্রিয় ; সাহিত্য তাঁহার আনন্দ—সাহিত্য তাঁহার প্রাণ ছিল । সাহিত্যানন্দদিগের সহিত আলাপে বাহাকে যে ভাবে অনুপ্রাণিত দেখিতেন, তিনি তাহাকে সেই মার্গ অনুসরণ করিতে উপদেশ দিতেন । তিনি মুখ্যতঃ সাহিত্যসভার গঠন-কার্যে সন্নিবিষ্ট থাকিলেও তাঁহার ব্যাখ্যাত সাহিত্যসেবাপদ্ধতি শ্রবণ করিয়া অনেক সাহিত্যাহুরাগী বিদ্যানিধি মহাশয়ের সাহায্যসংশ্লিষ্ট সাহিত্য সভার যোগদান না করিয়া বলীয় সাহিত্য পরিষদে যোগদান করিয়াছিলেন । একনিষ্ঠ সাহিত্যযাজক বিদ্যানিধি মহাশয় এইরূপে পরিষদের অনেক সদস্য সংগ্রহ করিয়া দিয়াছিলেন ।

সাহিত্য সভার গঠনযুগে বিদ্যানিধি মহাশয়ই তাহার উন্নতির কেন্দ্রশক্তি স্বরূপ কার্য্য করিতেন । পরিষদের দ্বারা সাহিত্য সভাও নিজ জীবনের জন্ত বিদ্যানিধি মহাশয়ের নিকট চিরকৃতজ্ঞ সন্দেহ নাই । সাহিত্য সভার পুস্তকালয় প্রতিষ্ঠার জন্ত বিদ্যানিধি মহাশয় নিজের আখ্যাত সঞ্চিত বহু পুস্তক, পুঁথি, মাসিকপত্র তথায় দান করিয়াছিলেন । সাহিত্য সভার বর্তমান পুস্তক-ভাণ্ডারের অর্দ্ধাংশ কেবল তাঁহার দত্ত বিপুল গ্রন্থাশিষ্যরাই গঠিত বলিলে বোধ হয় অত্যাুক্তি হইবে না ।

বিদ্যানিধি মহাশয় ‘আর্য্যদর্শনে’ প্রথমে লেখক ও পরে সহকারী সম্পাদক-রূপে প্রতিষ্ঠিত হইয়া সাহিত্য সংসারে সুপরিচিত হয়েন । তিনি টোলে ও সংস্কৃত কলেজে অধ্যয়ন করিয়া সংস্কৃত কাব্যাদি শাস্ত্রে বিশেষ বুৎপন্ন হইয়াছিলেন এবং ইংরাজীও জানিতেন । অনেক প্রবেশিকা বিদ্যালয়ে তিনি প্রধান পণ্ডিতের পদ অলঙ্কৃত করিয়া বহু ছাত্রকে শিক্ষাদান করিয়া গিয়াছেন । তাঁহার ছাত্রগণের মধ্যে অনেকেই এক্ষণে স্বনামধন্য কৃতি ও সাহিত্যক্ষেত্রে যশস্বী হইয়া উঠিয়াছেন । বাঙ্গালা সাহিত্যের চর্চায় তিনি প্রথম হইতেই মৌলিকতা প্রকাশ করিয়া যশোলাভ করেন । হোমিওপ্যাথীর আবিষ্কারকর্তা হানিমানের জীবন-চরিত তাঁহার প্রথম প্রকাশিত গ্রন্থ ।

একজন কাব্য শাস্ত্রের “টুলো” পণ্ডিত মাতৃভাষাসেবায় ত্রতী হইয়া ভাষাদেবীর চরণে প্রথম যে অঞ্জলী প্রদান করিলেন, তাহা একেবারে তাঁহার শিক্ষিত বিষয়ের বাহিরের বস্তু। ঐ সময় তিনি ‘আর্য্যদর্শনের’ সহকারী সম্পাদক। তাঁহার সম্পাদক সুপণ্ডিত স্বর্গীয় যোগেন্দ্রনাথ বিজ্ঞানভূষণ মহাশয় তখন গ্যারিবল্ডী, ম্যাটসিনী প্রভৃতির জীবন-চরিত প্রকাশ করিতেছিলেন। সহকারী সম্পাদক বিজ্ঞানিধি মহাশয় তাঁহারই প্রদর্শিত পথে (তবে সম্পূর্ণ নূতন দিকে) এক জন নববিজ্ঞাপ্রতিষ্ঠাকারী চিকিৎসকের জীবন-চরিত লিখিয়া কৰ্ম্ম আরম্ভ করিলেন ইহা অল্প বিনয়ের কথা নহে। তাহার পরে তাঁহার যে ক্ষুদ্র পুস্তিকাখানি আমরা পাই, তাহাও নবীনত্বে এবং মৌলিকত্বে পরিপূর্ণ—সেখানি প্রাচীন আর্য্যরমণীগণের বৃত্তান্ত। বঙ্গসাহিত্যের পাঠক ও ইতিহাসলেখক সৰ্ব্বপ্রথমে বিজ্ঞানিধি মহাশয়ের মুখেই এই পুস্তিকাখানি দ্বারা আমাদের বৈদিক কালের গার্গী, মৈত্রেয়ী, আত্রেয়ী, ও পৌরাণিক কালের দেবহতি প্রভৃতি বিদ্বয়ী মহিলার পরিচয় প্রাপ্ত হইলেন। তাহার পর তিনি বাহা কিছু লিখিয়াছেন, তাহাই কিছু না কিছু মৌলিক গবেষণামূলক। অংক মদীয় সৌদর-প্রতিম নগেন্দ্রনাথ বসু প্রাচ্যবিজ্ঞানমহার্ষি মহাশয় যে জাতিতত্ত্ব লইয়া আলোচনা করিয়া খণ্ডে খণ্ডে বঙ্গের জাতীয় ইতিহাস প্রকাশ করিতেছেন, তৎসম্পর্কিত বংশাবলীর আলোচনা যে বাঙ্গালীর একটা প্রধান কর্তব্য এবং জাতব্য বিষয়, বিজ্ঞানিধি মহাশয়ের ‘কল্পনা’ নামক অধুনালুপ্ত তদানীন্তন সুপরিচিত মাসিক পত্রে প্রকাশিত পৌরাণিক ঋষি ও রাজ-বংশাবলীর আলোচনামূলক “বংশাবলী” নামক ধারাবাহিক প্রবন্ধাবলীতেই বাহা প্রথম প্রকটিত হয়। বাঙ্গালা সাময়িক (মাসিক ও সাপ্তাহিক) পত্রের ইতিহাস সন্ধান, তাঁহার মৌলিক গবেষণার আর একটি অপূর্ণ দৃষ্টান্ত। এই প্রবন্ধ যদিও তিনি সম্পূর্ণ করিয়া বাইতে পারেন নাই, তথাপি তিনি যে পর্য্যন্ত লিখিয়া গিয়াছেন, তদধিক আর কিছু কাহাকেও করিতে হইলে, তাঁহাকে বিভিন্ন জিলায় ঘুরিয়া বেড়াইয়া নূতন উপায়ে নূতন অনুসন্ধান করিতে হইবে। নতুবা তিনি আর বিশেষ কোন কিছু নূতন তথ্য সংযোগ করিতে পারিবেন না। বিজ্ঞানিধি মহাশয়ের আর একটি মৌলিক গবেষণার কথা বলিব। তাহার বিষয়টি এমন অদ্ভুত ধরণের যে, সে বিষয়ে যে আবার জাতব্য কিছু আছে, লেখ্য কিছু আছে, তাহার ইতিহাস যে

সমাজের কোন প্রয়োজনে আসিতে পারে বলিয়া ব্রক্ষিতব্য, এ ধারণা তাঁহার পূর্বে আর কাহারও মনে উঠে নাই। সেটি বঙ্গীয় নাট্যশালার ইতিহাস।

বিজ্ঞানিধি মহাশয় যখন নাট্যশালার ইতিহাস অমুসন্ধানের কল্পনা করেন, তখন পর্য্যন্ত নাট্যশালা এই “কলির সহর কলকেতাতেই” ভদ্র শিক্ষিত লোকের নিকট আজকালকার ছাত্র আদর পাওয়া দুরে থাকুক, বরং ঘৃণ্যই ছিল। সেই সময়ে তিনি কলিকাতার প্রধান প্রধান নাট্য-শিল্পীর সহিত দেখা করিয়া উহার ইতিহাসসংগ্রহে প্রবৃত্ত হইলেন। সৌভাগ্যের বিষয়, বঙ্গের নাট্যশালার প্রতিষ্ঠাতৃগণের মধ্যে অনেকেই তখন জীবিত ছিলেন। বিজ্ঞানিধি মহাশয় তাঁহাদের প্রত্যেকের সহিত দেখা করিয়া বিবরণ সংগ্রহ করিতে চেষ্টা করেন। যাঁহাদের কীর্তিকাহিনী লিপিবদ্ধ করিবার জন্ত বিজ্ঞানিধি মহাশয়ের এত চেষ্টা—এত উৎসাহ জাগিয়াছিল, দেশের লোকের নাট্যশালার প্রতি তখনকার ভাব অমুখাবন করিয়া তাঁহারাই অনেকে সে সময়ে তাঁহার আগ্রহে মনোযোগ করেন নাই। মদীয় স্বর্গীয় পিতৃদেব অর্ধেন্দুশেখর মুস্তফী মহাশয় এবং আদি নাট্য-মঞ্চশিল্পী ৬ধর্মদাস সুর মহাশয় তাঁহার অভিলাষ সর্বাঙ্গে পূর্ণ করেন। পিতৃদেবের প্রদত্ত সংক্ষিপ্ত বিবরণ অবলম্বন করিয়াই বিজ্ঞানিধি মহাশয় ৮গিরীশচন্দ্র ঘোষ, শ্রীযুক্ত অমৃতলাল বসু, ৮মহেন্দ্রলাল বসু, শ্রীযুক্ত রাধামাধব কর, ৮বিহারীলাল চট্টোপাধ্যায় প্রভৃতির নিকট কথা প্রসঙ্গে অনেক তথ্য সংগ্রহ করিয়া নিজ সম্পাদিত ‘পুরোহিত’ ও ‘অমূলীন’ পত্রে প্রকাশ করিতে আরম্ভ করেন। এমনই কালের বিচিত্র গতি যে, এক দিন যাঁহারা এইসকল বিবরণ দিতে কিছুমাত্র উৎসাহ দেখান নাই, উত্তরকালে তাঁহাদেরই মধ্যে আবার প্রতিযোগিতা উৎপন্ন হইয়া নাট্যশালার গঠন-যুগের ইতিহাসকে ইহারই মধ্যে এমন জটিল করিয়া তুলিয়াছে যে, এখন হঠাৎ তাহা হইতে সত্যনির্ণয় করা বড় কঠিন হইয়া উঠিয়াছে। বঙ্গীয় নাট্যশালার ইতিহাস ব্যতীত বিজ্ঞানিধি মহাশয় ‘নব্যভারতে’ রাজা রামমোহন রায়ের জীবন-চরিত সম্বন্ধে বহু তথ্য আবিষ্কার করিয়া রাজা রামমোহন রায়ের জীবন-চরিতখানিকে প্রায় পূর্ণতা দান করিয়া গিয়াছেন। এই সকল তথ্য সমসাময়িক প্রমাণদ্বারা সমর্থিত করিয়া তিনি বাঙ্গালার বিশেষ কৃতজ্ঞতা-ভাজন হইয়া রহিলেন। বিজ্ঞানিধি মহাশয়ের প্রবন্ধের সংখ্যা অনেক ; সকলগুলির উল্লেখ করিবার স্থল ইহা নহে। অতঃপর ইহা বলিলেই যথেষ্ট

হইবে যে, তিনি গ্রন্থকার, মাসিক পত্রের সম্পাদক, সাপ্তাহিক পত্রের সম্পাদক, প্রবন্ধলেখক প্রভৃতি সাহিত্য-সেবকের সকল মূর্ত্তিতেই আমরণ বাড়ুতাবার সেবা করিয়া গিয়াছেন । তাঁহার অক্ষয়কুমার দত্তের জীবনচরিত-খানি তখনকার কালে জীবন-চরিত গ্রন্থের মধ্যে শ্রেষ্ঠ পুস্তক ছিল ।

✓ বিজ্ঞানিধি মহাশয় যখন ‘বিজ্ঞানিধি’ হয়েন নাই, তখন বাগবাজারে, আন্ততঃ্য বন্দোপাধ্যায় নামে একজন সুপণ্ডিত ও সুশিক্ষক তখনকার এড্‌মিনিষ্ট্রেটর জেনরল এল্‌, পি, ডি, ব্রাউটনের নামে “ব্রাউটন ইন্‌স্টিটিউশন” নাম দিয়া এক প্রবেশিকা বিজ্ঞালয় প্রতিষ্ঠা করেন । প্রতিষ্ঠার কয়েক মাস পরে বিজ্ঞানিধি মহাশয় তাহার প্রধান পণ্ডিত নিযুক্ত হয়েন । তখন তাঁহার ‘হানিম্যান’ কেবলমাত্র প্রকাশিত হইয়াছে এবং তিনি নিজে কেবলমাত্র বংশগত উপাধিধারী মহেন্দ্রনাথ রায় নামেই পরিচিত । এই স্থানেই বলিয়া রাখা ভাল যে, পণ্ডিত মহেন্দ্রনাথ রায় ও রাজা রামমোহন রায় একই বংশোদ্ভূত, মহেন্দ্রনাথই জ্যেষ্ঠ শাখার সন্তান এবং ঈশ্বরের নিবাসও একই স্থানে—খামাকুল কৃষ্ণনগরে । এই ব্রাউটন ইন্‌স্টিটিউশনেই বিজ্ঞানিধি মহাশয়ের সহিত আমার প্রথম সাক্ষাৎ ও এই স্থানেই আমাদের গুরুশিষ্য সম্পর্ক স্থাপিত হয় । আমি তখন ঐ স্থলে পড়িতাম । বিজ্ঞানিধি মহাশয়ের কাছেই আমার ‘উপক্রমিকা ব্যাকরণ’ হইতে সংস্কৃত শিক্ষার এবং ‘যুগিষ্ঠিরের সত্যতা’ নামক ৫ম শ্রেণীর উপযুক্ত প্রবন্ধ রচনা হইতে বাঙ্গালা রচনা শিক্ষার সূত্রপাত হয় । সে বোধ হয় ১৮৭৯ খৃষ্টাব্দের কথা । তদবধি বিজ্ঞানিধি মহাশয়ের সহিত আমার চিরদিনের নিমিত্ত যে ভক্তি ও স্নেহের বন্ধন বাঁধা হইয়াছিল, তাহা কোন দিন শিথিল হয় নাই ; আর আজ তাঁহার দেহান্ত হইলেও আমার দেহান্ত পর্যন্ত তাহা অটুট থাকিবে । বিজ্ঞানিধি মহাশয়ের শিষ্য আমার ভাগ্যে বেশী দিন ঘটে নাই ; কারণ, অল্পদিনের মধ্যেই তিনি অধিক বেতনে অস্ত্র কৰ্ম্ম করিতে গমন করেন, আমিও শিক্ষার্থ ওরিয়েন্টাল সেমিনারীতে প্রবিষ্ট হই ও ব্রাউটন ইন্‌স্টিটিউশনও নাম পরিবর্তন করিয়া কটন ইন্‌স্টিটিউশন নামে অস্ত্র উঠিয়া যায় । ✓

সাহিত্য-ক্ষেত্রে যখন বিজ্ঞানিধি মহাশয়ের সঙ্গে একত্র কাজ করিয়াছি, এই পরিবর্ষের গঠনকার্য্যে একত্র পরিশ্রম করিয়াছি, মাসিক পত্রাদি সম্পাদনে ও প্রবন্ধাদির গবেষণায় যখন একত্র থাকিয়াছি,—

তখন তাঁহার যে স্নেহ, যে প্রীতি এবং যে কার্যকুশলতা ও পরিশ্রম-ক্ষমতা লক্ষ্য করিয়াছি তাহা অপূর্ণ। তাহা অনেক সময় আমার আদর্শ স্বরূপ হইয়া আছে। তিনি তাঁহার ছাত্র ও বন্ধুগণকে সাহিত্য-সেবার যে ভাবে উৎসাহিত করিতেন, 'যে রূপে সাহিত্য-সেবাদিগণের নিকট পরিচিত করিতেন এবং যে ভাবে সাহিত্য-শিক্ষায় সাহায্য করিতেন, তাহাও অপূর্ণ এবং অতি মনোহর। এ বিষয়ে এত সহৃদয়তা অল্প লোকেরই দেখা যায়। তিনি তাঁহার পরিচিত ব্যক্তিবর্গের নিকট যে রূপ অমায়িক এবং প্রকৃতভাৱে ছিলেন, তাহা আমার বেশী করিয়া বলিতে হইবে না। আজ তাঁহার বিয়োগে তাঁহার শত শত বন্ধু তাঁহারা অল্প শত গুণের মধ্যে সেই গুণই স্বরণ করিয়া বিলাপ করিতেছেন।

বিদ্যানিধি মহাশয় চিরদরিদ্র ছিলেন, কিন্তু পরিশ্রমের কষ্টার্জিত উপার্জন ব্যতীত তিনি অল্পভাবে বড় বেশী লোকের কাছে সাহায্য গ্রহণের চেষ্টা করিতেন না। মৃত্যুর কিছু দিন পূর্বে তাঁহার দারিদ্র্য বর্জিত হইয়া অশেষ প্রকারে তাঁহাকে পীড়ন করিয়াছে, এমন এক এক দিন গিয়াছে যে, দিনান্তেও তাঁহার অন্ন জুটে নাই। পারিবারিক স্মৃতিও তাঁহার ছিল না। তাঁহার পুত্র হয় নাই। তিনি অর্থভাবে কতগুলিকে দরিদ্র, পাত্রে দিতে বাধ্য হইয়াছিলেন। ইহাতে তাঁহার মানসিক কষ্ট আরও বাড়িয়া উঠিয়াছিল। তাহার উপর শেষে জীবিরোগেও ভোঁতা কঠোর বৈধব্যে তাঁহাকে মুহমান করিয়াছিল। অবশেষে জ্বররোগের নিশ্চেষ্টে শ্রবণ কয়েক বৎসর তিনি সাহিত্যচর্চাও ত্যাগ করিতে বাধ্য হইয়াছিলেন। মৃত্যুর দুই মাস পূর্বে তাঁহার কনিষ্ঠা কস্তার অকালবিয়োগবেদনা তাঁহাকে আর স্থির থাকিতে দেয় নাই। বিদ্যানিধি মহাশয় হৃদশয় ও হৃচ্চিকার ভাবে অরাস্তিসারে পীড়িত হইয়া শয্যা লয়েন। অতঃপর সে দিন মৃত্যু আসিয়া দরিদ্র ব্রাহ্মণের সকল আশার শাস্তি করিয়া দিয়াছে। মাতৃভাবায় এই একজন নির্ভাবান চিরবিষমত সেবকের স্মৃতিটুকু বাহাতে লোপ না পায়, তাঁহার কোন না কোনরূপ স্মৃতি তাঁহারই যত্ন ও পরিশ্রমের একাংশকৃত ভাবাজননীর এই শ্রীমন্দিরে প্রতিষ্ঠিত হয়, তাহার আয়োজন করাই আমাদের কর্তব্য; আর তাহা করিয়া ভুলিতে পারিলেই তাঁহার অসংখ্য সাহিত্য-বন্ধু, ছাত্র ও সঙ্গীর দ্বারা তাঁহার স্মরণ দরিদ্র ব্রাহ্মণের উপযুক্ত স্মৃতিরূপে চেষ্টা সফল হইবে।*

ত্রিভোমকেশ মুস্তফী।

সাহিত্যিক ।

১

বাল্যকাল হইতে একটির পর একটি করিয়া বিশ্ববিদ্যালয়ের পরীক্ষার বাধাগুলি উল্লঙ্ঘন করিতে করিতে তাহাতেই যেন নিত্যন্ত অভ্যস্ত হইয়া গিয়াছিল। তাহার মধ্যেই যেন জীবনের সমস্তখানি আনন্দ—সমস্তটুকু সার্থকতা নিহিত ছিল ; তাই এম্, এ, পরীক্ষার শেষে সংসারের লক্ষ্যহীন প্রান্তরের মধ্যে দাঁড়াইয়া জীবনটা কেমন যেন ঝাপছাড়া বোধ হইতে লাগিল। এতকাল পরীক্ষা দেওয়া ছাড়া আর কিছুই শিখি নাই, পুস্তকের রাশি ছাড়া আর কিছুই ভালবাসি নাই,—এখন বিশ্ববিদ্যালয়ের মন্দির হইতে বিদায় লইয়া নিত্যন্তই অসহায় হইয়া পড়িলাম। জগতের সঙ্গে সহায়ত্বের অভাব প্রতি পদেই অস্তিত্বটা বিবময় করিয়া তুলিয়াছিল, তাই একটু নূতনধের আশায় পুরী গেলাম।

সমুদ্রতীরে বালুকাপ্রান্তরের মধ্যে আমার ছোট বাসাটি—আর তাহারই সম্মুখে যত দূর দৃষ্টি যায়, নীল বারিরাশি ; আর তাহারই বন্ধে খেতকুম্বদামের মত শুভ্র কেনপুঞ্জ তরঙ্গের পর তরঙ্গের মাথায় চড়িয়া কোন্ দেশ দেশান্তরের বাণী বহিয়া আনিতেছে ! সে কি আকুল আবেগময় উচ্ছ্বাস—প্রাণ্ডি নাই, বিরাম নাই, বাধা নাই, বিরক্তি নাই, ঢেউএর পর ঢেউরাশি কি ব্যাকুল আগ্রহেই ধরাকে আলিঙ্গন করিতে ছুটিয়া আগিতেছে ! সারাদিন জানালার ধারে বসিয়া আমি সেই দিগন্তপ্রসারিত নীল বারিরাশির নৃত্য দেখিতাম আর কেন যেন প্রাণের মধ্যে প্রত্যাখ্যাত সাগরেরই মত একটা গভীর হাহাকার ধ্বনি থাকিয়া থাকিয়া জাগিয়া উঠিত। হৃদয়ে কি যেন একটা মহাশূন্যতা সদাই অনুভব করিতাম, বিশ্বসংসার খুঁজিয়া তাহার কারণ পাইতাম না। উদার সাগরের তটে বসিয়া বীচিমালায় সজ্জিত শুনিতে শুনিতে—উপরের নীল আকাশে নক্ষত্র-মালায় শোভা দেখিতে দেখিতে কত সন্ধ্যায় মনে হইত, কি যেন আমার ছিল তাহা হারাইয়াছি, কি যেন আমার চাহি তাহা খুঁজিয়া পাই না। সম্মুখে নীল সাগর ; উপরে নীল আকাশ, তাহারই গাত্রে চাঁদিনী রজনীর নিক্ক জ্যোৎস্না, আর তাহারই বিমল আভাষ যখন নীল সাগরের সর্ব্বাঙ্গে

একটা স্বপ্নরাজ্যের শোভা দিগ্‌দিগন্তে মাথাইয়া দিত, তখন কেবলই মনে হইত, সবাই ত হাসে কেবল আমি কেন মন খুলিয়া হাসিতে পারি না? জগতের সহিত এমনই সহানুভূতিহীন হইয়া পড়িয়াছিলাম।

মনের এমনই অবস্থায় বিমলার সহিত সাক্ষাৎ হইল। আমার বাসার নিকটেই একটা বড় বাড়ী হরিপদবারু ভাড়া লইয়াছিলেন। প্রত্যহ প্রত্যুষে দেখিতাম, খেঁতখশ্ৰ বৃদ্ধ সমুদ্রতীরে বসিয়া একমনে কি চিন্তা করিতেছেন। ভদ্রলোকটির প্রশান্তভাবপূর্ণ আকৃতি অজ্ঞাতে আমার শ্রদ্ধার অনেকখানি অধিকার করিয়া ফেলিয়াছিল। যাচিয়া আলাপ করিবার অভি্যাস বহুদিন তাগ করিয়াছিলাম; কিন্তু এই সৌম্যমূর্তি বৃদ্ধের পরিচয় লাভের ব্যগ্রতা দমন করিতে পারিলাম না। কয়েক দিন চেষ্টার পর এক দিন তাঁহাকে একাকী সমুদ্রতীরে বেঙ্কের উপর বসিয়া থাকিতে দেখিয়া আমি যাইয়া পাশে বসিলাম। সহজেই পরিচয় হইয়া গেল—তিনি নাগপুরে ওকালতি করেন, গ্রীষ্মের অবকাশ উপলক্ষ করিয়া দেশে ফিরিতেছিলেন, পথে পুরীতে কিছুদিন কাটাওয়া কয়েক মাস বাপালায় বাস করিয়া যাইবেন এইরূপ ইচ্ছা। স্বাস্থ্য ভিন্ন যে তাঁহার দীর্ঘ অবকাশ লইবার অন্য কারণও ছিল তাহা প্রকাশ করিতে সরল হৃদয় বৃদ্ধ এতটুকু ইতস্ততঃ করিলেন না।

“আমার মেয়েটি—বিলিও বড় হইয়া উঠিয়াছে, তাহার একটা বিবাহের চেষ্টাও দরকার। দূরদেশে থাকি, নিজে না দেখিলেও হয় না—” বলিয়াই তিনি বাতি ঘরের দিকে চাহিলেন। দেখিলাম একটি বর্ষীয়সী মহিলা একটি চতুর্দশ কি পঞ্চদশ বর্ষীয়া বালিকা ও একটি দ্বাদশ বর্ষ বয়স্ক বালকের সহিত বিম্বক কুড়াইতেছেন। বালির উপর নানা রকমের সুন্দর সুন্দর বিম্বক ছড়ান রহিয়াছে, বালিকা অঁচল পুরিয়া সেগুলি খুঁটিয়া তুলিতেছে। তাহার ত্রস্ত সলজ্জ ভাব, সতর্ক চপলতা এবং আনন্দোজ্জল মুখশ্রী আমার হৃদয় মরুভূমিতে হঠাৎ যেন এক মরীচিকার সৃষ্টি করিয়া দিল। আমি বহুদিনপরে মনের মধ্যে যেন একটা ভাবের উন্মেষ অনুভব করিলাম—অনেক দিনের হারানো আমিকে যেন চকিতে ফিরিয়া পাইলাম। নিজের দুর্বলভাৱ নিজেই হাসি পাইল; কিন্তু তাহাতে আনন্দিত ভিন্ন বিরক্ত হইলাম না। বুঝিলাম, এই বালিকাই বিলি। হরিপদবারু তাঁহাদিগকে নিকটে ডাকিলেন, আমাকে তাঁহাদের সহিত পরিচিত করিয়া দিলেন। আমি বিশ্ব-বিজ্ঞানজ্ঞের ভিগকধারী যুবক, আমার অধিক পরিচয় আবশ্যক হইল না।

সেই দিন হইতে হরিপদবাবুর বাসার নিত্য অতিথি হইতে লাগিলাম। বিলি আমার সম্মুখে বাহির হইত, অথচ আমার সহিত কথা বলিত না। তাহার এই সঙ্গজ নীরবতাই তাহাকে আমার কাছে আরও মাধুর্য্যময়ী করিয়া তুলিল, মনে মনে তাহাকেই জীবনের অধিষ্ঠাত্রী দেবীরূপে বরণ করিলাম।

হরিপদবাবু একটু নব্যতন্ত্রের লোক হইলেও বাড়ীর মেয়েদের সহিত নিঃসম্পর্কীয় যুবকের স্বাধীন আলাপ পরিচয় পছন্দ করিতেন না; সুতরাং আমি বিলিকে দেখিতে পাইতাম বটে, হঠাৎ কখন তাহার মুখের দিকে চাহিলে সেও যে আমার দিকে সম্মুখ সম্মুখ চাহিয়া থাকে তাহাও বুঝিতাম বটে, কিন্তু আলাপের সুযোগ পাইতে একটি বিপদের অপেক্ষা রহিল।

সেবার রথযাত্রার সময় যাত্রীদের মধ্যে কলেরা দেখা দিল। এক দিন রাত্রিতে ঘুমাইতেছি, হঠাৎ হরিপদবাবুর কম্পিত আঁহ্বানে নিদ্রাভঙ্গ হইল; শুনিলাম, বিলির কলেরা হইয়াছে। শশবাণ্ডে উঠিয়া তখনই বাইয়া শুশ্রূষায় প্রবৃত্ত হইলাম—তখন আর আত্মপরিভেদ রহিল না। আমার নিকট একটা হোমিওপ্যাথির বাক্স ছিল, সেটি অসময়ে বড় কাষ দিল। অত রাত্রিতে অল্প ডাক্তার পাওয়া গেল না, আমারই ঔষধে বিলি ক্রমে সুস্থ হইতে লাগিল। পরদিন রোগিণীর শয্যাপার্শ্বে দাঁড়াইয়া আমার হাত ধরিয়া কঁাদিতে কঁাদিতে বিলির মাতা বলিলেন, “বাবা, বিলি আমার বাঁচিয়া উঠিলে তোমাকেই লইতে হইবে।”

তখন বিলির বেশ জ্ঞান হইয়াছে, তাহার মুখে একটু হাসির রেখা দেখিয়া আমি নীরবে ঘাড় নাড়িয়া সম্মতি জানাইলাম। গৃহে জননীর শত অশ্রু-স্রোতে ও অশ্রুবর্ষণেও যে হৃদয় দ্রব হয় নাই আজ এক অজ্ঞাত মহিলার সামান্য প্রস্তাবেই যে তাহা উদ্বেলিত হইল তাহার মূলে অল্প কারণও ছিল। বিলির সহিত বিবাহে যে আমাদের কুলনীলে কোন বাধা ছিল না হরিপদবাবু পূর্বেই তাহা জানিয়াছিলেন।

অল্পদিনের আলাপেই বুঝিলাম, এই বয়সেই বিলি বঙ্গসাহিত্য-চর্চায় অনেকটা অগ্রসর হইয়াছে। ইহাতে আমার বিশেষ আনন্দ হইল। আমিও কয়েক বৎসর বঙ্গ-বাণীর চরণে অনেক অর্থ্য ঢালিয়াছি, কিন্তু সে অর্থ্য কোমল পুষ্পপত্ররচিত কবিতা নহে, কঠোর কণ্টকময়—গবেষণাপূর্ণ গদ্য রচনা। তদুপরি আমার কয়েকটি প্রতিবাদে ভীত স্নেহপূর্ণ সমালোচনা

শক্তির পরিচয় পাইয়া ‘ত্র্যম্বক’ পত্রের সম্পাদক আমাকে তাহার সমালোচক শ্রেণীতে স্থান দিয়াছিলেন এবং “বেখাতির” নামে আমার যে সব কঠোর কশাঘাত নবীন গ্রন্থকারদের পৃষ্ঠে বর্ষিত হইত তাহা মাসান্তে অনেক পাঠকের নিকটই চাটুনির মত উপায়ে হইয়া উঠিয়াছিল।

মাসান্তের মনে ব্যথা দিয়াই আমার তৃপ্তি হইত, তাই সমালোচকের লেখনীতে মনের বিষ ছত্রে ছত্রে ছড়াইয়া দিয়া নিষ্ঠুর আঘাত উপভোগ করিতাম।

যে দিন হইতে বিলির কবিতার সহিত পরিচিত হইলাম, লেখিকার আবেগপূর্ণ কণ্ঠে তাহার কবিতার আবৃত্তি শুনিলাম, সেই দিন হইতে বালালা কবিতাকে এক নূতন ভাবে দেখিতে শিখিলাম। বুঝিলাম, কবিতা হৃদয়ে উপভোগ করিবার জিনিস; যাহার হৃদয় নাই তাহার পক্ষে কবিতার রসান্বাদন করিতে যাওয়া বিড়ম্বনা। আমি এমনই বিড়ম্বনার অনেকবার পড়িয়াছি। তাহা মনে করিয়া অন্ততপ্ত হইতাম। ক্রমে আমার মামস-রাজ্যেও একটু একটু কল্পনার চিত্র জাগিয়া উঠিতে লাগিল, নীরস গবেষণা ছাড়িয়া কবিতার চর্চা আরম্ভ করিলাম। বিলি আমার হৃদ্যোহীন কবিতা পড়িয়া খুব হাসিত, আমিও হাসিতাম।

২

আমাদের বিবাহের আর এক মাস বাকি। মা’কে সব উদ্ভোগ করিবার ক্রম পত্র লিখিয়াছি। বিলি তখনও খুব দুর্বল, তাহাকে সঙ্গে লইয়া সমুদ্র-তীরে ছই বেলা বেড়াইবার ভার আমার উপরই পড়িয়াছিল। সে দিন ভ্রমণশেষে বাসার সমুদ্রধারের বারান্দায় বসিয়া আমি ও বিলি গল্প করিতেছি,—এমন সময় বিলির কনিষ্ঠ ভ্রাতা হারাণ চট করিয়া একখানা চক্চকে বীধান বই আমার কোলে ফেলিয়া দিয়া ছুটিয়া পলাইল। অম্পষ্ট চক্ষ্যালোকে বইখানির আবরণ দেখিয়াই আমি শিহরিয়া উঠিলাম; মনের মধ্যে যুহুর্ভ্রমধ্যে একটা চিন্তাপরম্পরা জাগিয়াই নিবিয়া গেল। তখনই সে ভাব দমন করিয়া বিলিকে আলো আনিতে অনুরোধ করিলাম। সে একটু হাসিয়া যেন নিতান্ত অনিচ্ছাস্ববে লণ্ঠনটা সমুখে রাখিয়া সরিয়া দাড়াইল। উদ্বেগপূর্ণ আগ্রহে পড়িলাম, বইখানির নাম ‘মশ্ফেখা’—লেখিকা জীমতী বিমলাবালা দেবী। আমার শিরায় শোণিত ক্রম বহিতে লাগিল। মলাট উন্টাইয়া দেখিলাম, গোটা গোটা অক্ষরে বিলির হাতের লেখা—“শ্রীযুক্ত সত্যেন্দ্রনাথ রায় ত্রীচরণের”। আমাকে বিলির সেই প্রথম

প্রণয় উপহার। আমি অতি কষ্টে মনের ভাব চাপিয়া হাসিমুখে কবিতাগুলি পড়িতে পড়িতে শত প্রশংসাবাদে বিলিকে অস্থির করিয়া তুলিলাম এবং তাহার এ উত্তম আমার কাছে গোপন রাখিয়াছে বলিয়া অমুযোগ করিলাম। বিলি আনন্দোদ্বেলিত চিত্তে আমার প্রশংসা অতিরঞ্জিত বলিয়া হাসিয়া উড়াইয়া দিল। হায়, আমার সে সময়ের মানসিক অস্থিরতা কে বুঝিবে ?

বিলিদের বাসা হইতে বাহির হইয়া ছুটিয়া স্টেশনে গেলাম। তখন রাত্রি আটটা। রিপ্লাইপ্রিন্‌টেড এক্সপ্রেস টেলিগ্রামে ‘ব্রহ্মাবর্ত্ত’ সম্পাদককে জানাইলাম,—“যেক্ষণেই হউক প্রাণের ‘ব্রহ্মাবর্ত্তে’ ‘অশ্রুলেখার’ বেধাতির সমালোচনা প্রকাশ বন্ধ করুন।” আমি কয়েক সপ্তাহ পূর্বে এই ‘অশ্রুলেখার’ই তীব্র সমালোচনা লিখিয়া ‘ব্রহ্মাবর্ত্তে’ পাঠাইয়াছি। তখন কে জানিত তাহা বিলির লেখা ?

অনিদ্রায়—উষেগে রাত্রি কাটিল, সকালে উত্তর পাইলাম, “অসম্ভব। ছাপা সব শেষ। ক্ষমা করিবেন।” পত্রিকাখানির ঠিক সময়ে বাহির হইবার সুনাম ছিল, আর চার দিন পরেই ‘ব্রহ্মাবর্ত্ত’ বিলির হস্তগত হইবে ! নিতান্ত অসহায় অবস্থায় কিছুক্ষণ বিছানায় পড়িয়া রহিলাম ; প্রাতে আর বিলিদের বাসায় গেলাম না। কিছুক্ষণ পরে বাস্তব খুলিয়া সমালোচনার খাতাখানি বাহির করিলাম ; তাহার পর সেখানি খণ্ডে খণ্ডে ছিড়িয়া সমুদ্রজলে ফেলিয়া দিয়া আসিলাম। মনে একটু নিশ্চিন্ততার ভাঁব আসিল।

বৈকালে বিলির সহিত বেড়াইতে গেলাম, বিলির ভ্রাতা হারাণও সঙ্গে আসিল। আমাদের বাসার সম্মুখে সমুদ্রতীরে আমি ও বিলি একটু বসিলাম। হারাণ কি দেখিয়া ছুটিয়া গেল। আমার মন চঞ্চল হইয়া উঠিল ; ব্যগ্র—ভীত দৃষ্টিতে চাহিয়া দেখি, সে একতাড়া ছেঁড়া কাগজ হাতে ফিরিতেছে। কাগজগুলি যে আমারই খাতার পাতা সে বিষয়ে আমার সন্দেহ রহিল না, অকৃতজ্ঞ সাগর সেগুলি লুকাইয়া রাখিতে পারে নাই ; চেউ সরিয়া যাওয়াতে সেগুলি বালির উপর বাহির হইয়া পড়িয়াছে।

আমি শশব্যস্তে “ফেলে দাও” “ফেলে দাও” বলিতে বলিতে কাগজগুলি বিলির হাতে আসিয়া পৌঁছিল। স্বায়—লঙ্কার—কোভে আড়ষ্ট হইয়া আমি ভ্রাতৃত্বগীতীর কোঁতুক দেখিতে লাগিলাম। বিলি সতর্কতার সহিত

অনেক লেখাই প্রায় অবিকল পড়িয়া গেল ও আমার হস্তাক্ষরের সহিত সেই লেখার সাদৃশ্যে বিম্বিত হইয়া উঠিল। শেষে মলাটের পৃষ্ঠায় আমার নামও তাহার আবিষ্কার করিয়া ফেলিল। আমি অজ্ঞকার দেখিতে লাগিলাম। তাহাদের অসুসন্ধিৎসা ভবুও ক্ষান্ত হইল না, ক্রমে ‘অশ্রুলেখা’র সমালোচনার পৃষ্ঠাও বাহির হইয়া পড়িল। দুই চারি লাইন পড়িতেই বিম্বলার কণ্ঠ রুদ্ধ হইয়া আসিল। দুরন্ত হারাণ আমার মর্ম্মঘাতী শ্লেষপূর্ণ সমালোচনাটি বিলিকে পড়িয়া শুনাইল। পাঠশেষে বিম্বলা তাহার অশ্রুপূর্ণ চক্ষুদুটিতে আমার দিকে চাহিয়া ধীর স্বরে বলিল, “আমার লেখা আপনি এতই বিস্মী মনে করিয়াছেন, তবে মিথ্যা প্রশংসা করিলেন কেন?” সে স্বরে করুণতা ও বেদনার ভাব জড়িত ছিল। আমি কি উত্তর দিব? নানা কথায় সে কথা চাপা দিয়া অন্য কথা পাড়িলাম। আমার প্রতি কথায় একটা চেষ্টার ভাব প্রকাশ পাইতে পাইল। সে আর বেশী কথা কহিল না। বুঝিলাম, বালিকা বড় ব্যথা পাইয়াছে। সেই রাত্রিতেই তাহার হৃদয়ের দুর্বলতা বিশেষ বাড়িয়া উঠিল; চিকিৎসক তাহাকে খুব সাবধানে রাখিবার উপদেশ দিয়া গেলেন—কোন কারণেই যেন আকস্মিক চিত্তচাঞ্চল্য না ঘটে। আমি রোগিণীর স্বরে বলিয়া রহিলাম।

সে দিন শ্রাবণ মাসের ২রা তারিখ। প্রাতঃকাল হইতেই বিলি বিশেষ চাঞ্চল্য প্রকাশ করিতে লাগিল; বার বার, জিজ্ঞাসা করিতে লাগিল, “অজ্ঞকার ডাকে ‘ব্রহ্মাবর্ত’ আইসে নাই? আজই ত আসিবার কথা।” আমি নির্ঝক্ নিশ্পন্দ হইয়া বসিয়া রহিলাম। পূর্বদিন বৈকাল হইতে বিলি আর আমার সহিত ভাল করিয়া কথা কহে নাই, একবার শুধু বলিয়াছিল, “আমি মিথ্যা ব্যবহারকে ঘৃণা করি।” তাহার অতিরিক্ত আগ্রহে বেয়ায়া পাঠাইয়া পোষ্ট অফিস হইতে ডাক আনান হইল; ‘ব্রহ্মাবর্ত’র সুপরিচিত মোড়কটি দেখিয়াই চিনিলাম। কাগজ বিলির হাতে পড়িল, অধীর আগ্রহে সে সমালোচনাস্তম্ভ বাহির করিয়া ফেলিল। এক একবার মনে হইল সে পৃষ্ঠাটি ছিঁড়িয়া ফেলি; কিন্তু উঠিবার চেষ্টা করিয়াও নড়িতে পারিলাম না, সর্বাঙ্গ যেন অবশ হইয়া গেল। রুদ্ধা বিলি ছত্রে ছত্রে সমালোচনাগুলিতে চোখ বুলাইয়া গেল। শেষে ‘অশ্রুলেখা’র সমালোচনা দেখিয়া সে মাতাকে পড়িতে দিল; বলিল, “মা, পড়ত।” সেই তীব্র শ্লেষ পড়িতে পড়িতে তাহার গাতার মাঝে মাঝে কণ্ঠরোধ হইয়া আসিতে লাগিল,

অর্ধেক পড়িয়াই তিনি বলিলেন, “এখন থাকুক।” অবাধ্য বিলি নিবেদন
মানিল না, নীরবে সবটুকু শুনিয়া গেল। সমালোচক “বেথাতির”। তাহার
পর—তাহার পর সে একবার আমার দিকে চাহিল, অশ্রুতে তাহার চক্ষু
ভরিয়া গেল, কল্পিতকণ্ঠে বিলি বলিল, “তবে আপনিই বেথাতির ?—”
সেই তাহার শেষ কথা—অতিরিক্ত উত্তেজনার বালিকার হৃৎপিণ্ডের ক্রিয়া
হঠাৎ বন্ধ হইয়া গেল। আমি চীৎকার করিয়া উঠিলাম, সকলে কাঁদিতে
লাগিল। ‘ব্রহ্মাবর্ত্তের’ সমালোচনার সাহিত্য হিসাবে স্থান অতি উচ্চ, তাই
সে নিষ্ঠুর কশাখাত বালিকার কোমল হৃদয়ে বড় বাজিয়াছিল।—
আর আমি ?

পুরীর স্বর্গদ্বারে বিলির কুসুম কোমল দেহখানি শান্তিলাভ করিল—সে-ই
আমার সাহিত্যিক জীবনের শ্মশান ।

শ্রীহেমদাকান্ত চৌধুরি ।

বিরহে

—ঃ—

(সংস্কৃত হইতে)

তনু তনু না পেয়ে সে
মৃততনুর পরশন ।
অশ্রুভারে নত নেত্র
বিনা তা’র দরশন ।
কিন্তু এ চঞ্চল চিত্ত
কেন দুঃখনীয়ে ভাসে ।
রয়েছে সত্য সে ত
দিবানিশি প্রিয়াপাশে ।

শ্রীমতী সু—ঘোষ ।

অদৃষ্ট-চক্র।

দশম পরিচ্ছেদ।

বজ্রাঘাত।

বৈশাখের প্রভাত। পূর্ব গগনে উষার শোণিমা-সঞ্চারে দিবাগম সূচিত হইতে না হইতে ভট্টাচার্য্য মহাশয়ের গৃহে ব্যস্তভাব পরিলক্ষিত হইল। গৃহ পূর্ণ; বামাচরণ সপরিবারে গৃহে আসিয়াছে, শৈলজাকে ও পুত্রকন্যাদ্বয়কে লইয়া শৈলজার স্বামী শ্বশুরালয়ে আসিয়াছেন, রাধাচরণও সঙ্গীক গৃহে আসিয়াছে। নীরজার ও দেবীচরণের বিবাহ। ভট্টাচার্য্য মহাশয় কিছুদিন হইতে “হিসাব নিকাশ” করিতে ব্যস্ত হইয়াছিলেন। দুর্ভাবনার তাঁহার মনের আশঙ্কা যত বাড়িতেছিল, তিনি আপনার কাষ শেষ করিবার জন্য তত ব্যাকুল হইতেছিলেন। পাঁচ দিনের ব্যবধানে তিনি কন্যার ও পুত্রের বিবাহ স্থির করিয়াছেন। তিনি জামাতৃদ্বয়কে আসিতে লিখিয়াছিলেন। শৈলজার স্বামী আসিয়াছেন। যতীশচন্দ্র এখনও আইসে নাই। বৈবাহিকের পাত্র পাইয়া কাশী হইতে ধরনীধর নীরজাকে ও দেবীচরণকে আশীর্বাদ জানাইয়াছেন; লিখিয়াছেন—তিনি আসিতে পারিলেন না বলিয়া দুঃখিত; তাঁহার অবস্থা বিবেচনা করিয়া তাঁহার বৈবাহিক অবগুই তাঁহার এ ক্রটি ক্ষমা করিবেন।

দেবীচরণের বিবাহে ভট্টাচার্য্য মহাশয় আপনার মত মতই কার্য্য করিয়াছেন—কোন রূপ ষোড়ক চাহেন নাই—নগদ অর্থও লয়েন নাই। যতীশ-চন্দ্রের ব্যবহারে তিনি এমনই বিচলিত হইয়াছিলেন যে, সংসারজানবিষয়ে অভিজ্ঞ পাত্রে কন্যাসমর্পণ অভিপ্রেত মনে করিয়া যে পাত্র নির্বাচিত করিয়াছেন, সে চাকরী করিতেছে; পশ্চিমে বাস—পশ্চিমে চাকরী তাই বয়স কিছু অধিক হইয়াছে—বিবাহ হয় নাই।

আজ নীরজার গাত্র-হরিজ। তাই আজ প্রভাত হইতে না হইতেই ভট্টাচার্য্য মহাশয়ের গৃহে ব্যস্তভাব পরিলক্ষিত হইতেছে।

বিরক্ত প্রাতঃস্নান শেষ করিয়া পূজা করিতে বসিল। এ উৎসবে যোগ দিবার অধিকার তাহার নাই। ইষ্ট দেবতাকে প্রণাম করিয়া সে ব্রহ্মেশ্বরের আলেখ্য পূজা করিল। আজ গৃহে এই উৎসবানন্দের মধ্যে তাহার হৃদয়

অব্যক্ত যাতনায় ব্যথিত হইতেছিল। পতির চিত্রপ্রদর্শনকালে তাহার চক্ষু হইতে কয়েক বিন্দু অশ্রু ঝরিয়া পড়িল। সে ধীরে ধীরে চিত্রখানি চুখন করিল। দালান হইতে তারাচরণ ডাকিল “মেজ পিসীমা”। বিরজা দাঁর খুলিল; তারাচরণ একখানি রেজেষ্টারী করা পত্র আনিয়াছিল। বিরজার বুঝিতে বিলম্ব হইল না—এ তাহার স্বাম্ভূত পত্র। সে রসিদে সহি করিয়া রসিদ-খানি তারাচরণের হস্তে দিয়া কক্ষে প্রবেশ করিল ও বাস্তব হইতে কাঁচি লইয়া খাম কাটিয়া ফেলিল। পত্রমধ্যে এক শত টাকার নোট ছিল—তাহা রাখিয়া বিরজা সাগ্রহে স্বাম্ভূত পত্র পড়িতে লাগিল। স্বাম্ভূত পত্র বিরজার পক্ষে একাধারে বেদনা ও সান্ত্বনার কারণ। তাঁহার পত্রের প্রতি কথায়—প্রতি জিজ্ঞাসায় সে তাহার প্রতি স্বাম্ভূত আন্তরিক অপরিমিত মাতৃস্নেহের পরিচয় পাইত। তাঁহার সমস্ত স্নেহ যেন এখন বিরজাতেই পর্যাবসিত হইয়াছিল। তাহার কি দুর্ভাগ্য—সে তাঁহার নিকটে থাকিয়া সে স্নেহ ভোগ করিতে পাইল না—তাঁহার সেবা করিতে পাইল না! আর সেই পত্রে যে স্নেহ আত্মপ্রকাশ করিত সে স্নেহে সে নিষ্কল জীবনের বিবম বেদনায় কিছু সান্ত্বনা পাইত। তাই স্বাম্ভূত পত্র পাইলেই বিরজা সাগ্রহে তাহা পাঠ করিত—একবার নহে, বার বার পাঠ করিত। এ পত্রেও তিনি পূর্বের সকল পত্রের মত বিরজাকে কত কথা জানাইয়াছেন—কত কথা জিজ্ঞাসা করিয়াছেন—কত উপদেশ দিয়াছেন। আর তিনি তাহার ভ্রাতাভগিনীর বিবাহে বৌদ্ধাদির লগ্ন এক শত টাকা পাঠাইয়া দিয়াছেন। বিরজা দুই-বার পত্রখানি পড়িল—তাহার পর পত্র ও নোট বাস্তব রাখিয়া দালানে আসিল।

দালান দিয়া যাইবার সময় বিরজা দেখিল, পার্শ্বের কক্ষে সরোজা একাকিনী বসিয়া আছে। আজ গৃহে উৎসবের সময় তাহাকে একাকিনী সেই কক্ষে দেখিয়া বিরজা সেই কক্ষে প্রবেশ করিল;—দেখিল, সে একখানি পত্র হস্তে লইয়া কাঁদিতেছে।

বিরজা যাইয়া ভগিনীর নিকটে বসিল। ব্যথার ব্যথী ভগিনীকে পাইয়া সরোজার অশ্রু বিগুণ ঝরিতে লাগিল। বিরজা পত্রখানি লইয়া পড়িল। পড়িয়া সে-ও কাঁদিল। দুই ভগিনীতে কিছুক্ষণ কাঁদিল। তাহার পর শান্ত হইয়া বিরজা পত্রখানি লইয়া পিতার সন্ধানে গেল। সেই পত্রে বতীশচন্দ্র সরোজকে লিখিয়াছিল, সে যখন তাহার কথা শুনে নাই—তখন সে আর

পতির কর্তব্যে বাধ্য নহে। সে পুনরায় বিবাহ করিবে স্থির করিয়াছে। সেই দিনই তাহার বিবাহ।

ভট্টাচার্য মহাশয় রোয়াকে দাঁড়াইয়া প্রাঙ্গণে সান্নিধ্যনা টাঙ্গাইবার ব্যবস্থা করিতেছিলেন এমন সময় বিরজা তাঁহার নিকট উপস্থিত হইল। আজ গৃহে আনন্দোৎসব। এই উৎসবের মধ্যে ভট্টাচার্য মহাশয়ের কেবল পত্নীকে ও ব্রজেন্দ্রকে মনে পড়িতেছিল। তিনি ভাবিতেছিলেন, বিরজার জননী তাঁহার অপেক্ষা কত পুণ্যবতী—তাঁহাকে কতাবৈধব্যদুঃখশেল বন্ধ পাতিয়া লইতে হয় নাই। সম্মুখে বিরজাকে দেখিয়া তিনি দীর্ঘ শ্বাস ত্যাগ করিলেন। তিনি কন্যার বেদনায় আপনার বেদনা বিশ্বত হইয়া জিজ্ঞাসা করিলেন, “কি, মা?” বিরজা পিতাকে যতীশচন্দ্রের পত্র দিল।

ভট্টাচার্য মহাশয় পত্র পাঠ করিলেন। তিনি রোয়াকে বসিয়া পড়িলেন—কিছুক্ষণ কোন কথা কহিতে পারিলেন না। যেন তিনি বজ্রাহত—বাহু-জ্ঞানহত। তাঁহার মনে হইল, ইহার পূর্বে তাঁহার মৃত্যু হয় নাই কেন?

দেখিতে দেখিতে গৃহে এই সংবাদ প্রচারিত হইয়া গেল—অন্ধকার গৃহ নির্দীপিত দীপের ধূমে আরও অন্ধকার বোধ হইতে লাগিল।

বামাচরণ ও পার্কীচরণ পিতাকে বলিল, তাহারা কলিকাতায় চলিল। পার্কীচরণ বলিল, সে যেমন করিয়াই হউক যতীশচন্দ্রের বিবাহ বন্ধ করিবে। ভট্টাচার্য মহাশয়ও যাইতে চাহিলেন,—বামাচরণ বলিল, “আমরা তাঁহাকে পাইলে না লইয়া আসিব না। আপনার যাইবার প্রয়োজন নাই। বিশেষ আপনি আজ গৃহ হইতে যাইলে গৃহে সব বিশৃঙ্খল হইবে। এ দিকেও ত সব দেখিতে হইবে।”

বামাচরণ ও পার্কীচরণ কলিকাতায় পৌঁছিয়া যতীশচন্দ্রের বাসায় গেল। যতীশচন্দ্র তথায় নাই। অমূল্যচরণ আশঙ্কা করিয়াছিল, এ বিবাহে বিঘ্ন ঘটতে পারে। তাহার পরামর্শে যতীশচন্দ্র আপনার বাসা হইতে যাইয়া তাহার বাসায় উঠিয়াছিল।

বাসায় যতীশচন্দ্রকে না পাইয়া বামাচরণ ও পার্কীচরণ তাহার বন্ধ অমূল্যচরণের গৃহে গেল। তথায় যতীশচন্দ্রের সন্ধান চাহিলে অমূল্যচরণ তাহাদিগকে ঘেঁরুপে অপমানিত করিল—পূর্বে কখনও তাহারা সেরূপ অপমান ভোগ করে নাই। বামাচরণ ফুর হইল, ভ্রাতাকে বলিল, “যথেষ্ট হইয়াছে। এখন চল।” পার্কীচরণ ভ্রাতাকে শাস্ত করিল; বলিল, “আমা-

দের অপমানে হুঃখ কি ? যদি সরোজার সর্বনাশ নিবারণ করিতে পারি, তবে কোন অপমানই অপমান মনে করিব না ।”

ছই ভ্রাতা অনাহারে সমস্ত দিন অমূল্যচরণের গৃহের সম্মুখে রাজপথে দাঁড়াইয়া রহিল। বৈশাখের সূর্য অগ্নিময় কর বর্ষণ করিয়া রাজপথ হুঃসহ তাপে তপ্ত করিয়া দিল—পথিপার্শ্বস্থিত গৃহগাত্র হইতে দারুণ উত্তাপ নির্গত হইতে লাগিল। ছই ভ্রাতা দাঁড়াইয়া রহিল।

ক্রমে বৈশাখের দীর্ঘ দিনও শেষ হইয়া আসিল; রাজপথে ছায়া পড়িল, বিরলপথিক পথে আবার পথিকের বাহন্য লক্ষিত হইল। ছই ভ্রাতা দাঁড়াইয়া রহিল। বামাচরণ বিরক্ত হইতে লাগিল। পার্শ্বতীচরণ স্থির—ধীর।

তাহার পর গৃহদ্বারে ছইখানি গাড়ী আসিয়া দাঁড়াইল। কয়জন যুবক গৃহ হইতে আসিয়া একখানিতে উপবিষ্ট হইল। ছই ভ্রাতা গাড়ীর নিকটে আসিয়া দাঁড়াইল।

অমূল্যচরণ গৃহদ্বারে বামাচরণের ও পার্শ্বতীচরণের অবস্থান লক্ষ্য করিয়াছিল। তাহার আদেশে গাড়ির সহিস রুদ্ধ কৰ্ণে—ব্রাহ্মণকে সরিয়া বাইতে আদেশ করিল। বামাচরণের ধৈর্য্যসীমা অতিক্রান্তপ্রায় হইয়াছিল। এবার সে সীমা অতিক্রান্ত হইল। রাজপথে দাঁড়াইবার অধিকার সকলেরই আছে বলিয়া সেও রুদ্ধ কৰ্ণে উত্তর দিল। ছইজনে বচসা আরম্ভ হইল। পার্শ্বতীচরণ আর ভ্রাতাকে স্থির রাখিতে পারিল না।

এই বচসার স্রবোণে অমূল্যচরণ যতীশচন্দ্রকে লইয়া গৃহ হইতে নিষ্ক্রান্ত হইয়া দ্রুতপদে শকটে আরোহণ করিল। গাড়ী চলিয়া গেল, সহিস গাড়ীর পশ্চাতে উঠিল। পার্শ্বতীচরণ উন্মাদের মত শকটের পশ্চাদ্ভাবনপর হইল; কিন্তু গাড়ী ধরিতে পারিল না। সে যখন শ্রান্ত হইয়া ফিরিয়া আসিল, তখন বামাচরণ দাঁড়াইয়া আছে—তাহার মুখ বৈশাখের বজ্রাভীষণ অপরাহ্নের মত অন্ধকার; তাহার চক্ষুতে ক্রোধদীপ্তি।

সেই দিনই ছই ভ্রাতা কলিকাতা হইতে গৃহে ফিরিয়া গেল।

ভট্টাচার্য্য মহাশয় পুত্রদ্বিগের অবস্থা দেখিয়াই তাহাদের অসাকল্যের পরিচয় পাইলেন। পার্শ্বতীচরণ সব কথা বলিতে বলিতে কাঁদিয়া ফেলিল। বামাচরণ কোন কথা কহিল না, বিষম বেদনায় তাহার হৃদয় দ্রব হইতেছিল।

কোনরূপে নিরম রক্ষা করিয়া নীরজার ও দেবীচরণের বিবাহ হইয়া গেল। মনে যখন সূখ থাকে না তখন গৃহে উৎসবে আনন্দ আসিবে কোথা হইতে ?

ভট্টাচার্য্য-পরিবারে দুর্দশার ঘন মেঘ ঘনীভূত হইল। ভট্টাচার্য্য মহাশয়ের মনে হইতে লাগিল, যে বজ্র সরোজার বক্ষে পতিত হইয়াছে সেই বজ্রেই তাঁহারও হৃদয় বিদীর্ণ হইয়াছে। বিরাজার বৈধব্য বিধাতার শাস্তি—অদৃষ্টের দণ্ড। কিন্তু সরোজার দুর্দশা—এ যে মানুষের স্বরূপ বিবম বেদনা! হায় বিধাতার দণ্ড অপেক্ষা মানুষের দণ্ড কত অধিক বেদনাদায়ক!

সরোজা এ সংবাদ শুনিল। এ সংবাদ এমনই মর্মভেদী যে, সে আপনার দুর্দশার স্বরূপ সম্যক উপলব্ধি করিতে পারিল না। সে উপলব্ধি সময়সাপেক্ষ—যত দিন যায় তত দুর্দশার বেদনা পরিস্ফুট হয়—তত বেদনার স্বরূপ সপ্রকাশ হয়।

বিরহিনী।

সাঁঝের তারাটি গোধূলি-গগনে
 নীরবে ফুটেছে হাসিয়া,
 উপধনে ফুল হেসে পড়ে লুটে
 মলয়-সোহাগে ঢুলিয়া,
 বিহগ ফিরেছে আপন কুলায়ে
 কাকলি ধেমেছে কাননে।
 ফেরে নিক বঁধু কেন গো এখনো
 হাসিসুধা নিয়ে আননে?
 সুনীল গগন ছাইয়া গিয়াছে
 স্তম্ভ জ্যোৎস্না-কিরণে,
 কাননে কুসুম ঘুমায়ে পড়েছে
 বিভোর অণর-স্বপনে,
 নিরুদ্ভ নিশীথ, ঘুমায় তটিনী
 মলয়া পড়েছে ঢুলিয়া,
 ছল ছল আঁধি নিরালা কুটীরে
 বধূয়া কেবল জাগিয়া।
 ত্রীপ্রবোধচন্দ্র বোষ।

জিন্নতুন্নিসা বেগম ।*

জিন্নতুন্নিসা নবাব মুর্শিদ কুলি খাঁ'র একমাত্র কন্যা । ইতিহাসের পৃষ্ঠায় জিন্নৎ বেগমের জীবনের বিশেষ গৌরবময় কাহিনী লিপিবদ্ধ না থাকিলেও তাঁহার জীবন নানাবিধ ঘটনার অধীন হইয়াছিল । সে ঘটনাগুলি সহজে পাইবার উপায় বড় কম । আমরা যাহা কিছু সংগ্রহ করিতে পারিয়াছি, তাহা পাঠকবর্গের অবগতির জন্ত নিয়ে উদ্ধৃত করিলাম ।

বৎকালে মুর্শিদ কুলি খাঁ হায়দ্রাবাদের দেওয়ানীপদে নিযুক্ত হইলেন, সেই সময়ে তাঁহার কন্যা জিন্নতুন্নিসার সহিত দাক্ষিণাত্যের অধিবাসী সুলতা খাঁ'র পরিণয়ক্রিয়া সম্পাদিত হয় । সুলতা খাঁ খোরাসানাদিবাসী তুর্কজাতীয় 'আফসার' বংশসম্ভূত ছিলেন । তিনি জিন্নতুন্নিসাকে বিবাহ করিয়া নবাব মুর্শিদ কুলির পরিবারमध्येই বাস করিতে থাকেন । কিছুদিন পরে ঋতুরের বস্ত্রে ও চেষ্ঠায় সুলতা খাঁ উড়িষ্যার সুবাদারপদে অধিষ্ঠিত হইলেন ; কিন্তু অত্যন্ত কাল পরে ঋতুরের সহিত তাঁহার দুর্দ্দমনীয় মনোমালিন্য উপস্থিত হইল । উভয়ের মনোভাব বিভিন্ন থাকায় ও শাসনকার্যে নানাবিধ মতভেদ উপস্থিত হওয়ায় এই মনোমালিন্য ঘটয়াছিল । এই সমস্ত কারণে সুলতা ঋতুরের নিকট হইতে দূরে থাকিতে ইচ্ছা করিয়া, উড়িষ্যায় গিয়া বাস করিতে লাগিলেন ও অল্প শাসনকার্য পরিদর্শন করিতে লাগিলেন ।

সুলতা খাঁ জায়প্রিয় ও সদৃশালঙ্কৃত লোক ছিলেন ও কখনও ক্রোধের বলীভূত হইতেন না । তাঁহার এই সমস্ত গুণই তাঁহাকে প্রজাপ্রিয় করিয়াছিল ।

পিতার সহিত মনোবিবাদের জন্ত ও স্বামীর চরিত্রহীনতার কথা শুনিয়া, সুলতার সহিত ধর্মপরায়ণা ও পতিব্রতা জিন্নতুন্নিসার বিবাহ আরম্ভ হইল । ইহারই কালে বেগম সাহেবা স্বীয় পুত্র সরফরাজকে সঙ্গে লইয়া মুর্শিদাবাদে আসিয়া শাস্তিময় প্রাণে পিত্রালয়েই জীবনযাপন করিতে লাগিলেন ।

সুলতার উড়িষ্যায় অবস্থানকালে মীর্জা মহম্মদ নামক এক ব্যক্তি তাঁহার নিকট উপস্থিত হইলেন । মীর্জা আফসার বংশীয় সুলতার কোন আত্মীয়কে

* ইহার অপর নাম আজানুন্নিসা বা আজানাতুন্নিসা ।

† মুর্শিদ কুলি খাঁর নামানুসারে ইহার নামকরণ করিয়াছিলেন ।

বিবাহ করিয়াছিলেন। এই বিবাহে দুইটি পুত্রের জন্ম হয়। জ্যেষ্ঠ হাজি অহম্মদ ও কনিষ্ঠ আলিবর্দী। মীর্জা মহম্মদ দারিজোর নিষ্পেষণে দিল্লী হইতে পত্নীকে লইয়া সুলতার নিকট ভাগ্য পরীক্ষার্থ উপস্থিত হইলেন। সুলতা তাঁহাকে যথেষ্ট যত্ন করিয়া নিজাববানে কোন কার্যে নিযুক্ত করেন। ইহার পর ঘটনাচক্রচালিত হইয়া আলিবর্দী খাঁও উড়িষ্যার নবাব-দরবারে উপস্থিত হইলেন। তিনি অল্পদিনের মধ্যেই সাহস ও বুদ্ধিবলে সুলতার একান্ত প্রিয়পাত্র হইয়া উঠেন। দিন দিন আলিবর্দীর উন্নতি হইতে লাগিল। অবশেষে তিনি তাঁহার ভ্রাতা হাজি অহম্মদকে সাজাহানাবাদ হইতে সপরিবারে উড়িষ্যায় লইয়া আসিলেন। উভয় ভ্রাতাই যুদ্ধবিগ্রহাদি কার্যে ও রাজ্যপালননীতিতে বিচক্ষণ ছিলেন। ইঁহারা নানা বাধা বিঘ্ন বিদূরিত করিয়া সুলতা খাঁ'র শাসনশক্তি সুদৃঢ় করিয়াছিলেন। আলিবর্দী খাঁ স্বীয় প্রতিভাবলে সুলতার অধীনে সর্বোচ্চ রাজপদ লাভ করিলেন।

মুর্শিদ কুলি আপনার মৃত্যু নিকট দেখিয়া ও জামাতা সুলতার প্রতি পূর্ববৎ বিরূপ থাকায়, স্বীয় কস্তা জিন্নতুন্নিসার পুত্র সরফরাজকে বাঙ্গালার নিজামত প্রদানের অভিলাষ প্রকাশ করেন। এই কথা সুলতার কর্ণগোচর হওয়ায়, তিনি আলিবর্দী ও হাজি অহম্মদের সহিত পরামর্শ করিয়া বাঙ্গালা ও উড়িষ্যার নিজামতি প্রাপ্তির জন্য দিল্লীর বাদশাহের নিকট ন্যূনাবধি বিচিত্র উপটোকন পাঠাইলেন—সেই সঙ্গে সঙ্গে সিংহাসনের জন্য আরজীও পেশ করিলেন।

ইহার অত্যল্পকাল পরেই মহাপ্রতাপশালী নবাব মুর্শিদ কুলির নব্বয় দেহ শীতল সমাধিতলে বিশ্রাম লাভ করিল। তাঁহার মৃত্যুর কয়েক দিবস পূর্বেই সুলতা, আলিবর্দীকে সঙ্গে লইয়া, মুর্শিদাবাদ যাত্রা করিয়াছিলেন; পথিমধ্যেই তিনি দিল্লী হইতে পরওয়ানা প্রাপ্ত হইলেন ও স্বত্ত্বের মৃত্যুসংবাদ শুনিলেন। উপযুক্ত অবসর বুঝিয়া তিনি সর্বোচ্চ মুর্শিদাবাদের পথ ধরিলেন। রাজধানীতে উপস্থিত হইবামাত্রই ভাগ্যানন্দী তাঁহার উপর প্রসন্ন হইয়া তাঁহার মন্তকে মুকুট পরাইয়া দিলেন। সুলতা খাঁ বাঙ্গালার নবাব হইলেন। মুর্শিদাবাদের স্বর্ধচিত্ত মননদ তাহার দেহভার বহন করিয়া সৌভাগ্য বোধ করিল;

যথাসময়ে এই সংবাদ সরফরাজের কর্ণে পৌঁছিল। জিন্নতুন্নিসা তখন মুর্শিদাবাদ হইতে ২ মাইল দূরে অবস্থান করিতেছিলেন। সরফরাজ তখনই পিতৃসকাশে আগমন করিয়া তাঁহার চরণ বন্দনা করিলেন ও তাঁহার মননদ

অধিকারে কোনরূপ বিষয়চিহ্ন না হইয়া বরং প্রচুর আনন্দ প্রকাশ করিলেন । পিতাপুত্র এই ভাবেই মিলন হইল ।

এই সময়ে আজিমাবাদ (পাটনা) বাদশাহর শাসনকর্তার অধীনে আসিল, ও তাহার শাসনভার সুজা খাঁ তাঁহার দুই পুত্র সরফরাজ ও তকী খাঁর মধ্যে কাহাকে প্রতিনিধি নিযুক্ত করিবেন, তাহা স্থির করিয়া উঠিতে পারিলেন না । জিন্নতুনিসা খীর পুত্র সরফরাজকে পাটনার পাঠাইতে সম্মত হইলেন না । অধিকন্তু অসুয়াপরবশ হইয়া সপত্নীপুত্র মহম্মদ তকীকেও* প্রতিনিধি নিযুক্ত করিতে বাধ্য দিলেন । সুজা পত্নীর অমতে কিছুই করিতে পারিলেন না । অবশেষে তিনি আলিবর্দীকেই প্রতিনিধিরূপে পাটনার পাঠাইতে মনস্থ করিলেন । জিন্নতুনিসা এই প্রস্তাবের সম্যক্ অস্বীকার করিলেন । তিনি আলিবর্দীর নিয়োগে সন্তুষ্ট হইয়া তাঁহাকে খীর কক্ষদ্বারে ডাকাইয়া আনাইয়া বহুমূল্য পরিচ্ছদ প্রদান করিলেন ও তিনি নিজেরই ঘেন তাঁহাকে বিহারের শাসনকর্তা নিযুক্ত করিলেন, আত্মসে এইরূপ ভাব প্রকাশ করিলেন ।†

নাদির শাহ যখন দিল্লীর দ্বারে উপস্থিত, সেই সময়ে বাদশাহর লোক-প্রিয় প্রজাহিতৈষী নবাব সুজা খাঁ পরলোক গমন করিয়া রোশনীবাগে চিরদিনের জন্য সমাহিত হইলেন । তাঁহার মৃত্যুর পর, তদীয় পুত্র সরফরাজ মননহে অবিরত হইলেন । আলিবর্দী ও তাঁহার আত্মীয়স্বজনদের শ্রীবুদ্ধিতে সরফরাজের দরবারে তাঁহার কতকগুলি শত্রুর সৃষ্টি হইয়াছিল । তাঁহার প্রতিনিয়ত সরফরাজকে মীরজা মহম্মদ, আলিবর্দী, ও হাজি অহম্মদের বিরুদ্ধে নানা কথা বলিতে লাগিলেন । ইহার ফলে হাজি অহম্মদকে প্রধান দেওয়ান বা মন্ত্রী পদ হইতে বিচ্যুত করা হইল ও তাঁহার জামাতা আতাউল্লা খাঁর হস্ত হইতে রাজমহলের ফৌজদারী গ্রহণ করিয়া, তাঁহাকে


* Holwell বলেন—মহম্মদ তকী জিন্নতুনিসার গর্ভদ্বাত ও জ্যেষ্ঠ পুত্র ।

† She appointed him to the government of Behar, as from herself.

এই স্থানের পাদটীকার সুভাষকরূপকার লিখিয়াছেন :—

Zinet-en-nissa seems to have insisted on her husband recognising her as the heiress to the government, and considered him rather as the vice-roy consort than viceroy in his own right.

আর্য্যাবর্ত ।



হুজার সমাদি ।

Mohila Press, Calcutta.

পদচ্যুত করিবার যত্নগা হইতে লাগিল। এই সমস্ত ও অন্তান্ত কারণে হাজি অহম্মদ উৎপীড়িত ও লাহিত হইয়া প্রতীকার বিধানের জন্য স্বীয় ভ্রাতা আলিবর্দীকে পত্র লিখিলেন।

আলিবর্দী এই সংবাদ শ্রবণে ও সরকারাজের নানারূপ অত্যাচারে সঠিক্তে পাটনা হইতে মুর্শিদাবাদ যাত্রা করিলেন ও গিরিয়ার ভীষণ যুদ্ধে সরকারাজকে পরাস্ত ও বিধ্বস্ত করিলেন। যুদ্ধের দুই দিবস পরে আলিবর্দী বিশেষ সমারোহে নগরে প্রবেশ করিলেন। প্রাসাদে প্রবেশ করিয়া মস-নদে বসিবার পূর্বে তিনি জিন্নতুল্লিসার কক্ষদ্বারে উপস্থিত হইলেন ও সমস্ত্রমে যত্নক অবনত করিয়া বেগম সাহেবার নিকট ক্ষমা ভিক্ষা কহিলেন; পরে স্বীয় স্বরে বলিলেন—“অদৃষ্টে যাহা ছিল, তাহা হইয়াছে এবং এই হতভাগ্য গোলামের অকৃতজ্ঞতা ইতিহাসের পৃষ্ঠায় জাজ্জল্যমান রহিবে; কিন্তু আমি শপথ করিয়া বলিতেছি যে, যত দিন আমি জীবিত থাকিব, তত দিন আপ-নার প্রতি সম্মান প্রদর্শন করিতে ক্রটি করিব না। আশা করি, এই হতভাগ্য সন্তপ্ত গোলামের অপরাধ সময়ে আপনার স্মৃতি হইতে মুছিয়া যাইবে।”

ইহা শুনিয়া জিন্নতুল্লিসা আর কোন উত্তর প্রদান করেন নাই।

ইহার পর বেগম সাহেবার বিষয় ইতিহাসে আর কিছুই অবগত হওয়া যায় না।

আজিমনগরের প্রাসাদ হইতে আধ মাইল উত্তরে, বেগম সাহেবা যে, মসজিদ নির্মাণ করাইয়াছিলেন, তাহার ভগ্নাবশেষ অস্ত্রাপি বিস্তারিত রহি-
য়াছে। এই মসজিদের অনতিদূরে তিনি সমাহিতা আছেন।

শ্রীব্রজেননাথ বন্দ্যোপাধ্যায়।

আকর্ষণী-শক্তি, ইতিহাসের কাহিনী বলিবার তাঁহার এমন কৌশল যে, তাহাতে শিশু চিন্তে ত উৎসাহের সঞ্চার হইবেই, মাদৃশ মাতামহত্বপ্রাপ্ত জরাজীর্ণের হৃদয়েও উৎসাহ সঞ্চার হইয়াছে; একাধানে বসিয়া একমনে একখানে গ্রন্থখানি আত্মস্ত-আত্মোপাস্ত নহে, কেন না শেষ রাখি নাই—পড়িয়া ফেলিয়াছি। আবার তিনি বাঙ্গালা ত্রিধাপদসম্বন্ধে পরিবৎ-পত্রিকায় যে প্রবন্ধটি প্রকটিত করিয়াছেন, তাহাতে দার্শনিকের স্তম্ভ ভূষ্টির সঙ্গে ভাষাতত্ত্বজ্ঞের প্রগাঢ় অল্পসন্ধিৎসার অপূর্ণ সম্মিলন দেখিয়া চমৎকৃত হইতে হয়।

ধগেজ বাবু যদি এই পর্য্যন্ত লিখিয়াই ক্ষান্ত থাকিতেন, তাহা হইলে তিনি যে কবিকল্পনাকুশল—এ অপবাদ লোক সাহস করিয়া দিতে পারিত না। কিন্তু তিনি ‘আর্য্যাবর্ত্ত’ ‘মানসী’ ‘বঙ্গদর্শন’ প্রভৃতি মাসিক পত্রিকায় মধ্যে মধ্যে যে ছোট গল্পগুলি লিখিয়াছেন তাহাতে বেশ বুঝা যায় যে, শুধু দার্শনিক তত্ত্ব তাঁহার হৃদয়কে উত্তর ক্ষেত্রে পরিণত করে নাই। ইহা ছাড়া অল্প অল্প স্মরণ হয়, ‘মানসীর’ পত্রের আবডালে তাঁহার দুই একটি কবি-কাকলীও স্ফুটিগোচর হইয়াছে, সেগুলির কেমন একটা মোহময়, স্পন্দময়, ভাবের আবেশে চিত্ত মোহিত হয়। আবার এমন কথাও কাণাঘূঁষা শুনিয়াছি যে, ধগেজ বাবু স্মৃকণ্ঠ ও সঙ্গীতকলাকুশল, তাঁহার গীতগোবিন্দ-গান রসিক স্রুজনের উপভোগ্য। বাস্তবিকই ধগেজ বাবুর গুণের বালাই লইয়া মরিতে ইচ্ছা হয়।

জানিত না পুরাকালে মহাকবিচর

একাধারে এত গুণ বিরাজিত রয়।

যাক্, আর বাড়াবাড়ি করিব না, শেষে পাঠকবর্গ না ভাবিয়া বসেন যে, সমালোচকের অবস্থা ‘নীলাদ্রী’ গল্পের নায়কের তায়।

সম্প্রতি ধগেজ বাবু নানা মাসিক পত্রিকায় পূর্বপ্রকাশিত আটটি গল্প একত্রে বাধিয়া, “বিচ্ছিন্ন গল্পগুলি একত্রে গ্রন্থিত করিয়া”, ‘নীলাদ্রী’ নাম দিয়া একখানি পুস্তক প্রকাশিত করিয়াছেন। পুস্তকখানির ছাপা, কাগজ, কালী, get-up, সমস্তই পরিপাটি। ‘নীলাদ্রী’ নীলাদ্রীতে মোড়া, সেই নীলাদ্রীর উপর আবার গ্রন্থ ও গ্রন্থকারের নামের সোণার চুম্বকি বসান। পাঠকদিগকে অল্পরোধ করা বেয়াদবী হইবে, পাঠিকা-সুন্দরীরা—হেমবরণীই হউন আর শ্রামবরণীই হউন—এক একখানি

কিনিয়া পড়ুন (পড়ুন!)। পাঠিকাদিগকে লইয়া একটু রসিকতা করি-
লাম, কুরুচি হইল না ত !

চক্রেও কলঙ্ক আছে—এ পুস্তকখানিরও দোষ আছে। এমন সুন্দর
সুদৃশ পুস্তকে একখানি ছবি নাই। পাঠকবর্গ ডরাইবেন না, ভারতীয়
চিত্রকলা পদ্ধতির কথা তুলিতেছি না। লাহা মহাশয়ের অঙ্কিত ‘নীলাশ্বরী
সুন্দরী’র একখানি চিত্র থাকিলে বোল কলা সম্পূর্ণ হইত। অল্পকল্পে,
গ্রন্থকারের ফুটফুটে ছোঁরাখানির একটি ফোটো থাকিলেও মন্দ হইত না।
ষিতীয় সংস্করণের সময় এই ক্রটি সংশোধিত হইবে না কি ?

পুস্তকখানি কাহার নামে উৎসর্গ করা হইয়াছে, “তিনি হন কে—
Who is S H E ?” সে এষা—অর্থাৎ কি না, অন্বেষণ আমাদের অধিকার-
বহির্ভূত। আমরা কেবল *The greatest art is to hide art !*

প্রথম গল্পটির নাম ‘নীলাশ্বরী’। সেই গল্পটির নামে গোটা বহিটার
নামও নীলাশ্বরী। যারের অনেকগুলি সন্তান হইলেও প্রথম সন্তানের
নামেই আমাদের সমাজে যারের পরিচয় দেওয়া রীতি। এ হিসাবে
‘দেখিতে গেলে, পুস্তকের নামকরণে কোন অসঙ্গতি হয় নাই।

এই পর্য্যন্ত গেল মলাট সমালোচনা। এক্ষণে ভিতরে প্রবেশ করি।

প্রথম গল্পটিতে বাঙ্গের একটি চাপা সুর বড় মিঠে বাজিয়াছে।
প্রেমের পথে যাত্রী হইতে হইলে আদর্শের সঙ্গে বাস্তবের যে অসঙ্গতি
ঘটে, সে কথা রবীন্দ্রনাথ কোন কোন কবিতায় ও ‘গোড়ায় গলদে’
সুন্দর ভাবে দেখাইয়াছেন। “নলিনীর মত হৃদয় তাহার, নলিনী বাহার
নাম,” ললিতমোহন নাম ‘বা’র সে রমণীমনমোহন, আর নিমাই নামের
নায়ক গড়ো গোয়ালী হইবেই হইবে, ইত্যাকার কবিত্বময়ী যুক্তির দুর্গতি
রবীন্দ্রনাথের কাব্যে নাটকে বিলক্ষণ ঘটিয়াছে। ঋগেজ বাবুও এই
গল্পে, কল্পনা ও আসলে গড়মিল হইয়া কি বীভৎস কাণ্ডের সৃষ্টি করে,
তাহা প্রকৃত দার্শনিকের মতই দেখাইয়াছেন। আশা করি, ঋগেজ বাবু
নিজেই তাহা মর্মে মর্মে বুঝিয়াছেন এবং তাহার ফলে, তাঁহার নায়কের
স্তায়—তাঁহারও দাম্পত্য জীবন সুখময়—শান্তিময় হইয়াছে। ছায় বাঙ্গালী-
জীবনে এই অসঙ্গতিই যে একটা নিষ্ঠুর Irony.

এ গল্পের অধিক প্রশংসা না করিলেও চলে, কেননা ‘প্রবাসী’র কষ্টি-
পাথরেও ইহাতে এক রতিও খাদ পাওয়া যায় নাই।

দ্বিতীয় গল্প—‘হতভাগ্য’—একটি করুণ কাহিনী। “যে বাহারে ভাগ-বাসে সে যাইবে তা’র পাশে”—এই চিরন্তন বিধি ও সেই বিধির উপর বিধির চিরন্তন অভিধানের কথা। সমাজতত্ত্ব হিসাবে এ গল্পে শিক্ষণীয় আছে।

• তৃতীয় গল্প—‘প্রেমের প্রতিবন্ধী’— আরও করুণ। রমণীপ্রেম ও বন্ধু-ত্বের মধ্যে নিষ্ঠুর সজ্বর্ষ ও তাহার ফলে নিদারুণ ট্রাজেডি।

চতুর্থ গল্প—‘ভ্রাতৃদ্বিতীয়া’—বাঙ্গালীর গার্হস্থ্যজীবনের একটি মধুর চিত্র—idyll। পড়িতে অশ্রুসিক্ত করিয়া প্রথমে একটু ভয় হইয়াছিল, বুঝি ‘নীলাধরী’র স্থায় এখানেও বাস্তব ও আদর্শের অসঙ্গতি একটা ঘোর বিড়ম্বনায় পরিণত হয়, অথবা শিল্পী নায়ক গ্রীক পুরাণোক্ত Pygmalion এর দশাগ্রস্ত হইয়া পড়েন। কিন্তু ঠাকুর রক্ষা করিয়াছেন এবং মধুর উপাখ্যানটির শুভদৃষ্টিতে মধুর উপসংহার হইয়াছে।

Soft eyes looked love to eyes which spake again,

And all went merry as a marriage-bell.

পঞ্চম গল্প—‘আশার সমাধি’—আরস্তে হাস্যরস, অবসানে করুণরস। পুরীতে সমুদ্র-বর্ণনা প্রসঙ্গক্রমে অতি সুন্দর ভাবে অন্তর্নিবিষ্ট হইয়াছে। উচ্চ শিক্ষিতা মহিলা ও উচ্চ শিক্ষিত যুবকের যেশামিশি আমার ধাতে বড় সহে না। সুতরাং গল্পটি ভাল লাগিল না। তবে সে জ্ঞাত অবগত ধগেজ্ঞ বাবু অপরাধী নহেন—আমারই রুচির দোষ। (এই অধ্যম সমালোচকের রুচির দোষ বিলক্ষণ আছে, তাহা সর্বজনবিদিত।) শিক্ষিতা যুবতীর নিকট শিক্ষিত যুবকের বিজ্ঞাগর্ব্ব কবিত্বগর্ব্ব ইত্যাদি ও অবশেষে দর্পচূর্ণ—এইরূপ আর একটি গল্প যেন কয় বৎসর পূর্বে ‘ভারতীতে’ পড়িয়া-ছিলাম মনে হয়। তবে এরূপ ঘটনা এমন অসাধারণ নহে যে, ছইজন লেখক পরস্পরের অজ্ঞাতসারে একই প্রকারের ঘটনার সমাবেশ করিতে পারেন না।

সপ্তম গল্প—‘প্রত্যাবর্তন’। এই নামে প্রভাত বাবুরও একটি গল্প আছে। তবে প্রভাত বাবুর প্রত্যাবর্তন—পরকীয় সমাজ হইতে স্বকীয় সমাজে, ভ্রাববহ পরধর্ম্ম হইতে স্বধর্ম্ম; আর ধগেজ্ঞ বাবুর—ত্রিবিধুঃ—রামশরণের প্রত্যাবর্তন প্রবাস হইতে গৃহে। ‘Home? What home? Had he a home?’ গল্পটির Enoch Arden এর সঙ্গে যথেষ্ট মিল আছে,

অথচ যথেষ্ট অমিলও আছে। স্মৃতরাং মৌলিকতার হানি হয় নাই, এ কথা ভোর করিয়া বলা যায়। রামশরণের কাহিনীটি করুণ নহে—নিষ্করণ। আমরা এরূপ সামাজিক চিত্রের পক্ষপাতী নহি। জানি, জগতে আলো আছে, ছায়াও আছে; পূর্ণিমা আছে, অমাবস্যাও আছে; দেবী আছে, পিশাচীও আছে। কিন্তু কল্পনাকুশল কবির মুখে আমরা সে কঠোর সত্য শিখিতে চাহি না। আমরা নারীকে দেবীরূপে, গৃহলক্ষ্মী-রূপে, দেখিতে চাহি, তাঁহার পিশাচীমূর্ত্তি দেখিতে চাহি না; তাঁহাকে সৃষ্টিস্থিতিকারিণী বলিয়া জানিতে চাহি, তাঁহার প্রলয়ঙ্করী মূর্ত্তি উপলব্ধি করিতে চাহি না। Enoch Arden এর কাহিনী বিলাতী সমাজে বেশ ধাপ খায় কিন্তু আমাদের সমাজে এবংবিধ কাহিনী বড় বিসদৃশ লাগে। গ্রন্থকার সমাজতত্ত্ব দার্শনিকের দিক্ হইতে কলঙ্কিনীর উপর যথেষ্ট অনুরক্তি বর্ণন করিয়াছেন, কিন্তু সে সকলই ভস্মে পি ঢালা হইয়াছে।

বাহা হউক, এই দুইটি গল্পসম্বন্ধে যে মন্তব্য করিলাম, তাহা হিন্দু-‘কুসংস্কারের’ বশবর্তী হইয়াই করিলাম—কেন না আমার Personal idiosyncrasy সেই দিকে। সম্ভবতঃ মার্জিতকৃতি পাঠকবর্গ উত্তর গল্পই উপভোগ করিবেন।

‘ঘুমের পাহাড়’ ও ‘বাঁশীচোর’ দুইটি গল্প জনপ্রবাদ অবলম্বনে লিখিত। যিনি ইতিহাসের জীর্ণ কঙ্কালে প্রাণপ্রতিষ্ঠা করিয়া ক্ষেত্রান্তরে কৃতিত্ব লাভ করিয়াছেন, তিনি যে জনপ্রবাদ অবলম্বনে মনোমদ কাহিনী রচনা করিতে পারিবেন, সে আর বিচিত্র কি? কেন না জনপ্রবাদের মূলে অনেকখানি কবিত্বরস in a crude form সঞ্চিত থাকে। দুইটি গল্পই বড় করুণ, বড় মধুর। ‘ঘুমের পাহাড়ে’ প্রেমিক যুগলের জীবনের অবসান বড়ই মর্মান্তিক। গল্প দুইটির ভাষাও অপূর্ণ আবেশময়।

‘বাঁশীচোর’ গল্পটি সর্কাপেক্ষা ছোট অথচ সর্কাপেক্ষা সুন্দর In small proportions we just beauties see—এই কবিত্বচর্চা স্মরণ করাইয়া দেয়। ইহা একটি নিটোল যুক্তি, ভাষা ভাব রস সবই সর্কালসুন্দর। গল্পটির ভাষা এমন পরিপাটি, বর্ণনার ভঙ্গী এমনই মনোহর, শব্দচয়নকৌশল এমন সুন্দর যে একটি শব্দ বা বাক্য বাদ দেওয়া যায় না। স্থানাভাবে নিদর্শনস্বরূপ দুই একটি স্থল উদ্ধৃত করিতে পারিলাম না, বড় ছুঃখ রহিল। তবে ছুঃখের মধ্যে এই

সামান্য যে, একটু আধটু উদ্ধৃত করিয়া মনের খেদ মিটিত না, কোন অংশ ছাড়িবার যো নাই। মিলটন Simple, Sensuous Passionate বলিয়া কবিতার লক্ষণ নির্দেশ করিয়াছেন। সে নির্দেশ যদি যথার্থ হয়—তবে যুক্তকণ্ঠে বলিব, ‘বাণীচোর’ গল্পে প্রকৃত কবিত্ব আছে।

‘নীলাশ্বরী,’ ও ‘বাণীচোর’ পুস্তকের আদিত্য ও অন্তে বসাইয়া গ্রন্থকার সুন্দর নির্বাচন-কর্মতার পরিচয় দিয়াছেন।

এতকণ গল্পগুলি ব্যাঙিভাবে দেখিলাম। এক্ষণে সমষ্টিভাবে দেখিব। পূর্বেই বলিয়াছি, প্রথম গল্পটি ছাড়া অত্র সমস্ত গল্প করুণরসে অভি-সিক্ত। প্রথম গল্পেও হান্সরসের মধ্যে একটা অন্তর্গূঢ় করুণরস রহিয়াছে। দর্শনের অধ্যাপক গল্প লিখিয়াছেন শুনিলেই পাঠকের মনে একটা নাতক উপস্থিত হয় যে, বুঝি George Eliot বা George Meredith বাঙ্গালী সমাজে আবিভূত হইলেন—বুঝি রবিবাবুর ‘গোরা’ আবার সন্ধান খাড়া করিয়া আসিতেছে। কিন্তু পাঠকবর্গকে অভয় দিতেছি যে, এই আটটি গল্পে মনস্তত্ত্বের সূক্ষ্ম বিশ্লেষণ বা দর্শনের জটিল তত্ত্ব কাব্যাকারে প্রকটিত হয় নাই।

ছোট গল্পের রাজ্য রবীন্দ্রনাথ। তাঁহার পার্শ্বেই বোধ করি প্রভাত বাবুর স্থান। ইহা ছাড়া সাহিত্যাকাশের এই অংশে আরও অনেক জ্যোতিষ্ক কিরণ বিতরণ করিতেছেন। খগেন্দ্র বাবু এই আকাশের কোন্ উচ্চ স্থান অধিকার করিয়াছেন, তাহা বিচার করিতে পারি, এমন শক্তি আমাদের নাই। আমরা গল্পখোর। সকল শ্রেণীর সকল রসের গল্পই আমাদের ভাল লাগে। সাহিত্যকলাহারে আম, জাম, লিচু, গোলাপ জাম, কমলা লেবু, মর্তমান কলা সবই আমরা নির্লিপ্যচিত্তে উপভোগ করি। সাহিত্যরুচির এরূপ সার্বভৌমিকতা বোধ হয় নিতান্ত দোষের নহে।

পুস্তকের ভাষাসম্বন্ধে একটি কথা বলিবার আছে। গ্রন্থকার সাধু-ভাষার পক্ষপাতী। বিভাসাগর, তারামঙ্গর, অক্ষয়কুমার দত্তের পর, কালী-প্রসন্ন ঘোষ ও রজনীকান্ত গুপ্ত সাধুভাষার দিকে খুব ঝুঁকিয়াছিলেন। শ্রীযুক্ত অক্ষয়কুমার মৈত্রেয় বর্তমান কালে এই Schoolএর একমাত্র exponent; খগেন্দ্র বাবুও সেই পথ ধরিয়াছেন। তবে তিনি ও মৈত্রেয় মহাশয় প্রয়োজন-মত চলিত শব্দ ব্যবহার করিতে কুণ্ঠিত নহেন। সাধুভাষা সামলাইয়া লেখা

একটু হাঁসিয়ায় কাষ । অনেকেই ভাল' রাখিতে না পারিয়া 'মড়া দাহ' করিয়া বসেন । কিন্তু খগেন্দ্র বাবু পাকা ওস্তাদের মত কলমের রাশ ধরিয়া রাখিয়াছেন । কোথাও গুরুচণ্ডালী দোষ ঘটে নাই । তাঁহার বর্ণনায় বিষয়ের সঙ্গে তাঁহার বিচিত্র লীলাময়ী ভাষার নিবিড় বন্ধন লিপিকুশলতার পরিচায়ক ।

* * * * *

এরূপ সমালোচনায় পাঠকবর্গ চটিবেন, তাহা জানি । সর্বত্র আভাসেই সারিলাম, গল্পগুলির সংক্ষিপ্তসার দিলাম না ; পাঠকবর্গের কোতূহল উদ্দীপ্ত করিলাম, কিন্তু তাহা নিবৃত্ত করিলাম না । তাঁহাদিগকে ট্যাকের পয়সা খরচ করিয়া কোতূহল চরিতার্থ করিতে হইবে । গুরুতর অপরাধ বটে !

এরূপ সমালোচনায় সম্পাদক চটিবেন, তাহাও জানি । সভ্যবানের জ্ঞান কুঠারহস্তে (সাহিত্যের) জঙ্গলে প্রবেশ করিলাম না, ছুই হাতে কুঠার উঠাইয়া কুব্জ শুব্জ সাবাড় করিলাম না, গুরুগম্ভীর সম্পাদকীয় সর্বজ্ঞতার ভান করিলাম না ; শুধু নিজের কি ভাল লাগিল কি মন্দ লাগিল, ইত্যাদি নিতান্ত ঘরোয়া কথায় তাঁহার অমূল্য পত্রিকার কলেবর পূর্ণ করিলাম, ইহাও কম অপরাধ নহে ।

এরূপ সমালোচনায় নিপুণ সমালোচক চটিবেন, তাহাও জানি । কেন না, আটটি গল্প পড়িয়া অন্ততঃ আট মাস না যাইতেই সমালোচনা করিয়া বসিলাম । 'অচলায়তনের' বেলায়ও এইরূপ অপকর্ম করিয়াছিলাম । নিপুণ সমালোচক সেজন্ত লেখককে চপলভাদোষে দোষী করিয়াছিলেন । এবারেও খগেন্দ্র বাবুর দোহাই—তদ্গুণৈঃ কর্ণমাগত্য চাপলায় প্রণোদিতঃ । একখানা কোতুকনাটা বা কয়েকটি ছোট গল্প সমালোচনা করিতে যে শ্রবণ, মনন, নিদিধ্যাশন, ইত্যাদি দ্বাদশবর্ষব্যাপিনী কঠোর সাধনার প্রয়োজন, বুদ্ধদেবের জ্ঞান কঠোর কৃচ্ছসাধন বা শুকদেবের জ্ঞান কঠোর গর্ভবাস না করিয়া সাহিত্য সমালোচনা 'প্রহসন করা' যে নিতান্ত হঠকারিতার কাষ, এই সহজ কথাটা আজও প্রণিধান করিয়া উঠিতে পারিলাম না ।

বাকী রহিলেন—গ্রন্থকার । বর্তমান সমালোচক গ্রন্থকারের নায়িকা মনীষালার জ্ঞান অস্বকূল সমালোচক নহেন । তথাপি যদি গ্রন্থকার গ্রীত হইলেন, তাহা হইলে বলিব—তন্মিহ তুষ্টে জগৎ তুষ্টম্ । আর যদি তিনি তুষ্ট না হইয়া ক্রুষ্ট হইলেন, তবে বলিব—যত্নে কৃতে যদি ন সিধ্যতে

কোহল দোষঃ ? কোন দিক্ দিয়াই অমুঠুপের হাত হইতে পরিজ্ঞান নাই।
আর যখন অমুঠুপ্ হইলেই শাস্ত্রীয় বচন, তখন শাস্ত্রের বাণী গ্রন্থকারকে
নিরোধার্থ্য করিয়া লইতেই হইবে। ইত্যলং বিস্তারেন।

শ্রীমলিতকুমার বন্দ্যোপাধ্যায়।

কবিতার রূপ।

১

প্রেমে হয় ভাব-রস-বোধ,
জ্ঞানে হয় ভাবের বিকাশ;
যেথা জ্ঞান প্রেমের মিলন,
সেথা ভাব-রসের প্রকাশ।

২

কবি হৃদি জ্ঞান পারিজাত,
মাধি' অঙ্গে প্রেম সুধাধার;
ফুটে যবে সাহিত্য নন্দনে,
ধরে চারু রূপ কবিতার।

শ্রীযতীন্দ্রনাথ চট্টোপাধ্যায়।

যৌবনাবসান ।

১

কোথা গেল সাধের যৌবন ?
 কোথা গেল সেই হাসি,
 বিকসিত ফুলরাশি,
 একি ঘোর অবসাদ-জড়তা-বেষ্টন !
 প্রাণে আর নাহি স্মর,
 সে যত্নতা চুর-চুর
 নাহি সে কল্পনা ভ্রান্তি, কবিত্ব-স্বপন।
 কোথা গেল সাধের যৌবন !

২

সেই শশী, সেই রবি,
 সেই সমুজ্জ্বল ছবি,
 শ্যামল আঁচল পাতি' ধরনী তেমন ;
 নবীন নীরদ-কোলে,
 তেমনি বিজলী দোলে,
 তেমনি বসন্তে ফুল, ভ্রমর-গুঞ্জন।
 কোথা গেল সাধের যৌবন !

৩

নদী সেই কূলে কূলে
 জল-কল-তান তুলে
 উছলি 'উছলি' চলে করিয়া নর্তন ;
 সেই রৌদ্র পড়ে তীরে,
 সোনালী কলসে নীরে,
 সেই মেঘছায়া জলে নিকষ-বরণ।
 কোথা গেল সাধের যৌবন !

৪

সেই প্রকৃতির হাসি,
 বিশ্বভরা শোভারাশি
 সেই মত্ত ঋতুচক্র করে আবর্তন।
 সেই মধু, সেই পিক
 মুখরিত করে দিক্,
 আশ্র-মঞ্জরীর গন্ধে আকুল পবন।
 কোথা গেল সাধের যৌবন !

৫

মোর তরে নহে কেহ,
 কেন তবে এ সন্দেহ ?
 আমি বুঝি সেই নহি, কি পরিবর্তন !
 আপনার পানে চাহি—
 সে হৃদয় আর নাহি ;
 জীবনে উৎসব বুঝি মোর সমাপন।
 কোথা গেল সাধের যৌবন !

৬

ভাঙিছে স্বপন-ভ্রান্তি,
 বুকে নিবে কড়া ক্রান্তি
 যে দিয়েছে, হবে তা'রে করিতে অর্পণ ;
 মিছে মর্মে মর্মে জলি,
 মিছে আপনারে ছলি,
 অ তীতের তীরে বসি' বুধা এ ক্রন্দন ;
 কোথা গেল সাধের যৌবন !
 ত্রিগিরিজানাথ মুখোপাধ্যায় ।

ফরাসী বিপ্লবের ইতিহাস।

সপ্তম অধ্যায়।

অরাজকতা।

ফরাসীৰাজ বিদ্রোহ দমনকল্পে অস্ত্র ধারণ করিয়াছিলেন; কিন্তু কুগ্রহ নিবন্ধন অকৃতকার্য হইয়াছেন। যে ফরাসীজাতি পাশব শক্তিপ্রভাবে পরাজিত হইয়া অচিরে অবনত মস্তকে তাঁহার পদানত হইবে, তাবিয়াছিলেন তাহারাই বাহুবলে রাজশক্তি পরাভূত করিয়া স্পর্দ্ধান্বিত হইয়া দণ্ডায়মান। সেইজন্য প্রস্তুত ঘটনাপরম্পরায় ফরাসীদেশের রাজশক্তি এককালে অস্ত্রহীত হইয়াছে। কিন্তু রাজশক্তির অস্ত্রধান মানব-সমাজের কল্যাণকর নহে। প্রজাপীড়ক ভূপতিবৃন্দের যথেষ্টাচার এবং অরাজকতা উভয়ই ভুল্য। বিদ্রোহিগণের সহিত গার্ড ডি ফ্রাঙ্কের যোগদান, ইনভ্যালিড্ অস্ত্রাগার লুণ্ঠন, ব্যাস্টাইল দুর্গ বিজয় ইত্যাদি অভূতপূর্ব ঘটনা পরম্পরায় প্যারিস নগরের অশিক্ষিত ইতর সাধারণ যৎপরোনাস্তি প্রশ্রয় প্রাপ্ত হইয়াছে; তাহাদের উচ্ছৃঙ্খলতা নিবারণ পূর্বক পুনর্বার শান্তি সংস্থাপন সহজ ব্যাপার নহে। রাজা ফরাসী জাতির সহিত পুনর্মিলিত হইয়াছেন; বিদেশীয় সৈন্যগণ স্থানান্তরিত হইয়াছে; ব্যাস্টাইল দুর্গ ভূমিসাৎ হইতেছে—তথাপি ইতর সাধারণের আকাঙ্ক্ষা পূর্ণ হইতেছে না। তাহারা স্ব স্ব কর্ত্ত্ব পরিহার পূর্বক—অৰ্থাগমের চিন্তা বিসর্জন দিয়া সশস্ত্র যথাতথ্য ভ্রমণ করিতেছে; স্ত্রীপুত্র-গণের গ্রাসাচ্ছাদনের উপায় চিন্তা না করিয়া অহোরাত্র রাজপথে ভ্রমোন্মাদ প্রকাশ করিয়া বেড়াইতেছে। ব্যাস্টাইল দুর্গের নিবিড় ভয়সাজ্জয় একোষ্ঠী-বলী আগ্রহ সহকারে বারম্বার নিরীক্ষণ করিয়াও তাহাদের হৃদয়ের আবেগ নিবারিত হইতেছে না। রাজনৈতিক বিষয়ে মনোনিবেশ করিয়া তাহারা জগৎ সংসার তুচ্ছ জ্ঞান করিতেছে।

উচ্ছৃঙ্খলতার স্রোত উত্তরোত্তর বৃদ্ধি প্রাপ্ত হইয়া সমগ্র দেশ উচ্ছিন্ন হাইবার উপক্রম দেখিয়া স্বদেশসেবক নেতৃগণ অভিনব প্রকারে শাসন-শক্তি প্রতিষ্ঠাকল্পে মনোনিবেশ করিলেন। প্যারিস নগর ৬০ ভাগে বিভক্ত হইল। প্রত্যেক বিভাগের অধিবাসিগণ পঞ্চজন প্রতিনিধি নির্বাচন করিলেন। এইরূপে তিন শত প্রতিনিধি লইয়া নগরের মিউনিসিপালিটি

অভিনব প্রকারে সংগঠিত হইল। তন্নিম্ন প্রত্যেক বিভাগে একটি শাখা সমিতি প্রতিষ্ঠিত হইল। শাখা সমিতিগুলি প্রধান মিউনিসিপালিটির সহিত সংশ্লিষ্ট রাখিয়া স্ব স্ব বিভাগসংক্রান্ত বাবতীয় শাসন-শক্তি পরিচালনে প্রবৃত্ত হইল। প্যারিস নগরের আদর্শে সমগ্র দেশে মিউনিসিপালিটি ও শাখা সমিতি প্রতিষ্ঠিত হইল। সঙ্গে সঙ্গে প্রতি গ্রামে ও প্রতি নগরে জাতীয় সৈন্তদলের সৃষ্টি হইল। এইরূপে ক্রমে ক্রমে সমগ্র শাসন-শক্তি করাসী রাজের হস্ত হইতে অন্তর্হিত হইয়া সমগ্র জাতির হস্তে র্ত্ত হইল। জাতীয় সমিতি মিউনিসিপালিটির কার্য্যকলাপের অনুমোদন করিলেন।

প্রাপ্তক্লপে শাসন-শক্তি পুনঃ প্রতিষ্ঠিত হইল বটে; কিন্তু পিশাচ-প্রকৃতি ইতর সাধারণের উচ্ছ্বলতা উত্তরোত্তর বৃদ্ধি পাইতে লাগিল। কলতঃ অপরিমার্জিতবুদ্ধি ব্যক্তিগণ রাজনীতিক আন্দোলনে মনোনিবেশ করিলে এইরূপই ঘটয়া থাকে। ইহারা যথেষ্টাচারকেই প্রকৃত স্বাধীনতা মনে করিয়া মানব সমাজে ঘোরতর অনর্থ উৎপাদিত করে। প্যারিসের ইতর সাধারণ দুর্দ্দমনীয় রিপুবর্ণের বশবর্ত্তী হইয়া উন্মাদের দ্বার কার্য্য করিতে আরম্ভ করিল। ইত্যগ্রে করাসীরাজ সমরনীতিপরিচালিত হইয়া মন্ত্রিবর নেকারকে অবসর প্রদান পূর্ব্বক ব্রিটলকে প্রধান মন্ত্রিপদে নিযুক্ত করিয়াছিলেন। ফুলন নামক অশীতিপর বৃদ্ধ তৎকালে অগ্রতম বিভাগের মন্ত্রিবে প্রতিষ্ঠিত হইয়াছিলেন। এক্ষণে ফুলন এবং ব্রিটল উভয়েই অবসর প্রাপ্ত হইয়াছেন, পুনর্কার মহানুভব নেকার প্রধান মন্ত্রিপদে প্রতিষ্ঠিত হইয়াছেন; কিন্তু তথাপি জনসাধারণের মনস্তৃষ্টি হয় নাই। ব্রিটল এবং ফুলনের প্রতি ইহাদের মন্বাস্তিক আক্রোশ। একদা অকস্মাৎ এইরূপ জনরব শুনা গেল যে, ফুলন জনসাধারণের প্রতি গালি বর্ষণ করিয়াছেন। তৎক্ষণাৎ উন্নত ইতর সাধারণ ভূতপূর্ব্ব মন্ত্রিবরকে বন্ধন পূর্ব্বক তাঁহাকে নবপ্রতিষ্ঠিত মিউনিসিপালিটি গৃহে বিচারার্থ লইয়া উপস্থিত হইল। সেনাপতিপ্রবর ল্যাফাইটি কোশলে বৃদ্ধের জীবন রক্ষার্থ বলিয়া উঠিলেন, “ফুলন এইক্ষণ কারাগৃহে অবস্থিতি করুন। তাঁহার সহিত এই অপরাধে অত্র কেহ সংশ্লিষ্ট আছে কি না দেখা যাউক। পরে সকলের বিচার একত্রে হইবে।” কিন্তু উন্নত জনসাধারণের ভিলার্কিকাল বিলম্ব সহিল না। এক ব্যক্তি বলিল, “ইহারা শঠতা পূর্ব্বক ফুলনের জীবন রক্ষার চেষ্টা করিতেছে।” অপর একজন বলিল, “ফুলনের আবার বিচারের প্রয়োজন কি?” এই কথা শুনিয়া অপর কয়েক

ব্যক্তি বলপূর্বক বৃদ্ধকে বাহিরে আনিয়া তাঁহার প্রাণ সংহার করিল। মিউ-নিসিপালিটার শাসন-সমিতি বিস্তর চেষ্টা করিয়াও এই নৃশংস হত্যাকাণ্ডের নিবারণ করিতে পারিলেন না। কিন্তু পামরগণ ফুলনকে হত্যা করিয়াও তৃপ্ত হইল না। তাহারা তাঁহার জামাতা বার্বিয়ারকে ধরিয়া আনিল। অনন্তর বার্বিয়ারের হৃদয়ে বেদনা প্রদানের নিমিত্ত তাহারা ফুলনের ছিন্ন মুণ্ড তৎসমক্ষে রাখিয়া দিল। বার্বিয়ার খণ্ডরের ছিন্ন মস্তক দৃষ্টে সজ্জন নয়নে সসন্ত্রমে প্রণাম করিলেন। মহানুভব বেলি ও ল্যাফাইটি বার্বিয়ারের পরিণাম চিন্তা করিয়া অধীর হইলেন। কিন্তু তাহারা কোন ক্রমে তাঁহার জীবন রক্ষা করিতে সক্ষম হইলেন না। উন্নত ইতর সাধারণ বার্বিয়ারকে একটি আলোকস্তম্ভের নিকট ধরিয়া আনিয়া উদ্বুদ্ধনে তাঁহার প্রাণ সংহারের নিমিত্ত রজ্জু প্রস্তুত করিতে লাগিল। বার্বিয়ার তদৃষ্টে এক ব্যক্তির নিকট হইতে বলপূর্বক একটি বন্দুক লইয়া অগ্নি বর্ষণ করিতে লাগিলেন। কিন্তু একটি বন্দুকের সাহায্যে সংখ্যাভীত ব্যক্তিকে নিরস্ত করা যায় না। বার্বিয়ার অচিরে অজ্ঞানভাবে ক্ষতবিক্ষত হইয়া মানবলীলা সম্বরণ করিলেন। তখন পিশাচগণ ফুলন ও বার্বিয়ারের ছিন্ন মুণ্ড লইয়া মহানন্দে রাজপথে তাণ্ডব নৃত্য করিতে লাগিল।

শস্ত্রব্যবসায়ীদিগের প্রতি ইতর সাধারণের মৰ্ম্মান্তিক অক্রোশ। ইহাদের বিশ্বাস যে, শস্ত্রব্যবসায়ীরা অপরিমিত অৰ্ধলালসাপ্রযুক্ত সমগ্র দেশের উৎপন্ন শস্ত রাশীকৃত করিয়া রাখিয়াছে, সেই জন্য অশ্রান্তাবে বহুসংখ্যক ব্যক্তি প্রাণত্যাগ করিতেছে। এক দিন উন্মাদগণ স্যাভেজ নামক শস্ত্র ব্যবসায়ীকে বন্ধন করিয়া নিম্নলিখিত মর্মে বিজ্ঞাপন প্রচার করিল :—

“রাজা এবং তৃতীয় সম্রাটের আদেশক্রমে অদ্য বেলা তিন ঘটিকাকালে স্যাভেজের ফাঁসি হইবে।”

বধা সময়ে হোটেল ডি ভিলার সন্নিধানে সংখ্যাভীত লোক সমাবেশ হইল। অচিরে তাহারা স্যাভেজকে একটি আলোকস্তম্ভে ঝুলাইয়া দিল। দেহের গুরুত্ব বশতঃ হতভাগ্য ব্যক্তি ছিন্নরজ্জু হইয়া ভূতলে পতিত হইল। কিন্তু তথাপি সে পাগায়াগণের হস্ত হইতে অব্যাহতি পাইল না। তাহারা অপর একটি রজ্জুর সাহায্যে তাহাকে পুনর্বার সেই আলোকস্তম্ভে ঝুলাইল। তাহাতেও পরিতৃপ্ত না হইয়া তাহারা সজীন ও তরবারীদ্বারা হতভাগ্য ব্যক্তির সর্বদ্বন্দ্ব ক্ষতবিক্ষত করিল। এইরূপে স্যাভেজের জীবনলীলা সাদ হইল।

তখন পামরগণ তাহার হস্তপদাদি ও মুণ্ড লইয়া আনন্দে রাজপথে ভ্রমণ করিতে লাগিল ।

কেন্ এবং নরম্যাণ্ডি নগরের ইতর সাধারণ প্যারিস নগরের উচ্ছৃঙ্খলতার অনুসরণ করিয়া যথায় তথায় নরহত্যার প্রবৃত্ত হইল । বুর্ন নগরে বেলজল নামক ভরুণবয়স্ক যুবক একদল রাজ সৈন্তের অধ্যক্ষ পদে নিযুক্ত ছিলেন । তাঁহার বুদ্ধিকৌশলে সেই সৈন্তগণ এযাবৎ বিদ্রোহিদলের সহিত যোগদান করিতে পারে নাই, সেই জন্য তৎপ্রতি বিপ্লবনেতৃগণের মর্য্যাদিতিক আক্রোশ । মুরাট নামক নেতৃপ্রবর একটি সংবাদপত্রের সম্পাদক ছিলেন । তিনি স্বীয় সংবাদপত্রে বেলজোলকে উচ্চবংশসম্ভূত বংশমর্য্যাদাভিমानी দেশের শত্রু ইত্যাদি আখ্যা প্রদানে তৎপ্রতি ইতর সাধারণের ক্রোধ উৎপাদনের প্রয়াস পাইতে লাগিলেন । ক্রিয়ৎকাল পরেই মুরাটের উদ্দেশ্য সফল হইল । ক্রমক ও শ্রমজীবীগণ উত্তেজিত হইয়া বেলজলের প্রাণ সংহারের নিমিত্ত বন্ধপরিকর হইল । শান্তিরক্ষকগণ তাঁহার উপস্থিত বিপদ দৃষ্টে তাঁহাকে স্থানীয় হোটেল ডি ভিলার আশ্রয় গ্রহণ করিতে পরামর্শ দিলেন । তদনুসারে তিনি প্রহরিবেষ্টিত হইয়া হোটেল ডি ভিলায় গমন করিলেন । কিন্তু তথায়ও বিপদাশঙ্কা দৃষ্টি করিয়া তিনি নগর দুর্গে আশ্রয় গ্রহণ করিলেন । ক্রিয়দিবস পরে সম্পাদকপ্রবর বেলজলের সংহারের নিমিত্ত পুনর্বার লেখনি ধারণ করিলেন । চলচ্চিত্ত ইতর সাধারণ আর ধৈর্য্যাবলম্বন করিতে পারিল না । তাহারাই সৈন্তাধ্যক্ষকে দুর্গের বাহিরে আনিয়া নগরের প্রকাণ্ড স্থানে, শান্তিরক্ষকগণের সমক্ষে, তাঁহার প্রাণ সংহার করিল ।*

ট্রাসবর্গ, ট্রয়, নিসমে প্রভৃতি নগরসমূহে বিপ্লবব্যাদিগ্ৰস্ত ইতর সাধারণ ক্রোধপ্রবাহে ধরাধাম কলুষিত করিতে লাগিল । সেন্টডেনিস নগরের শ্রমজীবীগণ নগরাধ্যক্ষের শিরশ্ছেদন করিল । তাঁহার পত্নী এই হৃদয়বিদারক দৃশ্য অবলোকনে মর্শ্মপীড়িত হইয়া একটি কুপের মধ্যে পড়িয়া প্রাণত্যাগ করিলেন । ম্যান নগরে মণ্ডু নামক এক ব্যক্তি তদীয় স্বপুত্র কুরিয়ামের সমভিব্যাহারে ভ্রমণ করিতেছিলেন, ছুরাঙ্গগণ তাঁহাদিগকে ধরিয়া সর্ব্বাঙ্গে তাঁহাদের কণ ও নাসিকা এবং পরিশেষে তাঁহাদের

*কর্দে নারী পঞ্চবিংশতি বর্ষীয়া যুবতী বেলজলের প্রতি অত্যাচারিত হইয়াছিল । বেলজলের যত্ন না ঘটিলে তিনি কর্দে পাপিগ্রহণ করিতেন । কর্দে ক্রিয়ৎকালপরে মুরাটকে হত্যা করিয়া এই ঘটনার প্রতিশোধ হইয়াছিল ।

মস্তক ছেদন পূর্বক ক্রিয়-লালসা পরিতৃপ্ত করিল। ট্রাসবর্গ নগরের হোটেল ডি ভিলা লুণ্ঠিত হইল। ট্রয় সহরের নগরপ্রাধিক ইতর সাধারণের হস্তে পতিত হইয়া প্রাণত্যাগ করিলেন। এইরূপে দেশের এক প্রান্ত হইতে অপর প্রান্ত পর্যন্ত উচ্ছৃঙ্খলতাস্রোতে উচ্ছিন্ন যাইবার উপক্রম হইল।

সমগ্র জগতের ইতিহাস পর্যালোচনা করিলেও অবশিষ্ট যথেষ্টাংশের ও পৈশাচিক নিষ্ঠুরতার দৃষ্টান্ত আর কুত্রাপি দৃষ্ট হয় না। মানবতাবিবর্জিত না হইলে, কোন ব্যক্তি সহস্র উত্তেজনায়ও নরপ্রকৃতি বিস্থিত হইয়া নরযুগ লইয়া তাণ্ডব নৃত্য করিতে পারে না। এক্ষিৎ পৈশাচিক ক্রিয়াকলাপের কারণ কি? ফরাসী দেশের জায় ইংলণ্ড দেশেও মহাবিপ্লব সংঘটিত হইয়াছিল। কিন্তু ইংরাজ জাতি কর্তব্যপথলষ্ট হইয়া বৃথা রক্তপাতে ধরা কলঙ্কিত করে নাই। ফরাসী দেশের ইতর সাধারণ দুর্দমনীয় রিপুবর্গের বশীভূত হইয়া জাতীয় ইতিহাসে কালিমা লেপন করিল কেন? কিঞ্চিৎ অমুখাবন করিলে এই প্রশ্নের উত্তর সহজেই হৃদয়ঙ্গম হইবে। সংসারে আমরা যাহাকে “পুণ্য” বা “সুকৃতি” বলি তাহা বিবিধ কারণপ্রসূত—জ্ঞান ও ধর্মবিশ্বাস। জ্ঞান ও ধর্মবিশ্বাস একাধারে বিচ্যমান থাকিলে দেবে ও মানবে প্রভেদ থাকে না। কিন্তু তদ্রূপ সম্মিলন সর্বত্র না ঘটিলেও অনেক স্থলে একটির অভাব অপরটির দ্বারা পূর্ণ হয়। কিন্তু অজ্ঞতা-তিমিরাজ্বর হৃদয়ে যদি ধর্মবিশ্বাসের অভাব হয়,—যদি বিচারশক্তিবিহীন, হৃদয়বোধবিবর্জিত ব্যক্তিগণ ভগবানের রাজ্যে বাস করিয়া ভগবানকে “নিশার স্বপন” জ্ঞানে নিরবচ্ছিন্ন ঐহিক সুখের প্রত্যাশায় ধাবমান হয়, তাহা হইলে মানবসমাজে বর্বরতা ভিন্ন আর কি দৃষ্ট হইবে? ইতঃপূর্বে ভলটেরার প্রভৃতি ফরাসী দেশের প্রতিভাশালী ব্যক্তিগণ ধর্মব্যবসায়ী অধর্মাচারী মানবমণ্ডলীর প্রতি অবজ্ঞা উৎপাদনে নিযুক্ত হইয়া অসাবধানতা প্রযুক্ত ধর্মবিশ্বাসের মূলে কুঠারাঘাত করিয়াছিলেন। সেই অসাবধানতার বিষয় ফলে কোটি কোটি মানবের ধর্মবন্ধন এককালে ছিন্ন ভিন্ন হইয়া যায়। অজ্ঞ ব্যক্তিগণের ধর্মবিশ্বাস উৎপাটিত হইলে সমাজে দুর্দৈব ঘটবে ইহার বিচিত্র কি?*

* “That the revolutionary movement while headed by Voltaire and his co-adjutors was directed against the Church and not against the State. Unfortunately they at the very outset committed a serious error. In attacking clergies they lost their respect for religion.” Buckle's *History of Civilisation*.

সমগ্র দেশে উচ্ছৃঙ্খলতাস্রোত প্রবাহিত হইতেছে দৃষ্টি করিয়া ভূস্বামীরা ক্রমে ক্রমে দেশত্যাগী হইয়া যুরোপের ভিন্ন ভিন্ন দেশে আশ্রয় গ্রহণ করিলেন। ইহারা দেশে থাকিলেন, তাঁহারা বংশগত মর্য্যাদা ও বিশিষ্ট অধিকার পরিহার পূর্বক সর্বসাধারণের সহিত সম্মিলিত হইলেন। বহু-সংখ্যক ধর্ম্মযাজকও স্ব স্ব বিশিষ্ট অধিকার পরিত্যাগ পূর্বক ধর্ম্মকার্য্যে নিয়োজিত ভূসম্পত্তি জাতীয় কার্য্যে উৎসর্গ করিলেন। এইরূপে ক্রমে ক্রমে সমগ্র দেশে সাম্যের ভিত্তি সংস্থাপিত হইল। সাম্য ও স্বাধীনতার ভিত্তি সংস্থাপনকল্পে জাতীয় সমিতি মানবাধিকারপ্রসঙ্গীয় ব্যবস্থাবলী প্রণয়ন করিলেন—তন্মধ্যে কয়েকটি নিম্নে প্রদত্ত হইল—

(১) মানব যাত্রাই তুল্য এবং ভূমিষ্ঠ হইবার পর হইতে প্রত্যেক ব্যক্তিরই তুল্য অধিকার।

(২) সমগ্র জাতি রাজশক্তির আধার। সমগ্র জাতি হইতে (রাজ-নীতিক) সর্বশক্তির উৎপত্তি।

(৩) অত্র কোন ব্যক্তির কোন অনিষ্ট না করিয়া বদৃচ্ছানুরূপে কার্য্য করার নাম স্বাধীনতা। যে কার্য্য হইতে সমাজের অনর্থ উৎপাদিত হয় ব্যবহার শাস্ত্র শুদ্ধ তাহাই নিবারণ করিতে পারে।

(৪) সর্বসাধারণের প্রকাশিত ইচ্ছার নাম ব্যবহার শাস্ত্র বা আইন।

(৫) প্রত্যেক ব্যক্তি স্বীয় অবস্থানুসারে রাজকর প্রদান করিতে বাধ্য।

(৬) সত্য নির্বাচনে প্রত্যেক ব্যক্তিরই তুল্য অধিকার।

(৭) ব্যবহার শাস্ত্র প্রণয়নে প্রত্যেক ব্যক্তির তুল্য অধিকার; কিন্তু করাসী দেশের অধিবাসীরা প্রতিনিধিগণদ্বারা ব্যবহার শাস্ত্র প্রণয়ন করিবেন।

(৮) ব্যবহার শাস্ত্র প্রত্যেক ব্যক্তির প্রতি তুল্যরূপে প্রযোজ্য।

(৯) বোগ্যতা অনুসারে প্রত্যেক ব্যক্তি প্রত্যেক পদে নিযুক্ত হইতে পারিবে।

প্রাপ্তব্য ব্যবস্থাবলীর মধ্যে কতকগুলি জ্ঞান ও যুক্তির অনুমোদিত হইলেও, সকলগুলি তজ্জপ নহে। মানব যাত্রাই সমান ইহা অর্কাটীনের কথা। ব্যক্তিগণের পরস্পরের মধ্যে পার্থক্য অনিবার্য্য। কোন ব্যক্তি অরম্য হর্ম্মে বাস ও সূচাক পর্ধ্যাকোপরি অুকোমল শয্যার শয়ন এবং সুবর্ণ-

পাত্রে পুসংস্কৃত অন্নব্যঞ্জনাদি ভোজন করিয়া পার্শ্বিষ অুধ সন্তোষের পরাকাষ্ঠা প্রদর্শন করিতেছেন, কোন ব্যক্তি অরাজীর্ণ পর্ণকুটীরে অবস্থিতি এবং ভিক্ষালব্ধ তণ্ডুলে শরীর পোষণ করিয়া সংসারের সর্বপ্রকার যন্ত্রণায় প্রণীড়িত হইতেছে। কেহ বা জ্ঞানার্ণব মন্বন করিয়া ভূত ভবিষ্যৎ বর্তমান প্রসঙ্গীয় প্রকৃষ্ট জ্ঞানের অধিকারী এবং সর্ববিদ্যায় পারদর্শী হইয়া জ্ঞানের অপূৰ্ণ রশ্মি বিস্তার করিতেছে, আবার কেহ বা হ্রস্বদীর্ঘবোধবিবর্জিত “উত্তর দক্ষিণ” জ্ঞানবিরহিত মূর্খাদপি মূর্খ। কোন ব্যক্তি কোন বিশিষ্ট বংশে জন্মগ্রহণ করিয়া দেশীয় প্রথাভ্রুসারে প্রতিপত্তি ও মর্যাদা লাভ করিয়াছেন, আবার কেহ বা নীচকুলোদ্ভব বলিয়া জনসমাজে অনাদৃত হইতেছে। কোন ব্যক্তি অসাধারণ প্রতিভাসম্পন্ন হইয়া সমগ্র জগতের দৃষ্টি আকৃষ্ট করিতেছেন; আবার কেহ বা সাধারণ বুদ্ধির অধিকারী হইয়া জনসমাজে উচ্চপযোগী প্রতিষ্ঠা লাভ করিতেছে। সুতরাং সকল মানবই তুল্য এ কথাটি প্রকৃত নহে। তবে উন্নতিশীল জাতির মধ্যে ক্রমে ক্রমে বংশগত পার্থক্য বিলুপ্ত হইয়া গুণানুসারে ব্যক্তিগণের শ্রেষ্ঠতা নির্ধারিত হইতেছে।

(ক্রমশঃ)

শ্রীসুরেন্দ্রনাথ ঘোষ।

সংগ্রহ ।

বিবিধ ।



বুদ্ধের জন্মস্থান ।

—:—

কথিত আছে, বুদ্ধের ঐবর্ষিত বর্ষে দীক্ষিত হইয়া অশোক বুদ্ধের স্মৃতিপুত সকল তীর্থে গমন করিয়াছিলেন ও প্রত্যেক স্থানে ভূগনির্মাণের ব্যবস্থা করিয়া আসিয়াছিলেন। উপগুপ্ত তাঁহার সহযাত্রী ছিলেন। লুম্বিনী উদ্ভানে ভূগ্নের অস্তিত্ব নাই ; কিন্তু অশোকের প্রতিষ্ঠিত স্তম্ভ অদ্যাপি বর্তমান। এখনও কেহ কেহ দুর্গব পথ অতিক্রম করিয়া এই প্রাচীন স্তম্ভ দেখিতে বাইরা থাকেন। অল্প দিন পূর্বে কয়জন যুরোপীয় এই স্তম্ভ দেখিতে গিয়াছিলেন। তাঁহাদিগের ভ্রমণ-বিবরণ হইতে বর্তমান প্রবন্ধ সংকলিত হইল।

গৌরখপুর হইতে পথ রম্যদর্শন। পথে করেন্দা : তথায় গুরখা সৈন্ত সংগ্রহের আড্ডা আছে। তাহার পর শালবন—শালবনে নীলগাঁই নির্ভয়ে বিচরণ করিতেছে। পথে। গৌরখপুর হইতে বাইরা নওগড়ে বিজ্ঞান করিতে হয়। আবার এতাদে উঠিয়া বাজার আরম্ভ। ডাক বদলাইয়া বৃদ্ধপুর্বে পৌঁছিতে হয়। পথ বনপল্লব তরু-ছারাচ্ছত ও সুরক্ষিত। এই স্থান হইতে অদূরে নওগড়ের বাজার—বাজারে চাউলের বথেষ্ট আমদানী, মাড়োয়ারী মহাজনও বথেষ্ট। পথে একটি নদী আছে—নদীর উপর স্থপতিত সেতু। বৃদ্ধপুর্বে চা-কর যুরোপীয়দিগের বাসলো আছে। সেগুলি অতি পরিচ্ছন্ন ও সুদৃশ্য। বৃদ্ধপুর হইতে ছালা সাত বাইল পথ। রাস্তা কাঁচা; কিন্তু সুরক্ষিত—তিন ভাগে বিভক্ত, মধ্যভাগ উচ্চ, তাহা কেবল যুরোপীয়দিগের জন্য—দুই পার্শ্বে রাস্তার ভারভবানী যাত্রী ও যান চলে। ছালার সীমার তেলার নদী। এই নদীর উপরও একটি স্থপতিত সেতু আছে। এইবার যানপরিবর্তন করিয়া হস্তীতে আরোহণ করিতে হয়। অদূরে ইংরাজ রাজ্যের সীমান্ত। তথা হইতে নেপাল রাজ্যের আরম্ভ। মধ্যে ৬০ কিট দূরী—কাহারও নহে। সীমান্তে কতকগুলি পিলুপা গাঁথা আছে। এই স্তম্ভকে লাঠীঠা বলে—“লাঠীঠাপার” অর্থে নেপালের আরম্ভ।

পাঁচ বাইল পথ অতিক্রম কবিলে ভগবানপুরে পৌঁছান যায়। পথে দ্রষ্টব্য বড় তীর্থ। কিছু নাই। ভগবান পুরে কাহারী, মালখানা, জেলখানা ও থানা আছে। এই স্থানে কর্ণচরী বা সুবা আগন্তকের ছাড়গজাদি পরীক্ষা করেন। আগন্তুকগণ এত কষ্ট ও অর্থব্যয় করিয়া অশোক স্তম্ভ দেখিতে আসি-

ছেন, শুনিয়া হুবা বিশেষ বিষয় প্রকাশ করিলেন। ভগবানপুর হইতে এক মাইল দূরে একটি অমুচ্চ পাহাড়। গিরিগাত্র খন বৃক্ষলতায় আবৃত। মোড় করিলেই অশোক-স্তম্ভ দৃষ্টিগোচর হয়। এই স্তম্ভ দেখিবার জন্য কত চীনদেশীয়, তিব্বতীয়, জাপানী, শ্রামদেশীয় ও সিংহলী রাজী এই তীর্থে আসিয়াছে।

স্তম্ভটি প্রায় ১০ ফিট উচ্চ। ইহার পরিধি প্রায় ৩৬ ইঞ্চি। পাদমূলে লিখিত আছে, বুদ্ধের জন্মস্থানে এই স্তম্ভ অশোকের আদেশে স্থাপিত। স্তম্ভের শিরদেশে ভগ্ন ও স্তম্ভটি স্তম্ভাদি।

কাটিয়াছে—ইহা বজ্রপাতের ফল। যে অমুচ্চ গিরিতে স্তম্ভটি প্রতিষ্ঠিত তাহা পূর্বে উচ্চ পর্বত ছিল; কালক্রমে তাহার উচ্চতার হ্রাস হইয়াছে। পর্বতচূড়ায় একটি মন্দির, শ্রাম শোভার মধ্যে অতি সুন্দর দেখাইতেছে। প্রাঙ্গণে বেদীতে রক্তচিহ্ন—পশুবলির পরিচায়ক! এই মন্দির হিন্দু ও বৌদ্ধ সকলেরই নিকট সমাদৃত। মন্দিরের পুরোহিত ব্রাহ্মণ। বেদীর উপর একটি ঘণ্টা; ঘণ্টাপাত্রে লিপি উৎকীর্ণ। প্রাচীরগাত্রে নানা চিত্র ক্ষোদিত ও লিপি উৎকীর্ণ।

গর্ভগৃহ অন্ধকার। কিছুক্ষণ চাহিয়া থাকিলে দেখা যায়, প্রাচীর-গাত্রে নানা চিত্র ক্ষোদিত। তন্মধ্যে মৎস্তের বাহ্য্য বিষয়কর। আগন্তুকদিগের মন্দির।

সনির্ভর অমুরোধে পুরোহিত মধ্যস্থলের ক্ষোদিত ভাস্কর্যকার্যের উপস্থিত আবরণ অপহৃত করিলে বুদ্ধের জন্মগ্রহণচিত্র দেখা গেল। জননীর স্কন্ধে বসিয়া বুদ্ধ বাহির হইতেছেন—একজন দাসী শিশুকে ধরিতেছে। মুষ্টিগুলি স্বাভাবিক আকারের ও সুগঠিত। কিন্তু পুরোহিত দেখিতে দেখিতে আবার চিত্রগুলি আবৃত করিয়া দিলেন। যে সকল শিল্পী এইরূপ মুষ্টি ক্ষোদিত করিয়াছিল, তাহাদের শিল্পনৈপুণ্যের কি কোন অবশেষই নাই?

• মন্দিরের পর দ্রষ্টব্য—অমৃত সরোবর। এই সরোবর বুদ্ধ-জননীর স্নানপুণ্যোদক। সরোবর সন্মায়তন—অচ্ছদ্রলশালী—হির। সরসীবন্ধ তরঙ্গতাড়নে

বিচলিত নহে—তাহাতে তীরতরুর প্রতিবিম্বও হির—অচঞ্চল।

যে ধর্ম একদিন পৃথিবীর সকল ধর্মকে পরাভূত করিয়া কোটি কোটি মানবকে নির্বাণের পথে অগ্রসর করিয়াছিল, সংসারীকে সন্ন্যাসী ও গৃহস্থকে গৃহত্যাগী করিয়াছিল; যে ধর্ম ভারতীয় সভ্যতার সঙ্গে সঙ্গে ভারতীয় সাহিত্য ও ভারতীয় শিল্প এসিয়ার সর্বত্র প্রচলিত করিয়াছিল—এই তীর্থ সেই ধর্মের প্রবর্তক শাক্যসিংহ বুদ্ধের জন্মভূমি। এখন এই লুপ্ত উদ্যান পরিভ্রম্য—অবহৃত্তিক লতাগুলে হুগরি। কিন্তু এক দিন এই উদ্যান নৃপতির বিদ্যায় স্থান ছিল—আর এই উদ্যান শাক্যসিংহের জন্মভূমি বলিয়া অপভ্রমের পুণ্যতীর্থ।

সে গেছে চলিয়া ।

১

সে গেছে চলিয়া ।

গেছে—না ফুরাতে বেলা অসমাপ্ত রাখি' থেলা
 কোন্ নিরুদ্দেশ দেশে—কোন্ পথ দিয়া ।
 আছে সেই বসুন্ধরা ফুলফলশস্তুরা,
 আছে সেই স্রোতস্বিনী, আছে সে বাতাস ;
 আছে সেই কলগান বনের মর্ম্মর তান
 সেই আলো সেই ছায়'—আছে সে আকাশ ।
 এ বিশ্বের কোন ঠাই কোন অপূর্ণতা নাই,
 তবু যেন শূন্য সব,—শূন্য এই হিয়া ।
 সে গেছে চলিয়া ।

২

সে গেছে চলিয়া ।

ভুলে' গৃহে ফিরে যাই, আছে স্মৃতি—সেতো নাই,
 অশ্রুর সাগর তাই উঠে উছলিয়া !
 সে যে লতিকার সম ব্যর্থ এ জীবন মম
 জড়িয়ে—ফুটায়েরিছিল মাধুরি বিমল ;
 নিকর'য়ের মত বহি' শত অনাদর সহি'
 করেছিল এ হৃদয় সরস কোমল ।
 পুঞ্জীভূত অন্ধকার দূর করি', দীপ তা'র
 আমার কুটারখানি ছিল উজলিয়া ।
 সে গেছে চলিয়া ।

৩

সে গেছে চলিয়া ।

জীবনের পর পারে অনন্তের কোন্ ধারে
 কোথায় আশ্রয় তা'র—কে দিবে বলিয়া ।
 উবার হাসিতে আর মিশে নাকো হাসি তা'র
 পাখীর সঙ্গীত সনে তা'র কর্তৃস্থর ।
 ফুলদল ফুটে বরে, শোভে না তাহার করে,
 মিশে না ফুলের গন্ধে তাহার সৌরভ ।
 আর নাহি বাজে বীণা, ধরা যেন প্রাণহীনা,
 যত শোভা—যত গান—সব হরি' নিয়া
 সে গেছে চলিয়া ।

শ্রীরমণীমোহন ঘোষ ।

আর্যাবর্ত ।



যাত্রা ।

রামটেক্ ।

“সত্বীকো ধর্ম্মাচরেন্” এই মহাবাক্য শিরোধার্য্য করিয়া এবার পূজার সময় রামটেক্ যাত্রা করিয়াছিলাম। সঙ্গে জী ত ছিলেনই, তাহার উপর ছিলেন, সোদরপ্রতিম—সদা হাস্তানন, স্মদীশ ও সিদ্ধীশ; আর ছিলেন হস্তুরসের অবতার নেড়াদা। ফাউয়ের মধ্যে এক কাছাকোঁচা দেওয়া দাসী। তাহাকে সঙ্গে না লইয়া গেলে পাছে আমার অর্দ্ধাঙ্গিনীর কোন কষ্ট হয়, এই ভয়ে তাহাকে যাত্রিশ্রেণিভুক্ত করা হইয়াছিল। জ্যেষ্ঠ স্মদীশ কিছু গভীরপ্রকৃতি, কিন্তু নির্ভীক ও স্পষ্টবক্তা; কথাগুলো ওজন করিয়া সব সময়ে ঠিকঠাক বলিতে পারে; তাহার উপর চরিত্রবলে সর্বদা বলীয়ান্। আর কনিষ্ঠ সিদ্ধীশ বা খোকাবাবু বয়সে নিতান্ত কাঁচা হইলেও নামের সার্থকতা রাখিয়া রবারের বলের মত রাতদিন লাফাই-তেছে; তাহার অধরোষ্ঠে হাসি লাগিয়াই আছে। কোনও কাষে সে “না” বলে না। সে-ই আমার এই তীর্থযাত্রার প্রধান উদ্ভোগী। মনে করিয়াছিলাম, নির্ঝবাদের ছুটির বারটা দিন নাগপুরে বসিয়াই কাটাইয়া দিব; কিন্তু—তৎক্ষণাৎ দৌরাণ্যে তাহা ঘটিয়া উঠিল না। সে আমাকে কেবলই তীর্থযাত্রায় প্রণোদিত করিতে লাগিল; আমারও বহুদিনের সঞ্চিত ক্ষীণ আশা তাহার অজস্র অহরোধে মুকুলিত হইয়া উঠিল। বাড়ীর সকলেরই এ তীর্থদর্শন ঘটিয়াছে; হয় নাই কেবল আমার ও আমার স্ত্রীর। কাষেই প্রস্তাব উঠিবারাত্র আমাদের দুইজনের যাওয়া স্থির হইয়া গেল; তবে “ভাত ছড়ালে কাকের অভাব নাই” এই পুরাতন সত্যের মর্যাদা রক্ষার জন্ত বন্ধুদিগের মধ্যে কেহ কেহ আসিয়া জুটিলেন; কিন্তু নানারূপ অন্ত্রবিধায় কেহই শেষরক্ষা করিতে পারিলেন না।

২৬এ অক্টোবর শনিবার সূর্য্যোদয়ের সঙ্গে সঙ্গেই আমাদের যাত্রা করা স্থির হইল। পৌনে সাতটার গাড়ী ছাড়িবে; কাষেই নীতে হি হি করিতে করিতে সাড়ে পাঁচটার শয্যাভ্যাগ না করিলে সে দিন যাওয়া সম্ভবপর হইত না। পূর্কদিন হইতেই রসদের যোগাড় করিয়া রাখা হইয়াছিল। এ বিষয়ে কাহাকেও কিছু বলিতে হয় নাই; একা সিদ্ধীশ একশত; সে-ই

সমস্ত গুছাইয়া লইয়াছিল। কোথায় কাহার কাপড়, কোথায় কাহার ঘটি, কোথায় কাহার জামা,—এ সব একত্র করিয়া সে দুইটি বৃহদাকার পুঁটুলি বাধিল। শনিবার ভোর ৫ টায় উঠিবার কথা; কিন্তু তাহার আগ্রহাতিশয্যে ৪ টার সময় সে আমার দরজায় বা মারিতে আরম্ভ করিল। উপায়ান্তর না দেখিয়া উঠিলাম, এবং সব ঠিক করিয়া লইলাম। ও দিকে গাড়ীর জন্ত পূর্বাচ্ছেই খবর দেওয়া হইয়াছিল। কিন্তু, ভাগ্যক্রমে ঘোড়ার সাজের কোন স্থান “টুটিয়া” যাওয়ার কিছু বিলম্ব হইয়া পড়িল। সহিসু হিন্দু, সে বোধ হয় পূজার সময় তাহার প্রিয় বস্তুটিকে জীর্ণ সাজে লোকসমক্ষে আনিতে সঙ্কুচিত হইতেছিল। শেষে যখন কড়া হুকুম গেল তখন গতান্তর না দেখিয়া সে একেবারে বাজারের সম্মুখে গাড়ী আনিয়া হাজির করিল। তখন ৬টা বাজিয়া মিনিট দশ হইয়াছে। আশ ঘণ্টার মধ্যে ষ্টেসনে পৌঁছিয়া টিকিট কাটিয়া গাড়ীতে উঠিতে হইবে; কিন্তু ষ্টেসনে পৌঁছিতেই আশ ঘণ্টা লাগিবে। বাহা হউক, রামজীর নাম করিয়া আমরা অসম্ভবকে সম্ভব করিয়া লইলাম। গাড়ী ছাড়িবার মিনিট চার থাকিতে আমরা আমাদের নির্দিষ্ট কাম্রায় ঢুকিলাম। তখন উত্তরের বাতাস প্রভাতী সূর্য্যকিরণে মন্দ লাগিতেছিল না। সহযাত্রীদিগের মধ্যে মারহাট্টার সংখ্যাই অধিক, এবং একটি গুর্জর পরিবারও সেই দলভুক্ত দেখিলাম। দুইজন গুর্জর যদনী পার্শ্বের কাম্রায় বসিয়া আমার জীর সহিত অলাপ করিতে লাগিলেন। তাঁহাদের কথানীতিয় বোধ হইল, তাঁহারা সম্ভ্রান্তবংশীয়া। অল্প সময়ের মধ্যেই আমার স্ত্রী তাঁহাদের সহিত “দোস্তি বানাইয়া” লইলেন।

গাড়ী হুস্ হুস্ শব্দে কলিকাতার পথে ছুটিল; মাঝে এক বার ইতোয়ারী ষ্টেসনে হাঁফ ছাড়িয়া ইংরাজ সেনানিবাস কামটি সহরে আসিয়া উপস্থিত হইল। এই কামটি সহরের মধ্য দিয়াই একটি পাকা রাস্তা বরাবর উত্তরে জব্বলপুরের দিকে গিয়াছে; মাঝে মান্দার হইতে একটি শাখাপথ রামটেকে গিয়া মিলিয়াছে। পূর্বে এই পথ ধরিয়াই লোক এই দুর্গম তীর্থে আসিত। পথের দুই দিকেই নিবিড় জঙ্গল; সময় সময় দিবালোকেও “কোলের মাঝুব” দেখা যায় না। স্থানে স্থানে বহু পুরাতন প্রস্তর ফলকে কোদিত মারহাট্টা অক্ষর দেখিবার মনে হয়, এ প্রশস্ত পথ ভৌস্লা রাজাদিগের বিরাট কীর্তি। রেলের পথে কামটি পার হইয়াই বিস্তৃত কান্হান্ নদীর

উপর যে স্রবহৎ প্রস্তরনির্মিত সেতু আছে, তাহা দেখিলে প্রাচীন ভারতের স্থাপত্যশিল্পের প্রশংসা না করিয়া থাকিতে পারা যায় না। সেতুটি ছবির মত রেলপথের পার্শ্বে কান্‌হান্ নদীর উপর পাড়িয়া আছে। জাকরীর মত উহার রূতিগুলি সূর্যালোকে কি অপূর্ণ শোভাই ধারণ করে! ১৮৭০ খৃষ্টাব্দে ইহার জর্গসংস্কার আরম্ভ হয় এবং চার বৎসর ধরিয়া ১২৪০ লক্ষ টাকা ব্যয়ে সংস্কার সম্পূর্ণ হয়। ইংরাজ এই সেতুর সংস্কার করিয়াছেন মাত্র; রাজারাই ইহার নির্মাণকর্তা। ভারতে এক্ষণে স্রবহৎ সেতু আর আছে কি না সন্দেহ। ইহার এক একটি প্রশস্ত খিলান দেখিলে বিস্মিত হইতে হয়। এই সেতুর উপর দিয়া ক্রমাগত মানুষ ও গাড়ী নাগপুরের পথে যাতায়াত করিতেছে। আমরা দক্ষিণে এই সেতু রাখিয়া আরও কিছু দূর ডাকগাড়ীর রাস্তায় অগ্রসর হইলাম। পরে কান্‌হানে আসিয়া একটি শাখা রেলপথে গাড়ী রামটেকে দিকে ছুটিতে লাগিল। পথের দুই ধারেই অড়হরক্ষেত্র; মনে হইল, ক্ষেত্রের বুঝি সীমা নাই—শেষ নাই। স্থানে স্থানে কৃষকরা শস্ত কাটিয়া স্তুপাকার করিয়া রাখিয়াছে। মনে যুগপৎ আনন্দ ও দুঃখ হইল; আনন্দ ফসলের আতিশয্যে, আর দুঃখ—এমন দেশেও দুর্ভিক্ষে মানুষ মরে! ধনধান্যপূর্ণ বসুন্ধরায় কোন স্থানের লোককেই এত স্বল্পে পরিভূষ্ট হইতে দেখা যায় না। কিন্তু এত অপরিপাতি ফসল হইয়াও দৈববিড়ম্বনায় আমাদের “ভাইনে আন্তে বায়ে কুলায় না।” ইহা কি কম আক্ষেপের কথা? বাহা হউক, পথে একবার দুমুরীখণ্ডে কয়েক মিনিট বিশ্রাম করিয়া আবার হাঁফাইতে হাঁফাইতে গাড়ী রামটেকে যাইয়া পৌঁছিল। গাড়ী হইতে নামিয়া বুঝিলাম, নাগপুর হইতে সাড়ে বার কোশ আসিয়াছি। ক্রমে আমরা ট্রেনের বাহিরে আসিয়া দাঁড়াইলাম। সহযাত্রী অধিক ছিল না; সর্বসমেত ২০।২৫টি হয় কি না সন্দেহ। বাহিরে কয়েকখানি গোলকট ছিল। এগুলি দেখিতে মন্দ নহে; জমী হইতে এক হাত উর্দ্ধে দুইখানি চাকার উপর ইহার মঞ্চ প্রতিষ্ঠিত; মঞ্চটি দৈর্ঘ্যে চারি হাত পরিমিত, আর প্রস্থে দেড় হাত। মাথায় কেবল দরবার আচ্ছাদন। কোন রকমে তিনটি লোক কষ্টে তাহার মধ্যে বসিতে পারে। সাত পাঁচ ভাবিয়া আমার জীকে একখানি শকটে উঠাইয়া দিলাম; সঙ্গে তাহার দাসী রহিল, আর থাকিল সিদ্ধীশ। অবশিষ্ট আমরা তিন জনে

নানা বাগবিত্তার পর স্থির করিলাম যে, শকটে বাঁকি থাইতে থাইতে বাওয়াই শ্রেয়ঃ। কারণ, ট্রেন হইতে রামগিরি পাহাড়ের পাদদেশ হই ক্রোশেরও কিছু অধিক হইবে। এতটা পথ রোজে যাওয়া যুক্তিসঙ্গত নহে। সুধীশ কিছু “একরোকা” লোক; সে আমাদের কথায় সন্মত হইল না। ইতোমধ্যেই বৈরাগ্যের অনেক চিহ্ন তাহাতে দেখা দিয়াছে। সে হাঁটিতে আরম্ভ করিল; সমস্ত রাস্তা “আয় ভাই, আয় ভাই” করিয়া ডাকিয়া আমার গলা শুকাইয়া গেল; জলের জন্ত আকুল হইলাম। পথিপার্শ্বে এক কূপ হইতে গ্রাম্য স্ত্রীলোকরা জল তুলিতেছিল। গাড়ী হইতে নামিয়া তাহাদের নিকট জল ভিক্ষা করিলাম। তাহারাও সাদরে আতিথিসৎকার করিল। আবার গাড়ী চলিতে লাগিল। পথে প্রমাপনোদনের আশায় চালকের নানা সুরের গান শুনিতে লাগিলাম। ক্রমে আমরা রামটেক্‌ সহরের মধ্যে আসিয়া পৌঁছিলাম। ১১২৯ বর্গ মাইল-ব্যাপী তহশীলের মধ্যে ইহাই প্রধান সহর।

১৮৬৭ খৃষ্টাব্দে এই স্থানে একটি মিউনিসিপালিটি প্রতিষ্ঠিত হইয়াছে। ছবিয় মত পরিষ্কার পরিচ্ছন্ন রাস্তাঘাটগুলি দেখিয়া মনে হয় যে, ইহার ১১ জন সদস্যই বিশেষ দক্ষতার সহিত কার্য্য করিতেছেন। আয়ের পরিমাণও বিশেষ আশাশ্রয়; মোটামুটি হিসাবে ১৯০১ সালের আয় ছিল ৮৪০০ টাকা, কিন্তু ছয় বৎসর পরে উহা ১৪৬০০ টাকায় বৃদ্ধি পাইয়াছে; ইহার অধিকাংশ টাকাই octroi tax ও বাজার হইতে আদায় হইয়াছে। নগরে একটি হাসপাতালও আছে; শুনিলাম ইহার উন্নতিকল্পে স্থানীয় একটি ম্যাগাজিনীস্‌ খনির স্বত্বাধিকারী বধেষ্ট অর্থব্যয় করিয়াছেন। এ সব কীর্ত্তি লুপ্ত হইবার নহে; জরা মরণ যতদিন পৃথিবীতে থাকিবে ততদিনই এই পুণ্যস্মৃতি মানুষের মনে জাগিয়া রহিবে। পথ অভিক্রম করিয়া বাইতে বাইতে ২৩টি ইংরাজী, মারাঠী ও উর্দূ বিদ্যালয় দেখিতে পাইলাম। বাঙ্গলাদেশে থাকিয়া মনের মধ্যে একটা দান্তিকতা আসিয়া পড়িয়াছিল যে, আমরা ব্যতীত আর বুঝি কেহ জ্ঞানিকার বিপুল আয়োজনের পক্ষপাতী নহে। সে “জারী” এ পার্শ্বদেশে নিমিষের মধ্যে ভাঙ্গিয়া চূর্ণ হইয়া গেল; জ্ঞানিকার জন্ত এই স্থানে বধেষ্ট আয়োজন দেখিলাম। বালিকাবিদ্যালয়ে ছাত্রীবর্গের বসিবার স্থান সজুলান হওয়া কঠিন হইয়াছে। বাঙ্গলার থাকিয়া জ্ঞানিকার কত আশ্চর্য্য নই না করিয়াছি, কিন্তু সে সমস্ত এখন অসার বলিয়া মনে হইল।

ক্রমে আমরা বাজারের মধ্যে আসিয়া পড়িলাম । তথায় কেনাবেচা বেশ চলিতেছে দেখিলাম । তখন বেলা প্রায় এগারটা হইবে । ডাউল, স্নুত, কাকর মিশান চাউল ও তরীতরকারীর মধ্যে বেগুন ও বর্কটি রাশি রাশি মিলিল । আমাদের আবশ্যকমত বেগুন, বর্কটি ও কিছু আতা লইয়া আমরা আবার পথ চলিতে লাগিলাম । বাজারে নপাট বা ছাঁচি পানও যথেষ্ট দেখিলাম ; এই পানের জন্তই রামটেক্‌ প্রসিদ্ধ । চতুর্দিকে এই পান রপ্তানী হইয়া থাকে ; পাতাগুলি বেশ মোলায়েম ও সুগন্ধযুক্ত । আমরাও আমাদের প্রিয়জনদের জন্ত একটি মোট পান লইলাম । স্থানীয় লোকের নিকট শুনা গেল যে, এই স্থানে আগ্রের চাস আছে ; কিন্তু আমি তাহা দেখি নাই ; দেখিলে বোধ হয় তাহার সদ্যবহার করিতে ক্লান্ত থাকিতাম না । এখন আমরা লোকালয়ের মধ্যে আসিয়া পড়িয়াছি ; বাড়িগুলি বেশ পরিষ্কার পরিচ্ছন্ন—বোধ হয় দোপালী নিকট বলিয়া সকলগুলিতেই রং করা হইয়াছে ! ঝক্‌ঝক্‌ রাস্তায় অনেকগুলি “রেজী” এ গলি ও গলি করিয়া বেড়াইতেছে । তাহাদেব উদ্দেশ্য কিছু বুঝা গেল না । অদূরে রাস্তার বাম দিকে ছরারোহ পর্বত রাধিয়া আমরা ক্রমশঃ লোকালয় হইতে বাহির হইয়া পড়িলাম ; শেষে দুই দিকে পর্বতশ্রেণীর মধ্য দিয়া ক্রমশঃ উপরে উঠিতে লাগিলাম । জনকোলাহল একেবারে ধামিয়া গেল ; মনে আশঙ্কা হইল, ~~সকল~~ ~~সকল~~ হইতে পড়ি । তাহার পর দুই দিকে অত্যাচ্চ পাহাড়, যাকে কেবল আঁকা বাঁকা রাস্তা । তথা হইতে কিছু দূর যাইয়া এক প্রকাণ্ড দরজা দেখা গেল ; ইহাই আদ্বালা পুষ্করিণীর দ্বার । প্রথমেই পুলীস গ্রহরী আমাদের নাম ধাম লিখিয়া লইল । ইহার অর্থ কিছুই বুঝিলাম না, বুঝিতে চেষ্টাও করিলাম না । আদ্বালার কাছে কেবলই পাণ্ডাদিগের ঘর দেখা গেল । দোকান পসারের নামমাত্র নাই ; এক পয়সার জিনিস কিনিবার দরকার হইলে এক ক্রোশ পথ ভাদিয়া বাজারে যাইতে হইবে । মনে হইল, পাণ্ডাদের কি কোন অভাব নাই ? ভাগ্যে আমরা বাজার হইতে রসদ বোগাড় করিয়া আনিয়াছিলাম, তাহা না হইলে সে দিনটা বোধ হয় অনশনেই কাটিত । দেখিলাম, পুষ্করিণীর পাছাড়ে মানুষের সহিত অসংখ্য বানর নির্ঝিবাদে বসিয়া আছে । ক্রমশঃ উত্তরে আদ্বালা রাধিয়া আমরা আমাদের নির্ণীত বাসার সম্মুখে উপস্থিত হইলাম । পাণ্ডামহারাজ আসিয়া আমাদের নির্ণীত থাকিবার সুবন্দোবস্ত করিয়া দিলেন । কেবল আট আনা মুনাকার যে এত হয় তাহা আমার ধারণা ছিল না ।

বাসায় নেড়াদা ও সুধীশ খিচুড়ি রাঁধিবার বন্দোবস্ত করিলেন ; আমাদের সাহায্য তাঁহাদের আবশ্যক হইল না । আমি সস্ত্রীক, খোকাবাবু ও কঁি সমেত বাড়ির হইয়া পড়িলাম ।

আম্বালা সরোবরে স্নান করিলে সকল পাপ বিধৌত হয় বলিয়া একটা প্রবাদ আছে । কুষ্ঠরোগগ্রস্ত রাজপুত্র রাজা অম্বার নাম হইতেই ইহার নাম-করণ হইয়াছে । জনশ্রুতি এই যে, পুরাকালে যুগয়ায় তুফান হইয়া অম্বা এই স্থানে হস্তমুখপ্রক্ষালন করিয়াছিলেন ও এই জল পান করিয়াছিলেন । তাহাতেই তাঁহার কুষ্ঠরোগ আরোগ্য হইয়াছিল । ইহার ফলে তিনি এই সুদীর্ঘ সরোবর কাটাইয়া দেন । শুনিলাম, পাতাল হইতে নাকি ইহার সহিত ভোগবতী বা গঙ্গার যোগ আছে ; সেই কারণে অনেকে এ তীর্থে আসিয়া মৃতের অস্থি জলগর্ভে নিক্ষেপ করেন । প্রেতাশ্রাবু মূক্তির নিমিত্তই এ সমস্ত ব্যবস্থা চলিয়া আসিতেছে । সরোবরে মাছ অল্প ; কিন্তু ধরিবার হুকুম নাই । আমরা স্নান করিতে নামিয়া গামছা ফেলিয়া রাশি রাশি মাছ তুলিলাম, কিন্তু পরক্ষণেই একজন মারহাটী ব্রাহ্মণের কাতরোক্তিতে অপ্রস্তুত হইয়া সমস্ত ছাড়িয়া দিলাম । আম্বালার চতুর্দিক প্রস্তরনির্মিত দেবমন্দির ও সুদৃশ্য সোপানশ্রেণীতে সুশোভিত । তাহার উপর প্রকৃতির সৌন্দর্য্য স্থানটি বাস্তবিকই মনোরম করিয়া তুলিয়াছে । চান্দ্র দিকে পাহাড়, আর মধ্যে অল্প সরোবর,—এ দৃশ্য বস্তুতঃই চিত্রশিল্পীর তুলিকায় প্রতিকলিত হইবার প্রয়োজন । জীবনে এ নৈসর্গিক চিত্র আর দেখিব কি না বলিতে পারি না ; কিন্তু ইহার স্মৃতি সত্য সত্যই আমার এক স্নানার বস্তু হইয়া দাঁড়াইয়াছে ।

এই বার পাহাড়ে উঠিবার জন্য ব্যস্ত হইয়া পড়িলাম । বাসা পশ্চাতে রাখিয়া সরোবরের কিছু উত্তরে যাইয়াই পাতরের বড় বড় ধাপ দেখা গেল । কত যুগ পূর্বে যে এগুলি নির্মিত হইয়াছে তাহার কোন নিদর্শন পাওয়া গেল না । কয়েকটা ধাপ বিচ্ছিন্ন হইয়া এ দিকে ও দিকে পড়িয়া আছে । এই পর্ব্বতশৃঙ্গের নাম রামগিরি ; বাল্যকালে ‘মেঘদূতে’ ইহার প্রথম পরিচয় পাইয়াছিলাম ; সে শ্লোক এখনও কাণে বাজিতেছে ;

“কশিচকাস্তাবিরহশূরুণা স্বাধিকারপ্রমত্তঃ

শাপেনাস্তংগমিতমহিমা বর্ষভোগেন ভর্ত্তুঃ ।

যক্ষশক্রে জনকতনয়ান্নানপুণ্যোদকেষু

নিষ্কল্যাতরুণ বসতিং রামগির্যাশ্রমে ॥”

মন্দিরের পাণ্ডাদিগের সহিত কথাবার্তায় বুঝিলাম যে, ইহার আরও দুইটি নাম আছে—একটি সিন্দুরগিরি, অপরটি তপোগিরি। বিষ্ণু নরসিংহ-মূর্তিতে এই স্থানে হিরণ্যকশিপু বধ করিয়াছিলেন বলিয়া পাহাড়ের রক্ত-বর্ণ হইয়াছে—তাই গিরির নাম সিন্দুরগিরি। আর শ্রুতীশ্বের আশ্রম এই স্থানেই প্রতিষ্ঠিত ছিল বলিয়া ইহার অপর নাম তপোগিরি হইয়াছে। লক্ষণের মন্দিরের কোন প্রস্তরফলকে ক্ষোদিত বৃত্তাস্ত হইতে এই তথ্য জানিতে পারিয়াছি। চতুর্থ শতাব্দীতে ক্ষোদিত হইলেও এখনও মন্দিরের মহারাজের সাহায্যে উহা পড়া যায়। অনেক অক্ষর অস্পষ্ট হইয়া গিয়াছে; পুরাতত্ত্ববিদ কেহ সঙ্গে থাকিলে হয় ত ডাক ছাড়িয়া কাদিতেন। পর্বতশৃঙ্গটি ৫০০ ফিট উচ্চ; আর সাড়ে সাত শত সোপান লঙ্ঘন করিয়া মন্দিরে প্রবেশ করিতে হয়। শুনিয়াই আমার “আকেল গুডুম্” হইয়া গেল। আমার জী কিস্ত নাছোড়বন্দী; সকাল হইতে তিনি জল পর্যাস্ত গলাধঃকরণ করেন নাই, আর এখন প্রায় একটা বাজিতে যায়। আমি তাঁহাকে নিরস্ত করিতে বিশেষ প্রয়াস পাইলাম; বলিলাম, আহা!দির পর পাহাড়ের উপর উঠিব। কিস্ত কে আমার কথা শুনে? তিনি দ্রুত সোপানাবলী লঙ্ঘন করিতে লাগিলেন। দেবতার মর্যাদা রক্ষা করিতে পুরুষ যতই কেন উদাসীন হউন না, হিন্দুরমণী কখনও “পিছপাও” নহেন। আমি খানিকটা ধাপের উপর বসিয়া রহিলাম, শেষে যখন তাঁহারা অঙ্গাঙ্গী হইলেন তখন আবার উঠিয়া সোপান অতিক্রম করিতে লাগিলেন। ধাপগুলি সোজাশুজি উঠে নাই, ঝিকিয়া চুরিয়া গিয়াছে। মাঝে মাঝে প্রশস্ত চাতাল; কিয়দূরে গিয়াই ধোকাবাবু ও আমার জীব সাক্ষাৎ পাইলাম। তাঁহারা ধাপের উপর বসিয়া বিশ্রাম করিতেছিলেন। প্রায় দুই শত ধাপ অতিক্রম করিবার পর এক প্রস্তরনির্মিত ঘারে আসিয়া উপস্থিত হইলাম। সেই জনশ্রুত স্থানে এক সন্ন্যাসী একটি বিগ্রহ লইয়া বসিয়া আছেন, দেখিলাম। এই প্রথম তোরণের নাম—এক্রমজীউকি দরজা। শুনিলাম, উজ্জয়িনীর রাজা এক্রম সিংহ ইহার ব্যয়ভার বহন করিয়াছিলেন। আবার উঠিতে লাগিলাম; পর্বতশৃঙ্গের কি অপূর্ণ শোভা! আমরা যে স্থানে দাঁড়াইয়া ছিলাম তাহার চতুর্দিকে বিশাল পর্বতরাজি, আর অরণ্যগীর ত কথাই নাই। পুস্তকে যাহা পড়িয়াছিলাম, “woods over woods in gay theatric pride,” আজ তাহা প্রত্যক্ষ করিলাম। ধোকাবাবু ও আমি এক সুরে চীৎকার করিলাম, অভভেদী গিরিশৃঙ্গ হইতে তাহার প্রতিধ্বনি হইল।

কেবলই আতাগাছ, ডালগুলি ফলভরে অবনত হইয়া পড়িয়াছে। খোকা বাবু পাকা আতাগুলি ক্রমাগত ছিঁড়িতে লাগিলেন, আর আমি আবশ্যকমত ছই চারটি বেল পাড়িয়া লইলাম। তীর্থে আসিয়াছি, একটা কিছু করা চাহি; খেদ থাকিবে কেন? বেল পাড়িয়াই তাহা মিটাইলাম। আবার কিছু দূরে গিয়াই পথের দক্ষিণে একটি আশ্রমসংলগ্ন জলাশয় দেখা গেল। প্রবাদ এই যে, হিরণ্যকশিপু বধের পর বিষ্ণু এত বেগে গদা নিক্ষেপ করিয়া-ছিলেন যে, গদাঘাতে পর্কতগাত্রে গর্ভ হইয়া এই জলাশয়ের সৃষ্টি হইয়াছে। তীরে প্রস্তরনির্মিত সুদৃশ্য স্তম্ভপরিবেষ্টিত একটি ধর্ম্মশালাও রহিয়াছে, দেখিলাম। ছই একটি পথশ্রান্ত যাত্রী সুবৃহৎ বটবৃক্ষের নিম্নে এক জটাজুট-ধারী সন্ন্যাসীর আশ্রমে বিশ্রাম করিতেছে। এই স্থানে আমাদের সহযাত্রী সেই গুর্জর রমণী ছইটির সহিত আবার সাক্ষাৎ হইল। আমার স্ত্রী তাঁহাদের পাইয়া বেশ ছই দণ্ড গল্প জুড়িয়া দিলেন। অনন্তমনা হইয়া আমরা পার্শ্বে জলাশয়ের দিকে চাহিয়া বসিয়া রহিলাম। কতকক্ষণ পরে খোকাবাবু “উঠুন” বলিয়া এক হাঁক দেওয়ার আমি সচকিতে দাঁড়াইলাম।

(ক্রমশঃ)

শ্রীঅগ্নিনাশচন্দ্র ঘোষ ।

আত্মান ।

“অসীমে সসীমটুকু করিবারে দান,
তাজিয়া পাষণমূল
আয় ছুটি' নদীকূল ;”
গরজি গভীরে সিদ্ধ করিছে আত্মান ।
“আমার প্রশান্ত অঙ্গে জুড়াইতে প্রাণ,
শ্রান্ত ক্লান্ত জীবগণ !
কান্ত দিয়ে, আয়, রণ ;”
মরণ নীরবে স্নেহে করিছে আত্মান ।

শ্রীবতীন্দ্রনাথ চট্টোপাধ্যায় ।



চন্দ্রমণ্ডল।

সূর্য্য সৌরজগতের কেন্দ্রস্থিত। বৃথ, শুক্র, পৃথিবী, মঙ্গল, বৃহস্পতি, শনি, উরেনস ও নেপচুন এই আটটি গ্রহ এই বিশাল অগ্নিময় কেন্দ্রকে বেষ্টিত করিয়া শৃঙ্খলারূপে নিয়ত ভীষণ বেগে ঘুরিতেছে। এই বর্তমান গ্রহগুলি অগ্ন্য এক একটি গোলাকার পৃথিবীর তায়। তাহার মধ্যে কতকগুলি আয়তনে পৃথিবী অপেক্ষাও অনেক বড়। সূর্য্যের আয়তন প্রায় ১৩,০০,০০০ গুলি পৃথিবীর আয়তনের সমান। গ্রহগণের মধ্যে বৃহস্পতি সর্বাপেক্ষা বৃহৎ।

গ্রহসকল যেমন সূর্য্যের চতুর্দিকে ঘুরিতেছে, তেমনই উপগ্রহসকল গ্রহ-গুলিকে বেষ্টিত করিয়া ঘুরিতেছে। চন্দ্র পৃথিবীর একমাত্র উপগ্রহ। বৃহস্পতির ৫টি, শনির ৮টি, উরেনসের ৪টি ও নেপচুনের ১টি উপগ্রহ আবিষ্কৃত হইয়াছে। সৌরজগতের সমুদায় গ্রহ ও উপগ্রহাদির আবর্তনের মধ্যে একটা সামঞ্জস্য ও শৃঙ্খলা আছে। গ্রহসকল পশ্চিম হইতে পূর্বমুখে আবর্তন করে। উপগ্রহসকলেরও আবর্তন সেইরূপ। কেবল উরেনস ও নেপচুনের উপগ্রহ পূর্ব হইতে পশ্চিম মুখে আবর্তন করে।

আমাদের বর্তমান প্রবন্ধের আলোচ্য বিষয় চন্দ্রমণ্ডল। চন্দ্র পৃথিবী অপেক্ষা অনেক ছোট, প্রায় ৪৯টি চন্দ্র একত্র করিলে একটি পৃথিবীর সঙ্গে সমান হইতে পারে। তাহার অত্যাশ্চর্য্য তারকা হইতে চন্দ্র বৃহত্তর বলিয়া প্রতীয়মান হয়। তাহার কারণ, অত্যাশ্চর্য্য তারকার অপেক্ষা চন্দ্র পৃথিবীর অনেক নিকটে অবস্থিত। চন্দ্রের ব্যাস প্রায় ২,১৬০ মাইল। পৃথিবী হইতে চন্দ্রের দূরত্ব প্রায় ২,৬৮,৭২০ মাইল।

সহজ দৃষ্টিতে আমরা দেখিতে পাই যে, চন্দ্রমণ্ডলের কতকটা অংশ অন্ধ-কারময় ও অবশিষ্ট অংশ উজ্জ্বল। এই ছায়াচ্ছন্ন প্রদেশসকল বিস্তৃত সমুদ্র-তল এবং উজ্জ্বল স্থানগুলি গিরিশ্রেণী—ভয়ঙ্কর আগ্নেয়গিরির প্রচণ্ড অগ্ন্যাং-পাংবেগে ভগ্ন এবং সহস্রধা ছিন্ন বিচ্ছিন্ন অবস্থায় বিদ্যমান।

বস্তুতঃ কালে চন্দ্রমণ্ডলের পৃষ্ঠদেশ পৃথিবীর তায় আংশিকভাবে জল ও স্থলে বিভক্ত ছিল। সেই স্থলদেশ সুদীর্ঘ এবং উন্নত গিরিশ্রেণী, শৃঙ্গা-চ্ছাদিত অধিত্যকা ও অতি বৃহৎ আগ্নেয়পর্ব্বতে পূর্ণ ছিল। চন্দ্রমণ্ডলস্থ আগ্নেয়গিরির সহিত পৃথিবীর কোন আগ্নেয়গিরির তুলনা হয় না। পৃথিবীর আগ্নেয়গিরিসকল চন্দ্রস্থ আগ্নেয়গিরির হিসাবে অতীব ক্ষুদ্র।

সম্প্রতি ঐ সকল অগ্নিপর্কিত নির্কাপিত হইয়াছে ; সমুদ্রসকল লোপ পাইয়াছে ; উপত্যকা তাহার উর্বরতা হারাইয়া ত্রীভুজ হইয়াছে ; এমন কি এই ক্ষুদ্র উপগ্রহের চতুঃপার্শ্বস্থিত বায়ু পর্য্যন্ত তিরোহিত হইয়াছে । চন্দ্রের চতুঃপার্শ্বে কখনও মেঘ দৃষ্ট হয় না । তবে কেহ কেহ বলিয়া থাকেন যে, চন্দ্রকে বেষ্টন করিয়া অতীব সূক্ষ্ম এক বায়বীয় আবরণ বিদ্যমান ; সুতরাং, যে সূক্ষ্ম উপগ্রহ এককালে নানারূপ জীব এবং উদ্ভিদের জন্মস্থান ছিল, তাহা বর্তমানে জনশূন্য অবস্থায় অবস্থান করিতেছে ।

চন্দ্রের এইরূপ মৃত্যাবস্থা প্রাপ্তির যথেষ্ট কারণ বিদ্যমান । বিখ্যাত জ্যোতির্বিদ কার্ট ও লাপ্লাস অনুমান করিয়াছেন যে, সৃষ্টির প্রারম্ভে সমস্ত জগৎ একটা উত্তপ্ত বাষ্পময় নিহারিকারূপে বর্তমান ছিল । ক্রমশঃ তাপবিকিরণের সঙ্গে সঙ্গে কেন্দ্রের সৃষ্টি হইল । তাহার পর কি এক মহাশক্তির প্রভাবে সেই বিশাল নিহারিকা একটি গোলাকার পিণ্ডে পরিণত হইল । সেই সঙ্গে পশ্চিম হইতে পূর্বে এক আবর্তগতিরও সৃষ্টি হইল । এই পিণ্ড ক্রমে সঙ্কুচিত হইতে লাগিল । অবশেষে ইহার ক্ষীত নিরুদ্ধদেশ হইতে কতিপয় অংশ বিচ্ছিন্ন হইয়া শূন্যমার্গে প্রচণ্ড বেগে আবর্তন করিতে করিতে সেই কেন্দ্রস্থ বিশাল পিণ্ডের চতুর্দিকে ভ্রমণ করিতে আরম্ভ করিল । এই বিচ্ছিন্ন অংশগুলি সঙ্কুচিত হইয়া এক একটি গ্রহে পরিণত হইল । এই গ্রহগুলি তাহাদের ক্ষীত নিরুদ্ধদেশ হইতে একপ্রাণীস্বরূপে কতিপয় অংশ বিচ্ছিন্ন করিয়া উপগ্রহের সৃষ্টি করিল ।

সুতরাং এই উপগ্রহ সকল, বিশেষতঃ চন্দ্র, আদিতে উত্তপ্ত বাষ্পপিণ্ড-রূপে বর্তমান ছিল, তাপবিকিরণের সঙ্গে সঙ্গে উহা ক্রমে সঙ্কুচিত হইয়া কাঠিন্য প্রাপ্ত হইল । পরে যখন উহার পৃষ্ঠদেশ জীব ও উদ্ভিদের বাসের পক্ষে যথেষ্ট শীতল হইল, তখন উহার চতুর্দিকস্থ জলীয় বাষ্প তরল অবস্থা প্রাপ্ত হইয়া সমুদ্র, নদ, নদী প্রভৃতির সৃষ্টি করিল । অধিত্যকা প্রদেশে ক্রমে উদ্ভিদরাশি জন্মগ্রহণ করিল ।

অপরূপ গ্রহাদির অপেক্ষা চন্দ্র আয়তনে অত্যন্ত ক্ষুদ্র । সুতরাং, ইহার তাপের পরিমাণও কম ছিল । সেই জন্য বহুকাল ধরিয়া তাপবিকিরণের পর এই উপগ্রহের পৃষ্ঠদেশ হইতে অভ্যন্তর পর্য্যন্ত এত শীতল হইল যে, জল ও বায়ুগুলি বাষ্পরাশি কাঠিন্য প্রাপ্ত হইল । এইরূপে সমস্ত উদ্ভিদ এবং জীবশ্রেণী ধ্বংস প্রাপ্ত হইল এবং আয়োগ্যগিরি সকল নির্কাপিত হইল ।

গ্রহের দ্বারা চন্দ্রও আপনার অক্ষের উপর আবর্তন করে। সমস্ত পৃথিবীর চতুর্দিকে একবার ঘুরিয়া আসিতে চন্দ্রের প্রায় ২৭ দিন, ৭ ঘণ্টা, ৪৩ মিনিট, ১১.৫ সেকেণ্ড সময় লাগে। চন্দ্রের অক্ষের উপর এক আবর্তনেও প্রায় এইরূপ সময় লাগিয়া থাকে।

পৃথিবীর চতুর্দিকে চন্দ্র ও সূর্য্যের কক্ষ এক সমতলে অবস্থিত নহে। চন্দ্রের কক্ষ সূর্য্যের কক্ষের সমতলের উপর ঈষৎ হেলিয়া রহিয়াছে এবং দুইটি বিন্দুতে সূর্য্যকক্ষের সমতলকে ছেদন করিতেছে। এই বিন্দুদ্বয়কে ইংরাজীতে node বলে।

পৃথিবী সূর্য্যের চতুর্দিকে ঘুরিতেছে, আবার চন্দ্র পৃথিবীর চতুর্দিকে ঘুরিতেছে। সুতরাং, চন্দ্রও সূর্য্যের চতুর্দিকে ঘুরিতেছে। সূর্য্যের চতুর্দিকে চন্দ্রের গতি মোটামুটি ভাবে সহজেই বুঝান যাইতে পারে। যদি একখানি চক্রের নৈমিতে একটি পেন্সিল লাগাইয়া দিয়া চক্রখানি একটি দেওয়ালের গাভ্রসন্নিকটে ঘুরাইয়া লইয়া যাওয়া যায়, তাহা হইলে দেওয়ালের গাভ্রে মালার আকারে কতকগুলি বৃত্তের চিত্র অঙ্কিত হইবে। সূর্য্যের হিসাবে চন্দ্রের গতিও ঠিক সেইরূপ।

মোটামুটি প্রায় ২৭ দিনে চন্দ্র পৃথিবীকে একবার প্রদক্ষিণ করে। এই ২৭ দিনে এক চান্দ্রমাস ধরা যায়। এই সময়ের মধ্যে আমরা চন্দ্রের আকার নানানরূপ দেখিয়া থাকি। সূর্য্যের দ্বারা চন্দ্র প্রতিদিন নিয়মিতভাবে একই সময়ে এবং একই স্থানে উদিত অথবা অস্তমিত হয় না।

বহুকাল পূর্বে চন্দ্র সম্পূর্ণরূপে নীতল হইয়া গিয়াছে। সুতরাং চন্দ্রের নিজের কোন আলোক নাই। আমরা চন্দ্রের যে আলোক অনুভব করিয়া থাকি, উহা চন্দ্রের নিজের আলোক নহে। সূর্য্যরশ্মি চন্দ্রমণ্ডলে প্রতিফলিত হইয়া আমাদের দৃষ্টিগোচর হয়। স্বীয় গতি অনুসারে চন্দ্রের যে অংশ যেভাবে সূর্য্যের দিকে থাকে, সেই অংশ সেইরূপে আলোকিত হয়। সুতরাং, আমরা প্রতিদিনই চন্দ্রের এক এক নূতন আকার দর্শন করিয়া থাকি। চন্দ্র যখন সূর্য্যের ঠিক বিপরীত দিকে অবস্থান করে, তখন উহার ঠিক যে অর্দ্ধাংশ পৃথিবীর দিকে থাকে সেই অংশ সূর্য্যালোক প্রাপ্ত হয় বলিয়া উহাকে আমরা সম্পূর্ণভাবে গোলাকার দেখিয়া থাকি। পূর্ণিমা তিথিতে চন্দ্রের এই অবস্থা ঘটিয়া থাকে। ইহার ঠিক বিপরীত অবস্থার অনাবস্থা হয়। ঐ তিথিতে চন্দ্র সূর্য্যের সম্মুখে উপস্থিত হয়; অর্থাৎ

পৃথিবী ও সূর্য্যের মধ্যবর্ত্তী হয় । এই অবস্থায় চন্দ্রের অন্ধকারময় অর্ধাংশ পৃথিবীর দিকে থাকে বলিয়া অমাবস্তা তিথিতে আমরা চন্দ্রকে দেখিতে পাই না । শুক্লপক্ষে চন্দ্র সূর্য্য হইতে দূরে গমন করিতে থাকে এবং উহার আয়তনও ক্রমশঃ বৃদ্ধি প্রাপ্ত হইতে থাকে । কৃষ্ণপক্ষে ঠিক উহার বিপরীত হয় অর্থাৎ চন্দ্র সূর্য্যের নিকটে আসিতে থাকে এবং উহার আয়তনেরও ক্রমে হ্রাস হইতে থাকে ।

চন্দ্র, সূর্য্য এবং পৃথিবী এই তিনই যখন এক সরলরেখাবর্ত্তী হয়, তখন গ্রহণ হইয়া থাকে । ঐ অবস্থায় যদি পূর্ণিমা তিথি হয়, অর্থাৎ পৃথিবী যদি চন্দ্র ও সূর্য্যের মধ্যবর্ত্তী হয়, তাহা হইলে পৃথিবীর ছায়া চন্দ্রের উপর পতিত হয় এবং আমরা চন্দ্রগ্রহণ দেখিয়া থাকি । পরন্তু যদি অমাবস্তা তিথিতে চন্দ্র, সূর্য্য এবং পৃথিবী এক সরলরেখাবর্ত্তী হয়, অর্থাৎ যদি ঐ সময়ে চন্দ্র পৃথিবী ও সূর্য্যের মধ্যবর্ত্তী হয়, তাহা হইলে চন্দ্র সূর্য্যালোকের গতিরোধ করে । সেই কারণে সূর্য্যগ্রহণ হইয়া থাকে । পূর্বেই বলা হইয়াছে, পৃথিবী সূর্য্যের অপেক্ষা অনেক ছোট এবং চন্দ্র পৃথিবী অপেক্ষাও ছোট । সুতরাং এত ছোট চন্দ্রের দ্বারা সূর্য্যের সমস্ত আলোকের গতিরোধ সম্ভবপর নহে । সেই জন্য সর্ব্বগ্রাস সূর্য্যগ্রহণ পৃথিবীর স্থান বিশেষে দেখা যায় ; একই সময়ে পৃথিবীর সকল স্থান হইতে উহা দেখা যায় না ।

এইরূপে বহুবর্ষ ব্যাপিয়া সৌরজগতের ক্রিয়া চলিতে থাকিবে । তাপ-বিকিরণ হেতু জগৎ হইতে তাপের পরিমাণ কমিয়া যাইবে । সুতরাং প্রথমে ক্ষুদ্র হইতে আরম্ভ করিয়া শেষে বৃহত্তম গ্রহ ও উপগ্রহাদি এবং এমন কি সূর্য্য পর্য্যন্ত নীতল হইয়া যাইবে । এই উত্তাপনাশের সঙ্গে সঙ্গে জীব-কুলেরও নাশ অবশ্যজ্ঞাবী । উত্তাপের আধিক্য যেমন জীবের জীবনের প্রতিকূল, উত্তাপের অভাবও ঠিক সেইরূপ ।

শ্রীউদ্যাপতি বাজপেয়ী ।

সবজী বেগুন।

পল্লীগ্রামে প্রায় প্রত্যেক গৃহস্থেরই ২।১ বিঘা জমী আছে। সেইটুকু কেহ বা খুব কম হারে প্রজাবিলি করিয়া থাকেন—কাহারও বা তাহার উপর ২।১টা একরূপ গাছ আছে বাহা হয় ত কখন ফল দিয়াছে বলিয়া শুনা যায় নাই—কেহ বা সেইটুকু ফেলিয়াই রাখিয়াছেন। এখন এমন সময় আসিয়াছে যে, “চাকরীলোলুপ” বাঙ্গালীকে চিরন্তন অভ্যাস পরিত্যাগ করিয়া সংসারপ্রতিপালনার্থ একটা কিছু করিতেই হইবে।

সওদাগরী বা অন্য কোন আকিসে ১৫।২০ টাকা বেতনে প্রত্যহ প্রভুর তাড়নায় সঙ্কষ্ট থাকিয়া “দেশের” “জায়গা জমীতে” অমনোযোগী থাকিলে আর চলিবে না। এমন অনেককে দেখা যায় যে, নিজের গ্রামের কথা এমন কি নিজের গ্রামের নাম পর্য্যন্ত বলিতে লজ্জা বোধ করেন। এ দৃষ্টান্ত বিরল নহে। ২।১ বিঘা জমী আমাদের গৃহস্থের সংসারে কতটা সাহায্য করিতে পারে তাহা দেখাইবার জন্য আজ এই প্রবন্ধের অবতারণা করিলাম। আলু আমাদের দৈনন্দিন জীবনের প্রধান সবজী ; ইহার পরেই বেগুন—আমাদের কৃষ্ণভূমিতেই বলে “ঝোলে বেগুন, অথলে বেগুন।” ইহা হইতেই বেগুনের প্রয়োজনীয়তা বেশ বুঝা যায়।

এই প্রবন্ধে বেগুনের চাষ সম্বন্ধে কিছু আলোচনা করিব।

দুই প্রকারের বেগুন সচরাচর ব্যবহৃত হইয়া থাকে—প্রথম বড় বেগুন ও দ্বিতীয় কুলি বেগুন—বড় বেগুনের মধ্যে “এলোকেশী” ও “মুক্তাকেশী” বেগুনই সর্বশ্রেষ্ঠ এবং আমাদের দেশে ইহাদেরই আবাদ অধিক হইয়া থাকে। কুলি বেগুন বড় বেগুন হইতে সম্পূর্ণ বিভিন্ন।

মৃত্তিকা—উচ্চ উদ্ভিজ্জপদার্থখচিত জমীই বেগুনের পক্ষে সর্বোৎকৃষ্ট। জমী একরূপ ভাবে প্রস্তুত করা কর্তব্য যেন তাহার উপর জল দাঁড়াইয়া থাকিতে না পারে। কারণ দাঁড়ান জল (Stagnant water) বেগুন গাছের পক্ষে অত্যন্ত অনিষ্টকারী। অনেকে নদীর তীরের জমী এই আবাদের জন্য পছন্দ করিয়া থাকেন—এবং শুনা গিয়াছে, এইরূপ জমীতে ফসলও যথেষ্ট হয়। কাদা জমীতে (Clay soil) বেগুন ছোট হইয়া থাকে ;

কিন্তু সাধারণতঃ অধিক মিষ্ট হয়। বেগুনের জমীতে সার দিবার ব্যবস্থা অনেক দিয়া থাকেন বটে ; কিন্তু পরলোকগত কৃষিতত্ত্ববিদ নৃত্যগোপাল মুখোপাধ্যায় বলেন যে, শিবপুর সরকারী কৃষিপন্নীক্ষাক্ষেত্রে গোবর ও সোরার সারপ্রযুক্ত জমী অপেক্ষা বিনা সারযুক্ত জমীতে ফসল অধিক হইয়াছে। অতঃপর কৃষিতত্ত্ববিদরা এই কথার সমর্থন করেন না। বীজ রোপণের ও বীজ-জমী (seed-bed) হইতে চারা গাছ তুলিয়া পুতিবার সময় চুন (gypsum) ও ছাই দেওয়া খুব ভাল।

গোবর ঠৈল প্রভৃতি যবকারজানঘটিত সার (Nitrogenous manure) বেগুনের জমীতে প্রয়োগ করিলে ফুল এবং ফলের পরিবর্তে পাতাই অধিক উৎপাদিত হয়—সেইজন্য এই সারের সহিত অল্প ষাটুঘটিত সার মিশ্রিত করা উচিত।

আমরা যখন ২।১ বিধায় চাষ করিতে বলিয়াছি তখন সারসম্বন্ধে এত কথা না বলিলেও চলিত। সাধারণ গৃহস্থের পক্ষে গোবর ও ছাই যাহা আমাদের অনায়াসলব্ধ তাহা দেওয়াই উত্তম ও সর্বোৎকৃষ্ট উপায়।

বেগুনের বীজ গ্রহণ ও তাহার রোপণ প্রণালী।—গাছের প্রথমকার বড় ফলগুলি হইতেই বীজনির্বাচন করা নিয়ম। বেগুন বেশ বড় হইলেও পাকিলে তাহা গাছ হইতে লইয়া মাঝমাঝি কাটিতে হয়। এইরূপ অনেকগুলিকে এক সঙ্গে ২।৩ দিন ধরিয়া পচাইলে বীজ অপক্ক হইয়া ছাড়িয়া আসিবে। সেগুলিকে পরে জলে পরিষ্কার করিয়া শুকান আবশ্যক।

বীজ জমী (Seed-bed)—যে স্থানে স্বর্ঘ্যতাপ প্রথর নহে সেইরূপ স্থানে করা উচিত। কারণ, বীজ রোপণের পর স্বর্ঘ্যের উত্তাপ অত্যন্ত অনিষ্ট করে এবং এমনও দেখা গিয়াছে যে, স্বর্ঘ্যতাপে চারা গাছ আদৌ বাহির হয় নাই।

চারা গাছ (Seedling)—প্রস্তুত করিবার জন্ত জমীর পাট বিশেষ ভাবে করা দরকার। আলুগা ও নরম মাটি না হইলে গাছ ভাল হয় না। আমাদের দেশী কোদালে ২।১ বিঘা জমী প্রস্তুত করা চলে ; তবে যাহারা বেশী জমীতে বেগুন দিতে চাহেন তাঁহাদের লাঙ্গল ব্যবহার করাই উচিত। কারণ, লাঙ্গলে খরচ কম হয়। বীজ-জমীতে সার দিলে চারা গাছগুলি বেশ তেজী ও বলিষ্ঠ হয়। বীজ-জমীতে পচা গোবর, ছাই ও সামান্য পরিমাণে চুন দেওয়াই বিধি। পৌষ, মাঘ মাস হইতে জমী প্রস্তুত আরম্ভ

করা উচিত এবং চৈত্র, বৈশাখ মাসে বীজ বপন করিতে হয়। বীজ বপনের পূর্বে যদি এক পসলা বৃষ্টি হইয়া যায় তাহা হইলে আর জলসেচন করিয়া জমী ভিজাইয়া লইতে হয় না। বীজ বপন করিয়া সেগুলি যুক্তিকাষায়া আবৃত করাই প্রথা। বপনের পর যদি মাটি ভিজা না থাকে কিম্বা বৃষ্টি না হয় তাহা হইলে প্রতি সন্ধ্যায় অল্প পরিমাণে জল সেচন করা বিশেষ দরকার—কারণ, মাটি ভিজা রাখাই প্রয়োজন। বীজ-জমী যদি ঠাণ্ডা জায়গায় না হয় তাহা হইলে বপনের পর ভালপাতা কিম্বা কলাপাতা দিয়া জমী আবৃত রাখা উচিত। সূর্য্যের প্রথর উত্তাপ নিবারণের ইহাই সহজ উপায়। ৩৪ দিনের মধ্যেই চারা গাছ বাহির হয়। যদি বেশী বৃষ্টি হয় তাহা হইলে জমী হইতে জল বাহির করিয়া দিবার ব্যবস্থা পূর্ব্ব হইতেই করা প্রয়োজন। চারা গাছ বাহির হইলে অনেক পোকা আসিয়া তাহাদিগকে নষ্ট করিয়া ফেলে—ইহাদের আক্রমণ হইতে নিষ্কৃতি পাইবার জন্য ছাই ও চুণের গুঁড়া গাছের ও জমীর উপর ছড়াইয়া দেওয়া যুক্তিসঙ্গত।

চারাগাছ উঠাইয়া অপর জমীতে রোপণ—(Transplantation) — যে জমীতে চারা গাছ লাগাইতে হইবে সেই জমীও পৌষ, মাঘ মাস হইতে প্রস্তুত না করিলে জমী বেগুনের পক্ষে উপযুক্ত হয় না। এই স্থানে পলীহার করা নিয়ম। ছোট দ্রুমী হইলে কোদালী দিয়া প্রস্তুত হইতে পারে; কিন্তু বড় হইলে লাঙ্গল দিতে হইবে—এ কথা পূর্বে বলা হইয়াছে। এই সময় হইতে বৈশাখ মাস পর্য্যন্ত যদি মাসে এক একবার করিয়া জমীতে চাষ দিয়া রাখা যায় তাহা হইলে জমীর অবস্থা অতি সুন্দর, অর্থাৎ উর্ব্বর এবং আগাছা ও কীটশূন্য হইয়া থাকে। এইরূপ মাসিক একবার চাষ দিয়া জমী আল্লা ভাবে ফেলিয়া রাখিলে জমীর উর্ব্বরতার হ্রাস না হইয়া আরও বৃদ্ধি হইতে থাকে। বায়ু হইতে উর্ব্বরতাদায়ক কয়েকটি সামগ্রী আল্লা মাটির মধ্যে সহজেই প্রবেশ করিয়া ঐ মাটিকে আরও উর্ব্বর করিয়া দেয়। জমী মাসে একবার ওলট পালট করিয়া দিতে পারিলে আরও ভাল হয়; বিশেষতঃ এরূপ করিতে আগাছা ও কীটের পুত্তলি (Pupa) সমস্ত নষ্ট হইয়া যায়। বৈশাখের মাঝামাঝি জমী চোস্ত করিয়া চারাগাছ পুঁতিবার জন্য প্রস্তুত করা উচিত। জমীর চারিদিকে নালা রাখা আবশ্যক; কারণ, জমীতে জল দাঁড়াইলে এই নালাগুলির সাহায্যে অতিরিক্ত জল বাহির করিতে হইবে। ৩ ফিট অন্তর জুলি করিয়া এই জুলির মধ্যে ৩ ফিট


অল্প চারাগাছ লাগান দরকার—কারণ, বেশী ঘন করিয়া পুতিলে পরে অনিষ্ট হইতে পারে। গাছ লাগানর পর প্রত্যেক গাছের তলায় গুঁড়া থৈল, ছাই ও চূণ দিলে গাছগুলি শীঘ্র লাগিয়া যায়। পূর্বে বলা হইয়াছে যে, গোবর ও থৈলে ফলের পরিবর্তে পাতাই অধিক উৎপন্ন হয়। বাহারা জমীতে সার প্রয়োগ করিতে ইচ্ছা করেন তাঁহাদের পক্ষে প্রতি বিঘায় ২ মণ থৈল, ১ মণ ছাই, ১৫ সের চূণ গুঁড়া করিয়া ছিটাইয়া দিলে জমীতে বধেই সার দেওয়া হইল। এই সার প্রয়োগ করিলে ফসল খুবই ভাল হয়। ১০।১৫ দিন পরে গাছের মধ্যে জমীটুকুকে কোদালী দিয়া সমতল করিয়া দেওয়া আবশ্যক এবং আরও ১০।১৫ দিন পরে কোদালী দিয়া কুলিগুলিকে উঁচু করিয়া দেওয়াই কর্তব্য।

চারাগাছ লাগাইবার পর জলসেচন ব্যস্তির উপর নির্ভর করে। যদি ঘৃষ্টি হয়, কিম্বা হইবার সম্ভাবনা থাকে তাহা হইলে জলসেচন না করিলেও চলে। জ্যৈষ্ঠ মাসে খুব ঘৃষ্টি পর যদি গাছ রোপণ করা হয়, তাহা হইলে কার্তিক মাস পর্যন্ত জলসেচন না করিলে চলিতে পারে। কিন্তু যদি চৈত্র কিম্বা বৈশাখ মাসে রোপণ করা হয় তাহা হইলে মাসে একবার করিয়া জলসেচন আবশ্যক। কার্তিক হইতে চৈত্র মাস পর্যন্ত মাসে একবার জলসেচনই বধেই। শ্রাবণ মাসে গাছ ফল দিতে আরম্ভ করিবে এবং শ্রাবণ মাস হইতে আশ্বিন মাসের মধ্যে গাছের তলায় একবার মহা দিলে গাছ বেশ শক্ত হইয়া উঠিবে।

ভিন্ন ভিন্ন দেশে ভিন্ন ভিন্ন সময়ে বেগুন গাছ রোপণ করা হইয়া থাকে। পূর্ববঙ্গে ইহা শীতকালের ফসল বলিয়া ধার্য্য হয়। আশ্বিন, কার্তিক মাসে চারাগাছ প্রস্তুত হয় এবং মাঘ ও জ্যৈষ্ঠ মাসে ফল ফলিতে থাকে।


বিভিন্ন সময়ে গাছ লাগাইয়া সারা বৎসর বেগুন পাওয়া যাইতে পারে। ইহার অল্প আশ্বিন ও বৈশাখ মাসে বীজ বপন করিতে হয়। আবার কখন কখন ফাল্গুন মাসে বীজ বপন করিয়া বৈশাখ মাসে চারাগাছ তুলিয়া রোপণ করা যায়। এই গাছগুলি ভাদ্র হইতে মাঘ মাস পর্যন্ত ফল দিয়া থাকে। যেমতন গাছ প্রথমে অর্ধাৎ ফাল্গুনের প্রারম্ভে ফল দেয় নাই, সেগুলিকে ছাঁটিয়া তাহাদের তলায় সার প্রয়োগ ও মধ্যে মধ্যে জলসেচন করিলে জ্যৈষ্ঠ মাস হইতে ভাদ্র মাস পর্যন্ত ফল পাওয়া যায়।* কুলি

বেগুনের পোকা।



প্রথম চিত্র (তিনগুণ বর্দ্ধিত আকারে)।

বেগুনের পোকা।



দ্বিতীয় চিত্র।

বেগুনের বীজ আধিন কার্তিক মাসে রোপন করিয়া কার্তিক অগ্রহারণ মাসে চারা গাছ লাগাইতে হয় এবং তাহার ফলন হইতে লৈষ্ঠ পর্যন্ত ফল দেয়।

বেগুন গাছ অনেকরূপ পোকের দ্বারা আক্রান্ত হয়—এবং ইহাতে প্রায়ই ধসা (fungus) ধরিয়া থাকে। “তুলসীমারা” বলিয়া একরূপ রোগ ইহাকে আক্রমণ করে। যে গাছগুলিতে ধসা ধরে সেগুলিকে উপড়াইয়া পোড়াইয়া ফেলা উচিত। একরূপ জীবাণু হইতেই এই রোগের উৎপত্তি এবং দাঁড়ান জলে এই জীবাণু বিশেষ ভাবে পরিবর্দ্ধিত হয়। সেইজন্য বেগুনের জমিতে জল রাখা নিষিদ্ধ।

বেগুনের পোকা :—বেগুন গাছ প্রায়ই শুকাইয়া যাইতে ও বেগুন কাণা হইতে দেখা যায়। দুই প্রকার পোকের দ্বারা গাছ ও ফলের এই অনিষ্ট হইয়া থাকে। এক জাতীয় পোকের কীড়া (caterpillar) ফল ও গাছের ডগা উভয়ই নষ্ট করে; তবে ফলের ক্ষতিই অধিক পরিমাণে করিয়া থাকে। এই জাতীয় স্ত্রী প্রজাপতি ফল কিম্বা ডগার উপরে ডিম পাড়িয়া যায়। ডিম ফুটিবার পর কীড়াগুলি ছিন্ন করিয়া ফল ও ডগার ভিতরে প্রবেশ করে ও শাঁস খাইয়া ফেলে। প্রথম চিত্রে এই জাতীয় কীড়া দেখান হইয়াছে।

অপর জাতীয় পোকের কীড়া কেবল মাত্র গাছই নষ্ট করে। ইহার স্ত্রী প্রজাপতি গাছের ডাঁটার উপর ডিম পাড়িয়া যায়—ডিম ফুটলে কীড়ারা ছিন্ন করিয়া ভিতরে প্রবেশ করে এবং গাছের শাঁস খাইয়া গাছটিকে একেবারে মারিয়া ফেলে। দ্বিতীয় চিত্রে এই জাতীয় প্রজাপতি, কীড়া ও গুটী দেখান হইয়াছে। সাধারণতঃ আমাদের চাবীরা শুষ্ক ডগাগুলি ভাঙ্গিয়া কিম্বা কাণা বেগুনগুলি বাছিয়া ক্ষেত্রের ধারে ফেলিয়া রাখে। ইহাতে পোকাগুলি না মরিয়া আবার প্রজাপতি হইতে পায় ও পুনরায় ডিম পাড়িয়া অনেক গাছ ও ফল নষ্ট করে। শুষ্ক ডগা ও কাণা বেগুনগুলি সময় মত ভুলিয়া পোড়াইয়া ফেলাই ইহার একমাত্র প্রতিকার। প্রথম হইতে এই-রূপ করিলে তত অনিষ্ট হইতে পারে না।

ইহা ছাড়া বেগুন গাছের আরও দুই একটি অনিষ্টকর পোকা আছে। তবে তাহার এমন বিশেষ কিছু ক্ষতি করিতে পারে না।

এক বিধায় বেগুন আবাদ করিলে কত খরচ পড়ে ও তাহা হইতে কত

আগ্ন হইতে পারে মিয়ে তাহা দেখান যাইতেছে । তালিকাটি মোটামুটি ধরা হইয়াছে—সুতরাং ইহা হইতে কিছু বেশী বা কিছু কম ব্যয় হইতে পারে—তবে ইহা হইতে পাঠকগণ আগ্ন ব্যয়ের ধারণা করিয়া লইতে পারিবেন ।

বিষা প্রতি আগ্ন ও ব্যয় ।

লাজল, চৌকী প্রভৃতির সাহায্যে জমী প্রস্তুত করিবার খরচ	...	২৮
জমীতে জুলি প্রস্তুত করিবার খরচ	..	১৮
জলসেচনের জন্ত নালী নির্মাণের খরচ	...	১০
চায়াগাছ তুলিয়া পুতিবার খরচ	...	১১০
সারের ব্যয়	...	৪১০
গাছের তলায় মাটি দিবার খরচ	...	২৮
ঘাষ উঠাইবার খরচ	...	১৮
জমী উন্মাদনের ব্যয়	...	১৮
জলসেচনের ব্যয়	...	৩৮
ফল তুলিবার খরচ	...	৩৮

বাঙ্গালার পারিশ্রমিকের হিসাব ধরিলে ব্যয় ইহা অপেক্ষা কিছু অধিক হওয়া সম্ভব । মোটামুটি ২০ টাকা খরচ করিলে এক বিঘা জমী হইতে যথেষ্ট ফসল আশা করা যাইতে পারে ।

এখন লাভের পরিমাণ হিসাব করিয়া দেখা যাউক । ৩ কিট্ অস্তর গাছ রোপণ করিলে এক বিঘায় প্রায় ১,৬৫০ টি গাছ পুতিতে পারা যায় । এই ১৬৫০ টি গাছের মধ্যে আমরা ৩৫০ টি গাছ ছাড়িয়া হিসাব করিব—কারণ, সকল গাছই যে ফল দিবে এবং সকল গাছই যে বাঁচিবে তাহার সম্ভাবনা নাই—কতকগুলিকে পোকা কিম্বা অপর জন্ত নষ্ট করিয়া ফেলিতে পারে । অতএব দেখা যাইতেছে যে, ১৩০০ গাছ হইতে আমরা ফসল পাইতে পারি ।

দেখা গিয়াছে, গড়ে প্রত্যেক গাছ ৩ সের করিয়া ফল দিয়াছে । তাহা হইলে ১৩০০ গাছ হইতে আমরা ৩৯০০ সের অর্থাৎ ৯৭ মণ ২০ সের বেগুন পাইব—মোটামুটী ৯০ মণ পাইবার আশা সকলেই করিয়া থাকেন । আড়াই মণদা করিয়া বেগুনের সের ধরিলে অর্থাৎ ১১/০ করিয়া মণ ধরিলে আমরা ৯০ মণ হইতে ১৪০ ১/০ পাইতে পারি—ইহা হইতেও যদি আমরা

১০ টাকা ছাড়িয়া দিই—তাহা হইলে ১৩০ টাকা আসিবে। দেখা যাইতেছে, ২০ টাকা খরচ করিয়া আমরা ১৩০ টাকা পাইব এবং আমাদের খরচ বাদে ১১০ টাকা লাভ থাকিবে। গৃহস্থের সংসারে ১১০ টাকা আর কম নহে।

আজকাল শিক্ষিত সম্প্রদায়ের মধ্যে দেখা যায় যে, অনেকের কিচেন্ গার্ডেন (গৃহস্থালী তরকারীর ক্ষেত্র) আছে—এবং ইহা হইতে তাঁহারা যথেষ্ট পরিমাণে আয়োগ লাভ করিয়া থাকেন। মহিলাগণই ইহার তত্ত্বাবধান করেন এবং অনেকে বহুন্তে সেই বাগানে কাঁচ করিয়া “তরিতরকারী”গুলি বেশ তাজা পাইয়া থাকেন। সেগুলি যে বাজারের জিনিস অপেক্ষা শ্রেষ্ঠ তাহাতে কোনও সন্দেহ নাই। পল্লীগ্রামে প্রত্যেক গৃহস্থেরই এইরূপ বাগান করা উচিত এবং মহিলাদিগকে এইরূপ ভাবে শিক্ষা দেওয়া কর্তব্য যেন তাঁহারা বাগান দেখিতে পারেন। আজকাল সহরে ও মধ্যস্থলে অনেক বালিকা-বিদ্যালয় প্রতিষ্ঠিত হইয়াছে—যদি এইরূপ বিদ্যালয়সংলগ্ন একটি করিয়া ছোট বাগান থাকে এবং তাহাতে আমাদের ছোট মেয়েরা কি করিয়া আলু, বেগুন, কপি, শাক প্রভৃতি রোপণ করিতে হয় তাহা শিখিতে পারে তাহা হইলে আমাদের অশেষ উপকার সাধিত হইতে পারে। আমেরিকা প্রভৃতি দেশে এইরূপ শিক্ষার ব্যবস্থা আছে। সে শিক্ষাপ্রণালীও আলোচ্য।*

গভর্ণমেন্ট কৃষিকলেজ,
সাবোর, বিহার।

}

ত্রীদেবেজনাথ মিত্র।

* সাবোর কৃষি পরীক্ষাকেন্দ্রের তত্ত্বাবধায়ক ও আমাদের অধ্যাপক ত্রীযুক্ত বেনীনাথ চট্টোপাধ্যায়, বি, এ, এম, এস, এ (Cornell) আমায় এই প্রবন্ধটি আন্তোপান্ত দেবীরা বহুস্থানে সংশোধন করিয়া দিয়াছেন। এই প্রবন্ধ আমি তাঁহার নিকট কৃতজ্ঞ। লেখক।

চিত্রগুলি Imperial Entomologist মহাশয়ের অনুগ্রহে পাওয়া গিয়াছে। সম্পাদক।

অদৃষ্ট-চক্র ।



তৃতীয় খণ্ড ।

বেদন ।

প্রথম পরিচ্ছেদ ।

নির্ব্বাণ ।

যতীশচন্দ্রের বিবাহের সংবাদ ধরনীধর পাইয়াছিলেন। অমূল্যচরণ ইচ্ছা করিয়া—তাঁহার হৃদয়ক্ষেতে বেদনার ক্ষার নিক্ষেপ করিবার জন্য কৌশলে সে সংবাদ তাঁহাকে পাঠাইয়াছিল। কিন্তু তাহার এই কার্য্যের গুরুত্ব সে উপলব্ধি করিতে পারে নাই; উপলব্ধি করিবার ক্ষমতা তাঁহার ছিল না। যে ধরনীধর পরলোকগতা পত্নীর স্মৃতিতে হৃদয় পূর্ণ রাখিয়া দীর্ঘ জীবন পূণ্যপথে পরিচালিত করিয়াছিলেন; যিনি অগ্নিহোত্রী ব্রাহ্মণ যেমন যজ্ঞে অগ্নি রক্ষা করেন—তেমনই যজ্ঞে প্রেমাগ্নি জ্বালাইয়া রাখিয়াছিলেন;—যিনি বিজনে পত্নীর ধ্যানে—নিশীথে নয়নজলে প্রেম পুষ্ট করিয়াছিলেন, তাঁহার পক্ষে পুত্রের এই ব্যবহার যে কিরূপ ক্রেশ্বের কারণ হইবে অমূল্যচরণের তাহা বুঝিবার ক্ষমতা ছিল না। যতীশচন্দ্রও তাহা অনুমান করিতে পারিত না।

অমূল্যচরণ কৌশলে তাঁহাকে এ সংবাদ পাঠাইয়াছিল; আর ভট্টাচার্য্য মহাশয় তাঁহাকে এ সংবাদ জানাইয়াছিলেন। এ সংবাদ ধরনীধরের পক্ষে বজ্রাঘাতের মত হইল।

ধরনীধর যে দারুণ চেষ্টায় হৃদয়ের সহিত সংগ্রামে জয়ী হইয়াছিলেন, সেই চেষ্টার ফলে তাঁহার স্বাস্থ্যভঙ্গ হইয়াছিল। তিনি বিদেশে চাকরী করিবার সময় একজন ভৃত্য দীর্ঘ বিংশবর্ষকাল তাঁহার সেবা করিয়াছিল। সে তাঁহার সহিত খাপদসম্বল কাননে, প্লাবনভীষণ নদীকূলে, জনহীন গিরি-গাত্রে বিপদেও শঙ্কা বোধ করে নাই। কত অন্ধকার নিশায় সে প্রভুর শিবিরসম্মুখে অগ্নি জালিয়া জাগিয়াছে! কতবার সে প্রভুর পীড়ায় তাঁহার শুশ্রূষা করিয়াছে! সে ছায়ার মত প্রভুর অনুসরণ করিত। ধরনীধর যখন কর্ম্ম ত্যাগ করিয়া আসিলেন, তখন তাহাকে তাহার বাস-গ্রামে কিছু জমী কিনিবার উপযুক্ত অর্থ দিয়া তাহাকে বিদায় দিয়াছিলেন। প্রভুকে

পরিভ্রমণ করিয়া গার্হস্থ্য জীবনে প্রবেশ করিতে সে কঁাদিয়াছিল। তাহার মনে হইয়াছিল, যেন এত দিনে তাহার আর কোন কার্য্য নাই। সে প্রভুর সহিত যাইতে চাহিয়াছিল। ধরনীধর অনেক বুঝাইয়া তাহাকে নিরস্ত করিয়াছিলেন। যতীশচন্দ্রের ব্যবহারে তাঁহার আশঙ্কা হইয়াছিল, হয় ও তাঁহাকে কল্যাণ্যুত—লক্ষ্যহীন ভারাকার দশাগ্রস্ত হইতে হইবে। সে অবস্থায় তিনি আপনার অনিশ্চিত অদৃষ্টের সহিত আর কাহাকেও জড়াইতে চাহেন নাই। কিন্তু বারাণসীতে আসিয়া যখন তাঁহার স্বাস্থ্যভঙ্গ হইল, যখন তিনি আবার অপরের সাহায্যের প্রয়োজন অনুভব করিলেন, তখন প্রথমেই সেই পুরাতন জুতা হরদয়ালের কথা তাঁহার মনে পড়িল। মনে পড়িবার কারণও ছিল; সে মধ্যে মধ্যে প্রভুকে পত্র লিখিত এবং প্রতি পত্রেই তাঁহার নিকট আসিবার অশ্রুমতি চাহিত। ধরনীধর যখন তাহাকে লিখিলেন, সে তাঁহার নিকট আসিতে পারে, তখন সে যেন স্বর্গ হস্তে পাইল। সে বারাণসীতে আসিয়া আবার পূর্ববৎ প্রভুর সংসারের সকল ভার লইল—সে ভার বহনেই সে অভ্যস্ত। ধরনীধরও আবার তাহাকে পাইয়া অনেক বিরক্তিকর ঝগড়া হইতে অব্যাহতি লাভ করিলেন। তিনি প্রভাতে ভ্রমণ হইতে ফিরিয়া আসিয়া—অপরাহ্ণে কোন ধর্ম্মশিক্ষকের নিকট ধর্ম্মালোচনার পর প্রত্যাবর্তন করিয়া দেখিতেন, তাঁহার আবশ্যকসকল দ্রব্যই যথাস্থানে শুভ।

একদিন হরদয়াল তাঁহাকে দুইখানি পত্র আনিয়া দিল। সে দুইখানিতে যতীশচন্দ্রের বিবাহের সংবাদ ছিল। পত্র দুইখানি পাঠ করিতে করিতে ধরনীধরের মনে হইতে লাগিল, যেন তাঁহার স্বাস্থ্যরোধ হইয়া আসিতেছে। পত্রপাঠ শেষ হইল। তিনি কিছুক্ষণ বাহুজ্ঞানহতের মত বসিয়া রহিলেন—যেন অত্যন্ত দারুণ আঘাতে তাঁহার বেদনানুভবশক্তিও লুপ্ত হইয়াছে। কিছুক্ষণ পরে ধরনীধর আবার পত্র দুইখানি পাঠ করিলেন। পত্রে যে কথা লিখিত ছিল তাহা সহজে বিশ্বাস হয় না।

ধরনীধর দীর্ঘকাল ত্যাগ করিলেন। তাঁহার বক্ষে বিষম বেদনা অনুভূত হইল;—সে বেদনা—যাতনা যেন ক্রমেই বাড়িতে লাগিল। হরদয়াল দাঁড়াইয়া ছিল। ধরনীধর তাহাকে শয্যাচরনা করিতে বলিলেন। সে ক্ষিপ্ৰহস্তে প্রভুর শয্যাচরনা করিয়া দিল। ধরনীধর ধীরে ধীরে ষাইয়া সেই শয্যা শয়ন করিল।

সে দিন ধরনীধর আর শয্যাত্যাগ করিলেন না, কেবল একবার

উঠিয়া সন্ধ্যা আহিক শেষ করিয়া আবার শয়ন করিলেন। তিনি জলস্পর্শ করিলেন না।

হরদয়াল প্রভুর এই ভাবান্তরের কারণ জানিতে পারিল না বটে, কিন্তু বুঝিল—পত্রে কোন দুঃসংবাদ আসিয়াছে। সে রাত্রিতে সে ঘুমাইল না; দেখিল, সমস্ত রাত্রি ধরণীধরের নয়নপন্নব নিদ্রায় মূর্জিত হইল না। প্রভাতে ধরণীধর উঠিতে চেষ্টা করিলেন। মস্তকে অত্যন্ত যন্ত্রণা অনুভূত হইল—আর সঙ্গে সঙ্গে বক্ষে কেমন বেদনা বোধ হইতে লাগিল। হরদয়াল প্রভুর অবস্থা দেখিয়া শঙ্কিত হইল।

অনেক বাঙ্গালী কৰ্ম্মক্লান্ত জীবনের সায়াহ্নে বারাণসীতে আসিয়া বাস করেন। মানুষের একটা বয়স আছে যখন সংসারই আর মানুষের সমস্ত হৃদয় জুড়িয়া থাকিতে পারে না; যখন জীবনের পর মৃত্যুর কথা মানুষের মনে পড়ে; আর সঙ্গে সঙ্গে পরপারের অনিশ্চিত কথা স্বতঃই হৃদয়ে সমুদিত হয়। তখন নাস্তিকের মনে আশুত্ব্য বুদ্ধির সঞ্চার হয়—মানুষ মনে কেমন একটা আকুলতা অনুভব করে। এদিকে যৌবনাগমে শারীরিক শক্তি বত ক্ষুদ্র হয়, সেই অনিশ্চিতের সন্ধানকামনা ততই প্রবল হইয়া উঠে। সে সন্ধানকামনার তৃপ্তির জন্ত যে ধর্ম্মালোচনার প্রয়োজন, তাহার সুবিধা বারাণসীর মত আর কোথায় আছে? আবার বারাণসী স্বাস্থ্যকর স্থান। তাই অনেক বাঙ্গালী দীর্ঘকাল অর্ধোপার্জনচেষ্টায় কাটাইয়া কৰ্ম্মক্লান্ত জীবনের সায়াহ্নে বারাণসীতে আসিয়া বাস করেন। এই বারাণসীবাস মহাযাত্রার—মহামুক্তির সোপান। ইহাতে মানুষ সংসারী হইয়াও সংসার হইতে বিচ্ছিন্ন হইতে শিখে—সংসারের দ্বাতপ্রতিদ্বাত হইতে দূরে আসিয়া ক্রমে সংসার ত্যাগ করিতে শিখে। এই সকল পরিণতবয়স্ক ব্যক্তি আবার স্ব স্ব প্রকৃতি অনুসারে দল গঠিত করেন; কয়েকজন একত্র ভ্রমণ করেন—ভ্রমণান্তে এক স্থানে উপবেশন করেন—একই মঠে বা আশ্রমে ধর্ম্মালোচনা করেন। এইরূপে ষাঁহাদিগের সহিত ধরণীধরের বিশেষ ঘনিষ্ঠতা জন্মিয়াছিল, তাহাদের মধ্যে দুইজনের নাম বিশেষ উল্লেখযোগ্য—রমাপ্রসাদ ও ভবদেব। রমাপ্রসাদ কোন জিলায় উকীল সরকার ও ভবদেব সদজজ ছিলেন। উভয়েই অবসর লইয়া আসিয়া কানীতে বাস করিতেছিলেন। পূর্বদিন অপরাহ্নে ও পরদিন প্রভাতে ধরণীধরের সাক্ষাৎ না পাইয়া প্রভাতে ভ্রমণান্তে গৃহে ফিরিবার সময় উভয়ে ধরণীধরের

গৃহে আসিলেন। তাঁহারা ধরনীধরকে দেখিয়া বিস্মিত হইলেন—এক দিনে মানুষের এরূপ পরিবর্তন হয়। কিন্তু কেন এরূপ হইল, তাঁহারা তাহা জানিতে পারিলেন না। কিছুক্ষণ ধরনীধরের নিকট বসিয়া চিকিৎসক ডাকাইতে পরামর্শ দিয়া উভয়ে উঠিলেন। হরদয়াল তাঁহাদের সহিত নিয়ে আসিল এবং তাঁহাদিগকে জানাইল, পূর্বদিন দুইখানি পত্র ধরনীধরের হস্তগত হইয়াছে—আর সেই পত্র পাঠ করিয়াই তিনি শয্যাশায়ী হইয়াছেন। শুনিয়া, রমাশ্রমাদ ও ভবদেব এ উহার মুখে চাহিলেন। ধরনীধর স্বীয় স্বভাবগুণে তাঁহাদিগের শ্রদ্ধা অর্জন করিয়াছিলেন; কিন্তু তাঁহারা ধরনীধরের জীবনের রহস্য ভেদ করিতে পারিতেন না—তাঁহার জীবনে কি রহস্য আছে বুঝিতে পারিতেন না। তাহার পর হরদয়াল সান্ত্বনয়নে তাঁহাদিগকে বলিল, “আপনারা বাবুর চিকিৎসার ব্যবস্থা করুন।” অপরাহ্নে পুনরায় আসিবেন বলিয়া উভয়ে প্রস্থান করিলেন—ধরনীধরের কথার আলোচনা করিতে করিতে চলিলেন।

অপরাহ্নে তাঁহারা আবার আসিলেন। সে দিনও ধরনীধর জলস্পর্শ করেন নাই। তাঁহারা জিদ করিয়া তাঁহাকে সামান্য ছুৎপান করাইলেন। কিন্তু ধরনীধর শয্যায় বসিয়া থাকিতে পারিলেন না—বিষম কষ্টবোধ করিতে লাগিলেন। ধরনীধরের অবস্থা দেখিয়া উভয়েই বিশেষ শঙ্কিত হইলেন। সমস্ত রাত্রি বিনিদ্র হরদয়াল বিনিদ্র প্রভুর সেবা করিল।

পরদিন প্রভাতে রমাশ্রমাদ ও ভবদেব একজন চিকিৎসক সঙ্গে লইয়া আসিলেন। চিকিৎসক রোগীকে পরীক্ষা করিলেন। তাঁহার মুখ অন্ধকার হইল। তিনি ব্যবস্থাপত্র লিখিয়া রোগীর প্রকৃত অবস্থা বলিবার জন্য ভবদেবকে বারান্দায় ডাকিয়া লইয়া বাইতেছিলেন; এমন সময় ধরনীধর বলিলেন, “ডাক্তার বাবু, আমার অবস্থা আমি অবগত আছি। আমাকে গোপন করিবেন না। আমার মেয়াদ কুরাইয়াছে। আর ব্যবস্থা? এখন ব্যবস্থা—‘নারায়ণ ব্রহ্ম’।”

ডাক্তার অপ্রস্তুত হইয়া বলিলেন, “না। আমি পথের ও শুশ্রূষার কথা বলিতে বাইতেছিলাম। অসুখ সামান্য। কেবল, হৃদয় কিছু দুর্বল।”

ধরনীধর হাসিয়া উঠিলেন।

ডাক্তার চলিয়া যাঁইলে ধরনীধর বন্ধুদ্বয়কে বলিলেন, “জীবনে আপনাদিগকে কষ্ট দিয়াছি, মরিয়াও একটু দিব। আমার একটু অনুরোধ

আছে। আমার উইল, রেজেষ্টারী করিয়া সরকারী আফিসে জমা আছে ; আমার হাতবাক্সে তাহার নকল আছে। আপনারা আমার মৃত্যু সংবাদ বণাস্থানে দিবেন। আমার দাহের ও শ্রাদ্ধের ব্যয় নির্দিষ্ট করিয়াছি— আর যাহা থাকিবে তাহা হরদয়ালকে দিয়া দিবেন। আর আমার মৃত্যু সংবাদ—”

ধরনীধর মুহূর্ত্ত কি ভাবিলেন। রমা প্রসাদ বলিলেন, “আপনি কি বলিতেছেন ? দুই দিনে সারিয়া উঠিবেন। এত ভয় পাইতেছেন কেন ?”

ধরনীধর মুহূ হাসি হাসিলেন ; বলিলেন, “জীবনে কখনও মৃত্যুকে ভয় করি নাই ; আর শেষে কালীতে আসিয়া মৃত্যুভয় ! এখন মৃত্যুই ত মুক্তি।”

তাহার পর ধরনীধর বলিলেন, “আমার মৃত্যুসংবাদ আমার বৈবাহিককেও দিবেন—তাঁহার ঠিকানা আমার বাক্সে আছে।”

তিনি বন্ধুদ্বয়কে বাক্সের চাবী দিতে উদ্যত হইলেন ; তাঁহারা লইলেন না। তখন তিনি সে চাবী হরদয়ালকে রাখিতে দিলেন। ভবদেব তাহাতে অনেক আপত্তি করিলেন ও ধরনীধরকে অনেক আশ্বাস দিলেন। তাহার পর অপরাহ্নেই আসিবেন বলিয়া বন্ধুদ্বয় প্রস্থান করিলেন।

বন্ধুদ্বয়ের গমনের পরই ধরনীধর হরদয়ালকে বলিলেন, “তুই গান আহার করিয়া আয়।”

হরদয়াল অতি অল্পকণমধ্যেই স্নানাহার সারিয়া প্রভুর নিকটে আসিল। ধরনীধর বলিলেন, “দয়াল, দুই দিন ঘরের বাহির হই নাই। বারান্দায় একটা মাছুর বিছাইয়া দে।”

ধরনীধরের বন্ধে যাতনা বর্জিত হইতেছিল।

হরদয়াল বারান্দা বাঁট দিয়া তথায় একখানি মাছুর বিছাইয়া তত্পরি একটি বালিশ দিয়া প্রভুকে সংবাদ দিল। ধরনীধর জ্বতের স্বন্ধে ভর দিয়া অতি কষ্টে কক্ষ হইতে বারান্দায় আসিলেন। বারান্দায় একটি টবে হরদয়াল একটি তুলসীগাছ রোপণ করিয়াছিল। ধরনীধর শয়ন কালে দেখিলেন, শিরে তুলসীতরু। তিনি হাসিয়া জ্বতাকে বলিলেন, “দয়াল, শেষ সময় বৈষ্ণবের বড় কায করিলি।” হরদয়াল প্রভুর কথায় অর্থ বুঝিতে পারিল কি না সম্ভেহ।

ধরনীধর শয়ন করিলেন। হরদয়াল প্রভুর পদসেবা করিতে লাগিল।

মুক্তিতনেত্র ধরনীধর ইষ্টমন্ত্র জপ করিতে লাগিলেন।

কিছুক্ষণ পরে ধরণীধরের ঘন শ্বাসরোধ হইয়া আসিল—বক্ষে যন্ত্রণায় অস্থির হইয়া তিনি উঠিয়া বসিলেন। তাহার পর যাতনাক্লান্ত মুখে দ্বিধা প্রশান্ত ভাষা ফিরিয়া আসিল—তাঁহার গতপ্রাণ দেহ শয্যায় পতিত হইল। ধরণীধরের সকল বেদনার শেষ হইল।

যে জননীকে তিনি জাগ্রত দেবতাজ্ঞানে ভক্তি করিতেন সেই জননীর শুশ্রূষায় বঞ্চিত—যে পুত্রের জন্ম তিনি দীর্ঘ জীবন শ্রম করিয়াছিলেন সেই পুত্রের ব্যবহারে মর্মান্বিত—ধরণীধর বিশ্বেশ্বরের পুণ্যভূমিতে আশাহত জীবনের সকল বেদনা হইতে মুক্তি পাইলেন। মণিকর্ণিকার মহা ঋণে তাহার পার্শ্বভৌতিক দেহ ভস্মীভূত হইল।

দ্বিতীয় পরিচ্ছেদ।

সংবাদ।

সরোজা শ্বশুরের মৃত্যুসংবাদ পাইল। সে যখন স্বামীর পুনরায় বিবাহের সংবাদ পাইয়াছিল, তখন সে আপনার দুর্দশার স্বরূপ উপলব্ধি করিতে পারে নাই। ক্রমে সে সেই দুর্দশার স্বরূপ বুঝিতেছিল। এই সংবাদে তাহার সে উপলব্ধির সহায়তা হইল। সে বুঝিল, নারীজীবনে যে দুর্ভাগ্য সর্বাপেক্ষা ভীষণ সে সেই দুর্ভাগ্য ভোগ করিবে। তবুও যত দিন শ্বশুর ছিলেন, তত দিন শ্বশুরগৃহে তাহার দাঁড়াইবার স্থান ছিল—অধিকার ছিল, এখন সে স্থান গেল—সে অধিকার শেষ হইল। সঙ্গে সঙ্গে শ্বশুরের ব্রহ্মসিদ্ধ ব্যবহার মনে পড়িল; মনে পড়িল, তিনি পুত্রের ব্যবহারে ক্ষত-বিক্ষত হৃদয়ে যখন গৃহ হইতে দূরে বিদেশে এই মৃত্যুর সন্ধানে গিয়াছিলেন তখনও তিনি তাহার কথা ভুলেন নাই। তিনি তাহার গ্রাসাচ্ছাদনের উপায় করিয়া তবে দেশত্যাগী হইয়াছিলেন। সে বিরজাকে বলিল, “দিদি, আমার কপালেই তাঁহার মৃত্যু হইল।” সে শ্বশুরের জন্ম অনেক কাঁদিল।

যতীশচন্দ্রের কলিকাতার ঠিকানা ধরণীধরের বাগ্নে ছিল না। ভবদেব ও রমাপ্রসাদ শানগরের ঠিকানায় তাঁহাকে পত্র লিখিলেন। পিয়ন ধরণী-ধরের জননীকে পত্র দিয়া গেল। তিনি অপরাহ্নে গ্রামের ছেলেরা যখন গ্রামের নিকটস্থ বিড়ালয় হইতে গৃহে ফিরিতে ছিল, তখন তাহাদের

একজনকে ডাকিয়া পত্রখানি দিলেন; জানিলেন, পত্র কাগী হইতে আসিয়াছে। এই কথা শুনিয়া তিনি তাহাকে পত্র খুলিতে বলিলেন—বুঝি ধরণীধরের রাগ পড়িয়াছে। আহা! পড়িবারই কথা। যতীশের উপর সে কি রাগ করিয়া থাকিতে পারে? তিনি যতক্ষণ এইরূপ ভাবিতে-ছিলেন বালক ততক্ষণ খাম খুলিয়া পত্র পড়িতেছিল। সে তাঁহাকে পত্র পড়িয়া শুনাইল। হৃদ্ধার আর্দ্রনাদে প্রতিবেশিনীরা আসিলেন; সংবাদ শুনিয়া তাঁহাকে সাব্বনা দান করিতে সচেষ্ট হইলেন। বালক ধীরে ধীরে চলিয়া গেল। দেখিতে দেখিতে গ্রামে এ কথা রাষ্ট্র হইয়া গেল। গ্রামের “ঠাকুরদাদা” হরিনাথ প্রভৃতি পরামর্শ করিয়া পত্রখানি—কলিকাতায় যতীশচন্দ্রকে পাঠাইয়া দিলেন।

যতীশচন্দ্র পিতার মৃত্যুসংবাদ পাইল। এই সংবাদ তাহার পক্ষে অত-ক্লান্ত আঘাতের মত অনুভূত হইল। সে পিতার ইচ্ছার বিরুদ্ধে কার্য্য করিয়াছে—করিয়া তাহার ফলভোগ করিতেছিল। সে মনে করিয়াছিল, সে পিতার সহিত সকল সম্বন্ধ কাটাইয়াছে। কিন্তু আজ যখন শোকের প্রবল বাত্যা তাহার হৃদয়ে সঞ্চিত অভিমানের ও অবিম্ভ্যকারিতার মেঘ উড়াইয়া দিল, তখন তাহার বুঝিতে বিলম্ব হইল না, সে যে দুঃসাহসিকের কার্য্য করিয়াছিল তাহাও কেবল তাঁহারই ভরসায়। আজ তাহার সমস্ত হৃদয় কেমন একটা অব্যক্ত—অজ্ঞেয় বেদনায় একান্ত চঞ্চল হইয়া উঠিল। সে আপনার কৃত কর্ম্মের কথা ভাবিতে লাগিল।

আজ যতীশচন্দ্রের মনে হইল, সে যে আশ্রয়ের আশায় এত দিন বাহা ইচ্ছা করিয়াছে ও করিতে পারিয়াছে সহসা সে সেই আশ্রয়চ্যুত হইল। আর সঙ্গে সঙ্গে শানগরের ভবনে তাহার স্নেহশীলা পিতামহীর কথা তাহার মনে হইল। তিনি কেবল তাহারই জন্ম পুত্রের সহিতও যাইতে সম্মত হইয়া নাই। আজ তাঁহার কি দুর্দশা! তাহার ইচ্ছা হইল, সে তখনই শানগরে চলিয়া যাইবে।

সে দিন মধ্যাহ্নের পরই অমূল্যচরণ তাহার গৃহে আসিল। তখন যতীশ-চন্দ্র শানগরে যাইবার উদ্যোগ করিতেছে। অমূল্যচরণ সকল কথা শুনি-
—কপট বিলাপে যতীশচন্দ্রের বেদনায় সহানুভূতি প্রকাশ করিল। তাহার পর তাহার কর্তব্য সম্বন্ধে আলোচনা করিতে লাগিল। সে বুঝাইল, বাহা হইবার হইয়া গিয়াছে। এখন তাহার পক্ষে কাগী যাওয়াই কর্তব্য। কারণ,

ধৰণীধরের কোন নির্দেশ থাকিলে তাহা অবগত হওয়া আবশ্যক। আবার তিনি সম্পত্তি প্রভৃতির সম্বন্ধে কি ব্যবস্থা করিয়া গিয়াছেন তাহাও কানীতে না যাইলে জানা যাইবে না।

শোকের আবেগে এ কথাটা এতক্ষণ যতীশচন্দ্রের মনে হয় নাই। সে স্বীয় কর্মদোষে যে অর্থকষ্ট ভোগ করিতেছে—এইবার সে তাহা হইতে মুক্তি পাইবে।

সে সেই দিনই কানীযাত্রা করিল। অমূল্যচরণ সঙ্গে গেল। অমূল্যচরণ মনে মনে বড় আনন্দিত, এইবার ধৰণীধরের অর্থ যতীশ পাইবে। যতীশ তাহার হস্তগত।

পরদিন যতীশচন্দ্র কানীতে পৌঁছিল ও খোঁজ করিয়া ভবদেবের বাসায় উপস্থিত হইল। ভবদেব তাহার পরিচয় পাইয়া সাদরে তাহাকে লইয়া তাহার হবিষ্যাম্নের ও অমূল্যচরণের আহ্বারের ব্যবস্থা করিয়া দিলেন। তাঁহার উপদেশক্রমে সে গঙ্গান্নান করিয়া আসিয়া হবিষ্যাম্ন আহ্বার করিল। জীবনে সে এ অভিজ্ঞতা কখনও লাভ করে নাই।

এ দিকে ভবদেব রমাশ্রমাদকে সংবাদ দিয়াছিলেন। তিনি বন্ধুগৃহে আসিলেন। উভয়ে যতীশচন্দ্রকে লইয়া ধৰণীধর যে গৃহে বাস করিতেন সেই গৃহে চলিলেন। অমূল্যচরণ সঙ্গে গেল।

ধৰণীধরের মৃত্যুর পর ভবদেব ও রমাশ্রমাদ তাঁহার শয়ন-কক্ষ চাবিবন্ধ করিয়া রাখিয়াছিলেন। যতীশচন্দ্রের আগমনপ্রতীক্ষায় তাঁহারা তাঁহার জব্যাদির কোন ব্যাবস্থাই করেন নাই। হরদয়াল প্রভুর সম্পত্তি আগলাইয়া সেই গৃহে বাস করিতেছিল। সে ঘারেই বসিয়া ছিল। নগ্নপদ—বিশদবাস যতীশচন্দ্রকে দেখিয়া সে কাঁদিয়া ফেলিল।

তাহার পর রমাশ্রমাদ ও ভবদেব যতীশচন্দ্রকে সকল কথা বলিলেন। উইলের কথা শুনিয়া অমূল্যচরণের কেমন চাঞ্চল্য অনুভূত হইতে লাগিল। ভবদেব হরদয়ালের নিকট হইতে চাবি লইয়া হাতবাগ্ন খুলিলেন। ধৰণীধরের উইল উপরেই ছিল। রমাশ্রমাদ সেই উইল পাঠ করিতে লাগিলেন। উইলে যতীশচন্দ্রে নামোন্মেষও নাই! ধৰণীধর লিখিয়াছেন, তিনি তাঁহার মাতৃদেবীর উত্তরণপোষণের আবশ্যক ব্যবস্থা করিয়াছেন। তাঁহার সঞ্চিত সমস্ত অর্থে তিনি কোম্পানীর কাগজ করিয়াছিলেন। সে অর্থে পরিমাণ যতীশচন্দ্রের অসুমানাতিরিক্ত। সেই অর্থ তিনি স্বগ্রামের উন্নতিকর

অহুষ্ঠানে দান করিয়া গিয়াছেন। গ্রামে তাঁহার পিতৃদেবের নামে একটি বিদ্যালয় ও মাতৃদেবীর নামে একটি দাতব্য চিকিৎসালয় সংস্থাপিত হইবে। সমস্ত অর্থ সরকারের হস্তে গুপ্ত হইবে; সরকার হইতে তাঁহার উইলের নির্দেশ মত কার্য্য করা হইবে। কাগজগুলি ব্যাঙ্কে জমা ছিল।

অমূল্যচরণ আর চাঞ্চল্য গোপন করিতে পারিল না দ্বিজ্ঞাসা করিল—
“পুত্রকে বঞ্চিত করিয়া কেহ এরূপ উইল করিলে সে উইল কি টিক্কে?”

ভবদেব বলিবেন, “উইলের নির্দেশ বিন্য়য়কর বটে; কিন্তু উইল অসিদ্ধ বলিবার কোন উপায় ত দেখিতেছি না। সমস্ত অর্থই ত দেখিতেছি, ধরনীধরের সোপার্জিত। এ অর্থের যদুচ্ছা ব্যবহার করিবার সম্পূর্ণ অধিকার তাঁহার ছিল।”

যতীশ কোন কথা বলিল না। কিন্তু অমূল্যচরণ বলিল, “বান্ধালীর উইল—রথী মহারথীর উইলও ত দেখি শেষ টিক্কে না।”

ভবদেব হাসিয়া বলিলেন, “তাহা সত্য। আমরাও অনেক উইল নাড়াচাড়া করিয়াছি; কিন্তু এ উইল নাকচ করিবার কারণ ত দেখি না। ইহাতে যে একেবারেই কোনরূপ জটিলতা নাই—সবই সোজা। কি বল, দাদা?”

রমাপ্রসাদ বলিলেন, “ইহা ত একরূপ দানপত্র”।

যতীশচন্দ্র ভাবিতেছিল। তাহার মনে হইতেছিল, সে যে অবলম্বন ধরিয়া দাঁড়াইয়া ছিল—আজ সে সেই অবলম্বনচ্যুত। এইবার তাহাকে সত্য সত্য স্বাবলম্বন অবলম্বন করিতে হইবে। এতদিন সে সংসার-সংগ্রামের নামে ছেলেখেলা করিয়াছে; এইবার সে সত্য সত্য সংগ্রামে প্রবৃত্ত হইল। তাহার হৃদয় শঙ্কাকুল। অনিশ্চিত ভবিষ্যতের ভাবনায় সে বিচলিত। ভবদেব যখন বলিলেন, “শ্রাদ্ধাদির ব্যয়ের জন্য নির্দিষ্ট অর্থ ব্যতীত আর প্রায় ছুই শত টাকা রহিয়াছে। এ টাকা ধরনীধরু ভৃত্য হরদয়ালকে দিতে বলিয়াছেন। দিব কি?” তখন যতীশচন্দ্র কেবল মস্তক-সঞ্চালনে সম্মতি জানাইল।

সেই অর্থ লইয়া গৃহে ফিরিবার সময় হরদয়ালের মনে হইল যেন সে শূণ্য হৃদয়ে শূণ্য গৃহে ফিরিয়া বাইতেছে।

ধরনীধরের অবশিষ্ট দ্রব্যাদি লইয়া যতীশচন্দ্রও সেই দিনই কলিকাতায় ফিরিয়া চলিল। সে যদি আপনার হৃর্ভাবনায় আপনি অভিভূত না থাকিত,

তবে স্পষ্টই বুঝিতে পারিত, অমূল্য চরণের ব্যবহারে সম্পূর্ণ পরিবর্তন ঘটিয়াছে। পূর্বে অমূল্যচরণ তাহার জ্ঞান বেরূপ ব্যস্ততা দেখাইত এখন তাহার ব্যবহারে সে ভাবের অভাব লক্ষিত হইতে লাগিল। ধরনীধরের উইলের নির্দেশ শুনিয়া এবং সেই উইল সম্বন্ধে রমাশ্রমাদেব ও ভবদেবের মত জানিয়া অমূল্যচরণ বুঝিয়াছিল, আর যতীশচন্দ্র হইতে কোন লাভের সম্ভাবনা নাই। বরং এতদিন সে যে তাহারই আশায় অথ আশ্রয়ের সন্ধান করে নাই সে জ্ঞান সে আপনার নির্বুদ্ধিতায় আপনি লজ্জিত ও যতীশচন্দ্রের উপর বিরক্ত হইতেছিল।

কিন্তু যতীশচন্দ্র কপটবন্ধুর ব্যবহারের পরিবর্তন লক্ষ্য করিতেছিল না ; সে কেবল ভাবিতেছিল। সে ভাবনার অন্ত নাই। সে এখন কি করিবে ? এতদিন পর্য্যন্ত সে কিছুমাত্র উপার্জন করিতে পারে নাই—ঋণে ও পিতামহীর সাহায্যে সংসার চলিয়াছে। এমন—তাহার অবস্থা জানিলে কে তাহাকে ঋণ দিবে ? পূর্বের ঋণ শোধ করিবার ও সংসার চালাইবার উপায় কি ? সে ভাবিয়া কিছুই স্থির করিতে পারিতেছিল না।

ক্রমে ট্রেন কলিকাতায় পৌঁছিল। যতীশ গৃহে উপস্থিত হইলেই—অমূল্যচরণ বিদায় লইয়া গৃহে চলিয়া গেল। যতীশচন্দ্র সেই দিনই শানগর যাত্রা করিল।

মানব-প্রহেলিকা ।

(৪)

চৈতন্য ও দেহ ।

পূর্বপ্রবন্ধে আমি বলিয়াছি যে, আত্মার অস্তিত্ব স্বীকার করিলে জীব-প্রহেলিকার সমাধান অপেক্ষাকৃত সহজ হইয়া পড়ে। বর্তমান যুগের জড় বিজ্ঞান এখনও পর্য্যন্ত আত্মার নাস্তিত্ব সপ্রমাণ করিতে সমর্থ হয় নাই। অধ্যাত্ম ব্যাপার জড়বিজ্ঞানের অধিকারবহির্ভূত। জড়বিজ্ঞান কেবল এইটুকু-মাত্র দেখিতে পায় যে, জড়কে অবলম্বন করিয়াই আত্মার শক্তি ক্ষুরিত হইয়া থাকে। কারণ, দেহ ভিন্ন জীব নাই। জীব যতই ক্ষুদ্র, অমুদীর্ণেরও অগোচর হউক কেন, উহার একটা দেহ আছে। সেই দেহকে আশ্রয় করিয়া উহার চৈতন্য বিকাশ পাইতেছে। দেহ নষ্ট বা বিকৃত হইলে চৈতন্য বিলুপ্ত হয়। দেহ জড়, ইহা সর্ববাদিসম্মত। জড়-বাদীরা বলেন, যখন ঐড়ের অবস্থাবিশেষের সহিত চৈতন্যের এত ঘনিষ্ঠ সম্বন্ধ, তখন চৈতন্য ঐড়েরই শক্তিবিশেষ। চৈতন্য-বাদীরা বলেন, চৈতন্য আত্মারই শক্তি; কেন না আত্মা চৈতন্যস্বরূপ। আমি পূর্বপ্রবন্ধে আত্মার অস্তিত্ব স্বীকার করিয়া লইয়াছি। কেন না এই জড়বিজ্ঞানপ্রধান যুগে শিক্ষিত ব্যক্তিরা যে প্রকার প্রমাণ চাহেন, আমি সে প্রকার প্রমাণদ্বারা উহা সপ্রমাণ করিতে চেষ্টা করি নাই। আমি যে প্রমাণদ্বারা উহার ক্ষমতা স্বীকার করিয়া লইয়াছি, সেইরূপ অসম্পূর্ণ প্রমাণের উপর নির্ভর করিয়া জড়বিজ্ঞানকেও অনেক সিদ্ধান্ত করিতে হয়। নতুবা বিজ্ঞান এক পদও অগ্রসর হইতে পারে না। ইথার, আলোকতরঙ্গ, পরমাণুর (atom) মৌলিক উপাদান প্রভৃতি সম্বন্ধে অনেক মত (theory) এখনও অসম্পূর্ণ প্রমাণের উপর নির্ভর করিতেছে। প্রত্যক্ষবাদমূলক, প্রত্যক্ষ প্রমাণের উপর প্রতিষ্ঠিত, ইন্দ্রিয়ের গ্রাহ ও বিষয়ীভূত তথ্যসম্মত জড়বিজ্ঞানকেই যখন আলোক, ইথার, তড়িৎ প্রভৃতি ব্যাপারে অনেক hypothesis বা অনুমান স্বীকার করিয়া লইতে হয়, তখন অতীন্দ্রিয় ব্যাপারসম্পর্কে এক্ষণে অনুমান নিরপেক্ষ ব্যক্তির নিকট কখনই অগ্রাহ হইতে পারে না।

আত্মা একটি স্বতন্ত্র শক্তি (energy per se) বা সত্তা, ইহা স্বীকার

করিলে দেহের সহিত আত্মার সম্বন্ধ কি তাহা বুঝা অত্যন্ত আবশ্যক হইয়া উঠে। দেহকে অবলম্বন করিয়াই সাধারণতঃ চৈতন্যের কার্য্য অভিযুক্ত হইয়া থাকে। চৈতন্য আত্মারই শক্তি। আত্মা না থাকিলে চৈতন্য থাকে না। কিন্তু চৈতন্য না থাকিলে যে আত্মা নাই, এরূপ সিদ্ধান্ত করা কর্তব্য নহে। চৈতন্য যখন আত্মশক্তির বাহ্য ক্ষুরণ, তখন কোন কারণে সেই বাহ্যক্ষুরণ শুদ্ধ বা ক্লদ্ব হইলেই চৈতন্য লুপ্ত হইবে,—বাহ্যকে আশ্রয় করিয়া চৈতন্য ক্ষুরিত হইতেছিল, তাহা বিকৃত হইলেই চৈতন্যের বাহ্য প্রকাশ বন্ধ হইবে। আমার সম্মুখে যে আলোকটি জ্বলিতেছে উহার কাচাধারের মধ্যে দীপশিখা জ্বলিতেছে বলিয়াই উহার মধ্য দিয়া আলোক বাহির হইতেছে। দীপশিখা না থাকিলে ঐ আলোক প্রকাশ পাইত না। কিন্তু আলোক-প্রকাশ ক্লদ্ব বা শুদ্ধ হইলেই যে মধ্যের দীপশিখাটি নির্দীপিত হইয়া গিয়াছে, এরূপ অনুমান করা সম্ভব নহে। চিমনীতে অত্যন্ত কালি পড়িলে ভিতরের দীপশিখাটি সন্তোষ আলোকনির্গমণ ক্লদ্ব হইতে পারে। সেইরূপ বাহ্যতঃ চৈতন্যের লোপ দেখিয়াই অন্তরস্থ আত্মার অভাব অনুমান করা সকল ক্ষেত্রে সম্ভব নহে।

কিন্তু সাধারণতঃ চৈতন্যই দেহমধ্যে আত্মার অস্তিত্ব সূচিত করে। চৈতন্যের অত্যন্তাভাবই জীবের মৃত্যু। মৃত্যুতে চৈতন্য একেবারে লুপ্ত হয়, আত্মা দেহ হইতে বিচ্ছিন্ন হইয়া যায়। দেহের সহিত আত্মার সম্বন্ধ জানিতে হইলে দুইটি পন্থা আছে। একটি পন্থা জড়বিজ্ঞান-সম্মত, আর একটি অধ্যাত্মবিজ্ঞান-সম্মত। আমরা পূর্বেই বলিয়াছি, জড়বিজ্ঞান আত্মার অস্তিত্ব স্বীকারে সম্মত নহে। সুতরাং জড়বিজ্ঞান জড়ের দিক হইতে জীবনী শক্তি বুঝাইবার চেষ্টা পায়। সচেতন জীবমাত্রই ক্রিয়াশীল। ক্রিয়া করিতে শক্তির প্রয়োজন। এই শক্তি কোথা হইতে আইসে? জড়বাদীরা বলিয়া থাকেন যে, এঞ্জিন যে ভাবে শক্তি-সংক্রমণ করে জীবদেহও ঠিক সেই ভাবেই শক্তির প্রয়োগ করিয়া থাকে। এঞ্জিনের যেমন কয়লা ইন্ধন, জীবদেহের তেমনই খাদ্যই ইন্ধন। খাদ্যদ্রব্য দেহমধ্যে গৃহীত হইলে উহা উদরে পরিপাক হইতে আরম্ভ হয়। এই পরিপাকক্রিয়ার ফলে দেহ-মধ্যে অক্সাইড জন্মে। এই অক্সাইড উৎপত্তিক্রিয়ার ফলে শক্তি উৎপন্ন হইয়া দেহকে সচল ও জীবকে ক্রিয়াশীল করে। অর্থাৎ ভুক্ত দ্রব্যই রূপান্তরিত হইয়া জীবের শক্তিরূপে প্রকাশ পায়। অন্নই জীবনী শক্তি।

এঞ্জিনের সহিত জীবদেহের এই সাদৃশ্য-কল্পনা সমীচীন নহে। খাদ্য-দ্রব্য হইতে মানবের শক্তি উপচিৎ হয়, এ বিশ্বাস বর্ত্তমান যুগে ক্ষয় পাইতেছে। কেরিংটন প্রভৃতি পণ্ডিতগণ সিদ্ধান্ত করিয়াছেন যে, ভুক্ত দ্রব্য হইতে জীবের বলাধান হয় না।* সম্পূর্ণ বিভিন্ন উৎস হইতে জীবনীশক্তি ও বল উদ্ভূত হইয়া থাকে। খাদ্য পরিপাকের সহিত দৈহিক শক্তির বিশেষ সম্বন্ধ নাই। বর্ত্তমান যুগে পরীক্ষা দ্বারা সপ্রমাণ হইয়াছে যে, উপবাসে লোক দুর্ব্বল হয় না। কোন কোন ক্ষেত্রে দুর্ব্বল রোগী এক মাস দেড়মাস উপবাসের পর সবল হইয়াছে ইহার প্রচুর প্রমাণ পাওয়া গিয়াছে। যে রোগী দৌর্ব্বল্য-নিবন্ধন শয্যা হইতে উঠিতে সমর্থ হইত না, সে কয়েক দিদি উপবাসের পর চারি পাঁচ মাইল পথ পরিভ্রমণ করিয়াছে তাহার প্রমাণ আছে।† রোগ বিশেষ ও ক্ষেত্র বিশেষে উপবাসই যে উপকারী ইহা চিকিৎসকগণ চির-কালই স্বীকার করিয়া আসিতেছেন। আমরা নিজেও পরীক্ষা করিয়া দেখিয়াছি, জল পানমাত্র করিয়া উপবাস করিলে প্রথম তিন চারি দিন অত্যন্ত কষ্ট বোধ হয়, কিন্তু তাহার পর কষ্ট বোধ হয় না, বা অধিক পরিশ্রম না করিলে শরীর দুর্ব্বল হয় না। ইহাতে মনে হয় যে, খাদ্য ভিন্ন অথ কোন উৎস হইতে জীবনীশক্তি ও দৈহিকশক্তি উচ্ছ্বাসিত হয়। খাদ্য জীবনী শক্তির উৎপাদক নহে, অংশতঃ দৈহিক বলের উৎপাদক, একথা অবশ্য স্বীকার্য্য। খাদ্য যদি জীবনীশক্তিরও দৈহিক বলের কেবলমাত্র উৎপাদক হইত, তাহা হইলে উপবাস করিয়া লোক অধিক দিন বাঁচিত না। সুতরাং কয়লা যে ভাবে এঞ্জিনের শক্তি উৎপন্ন করে, খাদ্য ঠিক সেই ভাবে জীবনী শক্তি ও দৈহিক শক্তি উৎপন্ন করে, এ উক্তি সত্য নহে।

সকলেই অবগত আছেন যে, অতিরিক্ত পরিশ্রম করিলে শরীরের ক্ষয় হইয়া থাকে। ক্লান্তি সেই ক্ষয়ের সূচনা করে। ক্লান্ত লোক নিদ্রা চাহে,— নিদ্রার দ্বারা ক্লান্তি অপগত ও ক্ষয় উপচিৎ হয়। মানুষ আহার না করিয়া

* 'Vitality, Fasting and Nutrition by Hereward Carrington .

† "If the daily food supplied the strength of the body and its vital energy, it should weaken when this food is withdrawn, but the facts are that in all diseased conditions at any rate—that is not the case and that patients who enter upon a fast so weak and debilitated that they cannot walk down stairs, are strong enough to be walking at its conclusion and after having fasted forty or fifty days."

কিছু দিন থাকিতে পারে,—নিদ্রা না যাইয়া অধিক দিন থাকিতে পারে না। যে ব্যক্তির নিদ্রা হয় না সে ভূরি ভোজন করিলেও দুর্বল হয়। দেহ আপনা আপনি আপনার ক্ষয় পূর্ণ করিয়া লইতে পারে, সেই ক্ষয় পূর্ণ করিবার জন্য নিদ্রার প্রয়োজন। সজীব জীবদেহের স্বশক্তি বলে ক্ষয়ের পূরণ করিবার শক্তি আছে—এজিনের তাহা নাই। নিদ্রাকালে দেহীর দেহক্ষয় পুষ্ট হইয়া থাকে, এজিনের তাহা হয় না। স্ততরাং শরীর-বিজ্ঞান-বিংগণ দৈহিক বলের সহিত এজিনের শক্তির যে তুলনা করিয়া থাকেন, তাহা যুক্তিযুক্ত নহে। এ সম্বন্ধে মার্কিনে ও যুরোপে আবার নূতন করিয়া বিতর্ক উপস্থিত হইয়াছে।

নিদ্রাকালে দৈহিক ক্ষয়ের উপচয় হয়। যে শক্তিবলে ঐ শক্তির উপচয় হয়, তাহা দেহের শক্তি নহে, দেহীর শক্তি,—কোন কোন পাশ্চাত্য পণ্ডিত ইহাই সিদ্ধান্ত করিয়াছেন। ইহাদের মতে দেহ আত্মার যন্ত্র। এই দেহ-যন্ত্র সাহায্যে জীবাশ্মা জগতে তাহার শক্তিপ্রকাশ করিয়া থাকে। আত্মা আপনার শক্তিবলে দেহ গঠিত করিয়া লয়; এই দেহ যদি বিকৃত হয়, অর্থাৎ জীবাশ্মার শক্তিপ্রকাশের অযোগ্য হইয়া পড়ে, তাহা হইলে জীবাশ্মাকে সেই দেহ পরিত্যাগ করিয়া নূতন দেহ পরিগ্রহ করিতে হয়। এই দেহপরিত্যাগের নাম মৃত্যু। দেহান্তর গ্রহণের নাম পুনর্জন্ম। অধুনাতন পুনর্জন্মবাদী যুরোপীয়গণের মধ্যে কেহ কেহ এই সত্য স্বীকার করিতেছেন,—কিন্তু ভারতবর্ষীয় ঋষিগণ বহু সহস্র বৎসর পূর্বে এই সত্যের আবিষ্কার করিয়া গিয়াছেন। বর্ণাশ্রমী হিন্দুরা তাঁহাদের উক্তি আশ্রয়াক্য বলিয়া বিশ্বাস করিয়া আসিতেছে।

সাধারণ জীবদেহ অত্যন্ত জটিল ব্যাপার। যে জৈব উপাদানদ্বারা উহা গঠিত, রাসায়নিক উপাদান-সংযোগে তাহা প্রস্তুত করা যায় না। জীবদেহে অবিশ্রান্ত ক্ষয় (combustion) পাচন (fermentation) ও পুনর্গঠন (reconstruction) চলিতেছে। ইহার অনেকগুলি ব্যাপার স্বতন্ত্রভাবে রাসায়নিক নিয়ম অনুসারে পরীক্ষা মন্দিরে প্রদর্শিত হইতে পারে সত্য,—কিন্তু সমস্ত দৈহিক ব্যাপারটি যে ভাবে নিষ্পন্ন হয়, তাহা অত্যন্ত জটিল ও দুর্বোধ্য। রাসায়নিক নিয়ম অনুসারে উহার সকল তত্ত্ব বুঝিয়া উঠা কঠিন। অ্যামিবার আয় ক্ষুদ্র এককোষ জীবের দেহমধ্যে যে প্রহেলিকা নিহিত রহিয়াছে,—তাহা বিংশ শতাব্দীর দান্তিক বৈজ্ঞানিকের নিকট ও

একটা বিরাট রহস্যরূপে বর্ত্তমান। আবার কোন কোন জীবের দেহে জটিলতার লেশমাত্র নাই,—অথচ তাহার কার্য্যপ্রণালী দেখিলে বিস্মিত হইতে হয়। অনেকে অনুমান করেন যে, এককোষ জীবগুলি (protozoa) অমর। কিন্তু তাহাদের সেই অণুতুল্য দেহের কার্য্য প্রণালী এখনও মনুষ্য-জ্ঞানের অতীত রহিয়াছে। সমুদ্রজলে জেলীফিস্ বা মেডিউসা নামে এক প্রকার জীব দৃষ্ট হয়। ঐ জীব অতি স্থল ঝিল্লিবৎ আবরণে আবদ্ধ সাগর-জল মাত্র। দুইসের আড়াইসের ওজনের জেলীফিস্ ভূমিতে তুলিয়া রাখিলে যখন উহার জলীয় পদার্থ শুষ্ক হইয়া যায়,—তখন উহাতে দুই রতি আড়াই রতির অধিক অণু পদার্থ থাকে না। অথচ এই জীবের ক্ষুধা আছে, ক্রোধ আছে, জিহাংসা আছে। ইহারা অণু জীবকে হনন করিয়া আপনাদের উদর পূর্ণ এবং আততায়ীদিগকে আক্রমণ করিয়া আত্মরক্ষা করে। হয়ত বা উহাদের স্মৃৎস্মৃৎ বোধও আছে। ইহাদের দেহ হইতে এক প্রকার তেজঃস্ফূরণ হইয়া থাকে। এই জীব জীববিজ্ঞানের এক বিরাট প্রহেলিকা। ইহাদের দেহ সাগর জল ভিন্ন প্রায় আর কিছু না হইলেও সেরকরা একরতি পরিমাণ জৈব উপাদানের রাসায়নিক ক্রিয়াফলেই ইহা এত বড় একটা বিরাট জীব পরিণত হইয়াছে,—একথা যেন মন সহজে বিশ্বাস করিতে চাহে না। এই ধরাপৃষ্ঠে এইরূপ অনেক বিস্ময়জনক জীব আছে। তাহাদের গঠনের সহিত কার্য্যপ্রণালীর তুলনা করিয়া দেখিলে বিস্মিত হইতে হয়। এই জেলীফিস্ সম্পর্কে আর একটা বিস্ময়কর ব্যাপার উল্লেখযোগ্য। জেলীফিস্ হইতে যে জীব জন্মে, তাহা ঠিক জেলীফিসের অনুরূপ নহে। উহা সম্পূর্ণ স্বতন্ত্র জীব। ঐ জীব তাহার জন্মকালীন আকৃতি পরিবর্ত্তন করে না। আবার ঐ জীব হইতে যে জীব উৎপন্ন হয়, তাহাই জেলীফিস্। অর্থাৎ জেলী ফিসের এক পুরুষ অন্তর জেলী ফিস্ হইয়া থাকে। জীব বিজ্ঞানের ইহা একটি বিস্ময় রহস্য।

আমি পূর্বেই বলিয়াছি যে, বৈজ্ঞানিকগণ জৈব প্রহেলিকার সমাধান করিতে সম্পূর্ণ অশক্ত,—তাহারা কেবল জৈব পদার্থের উদ্ভব-তথ্য লইয়াই ব্যস্ত রহিয়াছেন। কিন্তু উহাও জড় পদার্থ। কালে রসায়ন শাস্ত্রের অধিকতর উন্নতি হইলে হয়ত রাসায়নিক পরীক্ষাগারে জৈব পদার্থ প্রস্তুত হইতে পারে, কিন্তু উহার সংযোগফলে উদ্ভাবনী প্রতিভা, ব্যবস্থাজ্ঞানী প্রতিভা, শাসন-বিদ্যাগিনী প্রতিভা, উন্নতিজননী প্রতিভা ও প্রতিদ্বন্দ্বিতাসাধিনী প্রতিভা

প্রকৃতি অশেষবিধ প্রতিভার কি প্রকারে ক্ষুরণ হয়, তাহা বুঝিয়া উঠা সহজ হইবে না। জড়বাদীরা উহা জড় হইতে উদ্ভূত হয়, বিনা প্রমাণে ইহা কল্পনা করিয়া লয়েন। কিন্তু এই অহেতুকী কল্পনা করিয়াও তাঁহারা এই প্রহেলিকার সমাধানে সমর্থ হয়েন নাই। তাঁহারা বিশেষ লক্ষ্য করিয়া দেখিয়াছেন যে, একজন কর্তার অধীনে পরিচালিত কারবার যেরূপ অথগু-ভাবে পরিচালিত হয়, জীবদেহের কার্য ঠিক সেইরূপ অথগুভাবে পরিচালিত হইয়া থাকে। কিন্তু তথাপি তাঁহারা আত্মার অস্তিত্ব স্বীকারে সন্মত নহেন। যেন উহা স্বীকার করিলে যোর প্রত্যাবায়ভাগী হইতে হয়। এ সম্বন্ধে আমি পাদটীকায় অধ্যাপক প্যাট্রিক গেড্‌স ও অধ্যাপক আর্থার টমসনের মত উদ্ধৃত করিয়া দিলাম। *

সর্ব যুগে ও সর্ব সময়ে সাধারণ লোক আত্মার অস্তিত্ব ও স্বাভাব্য স্বীকার করিয়া আসিতেছে। কিন্তু এই অধ্যাত্মত্ব এক সময় এই দেশেই বিশেষ ভাবে আলোচিত হইয়াছিল। মনীষাসম্পন্ন মহর্ষিরা যোগগম্য জ্ঞান দ্বারা সিদ্ধান্ত করিয়াছেন যে, ভোগের জন্তই জীব শরীর ধারণ করিয়া থাকে। শরীর ত্রিবিধ, স্থূল, সূক্ষ্ম ও কারণ। স্থূল দেহ, যদ্বারা আমরা কার্য করিয়া থাকি,—ইহা অন্নময় কোষ। ইহা জীবের ভোগ করিবার যন্ত্রস্বরূপ। যন্ত্র বিকৃত হইলে ভোগে বাধা ঘটে। চক্ষুর দ্বারা জীব দেখিয়া থাকে, কর্ণের দ্বারা শুনিয়া থাকে,—কিন্তু চক্ষু কর্ণ না থাকিলে জীবাত্মা জড়দেহে থাকিয়া কিছু দেখিতে পায় না। মনে করুন একজন লোক অনুবীক্ষণ যন্ত্রদ্বারা কোন

* Indeed we may compare protoplasm to a successful firm which owes its success to an unusually fortunate combination of partners—of inventive organizing, administrating, pushing, competitive and other geniuses.

But there is something more. The firm works as a unity, this is its essential secret. It is unified from within, whether by a common purpose or by the predominant will of its leading partners or by something of both. And the organism has likewise its secret, its internal unity, which we are still far from understanding.

বলা বাহুল্য, জড়ের purpose (উদ্দেশ্য ও অভিপ্রায়) বা will ইচ্ছা বা বাসনা থাকিতে পারে না। উহার ক্রিয়াসামঞ্জস্য ও অভিপ্রায় সাধনের অনুকূলতা যে আত্মাই আভি-মুচনা করে, ভাবায় উহা ব্যক্ত হইয়া পড়িলেও কার্যতঃ তাঁহারা উহা স্বীকার করিতে সন্মত নহেন।

জ্বা দেখিতেছে কিন্তু সেই অনুবীক্ষণের কাচখানি (lens) যদি কোনরূপ বিকৃত অথবা অস্বচ্ছ পদার্থ দ্বারা আবৃত হইয়া পড়ে, তাহা হইলে দ্রষ্টা আর উহা চক্ষুতে সংযুক্ত করিয়া কিছুই দেখিতে পায় না। সে অন্ধ হইয়া পড়ে। কিন্তু সেই যন্ত্রটি যদি চক্ষু হইতে সরাইয়া লয়,—তাহা হইলে সে দেখিতে পায়; তবে অনুবীক্ষণসাহায্যে ধেরূপ দেখিতে পায় ঠিক সেরূপ দেখিতে পায় না। সেইরূপ চর্মচক্ষু অবিকৃত থাকিলে জীব তাহার সাহায্যে দেখিতে পায়, চক্ষু নষ্ট বা বিকৃত হইলে অন্ধ হয়। একাদশ ইন্দ্রিয় সম্বন্ধেই এই কথাই প্রযোজ্য। যাহার দর্শন-শক্তি আছে সে-ই চক্ষু, দূরবীক্ষণ, অনুবীক্ষণ প্রভৃতি যন্ত্রদ্বারা দেখিতে পাইয়া থাকে। সেইরূপ আত্মার দর্শনশক্তি আছে বলিয়াই সে চক্ষুরিন্দ্রিয়ের সাহায্যে দেখিতে পায়। পাশ্চাত্য জড়বাদীরা বলিয়া থাকেন,—মস্তিষ্কের সামান্য বিকৃতি হইলে যখন সংজ্ঞা লুপ্ত, হয়, ন্নায়ু-মণ্ডল বিকল হইলে যখন অনুভূতির শক্তি থাকে না,—তখন মস্তিষ্কের ও ন্নায়ু-মণ্ডলের বিনাশ হইলে আত্মার চৈতন্য বা অনুভূতির শক্তি থাকিবে কি প্রকারে! জড়বাদীদিগের ইহা একটা প্রবল যুক্তি। কেবল হিন্দুরাই এই সমস্তার একটা নীমাংসা করিয়াছেন। তাঁহারা বলেন,—আত্মা নির্বিকার কিন্তু সকল শক্তির উৎস। কৰ্ম্মফল প্রভৃতি লইয়া প্রকৃতি সেই আত্মাকে উপহত করিয়া থাকে। এই প্রকৃতি, মায়া বা অবিজ্ঞা কর্তৃক উপহত আত্মাই জীবাত্মা। জীবই সুখদুঃখের ভোক্তা। দেহই ভোগায়তন। দেহেই জীব সুখ দুঃখ ভোগ করে। দেহ ভোগেরই যন্ত্র। চৈতন্য আত্মারই শক্তি। কিন্তু আত্মা যখন জড়দেহকে আশ্রয় করে, তখন জড় মস্তিষ্কের ও ন্নায়ু-মণ্ডলের মধ্য দিয়া চৈতন্য সংজ্ঞারূপে স্কুরিত হইয়া থাকে। যেমন আলোকের চিমনী খেত, লোহিত, পীত, হরিৎ প্রভৃতি বর্ণে অনুরঞ্জিত হইলে তাহার ভিতর হইতে বিভিন্ন বর্ণের আলোক নির্গত হয়,—অন্ততঃ যে আলোক নির্গত হয়, তাহা কথঞ্চিৎ বিকৃত,—সেইরূপ আত্মা যখন জড়দেহের ভিতর অবস্থিতি করে,—তখন সে বিশ্বের স্বরূপ দেখিতে পায় না,—সে কতকটা উহা বিকৃত ভাবেই দেখিয়া থাকে। সাধারণ দৃষ্টির বৈকল্যাহেতু, রজ্জুতে যেমন সর্পভ্রম জন্মে,—সেইরূপ আত্মার দৃষ্টিশক্তি যখন জড় পদার্থ নির্মিত নয়নের মধ্য দিয়া স্কুরিত হয়, তখন এই জগতের যাবতীয় বস্তুই তাহার নিকট একটা অলৌক মূর্ত্তি ধরিয়াই প্রকাশ পায়। ইহাই মায়া। মস্তিষ্করূপ জড় পদার্থের ভিতর দিয়া যে চৈতন্য শক্তি স্কুরিত হয়,—যাহা সংজ্ঞা নামে অভিহিত,—

তাহা আত্মার প্রকৃত চৈতন্যের বিকার বা বৈকল্যমাত্র,—সেইজন্য স্বপ্নের সহিত উহার তুলনা করা হইয়াছে । সেইজন্য শাস্ত্রকারগণ জীবনকে স্বপ্নময় বলিয়াছেন । চক্ষু, কণ্ঠ প্রভৃতি ইন্দ্রিয়গণ যখন স্বাভাবিক অবস্থায় থাকে, তখনই ঐরূপ বিকৃত জ্ঞান জন্মে । যখন উহা বিকৃত হয়, তখন সেই দৃষ্টি ও সেই জ্ঞান আরও বিকৃত ও ভ্রান্ত হইয়া পড়ে । আবার যখন উহা অতিমাত্র বিকৃত হয়, তখন সেই ইন্দ্রিয়জ জ্ঞান একেবারেই জন্মে না । চক্ষু নষ্ট হইলে দৃষ্টি শক্তি লুপ্ত হয়,—মস্তিষ্ক নষ্ট হইলে সংজ্ঞা লোপ পায় । কারণ জড়াদি-
 ঠিত আত্মার দৃষ্টি শক্তি ও সংজ্ঞা তখন ক্ষুণ্ণি পাইবার পথ পায় না । সুতরাং দেহাধিষ্ঠিত আত্মার ঐ শক্তি থাকিলে উহা লুপ্ত বলিয়াই মনে হয় । কিন্তু যখন আত্মা দেহ হইতে বিচ্যুত হয়, তখন তাহার ঐ শক্তি আবার প্রকাশ পায় ।

এখন জিজ্ঞাস্য হইতে পারে, আত্মা যখন এই অল্পময় কোষ বা স্থূল শরীর ছাড়িয়া যান,—তখন তিনি কি নিম্নলিখিত আত্মরূপ পরিগ্রহ করেন ? ভগবান ব্যাস শারীরিক মৌমাংসায় বলিয়াছেন যে, জীব পরলোকে গমন সময় পঞ্চ সূক্ষ্মভূত বেষ্টিত হইয়া যায় ! উহা তাঁহার ভাবী দেহের অপ্রকট বীজস্বরূপ । উহাই সূক্ষ্ম শরীর । উহার অণু নাম প্রাণময় কোষ ও মনোময় কোষ । ইহাতে জীবের অমুষ্টিত কর্ম্মাদি বীজরূপে নিহিত থাকে । দার্শনিকগণ বলেন,—“তস্মাৎ বীটৈর্বেষ্টিত এব পরলোকং গচ্ছতীতি ।” অর্থাৎ জীব স্বীয় ভাবী জন্মের স্থূল শরীরের বীজ স্বরূপ সূক্ষ্মভূত পরিষ্টিত হইয়া দেহ ত্যাগ করে । অত্যন্ত স্থূল কথায় বলিতে গেলে বলিতে হয় যে, দেহভিন্ন আত্মা নিজের কর্ম্মফলাদি অর্জিত শক্তি অনুসারে পুনরায় দেহ গঠন করিয়া লয় । দেহযুক্ত আত্মার শক্তি সেই সূক্ষ্ম দেহের ভিতর দিয়া প্রকাশ পায় ।

হিন্দুর এই অধ্যাত্মতথ্য জড় বিজ্ঞানের গম্য নহে, সুতরাং জড়বিজ্ঞান দ্বারা এই তথ্য সপ্রমাণ করিবার প্রয়াস নিফল । কথাটি পরে একটু কাজে লাগিবে বলিয়া এই স্থানে এইটুকু বলিয়া রাখিলাম ।

শ্রীশশিভূষণ মুখোপাধ্যায় ।

আরতির শেষ ।

(১)

মুনসেফ্ প্রাণকৃষ্ণ বাবু দ্বিতীয় মুনসেফ্ শরৎ বাবুকে “রিলিভ” করিতে আসিলেন । সঙ্গে পত্নী কমলা, পুত্র সুধীরকৃষ্ণ ও কন্যা উষা ।

সুধীর কিশোর বয়স্ক ; একটু চিন্তাশীল ; বোধ হয় একটু আধটু কবি । পিতামাতা সে খোঁজ রাখিতেন না ; কিন্তু ছুট্ট উষা মাঝে মাঝে দাদার খাতা চুরি করিয়া পড়িত ও তাহার সঙ্গিনী ‘ললিতা’কে শুনাইত । ‘ললিতা’ একটা কাবুলী বিড়াল ! ‘ললিতা’ কবিতা না বুঝুক, উষার আদর বুঝিত । আর উষাও তार्কিক শ্রোতা অপেক্ষা এই মুক শ্রোতাই অধিক পসন্দ করিত ।

দ্বিতীয় মুনসেফ বাবুর কন্যা সুহাসিনী, উষার চেয়ে বয়সে প্রায় এক বৎসরের বড়, অর্থাৎ প্রায় একাদশ বর্ষীয়া ।

সুধীর তাহাকে একবার মাত্র দেখিল । কুক্ষিত কালো চুলে আধ ঢাকা সুন্দর মুখখানি ; মেঘাস্তরিত শশাঙ্কের মত শান্ত পুলকোদ্ভাসিত । সে মুখশ্রীর একখানি নিখুঁৎ ফোটো বহু দিন পর্য্যন্ত কিশোর কবির তরুণ হৃদয়ক্রেমে আঁটা রহিল !

তিন দিন পরে শরৎ বাবু পত্নীকন্যাদিহ লিয়া গেলেন । আর দুই দিন পরে ইহাদের কথা সকলেই এক প্রকার ভুলিয়া গেল, ভুলিল না শুধু উষা,— সে সুহাসিনীকে তিন দিনের পরিচয়েই নিভাস্ত আপনার করিয়া লইয়াছিল ।

সুধীর সে দিন কলেজে চলিয়া গিয়াছে ; উষা যথারীতি দাদার খাতা চুরি ও গোপন পাঠরূপ মহাপাপে লিপ্ত হইল । কিন্তু এ কি ? এ কি ছন্দ কবির হৃদয়ে ঝঙ্কত হইয়া উঠিয়াছে ! উষা ভাল করিয়া বুঝিল না ; তবু এটুকু বুঝিল, কবির হৃদয়ে একটা পরিবর্তন ঘটিয়াছে ! কতবার খাতা চুরি করিয়া আনিয়া উষা পড়িয়াছে, কিন্তু এ নূতন সুর এমন করিয়া ত কোনও দিনই তাহার কাণে উঠে নাই ! কাবুলী বিড়ালটিকে বুকের কাছে চাপিয়া ধরিয়া উষা জিজ্ঞাসা করিল—“বলিতে পারিস্, ললিতা, কি এ ?”

সকালে ডাক আসিয়াছে ; সুধীর কতকগুলি চিঠি হাতে করিয়া ভিতরে আসিল—বলিল “উষা তোর চিঠি আছে রে” আগ্রহের সহিত উষা চিঠি চাহিয়া লইল ।

“কা’র চিঠিরে—নূতন হাতের লেখা দেখছি যো” সুধীর জিজ্ঞাসা করিল ।

“ইস্ তাই বলি আর কি ; তুমি খাতার কি লেখ,—আমায় বলে থাক ?—কথাটা বলিয়া উবা একটু কেমন হইয়া গেল। হঠাৎ খাতার কথাটা মুখ দিয়া ব্যুহির হইয়া যাওয়া ত ভাল হয় নাই ! যদি চুরি ধরা পড়ে !

সুধীর জানিত, উবা তাহার খাতা চুরি করিয়া পড়ে ; গোপনে হউক, প্রকাশে হউক, তাহার যে একজন ‘সমজদার’ পাঠক আছে, সুধীর তাহা মনে করিয়া একটু গৌরব ও তৃপ্তি অনুভব করিত।

“আচ্ছা তোকে খাতা দেখাব—বল্ কে লিখেছে চিঠি !”

“চাই না আমি তোমার খাতা দেখতে” বলিয়া উবা ফিরিয়া দাঁড়াইল—চিঠি মুঠার মধ্যে শক্ত করিয়া ধরিয়া বলিল—“ছিঃ, পরের চিঠি বুঝি দেখতে আছে !” আজ তাহার ধর্মজ্ঞানটা বড়ই প্রবল হইয়া উঠিয়াছে দেখিয়া সুধীর মনে মনে একটু হাসিল। পলকের মধ্যে উবা ছুটিয়া রান্নাঘরে মাতার কাছে উপস্থিত হইল, এবং “মা—‘সু—র’ চিঠি এয়েছে” কথাটা এমন ভাবে বলিল যে, বাহিরে সুধীর স্পষ্টই তাহা শুনিতে পাইল। তাহার কর্ণমূল পর্যন্ত কেন যে আরক্তিম হইয়া উঠিল, সে ভাল বুঝিতে পারিল না।

চুরি করিতে যাইয়া, একজন চোর নাকি অত একজন চোরকে ধরাইয়া দিয়াছিল। সুধীর আজ তাহার দেরাজের তাল চাবি বদলাইয়া ফেলিল ; কি জানি যদিই বা উবা চুরি করিতে আসিয়া চোর ধরাইয়া দেয়।

(২)

সুধীর স্থানীয় কলেজের ছাত্র। কলেজে “Little Brothers of the Poor” নামে একটি ছোট সমিতি ছিল। প্রতি বৎসর ‘সেশন্’ আরম্ভের সময়ে একটি বিশেষ সভার অধিবেশন হইত। প্রথম ও তৃতীয় বার্ষিক শ্রেণীর উৎসাহী ছাত্রগণকে লইয়া এই সমিতি গঠিত হইত। সমিতির সভ্যগণের কর্তব্য ছিল, পীড়িতের সেবা ও দুঃস্থের অভাব-মোচন। সমিতি ছোট হইলেও, সভ্যগণ এক গুরু কর্তব্যভার গ্রহণ করিয়াছিল। সহরে সাধারণ গৃহস্থ স্রোতের জল ব্যবহার করে। রাস্তার পাশে পাশে অপরিষ্কার পয়ঃপ্রণালী চলিয়া গিয়াছে ; পয়ঃপ্রণালীগুলি নদীর সহিত সংযুক্ত ; এবং প্রত্যেক পুকুরিণী এই প্রণালীসমূহের সহিত যুক্ত। প্রত্যেক পুকুরিণীতেই জোয়ার ভাঁটায় জল বাড়ে ও কমে। তাই সহরটিতে প্রায় প্রতি বৎসরই কলেরার প্রকোপ দেখা যায়। যিনি এই সমিতির সম্পাদক

বা প্রাণ সহরের কেহ কলেরায় আক্রান্ত হইলে, তাঁহার নিকট সংবাদ আসিত। সকলেই জানেন, কলেরা রোগীর সেবার জন্ত সহজে লোক পাওয়া যায় না। যে স্থানে লোকান্তাব বা যে সাহায্য পাইতে ইচ্ছা করিত, সম্পাদক মহাশয় প্রয়োজন অনুসারে তথায় ‘সেবক’ পাঠাইতেন। কলেজের যুবকগণই স্বেচ্ছায় এই সেবাভার গ্রহণ করিত।

সুধীর প্রথম বার্ষিক শ্রেণীতে আসিয়া ভর্তি হইল। সমিতির বিশেষ অধিবেশনে সে তাহার নাম “কলেরা শাখায়” লিখাইয়া দিল। সমিতির দুইটি শাখা ছিল। একটিকে আমরা “কলেরা শাখা” বলিতে পারি। যাহারা অপেক্ষাকৃত নির্ভীক তাহাদিগকেই কলেরা শাখায় গ্রহণ করা হইত। অল্প শাখার সভ্যগণকে অর ইত্যাদি সাধারণ রোগেই সেবা করিতে হইত। কে কোন্ শাখায় প্রবেশ করিবে তাহা ছাত্রদের নিজের ইচ্ছার উপরেই নির্ভর করিত। কলেজ হইতে আসিয়া সুধীর বলিল “বাবা, আমি ‘Little Brothers of the Poor’ সমিতির কলেরা শাখায় নাম দিয়াছি।”

প্রাণক্লম্ব বাবু পত্নী কমলার মুখের দিকে চাহিলেন।

“তোর ভয় করবে না?”—কমলা জিজ্ঞাসা করিলেন।

সুধীরের চক্ষু উজ্জ্বল হইয়া উঠিল, বলিল, “ভয় কি, মা? তোমার আশীর্ব্বাদ পেলে কিছু গ্রাহ্য করি না।”

“ভুন, পাগল ছেলের কথা—” বলিয়া কমলা হাসিলেন। কমলার মুখের সে হাসিতে জগন্মাতার করুণ মুখের হাসিরাশির এতটুকু আভাস বুঝি ফুটিয়া উঠিল।

“তা বেশ, আমার কিছু অমত নাই, তবে খুব সাবধানে কাজ করিস্। যাকুব অনর্থক ভয় পায়—কলেরা ছোঁয়াচে নহে।” প্রাণক্লম্ব বাবুর কণায় একটা বিশ্বাস ও নির্ভীকতা ফুটিয়া উঠিতেছিল।

সমিতির নিয়ম অনুসারে সুধীর প্রথম প্রথম রোগের প্রথমাবস্থায় সেবা করিতে বাইত, তাহার পর সে ক্রমে ক্রমে সম্পাদক মহাশয়ের নির্দেশ অনুযায়ী কঠিন অবস্থাতেও বাইতে আরম্ভ করিল। সেবাকার্য্যে সুধীরের তৎপরতা অতুলনীয় ছিল; রোগগ্রস্তকে একটু আরামে রাখিবার জন্ত তাহার প্রাণপণ যত্ন ও আগ্রহ অপর সেবকগণের আদর্শ হইয়া উঠিল। কত রোগীর শিয়রে বসিয়া সে বিনিদ্র রজনী কাটাইয়া দিয়াছে! প্রভাতের সঙ্গে সঙ্গে যে দিন সুধীর দেখিত, রোগীর মুখে শান্তি ও আরামের চিহ্ন ধীরে ধীরে

কুটিয়া উঠিয়াছে, সে দিন তাহার অন্তর তৃপ্ত হইয়া উঠিত,—তাহার প্রসন্ন অন্তরে দেবতার আশীর্বাদী যেন সেদিন নিতান্ত সুস্পষ্ট হইয়া বাজিয়া উঠিত।—আর আত্মীয়গণের করুণ ক্রন্দনরোলের মধ্যে যে দিন রোগান্তর অবিনশ্বর আত্মা মৃত্যুর চির-রহস্যময়-রাজ্যে প্রবেশ করিত, সে দিন তাহার নয়নযুগল অশ্রুতে আশ্রুত হইয়া উঠিত।

(৩)

সুধীর এফ, এ, পাশ করিল; বিশ্ববিদ্যালয় ছেলের মুখের দিকে চাহে না; বাঙ্গালীর ছেলের মাথাপও বুঝি বড় একটা চাহেন না। ভদ্রলোকের ছেলের পরীক্ষায় পাশ করা দরকার; সুধীরও প্রশংসার সহিত পাশ করিল।

মা কমলা চাহিয়া দেখিলেন, সুধীর পাশ করিয়াছে বটে; কিন্তু তাহার স্বাস্থ্যের কতকটা অবনতি হইয়াছে।

উষা পিতার কাছে ‘আবদার’ করিল, “বাবা, দাদার বে’ দাও—আমার সইয়ের সঙ্গে”—

সই,—সুহাসিনী, শরৎ বাবুর কথা।

বাবা হাসিলেন। মা চুপ করিয়া রহিলেন।—কারণ, উষার কথাটা তাহার ভাল লাগিয়াছিল। তাহার মৌনাবস্থা অসুখোদনসূচক। সুহাসিনী মেয়ে ভাল, তিন দিনের পরিচয়েও সে বিষয়ে কাহারও সন্দেহ ছিল না।

প্রাণকৃষ্ণ বাবু আর একটু হাসিলেন; সেটুকু পত্নীর মৌনভাব লক্ষ্য করিয়া। তিনি বলিলেন, “সুধীরের শরীরটা একটু খারাপ দেখছি, একবার পশ্চিম বেড়িয়ে আসুক;—কালই যাবে, বন্দোবস্ত করেছি।”

অন্তভাবে উষা বলিল,—“বাবা, আমার কথাটার উত্তর?”

যেন দাদার বিবাহ সরিয়া গেল, ভাবটা এমনই।

“দিচ্ছি;—দাওতো টেবিলের উপর থেকে একটা চিঠির কাগজ, আর পেনটা”—প্রাণকৃষ্ণের ওষ্ঠাধর হাস্যরঞ্জিত করিয়া উঠিতেছিল।

কমলা বুঝিলেন চিঠির কাগজে কি হইবে। উষা উৎসুক দৃষ্টিতে মার ও বাবার মুখে চাহিয়া ভাবিল “ব্যাপার কি?”—

প্রায় দশ মিনিট কাল প্রাণকৃষ্ণ বাবু কি লিখিলেন; তার পর চিঠিখানা উষার হাতে দিয়া কহিলেন, “এই নে তোরা উত্তর।”

উষা চিঠি পড়িল; আনন্দে তাহার সুন্দর মুখখানি রঞ্জিত হইয়া উঠিল।

“বাবা, এই আমি তোমার ‘আশীর্বাদ’ কচ্ছি”—প্রাণকৃষ্ণ বাবু ও কমলা হাসিয়া উঠিলেন ।

“না বাবা ‘প্রণাম’ কচ্ছি”—পিতার পায়ের কাছে ‘টিপ’ করিয়া এক প্রণাম করিয়া উবা ছুটিয়া বাহির হইয়া গেল । ভুলের লজ্জা ও প্রার্থিত-লাভের আনন্দ তাহাকে চঞ্চল, অস্থির করিয়া তুলিয়াছিল ।

“পাগলি মা আমার”—প্রাণকৃষ্ণ বাবু হাসিতে হাসিতে কহিলেন ।

কমলা সব বুঝিয়াছিলেন, তবু জিজ্ঞাসা করিলেন—“কি গা !”

“এই শরৎ বাবুর কাছে তাঁর মেয়েটির জ্ঞাত প্রস্তাব করে পাঠালুম—হ’ল ত ? এখন বোধ হয় রেতে নিশ্চিত হয়ে যুঝতে দেবে ?”

কমলা হাসিলেন । প্রফুল্ল পঙ্কজের উপর প্রথম সূর্য্যরশ্মিপাতের স্তায় সে হাসিটুকু বড় উজ্জ্বল—বড় মধুর ।

পক্ষীর তৃপ্তি দেখিয়া প্রাণকৃষ্ণ বাবু তৃপ্ত হইলেন ।

(৪)

বধাসময়ে সূর্য্যর পশ্চিমে চলিয়া গেল । স্বাস্থ্যলাভের সঙ্গে সঙ্গে বাহ্যতে সূর্য্যর দেশলমণদ্বারা অভিজ্ঞতা লাভ করিতে পারে, প্রাণকৃষ্ণ বাবুর সে ইচ্ছা ছিল, এবং তদনুযায়ী বন্দোবস্তও তিনি করিয়া দিয়াছিলেন । সূর্য্যর এক স্থানে বসিয়া রহিল না, পশ্চিমের নানা স্বাস্থ্যকর স্থানে ঘুরিয়া বেড়াইতে লাগিল ।

কয়েক দিন পরে শরৎ বাবুর নিকট হইতে পত্রের উত্তর আসিল । শরৎ বাবু এই বিবাহ-প্রস্তাবে বেন অসুগৃহীত হইয়াছেন, এমনই কৃতজ্ঞতার সহিত পত্রখানি লিখিয়াছেন ।

“জানি আমি শরৎ বাবুকে, এমন উদারপ্রকৃতির লোক ছুটি দেখিনি ; দেখেছি চিঠি ?”—প্রাণকৃষ্ণ হাসিয়া চিঠিখানি পক্ষী কমলার হাতে দিলেন ।

কমলা চিঠি পড়িলেন ; উবা পিতার পশ্চাৎ হইতে ঝুঁকিয়া পড়িয়া পূর্বেই চিঠি পড়িয়াছিল ; এখন বলিল—“তবে এই মাসেই দাদার বে’ দাও”—

প্রাণকৃষ্ণ বাবু হাসিলেন, কহিলেন, “সে বটে—কিন্তু তার যে এক বাধা রয়েছে ; ছবার তো আর খরচ করে পেরে উঠবো না—একেবারেই—”

কমলার চক্ষু দুইটি প্রসন্নতাপূর্ণ হইয়া হাসিতেছিল । উবা কথাটা বুঝিল, কি বলিবে ‘দিশা’ না পাইয়া সে বলিয়া উঠিল, “বাবা, তোমার মাথার সামনে ক’ গাছি চুল পেকেছে দেখছি—তুলে দিই ?”

অনুমতির অপেক্ষা না করিয়াই উবা পাকা চুল তুলিবার জন্য প্রস্তুত হইয়া পিতার দিকে অগ্রসর হইয়া গেল।

(৫)

মানুষ কলনাই করিতে পারে, কিন্তু সে কলনাকে সার্থকতা দিবার ভার ভগবানের হাতে !

কোন অলক্ষ্যে বসিয়া নিষ্ঠুর অদৃষ্ট একটু হাসিয়াছিল, তাহা আর উভয় পক্ষের কেহই জানিতেন না। বিবাহের প্রণীত স্থির করিয়া ফেলিবার জন্য উভয় পক্ষই ধীরে ধীরে অগ্রসর হইতেছিলেন। ইহা আর এখন এক প্রকার কাহারও অবিদিত ছিল না যে, সুধীরের সঙ্গে সুহাসিনীর বিবাহ এক প্রকার স্থিরই হইয়া গিয়াছে। তবু আজ কাল করিয়া পুরা ছুই বৎসর কাটিয়া গেল, আর সুহাসিনী চতুর্দশ বৎসর পার হইয়া পঞ্চদশবর্ষে পদার্পণ করিল। যাহাকে নীচ গুণকার্য সম্পন্ন হইয়া যায় উভয় পক্ষেই এমন বন্দোবস্ত চলিতে লাগিল। আর বিলম্ব করা চলে ন'। কিন্তু এমন সময়ে দেবতার বজ্রের মত আকস্মিক ও নিষ্ঠুর এক বিপদপাত হইল ! ইহা সে বিপদ এতই অপ্রত্যাশিত যে, উভয় পক্ষীয় আত্মীয়গণই একান্ত হতবুদ্ধি হইয়া পড়িলেন।

সেদিন অপরাহ্নে কাছারী হইতে ফিরিয়া আসিয়া প্রাণকৃষ্ণ বাবু বারাণ্ডায় বসিয়া হাতবুধ ধুইতেছিলেন ; হঠাৎ তাঁহার বকের স্পন্দন দ্রুত হইয়া উঠিল ; বুধে চক্ষুতে এক 'অস্বাভাবিক' জ্যোতিঃ ও ক্রান্তির ভাব ফুটিয়া উঠিল। প্রাণকৃষ্ণ পার্শ্ববাসিনী পত্নী কমলাকে সঙ্কেত করিলেন ; কমলা স্বামীর অবসর দেহ জড়াইয়া ধরিয়া চীৎকার করিয়া উঠিলেন।

প্রাণকৃষ্ণ বাবু সাধনী পত্নীর ক্রোড়ে মস্তক রাখিয়া সেই বারাণ্ডায়ই শুইয়া পড়িলেন। উবা মাতার চীৎকার শুনিয়া দৌড়াইয়া আসিয়াছিল ; পিতার অবস্থা দেখিয়া জল ও পাখা লইয়া আসিল। কিন্তু জলসেক ও পাখার বাতাস ব্যর্থ হইল। প্রায় পনের মিনিট পরে অমূল্য ডাক্তার আসিয়া রোগীর দেহ পরীক্ষা করিলেন—আপন মনে অসুস্থ হয়ে বলিয়া উঠিলেন, "Eh—past hope !" —কমলার যুগ্মিত মেহলতা স্বামীর শয্যাপার্শ্বে লুপ্তিত হইয়া পড়িল।

সন্ধ্যার ধূসর ছায়া যখন ধরণীর উজ্জল শোভা গ্রান করিয়া দিতেছিল, তখন প্রাণকৃষ্ণ বাবু মহাপ্রস্থান করিলেন।

(৬)

গ্রামের বাড়ীতেই শুদ্ধিকার্য্যাদি সম্পন্ন হইয়া গেল ।

পিতার মৃত্যুকালে সুধীর কাছে ছিল না, এই ক্ষোভ তাহার হৃদয়ে তীক্ষ্ণ শেলের মত বিদ্ধ হইয়া রহিল । পল্লীর শাস্ত্র মধ্যাহ্নে যখন সুধীর জননী কমলার ক্রোড়ে মস্তক রাখিয়া অশ্রুমনস্কভাবে দূর আত্মকুঞ্জের শ্রামপল্লব-শোভার দিকে চাহিয়া থাকিত, তখন তাহার চক্ষুর কাছে পিতার স্নেহদীপ্ত মুখখানির স্মৃতি জাগিয়া উঠিত ।—তখন আর অশ্রু কোন মতেই বাধা মানিত না । জননী তাঁহার স্নেহহস্ত পুত্রের ললাটে ধীরে ধীরে বুলাইয়া দিতেন—ঘণ্টার পর ঘণ্টা চলিয়া যাইত ; উভয়ের তীব্র শোক, যে পবিত্র নিম্নকতার সৃষ্টি করিয়া তুলিত—তাহা অপার্বিব । যে শোকে গুঞ্জন নাই, ভাষা নাই, প্রকাশ নাই, সেই শোকই বোধ হয় সর্ব্বাপেক্ষা তীব্র ।

যেদিন উবা কাছে থাকিত, সে দিন সেই বুদ্ধিমতী বালিকা, আবদারে কথায় মা'র ও দাদার শোকের দারুণ নীরবতা ভঙ্গ করিত ।

শোক-প্রবাহ যখন হৃদয়মধ্যে একান্তই উদ্বেল হইয়া উঠে, তখন সামান্য লাভের জন্য বৃকের কাছে একটা কিছু আঁকড়াইয়া ধরিবার আকাজক্ষা স্বভাব প্রবল হইয়া উঠে । কমলার ও সুধীরের স্নেহ উন্মুখভাবে উবাকেই বৃকের কাছে টানিয়া আনিল ; উবা প্রলেপের মত এই দুই শোকদীপ্ত হৃদয়ে লাগিয়া রহিল ।

কিন্তু এই শোকের তীব্র আঘাতে পুনরায় সুধীরের স্বাস্থ্যভঙ্গ হইল । আতপতপ্ত কমলপত্রের মত সুধীর শোকের তীব্র সন্তাপে ক্রমেই শুকাইয়া যাইতেছিল । কমলা অস্থির হইয়া উঠিলেন,—সুধীরকে পুনরায় পশ্চিম প্রদেশে স্বাস্থ্যাস্থেবণে যাইবার জন্য ধরিলেন ;—কিন্তু সুধীর মা'কে রাখিয়া আর কোনও মতে যাইতে স্বীকৃত হইল না । তখন সুধীর মা'কে ও উবাকে লইয়া পশ্চিমে কিছু কাল বাস করিয়া আসিবে, এমনই একটা বন্দোবস্ত হইয়া গেল ।

তাঁহারাকোথায় কিছু অধিক দিন বাস করিবেন, তাহা আর স্থির হইল না ; যে স্থান জননীর ভাল লাগিবে সুধীর সেই স্থানেই কিছু দীর্ঘকাল বাস করিবে, মনে মনে ইহাই স্থির করিয়া রাখিল ।

ত্রাণকৃৎ বাবুর মৃত্যুর পাঁচ মাস পরে সুধীর মাতা ও ভগিনীকে লইয়া পশ্চিম চলিয়া গেল ।

কালীশৌচের জন্ত এক বৎসরের মধ্যে বিবাহকার্য হইতে পারিবে না বলিয়া শরৎ বাবু এই শৌচের সময়ে বিবাহসম্বন্ধে কোনও কথা উল্লেখ করা সম্ভব মনে করেন নাই । তিনি শুধু সাজুনা ও সহানুভূতিসূচক চিঠি লিখিতেন ; সাজুনা প্রদানের জন্ত যে চিঠি লিখা যায়, তাহার প্রত্যেকখানির উত্তর কেহই আশা করে না ; কারণ, শৌচের কাছে ভদ্রতার তুচ্ছ খুঁটী নাটী হিসাবগুলি প্রায়ই লুপ্ত হইয়া যায় । শরৎ বাবু প্রায়ই স্ত্রীর পারিবারিক সংবাদ পাইতেন না ; সুতরাং কবে তাহারা পল্লীগ্রামের বাড়ী হইতে পশ্চিমে যাত্রা করিয়াছে, সে সংবাদ শরৎ বাবু পাইলেন না ।

শরৎ বাবু যখন ছুটি লইয়া পল্লীগ্রামের বাড়ীতে স্ত্রীর সঙ্গে দেখা করিতে আসিলেন, তখন তাহারা তথায় ছিল না । প্রতিবেশী কেহই তাহাদের সঠিক সংবাদ দিতে পারিল না । শরৎ বাবু ফিরিয়া আসিয়া পশ্চিমের নানা স্থানে সংবাদ লইতে চেষ্টা করিয়াও, তাহাদের সম্বন্ধে সঠিক খবর পাইলেন না ।

সুহাসিনী এখন আর ছোটটি নহে । হিন্দুর ঘরের মেয়ে, আর কত দিন রাখা যায় ? শরৎ বাবুর আত্মীয়গণ বলিলেন, “আর মেয়ে রাখা চলে না, স্ত্রীর যখন খোঁজই নাই, তখন সে অপেক্ষায় বসিয়া থাকা সম্ভব নহে । ভাল ছেলে দেখিয়া মেয়ের বিবাহ দিয়া ফেল ।”

শরৎ বাবু প্রথম প্রথম কথাগুলিতে কাণ দিলেন না, কিন্তু যাহারা আত্মীয়তা করিতে দৃঢ়প্রতিজ্ঞ, তাহারা সহজে পরামর্শদানে বিরত হইবেন কেন ?

এমনই করিয়া কিছু দিন কাটিয়া গেল ; শরৎ বাবুর পত্নী চারু আসিয়া বলিলেন, “ও গো মেয়ের দিকে তো আর চাওয়া যায় না । স্ত্রীর আশায় আর কত দিন বসিয়া থাকিবে ? মেয়ের অদৃষ্টে সুখ থাকিলে হইবে ; একটা ঠিক করিয়া ফেল ।”

শরৎ বাবুর কেমন যেন একটা বিশ্বাস ছিল যে, সুহাসিনীর প্রতি স্ত্রীর বোধ হয় একটু আকর্ষণ । সেই পিতৃহীন যুবক, সুহাসিনীর বিবাহ হইয়া গেলে যে আশাভঙ্গজনিত মনস্তাপটুকু পাইবে, তাহা মনে করিয়াও শরৎ বাবু বুকের মধ্যে একটা অস্বচ্ছন্দতা বোধ করিতেছিলেন । কিন্তু স্ত্রীর পক্ষে এই মনস্তাপ ও হতাশার পরিমাণ কতটুকু, তাহা শরৎ বাবু বুঝিতে পারিবেন, এমন আশা আমরা করিতে পারি না ; সুতরাং পত্নীর কাতর নিবেদন ও

আত্মীয়গণের অস্বাচিত পরামর্শ তাঁহার হৃদয়কে ব্যথিত ও ক্রিষ্ট করিয়া তুলিলেও, সাংসারিক হিসাবে তিনি সেগুলিকে অগ্রাহ্য করিতে পারিলেন না ।

পুরুষ পৃথিবীর আকর্ষণী শক্তি আবিষ্কার করিতে পারিয়াছে, বিশ্বের চন্দ্রসূর্য্যগ্রহনক্ষত্রের মধ্যে যে সম্বন্ধ, যে রহস্য লুকায়িত আছে, তাহার একটা কিনারা করিতে চাহিবার স্পর্শও রাখিতে পারে ; কিন্তু এতটুকু বালিকার কোমল হৃদয়ের মধ্যেও যে আকর্ষণ, যে বিশ্ববিপ্লাবী প্রেম গোপন রহিয়াছে, তাহা পুরুষের নিকট চিরদিনই রহস্যাবৃত থাকিয়া যাইবে । শরৎ বাবু ভাবিলেন, সুহাসিনীর হৃদয়ে যদি সূর্য্যের জগৎ এতটুকুও আকর্ষণ থাকিয়া থাকে, তাহা কালক্রমে লুপ্ত হইয়া হইয়া যাইবে । সুতরাং এখন হইতে সুহাসিনীর বিবাহের চেষ্টা ও আয়োজন সবেগেই চলিতে লাগিল ।

আর সুহাসিনী ? হিন্দুকন্য়ার ‘বুক ফাটে তব মুখ ফুটে না’—সুতরাং সে নীরবেই সব সহ করিতেছিল ।

(৫)

“আর কোন তীর্থে যাইবে, মা ?”

“কোথায়ও আর যাইব না, বাবা বিশ্বেশ্বর চরণে স্থান দিন, এখানেই কিছুদিন থাকিয়া যাইব । আর যদি তুই বাড়ী ফিরিতে স্বীকার করিস, চল । কালীও বুঝি আমার বাড়ীর চেয়ে শ্রেষ্ঠ নহে—যদি তুই ফিরিস !”

চক্ষু মুদ্রিত করিয়া সূর্য্যের ডাকিল, “মা !”

মাতা কমলা বুঝিলেন, কোথায় পুত্রের আশ্রয় লাগিয়াছে, —তাঁহার চক্ষু অশ্রুসজল হইয়া উঠিল তিনি বলিলেন,—“কি বাবা ।”

“মা, তুমি যদি বল আমি বাড়ী ফিরিব ; যেখানে তুমি, সেখানেই আমার কালী ।”

কমলা সূর্য্যের মাথায় হাত বুলাইতে বুলাইতে স্নেহকোমল স্বরে কহিলেন, “না বাবা আমি কালীতেই থাকিব, তোর যদি গ্রামে ফিরিতে ইচ্ছা হয়, তাই ও কথা বলিতেছিলাম”—মাতার স্বর গাঢ় হইয়া আসিতেছিল ।

সুহাসিনীর বিবাহ-সংবাদ সূর্য্য ও কমলা পাইয়াছিলেন ।

সূর্য্যের শোকহর্ষল হৃদয়ে এই আশ্রয় তীব্র ভাবেই লাগিয়াছিল ।

মাতার আন্তরিক ইচ্ছা ছিল, গ্রামে ফিরিয়া গিয়া সূর্য্যের বিবাহ দেন, —কিন্তু তিনি স্পষ্ট করিয়া সে কথার উল্লেখ করিতে পারিতেন না । গ্রামে

কিরিবার প্রভাবের অর্থই যে সুধীরের বিবাহে স্বীকার হওয়া, এটা সুধীর বুঝিত ।

কত দিন অকারণ অশ্রু আসিয়া সুধীরের গণ্ডস্থল প্রাণিত করিয়াছে ; মাতার অকস্মাৎ সুধীর বালকের মত ঘণ্টার পর ঘণ্টা কাটাইয়া দিয়াছে ; মাতা কমলা শোকের সে নীরবতা ভঙ্গ করেন নাই । বুক ভাঙ্গিয়া যখন দীর্ঘশ্বাস বাহির হইয়া আসিতে চাহিত, তখন নীরবে সুধীরের মাথায় হাত বুলাইতেন ।

মাতার আশীর্বাদ ও স্নেহ এমনই করিয়া নীরবে পুস্তকে বেষ্টিত করিয়া রাখিয়া, সকল দুঃখ ও কষ্টের অংশ গ্রহণ করিতে চাহিত । হায়, মাতার স্নেহ !

সে দিন অপরাহ্নে মেঘ আকাশ ছাইয়া ফেলিয়াছে ; দিনের আলো নিবিয়া যায় নাই ; তবু এক বিষাদমাধা স্নান আলোকে সমস্ত কালী সহরটি আবৃত হইয়া রহিয়াছে ।

বাহিরের ঘরে বসিয়া সুধীর একটা খবরের কাগজ পড়িতেছিল । সদর দরজা হইতে একটা লোক ডাকিল, “বাবুজি, এ বাবুজি—”

সুধীর বাহিরে আসিয়া দেখিল, টেলিগ্রাফ অফিসের একটা পিয়ন ; হাতে টেলিগ্রামের খাম ।

সুধীর খামখানি গ্রহণ করিয়া দেখিল, তাহার নামেই আসিয়াছে । কে এ টেলিগ্রাম করিল ? কল্পিত হস্তে টেলিগ্রাম খুলিয়া সুধীর পড়িল । মর্ম্ম এই,—

“মা’কে লইয়া তীর্থে আসি, স্ত্রী কলেরায় আক্রান্ত, তুমি নিকটে আছ । লীজ আইস ।

বিজয় ।”

নাম সহি করিয়া দিয়া সুধীর বাড়ীর ভিতরে ছুটিয়া গেল—

পিয়নটা বলিতেছিল—“বাবুজি বক্সিস্,”—তাহার কথা সমাপ্ত হইবার পূর্বেই সে চাহিয়া দেখিল, ‘বাবুজি’ অদৃশ্য হইয়াছেন । “খবর তো জরুরি হায়”—বলিতে বলিতে পিয়ন চলিয়া গেল,—আজি আর সে কিছু পায় নাই—‘সন্ধির’ কটা পরমাণু নহে !

“আমাদের সঙ্গে পড়্ত বিজয়, তাকে তোমার মনে আছে ত, মা !

তার মা ও জ্বীকে নিয়ে সে প্রয়াগে এসেছে, জ্বীর কলেরা, আমাকে যাওয়ার ক্ষমতা তার করেছে,”—সুধীর এক নিশ্বাসে বলিয়া গেল।

“কি সর্ব্বনাশ, তারা ত বিদেশে ভারি বিপদে পড়েছে,—তা, তুই যাচ্ছিস্‌ত ?”—কমলা দেবীর কথার মধ্যে একটা দারুণ উৎকণ্ঠার ভাব ফুটিয়া উঠিতেছিল।

“তা, মা, তুমি বললেই যেতে পারি”—

—“ও মা, তা আর বলব না। এ বিদেশে তা’দের দেখবে কে ?”

কুত্বীদেবী যে বিশ্বাস লইয়া তাঁহার মধ্যম পুত্রকে রাক্ষসের মুখে পাঠাইয়া-
ছিগেন, কমলার পক্ষে অবলম্বন করিবার মত ততটুকু বিশ্বাস ছিল কি ?
তবু কি প্রশান্ত হৃদয়ে তিনি একমাত্র পুত্রকে, রাক্ষসের অপেক্ষাও নির্দম
ও ভীষণ এক অদৃশ্য দানবের সহিত সংগ্রাম করিতে বাইবার অল্পমতি
প্রদান করিলেন ! তাঁহার মাতৃহৃদয় সুধীরের সহপাঠীর বিপদ সংবাদে
ব্যগ্র ও প্রতীকারপরায়ণ হইয়া উঠিল। রমণীর এ মূর্ত্তি, জগদ্ধাত্রী মূর্ত্তি।
ইহার তুলনা অসম্ভব।

যথা সময়ে মাতার আশীর্বাদরূপ অক্ষয় কবচে আবৃত হইয়া সুধীর
তাঁহার সংগ্রামক্ষেত্রের উদ্দেশে যাত্রা করিল।

(৮)

প্রয়াগে আসিয়া বিজয়ের বাসা খুঁজিয়া লইতে সুধীরের প্রায় রাতি
দশটা বাজিল।

“বড় বিপদে পড়েছি, সুধীর,—মা’রও বোধ হয় কলেরা হয়েছে।”—
ঘরের বাহিরে আসিয়া সুধীরের হাত ধরিয়া বিজয় কহিল।

“তোমার জ্বীর অবস্থা কিরূপ, বিজয় ?”—সুধীরের স্বর সহাস্রভূতিপরিপূর্ণ।

“এখনও বেঁচে আছে,—তবে বোধ হয়, শেষ অবস্থা। আমি মা’র কাছে
বাই ; তুমি তা’র কাছে যাও। সন্ধ্যা ক’রোনা সুধীর, শুধু তুমি আর
আমি ! দেখ, যদি রক্ষা কর্ত্তে পার। এমন বিপদে আর আমি পড়িনি !”

“কলেজে পড়বার সময় ‘Little Brothers of the Poor’ সভ্য হয়ে
যে শিক্ষাটা হয়েছিল এবার দেখছি তা’ কাজে লেগে গেল।”

সুধীর চির দিনই একটু লাজুক প্রকৃতির : কিছু সেবাকার্য্যে যখন
সে ব্রতী হইত, তখন তাহার সমস্ত সন্ধ্যা ও বিধা কোণায় চলিয়া বাইত ;
রোগীর অবস্থার জটিলতার সঙ্গে সঙ্গে সুধীরের উৎসাহ বাড়িয়া চলিত।

কলেজে থাকিতে বিজয় ও সুধীর কত কলেজা রোগীরশয্যাপার্শ্বে কত বিনিম্র রজনী কাটাইয়া দিয়াছে ; তখন তাহারা স্বপ্নেও মনে করে নাই যে, কলেজের বাহিরেও এমন একটা দিন তাহাদের জীবনে আসিবে, যে দিন সুদূর প্রবাসক্ষেত্রে তাহাদেরই আপন জনের সেবার তাহাদের হই সতীর্থকে এমন ভাবে মিলিত হইতে হইবে।

সুধীর ঘরে প্রবেশ করিয়াই দেখিল, একখানি ছোট চৌকির উপর ঔষধের শিশিগুলি সাজান রহিয়াছে। পার্শ্বে কয়েকটা কাচের বাটীর মধ্যে প্লেট্‌ দিয়া ঢাকা, কিছু লেবু, বেদানা ইত্যাদি। আর একখানি কাগজে কখন কোন্ ঔষধ খাওয়ান হইয়াছে এবং খাওয়াইতে হইবে, তাহারই একটা ‘চাট’ লিখিত রহিয়াছে। একবার দৃষ্টিপাত করিয়াই সুধীর বুঝিল, সবই ঠিক আছে ; বিজয় “সেবা সমিতির” সেবাপ্রণালীর এতটুকুও ভুলিয়া যায় নাই !

সেই অতীত দিনের মত আজ আবার সুধীর সেবা করিতে পাইবে, ইহা মনে করিয়া, তাহার প্রাণে তেমনই উৎসাহ জাগিয়া উঠিল।

একটা ওয়ালল্যাম্পের মৃদু আলোকে গৃহটি অনুজ্জল ভাবে আলোকিত ছিল,—সুধীর আলোক উজ্জল করিয়া দিয়া, রোগিণীর শয্যাপার্শ্বে ভ্রমত জাল হইয়া উপবেশন করিল ; নাড়ী দেখিবার জন্য রোগিণীর হাতখানি তুলিয়া লইল। সে হস্ত নীতল দেখিয়া সুধীর সেকের বন্দোবস্ত করিবার জন্য উঠিল।

অম্পট ক্ষীণকণ্ঠে “প্রাণ যায়—মা গো—জল”—বলিয়া রোগিণী একবার মস্তক চালনা করিল।—তখন তাহার অবগুষ্ঠনমুক্ত মুখখানির উপর সুধীরের দৃষ্টি পড়িল ; একটা অক্ষুট বিষমস্বচক শব্দ তাহার মুখ দিয়া বাহির হইয়া গেল।

এ যে সুহাসিনী !

কিন্তু তখন ত আর তাহার বিষয় প্রকাশের অবসর নাই।

আপনাকে সংযত, স্থির করিবার জন্য যে শক্তিটুকু সে তাহার দীর্ঘ হৃদয়ের উপর প্রয়োগ করিল, সেই শক্তিই তাহাকে যেন মুর্ছাতুর করিয়া তুলিতেছিল।

তাহার পদতল হইতে যেন হৃদয়তল সরিয়া বাইতেছিল ; সে একটা আলস্যের কাঠ ধরিয়া দাঁড়াইল। হায়, কি সংগ্রাম তাহার বুকের মধ্যে

এই এক দুর্ভুতকাল চলিয়াছিল, কে তাহা বুঝিবে? বিশ্বের ঠাকুর কি মানুষের এই দুর্বলতাটুকু ক্ষমা করিবেন?

“জল,”—আবার রোগিণীর মুহু অস্পষ্ট কণ্ঠধ্বনি শুনা গেল।

সুধীর চমকিয়া উঠিল; অনুতাপ ও লজ্জা আসিয়া যেন তাহাকে কশাঘাত করিল। বজ্রপত্নী,—এবং বজ্র বিশ্বাস করিয়া, এতটুকু দ্বিধা, এতটুকু সন্দেহ না করিয়া তাহার উপর মৃত্যুপথযাত্রিণী পত্নীর শুশ্রূষা ভার অর্পণ করিয়াছেন,—ইহাই কি তাহার পক্ষে যথেষ্ট নহে? বড় একটা গরু, একটা সংবত আত্মবোধ তাহার প্রাণের মধ্যে জাগিয়া উঠিল। আজ তাহাকে এ সংগ্রামে, এ পরীক্ষায় জয়লাভ করিতেই হইবে।

একটু লেবুর রস করিয়া সে রোগিণীর মুখের নিকটে লইল—রোগিণী প্রায় সংজ্ঞাহীন; কি বলিয়া সে ডাকিবে?

সুধীর দস্তে আপনার ওষ্ঠ চাপিয়া একবার উপরের দিকে চাহিল—তাহার পর হৃদয়ের সমস্ত বল একত্রিত করিয়া বলিল—“খাও ত লক্ষ্মী দ্বিদিটি আমার।”

ঐ একটি আহ্বানেই যেন তাহার সমস্ত দুর্বলতা কাটিয়া গেল;—তখন সে সহজ শান্তভাবে নিশ্বাস ফেলিবার অধিকার পাইয়া, যেন একটি পরম নিশ্চিন্ততা অনুভব করিল।

সুধীর যখন লেবুর রসটুকু সুহাসিনীর মুখে ঢালিয়া দিতেছিল, তখন সে একবার সুধীরের মুখের দিকে চাহিল; দেখিল, স্বামী নহে—আর কেহ,—কে সে?

সেই আধ জাগরণ, আধ তন্দ্রার মধ্যে, সেই জীবন ও মৃত্যুর সন্ধিস্থলে দাঁড়াইয়াও সুহাসিনী চিনিল, সে কে।

সে যে সুধীরকে চিনিতে পারিল, সে অপরাধ তাহার নহে। তাহার দীর্ঘ নারীহৃদয়ের অন্তরালে, যে মূর্তিখানি সে বিশ্বস্তির নিম্নে সবলে চাপিয়া রাখিতে চাহিয়াছিল, আজ সেই মূর্তি, তাহাকে দুর্বল পাইয়া, বিশ্বস্তির স্তূপে ঠেলিয়া, বাহির—হইয়া আসিয়াছে কি? সে শুনিয়াছে, বিকারের মোহে মানুষ নানা প্রকার মূর্তি দেখে, স্বপ্ন দেখে; তবে কি সে স্বপ্ন দেখিতেছে?

তন্দ্রার ঘোরে তাহার চিন্তার শৃঙ্খলা ভাঙ্গিয়া যাইতেছিল; তবু সে বুঝিতেছিল, স্বামীর হস্ত হইতেও সেবানিপুণ দুইখানি হস্ত তাহার শুশ্রূষায় প্রাণপণে নিযুক্ত রহিয়াছে।

দুইবার সে নিবেধ করিবে মনে করিয়াছিল; কিন্তু তখনই রোগ-
বাতনার আকুলতায় সে ভুলিয়া গিয়াছে, কি বলিবে।

শুধু পিপাসা;—আর সেই পিপাসার শাস্তির জন্ত জল—একটু জল!
—ইহা ব্যতীত তাহার মুখ দিয়া আর কোন কথাই বাহির হইল না!

শেষ রাত্রিতে স্নানসিনীর অবস্থা একটু ভাল দেখা গেল। বিজয়
মুহুর্তের আসিয়া রোগিণীর শয্যাপার্শ্বে দাঁড়াইল, ডাকিল, “সুধীর!”

সুধীর তখন একটা কেটলিতে সেক্ দিবার জন্ত জল গরম করিতেছিল—
কিরিয়া উত্তর দিল—“কি, বিজয়?”—তাহার পর ইঙ্গিতে জিজ্ঞাসা করিল
“মা’র অবস্থা কেমন?”

“বুঝিতে পারিতেছি না, একবার যাইও।”—পীড়িতার কাণে কথা
না যায় এমনই মুহুর্তের বিজয় কথা কহিল।

স্নানসিনীর জ্ঞানসঞ্চার হইতেছিল; স্বামীর অস্পষ্ট কথার স্বর তাহার
কাণে গেল। সংজ্ঞালুপ্তির আবেশ তখনও তাহার দৃষ্টিতে পূর্ণভাবে
বর্তমান।

এই স্বামী—কি প্রেমময় তাঁহার হৃদয়! বিবাহিত জীবনের এই
বৎসরাধিক কাল সে তাঁহাকে তাঁহার আদর ও যত্নের এতটুকুও প্রতিদান
করে নাই! স্বামী যখন হৃদয়ের পূর্ণ আবেগ লইয়া তাহার কাছে আসিয়া
ডাকিয়াছেন, তখন সে কতবার কাষের ‘অছিলা’ করিয়া চলিয়া গিয়াছে।
হায়, কেন সে গিয়াছে? সে নিজেই তাহা ভাল করিয়া বুঝিতে পারে
নাই।

স্বামীর হৃদয়ের পরিপূর্ণতা তাহাকে একান্ত ভাবে কুণ্ঠিতই করিয়া
ভুলিয়াছে—তাহার হৃদয়ের দৈন্ত আরও অস্পষ্টভাবে কুটিয়া উঠিয়াছে।
সে যে অকপট চিন্তে স্বামীকে সবটুকু দিতে পারে নাই! কেন পারে নাই,
কোথায় তাহার বাধা, তাহা ত বলিবার নহে!

জীবন ও মরণের সন্ধি স্থলে দাঁড়াইয়া আজ তাহার দুর্বল হৃদয় আরও
কাতর হইয়া উঠিল; সুধীর কাছে আছে, আজই স্বামীকে সবটুকু দান
করিবার উপযুক্ত মুহুর্ত আসিয়াছে,—ইহার পরেই হয় ত পৃথিবীর সঙ্গে
তাহার সব সম্বন্ধ শেষ হইয়া যাইবে; তাহা হইলে এ জীবনে ত আর
স্বামীকে সবটুকু দেওয়া হইল না!

স্নানসিনী একবার সুধীরের মুখের দিকে চাহিল; ক্লান্তির আবেগে

তাহার চক্ষুর গাভা ডাকিয়া আসিতেছিল, তবু সে আবার স্বামীর মুখে দৃষ্টি স্থির করিল । পিপাসার তাহার কণ্ঠ শুকু হইয়া আসিল ।

ঘরের আলোটা যেন নিভিয়া গিয়াছে ; এমনই ভাবে একটা কালো ছায়া তাহার চক্ষুর উপর নাচিয়া উঠিল ।—এই বুঝি মৃত্যু ।—

ওগো, তাই কি ? তবে ত আর অবসর হইল না ।—সুহাসিনী প্রাণপণ করিয়া ডাকিল—“বড় পিপাসা, একটু জল দিম্ দাদা ।”—

তাহার অন্তরে কি সংগ্রাম চলিতেছিল, তাহা কি কেহ বুঝিয়াছে ? তখন তাহার জন্মের মোহ আবার তাহাকে চাপিয়া ধরিল ।

চমকিত সুধীর শয্যার পার্শ্বে সরিয়া আসিল ; তাহার চরণ, টলিতেছিল—মাথা ঘুরিতেছিল ; সে শয্যাপার্শ্বে বসিয়া,—বলিল, “এই জলটুকু খাও, লক্ষ্মী, দিদি আমার,”—

সুধীরের দেওয়া জল এবার সুহাসিনীকে তৃপ্ত করিল,—তাহার নিশ্বাস সহজ হইয়া আসিল ; তাহার মুখে চক্ষুতে একটা আরামের ভাব ফুটিয়া উঠিল ।

বিজয় কহিল “সুধীর, ও ঘরে একবার মা’কে দেখতে যেও”—তার পর সেই দেবপ্রকৃতি যুবক মাতার সেবার জন্ত পার্শ্বের কক্ষে চলিয়া গেল ।

সুধীর ও সুহাসিনীর হৃদয়ের উপর দিয়া যে একটা প্রলয়ঙ্কর ঝটিকা বহিয়া গিয়াছে বিজয় তাহার কিছুই জানিল না ;

প্রবল ঝটিকান্তে পৃথিবী যেমন শাস্ত, স্থির হইয়া নবোদিত সূর্য্যকে অভিনন্দন করিতে থাকে, সুধীর ও সেদিনকার প্রভাতকে তেমনই করিয়া অভিনন্দন করিল । আজ তাহার হৃদয় শান্ত, স্থির, সজ্জময় ।

(৯)

চার দিন পরে সুধীর বারাণসী ধামে ফিরিয়া আসিয়া জননীর চরণে প্রণাম করিল, কহিল, “মা বাড়ী চল ।”—

জননী কমলা মনে মনে বিবেচনের নাম জপ করিলেন—তবে কি অনাদিনাথ তাঁহার প্রার্থনার কর্ণপাত করিয়াছেন ?

জননী বলিলেন “বাবা, সুধীর”—বাড়ী কি আমার বারাণসী হবে ?”—

“তা’ ভূমি জান, মা । আমার মা যেখানে, সেখানেই আমার বারাণসী”—বলিয়া সুধীর একটু হাসিল ।

“আর আমার মা,—জননীর তৃপ্ত কণ্ঠের বাণী শেষ হইবার পূর্বেই উবা কোথা’ হইতে ছুটিয়া আসিয়া কহিল “দাদা, বিজয় বাবুর স্ত্রী কেমন ?”

“আরাম হয়েছে,—সে যে সুহাসিনী, উবা,”—সুধীর একটু হাসিল ।

উবা ও কমলা দেবী চমকিতা হইয়া উঠিলেন;—জননী আর একবার পুত্রের মুখের দিকে চাহিলেন, দেখিলেন, সে মুখ নির্মল, প্রশান্ত, পরিমায় হস্তদীপ্তিতে প্রোজ্জ্বল হইয়া উঠিয়াছে ।

শ্রীযতীন্দ্রমোহন সেন ওপ্ত ।

চীনের ভারত আক্রমণ ।

— :: —

অনেকেই হয়ত প্রাচীন ভারতে দারিয়সের, আলেকজেন্ডার, হুন, শক প্রভৃতি সিদ্ধ পরপার্শ্বস্থিত বৈদেশিকের আক্রমণ বিবরণ ও তাঁহাদের আধিপত্য বিস্তারের কথা শ্রবণ করিয়া থাকিবেন, কিন্তু চীন দেশীয়গণ যে এক সময় হিমাঙ্গি অতিক্রম করতঃ ভারতে আধিপত্য বিস্তার করিয়াছিলেন একথা সৰ্ব্বজনবিদিত নহে ।

জনৈক ঐতিহাসিক লিখিয়াছেন,—“There's Reason to think that the Chinese who doubtless had been formerly Master of Industan had left some Pieces of which it's impossible to discover the Antiquity.” *

কিন্তু এতৎসম্বন্ধে অল্প সমস্ত ঐতিহাসিকই প্রায় নীরব । অনেকে বলেন, ভারতের সহিত চীনের এককালে বাণিজ্যাদি চলিত এবং এই দুইটী মহারাজ্যের অধিবাসীরা “হিমালয়গিরি হিমগিরির দ্বন্দ্বযুদ্ধ করিয়া” পরস্পরের দেশে গমনাগমন করিতেন । এমন কি আসামের আবিষ্কৃত বারুদ চীনে যাইয়া তাঁহাদের আবিষ্কৃত বলিয়া পরিচিত হইয়াছে ।*

চীনের রাজধানী পিকিন নগরে রাজপরিবারের সমাধি প্রাসাদের তোরণে একটা মন্দির মূর্তি বহু শতাব্দী হইতে বিরাজিত দেখা যায় । প্রবাদ আছে, “ভারতের “অজুন” নামক নরপতি চীন সম্রাটের সামন্ত-নৃপগণ মধ্যে অগ্র-গণ্য ছিলেন । তাহারই স্মৃতি ও সন্মানের নিমিত্ত এই মূর্তি প্রতিষ্ঠিত ।”

ডাক্তার বুশেল ১৮৮২ খ্রিষ্টাব্দে চীন দেশে “তাং” বংশের দুইখানি প্রাচীন ইতিহাস পাঠ করিয়া দেখেন যে, ঐ দুইখানি গ্রন্থেই চীন সেনাপতির দ্বারা ভারত আক্রমণের বিষয়ের উল্লেখ আছে । ১৮৯৬ খ্রিষ্টাব্দে অধ্যাপক

* See Manouchi's General History of the Mogol Empire. (Bangabasi Edition P. 136.)

† See Tavernier's Travel in India, (Bangabasi Edition. Book III. P. 453.)

রেন্ডিনস্ বোধগয়া ও তন্নিকটবর্তী স্থানে কয়েকটি প্রাচীন তাম্র লিপি প্রাপ্ত হইলেন ও ঐ সকল তাম্রলিপি পাঠে জানিতে পারেন যে, বহু শতাব্দী পূর্বে একজন চীন সেনাপতি ভারত আক্রমণ করেন । ঐ সকল তাম্রলিপি তাঁহার দ্বারাই লিখিত ।

কর্ণেল ইয়ং হাসব্যাণ্ড যখন তিব্বতে অভিযান করেন, সেই সময় তাঁহার সহিত ডাক্তার ওয়াডেল গমন করেন । তিনি লাসাতে কতকগুলি প্রাচীন গ্রন্থপাঠ করিয়া অবগত হইলেন যে, চীন ভারত আক্রমণ করে এবং তিব্বতীয় ও নেপালী সৈন্তের সহায়তায় সেই আক্রমণ সফল হইয়াছিল । ডাক্তার ওয়াডেল এই আক্রমণের একটি বিবরণ Asiatic Quaterly Reviewতে প্রকাশিত করেন ।

পূর্ব লিখিত সন্ধানকারীদিগের ও আধুনিক ঐতিহাসিকবর্গের বাক্য একত্রিত করিলে আমরা নিম্নলিখিত বিবরণ প্রাপ্ত হই ।

সম্রাট হর্ষের সময় চীনের সহিত ভারতের সখ্যতা ছিল এবং তজ্জন্তই চীন ও ভারতের মধ্যে গতায়ত চলিত । সম্রাট হর্ষবর্দ্ধন একবার চীন সম্রাট সমীপে কোন ব্রাহ্মণকে দূতরূপে প্রেরণ করেন । এই ব্রাহ্মণ ৬৪৩ খ্রীষ্টাব্দে চীন সম্রাট প্রেরিত দূত সহ সম্রাট হর্ষের পত্রের উত্তর লইয়া আগমন করেন । এই চীন দূত ভারতে বহুকাল যাপন করিয়া ৬৪৫ খ্রীষ্টাব্দে চীনে প্রত্যাগমন করেন । পরবর্তী বৎসরে ওয়াং-হিয়েল-শি চীন-সম্রাট প্রেরিত হইয়া ৩০ জন অশ্বারোহী সহ ভারতের সম্রাট হর্ষের উদ্দেশে যাত্রা করেন । তিনি মগধে আসিতে না আসিতেই সম্রাট ইহলোক পরিত্যাগ করিলেন (৬৪৮ খ্রীঃ) । তাঁহার রাজ্যের অবস্থা তখন অতি ভীষণ । চারিদিকেই প্রবলের হুকুম, চারিদিকেই দুর্বলের আর্তনাদ ।

অর্জুন নামে হর্ষবর্দ্ধনের একজন মন্ত্রী অবিলম্বে প্রভুর সিংহাসন অধিকার করিলেন । যখন চীন দূত রাজধানীতে উপস্থিত হইলেন তখন অর্জুন তাঁহাদিগকে শত্রুবৎ গ্রহণ করিলেন । ওয়াং-হিয়েল-শির শরীর রক্ষকবর্গ নিহত হইল ও তাহাদের বাহিত ধনাদি লুণ্ঠিত হইল । তিনি কতিপয় সহযোগী সহ সৌভাগ্য ক্রমে রাত্রিযোগে নেপালে পলায়ন করিলেন ।

ক্রমে এই সংবাদ তিব্বত রাজের গোচর হইল । তিব্বত রাজ শ্রোং-সান-গ্যাম্পো চীনরাজ জামাতা ছিলেন । তিনি চীনরাজ দূতকে উদ্ধার করিলেন ও প্রতিশোধ লইবার জন্য তাঁহাকে এক সহস্র অশ্বারোহী প্রদান

করিলেন। নেপাল রাজদূত ও তাঁহাকে সপ্ত সহস্র সৈন্য দান করিলেন। এই সৈন্য লইয়া চীনরাজ দূত ওয়াং-হিয়েন-শি ভারতের রত্নমঞ্চে অবতীর্ণ হইলেন ও তিন দিবস বাবং ভীরহত (ভীরভক্তি) অবরোধ করিলেন। তথাকার দুর্গের তিন সহস্র রক্ষী মৃত্যু মুখে পতিত হইল এবং দশ সহস্র লোক গণ্ডকনদ সলিলে লুপ্ত হইল। অর্জুন পলায়ন করিলেন এবং পুনরায় নূতন সৈন্য সংগ্রহ করতঃ যুদ্ধ ঘোষণা করিলেন। এবারও হিন্দু সৈন্য পরাজিত হইল এবং ষাটশ সহস্র রাজপুরবাসী বন্দী হইয়া চীনে নীত হইলেন। কিন্তু চীনরাজ দয়া পরবশ হইয়া অর্জুনকে পুনঃ স্বপদে প্রতিষ্ঠিত করিলেন। অর্জুনও আপনাকে চীন সম্রাটের অধীন সামন্ত বলিয়া স্বীকার করিলেন।*

এই অর্জুনকে চীন ভাষায় “অ-লো-না-সোয়েন” বা “ওলো-না-সোয়েন” বলিত †

চৈনিক ঐতিহাসিক বর্ণা বলেন,—“এই যুদ্ধ সৰ্ব্ব ভারতবর্ষ প্রকম্পিত হইয়াছিল।

এই যুদ্ধে ৫৮০টি সুরক্ষিত প্রাচীর বেষ্টিত নগর শত্রুগণের হস্তগত হইয়াছিল, আসাম ও পূর্বভারতের (কামরূপ) রাজা চীন রাজদূতকে কর প্রদান করিয়া আশ্রয়লাভ করেন।

ডাক্তার ওয়াডেল বলেন যে, প্রকৃত প্রস্তাবে চীন রাজ দূতই মগধ সাম্রাজ্য ধ্বংস করেন। যদি চীনসেনার হস্তে মগধ ধ্বংস না হইত, তাহা হইলে আজ ভারতের অবস্থা হয়ত অন্তরূপ হইত। অর্জুন যদি চীনরাজদূতের লাঞ্ছনা না করিতেন তাহা হইলে বিক্রমাদিত্য সমুদ্রগুপ্তের ও হর্ষবর্ধন শিলাদিত্যের সিংহাসনে মোগল বাদসাহগণ উপবেশন করিতে পারিতেন না।

এই চীন অভিযানের পূর্বেও ভারতে আর একবার চৈনিক আক্রমণ হয়।

৯০—১০০ খ্রীঃ মধ্যে চীনে “উইচি” নামক একজন ভূবন বিজয়ী নরপতি ছিলেন। তিনি উত্তর পশ্চিম ভারত হইতে কাশী পর্য্যন্ত ভারতে রাজ্য বিস্তৃত করেন।

* See Vincent A. Smith's *Early History of India*.

† I bid P. 302.

এই ভারত আক্রমণের বিষয় সুপ্রসিদ্ধ ঐতিহাসিক ভিনসেন্ট স্মিথ বলেন,
—“ * * Yuechi's dominion was gradually extended (90-100 A. D.) all over North Western India, with the exception of Southern Sind, probably as far as Benares. The conquered Indian Provinces were administered by military viceroys, to whom apparently should be attributed the large issue of coins known to numismatists as those of the Namders King. These pieces, mostly copper, but including a few in base silver are certainly contemporary with Kadphises II (officer to administer the Indian territory), and are extremely common all over Northern India from the Kabul valley to Benares and Gazipur on the Ganges.*

এই উইচিৰ ভাৰত আক্ৰমণ ভাৰত ৰাজ্য ও ৰোম ৰাজ্যেৰ মধ্যো ব্যৱসায় বাণিজ্য প্ৰচলিত কৰিয়া দিয়াছিল ।

শ্ৰী তাৰানাথ ৰায় !

চিত্র ।

১

সবে নব যৌবনের মধুর আবেশে
 ঢুলু ঢুলু করিছে নয়ন ;
 আঁধ ফোটা ওষ্ঠাধরে সরাইয়া কেশে
 একেছিহু একটি চুখন ।
 সেইটুকু সন্ধ্যাপনে তুলিতে চতুর
 তুলেছিহু স্নেহে চিত্র-পটে ;—
 আজি তাই যৌবনের প্রমাণ প্রচুর,
 এল জরা যদিও নিকটে ।

২

শুষ্ক-দল মধুহীন হেরি' বাসি ফুল
 কলি-ভাব নাহি পড়ে মনে,
 যবে সে সৌরভে মোরে করিত আকুল
 বৃন্ত-পরে ছুটি ফুল-বনে ।
 গৃহিণী করেছে গ্রাস প্রেমিকার লাজ,
 চন্দ্র-করে গোপন মিলন ;
 কবিতার ছত্রে শুধু সঞ্জীবিত আজ
 প্রণয়ের চিত্র পুরাতন ।

৩

গেছে সব প্রেম-খেলা যৌবনের সনে
 যায় যথা জোয়ারের জল ;
 আছে মাত্র নিশিদিন কলহ হ'জনে,
 পদে পদে অভিমানছল ।
 একি তব নিন্দা-কথা করিহু প্রচার ?
 যাও তাই বাঁকাইয়া গ্রীবা ?
 রূপ পুষ্প উপচিয়া হৃদয়ে তোমার
 ফলরূপে উদিয়াছে কিবা ?
 ত্রিভুজলধর রায় চৌধুরী ।

সংগ্রহ ।

ধূমপান ।

তাত্রকূট শেবনের অপকারিতার কথা লইয়া বৈজ্ঞানিকমহলে অনেক দিন হইতে আলোচনা চলিতেছে। অতিরিক্ত ধূমপানের ফলে অনেকে নানারূপ স্নায়বিক রোগে আক্রান্ত হয়েন, ইহাই অনেকের ধারণা। বৈজ্ঞানিক চিকিৎসকগণও প্রায় এই মতের সমর্থন করেন। তাঁহারা বলেন যে, তামাকে নিকটিন (nicotine) নামক এক প্রকার পদার্থ আছে; উহা মানব-শরীরে বিক্রিয়া প্রকাশ করে। তাহার ফলেই তামাকের ধূমপানীদিগের বুক ধড়কড়ানি (Palpitation), স্নায়বিক উত্তেজনা, নিদ্রাহীনতা প্রভৃতি রোগ জন্মে। কিন্তু এ সম্বন্ধে এখনও বৈজ্ঞানিকদিগের মধ্যে একমত্যা জন্মে নাই। এই বিষয় অবলম্বন করিয়া যে কত সন্দর্ভই লিখিত হইতেছে,—তাহার ইয়ত্তা করা কঠিন। সম্প্রতি বিলাতের একখানি সুপ্রসিদ্ধ পত্রিকায় ধূমপানসম্বন্ধে অনেক নুতন কথা প্রকাশ পাইতেছে। এ দেশে ‘গুড়ুক ধোরের’ অভাব নাই, চুরুট, ‘বাদসাই’ প্রভৃতিও এ দেশে আসর জাঁকাইয়া তুলিতেছে,—তাহার উপর ‘খৈনী’, ‘পানে তামাক’ নতুন প্রভৃতি ত আছেই,—সুতরাং, তামাকের এই বৈজ্ঞানিক কথা জনসমাজের কোতুলক উদ্দীপ্ত করিবে, এবং হয় ত কচিং কাহারও উপকারে আসিবে এই ভরসায় আমরা নিজে সেই সন্দর্ভের সার সঙ্কলিত করিয়া দিলাম।

দশ বৎসর পূর্বে বার্লিন বিশ্ববিদ্যালয়ের ছই জন প্রসিদ্ধ অধ্যাপক স্থির করেন যে, ধূমপানের ফলে জরা শীঘ্র মানব শরীরকে আক্রমণ করে। মানুষ বৃদ্ধ হইলে শরীরের অধ্যাপকের পরীক্ষা। শিরাসকল বেরূপ অবনত হইয়া পড়ে,—ধূমপানে শিরার সেই অবনতি অত্যন্ত দ্রুত বৃদ্ধি করে। সুতরাং, ধূমপানের ফল আয়ু-ক্ষয়। যে ছইজন নামজাদা অধ্যাপক এই তথ্য সাব্যস্ত করেন, তাঁহাদের মধ্যে একজন চুরুটসেবী,—আর একজন চুরুটবিদ্বেষী; যিনি ধূমপানে অত্যন্ত তাহার নাম অধ্যাপক মেওল। তিনি বলেন, তাত্রকূট আয়ুর্ন্যাস করে সত্য, কিন্তু তিনি এই সত্ত্বসম্পূর্ণহারিণী, সত্ত্বশাস্তিপ্রদায়িণী তাত্রকূটরূপিণী নায়িকার প্রেমের নিগড় ভয় করিতে সম্মত হয়েন নাই। তিনি বলেন যে, এই দুঃখালায়ন সংসারে অরিতানন্দদায়িনী তানাকুহল্লরীর প্রেমের দ্বারে কিছুদিন পূর্বে কালভবনে যাওয়াও ভাল, তথাপি তাহার বিরহ-ব্যথা ভোগ করা ভাল নহে। অধ্যাপক ডবলিভেনন তামাকের সহিত কোন সংগ্রহই রাখেন নাই। সুতরাং, তিনি অধ্যাপক মেওল অপেক্ষা অধিক দিন বাঁচিবেন, এইরূপ আশা করিয়াছিলেন। তাঁহার আশাভাঙ্গা সফল হইয়াছিল। অধ্যাপক মেওল তাঁহার পূর্বেই ইহলোক হইতে প্রয়াণ করিয়াছিলেন। সুতরাং তাঁহাদের সিদ্ধান্ত সত্য বলিয়া স্বীকৃত হয়।

তাহার পর কথা উঠিল, তামাকের ধূমপানে যদি শিরায় কোনও বিপর্য্যয় ঘটে তাহা হইলে মানবের শিরা পরীক্ষার নিশ্চয়ই তাহা সপ্রমাণ হইবে। সম্প্রতি মিশরের মামী পরীক্ষায় সন্দেহ ।

বা রক্ষিত শব পরীক্ষার দ্বারা এই বিষয়ে অনেক বিন্ময়জনক তথ্য আবিষ্কৃত হইয়াছে। ডাক্তার রাকার নামক একজন ইংরাজ রোগ-নিদানবিৎ পণ্ডিত সম্প্রতি মিশর হইতে কতকগুলি পুরাতন শবের শিরা সংগ্রহ করিয়াছিলেন। যেসকল শব হইতে ঐ শিরাসমূহ সংগৃহীত হইয়াছিল তাহা খৃষ্ট পূর্ব ১৬০০ অব্দ হইতে খৃঃ পূঃ ৫০০ অব্দের। অর্থাৎ যেসকল লোকের শব হইতে তাহা সংগৃহীত হইয়াছিল, তাহারা আড়াই হাজার হইতে সাড়ে তিন হাজার বৎসর পূর্বের জীবিত ছিল। এই পরীক্ষার ফল তিনি গত বৎসর ইংলণ্ডের Journal of Pathology and Bacteriology নামক পত্রিকায় প্রকাশিত করেন। তিনি অনুসন্ধানে সাব্যস্ত করিয়াছেন যে, বর্ত্তমান যুগে মানবের শিরায় যেসকল অল্পপাতে অবনতির চিহ্ন দৃষ্ট হয়, প্রাচীন মিশরীয় মানবের শিরায় ঠিক সেইরূপ অল্পপাতে অবনতির চিহ্ন দেখা যায়। বর্ত্তমান সভ্যতার কালে যে সমস্ত স্নায়বিক অবনতি ও ক্ষয় সংঘটিত হয় বলিয়া বৈজ্ঞানিকগণ সিদ্ধান্ত করিয়াছেন,—তাহার লক্ষণ যে অল্পপাতে এখনকার মানবদেহে সপ্রকাশ,—তখনকার মানবদেহেও উহা সেই অল্পপাতে সপ্রকাশ। ইহাতেই মনে হয়, প্রাচীন মিশরে বর্ত্তমান সময়ের মতই স্নায়বিক দৌর্ব্বল্য প্রবল ছিল। কিন্তু প্রাচীন মিশরের লোক তাদ্রকূট সেবন করিত না,—এবং অতি অল্প মাত্রায়ই মদ্য প্রভৃতি পান করিত। তখন জীবন-সংগ্রামেও এত ভীতভা ছিল না। ডাক্তার রাকার এই তথ্য হইতে সপ্রমাণ করিতে চাহেন যে, তামাকের প্রভাবেই যে স্নায়বিক দৌর্ব্বল্য প্রকাশ পায়, তাহার প্রমাণাতাব।

এ কথা সত্য যে, অনেকে ধূমপানে অভ্যস্ত আসক্ত থাকিয়াও স্নায়ুশক্তি অক্ষুণ্ণ রাখিয়া দীর্ঘজীবন ভোগ করেন। কিছুদিনপূর্বের একবারি চিকিৎসা-সম্পর্কিত পত্রিকায়

প্রকাশ পায় যে, মার্কিণের রিচমণ্ড নিবাসী জনৈক নিগ্রো এক ধূমপায়ী দীর্ঘজীবন।

শত পাঁচ বৎসর জীবিত ছিল। এই প্রকার দীর্ঘজীবীর কথা সকল ক্ষেত্রে সত্য বলিয়া বিশ্বাস হয় না। প্রায়ই দেখা যায় যে, এইরূপ দীর্ঘজীবী ব্যক্তিরা তাহাদের জন্মসময় বিন্মত হয়, অথবা তাহারা তাহাদের জন্মসময় কন্মিনকালে জানে না, সুতরাং তাহারা অল্পতানিবন্ধন তাহাদের বয়স অধিক করিয়া বলে। কিন্তু এই নিগ্রোটীর দৃষ্টান্ত সেরূপ নহে। তাহার বয়স যে শতাধিক হইয়াছিল সে বিষয়ে 'সংশয়' করিবার কোনও কারণ নাই। সে পাঁচ বৎসর বয়স হইতে ধূমপানে ও শেষ পঁচাত্তর বৎসর 'দোস্তা' খাইতে অভ্যস্ত হইয়াছিল। তাহাকে যিনি চিকিৎসা করেন তিনি বলেন, সে যদি ঐরূপ তামাকের নেশায় অভ্যস্ত না হইত, তাহা হইলে আরও দীর্ঘজীবী হইত। ধূমপায়ীরা ঐরূপ দীর্ঘ জীবনের দৃষ্টান্ত নিতান্ত বিরল নহে। বাহারিা বাল্যকাল হইতে তাদ্রকূটের সেবা করিয়া আসিতেছে, তাহাদের মধ্যে কেহ কেহ অশীতি বা নবতিবর্ষ কাল জীবিত ছিল তাহার প্রমাণ আছে।

সম্ভবতঃ ধূমপান সকলের সহ হয় না। অতি অল্পেই অনেকে ধূমপানের অপকারি-

তায় অভিভূত হইয়া পড়ে। এই শ্রেণীর লোকরা তাম্রকূটসেবনে বুক ধড়ফড়ানি, স্নায়বিক উত্তেজনা, নিজাধীনতা প্রভৃতি রোগে অতি শীঘ্রই আক্রান্ত ব্যক্তিভেদে কলভেদ।

হয়। 'তামাকে বুক'ওয়ালারা বড় কষ্ট পায়। ইহাদের হয় ত রক্তসঞ্চালনে ব্যাঘাত ঘটে না, কিন্তু অল্প রোগে ইহারা ভুগিয়া থাকে। এই প্রকার দুর্বল হৃৎপিণ্ড পুরুষাত্মক্রেমে সংক্রমিত হয়। কতকগুলি লোকের অল্প তামাক খাওয়া সহ্য হয়, কিন্তু মাত্রা ছাড়াইয়া গেলে তাহারা আর উহা সহ্য করিতে পারে না। কাহার কি পরিমাণ তামাক খাওয়া সহ্য হইবে, তাহা তাহার ব্যক্তিগত ভাবের উপর নির্ভর করে। কোন কোন ব্যক্তির বদনে শৈথিল্য বিস্তার আধিক্য লক্ষিত হয়। কাহারও কাহারও মুখে অধিক পরিমাণে লাল নিঃসৃত হইয়া থাকে। কাহারও 'আঙ্গুণিব' অত্যন্ত উত্তেজনা প্রবণ। এই শ্রেণীর লোকের তাম্রকূট সেবন পরিত্যাগ করাই ভাল। অন্ততঃ ইহাদের এ বিষয়ে কতকটা সংযত হওয়া আবশ্যক।

আরও কোন কোন অবস্থায় তামাক লোকের পক্ষে অপকারী হইয়া থাকে। চুরুটে ছিঙ্গ, চুরুটের পাইপে ময়লা, ছকায় ও গড়গড়ায় 'কাইট' জন্মিলে তাহার অল্প তামাকে অপকার হয়। চুরুটের বহিরাবরণটি বেশ অক্ষুন্ন আছে কি না, তাহা দেখা উচিত। কিন্তু চুরুটটি বেশ টানা যাইতেছে, ইহা দেখিলে কেহ বড় একটা সে দিকে লক্ষ্য করেন না।

যোগোৎপাদনে তাম্রকূট কি পরিমাণে সহায়তা করে, তাহা এখনও নিঃসন্দেহরূপে সপ্রমাণ হয় নাই। বাহারা তামাক সেবনের বিরুদ্ধবাদী তাহারা তামাকের অপকারিতা

অতিরঞ্জিত করিয়া থাকেন। ইহারা সকলেই সকলকেই তামাক কে ধূমপান করিবে।

খাইতে নিষেধ করেন। উহা ঠিক নহে। তামাক সেবার পর বাহাদের চাকলা জন্মে, বাহারা চুপ করিয়া বসিয়া থাকিতে পারে না, তাহাদের তামাক খাওয়া উচিত নহে। তামাক খাইলে বাহাদের শ্রান্তি ক্রান্তি দুশ্চিন্তা প্রভৃতি দূর হয়। বাহারা তামাকের নেশায় বেশ একটু সামান্য উপভোগ করে, তাহাদেরই তামাক খাওয়া উচিত। পরিশ্রমে লোক অন্ময় হয় না। উদ্বেগ, দুশ্চিন্তা, প্রভৃতিই অকালে জরা ও বার্ধক্য আনয়ন করে।

তাম্রকূট সেবন যে অপকারী তাহা যেন সহজেই মনে হয়। তবে সকলের পক্ষেই যে উহা অপকারী তাহা বলা যায় না। আমাদের দেশে যে প্রকার ছকায় ও গড়গড়ায়

তামাক খাইবার ব্যবস্থা আছে, তাহা অনেক ভাল। উহাতে

মস্তবা।

ছকায় জলে অনেক নিকটিন মিশিয়া যায়। কিন্তু ছকা প্রভৃতির জল ঘন ঘন পরিবর্তন করা উচিত। কারণ জলে কিয়ৎপরিমাণ নিকটিন মিশিলে আর সেই জল নিকটিন গ্রহণ করিতে পারে না। ছকা গড়গড়া ও কসি প্রভৃতির নলিচা পরিষ্কৃত রাখা আবশ্যক। গুল্ফ অপেক্ষা তাওয়ার তামাক খাওয়া ভাল।

ফরাসী বিপ্লবের ইতিহাস ।

অষ্টম অধ্যায় ।

(ইতর সাধারণ কর্তৃক ভাসেলিস প্রাসাদ আক্রমণ)

কৃষক ও শ্রমজীবীগণের কর্মত্যাগ, রাজকোষের শোচনীয় অবস্থানিবন্ধন বেতন ও বৃত্তিগণিগণের অর্থাভাব, অজন্মা ইত্যাদি কারণ পরস্পরায় দুর্ভিক্ষ পুনর্ব্বার উগ্রমূর্ত্তি ধারণ করিয়া ফরাসী দেশে উপস্থিত হইল। সংখ্যাভীত ব্যক্তি জঠর-বন্ধনায় প্রপীড়িত হইয়া “হা অন্ন হা অন্ন” রবে আর্তনাদ করিতে করিতে মানবলীলা সম্বরণ করিল। সংখ্যাভীত ব্যক্তি অনশনক্লেশে যৎপরোনাস্তি ক্লিষ্ট হইয়া অহর্নিশি উন্মত্তের ছায় রাজপথে ভ্রমণ করিতে লাগিল। বহুসংখ্যক ব্যক্তি আহাৰ্য্য সামগ্রী প্রাপ্তিমানসে রুটি বিক্রয় দিগের বিপণিসন্নিধানে দলবদ্ধ হইয়া বিকট রবে চীৎকার আরম্ভ করিল। ক্ষুৎপিড়িত মানবগণের চলচ্চিত্ততা দৃষ্টে চক্রান্তকারিগণ সুযোগ প্রাপ্ত হইয়া অশেষবিধ ভিত্তিহীন জনরব প্রচারে জনসাধারণের মন উত্তেজিত করিতে লাগিল। কর্তৃপক্ষগণের ইজিতক্রমে কৃষকগণ অপক শস্য নদীগর্ভে নিক্ষেপ করিয়াছে ; রুটি বিক্রেতার কৰ্ম্মত্যাগ করিয়া অলসতায় কালক্ষেপণ করিতেছে। সেইজন্য দুর্ভিক্ষ উপস্থিত, সেইজন্য বহুসংখ্যক ব্যক্তি অনশনে প্রাণত্যাগ করিতেছে ইত্যাদি প্রকার জনরব শ্রবণে অনভিজ্ঞ ইতর সাধারণ পুনর্ব্বার উত্তেজিত হইয়া নিজমূর্ত্তি ধারণ করিল। ফরাসীরাজ বিপদাশঙ্কা করিয়া রাজপরিবারবর্গের শরীর রক্ষার নিমিত্ত ভাসেলিস নগরের সৈন্তবল-বৃদ্ধি করিলেন। তদুপেক্ষে রাজার অভিসন্ধিবিষয়ে সন্দেহান হইয়া জন সাধারণ ঘোরতর আন্দোলনে প্রবৃত্ত হইল। রাজা ফরাসী জাতিকে পদ-দলিত করিবার নিমিত্ত সৈন্তবল বৃদ্ধি করিয়াছেন ; অচিরে তিনি সসৈন্তে প্যারিস আক্রমণ করিবেন ; সেনাপতি বৌলির সাধ্যাঘো তিনি জাতীয় সমিতির ধ্বংস সাধনপূর্ব্বক পুনর্ব্বার যদৃচ্ছ শাসনের প্রতিষ্ঠা করিবেন—রাজপথে, প্রতি গৃহে এবং প্রকাশ্য স্থানে অহরহ এইরূপ আন্দোলন চলিতে লাগিল।

কতিপয় ব্যক্তি ষোড়শ লুইকে পদচ্যুত করিয়া ডিউক ডি অর্লিনকে রাজপদে প্রতিষ্ঠিত করিবার নিমিত্ত যড়বস্ত্র করিতেছিলেন। ডিউক প্রবরও

বুর্ন বংশসম্বৃত, সম্বন্ধে ষোড়শ লুইই জ্ঞাতি । ইতর সাধারণ প্রাপ্তবয়স্করূপে উত্তেজিত হইলে, বড়যন্ত্রকারীরা তাহাদিগকে ভাসেলিস রাজত্বন আক্রমণের নিমিত্ত উৎসাহ প্রদান করিতে লাগিলেন । তাঁহারা মনে করিলেন, প্রাসাদ আক্রান্ত হইলেই, রাজা সপরিবারে পলায়ন করিবেন, তাহা হইলে শৃঙ্গ সিংহাসনে অবোধে ডিউক প্রবর প্রতিষ্ঠিত হইতে পারিবেন ।

রাজমন্দির বড়যন্ত্রসংক্রান্ত সমগ্র ব্যাপার অবগত হইয়া তৎক্ষণাৎ রাজসকাশে নিবেদন করিলেন । আপন্ন বিপদে কর্তব্যনির্ধারণের নিমিত্ত রাজসভার অধিবেশন হইল । তথায় এইরূপ স্থিরীকৃত হইল যে, ভাসেলিস প্রাসাদ ত্যাগ করিয়া কিয়ৎকালের নিমিত্ত রাজার সপরিবারে স্থানান্তরে গমন করা কর্তব্য । কিন্তু ফরাসীরাজ ঐদৃশ প্রস্তাবে সম্মত হইলেন না । তিনি বুঝিতে পারিয়াছিলেন যে, বড়যন্ত্রকারিগণের দুর্ভাগ্যবশিষ্ট ব্যর্থ করিবার নিমিত্ত কোন প্রকার উপায় অবলম্বন করা উচিত । কিন্তু তিনি কি উপায় অবলম্বন করিবেন, তাহা স্থির করিতে পারিলেন না । এ দিকে বড়যন্ত্রকারিগণ সান্ত্বনয় উত্তমসহকারে কার্য্যক্ষেত্রে অবতীর্ণ হইলেন । রাজা সপরিবারে পলায়নের নিমিত্ত এবং জাতীয় সমিতির ধ্বংস-সাধনকল্পে বড়যন্ত্রে লিপ্ত হইয়াছেন এইরূপ জনরব ‘মনিটর’ নামক সংবাদপত্রে প্রচারিত হইল । অচিরে প্যারিস নগরে হলস্থূল কাণ্ড পড়িয়া গেল ।

দুর্ভাগ্যক্রমে ফরাসীরাজ প্রাপ্তবয়স্ক জনরবের ভিত্তিহীনতা প্রতিপাদন না করিয়া বরং একটি নিবুদ্ধিতার কার্য্য করিয়া বসিলেন । তিনি রাজপরিবারবর্গের শরীর রক্ষার্থে ইতঃপূর্বে ভাসেলিস নগরে যে সৈন্যদল বৃদ্ধি করিয়াছিলেন, সেই নবাগত সৈনিকদলের নেতৃগণকে অন্যান্য দলের নেতৃগণ নগরের রঙ্গালয়ে প্রীতিভোজনের নিমন্ত্রণ করিলেন । এই নিমন্ত্রণ উপলক্ষে অসাধারণ আড়ম্বর হইল । রাজা, রাজ্ঞী, রাজপুত্র এবং উচ্চবংশীয়া রমণী-মণ্ডলী উৎসব দর্শনের নিমিত্ত তথায় উপস্থিত হইলেন । রাজপরিবারবর্গকে দেখিয়া সৈনিকগণের হৃদয়ে রাজভক্তির উদয় হইল । তাহারা পুনঃ পুনঃ রাজপরিবারবর্গের মঙ্গলস্বচক নিনাদে রঙ্গালয় নিনাদিত করিতে লাগিল । বিপ্লবসমাকীর্ণ সিংহাসনে আরোহণ করিয়া ফরাসিরাজ এ যাবৎ অকৃত্রিম রাজভক্তির পরিচয় প্রাপ্ত হয়েন নাই । অতঃপর সৈনিকমণ্ডলীর সহৃদয়তা দর্শনে তাঁহার হৃদয় দ্রবীভূত হইয়া গেল । তিনি মনে করিলেন বুঝি এতদিন পরে তাঁহার অদৃষ্ট সুপ্রসন্ন হইল । কিন্তু সৈন্যগণের রাজ-

ভক্তি হইতে যে সমগ্র দেশে বিপ্লবানল প্রজ্জ্বলিত হইবে,—অমৃত হইতে যে হলাহলের উৎপত্তি হইবে তাহা তিনি বুঝিতে পারিলেন না ।

প্রাপ্ত প্রীতিভোজনপ্রসঙ্গ অতিরঞ্জিত আকারে প্যারিস নগরে প্রচারিত হইলে প্রজ্জ্বলিত হতাশনে যুতাহতি প্রদত্ত হইল । প্যালে রয়ালভবনে রাজনীতিক সভাসমিতিসমূহে প্রতি গৃহে প্রতি স্থানে ঘোরতর আন্দোলন চলিতে লাগিল । রাজভক্ত সৈন্যগণ স্পর্কসহকারে জাতীয় ত্রিবর্ণ পতাকা পদদলিত করিয়া জাতীয় সমিতির ধ্বংস সাধনে প্রতিক্ষিত হইয়াছে ; তাহাদের হস্ত হইতে প্যারিসবাসীদিগের নিষ্কৃতিলাভ দুর্ভট ইত্যাদি প্রকার জনরব নগরের সর্বত্র প্রচারিত হইল । শত সহস্র ব্যক্তি উন্মত্ত হইয়া রাজপথে ভ্রমণ করিতে লাগিল । সহসা যেন ঘোর ভূকম্পনে সমগ্র নগর আলোড়িত হইল ।

অনন্তর এই অক্টোবর তারিখে প্যারিস নগরে ঘোরতর বিদ্রোহানল প্রজ্জ্বলিত হইল । জনৈক ইতরবংশীয়া রমণী উচ্চকণ্ঠে ধাত্তসামগ্ৰী প্রার্থনা করিতে করিতে অগ্রবর্তিনী হইল । তৎপশ্চাৎ সংখ্যাভীত বালক ও রমণী চলিল । তাহারা হোটেল ডি ভিলা হইতে অল্পপুঞ্জ সংগ্রহ করিয়া বিপদ ঘোষণা ষণ্টাধ্বনি করিল । সেই নিনাদ শ্রবণমাত্র শত সহস্র অশ্রুধারী উর্দ্ধ্বাশে হোটেল ডি ভিলা সান্নিধ্যে উপস্থিত হইল । ডিউক ডি আর্লিয়নের গুপ্তচরগণ অশ্রুধারী মানবগণকে ভাসেলিস রাজভবন আক্রমণের নিমিত্ত উৎসাহ প্রদানকল্পে তথায় কতকগুলি সুরাপানামন্ত্র, স্থলিতচরিত্র নরনারী প্রেরণ করিল । তাহারা অশ্রুধারিগণের অগ্রবর্তী হইয়া “ভাসেলিস” “ভাসেলিস” বলিয়া চীৎকার আরম্ভ করিল । তাহা শুনিয়া অশ্রুধারিদল ভাসেলিসাভিমুখে যাত্রা করিল ।

ভাসেলিস নগরে জাতীয় সমিতির অধিবেশন হইতেছে । ফরাসি-রাজের সহিত সভ্যগণের সংঘর্ষের উপক্রম হইয়াছে । সমিতি “ব্যক্তিগণের অধিকার” প্রসঙ্গীয় যে ব্যবস্থাবলী প্রণয়ন করিয়াছেন, রাজা তাহার অনুমোদন করেন নাই ; রাজা সৈনিকগণের প্রীতিভোজন উপলক্ষে অপরিমিত আনন্দ প্রকাশ করিয়াছেন ; রাজপারিষদবর্গ ব্যক্ত করিয়াছেন যে, রাজা জাতীয় সমিতি সমভিব্যাহারে টাওয়ার অথবা মেজ নগরে গমন করিবেন ইত্যাদি কারণ পরম্পরায় সমিতির সভ্যগণ রাজপরিবারবর্গের প্রতি ঘৎপরোনাস্তি অসন্তুষ্ট হইয়াছেন । কিন্তু এ দিকে যে ঘোরতর বিদ্রোহানল

প্রজ্ঞানিত হইয়া উঠিয়াছে তাহা রাজা অথবা সভ্যগণ কেহই অবগত নহেন । রাজা বহুবর্গসমভিব্যাহারে যুগয়ার্থে গমন করিয়াছেন । রাজ্ঞী একাকিনী ত্রিয়ানন উজানের সুরমা উপবনে উপবিষ্টা । আজ সেই সুবর্ণহ্রাতি “প্রভাতী তারা” * কীর্ণহ্রাতি ধ্যাতোতিকা অপেক্ষা বিবর্ণা । সেই অনিন্দ্য বদনেন্দু নিবিড় মেঘাচ্ছন্ন । রাজ্ঞী রাজার সহিত বিপ্লবসমাকীর্ণ সিংহাসনে আরোহণ করিয়া অপরিণামদর্শিতানিবন্ধন ফরাসী জাতির বিরাগভাজন হইয়াছেন । কিন্তু তাঁহাকে অনন্ত দুঃখমাগরে নিমজ্জিত হইতে দৃষ্টি করিয়া কোন্‌ সন্দেহ ব্যক্তি তৎপ্রতি সহানুভূতি প্রদর্শন করিতে ক্রটি করিবেন ? তিনি অষ্ট্রিয়া সম্রাটের ছহিতা এবং ফরাসী রাজ্যের মহারাণী হইয়াও অস্ত্র হইতে ভিখারিনী । তাঁহার ইন্দ্রভূল্য পতি অস্ত্র দানবদল পরিবেষ্টিত । কুঞ্জহনিবন্ধন কোন্‌ মূহুর্তে কি চূর্ণটনা উপস্থিত হয়, তিনি সেই চিন্তায় ত্রিয়মাণা হইয়া অহোরাত্র পতি ও পুত্রের মঙ্গলের নিমিত্ত ভগবানের নিমিত্ত প্রার্থনা করিতেছেন । কিন্তু অস্ত্রই যে ঘোরতর বিপত্তি উপস্থিত হইবে, অস্ত্র হইতে তাঁহার জীবনের সুখস্বচ্ছন্দতা আশাভরসা সমস্তই অন্তর্হিত হইবে তাহা তিনি বুঝিতে পারেন নাই । তিনি ত্রিয়ানন উজানে একাকিনী উপবিষ্টা হইয়া প্রগাঢ় চিন্তায় নিমগ্না । অকস্মাৎ পার্শ্বস্থ রাজপথে কোলাহল শ্রুত হইল । রাজ্ঞী কারণ নির্ণয় করিতে না পারিয়া চকিতা হরিণীর স্থায় উজান হইতে প্রাসাদে পলায়ন করিলেন । রাজা যুগয়ার্থে প্রাসাদে প্রত্যাগমন করিতেছিলেন, পথিমধ্যে অকস্মাৎ কোলাহল শুনিয়া শশব্যস্ত হইয়া রাজভবনে আগমন করিলেন । তিনি তথায় উপস্থিত হইয়া দেখিলেন যে, প্রাসাদ-প্রাঙ্গণের সমুখস্থ দ্বারগুলি সমস্তই রুদ্ধ ; রাজ-সৈন্যগণ প্রাঙ্গণে শ্রেণীবদ্ধভাবে দণ্ডায়মান । প্রাঙ্গণের বহির্দ্বেশে লক্ষাধিক অস্ত্রধারী ; সংসমভিব্যাহারে “ডাকিনী ষোগিনী সমা” সংখ্যাতীত ভীমাকৃতি রমণী দণ্ডায়মান । সেই লজ্জাতরবিবর্জিতা, সুরাপানোন্মত্তা, বামাকুলের আকৃতিপ্রকৃতি ভাবভঙ্গী ও কার্যকলাপ দৃষ্টি করিলে সমগ্র নারীজাতির প্রতি স্থগার উদ্রেক হয় । তাহারা প্রাসাদ-সম্মুখে দাঁড়াইয়া

*“I saw her just above the horizon—glittering like the morning star”—Burke.

উচ্চৈশ্বরে খাণ্ড সামগ্রী প্রার্থনা করিতেছে, কেহ কেহ বা রাজপরিবারবর্গের প্রতি অশ্রাব্য ভাষায় গালি বর্ষণ করিতেছে। ফরাসিরাজ উপস্থিত বিপদ দৃষ্টে স্তম্ভিত হইলেন।

ইতর সাধারণের কার্য্যকলাপ দৃষ্টে রাজভবনস্থ মন্ত্রণাদাতৃগণ রাজপরিবারবর্গের পলায়নের ব্যবস্থা করিলেন। কিন্তু রাজা কোনও ক্রমে সে প্রস্তাবে সম্মত হইলেন না। তিনি পূর্বেই বুঝিয়াছিলেন যে, ডিউক ডি অর্লিয়নের ষড়যন্ত্রই উপস্থিত বিদ্রোহের কারণ। তিনি পলায়ন করিলেই তৎক্ষণাৎ ডিউক সিংহাসন অধিবার করিয়া বসিবেন। বিদ্রোহিগণ ষড়যন্ত্রকারীদিগের উত্তেজনায় অস্ত্রধারণ করিয়াছে; কিন্তু তাহারা ষড়যন্ত্রকারীদিগের অভিসন্ধি অবগত নহে। তাহারা শুনিয়াছে যে, ভাসেলিস প্রাসাদ আক্রমণ করিলেই তাহাদের খাণ্ডসামগ্রীর অভাব মোচন হইবে। সেইজন্য তাহারা সমস্তে ভাসেলিসে আগমন করিয়াছে। ফরাসিরাজ সিংহাসনে প্রতিষ্ঠিত থাকিবেন কি ডিউক প্রতিষ্ঠিত হইবেন তৎসম্বন্ধে তাহারা বিন্দুবিগর্ষ অবগত নহে।

অস্ত্রধারী ইতর সাধারণ অনতিবিলম্বে প্রাসাদান্তিমুখে গমন করিল। রাজা তাহাদের প্রাসাদে প্রবেশকালে বাধাবিঘ্ন প্রদান করিতে নিষেধ করিয়াছিলেন; সুতরাং তাহারা অবাদে দলে দলে প্রাঙ্গণে প্রবিষ্ট হইল। রাজা ও রাজ্ঞী তাহাদিগকে এক্রপ মধুর সম্ভাষণে আপ্যায়িত করিলেন যে, তাহারা বৈরিভাব বিন্ধত হইয়া রাজ্যের দীর্ঘজীবন কামনা করিতে করিতে ক্ষণকালের নিমিত্ত প্রাসাদ হইতে নিজ্জাস্ত হইল।

কিন্তু ইতর সাধারণ প্রাসাদ হইতে নিজ্জাস্ত হইলেও রাজপরিবারবর্গের আশঙ্কা দূরীভূত হইল না; কারণ, তাহারা প্রাসাদের বহির্দেশে দণ্ডায়মান হইয়া ভয়ঙ্কর চীৎকার করিতে আরম্ভ করিল। আর সেই সুরাপানোন্মত্তা রমণীগণ উচ্চৈশ্বরে রাজপরিবারবর্গের প্রতি কুৎসিৎ ভাষা প্রয়োগে গালিবর্ষণ করিতে লাগিল। অচিরে প্রাসাদ আক্রান্ত হইবে বুঝিতে কাহারও বিলম্বন হইল না। ফরাসিরাজ পরিবারবর্গকে নিরাপদ স্থানে প্রেরণ করিবার নিমিত্ত দুইখানি শকট প্রস্তুত করিবার আদেশ দিলেন। কিন্তু রাণী রাজাকে ত্যাগ করিয়া স্থানান্তরে গমন করিতে স্বীকৃত হইলেন না। তিনি বলিলেন, “এক্রপ বিপৎকালে আমি কোন ক্রমে রাজসঙ্গ ত্যাগ করিব না। আমি জানি, বিদ্রোহিগণের হস্তে আমার মৃত্যু অনিবার্য্য, কিন্তু আমি মেরিয়া

খেরেসার কত্কা, মৃত্যুকে তুচ্ছ জ্ঞান করি।” রাজভবনস্থ মন্ত্রণাদাতৃগণ অজ্ঞধারীদিগের প্রতি অগ্নিবর্ষণের আদেশ দানের নিমিত্ত রাজাকে পুনঃ পুনঃ পরামর্শ দিতে লাগিলেন। কিন্তু তাহাদের সহিত বহুসংখ্যক জ্ঞীলোক বিদ্ভ-মান থাকায় সে যুক্তি খাটিল না। রাজা বিরক্তিসহকারে বলিলেন, “আপনাদের কথা শুনিয়া আমি কি জ্ঞীজাতির সহিত যুদ্ধ করিব?”

এদিকে ইতর সাধারণ রাজভবন আক্রমণের নিমিত্ত ভাসেলিস যাত্রা করিয়াছে এই সংবাদ শ্রবণে সেনাপতি প্রবর ল্যাফাইটি রাজপরিবার-বর্গের রক্ষার্থে জাতীয় সৈন্যগণসমভিবাধারে প্যারিস হইতে শব্দবাস্তে ভাসে-লিস যাত্রা করিয়াছিলেন। ল্যাফাইটি ভাসেলিসে পৌঁছিয়া রাজা ও রাজ্ঞীকে আশ্বাস প্রদান পূর্বক কহিলেন, “রাজভবনে কোন আশঙ্কার কারণ নাই। আমি আমার সৈন্যগণের প্রশান্ত্যাব বিলক্ষণ অবগত আছি। তাহারা নিশ্চয়ই শাস্তি রক্ষা করিতে সমর্থ হইবে। আপনারা তজ্জন্ম চিন্তিত হইবেন না”। এই বলিয়া তিনি প্রসাদ হইতে কিয়দূরে নোয়ালি নামক ভবনে বিশ্রামের নিমিত্ত গমন করিলেন। রাজা ও রাজ্ঞী ল্যাফাইটির বাক্যে আশ্বস্ত হইয়া স্ব স্ব প্রকোষ্ঠে বিশ্রামার্থ গমন করিলেন। রাজ্ঞী অত্যন্ত ক্লান্ত হইয়াছিলেন, সুতরাং তিনি অচিরে প্রগাঢ় নিদ্রায় অভিভূত হইলেন।

এ দিকে বিজ্রোহিদলের আক্রমণ নিবারণের নিমিত্ত ল্যাফাইটির অধীনস্থ জাতীয় সৈন্যগণ প্রাসাদের বহির্দেশে সংরক্ষণের কার্যে নিযুক্ত হইয়াছে; রাজার শরীররক্ষক সাক্ষিগণ প্রাসাদপ্রাঙ্গণে দণ্ডায়মান। ফলতঃ রাজভবন সংরক্ষণের নিমিত্ত যদ্রূপ উপায় অবলম্বন করা আবশ্যক, সাধ্যানুসারে তাহার ক্রটি হয় নাই। দৃষ্টাংগ্যক্রমে ল্যাফাইটি কার্য্যপ্রণালী নির্দেশান্তে স্থানান্তরে গমন করিয়াছেন। যদি তাঁহার অনুপস্থিতিকালে বিপ্লবসমুদ্ভূত জাতীয় সৈন্যগণ তাঁহার আদেশ লঙ্ঘন করিয়া বিজ্রোহিদলের সহিত যোগদান করে, তাহা হইলে রাজপরিবারবর্গ কিরূপে নিষ্কৃতি লাভ করিবেন তৎসম্বন্ধে কোন উপায় উদ্ভাবিত হইল না। রাত্রি তিন ঘটিকা হইতে প্রত্যুষে পাঁচ ঘটিকা পর্য্যন্ত কোন উপদ্রব ঘটিল না বটে; কিন্তু অজ্ঞধারী ইতর সাধারণের ভাবভঙ্গি ও কার্য্যকলাপ দৃষ্টে স্পষ্টই প্রতীয়মান হইল যে, ষটিকারস্তের আর বিলম্ব নাই। রাজপথে বহুসংখ্যক বিকটাকৃতি নরনারী ভিন্ন ভিন্ন দলে উপবিষ্ট হইয়া সুরাপানে ও বৈপ্লবিক সঙ্গীতোচ্ছ্বাসে উন্মত্ত হইয়াছে। এক স্থানে তাহারা একটি অস্বাভাবিক সৈনিকের শবদেহোপরি উপবেশন করিয়া

একটি মৃত অশ্ব দত্ত করিয়া মহানন্দে ভোজন করিতেছে ; তাহাদের চতুঃপার্শ্বে কতকগুলি মাংসলোভী পুরুষ ও রমণী বিকট হাস্য করিতে করিতে আনন্দে নৃত্য করিতেছে । ঈশ্ব শিভৎস ব্যাপার ভীষণ হত্যাকাণ্ডের পূর্বলক্ষণ ভিন্ন কিছুই নহে ।

প্রত্যুষে ছয় ঘটিকা কালে সংখ্যাভীত অজ্ঞধারী ভৈরব রবে দিগদিগন্ত নিনাদিত করিতে করিতে সেনানিবাস আক্রমণ করিল । সেনানিবাসে অত্যন্ত সংখ্যক শরীররক্ষক প্রহরী অবস্থিতি করিতেছিল । সংখ্যার অল্পতা প্রযুক্ত তাহারা আত্মরক্ষায় অসমর্থ হইয়া তৎক্ষণাৎ তথ্য হইতে পলায়ন করিল । কিন্তু আক্রমণকারীরা তাহাদের পশ্চাতে ধাবমান হইয়া পঞ্চদশ ব্যক্তিকে বন্দী করিল । ভাসেলিস রজাগরে প্রীতিভোজনের পর হইতে রাজার শরীররক্ষকগণের প্রতি ইতর সাধারণের মর্মান্তিক বিবেচ্য জন্মিয়াছিল । সুতরাং বন্দীরা আক্রমণকারীদের হস্তে পতিত হওয়ায় তাহাদের জীবন সংশয় হইয়া উঠিল । সেনানিবাস আক্রমণকালে ঘটনাক্রমে প্রাসাদ-প্রাঙ্গণের একটি দ্বার মুক্ত ছিল । সেই দ্বার দিয়া একদল অজ্ঞধারী প্রাসাদ-প্রাঙ্গণে প্রবেশ করিয়া সোপানপথে আরোহণ করিতে আরম্ভ করিল । সোপানের উপরিভাগে দুইজন বন্দুকধারী প্রহরীর কার্য্যে নিযুক্ত ছিল । তাহারা আগন্তকগণের প্রতি মূহূর্হ অগ্নিবর্ষণ করিতে লাগিল, সুতরাং ক্ষণকাল যাবৎ আক্রমণকারীরা আদৌ অগ্রসর হইতে পারিল না । এই সুযোগে রাজা স্বীয় প্রকোষ্ঠ হইতে রাজপ্রকোষ্ঠে পলায়ন করিলেন । তথায় রাজাকে না দেখিয়া তিনি উৎকণ্ঠিত হইয়া কালক্ষেপণ করিতে লাগিলেন । রাজা ঘোর কোলাহল ও পুনঃ পুনঃ পুনঃ অগ্নিবর্ষণের শব্দে চমকিত হইয়া দ্বারান্তর দিয়া রাজ্যের প্রকোষ্ঠে প্রবেশ করিয়া দেখিলেন, তথায় শরীররক্ষক সাজ্জিগণ রহিয়াছে, কিন্তু রাজা নাই । রাজপুত্র রাজকন্যা ও রাজভগিনী গৃহান্তরে অবস্থিতি করিয়াছিলেন । তাহারা বিপৎসমাগমে ক্রতবেগে রাজ্যের প্রকোষ্ঠে আসিয়া রাজার সহিত একত্রিত হইলেন । রাজাকে তথায় না দেখিয়া সকলে ব্যস্ত হইয়া রাজপ্রকোষ্ঠে গমন করিলেন । তথায় রাজা উদ্বিগ্ন চিত্তে কালান্তিপাত করিতেছিলেন । সমগ্র পরিবার সম্মিলিত দেখিয়া তাহার চিন্তা দূর হইল ।

সোপানের উপরিভাগে যে দুইজন বন্দুকধারী আগন্তকগণের আগমন-নিবারণকল্পে পুনঃ পুনঃ অগ্নিবর্ষণ করিতেছিল, তাহারা অচিরে শত্রুগণের

হস্তে পঞ্চদশ প্রাপ্ত হইল। সুতরাং বাধাবিহীন না পাইয়া আক্রমণকারীরা বন্দুক তরবারি বস্ত্রম প্রভৃতি নানা অস্ত্রে সজ্জিত হইয়া প্রাসাদের উপরিভাগে ধাবমান হইল। কিন্তু তথায় পৌঁছিবামাত্র রাজার শরীররক্ষক বন্দুকধারীদিগের সহিত তাহাদের সংঘর্ষণ উপস্থিত হইল। শরীররক্ষকগণ রাজার প্রকোষ্ঠে দণ্ডায়মান হইয়া অবিশ্রান্ত গুলিবর্ষণ করিতে লাগিল। সুতরাং আক্রমণকারীরা রাজপ্রকোষ্ঠের নিকট অগ্রসর হইতে পারিল না। রাজপরিবারবর্গ এইরূপে আসন্ন বিপদ হইতে নিষ্কৃতি লাভ করিলেন বটে; কিন্তু আগন্তুকগণ প্রাসাদের অস্ত্রাস্ত্র স্থান পর্য্যটন ও পর্য্যবেক্ষণ করিতে ক্রটি করিল না। যে অপূর্ব প্রাসাদ বহুশতাব্দী হইতে সমগ্র যুরোপের বিশ্বয় উৎপাদন করিয়া আসিতেছিল অল্প তাহা ইত্যরের কোঁড়হল ভুগি করিল।

প্রাসাদ হইতে প্রত্যাগমন করতঃ আক্রমণকারীরা পুনর্বীর বহির্দেশে প্রাসাদের সম্মুখে দণ্ডায়মান হইয়া গবাক্ষদ্বারসমূহের প্রতি লক্ষ্য করিয়া অজস্র গুলি বর্ষণ করিতে লাগিল। রাজাী অকুতোভয়ে অলিন্দপ্রদেশে দণ্ডায়মান হইয়া তাহাদের নিকট হইতে বন্দী পঞ্চদশ জনের জীবন ভিক্ষা করিলেন। তদুপস্থি বিদ্রোহিদল রাজাীকে গবাক্ষ সন্নিধানে আসিতে বলিল। রাজাী নির্ভয়ে পুত্রকন্যাসহ গবাক্ষসন্নিধ্যে উপস্থিত হইলেন। তখন তাহারা বলিল, “পুত্রকন্যা স্থানান্তরে রাখিয়া আপনি একাকিনী আমাদের সম্মুখে দাঁড়াইবেন।” তাহা শুনিয়া রাণী পুত্রকন্যা স্থানান্তরে রাখিয়া আসিয়া প্রতিমুহূর্ত্তে মৃত্যুর অপেক্ষা করিতে লাগিলেন। রাজাীর নির্ভীকতা দৃষ্টে ইতর সাধারণের চিত্তে ভাবান্তর উপস্থিত হইল। তাহারা বৈরিভাব পরিহার করিয়া সহস্রকণ্ঠে উচ্চৈঃস্বরে রাজাীর প্রশংসা করিতে লাগিল।

আক্রমণকারিগণের প্রাসাদ-প্রবেশ-কালে, ল্যাফাইটের অধীনস্থ জাতীয় সৈন্যগণ কাষ্ঠপুত্তলিকার দ্বারা নিশ্চেষ্টভাবে দণ্ডায়মান ছিল। যদি তাহারা সেনাপতিপ্রবরের আদেশ প্রতিপালনপূর্ব্বক রাজভবন সংরক্ষণে যত্নবান হইত, তাহা হইলে ইতর সাধারণ রাজভবনে প্রবেশ করিতে পারিত না। ল্যাফাইটি নোয়ালি ভবনে প্রাসাদ আক্রমণরূদ্ধান্ত শুনিয়া তৎক্ষণাৎ অখারোহণে প্রাসাদসন্নিধ্যে আগমন করিলেন। জাতীয় সৈন্যগণের ঔদাসীন্য দেখিয়া তিনি তাহাদিগের কর্তব্যসম্বন্ধে এক সুদীর্ঘ বক্তৃতা করিলেন। সৈন্যগণ লজ্জিত হইয়া সুপ্রোথিত সিংহের দ্বারা আক্রমণকারীদিগের হস্ত হইতে বন্দী পঞ্চদশ জনের উদ্ধার সাধন করিল।

ফরাসিরা প্রাসাদ ত্যাগ করিয়া পলায়ন করিলেন না; অতরাং বড়যন্ত্র-কারিগণের অভীষ্ট সিদ্ধ হইল না; ডিউক ডি অর্লিয়ন রাজপদে প্রতিষ্ঠিত হইতে পারিলেন না। কিন্তু সাধারণতন্ত্র শাসনের পৃষ্ঠপোষকগণ মনে করিলেন, রাজাকে প্যারিস নগরে স্থানান্তরিত করিতে পারিলে তিনি সম্পূর্ণরূপে তাঁহাদের আয়ত্বাধীন থাকিবেন। এই মনে করিয়া তাঁহারা ইতর সাধারণকে তদনুরূপ পরামর্শ প্রদান করিতে লাগিলেন। কিয়ৎকাল পরেই আক্রমণকারিগণ রাজাকে প্যারিস নগরে লইয়া যাইবার নিমিত্ত উন্নয়ন হইয়া উঠিল। ল্যাফাইটি মনে করিলেন, ফরাসিরা প্যারিস নগরে গমন করিলে বিনারক্তপাতে শাস্তি সংস্থাপিত হইবার সম্ভাবনা। সেই জন্ত তিনি রাজা ও রাজ্ঞীকে ইতর সাধারণের ইচ্ছানুযায়ী হইয়া কার্য্য করিতে পরামর্শ দিলেন। তখন ফরাসিরা প্রাসাদের অলিন্দপ্রদেশে দাঁড়াইয়া আক্রমণকারিগণকে সত্বোধন করিয়া বলিলেন :—“সম্মতিগণ, তোমাদের ইচ্ছানুক্রমে আমি প্যারিস নগরে যাইতে স্বীকৃত হইলাম। কিন্তু আমি একাকী যাইব না, সপরিবারে যাইব। আর একটি কথা, আমার শরীর-রক্ষকগণ সঙ্গে থাকিবে। তাহাদের প্রতি তোমরা কোন অত্যাচার করিও না।”

ইতর সাধারণ রাজার বাক্য শুনিয়া, “রাজা দীর্ঘজীবী হউন” বলিয়া উচ্চৈঃস্বরে চীৎকার করিতে লাগিল। রাজা প্যারিস নগরে গমন করিতে-ছেন শুনিয়া জাতীয় সমিতি প্যারিস নগরে সমিতির অধিবেশন হইবে, এই মর্মে মন্তব্য প্রচার করিলেন।

বেলা দ্বিপ্রহর। ফরাসিরা সপরিবারে প্যারিস যাত্রা করিলেন। রাজভবন সংরক্ষণে নিযুক্ত থাকিয়া যে দুইজন প্রহরীর মৃত্যু হইয়াছিল, তাহাদের ছিন্ন মস্তক লইয়া দুই ব্যক্তি রাজশকটের অগ্রবর্তী হইল। জাতীয় সমিতির শতাধিক সভ্য রাজা ও রাজ্ঞীর সমভিব্যাহারে গমন করিলেন। যে শরীররক্ষকগণ অন্তত বীরত্ব সহকারে রাজপরিবারবর্গের জীবন রক্ষা করিয়াছিল, তাহারা রাজা ও রাজ্ঞীকে বন্দিনশাপ্রাপ্ত হইতে দেখিয়া বিরস-বদনে তাঁহাদের পশ্চাৎ পশ্চাৎ গমন করিল। জাতীয় সৈন্যগণ লজ্জায় স্রিয়মাণ হইয়া সঙ্গে সঙ্গে চলিল। সঙ্গে সঙ্গে অস্ত্রধারী ইতর সাধারণ কামান-শকট টানিতে টানিতে চলিল। কামান-শকটের উপরিভাগে নিকটী প্রকৃতি রমণীগণ তরবারি ও বল্লম হস্তে উপবিষ্ট। ক্রমে ক্রমে সেই লজ্জাভয়-

বিরহিতা বামাকুল সুরাপানে ও বৈপ্লবিক সঙ্গীতে উন্মত্ত হইতে লাগিল।
 ক্ষণে ক্ষণে ইতরপ্রকৃতি মানবগণ দিগদিগন্ত নিনাদিত করিয়া জয়োল্লাস
 করিতে লাগিল। সঙ্গে সঙ্গে রাজপরিবারবর্গের প্রতি অশ্রাব্য গালিবর্ষণে
 ক্রটি হইল না। এইরূপে সাত ঘণ্টাকাল যৎপরোনাস্তি ঘৃণা লজ্জা ও
 অবমাননা সহ করিয়া ফরাসিরাজ সপরিবারে প্যারিস নগরে পৌঁছিলেন।
 তথায় আসিয়া তিনি টুইলারি নিকেতনে গমন করিলেন। সেই অগদ্বিখ্যাত
 প্রাসাদ অস্ত্র হইতে রাজপরিবারের কারাগৃহে পরিণত হইল।

শ্রীসুরেন্দ্রনাথ ঘোষ।

বলুন দেখি—সকলেই কেশরঞ্জন চান কেন ?



ইহার প্রথম কারণ

কেশরঞ্জন—আজ কাল-
কার দিনের নূতন অভ্যাগত
নহে। বিংশ বৎসর ধরিয়া
“এই কেশরঞ্জন” ভারতের
সিংহলের ব্রহ্মদেশের নর-
নারীর চিত্ত-বিনোদন করিয়া
আসিতেছে। ইহার গুণে
কার্য্যে, উপাদানে, কেহ
কখনও অসন্তুষ্ট হন নাই।
এই প্রজ্ঞাই এই মহা প্রতি-
যোগীতার বাজারে ইহার
কাটুতি, পসার, নাম-সম্ভব
এত বেশী।

ইহার দ্বিতীয় কারণ
—কেশ-রক্ষার, কেশের
উজ্জ্বলতা সাধনে—কেশের
শত্রু নাশ করণে, কেশের
বৃদ্ধি, পোষণ ও লাংগা সং-
রক্ষণে ইহা অদ্বিতীয় শক্তি-
সম্পন্ন। এই জন্য ইহা
মহিলাসুলের অতি প্রিয়।
মুগ্ধকে ইহা দিবিজয়।

যাহারা ব্যবহার করেন—আহারা ইহা জানেন, এই বিশ্ব-বিমোহন মুগ্ধকি সম্ভার পারিজাতের
সমকক্ষ কি না? এই প্রজ্ঞাই ইহা সকলের প্রিয়। আপনিও ব্যবহার করুন—বখেই
আনন্দ পাইবেন। এক শিশি ১, এক টাকা; মাগুলাদি ১/০ পাঁচ আনা। তিন শিশি ২।০ দুই
টাকা চারি আনা; মাগুলাদি ১/০-এগার আনা। এক ডজন ২০ নয় টাকা; মাগুলাদি স্বতন্ত্র।

নেত্রাবিন্দু

আমাদের “নেত্রাবিন্দু” চোখ উঠার অদ্বিতীয় ঔষধ। ইহার উপাদানে চক্ষুর হৃদয় মুগ্ধ
কোমল স্নায়ু ও শিরাসমূহের উত্তেজক কোন পদার্থ নাই। অতি লোহিতবর্ণ আলোয়
চক্ষুতে দুইবিন্দু পড়িবামাত্রই চক্ষু শীতল করিয়া দেয় ও তৎক্ষণাৎ সমস্ত আলা নষ্ট করে।
নেত্রাভিব্যাস্তের প্রথম একোণে ইহা ব্যবহার করিলে, চক্ষু শীঘ্র নির্দোষরূপে যোগমুক্ত হয়

ছানির প্রথম অবস্থা হইতে আমাদের “নেত্রাবিন্দু” ব্যবহার করিলে, ছানির দৃঢ়রস পাতলা
হইয়া রোগীকে ক্রমশঃ আরোগ্যপথে অগ্রসর করায়, এবং পরিশেষে অস্ত্রাসাহায্য বিনা রোগ
নির্মূল হয়।

আমাদের নেত্রাবিন্দু—এত দ্রুত রাত্রিকাতা, রাতকাণা এবং চক্ষুর সাধারণ লালিয়া
ও বেদনাবোধ, জলস্রাব, চক্ষুর মাংসবৃদ্ধি, অদূরদর্শন, ও বৃদ্ধকালের ‘রাঙ্গা’ দেখা প্রভৃতি
যাবতীয় চক্ষুরোগ সদর প্রশমিত করে।

এক শিশির মূল্য ১, এক টাকা; ডাকমাগুল, প্যাকিং ও কমিশন ১/০ পাঁচ আনা।

গভর্ণমেন্ট মেডিক্যাল ডিপ্লোমাপ্রাপ্ত

শ্রীযুক্ত নগেন্দ্রনাথ সেন গুপ্ত—আয়ুর্বেদীয় ঔষধালয়।

১৮/১ ও ১৯ নং লোয়ার চিংপুর রোড, কলিকাতা।

নেপোলিয়ান বোনাপার্ট ।

নেপোলিয়ানের জীবনের প্রথম হইতে শেষ পর্যন্ত সকল বিষয় এই গ্রন্থে সন্নিবিষ্ট হইয়াছে, প্রত্যেক পৃষ্ঠায় ভীষণ লোমহর্ষণ সমরকাহিনী; ইতালি, ভিয়েনা, সিরীয়, ইংলণ্ড, আঙ্গিয়া, চোহেনলিঙ্কের, উলম্, অন্তারলিঙ্কের ভীষণ সমর, আলস্ উল্লঙ্ঘন ওয়াটারলু যুদ্ধ। পড়িতে পড়িতে মনে হইবে, যেন আপনি যুদ্ধক্ষেত্রে উপস্থিত থাকিয়া স্বচক্ষে সমস্ত যুদ্ধ দেখিতেছেন। তাহার উপর এবারের অভিনব সংস্করণ—নেপোলিয়ানের দিগন্তপ্রকম্পী যুদ্ধসমূহের অগস্ত চিত্র (কটো) পরিপূর্ণ।

সুবর্ণচিত্রিত সুন্দর কাপড়ে উৎকৃষ্ট বাধান মূল্য ২ টাকা মাত্র, ডাক-মাসুল পাঁচ আনা।

দামোদরের শেষ দান।

দুইখানি শ্রেষ্ঠ নভেল।

১। নবীনা।

‘বিষবৃক্ষের’ পর একুশ সামাজিক উপগ্রাস আর হয় নাই।

২। শম্ভুরাম।

রাজনৈতিক ডাকাতির অত্যন্ত ঘটনার উজ্জল উপগ্রাস।

দুইখানি কেবল ২ টাকায় একমাসের জন্ত, ডাক মাসুল ১০

বিংশ শতাব্দীর সর্বশ্রেষ্ঠ লেখক

শ্রীরবীন্দ্রনাথ ঠাকুরের সামাজিক উপগ্রাসদ্বয়

নোকাডুবি ও চোখের বালি।

প্রেমিক হৃদয়ের চিত্র কবি কিরূপ স্পন্দ হইতে স্পন্দভাবে অঙ্কিত করিয়াছেন দেখুন। পুস্তক অল্পই আছে, একত্রে ২।০ আড়াই টাকা মাত্র। এমন সুবিধা হয় নাই।

শ্রীসতীশচন্দ্র শাস্ত্রী—কার্যাব্যাহক

বঙ্গমতী পুস্তক বিভাগ,

১৬৬নং বোম্বেয়ার স্ট্রীট্

কলিকাতা।

—প্রাদেশিক ইতিহাসে যুগান্তর—

বহুবর্ষের পরিশ্রম ও গবেষণার ফল ।

৪১ খানি চিত্র ও ৫ খানি প্রাচীন ও নবীন ম্যাপসহলিত

শ্রীযুক্ত যতীন্দ্রমোহন রায় প্রণীত

বাঙ্গালার প্রাচীন রাজধানী

ঢাকার ইতিহাস

(ঢাকা সাহিত্য পরিষদের গ্রন্থাবলিভুক্ত)

প্রথম খণ্ড

(৬০০ পৃষ্ঠায় সম্পূর্ণ)

মূল্য উৎকৃষ্ট কাপড়ে বাঁধাই ৩।০ টাকা মাত্র ।

প্রত্যেক স্বদেশবাসী ইহার সফলতার বিচার করুন । সাহিত্যাচার্য্য শ্রীযুক্ত অক্ষয়চন্দ্র সরকার মহাশয় বলেন, “আপনার ঢাকার ইতিহাস পাইয়াই পড়িতে আরম্ভ করি । কি আনন্দ পাইয়াছি তাহা লিখিতে পারি না । আপনার বিস্তৃত গবেষণা, ঐকান্তিক একাগ্রতা, এবং অসাধারণ অধ্যবসায়ের এক মুখে প্রশংসা করা যায় না । এই পুস্তক আমাকে অভিভূত করিয়াছে । ভগবানের নিকট প্রার্থনা করি আপনার ইতিহাসের আদর হউক” । মাননীয় শ্রব গুরুদাস বন্দ্যোপাধ্যায় মহাশয় বলেন, “পাঠ করিয়া অতিশয় প্রীত হইয়াছি । ঢাকা সম্বন্ধে জাণিবার ও শিবিবার অনেক বিষয় ইহাতে সরলভাষায় সুপ্রণালীতে বিস্তৃত হইয়াছে । বাঙ্গালা ভাষায় এরূপ গ্রন্থ অধিক নাই । এই গ্রন্থখানি বঙ্গ-সাহিত্যসমাজে অবশ্যই সম্যক্ সমাদর পাইবে” । ঢাকার ভৌগোলিক বিবরণের সমাগোচনায় বঙ্গের সর্বশ্রেষ্ঠ মাসিক পত্র সাহিত্যে লিখিত হইয়াছে,” ইহাতে অনেক জ্ঞাতব্য কথা আছে, অথচ বর্ণনা নীরস নহে । শুধু ভূগোলের কথা জ্যেষ্ঠের এই কাঠকাটা রোজে শুধু মস্তিকার মত সুকোমল । সেই কথা সরল করিয়া বলা যথেষ্ট শক্তির পরিচায়ক” ।

প্রাপ্তিস্থান :—

বেঙ্গল মেডিক্যাল লাইব্রেরী

আওতোব লাইব্রেরী

২০১ কর্ণওয়ালিশ স্ট্রীট

৫০১ কলেজ স্ট্রীট কলিকাতা ও লায়ান

কলিকাতা ।

স্ট্রীট ঢাকা ।

আর, লগিন এণ্ড কোংর

হিলিংবাম

সর্ব প্রকার মেহ, প্রমেহাদির জগদ্বিখ্যাত মহৌষধ।

এ ঔষধের ভায় স্থায়ী ও আশুফলপ্রদ ঔষধ আর নাই।

হিলিংবাম একমাত্র সেবনে উপকার অমূল্য করিবেন।

হিলিংবাম ২৪ ঘণ্টার মধ্যে মেহ ও প্রমেহ রোগের যাবতীয় যন্ত্রণা দূর করিবে।

হিলিংবাম 'এক সপ্তাহে' জটিল যন্ত্রণাদায়ক রোগ উপশম করে।

সরল যন্ত্রণাসহ প্রস্রাব, জীবনের কর্তব্যসাধনে অক্ষমতা, ন্যায়বিদ-দৌর্ভাগ্যতা, ধারণাশক্তির হীনতা, মস্তকবুর্ন ও মস্তিষ্কের ভারবোধ, শারীরিক মানসিক জড়তা হিলিংবাম সেবনে আরোগ্য হয়।

মেহকীটাপু মেহ ও প্রমেহাদি রোগের মূল কারণ। সেই "গণো কোকাই" কীটের বিনাশোপযোগী উপাদান হিলিংবামে আছে বলিয়াই হিলিংবাম স্থায়ীরূপে আরোগ্যকারী মহৌষধ। হিলিংবাম নিজগুণে বহু খ্যাতিনামা উচ্চ উপাধিধারী ডাক্তারগণের প্রশংসা লাভ করিয়াছে। নিম্নে কয়েকজন মাত্র ডাক্তারের নাম দেওয়া গেল। কর্নেল কে, পি, গুপ্ত,—(আই, এম, এস,) এম, এ, এম, ডি, ইত্যাদি, মেজর বি, কে, বসু,—(আই, এম, এস,) এম, ডি, সি, এচ, মেজর এ, পি, সিংহ,—(আই, এম, এস, এম, আর, সি, পি, এস) ইত্যাদি।

বিশেষ বিবরণাদির জন্ত নতুন পুস্তক বিনামূল্যে পাঠান হয়, পত্র লিখিলে পাইবেন। মূল্য—বড় শিশি ২৫০ টাকা, ছোট শিশি ১৫০ এক টাকা বার আনা। প্যাকিং ও ডাক খরচ স্বতন্ত্র।

আর, লগিন এণ্ড কোং, কেমিস্ট্‌স্‌।

১৪৮নং বহুবাজার স্ট্রীট, টেলিগ্রাম—হিলিং, কলিকাতা।

আম্ব্যাবত



১৯০৬ সালের ফেব্রুয়ারি

K. V. Seyler & Bros.

‘মেঘদূতে’র সমস্যা-পূরণ ।*

আমাদের গীর্বাণ-বাণী ভাষা-জগতে অভুলনীয়া । এই সংস্কৃত ভাষায় যে কত প্রকারের কত গ্রন্থ আছে, তাহার ইয়ত্তা করা অসাধ্য । সংস্কৃত ভাষায় যত পুস্তক আছে, বোধ করি, পৃথিবীর অস্ত্র কোনও ভাষায় তত গ্রন্থ নাই । বঙ্কিমচন্দ্র লিখিয়াছেন,—“সংস্কৃত গ্রন্থের সংখ্যা নাই বলিলেও হয় । যত অল্পসংখ্যক হইতেছে, তত নূতন গ্রন্থ আবিষ্কৃত হইতেছে । সংস্কৃত গ্রন্থগুলির তুলনায়, অন্ততঃ আকারে, ইউরোপীয় গ্রন্থগুলিকে গ্রন্থ বলিতে ইচ্ছা করে না ।” †

মুদ্রাযন্ত্রের সাহায্যে বহু প্রাচীন সংস্কৃত গ্রন্থ মুদ্রিত হইলেও এখনও বহু পুস্তক অমুদ্রিত অবস্থায় রহিয়াছে । ভারতের নানা স্থানে ভালপত্রাদিতে লিখিত কত প্রাচীন গ্রন্থ যে কীটদষ্ট অবস্থায় বিলোপোন্মুখ হইতেছে, কে তাহার নির্ণয় করিবে ? জম্মাণী, কশিয়ার প্রভৃতি দেশে তত্ত্বদেশীয় মনীষিগণের অসীম উদ্যম ও পরিশ্রমের ফলে ভারতবর্ষ হইতে বর্ষে বর্ষে শত শত প্রাচীন হস্তলিখিত সংস্কৃত গ্রন্থ নীত হইতেছে । আর আমরা এমনই হৃর্ভাগ্য যে, সে সকলের কোনও সংকলন রাখি না, অথবা সংকলন রাখিলেও তাহাদের উদ্ধারের ও প্রচারের জন্ত কোনও চেষ্টা করি না ।

দেশের এইরূপ হৃর্দশার সময়ে কোনও লুপ্ত প্রায় প্রাচীন সংস্কৃত গ্রন্থ মুদ্রিত দেখিলে চিত্তে স্বতঃই আনন্দ উপস্থিত হয় । অস্ত্র আপনাদিগকে একখানি চিত্তচরমংকারক অশ্রুতপূর্ব কাব্যের পরিচয় প্রদান করিব । গ্রন্থখানির নাম,—‘পার্বাত্যদয়ম্’ । মদীয় পরম বন্ধু, কালী জৈনধর্ম-প্রচারিণী সভার সম্পাদক শ্রীযুক্ত পান্নালাল জৈন, অল্পদিন হইল, শেঠ শ্রীযুক্ত নাথারঙ্গ গাঙ্গৌর অর্থাভ্যুত্থানে এই কাব্যখানি টীকার সহিত প্রকাশিত করিয়াছেন । প্রকাশক অনেক চেষ্টা করিয়াও দ্বিতীয় আদর্শ পুস্তক সংগ্রহ করিতে পারেন নাই বলিয়া এই মুদ্রিত পুস্তকে স্থানে স্থানে কিছু কিছু অসামঞ্জস্য দেখা যায় ।

* মহামহোপাধ্যায় পণ্ডিতরাজ শ্রীযুক্ত বাদবেশ্বর তর্করত্ন মহাশয়ের সভাপতিত্বে বারানসী-সাহিত্য-পরিষদের সাধারণ-অধিবেশনে পঠিত ।

† ‘বিবিধ প্রসঙ্গ’ দ্রোণদী (দ্বিতীয় প্রস্তাব ।)

সংক্ষেপে কাব্য-রচনার অবতরণিকা প্রদর্শন করিয়া কাব্যের কয়েকটি শ্লোক আপনাদিগকে উপহার দিব।

পুরাকালে ভারতবর্ষের অন্তর্গত পৌদনপুরে অরবিন্দ নামক এক নৃপতি রাজ্যশাসন করিতেন। বিশ্বভূতি নামক এক ব্রাহ্মণের দুই পুত্র এই রাজার মন্ত্রী-পদে অধিষ্ঠিত ছিলেন। এই দুই সহোদরের মধ্যে জ্যেষ্ঠের নাম কমঠ, কনিষ্ঠের নাম মরুভূতি।

রাজা অরবিন্দ বজ্রবীৰ্য্য নামক কোনও দুৰ্জয় শত্রুর সহিত যুদ্ধ করিবার জন্য বহু সৈন্যসহ যাত্রা করিলেন। সেই সঙ্গে রাজার আদেশে মন্ত্রী মরুভূতিও গমন করিলেন। এই য্রোগে হুঁচাচার জ্যেষ্ঠ কমঠ কনিষ্ঠ ভ্রাতৃজায়া বন্ধুরাকে নিগৃহীত করিল। রাজা শত্রুজয়ের পর ফিরিয়া আসিয়া শুনিলেন, তাঁহার রাজ্য ত্যাগ করিবার পর দুৰ্ভৃত কমঠ এই পাপ কর্ম্ম সম্পাদন করিয়াছে। রাজা, এইরূপ পাপীর প্রতি কিরূপ দণ্ড বিধেয়, ইহা মন্ত্রী মরুভূতিকে জিজ্ঞাসা করিলেন এবং তাঁহার উপদেশানুসারে কমঠকে অপমান পুরস্কার রাজ্য হইতে নির্বাসিত করিলেন। কমঠ ভ্রাতার প্রতি হৃদয়ে দারুণ ক্রোধ পোষণ করিয়া বনে গমন করিল এবং তথায় তাপসবৃত্তি অবলম্বন করিয়া দিন কাটাইতে লাগিল।

কিছু দিন পরে মরুভূতি জ্যেষ্ঠের দুর্দশার বিষয় শ্রবণ করিয়া অনুতপ্ত হইলেন। তখন তিনি সঙ্কল্প করিলেন, যে প্রকারেই হউক, ভ্রাতা কমঠের অনুসন্ধান করিবেন এবং তাহার নিকট ক্ষমা চাহিয়া লইবেন। মরুভূতি বহু অনুসন্ধানে জ্যেষ্ঠের উদ্দেশ্য পাইলেন এবং অগ্রজের নিকট গমন করিয়া যেমন তাহার চরণে অবনত হইয়া ক্ষমা চাহিলেন, অমনই ক্রোধাক্ত দুৰ্ভৃত কমঠ হস্তস্থ বৃহৎ শিলাখণ্ড মরুভূতির মস্তকে নিক্ষিপ্ত করিয়া তাঁহার বধ-সাধন করিল।

জ্যোতিষের মরুভূতি পঞ্চকল্যাণাধিপতি মহারাজ বিশ্বসেনের ঔরসে জন্ম গ্রহণ করিয়া পরিশেষে বারাগসী নগরে ‘পার্শ্বনাথ’ নামে ত্রয়োবিংশ জৈন তীর্থঙ্কররূপে খ্যাত হইলেন। আর কমঠ পরজন্মে যক্ষকুলে জন্ম পরিগ্রহ করিয়া শম্বর নামে পরিচিত হয়। যক্ষ শম্বর একদিন বিহারকালে ধ্যানস্তিমিত-লোচন পার্শ্বনাথকে দেখিতে পাইয়া পূর্বজন্মের বৈরিভাব শ্রবণ করিয়া তাহার উপর ঘোর উপদ্রব আরম্ভ করে। এই স্থান হইতেই ‘পার্শ্বভাদ্র’ কাব্যের আরম্ভ স্থচিত হইয়াছে।

এ কাব্যের ইহাই বিশেষত্ব যে, মহাকবি কালিদাসকৃত ‘মেঘদূতে’র সমস্ত কবিতা অন্তর্নিবিষ্ট করিয়া সমস্তাপূরণাকারে ইহা রচিত হইয়াছে । কোনও শ্লোকে ‘মেঘদূতে’র কবিতার এক চরণ এবং কোনও শ্লোকে দুই চরণ গ্রহণ করিয়া অবশিষ্ট চরণ গ্রন্থকার স্বয়ং সংযোজন করিয়াছেন । ইহাতে পৌরীপৰ্য্যাক্রমে যথাযথ ‘মেঘদূতে’র শ্লোকাংশ অন্তর্নিবিষ্ট হইয়াছে । কবি বিশৃঙ্খলভাবে শ্লোকের চরণ লইয়া এই বিচিত্র কাব্য রচনা করেন নাই ।

কাব্যখানি চারি সর্গে সম্পূর্ণ । প্রথম সর্গে ১১৮ শ্লোক, দ্বিতীয় সর্গে ১১৮ শ্লোক, তৃতীয় সর্গে ৫৭ শ্লোক ও চতুর্থ সর্গে ৭১ শ্লোক । মিলে কতিপয় কবিতা উদ্ধৃত হইল,—

সোহমৌ জাযঃ কপটহৃদয়ো দৈত্যপাশৌ হতাপঃ
স্বহা বৈরং মুনিপদযুগো হস্তকামো নিকামম্ ।
ক্রোধাৎ ক্ষুদ্ৰবজ্রলমুচঃ কালিমানং দধান-
‘স্তুস্ত স্থিত্বা কথমপি পুরঃ কৌতুকাধানহেতোঃ’ ॥
কিকিৎ পশুন্ মুনিপদনঘঃ স্বাস্ত্রযোগে নিবিষ্টঃ
গাঢ়াস্থাং মনসি নিদধৎ তদ্বধোপাশ্মমিচ্ছন্ ।
ক্রুরো যুত্যাঃ স্বরমিব বহন্ শ্বেদবিন্দুন্ সরোবাৎ
‘অস্তর্বাপশ্চিরমভুচরো রাজরাজস্ত দধৌ’ ॥
মৌঘস্তাবৎ স্তনিতমুখৈরবিদ্র্যহৃদ্যোতহাসৈ-
শ্চিভং ক্ষোভান্ দ্বিরদমদৃশৈরস্ত কুর্বে নিকুর্ষন্ ।
পশ্চাট্টনং অচলিতধৃতিং হী হনিষ্যামি চিত্রং
‘মেঘালোকে ভবতি স্থখিনোহপ্যস্থথাবৃন্তি চেতঃ’ ॥

—১ম সর্গ ।

আক্ষিপ্বেষু প্রিয়তমকরৈরংগকেষু প্রমোদা-
দন্তলীলাতরলিতদৃশৌ যত্র নালং নবোঢ়াঃ ।
শয্যাথায় বদনমরুতাহপাসিতুং ধাবমানা
‘অর্চিস্তদ্বানভিমুখমপি প্রাপ্য রত্নপ্রদীপান্’ ॥
বস্ত্রাপায়ে জঘনমভিতো দৃষ্টিপাতং নিরোদ্ধুঃ
যুনাং কণ্ঠা হরতিরচিতা যত্র মুদ্রাদনানাম্ ।
কম্পায়ন্তাৎ করকিশলয়াদ্যুত্ৰালে নিপত্য
‘হ্রী মুঢ়ানাং ভবতি বিকলপ্রেরণা চূর্ণমুষ্টিঃ’ ॥

—২য় সর্গ ।

যত্না হেতোস্তব চ মম চ আগ্ভবেহভূদ্ বিরোধ-
 স্তত্রোৎপন্ন নিবসতি সত্যী সাংখ্যনা কিন্নরাণাম্ ।
 ত্রুষ্টা সৌম্যং সজ্জনরন্য দ্বাং স্মরন্তী স্মরার্ভা
 ‘মধ্যে কামা চকিতহরিণীপ্রেক্ষণা নিম্ননাভিঃ’ ॥

—৩য় সর্গ ।

সৈষা বাল। প্রথমকথিতা পূর্বজন্মপ্রিয়া তে
 পশ্চাত্তাতা রহসি পরিরক্তানুমোদং নয়ং ত্বাম্ ।
 অজ্ঞেনাদং তনু চ তনুনা গাঢ়তপ্তেন তপ্তং
 ‘সাত্রেণাপ্রদ্রবমবিরতোৎকণ্ঠমুৎকণ্ঠিতেন’ ॥

—৪র্থ সর্গ ।

জৈন সম্প্রদায়ের অতিমাত্র পূজনীয় কবি জিনসেনাচার্য্য এই খণ্ডকাব্যের রচয়িতা। রাষ্ট্রকূটবংশের প্রাথমিক অমোঘবর্ষ নৃপতির রাজ্যাশাসন-সময়ে এই কাব্য রচিত হইয়াছিল। কবি গ্রন্থশেষে নিজেই ইহার পরিচয় দিয়াছেন,—

“ইতি বিরচিতমেতৎ কাব্যমাবেষ্ট্য মেঘঃ
 বহুগুণমপদোষং কালিদাসস্ত কাব্যাম্ ।
 মলিনিতপরকাব্যং তিষ্ঠতাদাশশাঙ্কং
 ভুবনমবতু দেবঃ সর্বদাহমোঘবর্ষঃ ॥
 শ্রীবীরসেনমুনিপাদপয়োজভৃঙ্গঃ ।
 শ্রীমানভূদ্‌বিনয়সেনমুনির্গরীয়ান্ ।
 তচ্ছোদিতেন জিনসেন-মুনীশ্বরেণ
 কাব্যং ব্যাখ্যায় পরিবেষ্টিত-মেঘদূতম্ ॥”

জিনসেনাচার্য্য জৈন মহামুনি বীরসেনের শিষ্য ছিলেন। বিনয়সেনও বীরসেনের শিষ্য। এই বিনয়সেনের প্রেরণায় অমরকৃত্ত হইয়া জিনসেন এই ‘পার্বাভ্যাস’ কাব্য রচনা করিয়াছিলেন—গ্রন্থের অন্তিম শ্লোকে ইহাই পরিষ্কৃত।

গ্রন্থকার জিনসেন অমোঘবর্ষ নৃপতির গুরু ছিলেন, তাহা এই কাব্যের প্রত্যেক সর্গ-সমাপ্তিতে কীর্তিত হইয়াছে,—

“ইত্যমোঘবর্ষ-পরমেশ্বর-পরমগুরু-শ্রীজিনসেনাচার্য্যবিরচিতমেঘদূতবেষ্টিতবেষ্টিতে পার্বাভ্যাসে ভগবৎকৈবল্য-বর্ণনং নাম প্রথমঃ সর্গঃ ।”

মহারাজ অমোঘবর্ষ রাষ্ট্রকূট (রাঠোর) বংশের একজন প্রবলপ্রতাপশালী বিখ্যাত মহীপতি ছিলেন। তিনি কর্ণাট ও মহারাষ্ট্র দেশে একাধিপত্য

করিতেন। অমোঘবর্ষ যে কেবল শোষণবান্ ছিলেন, তাহা নহে,—তাঁহার বিজ্ঞানুগতিও উল্লেখযোগ্য। তিনি কণাট ভাষায় ‘কবিরাজমার্গ’ নামক একখানি অলঙ্কার-গ্রন্থ ও সংস্কৃত ভাষায় ‘প্রশ্নোত্তর-রত্নমালা’ প্রভৃতি কয়েকখানি গ্রন্থ প্রণয়ন করিয়াছেন। *

জিনসেন যে বীরসেনের শিষ্য এবং অমোঘবর্ষ নৃপতির গুরু ছিলেন, তাহা গুণভদ্রাচার্য্যপ্রণীত প্রামাণিক জৈন গ্রন্থ ‘উত্তর পুরাণে’র প্রশস্তির শেষে বর্ণিত আছে,—

“অভবদিহ হিমাশ্বেদেবসিন্ধুপ্রবাহে।
ধনিরিব সকলজ্ঞাং সর্বগাট্রৈকমূর্তিঃ।
উদয়গিরিতটাদ্ভা ভাস্করো ভাসমানো
মুনিরনু জিনসেনো বীরসেনাদমুখ্যঃ ॥
যশ্চ প্রাণ্ডনখাংগুজালবিসরদ্বারান্তরাবিভবৎ
পাদান্তোজরজঃপিণ্ডমুকুটপ্রত্যগ্রত্নহ্রীতিঃ।
সংস্রজ্ঞা স্বমোঘবর্ষনৃপতিঃ পুতোহমদ্যোত্যলং
স শ্রীমান্ জিনসেনপূজ্যভগবৎপাদো জগদ্বন্দ্বলম্ ॥”

গ্রন্থকার জিনসেন কোন্ সময়ে আবির্ভূত হইয়াছিলেন, তৎপ্রণীত জয়ধবলা টীকার প্রশস্তি-শ্লোকে তাহার পরিচয় পাওয়া যায়। জিনসেনের গুরু বীরসেন জৈন সিদ্ধান্ত-শাস্ত্রের বীরসেনীয়া নামক এক টীকা লিখিয়াছিলেন। ইহার শেষাংশ জিনসেন রচনা করেন। † জিনসেন এই টীকার শেষে লিখিয়াছেন,—

“ইতি শ্রীবীরসেনীয়া টীকা সূত্রার্থদর্শিনী।
মটগ্রামপুরে শ্রীমদগুজরার্ধ্যানুপালিতে ॥
ফাল্গুনে মাসি পূর্বাঙ্কে দশম্যাং গুরুপক্ষকে।
প্রবর্দ্ধমানপূজ্যমাং নন্দীশ্বর-মহোৎসবে ॥
অমোঘবর্ষ-রাজেন্দ্রপ্রাজ্যরাজ্যগুণোদয়া।
নিষ্ঠিতপ্রচরঃ যাদ্যদকল্লান্তমনজিকা ॥
যজ্ঞিরেব সহশ্রাণি গ্রন্থানাং পরিমাণতঃ।
শ্লোকেনামুষ্টিভেনাত্র নির্দিষ্টানুপূর্বশঃ ॥

* ১৩১৯ সালের ‘শিল্প ও সাহিত্যে’র শ্রাবণ-সংখ্যায় মল্লিখিত ‘অমোঘবর্ষ’ শীর্ষক প্রবন্ধ দ্রষ্টব্য। লেখক।

† “*** বীরসেনো মুনিঃ স্বগং বাস্যতি। তস্য শিষ্যো জিনসেনো ভবিষ্যতি, সোহপি চত্বারিংশৎ সহস্রৈঃ কৰ্মপ্রভৃৎ সমাপ্তিঃ নেষ্যতি।”—

বিভক্তিঃ প্রথমস্বকো দ্বিতীয়ঃ সংক্রমোদয়ঃ ।
 উপযোগন্তু শেষাশ্চ তৃতীয়স্বক ইষ্যতে ॥
 একোনব্বট্টিগমধিকসপ্তশতাদেবু শকনরেন্দ্রস্ত ।
 সমতীতেবু সমাপ্তা জয়ধবলা প্রাভূতব্যাখ্যা ॥
 গাথাহুত্রাণি হুত্রাণি চূর্ণিহুত্রং তু বার্তিকম্ ।
 টীকা ত্রীবীরসেনোয়াংশেষা পদ্ধতিপঞ্চিকা ॥
 ত্রীবীরপ্রভুভাষিতার্থঘটনা নির্লোড়িতাশ্রাগম-
 শ্রায়া ত্রীজিনসেনসম্মুনিবরৈরাদেশিতার্থস্থিতিঃ ।
 টীকা ত্রীজয়চিহ্নিতোরুধবলা হুত্রার্থসম্বোধিনী
 শ্বেয়াদারবিচল্লমুচ্ছলতমা ত্রীপালসম্পাদিতা ॥”

ইহার বর্ষ শ্লোকের তাৎপর্য্য এই যে, ৭৫৯ শকাদে কষায় প্রাভূতের ব্যাখ্যা এই জয়ধবলা টীকা সমাপ্ত হইয়াছে ।

জিনসেনাচার্য্য ‘বর্দ্ধমান পুরাণ,’ ‘জিনেন্দ্রগুণজুতি’ ‘জয়ধবলা টীকা’, ‘মহাপুরাণ’ ও ‘পার্শ্বাভ্যুদয়’—এই পাঁচখানি গ্রন্থের রচয়িতা । কিন্তু সম্পূর্ণ ‘মহাপুরাণ’ ইহার রচিত নহে,—‘মহাপুরাণে’র ৪৩ অধ্যায়ের ৩ শ্লোক পর্য্যন্ত জিনসেনের প্রণীত, অবশিষ্টাংশ ইহার প্রধান শিষ্য গুণভদ্র প্রণয়ন করেন । জিনসেনের রচিত পূর্বাংশের নাম ‘আদিপুরাণ’ ও গুণভদ্রের রচিত উত্তরাংশের নাম ‘উত্তরপুরাণ’ ।—‘মহাপুরাণ’ গ্রন্থ এই দুই নামে পরিচিত ।

পুনর অক্ষের কাশীনাথ বাপুজী পাঠক ‘পার্শ্বাভ্যুদয়’ কাব্যের ভূমিকায় লিখিয়াছেন যে, জৈন ‘হরিবংশ’ পুরাণও জিনসেনের রচিত । * কিন্তু এ সিদ্ধান্ত অশ্রুত নহে । ‘জৈনহিতৈষী’ নামক হিন্দী মাসিক পত্রের সম্পাদক শ্রীযুক্ত নাথুরাম প্রেমী প্রতিপন্ন করিয়াছেন যে, ‘মহাপুরাণ’ ‘পার্শ্বাভ্যুদয়’ প্রভৃতির রচয়িতা জিনসেনাচার্য্য ‘হরিবংশের’ প্রণেতা নহেন ।

* “Jinasena wrote his first work the Jaina Harivansa in Saka 705 when Srivallabha, the son of Krishnaraja I., and the grandfather of Amoghavarsha I. was the reigning sovereign. Jinasena's second work the Parshwavyadayam must have been composed shortly after Saka 736, while his third and last work the Adipurana, was left unfinished. He wrote only 45 (?) chapters.”

এই কাব্যের টীকাকার পণ্ডিতাচার্য্য, মল্লিনাথরীতিতে ইহার সুন্দর টীকা লিখিয়াছেন। টীকার হস্তের উল্লেখস্থলে পানিনীয় হস্তের পরিবর্তে শাকটায়ন ব্যাকরণের হস্তাবলী প্রমাণরূপে উদ্ধৃত হইয়াছে।

টীকাকার পণ্ডিতাচার্য্য টীকার শেষে অনুষ্টুপ্ শ্লোকাकारে একটি অতিমাত্র ভাস্ত মতের প্রচার করিয়াছেন। তিনি গ্রন্থকার জিনসেনাচার্য্যকে মহাকবি কালিদাসের সমসাময়িক বলিয়াছেন। টীকাকার এ সম্বন্ধে এক গল্পও রচিয়াছেন। তিনি লিখিয়াছেন, (১) কালিদাস এক দিন অমোঘবর্ষ নৃপতির সভায় স্বরচিত ‘মেঘদূত’ কাব্য শুনাইতে আসিয়াছিলেন। তিনি সভাস্থ পণ্ডিতবর্গের প্রতি একটু অবজ্ঞার ভাব প্রদর্শন পূর্ব্বক মহারাজ অমোঘবর্ষকে ‘মেঘদূত’ কাব্য শ্রবণ করাইয়া নিজ কৃতিত্বের পরিচয় প্রদান করিলেন। সভ্যবৃন্দের মধ্যে জিনসেনাচার্য্য কালিদাসের এই জিগীষাপরিপূর্ণ পাণ্ডিত্যপ্রকটন সহ্য করিতে পারিলেন না। তিনি শ্রবণমাত্রেই ‘মেঘদূত’ের শ্লোকসমূহ কণ্ঠস্থ করিয়া লইয়া একটু হাসিয়া বলিলেন,—“পুরাতন ভাব অপহরণপূর্ব্বক এই কাব্য রচিত হইয়াছে বলিয়া ইহা বেশ চিত্তাকর্ষক হইয়াছে।” ইহা শুনিয়া কালিদাস রুষ্ট হইয়া কহিলেন,—“কোন প্রাচীন কাব্যের ভাব অপহরণ করিয়া আমি কাব্য লিখিয়াছি, তাহা সভায় প্রদর্শন করুন।” জিনসেন উত্তর করিলেন, “আপনি যে কাব্যের পদবিজ্ঞাস ও ভাব অপহরণ করিয়া এই নবীন কাব্য লিখিয়াছেন, সেই কাব্য

(১) “কালিদাসাহয়ঃ কশিৎ কবিঃ কুড়া মহৌজসা।

মেঘদূতাভিধং কাব্যং শ্রাবয়ন্ গগণো নৃপান্ ॥

অমোঘবর্ষরাজস্ত সভামেত্য মদোক্কুরঃ।

বিত্রযোহবগণযোষ প্রভুমশ্রাবয়ৎ কৃতিম্ ॥

তদা বিনয়সেনস্ত সত্যার্থ্যস্যোপরোধতঃ।

তদ্বিদ্যাভকৃতিচ্যুতৌ সন্মার্গোদীপ্তয়ে পরম্ ॥

জিনসেনমুনীশান্নৈবদ্যাবীথরাগ্রণীঃ।

বিশত্যগ্রশতগ্রস্থ প্রবন্ধশ্রুতিমাহতঃ ॥

একসন্ধিততঃ সর্বং গৃহীত্ব। পদ্যমর্থতঃ।

ভূভুদ্বিষৎসভামধ্যে প্রোচে পরিহসন্তিতি ॥

* * * *

মহেতদিবসে কাব্যং বাচয়িত্বা স সংসদি।

তদ্বৎসুদীর্ঘাণ কালিদাসমমানয়ৎ ॥”

আমার সন্ধানই একটু দূরবর্তী স্থানে আছে । আমাকে আট দিন সময় দিলে, আমি সেই কাব্য আনিয়া সভায় স্তনাইব ।” তখন সভাস্থ অস্ত্রান্ত সকলেই কোতূহলক্রান্ত হইলেন । এ দিকে জিনসেনাচার্য্য ‘মেঘদূত’ের সমস্ত শ্লোক সমস্তাপূরণাকারে অন্তর্নিবিষ্ট করিয়া পার্শ্বনাথের কথাবলম্বনে ‘পার্বীভূদয়’ নামক কাব্য রচনা পূর্বক নির্দিষ্ট দিনে রাজসভায় উপস্থিত হইলেন এবং তাহা পাঠ করিয়া কালিদাসকে অপমানিত ও লজ্জিত করিলেন ।

টীকাকারের এই কল্পিত উপস্থাপন যে উন্নতপ্রাণবৎ ভিত্তিশূন্য, তাহা ইতিহাসজ্ঞ ব্যক্তি মাত্রই বুঝিতে পারিতেছেন । মহাকবি কালিদাস যে জিনসেনাচার্য্যের অতি পূর্ববর্তী, তাহার এক জাজ্জল্যমান প্রমাণ এই যে, বীজাপুর জিলার অন্তর্গত ঐহোলী গ্রামে ‘মেগুতী’ নামক জৈন মন্দিরের গাত্রে উৎকীর্ণ ৫৫৬ শকাব্দের শিলালিপিতে জৈন কবি রবিকীর্ত্তি সগৌরবে কালিদাসের নামোল্লেখ করিয়াছেন ।*

এই রবিকীর্ত্তি চালুক্যবংশীয় মহাবীর দ্বিতীয় পুলিকেশীর (অপর নাম সত্যশ্রয়) যথেষ্ট অগ্রগ্রহ লাভ করিয়াছিলেন । চালুক্যবংশে দ্বিতীয় পুলিকেশীর তুল্য প্রবল-পরাক্রম নরপতি আর কেহই ছিলেন না । ইনি ৫৩১ শকাব্দে রাজসিংহাসনে সমারূঢ় হইয়াছিলেন । এই বীরশ্রেষ্ঠ সত্যশ্রয় পুলিকেশী (২য়) কাণ্ঠকুজাধিপতি মহারাজ শ্রীহর্ষবর্দ্ধনকে পরাজিত করিয়াছিলেন ।† সুপ্রসিদ্ধ পুরাতত্ত্বজ্ঞ

* “পঞ্চাশৎ কলৌ কালে ষট্ পঞ্চশতাহ চ । (৫৫৬)

সমাহ সমতীতাহ শকানামপি ভূভূজাম্ ॥

তস্তাদ্বিধিভিন্ননিবারিতশাসনস্ত

সত্যশ্রয়স্ত পরমাপ্তবতা প্রদাদম্ ।

শৈলং জিনেন্দ্রভবনং ভবনং মহিমাং

নির্ম্মাপিতং মতিমতা রবিকীর্ত্তিনেদম্ ॥

প্রশস্তের্বসতেশাস্ত্য জিনস্ত জিজ্ঞপদুগুরোঃ ।

কর্ত্তা কারায়তা চাপি রবিকীর্ত্তিঃ কৃতী স্বয়ম্ ॥

যেনাষোজি নবেহ্মস্থিরমর্থবিধৌ বিবেকিনা জিনবেহ্ম ।

স বিজয়তাং রবিকীর্ত্তিঃ কবিতাশ্রিতকালিদাসভারবিকীর্ত্তিঃ ॥”

(Indian Antiquary, Vol, V. P. 70-71.)

† “সমরসঃ সত্ত্বকলোত্তরাপথেষ্বরশ্রীহর্ষবর্দ্ধনপরাজয়োপলকপরমেশ্বরশকাধিপত্য সত্যশ্রয়-পৃথিবীবল্লভমহারাজাধিরাজ-পরমেশ্বরস্ত প্রায়তনয়ঃ—”

Journal of the Bombay branch the Royal Asiatic Society, Vol. Xvi. P. 234.)

ডাক্তার ফ্লিট প্রভৃতির মতে ৬১০ খৃষ্টাব্দে শ্রীহর্ষবর্দ্ধনের সাহিত্য সত্যাপ্রয় পুলি-
কেশীর যুদ্ধ সম্বন্ধে হইয়াছিল। মহাকবি বাণভট্ট শ্রীহর্ষের সভাসদ ছিলেন।
(১৩১৮ সালের কার্তিক মাসের অর্চনায় মল্লিখিত ‘রত্নাবলীর প্রণেতা’ ইতি-
শীর্ষক প্রবন্ধ দ্রষ্টব্য।) তিনিও স্বরচিত ‘হর্ষচরিত’ নামক গল্প কাব্যে কালি-
দাসকে পূর্ববর্তী কবি বলিয়া কীর্তন করিয়াছেন।* সুতরাং মহাকবি কালিদাস
কোনও রূপেই শকীয় অষ্টম শতাব্দীর জিনসেনের সমসাময়িক হইতে পারেন না,
ইহা নিঃসন্দেহে বলা যাইতে পারে।

টীকালেখকের তথাকথিত কাহিনী যে নিতান্তই অযৌক্তিক, তাহা এই
কাব্যের উপাস্ত্য শ্লোক পাঠ করিলেও স্পষ্ট হৃদয়ঙ্গম হয়। কবি লিখিয়াছেন,—

“ইতি বিরচিতমেতৎ কাব্যমাবেষ্ট্য মেঘং

বহুগুণমপদোষণং কালিদাসস্ত কাব্যম্।”

যদি কালিদাসকে অপমানিত করাই গ্রন্থকার জিনসেনের উদ্দেশ্য ছিল, তবে
তিনি কাব্যের শেষে কালিদাসের নামোল্লেখ পূর্বক তাঁহার ‘মেঘদূতে’র প্রশংসা
করিবেন কেন? এই শ্লোকটি যে প্রক্ষিপ্ত, তাহাও বলা যায় না। কারণ,
টীকাকার অত্যাশ্রয় শ্লোকের আশ্রয় এ শ্লোকেরও যথারীতি ব্যাখ্যা করিয়াছেন।

‘পার্শ্বভূদয়’ কাব্যের রচনা-প্রণালী প্রথম শ্রেণীর না হইলেও ইহা যে অপর
একখানি কাব্যের সমস্ত শ্লোককে স্তম্ভঃপ্রবিষ্ট করিয়া রচিত হইয়াছে, ইহাতেই
এই কাব্যের অসাধারণত্ব। সম্ভবতঃ একখানি কাব্যের আত্মোপাস্ত্য শ্লোকাবলী
গ্রহণ পূর্বক এইভাবে আর কোনও কাব্য প্রণীত হয় নাই।

‘মেঘদূতে’র প্রত্যেক শ্লোকের অন্তিম চরণ গ্রহণপূর্বক জৈন দ্বাবিংশ তীর্থ-
ঙ্কর নেমিনাথের সম্বন্ধীয় আংশিক ঘটনা অবলম্বন করিয়া সাজনপুত্র ‘বিক্রম’
নামক কোনও জৈন কবি ‘নেমিদূত’ নামক একখানি খণ্ড কাব্য প্রণয়ন
করিয়াছেন, দেখিতে পাওয়া যায় +। পুস্তকখানি মারাঠী অনুবাদে সহিত

* “নির্গতামলবাক্যস্ত কালিদাসস্ত সৃষ্টিবু।

ঐতির্মধুরসাজ্জীহ্ম মঞ্জরীধিব জায়তে ॥”

—হর্ষরচিত।

+ “তদুঃখার্থং প্রবরকবিতুঃ কালিদাসস্ত কাব্য-
দন্ত্যং পাদং সুপদরচিতায়েষদুতাদৃগৃহীত।

ঐমরমেন্দ্রচরিতবিশদং সাজনপুত্রজম্মা

চক্রে কাব্যং বুধজনমনঃপ্রীত্যে বিক্রমাখ্যঃ।

—নেমিদূত, ১২৬ শ্লোক।

বোম্বাই হইতে প্রকাশিত হইয়াছে। এ কাব্যখানিও প্রসাদগুণবিশিষ্ট ও
শ্রুতিমধুর। ইহারও তিনটি শ্লোক নিয়ে উপহার দিলাম। শৈলশৃঙ্গে তপস্তা-
নিরত রাজপুত্র নেমিনাথকে তাঁহার পত্নী কহিতেছেন,—

ভুঙ্গং শৃঙ্গং পরিহর গিরেরেহি বাবঃ পুরীং বাঃ
রয়শ্রেণীরচিতভবনদ্যোতিতশাস্ত্ররালাম্ ।
শোভাসাম্যং কলয়তি মনাঙ্ নালকানাথ যন্তাঃ
‘বাহোদ্যান’স্থতহরশিরশ্চল্লিকাধৌতহর্ষ্য্য’ ॥
অলোটকানং তরলতড়িৎক্রান্তনীলাকমালং
প্রাবৃট্ কালং বিততবিকসদ্যুথিকাজাতিজালম্ ।
অস্তর্জ্ঞাঐষ্ বিরহদহনো জীবিতালম্বনেহলং
‘ন স্তাদস্তোহংপাহমিব জনো যঃ পরাধীনবৃত্তিঃ’ ॥
এতৎ ভুঙ্গং ভ্যজ শিখরিণঃ শৃঙ্গমঙ্গীকুরুষ
প্রাজ্যং রাজ্যং প্রণয়মখিলং পালয়ন্ বকুবর্ণে ।
রম্যে হর্ষ্যো চিরমমুত্তব প্রাপ্য ভোগানথঙান্
‘সোৎকর্ঠানি প্রিয়সহচরীসম্ভ্রমালিক্রিতানি’ ॥

শ্রীহরিহর ভট্টাচার্য্য ।

বন্দিপ্রেমের স্বপ্নভঙ্গ ।

জীবনের কুঞ্জে পশে মধুর যৌবন
অঙ্গে অঙ্গে ফুটে রূপরাশি ;
সে রূপের ফাঁদে প্রেম-বিহঙ্গ প্রথম
‘আপনারে ধরা দেয় আসি’ ।
নয়নে তাহার জাগে রূপের স্বপন
রূপতৃষা হৃদয়মাঝার,
রূপের মদিরা পান করি’ সে পুলকে
করে স্নুখে সে কুঞ্জে বিহার ।
একদা যৌবন-অস্তে হেরে সে বিস্ময়ে—
কোথা রূপ ! সে স্বপন গত,
গুণের পিঞ্জরে তার কাটিতেছে দিন
বন্দী হ’য়ে জনমের মত ।

শ্রীযতীন্দ্রনাথ চট্টোপাধ্যায় ।

অদৃষ্ট-চক্র।

হৃতীয় পরিচ্ছেদ।

প্রত্যাবৃত্ত।

গৃহে আসিয়া যতীশচন্দ্র পিতামহীর যে অবস্থা দেখিল, তাহাতে সে অশ্রু সংবরণ করিতে পারিল না। এ কয় দিন সে কাঁদিতে পারে নাই—হৃশিকস্তায় ও আশঙ্কায় বেদনার ভার বর্দ্ধিত হইয়া কেবল অসহনীয় হইয়া উঠিতে-ছিল। আজ সে যখন পিতামহীর অবস্থা দেখিয়া কাঁদিয়া ফেলিল, তখন সে ভার যেন কিছু প্রশমিত হইল; সঙ্গে সঙ্গে মনে আত্মগ্লানির আবির্ভাব হইল। তাহার মনে হইতে লাগিল, পিতামহীর এই বেদনার জন্ত যেন সে-ই দায়ী। আর পিতার মৃত্যু ?—সে হৃদয়ে অজস্র বৃশ্চিকদংশনযাতনা অনুভব করিতে লাগিল। শোকে—হুঃখে হৃদয় কোমল না হইলে মানুষ আপনার কৃত কর্মের গুরুত্ব উপলব্ধি করিতে পারে না—আপনার অপরাধ বুঝিতে পারে না। আজ শোকে হুঃখে বিপন্ন যতীশচন্দ্র বুঝিল, সে স্বাবলম্বনের নামে যে স্বৈচ্ছাচার করিয়াছে, তাহার ফলে সে কেবল আপনার সর্বনাশ করিয়াই ক্ষান্ত হয় নাই; পরন্তু তাহার প্রতি স্নেহই বাহাদিগের জীবনের প্রবলতম বৃত্তি ছিল—বাহাদিগের সকল কার্যের কারণস্বরূপ ছিল, তাহাদিগেরও সর্বনাশ করিয়াছে। তাহার মত পাপী কে ?

তখন সরোজার কথাও মনে পড়িল। এত দিন সে যে মিথ্যা অভিমানে সরোজাকে অপরাধী মনে করিত, আজ সে অভিমান আর তাহার হৃদয়ে স্থান পাইল না; তাই আজ তাহার মনে হইল, সরোজার ত কোন অপরাধই ছিল না। সে যে অসম্ভব প্রস্তাব করিয়াছিল, সরোজার পক্ষে তদনুসারে কার্য করা সম্ভবও ছিল না—সঙ্গতও হইত না। দোষ সরোজার নহে—তাহারই। আর সে তাহার কি সর্বনাশই করিয়াছে !

আজ অমূল্যচরণের প্রভাব হইতে দূরে আসিয়া শোকাক্ত—ব্যথিত যতীশচন্দ্র আপনার কৃত কর্মের স্বরূপ দেখিয়া বিস্মিত—স্তম্ভিত—শঙ্কিত হইল। তাহার মনে যে বেদনা—যে যাতনা—সে বেদনা কি কখন অপনীত হইবে—সে যাতনা কি কখন জুড়াইবে ? যতীশচন্দ্র কেবলই ভাবিত।

এ দিকে দেখিতে দেখিতে ধরণীধরের শ্রাদ্ধের সময় আসিল। গৃহেই গুহু হইয়া যতীশচন্দ্র কলিকাতায় গেল। কলিকাতায় আসিয়া সে অমূল্য-

চরণের ব্যবহারে পরিবর্তন লক্ষ্য করিল। সে আসিবার পূর্বে অমূল্য-চরণকে পত্র লিখিয়াছিল; আশা করিয়াছিল, পূর্বের মত সে তাহার বাসায় আসিয়া উপস্থিত থাকিবে। কিন্তু সে আসিয়া জানিল, অমূল্যচরণ আটসে নাই। হয় ত কোন অনিবার্য কারণে অমূল্যচরণ আসিতে পারে নাই—ভাবিয়া সে তাহাব গৃহে গেল। অমূল্যচরণ কয়জন বন্ধুর সহিত তাস খেলিতেছিল। তাহাকে সেই বন্ধুরা যেরূপ আগ্রহ সহকারে আহ্বান করিল, অমূল্যচরণের আহ্বানে সে আগ্রহও নাই। অমূল্যচরণের সহিত পরামর্শ করিবার জ্ঞাত যতীশচন্দ্রকে বহুক্ষণ অপেক্ষা করিতে হইল। তাহার বন্ধুরা সন্ধ্যার সময় উঠিলেন। যতীশচন্দ্র ফিরিবার জ্ঞাত ব্যস্ত হইতেছিল; কিন্তু ফিরিতে পারিল না।

শেষে তাসের আড্ডা উঠিলে যতীশচন্দ্র অমূল্যচরণকে পিতামহীর কথা জানাইল; জিজ্ঞাসা করিল, “এখন কি করা কর্তব্য?”

অমূল্যচরণ বলিল, “আমি ত কিছুই বুঝিতে পারিতেছি না। আপনার পাওনাদাররা বড়ই পীড়াপীড়ি করিতেছে। তাহাদের তাগাদায় আমি অস্থির হইয়া উঠিতেছি। তাহাদের কি করিবেন?”

যতীশচন্দ্র এতক্ষণে অমূল্যচরণের স্বভাব বুঝিল। তাহার মনে পড়িল, গৃহীত অর্থের অর্দ্ধাংশেরও অধিক অমূল্যচরণই গ্রাস করিয়াছে। আজ সে নিকাসিতরস ইক্ষুদণ্ডের দশাংশ—তাই অমূল্যচরণ তাহাকে অবহেলার ধূল্য ফেলিয়া দিতে ব্যস্ত। শোকের মত শিক্ষক আর নাই। সে শিক্ষায় যতীশচন্দ্র সংযম শিখিয়াছিল। সে মনের ভাব চাপিয়া বলিল, “দেখি, কি করিতে পারি।”

পরদিন যতীশচন্দ্র কলিকাতার বাসা তুলিয়া দিল। আসবাবগুলি বিক্রয় করিয়া সে ভৃত্যদিগের বেতন ও কতক খুচরা দেনা মিটাইয়া আবার শানগরে চলিয়া গেল। তথায় সে ভাবিয়া আপনার ভবিষ্যৎ কর্তব্য স্থির করিবে।

যাইবার পূর্বে সে একবার নূতন স্বপুলালয়ে দেখা করিয়া গেল। সে সকল কর্তব্য পালন করিতে বদ্ধপরিকর হইয়াছিল। সে আর কাহারও নিকট কোন কথা গোপন করিবে না; সে তাহার সকল কর্তব্য পালন করিবে।

গৃহে আসিয়া যতীশচন্দ্র হুশিয়ার দারুণ দংশন হইতে অব্যাহতি লাভ

করিতে পারিল না সত্য; কিন্তু আর এক প্রকার যন্ত্রণার কিছু উপশম অনুভব করিল। নিশাশেষে নিদ্রাভঙ্গের সঙ্গে সঙ্গে সমাগত দিবসে অনিবার্য বায়-নির্ঝাহের ভাবনা—পাওনাদারদিগের তাগাদা—অর্থসংগ্রহের উপায় নির্দ্ধারণের চিন্তা—গৃহে আসিয়া যতীশচন্দ্র সে সকল যন্ত্রণা হইতে মুক্তিলাভ করিল। এই মুক্তির শাস্তিও সে বহুদিন ভোগ করিতে পায় নাই। ভাবনা রহিল—ভবিষ্যতের, ভাবনা রহিল—ঋণের, ভাবনা রহিল—নবপরিণীতা পত্নী কল্যাণীর। আর রহিল আত্মগ্লানির মুর্খরূদাহ—পিতার প্রতি ব্যবহারের জ্ঞাত আত্মগ্লানি—আর সরোজার প্রতি ব্যবহারের জ্ঞাত আত্মগ্লানি। কিন্তু উপায় কি? যতীশ কেবল তাহাই ভাবিত। কেবল পিতামহীর অপরিমেয় অনাবিল স্নেহে যতীশচন্দ্রের মনোবেদনার যেন অর্ধেক উপশম হইত।

এই ভাবে এক মাস কাটিতে না কাটিতে নিদ্রাঘের নিরসতায় সরসতা-সঞ্চার করিয়া বর্ষা দেখা দিল। পরিপূর্ণ পল্লব ভেককলরবমুখরিত হইল—পতিত জরীতে ঘনশ্রামপত্র তৃণলতাগুন্ম দেখা দিল। সঙ্গে সঙ্গে জরেরও আবির্ভাব হইল। এক দিন যতীশচন্দ্রের পিতামহীর শোকহুর্দল দেহ জরের তাড়নে কম্পিত হইল। জ্বর যায় আসে—একেবারে যায় না। শরীর হুর্দল হইতে লাগিল। অথচ তিনি কিছুতেই চিকিৎসার ব্যবস্থা করিতে দিলেন না। যতীশ বিপন্ন হইয়া পড়িল। পিতামহীর শুশ্রূষার—পথ্যাদির ব্যবস্থা কি হইবে? তাহার আহ্বানেরই বা উপায় কি? শুশ্রূষাকার্য্যে সে অনভ্যস্ত। প্রতিবেশিনীদিগের লৌকিক আত্মীয়তায় স্থায়িত্বের কোনও চিহ্নই লক্ষিত হইল না। বৃদ্ধার রোগ দুই এক দিনে সারিবার নহে বুঝিয়া তাঁহার। যে যাহার গৃহকর্ম্ম লইয়া ব্যস্ত হইলেন। বাস্তবিক কে দশ দিন পরের করিতে পারে? সকলেরই সংসার আছে।

শেষে বৃদ্ধা বলিলেন, “আমার শরীর ক্রমেই ভাঙ্গিয়া পড়িতেছে। তোরও কষ্ট হইতেছে। আমি না হয় ইচ্ছাপূরে বৌদিদিকে সংবাদ দিয়া পাঠাই। আহা—কত দিন বৌদিদিকে দেখি নাই।”

যতীশচন্দ্র দীর্ঘশ্বাস ত্যাগ করিল। সে আর কেমন করিয়া সরোজাকে আসিতে বলিবে—কেমন করিয়া তাহার নিকট মুখ দেখাইবে? সুদিনে সে তাহার সহিত যে ব্যবহার করিয়াছে, তাহা স্মরণ করিয়া এ দুর্দিনে সে তাহাকে আনিতে পারিবে না। আর ভট্টাচার্য্য মহাশয় পাঠাইবেন কি?

অনেকে ভাবিয়া পরদিন সে কলিকাতায় গেল এবং তাহার নূতন খণ্ডরালয়ে

সকল কথা জানাইয়া জীকে শানগরে লইয়া যাইবার প্রস্তাব করিল। তাহার শশুর-শাশুড়ী এ প্রস্তাবে সন্মত হইলেন। তাঁহারা দরিদ্র—দরিদ্রের দুঃখ বুঝিলেন; আরও বুঝিলেন, কতটা কল্যাণীকে ত এই ঘরই করিতে যাইতে হইবে—বিলম্ব করিয়া ফল কি? বিশেষ এখন যদি সে যাইয়া সংসার অধিকার করে, তবে ভবিষ্যতে তাহার সপত্নীর আসিবার সম্ভাবনাও কমিয়া যাইবে।

যতীশচন্দ্র কল্যাণীকে সঙ্গে লইয়া শানগরে আসিল।

কল্যাণীকে দেখিয়া ঠাকুরমা একবার সরোজার জন্ত দীর্ঘশ্বাস ফেলিলেন। কিন্তু এও যে যতীশের পত্নী! কল্যাণীর আদরঘরের ক্রটি হইল না।

কল্যাণীও কয় দিনেই সেবায়, গুশ্রাষায় ও কার্য্যপটুতার বৃদ্ধার স্নেহশীল হৃদয় অধিকার করিল। সে দরিদ্রের ঘরে জন্মিয়াছিল, কখনও বিলাসে বা আলস্বে অভ্যস্তা হয় নাই। গৃহকর্মে তাহাকে জননীর সাহায্য করিতে হইত। তাই সে গৃহকর্মে নিপুণা ছিল। ভাইভগিনীগুলিকে লালন-পালন করিয়া ও রোগে গুশ্রাষা করিয়া সে গুশ্রাষাকার্য্যেও অভ্যস্তা হইয়া উঠিয়াছিল। তাই সে সেবায় ও গুশ্রাষায় কয় দিনেই বৃদ্ধার হৃদয় অধিকার করিয়া বসিল।

গৃহকর্মের সকল ভারই কল্যাণী লইল এবং সকল কাযও সুচারুরূপে সম্পন্ন করিতে লাগিল। বৃদ্ধার ভাগ্যে বিশ্রামসুখলাভ ঘটিল।

যতীশও কল্যাণীর সঙ্গে প্রাণপণে পিতামহীর গুশ্রাষা করিতে লাগিল। এখন যেন তাঁহার প্রতি তাহার ভালবাসা দ্বিগুণ বর্দ্ধিত হইয়াছিল।

কিন্তু অক্লান্ত গুশ্রাষায় কিছুই হইল না। ঠাকুরমার জ্বর মধ্যে মধ্যে দেখা দিতে লাগিল। শরীর ক্রমে দুর্ব্বল হইতে লাগিল। আর যতীশচন্দ্র ও কল্যাণী অনেক জিদ করিয়াও তাঁহাকে ঔষধ সেবন করাইতে সন্মত করিতে পারিল না। পুত্রশোকাতুরা বৃদ্ধা মৃত্যুর আশায় যেন উৎফুল্লা হইতেছিলেন। হিন্দু-বিধবা পতিকে হারাইলেই মনে করেন, জীবনে আর কোনও আকর্ষণ নাই। তাহার পর হর্ভাগ্যক্রমে যদি তাঁহাকে পুত্রশোক সহিতে হয়, তাহা হইলে তিনি মৃত্যুই কামনা করেন।

এই ভাবে প্রায় দুই মাস কাটিল। দ্বিতীয় মাসের শেষে বৃদ্ধা শয্যা লইলেন। সকলেই বুঝিল, তাঁহার দিন ফুরাইয়া আসিয়াছে, দীপনির্কাণ কেবল সময়-সাপেক্ষ।

তৃতীয় মাসের মধ্যভাগে এক দিন সকলেই বুঝিল, মৃত্যুর আর বিলম্ব নাই।

“ঠাকুরদাদা” নাড়ী পরীক্ষা করিয়া বলিলেন, “আজ মধ্যাহ্নের পর পর্য্যন্ত মেয়াদ।”

বৃদ্ধার নির্বন্ধাতিশয়ে তাঁহাকে গঙ্গাতীরে আনয়ন করা হইল। সেই গঙ্গার কুলেই সন্ধ্যার পূর্বে তাঁহার শেষ শ্বাস বাহির হইয়া গেল।

পিতামহীর শবপার্শ্বে লুটাইয়া যতীশ কাঁদিল। এমন করিয়া সে আর কখনও কাঁদে নাই। এ শোক যেন তাহার পক্ষে পিতামহীর ও পিতার মৃত্যুশোক। তাহার বেদনা কে বুঝিবে? তাহার শোকের কি সাস্থনা আছে?

চতুর্থ পরিচ্ছেদ।

যাত্রা।

পিতামহীর মৃত্যুর কয় দিন পরে এক দিন মধ্যাহ্নে যতীশ পিতামহীর শ্রাদ্ধ-সম্বন্ধে কল্যাণীর সহিত পরামর্শ করিতেছিল। রন্ধনগৃহে কল্যাণী হবিষ্যার রাধিতেছিল—আর যতীশ নিকটে বসিয়া ছিল। এখন সংসারে কল্যাণীই তাহার অবলম্বন। মানুষ যখন বিপদে পড়ে—যখন ভাবনার সমুদ্রে কুল পায় না—যখন বুঝিতে পারে, সে আপনার বুদ্ধিবলে বিপদ হইতে উত্তীর্ণ হইতে পারিবে না—যখন তাহার আত্মশক্তিতে অতিরিক্ত প্রত্যয় চূর্ণ হইয়া যায়, তখন সে ব্যথার ব্যথীর পরামর্শ লইতে চাহে। তখন সে পত্নীর পরামর্শ লয়—কারণ, উভয়ের স্বার্থ সম্পূর্ণরূপে একত্র সম্বন্ধ।

যতীশচন্দ্র কল্যাণীর সহিত কথা কহিতেছে, এমন সময় তাহাকে ডাকিতে ডাকিতে একজন ভদ্রবেশধারী মধ্যবয়স্ক লোক একেবারে অন্তরের প্রাঙ্গণে আসিয়া উপস্থিত হইলেন। তাঁহাকে দেখিয়া যতীশচন্দ্র বাহিরে আসিল। তাহাকে সম্মুখে দেখিয়া আগন্তুক কর্কশভাবে বলিলেন, “মহাশয়, আমার কি ব্যবস্থা করিলেন?”

যতীশ বলিল, “আমার অবস্থা দেখিতেছেন। ঠাকুরমা’র শ্রাদ্ধটা হইয়া যাউক; তাহার পর আমি একটা ব্যবস্থা করিব।”

“আমি আপনার চাকর নহি যে, কলিকাতা হইতে কাষ ফেলিয়া যাতায়াত করিব। আমার পাওনা টাকা পাইব কি না, বলিয়া দিউন। তাহা বুঝিয়া আমাকে ব্যবস্থা করিতে হইবে। টাকা লইবার সময় সকলের এক চেহারা—আর দিব্য সময় আর এক চেহারা। ভাল আপদেই পড়িয়াছি।”

যতীশ যত বিনীত ভাবে কথা কহে, আগন্তকের কণ্ঠস্বর ততই উচ্চ হয় ।

যতীশ তাঁহাকে বহির্কাটাতে লইয়া গেল ।

কল্যাণী ভাবিতে লাগিল ।

সেই দিন আহারের পর যতীশচন্দ্র হঠাৎকালে কল্যাণীর উপর শয়ন করিয়া বিশ্রাম করিতেছিল । কল্যাণী কক্ষে প্রবেশ করিল । স্বামীর কাছে বসিয়া সে জিজ্ঞাসা করিল, “স্বামীজী কলিকাতা হইতে যে লোকটি আসিয়াছিল, সে তোমার কাছে কত টাকা পাইবে ?”

যতীশ বলিল, “দুই শত টাকা ।”

“তোমার কি আরও দেনা আছে ?”

“আছে ।”

“মোট কত টাকা হইবে ?”

“প্রায় ছয় হাজার ।”

টাকার পরিমাণ শুনিয়া কল্যাণী চিন্তিতা হইল,—জিজ্ঞাসা করিল, “শোধ করিবার কি করিবে ?”

যতীশ বলিল, “তাই ভাবিতেছি ।”

“শোধ করিবার কি কোন উপায় নাই ?”

“থাকিবার মধ্যে আছে, ঠাকুরমা’র সম্পত্তিটুকু ।”

“দাম কত হইবে ?”

“আট হাজার টাকা হইতে পারে ।”

“ঐটা বেচিয়া ফেল ।”

“তাহার পর কি থাকিবে ?”

“এখনই বা কি করিবে ? আগে তুমি খোলসা হও । সব শোধ করিয়াও হাতে কিছু টাকা থাকিবে । আর তুমি কি মাসে ২০২৫ টাকাও আনিতে পারিবে না ? তাহাতেই স্নেহে হউক—দুঃখে হউক, আমাদের চলিয়া যাইবে । এ অর্পমান—এ অস্বস্তিতে কাষ নাই ।”

“কিন্তু সম্পত্তি বেচিব বলিলেই ত বিক্রয় হয় না । এ দিকে ইহারা যে আর সময় দিতে চাহেন না ।”

কল্যাণী মুহূর্ত্ত কি ভাবিল, তাহার পর বলিল, “এখন কত টাকা হইলে তুমি সময় পাও ?”

যতীশ বলিল, “প্রায় দুই হাজার ।”

“ভাল। আমার যে গহনা আছে ; তুমি কাল সেগুলি বেচিয়া ফেল—প্রায় দেড় হাজার টাকা পাইবে। আর দিদিরও ত গহনা আছে—আমি তাঁহাকে লিখিতেছি।”

যতীশচন্দ্র ঠিক বুঝিতে পারিল না—জিজ্ঞাসা করিল, “কাহাকে ?”

কল্যাণী বলিল, “ইচ্ছাপুরে দিদিকে।”

“সে কি ?”

“তুমি রমণীকে চিন না। তুমি যাহাই কর, তুমি তাঁহার স্বামী। তোমার বিপদ শুনিলে তিনি কিছুতেই স্থির থাকিতে পারিবেন না। আর আমি ঠাকুরমা’র কাছে তাঁহার কথা বাহা শুনিয়াছি—তাহাতে আমি নিশ্চয় বলিতে পারি, আমি সব কথা লিখিলে তিনি তাঁহার যথাসর্বস্ব দিতে দিখা করিবেন না।”

যতীশচন্দ্র ভাবিতে লাগিল। বাস্তবক সে রমণীকে চিনে না। রমণীর এই কল্যাণী মূর্তি সে তাহার স্বার্থসঙ্কুচিত চিত্তে বুঝি ধারণাও করিতে পারে না ? রমণীর এই আত্মত্যাগ বুঝি তাহার কল্পনার অতীত। তাহার দুই চক্ষু অশ্রুতে পূর্ণ হইয়া আসিল। আর সে মনে এক অপূৰ্ণ শাস্তির আনন্দ অনুভব করিল। যাহার ভাগ্যে এরূপ পত্নীলাভ ঘটে, তাহার জীবন অভিশপ্ত হইতে পারে না। যাহার আলা জুড়াইবার এমন স্থান আছে, তাহার কিসের দুঃখ ? তাহার অবসর হৃদয়ে যেন নূতন শক্তি সঞ্চারিত হইল ; সে যে সংসার-সংগ্রামে আপনার পরাজয় ও পতন অনিবার্য্য বোধ করিতেছিল—তাহার মনে হইতে লাগিল, সেই সংসার-সংগ্রামে তাহার জয় হইবেই। সে হৃদয়ে যে শক্তি অনুভব করিল সে শক্তি বিশ্বাসসজ্জাত। আজ তাহার মনে হইল, রমণী সত্য সত্যই শক্তিরূপিনী। এ কথা যে না বুঝে, সে সংসারমক্ভূমিতে কেবল মৃগতৃষ্ণিকার অনুসরণ করিয়া শান্ত—ক্লান্ত অবসর হইয়া শেষে মৃত্যুমুখে পতিত হয়। আর যে ইহা বুঝিতে পারে, সে জয়ী হয়—সুখী হয়।

কিন্তু যতীশ কিছুতেই কল্যাণীর অলঙ্কার লইতে চাহিল না ; বলিল, “আমার একখানি অলঙ্কার দিবার ক্ষমতা নাই আর আমি তোমার সঞ্চল নষ্ট করিব ? সে কিছুতেই হইবে না।”

কল্যাণী তাহাকে অনেক বুঝাইল ; বলিল, “ওঁৰ্ভাবনায় তোমার শরীর ভাঙ্গিয়া পড়িতেছে তোমার—মনে সুখ নাই। তোমার শরীর—তোমার, সুখ বড়—না আমার অলঙ্কার বড় ? তুমি যদি অসুখী হও, তবে আমি

বাল্লে গহনা রাখিয়া কি সুখ পাইব? গহনা ত অসময়ের জন্তাই। যখন তোমার অর্থ হইবে, আমি জিদ করিয়া গহনা লইব।”

যতীশ অনেক তর্ক করিল; কিন্তু কল্যাণীর সহিত পারিয়া উঠিল না। কেবল তাহার বিশেষ অমুরোধে কল্যাণী বলিল, সে বর্ত্তমানে সরোজাকে কোন পত্র লিখিবে না।

পরদিন পত্নীর অলঙ্কার লইয়া যতীশচন্দ্র কলিকাতায় গেল ও সেগুলি বিক্রয় করিয়া কতক ঋণ শোধ করিয়া গৃহে ফিরিল।

কলিকাতায় বাইয়া যতীশ আর একটি কাৰ্য করিল; সংবাদপত্রে কৰ্ম্ম-খালির বিজ্ঞাপন দেখিয়া কয় স্থানে চাকরীর জ্ঞা দরখাস্ত পাঠাইয়া আসিল।

তাহার পর সে গ্রামের ঠাকুরদাদা হরিনাথকে বলিল, “দেখুন, বাবা ত সব টাকাই সৎকৰ্ম্মে দান করিয়া গিয়াছেন। আমার ত চাকরী না করিলে চলিবে না। কাষেই আমাকে বিদেশে বাইতে হইবে।”

হরিনাথ বলিলেন, “তাগ ত বটেই।”

যতীশ বলিল, “আমি চলিয়া বাইলে যে সামান্য সম্পত্তিটুকু আছে, তাহাতে কি আর কিছু হইবে?”

হরিনাথ বলিলেন, “মহাভারত! আপনি থাকিয়া আদায় করাই হুকুম; না থাকিলে কি কখনও আদায় হয়? বিশেষ আগ্রকাল ঘোর কলি—লোক ফাঁকি দিতে পারিলে আর ছাড়ে না।”

“তাই ভাবিতেছি। সম্পত্তিটুকু বিক্রয় করিব। আপনি সাহায্য না করিলে হইবে না।”

“আমিই ত ধরণীকে সম্পত্তি কিনিয়া দিয়াছিলাম। তাহার ভাগ্যে নাই—ভোগে লাগিল না। আমি চেষ্টা করিতেছি, অবশ্যই বিক্রয় হইবে। গ্রামেই সম্পত্তি; অনেকেই লইতে চাহিবে।”

বাস্তবিক হরিনাথের চেষ্টায় কয় দিনেই সম্পত্তির গ্রাহক জুটিল। পিতা-মহীর শ্রাদ্ধ সমাধা করিয়া যথারীতি অধিকারী হইয়া যতীশচন্দ্র সম্পত্তি বিক্রয় করিল ও সেই বিক্রয়লব্ধ অর্থ আপনায় সঞ্চিত ঋণ মিটাইয়া দিল। হৃৎখেদ মধ্যে সে যে সুখ পাইল, তাহা অনির্বচনীয়।

এ দিকে সে যে কয়খানি দরখাস্ত করিয়াছিল, তাহার মধ্যে একখানির উত্তর আসিল। দানাপুরে মাসিক ৩০ টাকা বেতনে তাহার চাকরী জুটিল।

নূতন স্থান ; তাই যতীশচন্দ্র প্রস্তাব করিল, প্রথমে সে একাই যাইবে, পরে কল্যাণীকে লইয়া যাইবার ব্যবস্থা করিবে। তত দিন কল্যাণী পিত্রা-লগ্নে থাকিবে। কিন্তু কল্যাণী সে প্রস্তাবে সম্মত হইল না। কারণ, সে পিত্রালয়ে আপনাদের দারিদ্র্য-দুঃখ জানাইতে ইচ্ছুক ছিল না ; আর ঘটনা-পরম্পরায় যতীশচন্দ্র যেরূপ চঞ্চল হইয়াছিল, তাহাতে যতীশচন্দ্রকে একাকী বিদেশে যাইতে দিতে তাহার মন সরিতেছিল না। সে বলিল, “তুমি সঙ্গে থাকিবে, ভয় কি ? আমি তোমার সঙ্গে যাইব।” যতীশ আর তাহার কথায় আপত্তি করিল না। সেও ভাবিল, কল্যাণীকে রাখিয়া যাওয়া অপেক্ষা তাহাকে লইয়া যাওয়াই ভাল।

তখন যাত্রার আয়োজন হইল। গৃহের কতক জিনিস বিক্রয় করিয়া, কতক জিনিস আত্মীয়গৃহে রাখিয়া এক দিন যতীশচন্দ্র পত্নীকে লইয়া গৃহের বাহিরে আসিল। গৃহে তালা পড়িল।

অদৃষ্ট-চক্রের এক আবর্তন উদ্ভাস্ত যতীশচন্দ্রকে ফিরাইয়া গৃহে আনিয়া-ছিল, আর এক আবর্তন আজ তাহাকে গৃহত্যাগী করিল। অল্প সময় হইলে এই বিদায়ে তাহার হৃদয় বিষম ব্যথিত হইত। কিন্তু আজ সে কল্যাণীর জন্ত নূতন আশায়—নূতন উদ্যমে নূতন জীবনে প্রবেশ করিতে-ছিল ; আজ তাহার নিকট-সংসার নূতন শ্রীতে সমুদ্ভাসিত ; আজ তাহার হৃদয়ে অননুভূতপূর্ব শান্তি—তাই এই বিদায় আজ তাহার পক্ষে ভেমন ক্লেশের কারণ হইল না : বিশেষ তাহার জীবনে কল্যাণরূপিনী পত্নী আজ তাহার সঙ্গে, তাই সে বিদায়কালে বেদনায় অভিভূত হইল না।

রামটেক্ ।

(২)

একটু অগ্রসর হইয়াই দেখি, পথের বামপার্শ্বে নরসিংহদেবের রক্তপ্রস্তরমূর্তি সমস্ত ঘরটি জুড়িয়া আছেন। আর দক্ষিণে এক বহু পুরাতন মসজিদ ; শুনিলাম, আওরঙ্গজেবের জনৈক সভাসদের স্মৃতিরক্ষার্থ ইহা প্রতিষ্ঠিত। মসজিদ ছাড়াইয়া আর একটি তোরণদ্বারের সম্মুখে যাইতে না যাইতেই মুসলমান ফকিরের ডাক পড়িল। প্রথমে আমরা যাইতে কিছু নারাজ ছিলাম, কিন্তু যখন তাঁহারই মুখে ধর্ম্মের উচ্চ আদর্শ “রামও যাহা রহিমও তাহাই” শুনিলাম, তখন আর না যাইয়া থাকিতে পারিলাম না।

‘রাম রহিম্ নেই জুদা করো।

দিল্কা সাচ্চা রাখো জী ॥’

ভারতের এই মহামন্ত্র মনে স্বতঃই জাগিয়া উঠিল। কয়েক পদ অগ্রসর হইয়াই যে তোরণদ্বার পাইলাম, তাহার মধ্যে এক বৃহৎ বরাহাবতারমূর্তি প্রতিষ্ঠিত ; উহার তলদেশ হইতে ভূমির ব্যবধান অত্যন্ত অল্প ; সেই সামান্য স্থানের মধ্য দিয়া যিনি বিনা আয়াসে গলিয়া যাইতে পারেন, তাঁহার মুক্তি অবশ্যসম্ভাবী। স্ত্রী-পুরুষ সকলেই চেষ্টা করিতেছে ; আমিও শুইয়া কোনরূপে অপর দিকে আসিয়া নীরবে অস্ত্রের মুক্তি-রহস্য দেখিতে লাগিলাম। একজন স্থলকার মারহাট্টার দুর্গতি দেখিয়া হাশ্বসংবরণ করিতে পারা গেল না। তাহাকে শেষে হাত ধরিয়া টানিয়া বাহির করিতে হইল। মনে অত্যন্ত আনন্দ হইল, তাহার পুণ্যের কতক ভাগ নিশ্চয়ই আমার অংশে পড়িবে স্থির করিয়া লইলাম। ইহারই নিকটে ধুম্রেশ্বর মহাদেবের মন্দির। এই মন্দিরসম্বন্ধে একটি বেশ কোতূহলোদ্দীপক কাহিনী আছে। পুরাকালে শম্বুক নামে এক শূদ্র কঠোর তপশ্চর্য্যার ফলে কোন ব্রাহ্মণপুত্রের মৃত্যুর কারণ হইয়াছিলেন। শূদ্র তপস্তার অধিকারী নহে ; ইহাতেই রাম ক্রুদ্ধ হইয়া তাহার শিরশ্ছেদন করেন। শম্বুক এ মৃত্যুতে বিশেষ সম্মানিত বোধ করিয়া রামকে এই পর্কতশিখরে চিরদিন থাকিতে অনুগোধ করেন ; আর সেই সঙ্গে আপনার পূজাও প্রার্থনা করেন। শূদ্রের সেই লিঙ্গমূর্তির অপর নাম ধুম্রেশ্বর মহাদেব। রাম যে সত্যই পর্কতশিখরে আছেন, তাহার প্রত্যক্ষ প্রমাণ দেখাইবার সময় পাণ্ডুরা মন্দিরসংলগ্ন ত্রিশূলের উপর শুকতারার মত বৈজ্যতিক আলোকের কথা বলিয়া থাকে। ইহা প্রায় মেঘাচ্ছন্ন

দিবসে দেখা যায়। বিশ্ববিদ্যালয়ে বিজ্ঞানের দুই একটা রহস্যভেদ করিতে শিখিয়া এ কথার আমার আস্থা স্থাপন করিতে প্রবৃত্তি হইল না।

এইবার আমরা সিংহপুর তোরণে আসিয়া উপস্থিত হইলাম। উত্তরে যে দুইটি দুর্গ-প্রাচীর আছে, তাহার মধ্যে ভিতরের প্রাচীরটির এই স্থান হইতেই আরম্ভ হইয়াছে; আর বাহিরেরটি এই দুর্গের নিম্ন দিয়া সোজা সোজা আরোহণে আসিয়া মিশিয়াছে। পশ্চিমে ও দক্ষিণে পর্বতের নিরবচ্ছিন্ন উচ্চতা শত্রুপক্ষ হইতে গিরিশৃঙ্গ রক্ষা করিতেছে। বাহিরের প্রাচীরের এখন কেবল ধ্বংসাবশেষ দেখিতে পাওয়া যায়। শুনিলাম, গাওয়ালীরাই নাকি ইহার নির্মাণ-কর্তা। কিন্তু ভিতরের প্রাচীর বহু পুরাতন বলিয়া মনে হইল। সেকালে এই সিংহপুর তোরণের মধ্যেই মারহাট্টাদিগের অস্ত্র-শস্ত্র রক্ষিত হইত; নিদর্শনস্বরূপ দুই একটি কামানও দেখা গেল। কত শত বৎসর অতীতের গর্ভে বিলীন হইয়া গিয়াছে; কিন্তু কালের কঠোর স্পর্শ ইহাদের অস্তিত্ব ঘুচাইতে পারে নাই। আবার সোপানাবলী অতিক্রম করিতে লাগিলাম; ক্ষুধা-তৃষ্ণায় পা আর চলে না। খোকাবাবু ও ঝি বড় ক্লান্ত হইয়া পড়িল। কিন্তু আমার গৃহিণী একেবারে সাস্থিকভাবে পূর্ণ হইয়া গিয়াছেন; তিনি “আর কতটাই বা” বলিয়া উঠিতে লাগিলেন। অগত্যা আমিও ক্লান্ত থাকিতে পারিলাম না।

এইবার ভৈরবদরজায় আসিলাম। বৃহদাকার দুইটি কাষ্ঠের দ্বারে লৌহের বৃহদাকার বড় পেরেক মারা রহিয়াছে; আর তোরণের উপর হইতে এক বিপুলায়াতন ঘণ্টা ঝুলিতেছে। আমরা প্রত্যেকে পরস্পর দিয়া উহা মনের সাথে বাজাইয়া লইলাম। আঙ্গিনার দুই পার্শ্বে মন্দিরভূক্ত দাসদাসীদিগের বাস; তাহাদের সংখ্যা বড় কম নহে, অল্পসকানে জানিলাম, প্রায় ২০০ লোক হইবে। ভৈরবদরজার গঠন প্রণালী দেখিবার জিনিস বটে; পাথরের উপর কি কারুকার্যই না রহিয়াছে! অবাক হইয়া দেখিলাম। মনে স্থগা আসিল যে, এই পুরাতন স্থাপত্য শিল্পের আদর করিবার লোক কেহ নাই। আমাদের সব থাকিয়াও বিদেশীর নিকট আমরা নিঃস্ব; হায়, এ কথা কে বুঝে? আবার চলিতে লাগিলাম।

এই বার গোকুলদরজায় আসিলাম; এ তোরণে অস্পৃশ্যজাতীয়দিগের প্রবেশ করিবার ছকুম নাই; সে জন্ত খাড়া পাহারাও রহিয়াছে দেখিলাম। আমরা দিগকে কেহ কোন কথা জিজ্ঞাসা করিল না; সম্ভবতঃ বেশভূষায় বাঙ্গালী হিন্দু বলিয়া সাব্যস্ত করিয়া লইল। প্রথমেই বাম দিকে মন্দিরের ঢাক ঢোল রাধিবার আন্তান

দেখিলাম ; প্রকাণ্ড এক ঢাক ঘরটি জুড়িয়া রহিয়াছে, সেটি বাজাইতে ন্যূনকল্পে বিশ জন লোকের প্রয়োজন । উহারই নিম্নে কয়েকটি সন্ন্যাসীর সমাধি ও মন্দির দেখিলাম । প্রশস্ত চত্বর বাহিয়া আবার কয়েক ধাপের পর লক্ষ্মণের মন্দির দেখা গেল । সম্মুখের দালানটি আটটি মোটা খামের উপর রহিয়াছে ; খামগুলি কারুকার্যশোভিত । মন্দিরের মহারাজের সহিত কথাবার্তায় প্রকাশ পাইল যে, এগুলি প্রায় ৭০০ শত বৎসরেরও অধিক পুরাতন । তিনি এ সম্বন্ধে এক প্রস্তর-ফলকে ক্ষোদিত প্রমাণ আমায় দেখাইয়া দিলেন ; আমিও নিঃশব্দে উহা পড়িয়া লইলাম । মন্দিরটি সশস্ত্রপ্রহরবেষ্টিত । দেবস্থান কমিটার পক্ষ হইতে এ পাহারা নিযুক্ত । মন্দিরের গম্বুজে ছিদ্র করিয়া এক প্রকাণ্ড ঝাড় ঝুলান । ইহার দুইটি দ্বার, প্রথমটি পিত্তলনির্মিত ও দ্বিতীয়টি রৌপ্যনির্মিত । গোপাসিংহাসনে লক্ষ্মণ আসীন ; তাঁহার অঙ্গে বহুমূল্য অলঙ্কারাদি রহিয়াছে । ইহারই নিকটে বশিষ্ঠ ও দশরথের মূর্তি প্রতিষ্ঠিত । অদূরে পরার্থপরতার মূর্তিমতী দেবী কোশল্যার মন্দির । এই স্থানে কোশল্যার যে কত আধ্যাত্মিক গুণিতে লাগিলাম, তাহা বলিতে পারি না । রামায়ণে সে সমস্ত পড়িয়াছি বলিয়া মনে হয় না ; মুগ্ধ হইয়া গৃহিণী সে সব কথা গুণিতে লাগিলেন আর মাঝে মাঝে মারহাটি ভাষায় তাহার টিপ্পনীও করিলেন । লক্ষ্মণের মন্দিরের অব্যবহিত পশ্চাতে রাম ও সীতাদেবীর মন্দির । ইহারও দুইটি দ্বার যথাক্রমে পিত্তল ও রৌপ্যমণ্ডিত ; আর সম্মুখের দালানটি লক্ষ্মণ জাঁউর দালানের আদর্শে নির্মিত । এই স্থানেও পাহারা রহিয়াছে । মূর্তিগুলি কাল পাতরের ; তাহার উপর অলঙ্কারের শোভা বড়ই সুন্দর দেখাইল । প্রশস্ত দালানে কত লিপি উৎকীর্ণ ! তাহার মধ্য কিছুই বুঝিলাম না । এই স্থানে আসিয়া আমরা সকলে সসন্ত্রমে প্রণাম করিলাম এবং পূজাও যথারীতি হইল । রামের মন্দির পাহাড়ের সর্বোচ্চ শিখরে প্রতিষ্ঠিত । এতক্ষণ ক্ষুধাতৃষ্ণায় কাতর হইতেছিলাম, এখন মুখে হাসি ফুটিল । খোকাবাবু বলিয়া উঠিলেন, “কষ্ট না করিলে কৃষ্ণ মিলে কি ?” আমরা আরও হাসিলাম । বস্ত্ততঃই ভগবান্ দর্শন অল্পে ঘটে কি ? ইহারই দক্ষিণে রাধাকৃষ্ণের মন্দির ও সে স্থান হইতে অনতিদূরে আবার দুইটি কামান দেখিলাম ; উহা পিত্তলের বলিয়া মনে হইল । এইবার মন্দিরের উত্তরে লবকুশের বিগ্রহ দেখিয়া কয়েকটি সিঁড়ি বাহিয়া উহার উপরে গিয়া পৌছিলাম । চতুর্দিক্ ফাঁকা, আর উপরে কেবল এক পাথরের গম্বুজ । তথা হইতে চারিদিকের দৃশ্য কি মনোরম ! বহু নিম্নে রামটেক সহর পড়িয়া আছে,—ঘরবাড়ীগুলি যেন খেলাঘরের মত বোধ হইল । আর লালু কাঁকরের

রাস্তাগুলো যেন সূতার মতন বিস্তৃত হইয়া রহিয়াছে। দূরে অঘালা সরোবর একখানি ছোট কাচের মত ঝক্ ঝক্ করিতেছে। উপর হইতে মানুষগুলি দেখিয়া পুতুলের মত লোক বোধ হইল। মন্দিরের অধ্যক্ষ মহারাজ আমাদের সঙ্গে ছিলেন, তিনি গুন্ গুন্ স্বরে বলিয়া উঠিলেন—

“রাম ঝরকা বৈঠকো সবকোমুঞ্জরোলে।

জিস্কো জেসি নকরী উস্কো ঐ সি দে ॥”

এই স্থান হইতে নামিয়া কয়েক পদ দক্ষিণে গিয়া সীতাকুণ্ড দেখিলাম। তাহার জল কিছু অপরিষ্কার; কিন্তু বড় পবিত্র বলিয়া পরিগণিত। ইহারই নিকটে দুর্গের একটি দ্বার রহিয়াছে; তথা হইতে ৫০০ শত সোপান অতিক্রম করিলে একেবারে রামটেকের বাজারে আসিয়া পৌছান যায়। ধাপগুলি কিছু বন্ধুর ও উচ্চ।

গুলিলাম, গিরিশৃঙ্গে একটি ডাকবাঙ্গলাও আছে; যুরোপীয়গণ শিকারে আসিয়া তথায় অবস্থিতি করেন। মন্দিরের এত নিকটে ডাকবাঙ্গলা গুলিয়া মনটা কিছু খাটো হইয়া গেল।


এই তীর্থে কার্তিক পূর্ণিমার আরম্ভ করিয়া পঞ্চকালব্যাপী এক মেলা বসে। প্রথম দিনে ত্রিপুরাসুরবধের কীর্তিস্বরূপ একখানি পীতবর্ণের রেশমী কাপড় রামের মন্দিরের উপর দক্ষ করা হয়। গোকুলদরঙ্গায় আঙ্গিনায় ও বাহিরে হাজার হাজার দোকান বসে; এই সব দোকানে কেবলই মৃৎপাত্র, পান, ত্রীলোকদিগের শাড়ী, রুদ্রাক্ষমালা এবং তাম্র ও পিত্তলের বাসন বিক্রীত হয়। এই স্থানের মাটির হাঁড়ি আর খাপার কাপড় চিরপ্রসিদ্ধি লাভ করিয়াছে; পান ও আতাকলের ত কথাই নাই। এ সময়ে যাত্রীর সংখ্যাও বড় কম হয় না—প্রায় দুই লক্ষ লোক তীর্থে আইসে। লোকসমাগমে মেলায় আগুও যথেষ্ট হইয়া থাকে। চতুর্দিকে আয়োজনের ঘটও খুব; কারণ, কার্তিক পূর্ণিমার অধিক বিলম্ব নাই। এই মেলার রোজগারেই পাণ্ডাদিগের সম্বৎসর চলিয়া যায়। আপাততঃ দীপালী নিকটে বলিয়া ঘরদ্বারগুলিরও জীর্ণসংস্কার হইতেছে, দেখিলাম। নিম্নে কৃষির সুবিধার জন্য সরকার প্রকাণ্ড এক পুষ্করিণী (Irrigation reservoir) খনন করাইয়া দিয়াছেন। তথা হইতে চতুর্দিকের মাঠে জল সরবরাহ হইয়া থাকে।

যে পথে আমরা আসিয়াছিলাম, সেই পথ ধরিয়াই আবার নামিতে লাগিলাম। তখন বেলা আন্দাজ ৩টা হইবে; মাথার উপর হইতে সূর্য্যদেব কিছু পশ্চিমে চলিয়া পড়িয়াছেন। সমস্ত দিন খাওয়া দাওয়া হয় নাই; মেজাজ্ রুদ্ধ

হইয়া গিয়াছে । মাঝে মসজিদের কাছে আসিয়া এক লাড্ডুর দোকান হইতে সকলে কিছু কিছু খাবার খাইয়া লইলাম । সিঁড়ি ভাঙিতে ত হইবে । দোকানের মালিক জল আনাইয়া দিল ; সুখে পান করিলাম । শরীর সতেজ হইল । আবার নামিতে লাগিলাম । এবার কিন্তু কোথাও অধিক সময় বিশ্রামের প্রয়োজন হইল না । মনে হয়, ৪।৫ বার বিশ্রাম করিয়াছি মাত্র ! বেলা অবসান হইতে চলিল দেখিয়া গতি কিছু ক্ষিপ্ত করিলাম । খোকাবাবু আমার সহিত আর ধোড়াইতে পারিলেন না ; পশ্চাতে পড়িয়া রহিলেন । তাঁহাকে আবার সঙ্গে করিয়া লইবার জন্ত কিছু দেবী হইয়া গেল । একমজাউর দরজা পর্য্যন্ত বেশ আসিলাম, তাহার পর আর পা চলে না,—কাঁপিতে লাগিল । মনে হইল, কেহ যদি ঝোড়ায় করিয়া নামাইয়া লয় ত ভাল হয় । যাহা হউক, রামজীর কৃপায় আমরা সকলেই সুস্থশরীরে বাসায় ফিরিলাম ; যেখিলাম, দাওয়ার উপর থিচুড়ী প্রস্তুত করিয়া আমাদের পাচকদ্বয় বসিয়া আছেন । অতিথিসংকার না করিয়া তাঁহারা খাইবেন না । বিলম্ব না করিয়া সকলে আহারে বসিলাম—এবং ক্ষুধাতাড়নায় অর্দ্ধসিদ্ধ, অর্দ্ধদগ্ধ যাহা পাইলাম, সবই উদরস্থ করিলাম । মনে মনে অবশ্য ভাষাদের যথেষ্ট সাধুবাদও করিতে হইল, ক্ষুধার সময় থালাভরা থিচুড়ী কে যোগাইতে পারে ? এমন ভাবে ক্ষুধা পরিতৃপ্ত করিবার সুযোগ সচরাচর ঘটে না । আনন্দে পথশ্রান্তি সব ভুলিয়া গেলাম ; আর সঙ্গে সঙ্গে পর্ব্বত ও অরণ্যাগীর বিপুল সৌন্দর্য্যে মন বিভোর হইয়া উঠিল । বেলা অবসান হয় হয় ; সূর্য্য অনেকক্ষণ পর্ব্বতের আড়ালে চলিয়া পড়িয়াছেন ; আর তিমিরবসনা সন্ধ্যা গুটি গুটি পা ফেলিয়া আশ্বালার তীরে আসিয়া উকি বুকি মারিতেছেন । এ অচেনা দেশে বৃথা সময় কাটান সঙ্গত নহে ভাবিয়া উঠিয়া পড়িলাম । তাড়াতাড়ি জিনিষপত্র সব পুঁটুলির মধ্যে বদ্ধ করিয়া গাড়ী জুতিবার হুকুম দেওয়া গেল । ইত্যবসরে আমাদের স্ত্রদক্ষ পাচক মহাশয়রা উদর বোঝাই করিয়া রামজীর মন্দিরাভিমুখে গেলেন ; যাইবার সময় গাড়োয়ানকে বলিলেন, আমাদের লইয়া বাজারের নিকট যেন গাড়ী থাড়া করিয়া রাখে ; কারণ, উহারা সীতাকুণ্ডের পথ দিয়া সোজাসুজি বাজারে গিয়া আমাদের ধরিবেন ।

অল্প সময়ের মধ্যেই আমরা পাণ্ডা মহারাজের সহিত সকল সম্পর্ক কাটাইয়া গাড়ীতে উঠিলাম । সন্ধ্যার ছায়া ঘনীভূত হইয়া আসিতেছে ; মোটা কাপড়গুলি গায়ে জড়াইয়া বসিলাম । আশ্বালা ছাড়াইয়া আর জুনমানবের

আর্য্যাবর্ত ।



বঙ্গদেশ ।

K. V. Seynae & Bros.

মুখ দেখিতে পাইলাম না। ক্রমশঃ গাড়ী বাজারে আসিয়া থামিল। বাজারে
 ঝঞ্জিতে ঝঞ্জিতে আমাদের আত্মীয় ছইটির সহিত দেখা হইয়া গেল।
 যথাক্রমে, আমরা যে বাহার গাড়ীতে গিয়া বসিলাম। এবারে সূর্য্যশের
 কোন আপত্তি টিকিল না; সে সুরোধ ছেলের মত গাড়ীতে উঠিল।
 গাড়ী ছাড়িয়া দিল। তখন বেশ রাত্রি হইয়া গিয়াছে; ফুল জ্যোৎস্নার
 পূর্ণিমার রাত্রি ঠিক করিতে পারা গেল না। কাল পাহাড়ের উপরে
 চাঁদ বড় সুন্দর দেখাইতে লাগিল। সূখে পথ অতিক্রম করিতে লাগিলাম;
 আর চাঁদের দিকে চাহিয়া চাহিয়া পথশ্রান্তি সব ভুলিয়া গেলাম। পথে
 ‘নেড়ান্না’ গান ধরিতেন; আমবা গাড়ীর হাঁচকা টানে যতদূর সম্ভব, উহার
 রসান্বাদন করিতে করিতে চলিলাম। ক্রমে রামটেক পশ্চাতে রাখিয়া
 টেনে আসিয়া পৌছিলাম। তখন প্রায় ৮টা হইবে। জনতার প্রথমটা
 ভিতরে ঢুকিতে ইচ্ছা করিল না; শেষে গাড়ী ছাড়িবার অনেক দেরী
 আছে শুনিয়া রেলের কোন কর্মচারীর “বেওয়ারীশ্” খাটিয়া পাতিয়া
 বসিয়া পড়িলাম। আমাদের দল পুরু দেখিয়া বোধ হয়, কেহ উঠাইতে
 সাহস করিল না। সূর্য্যশও নিশ্চেষ্ট নহে; গাড়ী আসিবার বিলম্ব
 দেখিয়া টিকিট-ঘরের দিকে ক্রমাগত দেখিতে লাগিল। তিন চারি ঘণ্টা
 ধরিয়া এক ক্ষুদ্র কাঠগড়ার মধ্যে কাতারে কাতারে লোক দাঁড়াইয়া আছে।
 সে বিপুল জনতার ব্যুহ ভাঙ্গিয়া ভিতরে প্রবেশ করা সহজ কথা নহে।
 আজ আর যাওয়া হইবে না বলিয়াই এক রকম আমরা সাবাস্ত করিয়াছিলাম;
 কিন্তু কেবল সূর্য্যশের চেষ্টায় যথাসময়ে টিকিট কাটিয়া আমরা আবার
 নাগপুরে রওনা হইলাম। সে রাত্রিতে যখন বাড়ী ফিরি, তখন ঘড়িতে
 চং করিয়া একটা ঘা পড়িল; মনে হইল—একটা; কিন্তু চক্ষুর্গণের বিবাদ
 মিটাইবার জন্ত ঘড়ির কাছে বাইরা দেখি, সাড়ে দশটা।

শ্রীঅবিনাশচন্দ্র ঘোষ।

রক্ষা-কবচ ।

১

মাতাকে ভাল মনে পড়ে না, পিতা গ্রামের ছাত্রবৃত্তি বিদ্যালয়ের প্রধান পণ্ডিতের কার্য্য করিতেন। এরূপ কার্য্যের জন্ত যতটুকু বিদ্যার প্রয়োজন, পিতার তদপেক্ষা অনেক অধিক বিদ্যা ছিল। লোক বলিত, তিনি ইচ্ছা করিলে অনায়াসেই উচ্চতর কৰ্ম্মে নিযুক্ত হইতে পারিতেন। কিন্তু সাংসারিক উন্নতির চিন্তা তাঁহার প্রশান্ত হৃদয়কে কোন দিন বিচলিত করিতে পারে নাই। অধ্যয়ন এবং অধ্যাপনাই তাঁহার জীবনের একমাত্র অবলম্বন ছিল। তিনি বিদ্যালয়ে ছাত্রদের ‘সীতার বনবাস’ পড়াইতেন এবং ‘পঞ্চপাঠ’ তৃতীয় ভাগের অবসর বুঝাইয়া দিতেন ; আর বাটীতে আসিয়া সাংখ্য, বেদান্ত, পাতঞ্জল লইয়া বসিতেন।

আমার সঙ্গে পিতার যাহা কিছু কথাবার্তা হইত, সে কেবল সাংখ্য, বেদান্ত ও গীতা লইয়া।

“মায়া,” “অবিদ্যা,” “প্রকৃতিপুরুষ,” “দৈব,” “পুরুষকার,” “প্রাক্তনসংস্কার,” “কৰ্ম্মফল,” “প্রাণায়াম,” “প্রত্যাহার,” “সবিকল্প নির্বিকল্প সমাধি”—কোন কথাই বাকি থাকিত না। পিতার পণ্ডশ্রম দেখিয়া খুবই হাসি পাইত ; কিন্তু কথাগুলো শুনিতো মন্দ লাগিত না।

বিষয়বুদ্ধিহীন অসহায় পিতার জন্ত বাল্যকাল হইতেই খেলাধুলা ছাড়িয়া-ছিলাম। সঙ্গী বা সঙ্গিনী কেহই ছিল না। পিতা যখন বিদ্যালয়ে থাকিতেন, তখন হয় ত বসিয়া বসিয়া বাটীর সম্মুখস্থ ভাগীরথীর অনন্ত উর্দ্ধিমালা দেখিতাম, নহে ত বিহগকুজিত নির্জ্বল আত্মকাননের মধ্যে আকাশের দিকে চাহিয়া বসিয়া থাকিতাম।

এমনই করিয়া সংসার-বনবাসে বেদান্ত ও প্রকৃতির মধ্যে বাস করিতে করিতে কবে যে নিজের অজ্ঞাতসারে আমিও একটি ছোট খাট বৈদান্তিকে পরিণত হইয়া উঠিয়াছিলাম, তাহা বুঝিতেও পারি নাই। আমার বুদ্ধিমতী প্রতিবেশিনীবৃন্দ আমার বুদ্ধিহীনতা এবং অস্বাভাবিকতা দেখিয়া সময়ে সময়ে সত্য সত্যই আমার জন্ত বিশেষ উদ্বেগ হইয়া উঠিতেন।

কোমল দেহকে কঠিন স্বর্ণালঙ্কারে প্রসীড়িত করিয়া নিদারুণ গ্রীষ্মে মূল্যবান্‌ বডি, শাড়ী ও সেমিভের স্থল আবরণে গলদর্শন হইয়া পুরস্কন্দরীগণ

আমার ভূষণহীনতাদর্শনে যখন সমবেদনায় আকুল হইয়া উঠিতেন, তখন হাস্য সম্বরণ করা আমার পক্ষে নিতান্ত দুঃকর হইয়া উঠিত এবং প্রাচীন গ্রাম্য শিরোমণিবৃন্দ যখন সমালয়ের কথা সম্পূর্ণ বিশ্বস্ত হইয়া জীবনসন্ধ্যায় স্মদ-কসাকে বেদান্তচর্চার উর্দ্ধে স্থান দান করিয়া পিতার বুদ্ধিহীনতার নিন্দা করিতেন, তখন আমার “চারু বিদ্যাবর” কিছুতেই অন্তর্নিহিত “মুক্তাকলাপকে” গোপন করিয়া রাখিতে পারিত না।

এমনই করিয়া ভাগীরথীর শ্রোতোতাড়িত কুসুমদামের মত পিতাপুত্রীতে নির্বিকার চিত্তে ধীরে ধীরে সংসারশ্রোতে ভাসিয়া চলিয়াছিলাম। এমন সময়ে আমাদের পরমহিতৈষী প্রতিবেশীবৃন্দ লোষ্ট্রাহত মধুমক্ষিকার মত সহসা চঞ্চল হইয়া উঠিয়া তীক্ষ্ণদংশনে আমাদের ব্যাধিত করিয়া তুলিলেন। আমাদের অজ্ঞাতসারে আমার বয়ঃক্রম নাকি পঞ্চদশের সান্নিধ্যে আসিয়া পড়িয়া তাঁহাদের স্ননিজার ব্যাঘাত উৎপাদন করিতেছিল। পিতা একদিন সন্ধ্যার পর স্নান-মুখে আমাকে ডাকিয়া বলিলেন, “সুশীলা! তবে তোমার ত বিবাহের প্রয়োজন।”

শিশু প্রকৃতি পিতা সমাজের অমুশাসন কিছুই বুঝিতেন না। তাঁহার উদ্বেগ দেখিয়া মনে বড় কষ্ট হইল। কি করিয়া তাঁহার এই হুশিস্তা দূর করিতে পারি, তাহাই ভাবিতে লাগিলাম। পিতার সে দিন আর বেদান্তপাঠ হইল না। বোধ হয়, তিনি আমার স্বর্গীয় জননীর কথা ভাবিতেছিলেন। তিনি জীবিতা থাকিলে আজ বোধ হয় পিতাকে একাকী এ হুশিস্তা ভোগ করিতে হইত না।

২

পিতাকে অধিক দিন হুশিস্তা ভোগ করিতে হইল না—প্রজাপতি মুখ তুলিয়া চাহিলেন। মুকুন্দপুরের মুখোপাধ্যায় মহাশয় (“জানহ স্বামীর নাম নাহি ধরে নারী!”) পঞ্চচত্বারিংশ বর্ষ বয়সে পত্নীহীন হইয়া বিরহব্যাকুলিত-চিত্তে নবীনা গৃহলক্ষ্মীর সন্ধানে ভ্রমণ করিতে করিতে একদিন শুভক্ষণে আশ্রম পিতৃগৃহে পদধূলি প্রদান করিলেন। প্রজাপতির নির্বন্ধে তাঁহার কৃপাদৃষ্টি অধমার প্রতি নিপতিত হইল। অতিরিক্ত মাত্রায় করুণারসার্জ হইয়া পরম-কুলীন মুখোপাধ্যায় মহাশয় “গণ” এবং অলঙ্কারের দাবি পর্য্যন্ত সম্পূর্ণরূপে পরিত্যাগ করিতে কৃতসঙ্কল্প হইলেন। আমাদের সৌভাগ্য-দর্শনে প্রতিবেশী-বৃন্দ নিতান্ত পুলকিত হইয়া উঠিলেন। সমবেদনাই মনুষ্যের স্বাভাবিক ধর্ম! বিষয়বুদ্ধিহীনপিতা কিন্তু এই সৌভাগ্যের পরিমাণ বোধ হয় সম্যক উপলব্ধি

করিতে পারেন নাই । ভাবী জামাতার প্রীহাপীড়িত শীর্ণ মূর্তি এবং শিরোদেশের শুভ্র স্রুমা বোধ হয়, তাঁহাকে কিছু উদ্ভিগ্ন করিয়াছিল ।

যাহা হউক, আমি তাঁহাকে আশ্রয় করিলাম । রূপ ? রূপ কয় দিনের জন্ত ? আর বিবাহ যদি ধর্ম্মসম্বন্ধ হয় এবং প্রেমের সাধনা যদি সংযমের সাধনারই নামান্তর হয়, তাহা হইলে হিন্দু-বিবাহে রূপের স্থান কোথায় ?

শুভদিনে বিবাহ সুসম্পন্ন হইয়া গেল । অশ্রুপূর্ণলোচনে সরলহৃদয় পিতাকে কপিল, শঙ্কর, গৌতম ও পতঞ্জালির হস্তে সমর্পিত করিয়া বধূবেশে স্বামিগৃহে প্রবেশ করিলাম । শ্বশুর-শাশুড়ী ছিলেন না । পিতার দ্বিতীয় বিবাহে ক্রুদ্ধ পুত্র মাতুলালয়ে আশ্রয় গ্রহণ করিয়াছিলেন । সুতরাং আমাকে লইয়া স্বামী আমার নিতান্ত বিব্রত হইয়া উঠিলেন ।

তাঁহার হাঁকডাকে ও ছুটাছুটিতে নীরব পল্লী সমস্ত হইয়া উঠিল । কিন্তু কল কিছুই হইল না । সুতরাং সহানুভূতিপরিারণা প্রতিবেশিনীবৃন্দের নিকট বিশেষ কোন সাহায্যলাভের সম্ভাবনা নাই দেখিয়া সলজ্জ বধূবেশ পরিত্যাগ করিয়া অগত্য আমাকেই সংসার-রথের সারথ্য গ্রহণ করিতে হইল । স্বহস্তে রন্ধন ও পরিবেশন করিয়া আমাকেই নামমাত্র “পাকস্পর্শকে” রীতিমত “সার্থক” করিয়া দিতে হইল ।

নিমন্ত্রিতা মহিলাকুল আহারাণ্ডে কলিকালের অপরূপ মাহাত্ম্য, নববধুর গৃহিণীপনা এবং আমার সপত্নীপুত্র অভুলের নিদারুণ দ্রবদৃষ্টসম্বন্ধে সুগভীর আলোচনা করিতে করিতে গৃহে প্রতিগমন করিলেন ।

অপরাহ্নে পল্লীর সুরসিকা যুবতীবৃন্দ আসিয়া ধরিয়া বসিল । দুই ঘণ্টাকাল তাহাদের অশেষ উৎপীড়ন সহ করিয়া একটি “আড়ষ্ট” সূচিক্রিত পুতলিকায় পরিণত হইলাম ।

রাত্রিতে আহারান্তে যুবতীবৃন্দ আমাকে ধরাধরি করিয়া স্বামীর শয়নকক্ষে রাখিয়া আসিল । আজ আমাদের “ফুলশয্যা” !

শয্যাপার্শ্বে উপস্থিত হইয়া দেখিলাম, স্বামী বস্ত্রণায় শয্যার উপর ছটফট করিতেছেন । জিজ্ঞাসা করিলাম, “ব্যাপার কি ?” স্বামী কহিলেন, “পেটে বড় যন্ত্রণা ।” বুঝিলাম, পত্নীর মন রক্ষা করিতে গিয়া স্বামী উদরের প্রতি অতিরিক্ত অত্যাচার করিয়া ফেলিয়াছেন । সাজসজ্জা ক্ষিপ্রহস্তে খুলিয়া ফেলিয়া লবণ ও যমানী আনিয়া রোগীকে সেবন করাইয়া দিলাম এবং তৈল ও জল লইয়া উদরে মালিশ করিতে বসিয়া গেলাম ।

স্বামিন্দ্রীর প্রথম মিলন দেখিবার জন্ত কক্ষের আশে পাশে যে সকল কুতূহলী চক্ষুশতদল থরে থরে ফুটিয়া উঠিয়াছিল, ব্যাপার দেখিয়া তাহারা সকলেই একে একে অন্তর্হিত হইয়া গেল। প্রায় সমস্ত রাত্রি সেবার পর স্বামী কথঞ্চিৎ প্রকৃতিস্থ হইয়া নিদ্রিত হইলেন। আমিও পরিশ্রান্ত-দেহে এক পার্শ্বে শুইয়া অজ্ঞাতসারে ঘুমাইয়া পড়িলাম। “কুলশয্যা” নির্ঝিয়ে সম্পন্ন হইয়া গেল।

৩

প্রথম প্রথম স্বামী আমায় একেবারে প্রেমের কুলপ্লাবী প্লাবনে প্লাবিত করিয়া ফেলিবার চেষ্টা করিতে লাগিলেন। সোহাগ করিয়া—ভালবাসিয়া—ভাল কথা বলিয়া কিছুতেই যেন তাঁহার তৃপ্তি হইত না।

আমাকে পরিশ্রম করিতে দেখিলে তিনি একেবারে ব্যাকুল হইয়া উঠিতেন, আমার সুখস্বচ্ছন্দ্য বৃদ্ধির জন্ত সর্বদাই উদ্বিগ্ন থাকিতেন এবং এক তিলের জন্তও আমাকে ছাড়িয়া কোথাও যাইতে চাহিতেন না। তিনি আমাকে সম্বলিত করিবার জন্ত আমার সপত্রীর হস্তরোপিত বৃক্ষলতা পর্য্যন্ত নিশ্চূল করিয়া ফেলিয়াছিলেন। কোথাও তাঁহার স্মৃতির কোন চিহ্ন পর্য্যন্ত রাখেন নাই।

স্বামীর প্রেমের এই অদ্বিতীয় আতিশয্য দেখিয়া সময়ে সময়ে অত্যন্ত হাসি পাইত। সেও একদিন আমারই মত সংসারের সমস্ত চিহ্ন আবৃত করিয়া স্বামীর হৃদয়-সিংহাসনে একচ্ছত্র রাজ্য স্থাপনের পূর্ণ অধিকার লইয়া আসিয়াছিল। হায় “অমূল্য অবিনশ্বর” প্রেম।

স্বামীর সন্তোষের জন্ত স্নেহের সকল অভ্যাচারই নীরবে সহ্য করিতে হইত। কিন্তু অস্বাভাবিক আতিশয্য কখনই চিরস্থায়ী হয় না। এক মাস যাইতে না যাইতেই বৃষ্টিতে পারিলাম, আমার রূপহর্য্য স্বামীর হৃদয়-শতদলকে আর বিকশিত করিয়া রাখিতে পারিতেছে না। তাঁহার চিরপরিচিত তাস, পাশা, দাবা এবং বজ্রসঙ্গ ক্রমেই তাঁহার একাগ্রচিত্তকে উন্নয়ন করিয়া দিতেছে।

কিন্তু নিজের নিকট নিজের হৃদয়ের পরিবর্তন, অনেক সময় সহজে স্বীকার করা চলে না। সুতরাং, আমার প্রতি আচরণের পরিবর্তনব্যাপারে স্বামীকে যথেষ্ট ইতস্ততঃ করিতে হইতেছিল।

এমন সময়ে স্বামীর এক পিতৃমাতৃহীন ভাগিনের এক দিন সহসা অপ্ৰত্যাশিত ভাবে আমাদের গৃহে আসিয়া উপস্থিত হইল।

স্বামী এই অসময়ে তাহাকে পাইয়া অত্যন্ত উৎফুল্ল হইলেন এবং তাহাকে

আমার সঙ্গিরূপে রাখিয়া বহুদিন পরে বন্ধুত্বের মুক্ত বায়ুতে গিয়া হাঁফ ছাড়িয়া বাঁচিলেন ।

ছেলেটির নাম সুধীর । এমন অদ্ভুত প্রকৃতির যুবা আমি কখনও দেখি নাই । প্রকৃতির আশ্চর্য্য নিয়মবিপর্য্যয়ে নবীন যৌবন তাহার স্নগঠিত গৌরবেহের সর্ব্বত্র আপনার রাজচিহ্ন অঙ্কিত করিয়াও তাহার শিশুসুলভ সরল চিত্তকে আদৌ স্পর্শ করিতে পারে নাই । তাহার প্রশান্ত্যায়ত অচঞ্চল নয়নেই যেন একথা ফুটিয়া বাহির হইত ; এজ্ঞ তাহার সঙ্গে বৃষ্টি আলাপ করিবারও প্রয়োজন হইত না । সে যাহার সংস্পর্শে আসিত, তাহারই নিকট আপনার সমস্ত জীবনটুকু যেন উন্মুক্ত পুস্তকের মত ধরিত ; কিছুই সে গোপন করিতে জানিত না । সুধীর এই অল্প বয়সেই অনেক কষ্ট পাইয়াছিল । বাজার-সরকারি, খানসানাগিরি, যাত্রার ঘণের ছোকরাগিরি প্রভৃতির তীক্ষ্ণ কণ্টক-খচিত পঙ্কিল পথ বাহিয়া তাহাকে আসিতে হইয়াছিল, কিন্তু কোন স্থানের কিছুমাত্র ক্রোধ বা অপবিত্রতা তাহার সরল চিত্তকে স্পর্শ করিতে পারে নাই । সে যাহা কিছু শিখিয়াছিল, সে শুধু পঠিত গুকের অভ্যস্ত বর্ণের মত, তাহার সঙ্গে তাহার চিত্তের কোন সংযোগ ছিল না ।

তাহার কথাবার্ত্তা শুনিয়া লোক যথেষ্ট কৌতুক অনুভব করিত । সে কিন্তু ভাল-মন্দ কিছুই বুঝিতে পারিত না ।

এই অদ্ভুত বালককে পাইয়া আমার চিত্ত সহজেই তাহার প্রতি স্নেহপরবশ হইয়া উঠিল ।

সুধীর সকল কার্য্যেই আমাকে সাহায্য করিতে চেষ্টা করিত । তাহার সরল জীবনের বিচিত্র ইতিহাস আমাকে মুগ্ধ করিত । তাহার সঙ্গে ব্যবহার করিতে করিতে সে যে পুরুষ মানুষ, একথাও অনেক সময় মনে আসিত না ।

সুধীর জীবনে অনেক কষ্ট পাইয়াছিল । সুতরাং বহুকাল পরে স্নেহের আশ্রয় পাইয়া সেও আমাকে ছাড়িয়া যাইবার জ্ঞান কোন ব্যাঘাত প্রকাশ করিল না ।

এই জনহীন সংসারে আমরা উভয়েই উভয়েই মধ্যে একটা প্রবল অবলম্বন পাইলাম ।

বিবাহের ছয় মাস পরে গ্রীষ্মান্ অতুলচন্দ্রকে প্রথম দেখিলাম । অতুলচন্দ্র প্রথম আঘাতেই মহিষের মত আরক্ত বক্রদৃষ্টিতে আমার প্রতি নেত্রপাত

করিলেন। বিনা বিচারে অপরাধী প্রতিপন্ন হওয়ায় হৃদয়ে কিছু ক্ষোভের সঞ্চার হইল।

“সৎ-মা”র চিরন্তন অপবাদ ঘুচাইবার জন্ত বহু ও ত্যাগস্বীকারে ক্রটি করিলাম না। কিন্তু ফল কিছুই হইল না। পুত্রবর আমার এই স্নেহ ও সৌজন্তের মধ্য হইতে কৃত্রিমতার বিষাক্ত বীজাণু আবিষ্কার করিয়া আমার প্রতি ক্রমেই অধিকতর ক্রুদ্ধ হইয়া উঠিতে লাগিলেন। নিকপায় হইয়া অবশেষে বৃথা চেষ্টা ত্যাগ করিলাম।

নবীন প্রেমের প্রথম কুহকের অবসানে স্বামীও পুত্রের প্রতি করুণাপরবশ হইয়া তাহার প্রতি আচরিত অবিচারের কলঙ্ককালিমা যথাসম্ভব শীঘ্র ক্ষালিত করিতে কৃতসংকল্প হইলেন। স্থির হইল, গৃহচ্যুত অতুলচন্দ্রকে পুনরায় গৃহ-প্রতিষ্ঠিত করিবার আয়োজন করিতে হইবে। সর্বাস্তঃকরণে স্বামীর অভিপ্রায়ের সমর্থন করিলাম। বৈশাখের শুভতিথিতে নির্ঝিল্লি অতুলচন্দ্রের শুভ বিবাহ সূসম্পন্ন হইয়া গেল।

পাত্রী বয়স্কা। “ধূলা পায়ে ঘরবসত” হইল। গৃহহারা অতুলচন্দ্র নিজ গৃহে পুনঃ প্রতিষ্ঠিত হইলেন।

বিবাহিত জীবনের প্রথম সঙ্কোচ ও আনন্দোচ্চাস উপশমিত হওয়ার সঙ্গে সঙ্গে সাংসারিক ব্যাপার সম্বন্ধে বধুমাতার বেশ “অশিক্ষিত পটুত্ব”র পরিচয় পাওয়া যাইতে লাগিল। অল্প দিনের মধ্যেই বধুমাতা বধুত্বের শাসন অতিক্রম করিয়া গৃহিণীপনার প্রভুত্ব নিজহস্তে গ্রহণ করিবার দ্রুত ব্যাকুল হইয়া উঠিলেন।

এ জগৎ স্বামিজীর মধ্যে নিরন্তর স্নগভীর ষড়যন্ত্র চলিতে লাগিল। কে বলে, বাঙ্গালী রাজনীতিতে অনভিজ্ঞ? এই মহৎ উদ্দেশ্য সাধনের জন্ত আমার অজ্ঞাতসারে বিপুল চিন্তা ও সূদৃঢ় অধ্যবসায়ের সহিত প্রতিদিন ধীরে ধীরে আমার বিরুদ্ধে যে মিথ্যাব ব্যূহ, ছলনার পরিখা এবং কপটতার প্রাচীর রচিত হইতেছিল, তাহা কোন চাণক্যের উর্কর মস্তিষ্কপ্রসূত আয়োজন অপেক্ষা হীন নহে। নানা কৌশলে বিচিত্র অভিনয়ের দ্বারা পুত্র ও পুত্রবধু নিরন্তর আমাকে স্বামীর নিকট অপদস্থ করিবার চেষ্টা করিতেছিলেন।

ঠাঁহাদের নিরন্তর দৃষ্টিস্তাকুটিল লান মুখ দেখিয়া এক দিন মনে বড় হুঃখ হইল। এক দিন বধুমাতাকে একান্তে ডাকিয়া স্পষ্ট বলিলাম, “বোমা, তুমি এখন সেয়ানা হইয়াছ, নিজের ঘরকরা বুঝিয়া সুঝিয়া লও না কেন? আমি দুই বেলা দুই মুঠা খাইতে পাইলেই সন্তুষ্ট। গৃহিণীপণায় আমার সাধ নাই।”

কিন্তু ইহাতে হিতে বিপরীত হইল। বধুমাতার চতুর মুখে জুর হাসি ফুটিয়া উঠিল। তিনি ধীরে ধীরে সান্তিমানে বলিলেন, “আমি কোথাকার কে ? ঠাকুরের ঘরকরা। তুমি ঘরের গিন্নি। আমি তোমার দাসী বই ত নই।”

জ্যোদশবর্ষীয়া অকালপকা বালিকার মুখে এই উচ্চশ্রেণীর নীতিকথা শুনিয়া হান্ত সঞ্চরণ করিতে পারিলাম না। বধুমাতা ক্রুদ্ধচিত্তে দ্রুতবেগে নিজ কক্ষে প্রবেশ করিলেন। পরদিন প্রত্যুষে শুনিলাম, পুত্র ও পুত্রবধু উভয়েই বোরতর শিরঃপীড়ায় অতিভূত—শয্যাভ্যাগে অক্ষম। সংবাদ লইতে গেলাম। কেহ বাক্যালাপ করিলেন না। রন্ধনাদি সমাপ্ত করিয়া ছই থালা অন্নব্যাঞ্জন কক্ষমধ্যে রাখিয়া আসিলাম। অপরাহ্নে পরিচারিকা শূন্ত পাত্র কিরাইয়া আনিল। শিরঃপীড়া কিন্তু অক্ষুণ্ণই রহিল।

জটিল মনুষ্যচরিত্রের রহস্তভেদে অসমর্থ হইয়া স্বধীরের সঙ্গে আলাপে প্রবৃত্ত হইলাম।

৫

স্বামী বাটীতে ছিলেন না। রাজির রন্ধনাদি সমাপনান্তে নিজকক্ষে বসিয়া স্বধীরের সঙ্গে গল্প করিতেছিলাম। স্বধীর ভাহার জীবনের নানা বিচিত্র ঘটনার অন্তত গল্প করিতেছিল—যাত্রার দলের “অধিকারী” প্রতিদিন কি রকম পা টিপাইয়া লইত, কি রকম করিয়া বেহালাদার ও “মোশন মাস্টার” যষ্টির সাহায্যে সঙ্গীত ও বক্তৃতা শিক্ষা দিত, উপযু্যপরি রাজি জাগিয়া দৈবাৎ ঘুমাইয়া পড়িলে কিরূপ শাস্তির ব্যবস্থা ছিল ইত্যাদি। স্বধীর মধ্যে মধ্যে আপনার দুর্দশার কাহিনী অভিনয় করিয়া দেখাইতেছিল। কাষেই অনেক সময়ে হান্ত সঞ্চরণ করা কঠিন হইয়া পড়িতেছিল।

কিন্তু এই নির্দোষ প্রমোদের অন্তরালে আমারই গবাক্ততলে যে ভীষণ বড়বত্ত চলিতেছিল, তাহা কেমন করিয়া জানিব ?

সহসা স্বামী হুকুম করিয়া গৃহমধ্যে প্রবেশ করিলেন এবং ভাহার পশ্চাৎ পশ্চাৎ আমার পুত্র ও পুত্রবধু স্তম্ভিত-মূর্জিতে আসিয়া দাঁড়াইলেন।

স্বামী প্রবেশ করিয়াই মুটিবদ্ধহস্তে—আরক্তনয়নে কহিলেন, “পাপিষ্ঠা, আমার অকলঙ্ক কুলে কালি দিলি ? আজ যদি তোমার রক্ত দর্শন না করি ত আমার নাম রামজয় মুখ্যে নহি।” ব্যাপারটা কিছুই বুঝিতে না পারিয়া মুঢ়মূর্জিতে স্বামীর মুখের দিকে চাহিয়া বলিলাম, “তুমি কি বোলছো ?” স্বামী হুকুম করিয়া বলিলেন, “একেবারে এত দূর ? সঘনকিচান্ন পর্য্যন্ত ভুল

গিয়েছিল?” ব্যাপার বুঝিতে আর বিলম্ব হইল না। সরল শিশুপ্রকৃতি সুধীরের প্রতি যে কাহারও একরূপ সন্দেহ হইতে পারে, এ কথা কখনও কল্পনা করিতেও পারি নাই। গুনিয়া ব্যাপারটা এমন হাস্যকর মনে হইল, যে একরূপ অবস্থাতেও হাস্য সম্বরণ করিতে পারিলাম না। আমি হাসিয়া বলিলাম, “তোমার কি মাথার কিছু গোলমাল হয়েছে? কি বল্ছো? সুধীরের উপরেও মানুষের সন্দেহ হ’তে পারে?”

আমার ধর্মনিষ্ঠা বধুমাতা আমার নির্লজ্জতাদর্শনে একেবারে স্তম্ভিত হইয়া গেলেন; গালে হাত দিয়া অবাক হইয়া বলিলেন, “কি বেহায়া মেরেমানুষ বাবা! ‘হাতে দই, পাতে দই, তবু বলে কই কই!’” পুত্রবর লগুড়হস্তে গর্জিয়া উঠিলেন, “বেরোও এখনিই বাড়ী থেকে, নইলে আমি রাগ সামলাতে পারব না। খামখা একটা খুনখারাবি হ’য়ে যাবে।” এতক্ষণে ব্যাপারটা দিবাগোকে র তায় সুস্পষ্ট হইয়া উঠিল।

আমি হাসিয়া বলিলাম, “বুঝেছি। কিন্তু এর জন্ত এত বড় যন্ত্র কেন? সোজা কথায় বললেই হ’ত। আমি তো আমার ‘ময়ূর-সিংহাসন’ আপনা হ’তেই বোমা’কে ছেড়ে দিতে চেয়েছিলাম।” আমার কথাবার্তা গুনিয়া এবং আমার আচরণ দেখিয়া স্বামী কেমন যেন অপ্রস্তুত হইয়া গেলেন। কিন্তু পাছে তাঁহার হৃদয়ে দুর্বলতা আসিয়া পড়ে এবং উদ্দেশ্য-সিদ্ধিতে ব্যাঘাত ঘটে, এ জন্ত পুত্র ও পুত্রবধু তাঁহাকে ক্রমাগত উত্তেজিত করিতে লাগিলেন।

* * * * *

বহুদিন পরে আবার পিতার সেই সরল, শান্ত, স্নিগ্ধ তপোবনে প্রবেশ করিলাম। পিতার সেই সাংখ্য, বেদান্ত, গীতার স্বপ্নরাজ্যে প্রবেশ করিয়া মুহূর্তের মধ্যে মনে হইল, সংসারের ক্রুরতা, খলতা, হিংসা, দ্বেষ, মান, অভিমান, সুখ, দুঃখ—সব মিথ্যা, সব মায়্যা, সব অবিজ্ঞা।

দুই মাস না বাইতেই এক দিন স্বামী সহসা আমার পিত্রালয়ে আসিয়া উপস্থিত হইলেন।

তাঁহার মুখ লজ্জায় মলিন ও চক্ষু জ্যোতিহীন। তিনি আমার প্রতি ঘোরতর অবিচারের জন্ত এক সুদীর্ঘ অমৃত্যুতাপনূতক বস্তুত প্রদান করিয়া আমার নিকট ক্ষমা প্রার্থনা করিলেন। ব্যাপারটা রীতিমত নাটকীয় হইয়া উঠিতেছে দেখিয়া হাসিয়া কেলিলাম; বলিলাম, “সে জন্ত অমৃত্যুতাপের প্রয়োজন নাই বল, এখন কী করিতে হইবে।”

স্বামী বলিলেন, “আমি মৃত, তোমার মর্যাদা বৃদ্ধিতে পারি নাই ; হতভাগ্য পুত্র ও পুত্রবধূর কুমন্ত্রণায় তোমাকে অপমানিত করিয়াছি । চল, দয়া করিয়া আবার আমার অন্ধকার মন্দির আলোকিত কর !”

আমি বলিলাম, “আমি গেলেই আবার বেচারারা উত্যক্ত হইয়া উঠিবে । তাহাদের উত্যক্ত করিয়া কি লাভ ? আমি কেন কিছুদিন এখানেই থাকি না ?”

স্বামী বলিলেন, “না, সে কিছুতেই হইবে না । বাহারা তোমাকে গৃহত্যাগী করিয়াছে, তাহাদের আমি কিছুতেই আমার গৃহে স্থান দিব না ।”

মমুষ্যচরিত্রের অদ্ভুত অব্যবস্থিততার কথা ভাবিতে ভাবিতে পুনরায় আমিগৃহে প্রবেশ করিলাম ।

পুত্রবর আমার দিকে চাহিয়া অগ্নিবর্ষী কটাক্ষ নিক্ষেপ করিলেন, বধুমাতা আকাশের দিকে চাহিয়া “আঙ্গুল মট্কাইলেন !” কিন্তু কল কিছুই হইল না । পিতার ভীষণ তাড়নায় পুত্র ও পুত্রবধূকে অবিলম্বে গৃহত্যাগ করিতে হইল ।

স্বামীকে নিরস্ত করিবার জন্য অনেক অনুরোধ করিলাম, কিন্তু তিনি কিছুতেই ক্রান্ত হইলেন না । অপরাহ্নে উচ্চ কণ্ঠে আমাকে গালি দিতে দিতে এবং পিড়ালয়ের ঐশ্বর্য্য ও অনবাহুল্যসম্বন্ধে সমস্যারোহ ঘোষণা করিতে করিতে বধুমাতা শিবিকারোহণ করিলেন ।

পুত্রবরকে কিছু দৃষ্টিস্তান্বিত দেখাইতেছিল । পত্নীর হৃদুভিনিদাদ সঙ্ঘেও খণ্ডরালয়ের প্রকৃত অবস্থা তাঁহার অগোচর ছিল না । অবস্থা দেখিয়া আমার মনে বড় দুঃখ হইল । আমি গোপনে আমার বয়েকখানি অলঙ্কার আনিয়া অভুলের হস্তে দিয়া বলিলাম, “বাপবেটার ঝগড়া কখনও স্থায়ী হয় না । দু’দিন পরেই সব মিটিয়া বাইবে । ইহার মধ্যে যদি কষ্ট পাও, ইহা হইতে থরচ করিও ।” পুত্র আমার সঙ্গে বাক্যালাপ করিলেন না ; কিন্তু অলঙ্কারগুলি গ্রহণ করিলেন । তাঁহার “নিত্যানিন্ত্য বিবেক” দেখিয়া স্তম্ভী হইলাম ।

বধুমাতার নিতান্ত অনিচ্চাসম্বন্ধেও বহু অনুরোধে তাঁহাকে কিছু আহার করাইয়া দিলাম এবং দক্ষিণাসহ কিঞ্চিৎ আহার্য্য শিবিকামধ্যে দিয়া আসিলাম । স্বামীর উপযুক্ত সহধর্ম্মিণী স্বামীর পহারই অনুসরণ করিলেন ।

পরদিন শুনিলাম, আমার কুৎসায় সমস্ত গ্রাম মুখরিত হইয়া উঠিয়াছে । আমিই যে পুত্র ও পুত্রবধূর গৃহত্যাগের একমাত্র কারণ এ কথা সকলেই একবাক্যে স্বীকার করিয়াছেন এবং আমি হইতেই পরিণামে যে মুখোপাধ্যায় বংশের সর্বনাশ ঘটবে, সে সম্বন্ধেও কাহারও চিন্তে অনুমাত্র সংশয় নাই ।

বলা বাহুল্য, শুনিয়া ধরাশায়িনী হই নাই। পিতার উপদিষ্ট বেদান্তদর্শন
সুখেদুঃখে, সম্পদেবিপদে, রক্ষা-কবচরূপে আমার রক্ষা করিয়া আসিয়াছে।
শ্রীযতীন্দ্রমোহন গুপ্ত।

মহেশপুরের সূর্য্যরাজ।

(প্রতিবাদ)

আমরা ১৩১৯ সালের আশ্বিন সংখ্যা ‘আর্য্যাবর্তে’ “মহেশপুরের সূর্য্যরাজ”
প্রবন্ধ দেখিয়া নিরতিশয় দুঃখিত হইলাম। বল্লালসেন তাঁহার নির্দাসিত
পুত্রকে যথাসময়ে আনয়ন করায় সন্তুষ্ট হইয়া জালজীবী কৈবর্তদিগকে
জলাচরণীয় করিয়াছিলেন, এই গল্প যে সম্পূর্ণ অলীক উপজ্ঞাসমূলক, তাহা
আমি ১৩১৭ সালের অগ্রহায়ণ মাসের “সূর্য্যদ্বীপ ও সূর্য্যমাঝি” শীর্ষক প্রবন্ধে
‘নব্যভারতে’ প্রমাণ করিয়াছি।

বল্লাল কর্তৃক কোন অনাচরণীয় জাতি আচরণীয় হইতে পারে না। কোন
যুগেই ব্রাহ্মণগণ এত নিস্তেজ ছিলেন না। রাজাজ্ঞার অন্ত্যজ জাতির
জল ব্রাহ্মণ পান করিবেন, ইহা অসম্ভব। যে ব্রাহ্মণগণ, বল্লালসেন চণ্ডালী
উপপত্নী গ্রহণ করায় অনাচার দৃষ্ট বলিয়া তাঁহার পৌরোহিত্য অনায়াসে
পরিত্যাগ করিতে পারিয়াছিলেন, তাঁহারা বল্লালের ভয়ে অন্ত্যজ জাতির
জলপান করিয়াছিলেন, ইহা সম্পূর্ণ অসম্ভব। ব্রাহ্মণগণ যে বল্লালের পৌরোহিত্য
পরিত্যাগ করিয়াছিলেন, তাহা মহাপ্রভুর সমসাময়িক প্রসিদ্ধ রাঢ়ীয় ঘটক
হুলো পঞ্চানন মহাশয়ের কারিকায় নিবদ্ধ আছে। যথা—

“বল্লাল লয় যদা পদ্মিনী জাতিহীন।

লক্ষণ কহে, দ্বিজ এ প্রথা ত দেখি না ॥

তাই বল্লাল ত্যজে কুপুল বলি স্নতে।

লক্ষণ ত্যজে পিতা বৈষ্ণুকুল রক্ষিতে ॥

ইথে উভয় পক্ষের বৈদ্য পতিত ব্রাত্য।

ক্রমশঃ বুঝলে গণ্য অত্রথ তত্রত্য ॥

তাই কান্তকূজ বৈজ্ঞা যতন না করে ।

পূর্বেও ত অগ্ন্যাধানে স্বধা মাত্র ধরে ॥

* * * * *

অসং প্রতিগ্রহে দ্বিজ পতিত অগ্রদানী ।”

বল্লাল সেন ধীবর সূর্য্য মাঝিকে ভূমি পুরস্কার দিয়াছিলেন । চারিশত বৎসর পূর্বেও হলো পঞ্চানন মহাশয় তাহা অবগত:ছিলেন । যথা—

সূর্য্যদ্বীপ জালিক সূর্য্যোর পুরস্কার ।

বারা লক্ষ্মণে আনে অনুদিতে ভাস্কর ॥

সূর্য্যদ্বীপের কিছু হালিক রাজ্যে খ্যাত ।

অত্যাংশ লাট আর কঙ্কদ্বীপে বিবৃত ॥

সূর্য্যদ্বীপ জালিক সূর্য্যমাঝি পুরস্কারস্বরূপ পাইয়াছিল । কিন্তু তাহার সমগ্র অংশ পুরস্কার পায় নাই । তাহার কিয়দংশ হালিকের রাজ্য ছিল । হালিকের রাজ্যের অপরাংশ লাটদ্বীপ ও কঙ্কদ্বীপ । সুতরাং যখন সূর্য্যমাঝি জয়গিরিস্বরূপ বোগীন্দ্রদ্বীপ (সূর্য্যদ্বীপ) বা যোগিনীদ্বীপ ওরফে মহেশপুর পাইলেন, তখন মাহিষ্যগণ লাট কঙ্কদ্বীপে রাজত্ব করিতেছিলেন । মাহিষ্যগণ যে কেবল এই দুই স্থানে রাজত্ব করিতেছিলেন, তাহা নহে । ইহাতে বহু পূর্বে হইতে তাঁহারা মেদিনীপুরের অন্তর্গত তমলুক, স্নজামুঠা, ময়নাগড়, তুর্কা প্রভৃতি স্থানে স্বাধীনভাবে রাজত্ব করিতেছিলেন । আজিও তাঁহাদের বংশধরগণ স্বীয় স্বীয় গড়ে দীনভাবে জমিদারী শাসন করিতেছেন । দিনাজপুর জিলায় সমগ্র আর্য্যাবর্তের রাজা ২য় মহীপাল দেব অত্যাচারী হইলে কৈবর্ত জননায়ক দিব্যক মহাপ্রতাপে বহু সৈন্ত সংগ্রহ করিয়া ২য় মহীপালের প্রাণসংহার করিয়া রাজশক্তি নিজবংশে স্থাপন করিয়াছিলেন ও ভ্রাতৃপুত্র ভীমকে বরেন্দ্রের একচ্ছত্রী রাজা করিয়াছিলেন । এই ঘটনা বল্লালের বহু পূর্বে হইয়াছিল । (‘গৌড়রাজমালা’ দ্রষ্টব্য) । ধীবর সূর্য্যমাঝি রাজা বল্লালের অনুগ্রহ পাইয়াছিলেন ; কিন্তু মাহিষ্য কৈবর্ত কোন দিন বল্লালের অনুগ্রহ চাহেন নাই । তাঁহারা বল্লালের প্রতিদ্বন্দ্বী জাতি ।

অপর পক্ষে দেখুন—যখন ব্রাহ্মণগণ বল্লালের পৌত্র মাধবসেনের সভায় বসিয়া গ্রাম ভূমি প্রার্থনা করিতেছেন, তখন বলিতেছেন,—

সাগর হতে উথিত মেঘনীপুর নাম ।

কৃষিকার্য্যে স্প্রশস্ত কৈবর্তের ধাম ॥

এই পরারে দেখা গেল, মেদনীপুরে চিরকালই কৃষিব্যবসায়ী কৈবর্তের বাস। সমগ্র কৈবর্ত কিরূপে জাল ছাড়িয়া হালিক বা মাহিষ্য হইল?

মাহিষ্য কৈবর্ত ও জালিক কৈবর্ত যে সম্পূর্ণ পৃথক্ জাতি, তাহা আধুনিক ঐতিহাসিকগণেরই জ্ঞানে আইসে না। কিন্তু চারি শত বৎসর পূর্বেও যাহারা সমাজের খবর রাখিতেন, তাঁহারা এই দুইটি জাতিকে সম্পূর্ণ পৃথক্ বলিয়া জানিতেন। কবিকঙ্কণ মুকুন্দরাম চক্রবর্তী মহাশয় তদীয় চণ্ডীকাব্যে লিখিয়াছেন—

দুই জাতি বলে দাস, মৎস্ত মারে চষে ঘাঘ,
তেদীরা নগরে পীড়ে যানি।”

মৎস্ত মারা দাস ও চাষঘাঘ দাস যে পৃথক্ জাতি, তাহা কবিকঙ্কণ জানিতেন।

শ্রীমুদর্শনচন্দ্র বিশ্বাস।

যশোহরের পত্র।

নিম্নোদ্ধৃত পত্রগুলি ১৮৩০ খৃষ্টাব্দে যশোহরের তৎকালীন জজ মিষ্টার প্রিন্সালের পত্নী ক্রিস্টিয়ানা প্রিন্সাল কর্তৃক লিখিত। পত্রগুলিতে বিশেষ কিছু নূতনত্ব নাই; তবে ৮৩ বৎসর পূর্বে একজন ইংরাজ মহিলা যশোহর সম্বন্ধে যে কয়েকটি কথা লিখিয়াছেন, তাহা একটু চিত্তাকর্ষক হইতে পারে, এই বিবেচনার সেগুলিকে পাঠকের সম্মুখে উপস্থিত করা গেল।

(প্রথম পত্র)

এই পত্রখানি যশোহর হইতে ১৮৩০ সালের ৭ই জাহুয়ারী তারিখে মিসেস প্রিন্সাল তাঁহার ভগিনীকে লিখিয়াছিলেন।

“স্থানটি দেখিতে সুন্দর। অধিবাসীদিগের বিভিন্ন প্রকারের আচার-ব্যবহার ও রীতি-নীতি জানিবার জন্য আমি জনকে (১) প্রায়ই জিজ্ঞাসা করি এবং জানিতে পারিলে সন্তুষ্ট হই। জন এখানে জঙ্গ হইয়া আসিয়াছেন। ম্যান-

ওয়েল এই স্থানের কালেক্টর। সম্ভবতঃ একজন সহকারী ম্যাজিস্ট্রেটও প্রেরিত হইবেন। এতদ্ব্যতীত একজন ডাক্তারও আছেন। মাত্র এই কয়েকজনই স্থায়ী বাসিন্দা (২); তবে আমরা কলিকাতা হইতে মাত্র ৮০ মাইল ও ঢাকা হইতে ৭০ মাইল দূরে অবস্থিত। ঢাকা একটি বৃহৎ সহর। এ স্থান আমাদের পছন্দ হইলে আমরা কিছুদিন এই স্থানে থাকিব।”

(দ্বিতীয় পত্র)

এই পত্র ১৮৩০ সালের ১লা ফেব্রুয়ারী তারিখে লিখিত। ইহাও তাঁহার ভগিনীকে লিখিত হইয়াছিল।

“জন প্রতি রবিবার প্রাতে তাঁহার কাছারী-ঘরে প্রার্থনা করিবে; কেন না, এ স্থানে গির্জা নাই। সেই জন্ত সকল খ্রিস্টিয়ানই প্রতি রবিবার প্রাতে ঐ কাছারীগৃহে প্রার্থনার জন্ত সমবেত হইবেন। শ্রীরামপুরের মিসনারী সম্প্রদায়ভুক্ত একজন এতদেশীয় পাদরীও এই স্থানে থাকেন। ইনি কয়েকটি স্কুল পরিদর্শন করেন। ইহারা একটি বালিকা-বিদ্যালয়ও স্থাপিত করিয়াছেন। একটি বিধবা ও তিন হইতে আট বৎসরবয়স্ক ৫৬ টি বালিকা এই স্কুলে অধ্যয়ন করে।

“ইহারা ইংরাজী জানে না, বঙ্গভাষাতেই উত্তরপ্রত্যুত্তর করে। এই বালিকা-বিদ্যালয় আমরা অনেক সময় পরিদর্শন করি। পাদরীটি আমাদের বলিলেন যে, বালিকাদিগকে শেলাই শিক্ষা দিবার লোকের অত্যন্ত অভাব। এই কথা শুনিয়া আমি বলিলাম, যদি তাহারা প্রত্যহ আমার গৃহে যায়, তাহা হইলে আমি এই অভাব পূরণ করিতে পারি। এতদ্ব্যতীত আমি কলিকাতার কাঁচি, হুচ ও অঙ্গুস্তানা পাঠাইতে লিখিয়াছি। এই সামান্য অভাবটুকু মোচন করিতে পারিব নহে করিয়া, আমি অত্যন্ত সুখী হইয়াছি।

“শুগালগণ অত্যন্ত উৎপাত করে এবং তাহাদের স্বর অত্যন্ত কৰ্কশ। গৃহমধ্যে চন্দ্রচটিকাও অত্যন্ত বিরক্ত করে। দেশবাসীদের বিবাহাদি এই সময়েই হয় এবং দিবারাত্রি তাহাদের ঢোলের বাজ শুনিতেছি। সে দিন একটি বৃদ্ধ কাল। আদমীর (৩) সহিত অনেকক্ষণ আলাপ হইয়াছিল। কয়েক দিন পূর্বে তাঁহার জ্বর মৃত্যু হইয়াছে এবং তাহার মৃতদেহ গঙ্গায় সৎকারের

(২) বাসিন্দা অর্থে যুরোপীয় বাসিন্দা ।

(৩) Black native

জন্ম লওয়া হইয়াছিল। তাহার তিনটি পুত্র আছে—তিনটিই নিবাহিত; কিন্তু সে একদিনও পুত্রবধূদের মুখ দেখে নাই; কেন না বাঙ্গালীদের মধ্যে পুত্রবধূর মুখদর্শন নিষিদ্ধ। সে, তাহার তিন ভ্রাতা, তাহার পুত্র ও ভ্রাতৃপুত্রগণ, পৌত্রগণ ও তাহার বৃদ্ধা মাতা একই বাড়ীতে বাস করে।”

(তৃতীয় পত্র)

এই পত্র ১৫ই ফেব্রুয়ারি তারিখে লিখিত হইয়াছিল।

“গত কল্যা সন্ধ্যার সময় আমরা যখন গাড়ী করিয়া ভ্রমণে বহির্গত হইয়াছিলাম, তখন বিক্রমার্ঘ্য অনেকগুলি হস্তা দেখিতে পাইলাম। ঐ সময়ে রাজাকেও দেখিলাম। (১) রাজার বয়স আন্দাজ উনিশ বৎসর হইবে; দেখিতে সুন্দর এবং ব্যবহার বিশিষ্ট ভদ্রলোকের ছায়। তাঁহার চক্ষু দুইটি বৃহৎ; তাঁহার হস্তদ্বয় কৃষ্ণ এবং তিনি কৃষ্ণকায়। তিনি আমাদিগকে তাঁহার প্রাসাদে যাইতে অনুরোধ করিলেন; কিন্তু তখন আমাদের সময় হইবে না—বারান্তরে যাইব বলিলাম।

“দুঃখের বিষয়, এ স্থানে দেখিবার কোন জিনিষ নাই, অথবা এমন কিছু নাই, যাহা তোমাদের পাঠাইতে পারি।”

(চতুর্থ পত্র)

এই পত্রখানি খ্রিষ্টিয়ানা তাঁহার পিতামাতাকে লিখিয়াছিলেন। পত্রের তারিখ ১৯শে এপ্রিল।

“গত রবিবারে হিন্দুদের একটি পূর্ণ-দিন ছিল। আমরা চড়ক দেখিতে গিয়াছিলাম। হিন্দুগণ পাপ হইতে মুক্তি পাইবার জন্ম এই দিন প্রায়শ্চিত্ত করে। প্রত্যেক বাজারে বা গ্রামে একটি দীর্ঘ কাষ্ঠদণ্ডের উর্দ্ধদেশে ক্ষুদ্র ক্ষুদ্র দণ্ড আছে; এই সকল দণ্ড হইতে ৪৬৮ গাছি করিয়া রজ্জু ঝুলিতে থাকে। প্রায়শ্চিত্তাভিলাষী হিন্দু নিজ পৃষ্ঠদেশে আংটা বিদ্ধ করিলে এই সকল দীড়ীর সহিত ঐ আংটা বাঁধিয়া দেওয়া হয় এবং এই অবস্থায় তাহারা ৫ মিনিট করিয়া ঝুলিতে থাকে। আমার বিশ্বাস, কেবল নিম্নশ্রেণীস্থ ব্যক্তিগণই এরূপ করিয়া থাকে। অবশ্যই ইহাতে ইহারা যথেষ্ট শারীরিক ক্লেশ পায়; কিন্তু ইহাদিগকে দেখিলে সেরূপ বোধ হয় না। আমার বোধ হয়, ইহারা অতিরিক্ত পরিমাণ

অহিফেন-সেবনে জ্ঞানশূন্য হইয়া একরূপ করিয়া থাকে । এ দৃষ্টে অবশ্যই আমি সন্তুষ্ট হই নাই । তত্ৰাচ এই দেশে বাস করিয়া দেখিতে না যাওয়াও বোকাষী মাত্র । অনেক জনসমাগম হইয়াছিল এবং অবশ্যই হিন্দুদের একঘেষে বাধ্যও ছিল ।”

(পঞ্চম পত্র)

৫ই মে লিখিত ।

“সহরের প্রত্যেক পুষ্করিণী ও নালা মৎস্তে পরিপূর্ণ । আজ যে সকল নালায় বিন্দুমাত্র জল নাই, কালে বর্ষা হইয়া সেগুলি জলপরিপূর্ণ হইবে ও সঙ্গে সঙ্গে মৎস্তে ভরিয়া যাইবে । সে দিন নিকটবর্তী বাগানেই প্রচুর পরিমাণে মৎস্ত ধরা গিয়াছিল । (৫) আজকাল এ স্থানে এত মশা যে, তাহারা অনবরত হস্তপাদাদি দংশন করিতেছে । (৬) এ স্থানে না আসিলে ইহার সম্যক উপলব্ধি করা যায় না ।”

(ষষ্ঠ পত্র)

২৩শে মে লিখিত ।

“কাছারী-গৃহে প্রতি রবিবার প্রার্থনার সময় প্রত্যেকেই সমবেত হয়েন । এমন কি, কাজকর্ম উপলক্ষে যে সকল নীলকর সহরে আসিয়া থাকেন, তাঁহারাও এই প্রার্থনায় যোগদান করেন । আমাদের স্কুলের কাজও বেশ চলিতেছে । স্কুলে আরও ২টি বিধবা ভর্তি হইয়াছে এবং মোজা বুনিতে শিখিয়াছে ।

“১লা জুন হিন্দুদের একটি পর্কদিন । এই দিবসে তাহারা পাপমুক্ত হইবার জন্য গঙ্গাস্নান করে । গত ২১ দিনের মধ্যে প্রায় লক্ষাধিক হিন্দু এই পথে গঙ্গায় স্নানার্থ গিয়াছে । গঙ্গা এই স্থান হইতে ৬০ মাইল দূর ।* অনেক যাত্রী ২১৩ শত মাইল দূরবর্তী স্থান হইতে যাইতেছে । রাজপথ স্নানযাত্রিপূর্ণ । গতকল্য সন্ধ্যার সময় যখন আমরা বেড়াইতেছিলাম, তখন মনে হইতেছিল যে, ইংলণ্ডের কোন প্রধান মেলা বা মহাসভার নিরীচন হইতেছে । প্রত্যেক যাত্রীর সঙ্গেই খাদ্য আছে এবং অনেকের সঙ্গেই নিজ নিজ সন্তান আছে ।

(৫) এখন বর্ষোহরে মৎস্ত হুলস্ত নহে—একান্ত দুরূহ

(৬) মশকের উৎপাত আজও আছে ।

* চাকমকে ।

অনেকগুলি যাত্রী বৃদ্ধ; এক মাইলও হাটিতে পারিবে বলিয়া বোধ হয় না। ক্লান্ত হইলে, একজন অপরকে সাহায্য করে। রাত্রিতে এক এক গ্রামের লোক একত্র হইয়া উগুরু ময়দানে রাত্রিযাপন করে। এ দৃশ্য স্নন্দর ও অত্যাশ্চর্য্য। আমার বোধ হইতেছিল, যেন প্রাচীন কালের ইহুদীগণ নিজ নিজ পরিবারবর্গসহ দেশদেশান্তর হইতে জেরুজালেমে সমবেত হইতেছে।

“অধিবাসীরা মাত্র একখণ্ড বস্ত্র পরিধান করে। ইহার অধিকাংশ ‘কোমরবন্ধের’ ভায় জড়ান থাকে। বাইবেলে যেমন ‘স্কেপগোট’ আছে, হিন্দুদের মধ্যেও সেই প্রথা প্রচলিত। দেশে যখন কোন হিন্দু মৃত্যুমুখে পতিত হয়, * তখন একটি বগুকে ছাড়িয়া দেওয়া হয়। ইহা ইচ্ছানুসারে যত্র তত্র ভ্রমণ করে; অপরের ক্ষেত্রের শস্ত ধ্বংস করিলেও কেহ কিছু বলে না, কেন না, ইহা পবিত্র বলিয়া পরিগণিত।

“আগামী মঙ্গলবার মুসলমানদিগের একটি পর্বাদিন এবং উহার এই দিবস সেই ভাবেই অতিবাহিত করে।

“তুমি কি মনে করিবে, জানি না, কিন্তু আমার মনে হয়, হিন্দু জীলোক-গণ ১লা জুনকে † খুব পছন্দ করে। কেন না, গঙ্গানান ব্যতীত উহার ঐ দিনে তাহাদের গণ্ডী অতিক্রম করিতে পারে। অন্য সময়ে তাহারা তাহাদের গৃহের বহির্দেশে বাহির হইতে পারে না।”

(সপ্তম পত্র)

১৯শে জুন।

“বাল্গালীরা ভয়ঙ্কর বাচাল; অনবরত বকে। যখন কেহ কাহারও প্রতি ক্রোধান্বিত হয়, তখন প্রাতঃকাল হইতে সন্ধ্যা পর্য্যন্ত তাহাকে গালাগালি করে; তৎপরদিন আবার এই কোন্দল আরম্ভ হয়; এমন কি, ৩৪ দিবস পর্য্যন্ত এইরূপ চলে। কেহই ছাড়িবার পাত্র নহে।

(এ পত্রেই ২২শে জুন নিয়োক্ত কয়েক পংক্তি লিখিত)

“আজ আমরা জগন্নাথের সম্মানার্থ রথ দেখিলাম। দলে দলে লোক রথ দেখিতে আসিয়াছিল। একজন বলিতে লাগিল, ‘ঐ আমার ঈশ্বর।’ মন্দিরের ভায় যে জিনিষটি তাহার টানিয়া লইতেছিল, তাহা কাষ্ঠপুত্তলিকাপূর্ণ;

* প্রাচীনকালে।

† দশহরা?

অনেকগুলি পুস্তলিকা বস্ত্রে সজ্জিত । প্রধান দুইটি পুস্তলিকার সহিত রজ্জু খাকাতে পুরোহিতগণ সেই রজ্জু ধরিয়া টানিলে পুস্তলিকা দুইটির হস্ত নড়িতে থাকে । কাষ্ঠনির্মিত হংস অঞ্চল আছে । দুই পুরোহিতগণ পুস্তলিকাগুলির স্বর্ণ নিবারণের অল্প বাতাস করিতেছে ।”

সেপ্টেম্বর মাসে ক্রিষ্টিয়ানা প্রিন্সল অম্মহা হইয়া যশোহর পরিত্যাগ করেন । তিনি আর যশোহরে ফিরিয়া আইসেন নাই । পরবর্তী বৎসরের ২৭শে মার্চ ক্রিষ্টিয়ানা হুতুমুখে পতিত হইলেন । তাঁহার স্বামী জন প্রিন্সল ১৮৩৮ খৃষ্টাব্দে দেহত্যাগ করেন । ক্রিষ্টিয়ানা কলিকাতা পরিত্যাগকালে ভারতবর্ষের সম্বন্ধে লিখিয়াছিলেন, “I think all India is like the description Mamma used to give us of the Black Hole in Calcutta !”

শ্রীযোগীন্দ্রনাথ সমাদার ।

—•—

উপহার ।

প্রকৃতির সুরম্য উদ্যানে

উঠে নিত্য ফুটি' যেই ফুল,

মনোহর মধুর সৌরভে

স্বপ্নময় অনিন্দ্য অতুল ।

সেই পুষ্প করিয়া চয়ন

ভাবস্বত্রে কবিতার হার,

গাঁথি কবি আপনার মনে,

দেন নরে শ্রীতিউপহার ।

শ্রীযতীন্দ্রনাথ চট্টোপাধ্যায় ।

—

ফরাসী-বিপ্লবের ইতিহাস।

নবম অধ্যায়।

(রাজপরিবারবর্গের প্যারিস নগর হইতে পলায়ন)

সিদ্ধকাম পুরুষ সংসারের উপাত্ত দেবতা। কিন্তু যিনি কার্যে ব্রতী হইয়া কৃতকার্য হইতে না পারেন, সমগ্র বিশ্ব-সংসারে কুত্রাপি তাঁহার স্থান হয় না। ডিউক ডি অর্লিয়ন্ স্বার্থসাধনের নিমিত্ত প্রয়াস পাইয়াছিলেন। কৃতকার্য হইতে পারিলে তিনি অসাধারণ প্রতিভাশালী ও ক্ষমতাবান পুরুষ বলিয়া জগতে প্রতিষ্ঠা লাভ করিতে পারিতেন। কৃতকার্য হইতে না পারিয়া তিনি স্বজন-বান্ধবগণেরও ঘৃণাম্পদ হইলেন। রাজা প্রথমাবধি তাঁহার দুর্ভাগ্য পরিজ্ঞাত ছিলেন। ল্যাফাইট অকাট্য প্রমাণদ্বারা প্রতিপন্ন করিলেন যে, ডিউকই ভাসেলিস আক্রমণের মূলীভূত কারণ। হতভাগ্য ডিউক সর্বসম্প্রদায়ের বিরাগভাজন হইলেন। তিনি অচিরে অভ্রভেদী গিরিশৃঙ্গ হইতে অভ্রলম্পর্শ গহ্বরের গভীর-তম প্রদেশে নিপতিত হইলেন। সুযোগ প্রাপ্ত হইয়া ফরাসিরাজ জাতীয় সমিতির সম্মতিক্রমে তাঁহাকে দেশ হইতে বহিস্কৃত করিয়া দিলেন।

ডিউক নির্বাসিত হইলেন। শাস্তিপথ কণ্টকবিমুক্ত হইল। শাস্তি-অভিলাষী ব্যক্তিগণের হৃদয়ে আশার সঞ্চার হইল, কিন্তু সে আশা ফলবতী হইল না। ইতর সাধারণের উচ্ছৃঙ্খলতা নিবারণে অসমর্থ হইয়া জাতীয় সমিতির উদার প্রকৃতি সভ্যগণ একে একে পদত্যাগ করিতে আরম্ভ করিলেন। সঙ্কীর্ণ-হৃদয়, স্বার্থপর, হৃদয়বিহীন, চরিত্রবিহীন ব্যক্তিগণ ফরাসী দেশের অদৃষ্টগগনে তুঙ্গস্থান অধিকার করিল। স্মৃতরাং শোণিতপ্রবাহ উত্তরোত্তর বৃদ্ধি পাইতে লাগিল, শাস্তিসংস্থাপন দুঃসাধ্য হইয়া উঠিল ; যদৃচ্ছাচার স্বীয় আধিপত্য বিস্তার করিল।

প্যারিসের ইতর-সাধারণ অতি দুর্দান্ত। তাহারা শার্দূলভল্লকের স্থায় রক্তপিপাসু। ভাসেলিস বিদ্রোহের পর জাতীয় সৈনিকগণের প্রযত্নে তাহারা কিয়ৎকাল যাবৎ প্রশান্তমूर्তি ধারণ করিয়াছিল ; কিন্তু অল্পকালমধ্যেই পুনর্বার নিজমূর্তি ধারণ করিল। ভাসেলিস আক্রমণকালে তাহারা গুনিয়াছিল যে, রাজা প্যারিস নগরে প্রত্যাগমন করিলেই খাণ্ড-সামগ্রী মূল্য হইবে।* এইরূপে রাজা সপরিবারে প্যারিস নগরে আসিয়াছেন ; তথাপি খাণ্ড-সামগ্রী মহার্যাদৃষ্টে

তাহাদের ক্রোধানল পুনর্বার প্রজ্জ্বলিত হইয়া উঠিল। তাহারা ধৈর্য্যাবলম্বনে অসমর্থ হইয়া খাণ্ডসামগ্রী বিক্রেতৃগণের প্রতি অশেষবিধ নির্য্যাতন করিতে আরম্ভ করিল। এক দিন কয়েক ব্যক্তি একত্রিত হইয়া ফ্রান্স নামক রুটি বিক্রেতার প্রাণ সংহার পূর্ব্বক সেই ছিন্নমুণ্ড প্যারিসের প্রত্যেক রুটি বিক্রেতাকে চুষন করিতে বলিল। রুটিবিক্রেতার দম্মাহন্তে পতিত হইয়া পাপাঙ্গগণের অভিলাষ পূর্ণ করিতে বাধ্য হইল। ফ্রান্সের গর্ভবতী পত্নী এই হৃদয়বিহারক দৃশ্য অবলোকনে মুচ্ছিত হইয়া ভূতলে পতিত হইল। হৃদয়বিহীন শিশাচগণ সেই ছিন্ন মস্তক ফ্রান্স-পত্নীর বদনমণ্ডলে সংঘর্ষণ করিতে লাগিল। অনতি-বিলম্বে সেনাপতি ল্যাফাইটি জাতীয় সৈনিকগণের সাহায্যে উচ্ছৃঙ্খলাচারিগণকে বন্ধন পূর্ব্বক তাহাদের দলপতির প্রাণদণ্ড করিলেন। ল্যাফাইটির শাস্তি সংস্থাপনের চেষ্টা দেখিয়া ইতর সাধারণ তৎপ্রতি যারপরনাই অসন্তুষ্ট হইল। কয়েক ব্যক্তি সেনাপতি প্রবরকে বলিল, “বদি আমরা ইচ্ছানুসারে কাহাকেও ফাঁসী দিতে না পারি, তবে কিরূপ স্বাধীনতা লাভ করিলাম?” তাহাদের বিশ্বাস যে, স্বাধীনতা লাভ করিয়া তাহাদের ইচ্ছানুরূপ নরহত্যা করিবার অধিকার জন্মিয়াছে। অপরাধী ব্যক্তির প্রাণদণ্ড করিতে হইবে, তজ্জন্ত বিচারালয় বা বিচারপতির প্রয়োজন কি? এ সমস্ত ব্রথা আড়ম্বর কেন? এই ক্ষুদ্রাদপি ক্ষুদ্র শক্তিটি যদি তাহারা পরিচালন করিতে না পারিবে, তাহা হইলে স্বাধীনতা লাভ করিয়া তাহাদের কি লাভ হইয়াছে?

ফ্রান্সের হত্যাকারিদল যথোচিত দণ্ড প্রাপ্ত হইল বটে, কিন্তু তথাপি ইতর-সাধারণের উচ্ছৃঙ্খলতা নিবারিত হইল না। বিচারালয়সমূহের মৃহমন্দগতি বিচারনিবন্ধন দেশ উচ্ছিন্ন যাইতেছে, অতএব অপরাধীদিগের প্রতি সত্বর দণ্ড বিধান করা কর্তব্য, এই যুক্তি অবলম্বন করিয়া তাহারা তিন জন দম্মাকে বন্ধন করিয়া তৎক্ষণাৎ তন্মধ্যে দুই জনের প্রাণ সংহার করিল। তাহারা তৃতীয় ব্যক্তির ফাঁসী দিবার উপক্রম করিতেছে, এমন সময় সেনাপতি প্রবর ল্যাফাইটি জাতীয় সৈন্যগণসহ উপস্থিত হইয়া তাহাদিগকে একরূপ গুরুতর শাস্তি প্রদান করিলেন যে, তাহারা কিয়ৎকাল যাবৎ মস্তক উত্তোলন করিতে সমর্থ হইল না।

ভাসেলিস হইতে প্যারিস নগরে আগমন পূর্ব্বক রাজপরিবারবর্গ টুইলারি প্রাসাদে বন্দীদিগের ভ্রায় অবস্থিতি করিতেছেন। বিপ্লব সমুদ্ভূত জাতীয় সৈন্যগণ এবং রাজদ্রোহী গার্ড ডি ফ্রাঙ্ক প্রাসাদের প্রহরীর কার্য্যে নিযুক্ত।

তাহারা রাজপরিবারবর্গকে বন্দিজ্ঞানে প্রতি মুহূর্তে তাঁহাদের কার্যকলাপ পর্যবেক্ষণ করিতেছে। আর সেই বিপ্লবশক্তিসম্ভারিণী কামিনীগণ লজ্জাভয় বিসর্জন দিয়া রাজ্যীর প্রকোষ্ঠের গবাক্ষ-সন্নিধানে দণ্ডায়মান হইয়া অহোনিশি তৎপ্রতি অশ্রাব্য ভাষাপ্রয়োগে গালি বর্ষণ করিতেছে। রাজ্যী অদৃষ্টসন্নিধানে শির নত করিয়া মধুরসম্ভাষণে সেই নারীরূপধারিণী বাঘিনীগণকে আপ্যায়িত করিবার চেষ্টা করিতেছেন। রাজা বা রাজ্যীর প্রাসাদের বহির্দেশে আগমন করিবার সাধ্য নাই। তাঁহারা প্রাসাদপ্রাঙ্গণ অতিক্রম করিলেই সংখ্যাতীত ব্যক্তি তাঁহাদিগকে বেঁধেন করিয়া দণ্ডায়মান হইতেছে।

রাজপরিবারবর্গের এতাদৃশ শোচনীয় অবস্থা দৃষ্টে তাঁহাদিগের হিতাকাঙ্ক্ষী বন্ধুগণ রাজ্যীকে কিয়ৎকালের নিমিত্ত স্থানান্তরে অবস্থিতি করিতে পরামর্শ দিলেন। কিন্তু রাজ্যী বলিলেন, “আমি আপনাদের উদ্দেশ্য বুঝিতে পারিয়াছি। কিন্তু আমি রাজার সঙ্গ কোন ক্রমে ত্যাগ করিতে পারিব না। তাঁহার জগ্ন-যদি আমার প্রাণ পর্যাস্ত বিসর্জন দিতে হয়, আমি তজ্জগ্নও প্রস্তুত। রাজ সিংহাসন উৎপাটন করাই বিপ্লবকারিগণের উদ্দেশ্য। আমি স্থানান্তরে গমন করিলে, তদ্বারা রাজা কোন ক্রমে উপকৃত হইবেন না। লাভের মধ্যে ভীক রমণী বলিয়া জগতে আমার অখ্যাতি প্রচারিত হইবে।” প্রলয়কারিণীগণের হস্ত হইতে পরিত্রাণ পাইবার নিমিত্ত রাজ্যী গবাক্ষ-সন্নিধান ত্যাগ করিয়া পুত্র ও কস্তার শিক্ষায়িত্রীর কার্যে নিযুক্ত হইয়া কালক্ষেপণ করিতে লাগিলেন। রাজপুত্র অতি তরুণ-বয়স্ক। তিনি জনক-জননীর অবস্থান্তর দৃষ্টি করিতেছেন; অথচ তাহার কারণ নির্ণয় করিতে পারিতেছেন না। প্রাসাদ শ্রীলষ্ট হইয়াছে। রাজপরিবারবর্গের ব্যবহারোপযোগী রত্নরাজি বিমণ্ডিত, সুবর্ণ নির্মিত আসনাদির পরিবর্তে কতকগুলি জরাজীর্ণ ভগ্নপদ কাষ্ঠাসন বিরাজ করিতেছে। রাজভক্ত শরীররক্ষকগণের পরিবর্তে বহুসংখ্যক অপরিচিত অস্থায়ী রাজ-পরিবার বর্গের প্রতি অহনিশি জ্রুকূটি প্রদর্শন করিতেছে। অকস্মাৎ অবস্থান্তর সংঘটিত হইতে দৃষ্টি করিয়া রাজপুত্র জননীকে জিজ্ঞাসা করিলেন, “পিতার শরীর-রক্ষক শাস্ত্রিগণ কোথায়?” রাজ্যী উত্তর করিলেন, “এইক্ষণ ফরাসী জাতির হৃদয় ভিন্ন রাজার অণু কোন শরীর-রক্ষক নাই।” একদা রাজপুত্র সমক্ষে জর্নৈক সম্ভ্রান্তবংশীয়া মহিলা অপর কোন মহিলার প্রসঙ্গ উত্থাপন করিয়া বলিলেন, “তিনি রাণীর ত্রায় সুখী।” তাহা শুনিয়া রাজপুত্র থিলিলেন, “আপনি কি তাঁহাকে আমার জননীর সহিত তুলনা করিতেছেন?” মহিলা

বলিলেন, “কেন, আপনার মাতা কি স্মৃথী নহেন?” রাজপুত্র বলিলেন, “আমার মাতা সারা রাত্রি ক্রন্দন করেন।”

জাতীয় সমিতি ভাসেলিস হইতে প্যারিস নগরে স্থানান্তরিত হইয়া অভিনব প্রকারে দেশের শাসন-প্রণালী সংগঠিত করিলেন। সমগ্র দেশ ৮৪ বিভাগে বিভক্ত হইয়া প্রত্যেক বিভাগ ভিন্ন ভিন্ন জিলায় এবং প্রত্যেক জিলা ভিন্ন ভিন্ন ক্যান্টনে বিভক্ত হইল। কয়েকটি “প্যারিস” লইয়া একটি ক্যান্টন সংগঠিত হইল। প্রত্যেক বিভাগে একটি শাসন-সমিতি এবং একটি কার্যনির্বাহক সমিতি সংস্থাপিত হইল। শ্রমজীবীগণের তিন দিবসের পারিশ্রমিকপরিমিত করদাতৃগণ ক্যান্টনে সমবেত হইয়া প্রতিনিধি-নির্বাচনের অধিকার প্রাপ্ত হইল। ক্যান্টন-নির্বাচিত প্রতিনিধিগণ জাতীয় সমিতি, শাসন-সমিতি ও কার্যনির্বাহক সমিতির সভ্যগণকে এবং বিচারালয়সমূহের বিচারপক্ষিগণকে নির্বাচন করিবার ক্ষমতা প্রাপ্ত হইলেন। জাতীয় সৈনিকগণের কর্মচারীদিগকে মনোনীত করিবার ভারও তাঁহাদের হস্তে গ্রস্ত হইল। প্রত্যেক প্রধান নগরে একটি মিউনিসিপালিটি ও একটি শাসন-সমিতি প্রতিষ্ঠিত হইল। বিচার-কার্যের সৌকর্য্যার্থে বিচারালয়সমূহ অভিনব প্রকারে সংগঠিত হইল ও সঙ্গে সঙ্গে পালিগামেন্টগুলির অস্তিত্ব বিলুপ্ত হইল।

কিয়ৎকাল পরে জাতীয় সমিতি যুদ্ধ ঘোষণা ও শক্তিসংস্থাপনের ভার স্বহস্তে গ্রহণ করায় ফরাসিরাজ সর্বশক্তিশূন্য হইয়া পড়িলেন। রাজসিংহাসন সমূলে উৎপাটিত হইবার উপক্রম দৃষ্টে মহামতি মিরাবোর চৈতন্ত হইল। তিনি রাজ-শক্তিসংরক্ষণের নিমিত্ত প্রচ্ছন্নভাবে চেষ্টা করিতে লাগিলেন। সুতরাং রাজ-পরিবারবর্গের আনন্দের পরিসীমা রহিল না। রাজা ও রাজ্ঞীর বর্ত্তমান অবস্থা অতীব শোচনীয়। তাঁহারা মর্যাদাপ্রাপ্ত ও হুতশক্তি হইয়া বিপ্লবসমাকীর্ণ সিংহাসনে উপবিষ্ট। সেই বিশাল রাজ্যের এক প্রান্ত হইতে অপর প্রান্ত পর্য্যন্ত তাঁহাদের বন্ধু-বান্ধব বা আত্মীয় কেহই নাই। সুতরাং একরূপ অবস্থায় মিরাবোর শ্রায় কার্যদক্ষ ও প্রতিভাশালী ব্যক্তির আশ্রয় প্রাপ্ত হইয়া তাঁহারা আপনাদিগকে ভাগ্যবান্ মনে করিতে লাগিলেন। মিরাবোর শ্রায় কার্যদক্ষ ব্যক্তি কার্যভার গ্রহণ করিলে কার্যোদ্ধারবিষয়ে আর সংশয় থাকে না। তিনি ধর্ম্মবিহীন ও চরিত্রবিহীন হইলেও ততুল্য দ্বিতীয় ব্যক্তি এইরূপ ফরাসিদেশে নাই। সুতরাং রাজা ও রাজ্ঞী উপযুক্ত ব্যক্তির হস্তে আত্মসমর্পণ করিয়াছেন তদ্বিষয়ে অণুমাত্র সন্দেহ নাই।

রাজসিংহাসন-সংরক্ষণে যাবান্ হইয়া মহামতি মিবারো যদৃচ্ছা শাসনের পুনঃপ্রতিষ্ঠা করণা করেন নাট। তিনি জাতীয় সমিতির ধ্বংস সাধনপূর্বক ইংলণ্ডদেশীয় শাসনপ্রণালীর আদর্শে এক শক্তির স্থলে ত্রিশক্তি-প্রবর্তনে অভিলাষী হইয়াছেন। কিন্তু বিপ্লব বহুদূর অগ্রসর হইয়াছে। এক্ষণে কোশল ভিন্ন কার্যোদ্ধার সম্ভবপর নহে—এইরূপ বিবেচনা করিয়া তিনি রাজাকে সপরিবারে প্যারিস নগর হইতে পলায়ন করিতে পরামর্শ দিলেন এবং তিনিও পলায়নের সাহায্যকল্পে প্রতিশ্রুত হইলেন। এইরূপ স্থিরীকৃত হইল যে, রাজা পলায়ন করিলে সেনাপতিপ্রবর বৌলি পাণ্ডব শক্তির সাহায্যে বিপ্লব দমন করিবেন। তখন মিবারো রাজা এবং ফরাসী জাতির মধ্যে বিরোধ ভঞ্জন পূর্বক মিত্রতা সংস্থাপন করিয়া দিবেন।

কিন্তু বিধাতা বিমুখ হইলে মানবের কোন যুক্তিই ফলপ্রসূ হয় না। অকস্মাৎ রাজা ও রাজ্ঞীর আশাদীপ নিক্রাপিত করিয়া ফরাসী শক্তির গৌরব, রাজা ও রাজ্ঞীর একমাত্র ভরসা স্থল সেই মানব কুলতিলক মিরাবো সংসারের কার্যক্ষেত্র হইতে চিরদিনের নিমিত্ত অবসর গ্রহণ করিলেন। ধর্মবিহীন মিরাবোর মৃত্যুকালীন অবস্থা চিন্তা করিলে বিস্ময়াপন্ন হইতে হয়। কাল সংহার-মূর্তি ধারণ পূর্বক ক্রকুটি করিতে করিতে তাঁহার সমক্ষে দণ্ডায়মান। কিন্তু তৎপ্রতি তাঁহার ক্রক্ষেপ নাই। স্বদেশের ইতিহাসে উজ্জ্বল অক্ষরে চিরদিনের নিমিত্ত তাঁহার নাম অঙ্কিত থাকিবে, সেই চিন্তায় তাঁহার বদন প্রফুল্ল। মুমূর্ষু অবস্থায় একটি তোপধ্বনি শ্রবণ করিয়া তিনি বলিলেন, “গ্রীক বীর এচিলিসের মৃত্যুকালীন সম্মানসূচক ধ্বনি আমার কর্ণকুহরে প্রবেশ করিতেছে। আমার মৃত্যুর পর প্রতিদ্বন্দ্বী সম্প্রদায়বর্গ রাজসিংহাসন ছিন্ন-ভিন্ন করিয়া ফেলিবে। যে বিপদ হইতে এ যাবৎ আমি দেশ রক্ষা করিলাম, আমার মৃত্যুর পর সেই বিপদের হস্ত হইতে অব্যাহতি হইবে না। আমার মৃত্যুর পর ফরাসী জাতি আমার মূল্য বুঝিতে পারিবে।” এই বলিয়া নয়নযুগল মুদিত করিয়া তিনি অনন্ত-নিদ্রায় অভিভূত হইলেন।

মিরাবোর মৃত্যু হইলে সমগ্র প্যারিস শোকচিহ্ন ধারণ করিল। ধর্মমন্দির-সমূহের শৃঙ্গদেশে কৃষ্ণপতাকা উড্ডায়মান হইল। শবদেহ অতি সমারোহের সহিত সসজ্জমে সমাধিস্থলে আনীত হইল। অতি মহৎ হইতে ক্ষুদ্রাদপি ক্ষুদ্র ব্যক্তি পূর্ণাঙ্গ অশ্রুবিসর্জন করিতে করিতে তথায় উপস্থিত হইল। বিংশতি সহস্র জাতীয় সৈন্য সমবেত হইয়া শবদেহের প্রতি সম্মান প্রদর্শন করিল।

অনন্তর রাজি দ্বিপ্রহরকালে মৃতদেহ সমাধিগর্ভে নিহিত হইল। তৎক্ষণাৎ বিংশতি সহস্র বন্দুক গভীর গর্জন পূর্বক সেই লোকান্তরিত মহাপুরুষের পূজা করিল। বিপ্লবসমাগমবিকৃতমনা হইলেও করাসী জাতি বীরপূজা বিস্মৃত হয় নাই।

(ক্রমশঃ)

শ্রীমুরেজনাথ ঘোষ।

নলডাঙ্গার প্রাচীন কীর্তি ।

যশোহরের দশ কোশ উত্তরে বেগবতী নদীর তীরে নলডাঙ্গা নামে একটি ক্ষুদ্র গ্রাম আছে। ক্ষুদ্র হউক, প্রাচীনত্বে ও ঐতিহাসিক সম্পদে এই স্থান বঙ্গদেশের ইতিহাসে বিশিষ্ট স্থান পাইবার যোগ্য। নলডাঙ্গা যে বহু প্রাচীন স্থান তাহা তত্রত্য ধ্বংসাবশেষের প্রতি দৃষ্টিপাত করিলে স্পষ্টই প্রতীয়মান হয়।

বহুদিনপূর্বে এই স্থানের দেবরায় বংশীয় রাজগণ সমগ্র বঙ্গদেশে বশঃ-সৌরভ বিস্তার করিতেছিলেন। তাঁহাদের আধিপত্যে নলডাঙ্গা সমৃদ্ধির উচ্চ চূড়ায় আরোহণ করিয়াছিল। নলডাঙ্গার রাজগণের কীর্তিচিহ্ন এখনও সমুজ্জ্বলভাবে বর্তমান থাকিয়া তাঁহাদের অশেষ গুণরাশির পরিচয় দিতেছে। আলোচ্য প্রবন্ধে আমরা সেই সকল কীর্তিচিহ্নের বিবরণ সাধারণে উপস্থিত করিব। তাহাদের ইতিহাস যে বঙ্গদেশের ইতিহাসকে আংশিকভাবে সমৃদ্ধ করিবে, সে বিষয়ে অণুমান সংশয় নাই।

যশোহর হইতে যে রাজপথ কালীগঞ্জ পর্য্যন্ত চলিয়া গিয়াছে তাহারই পার্শ্বে নলডাঙ্গা অবস্থিত। কালীগঞ্জ হইতে এক কোশ দূরে “গুজননগর” নামক স্থানে নলডাঙ্গা রাজ্যের বর্তমান আবাসবাটি। গুজননগরের প্রাসাদমূল ধোত করিয়া ক্ষৌণ্ড্রোতা “বেগবতী” নদী প্রবাহিত। এই গুজননগরের পরপারে তৈলকূপ গ্রামে বর্গীর হাজারার সময় বর্ধমানের রাজা চিত্রসেন রায় আশ্রয়

গ্রহণ করেন। তাঁহার নির্মিত মন্দির ও গড় সেই সুদূর অতীতের সাক্ষ্য দিতেছে।*

শুজ্ঞ নগরের রাজবাটী অতিক্রম করিয়া কিয়দূর পথ ধরিয়া নদীতীর পর্য্যন্ত গমন করিলে একটি বাঁশের সাঁকো দৃষ্টিগোচর হয়। এই সাঁকোর ঠিক সম্মুখে নলডাঙ্গার রাজগণের পুরাতন প্রাসাদ “রঙমহাল” দৃষ্ট হয়। রাজবংশের শশিভূষণ দেবরায় এই প্রাসাদ নির্মাণ করিয়াছিলেন এক্ষণে তাহার ভগ্নাবশেষ মাত্র বর্তমান। রঙমহালের পার্শ্ব দিয়া একটি পথ বক্রভাবে নলডাঙ্গার “মঠবাড়ী” পর্য্যন্ত গিয়াছে। এই মঠবাড়ীতে নিম্নলিখিত মন্দিরগুলি কালের নিষ্ঠুর অত্যাচার সহ করিয়া এখনও বিরাজমান রহিয়াছে—

- ১। রামেশ্বরী।
- ২। সিদ্ধেশ্বরী।
- ৩। রাজরাজেশ্বর।
- ৪। তারানাথ।

রামেশ্বরী মন্দিরে দশভুজা দুর্গার পাষণময়ী মূর্তি প্রতিষ্ঠিত আছে। মন্দির-গাত্রস্থ ইষ্টকের কারুকার্য দেখিয়া বঙ্গের তৎকালীন শিল্পীর শিল্পকুশলতার সম্যক পরিচয় প্রাপ্ত হওয়া যায়। এই সকল মন্দিরের ভাস্কর-কার্য দেখিয়া যথার্থই মনে হয়, “In art, as in religion, India once led the whole East and influenced and stimulated the development of architecture and sculpture * * * * in China, Korea and Japan. * * * *”†

রামেশ্বরী মন্দির নলডাঙ্গার রাজা রামদেব দেবরায় কর্তৃক প্রতিষ্ঠিত হইয়াছিল। ইহার নির্মাণকাল অনুসন্ধান করিয়া জানিতে পারি নাই। রামদেব ঔরঙ্গজেব বাদশাহের রাজত্বের শেষভাগে নলডাঙ্গার আবির্ভূত হইলেন। তিনি দানশীলতার জগু বিশেষ বিখ্যাত হইয়াছিলেন। ঐতিহাসিক ওয়েষ্টল্যাণ্ড্, নলডাঙ্গার রাজবংশ বর্ণনাকালে তাঁহার দানশীলতার উল্লেখ করিয়া বলিয়াছেন, “Mindful of their Brahmanical origin, this family has always been distinguished for its liberality in erecting and

* ‘প্রতিভার’ মণিখিত “রাজা চিত্রসেন রায়” লিখক প্রবন্ধ দেখুন।

† H. P. Ghose's pamphlet on “Archaeology in India.”

endowing idols and in making grants of lands to Brahmans, and even to Mahammadan saints. Ram Deb Ray was * * * especially celebrated for these virtuous acts.”* “দেবদ্বিজের” তাঁহার অশেষ ভক্তি ছিল। রামেশ্বরী মন্দির তাঁহার দেবভক্তির শ্রেষ্ঠ নিদর্শন।

রামদেবের সময় নবাব মুর্শিদ কুলি খাঁ মুর্শিদাবাদের ‘তখততোসে’ উপবিষ্ট ছিলেন। তাঁহার অধীনে সৈয়দ রেজা খাঁর অমানুষিক অত্যাচারের কথা ইতিহাসজ্ঞ পাঠকের অবিদিত নাই। করপ্রদানে বিলম্ব হইলে জমীদারগণের রক্ষা থাকিত না। রাজা রামদেব কয়েক বৎসর কর বাকি রাখিয়াছিলেন, এই অপরাধে নবাব মুর্শিদ কুলি খাঁ রামদেবকে ধৃত করিবার নিমিত্ত ১৭২১ খৃষ্টাব্দে একদল সৈন্য প্রেরণ করেন। রামদেব নবাব-সৈন্যের আগমন-বার্তা শুনিয়া ভীতচিন্তে নলডাঙ্গা হইতে পলায়ন করিয়া নিকটবর্তী এক গ্রামে আশ্রয় গ্রহণ করেন। নবাবসৈন্য পনের দিবস নলডাঙ্গায় অবস্থান করিয়া হতাশচিত্তে মুর্শিদাবাদে প্রত্যাগমন করিল।

নবাবের সৈন্য মুর্শিদাবাদে প্রত্যাগমন করিবার অব্যবহিত পরেই রামদেব স্বয়ং নবাবসকাশে গমন করিয়া জমীদারীত্যাগ করিবার প্রস্তাব করিলেন। নবাব স্বীকৃত হইলে রামদেব তদনুযায়ী দলিল লিখিয়া দিলেন। তাঁহার আমমোক্তার শ্রীকৃষ্ণদাস সে দিন ঘটনাস্থলে উপস্থিত ছিলেন না। কয়েক দিনের মধ্যে তিনি মুর্শিদাবাদে আগমন করিয়া এই দারুণ ঘটনা আমূল শ্রবণ করিলেন; তৎপরে নবাব মুর্শিদ কুলি খাঁর নিকট গমন করিয়া দলিল দেখিবার প্রার্থনা করিলেন। দলিল হস্তগত করিয়া কৃষ্ণদাস ভাবিলেন, যদি কোনও উপায়ে দলিলখানি নষ্ট করা যায়, তবে প্রভু রামদেবের জমীদারী রক্ষা হইলেও হইতে পারে। এইরূপ স্থির করিয়া প্রভুভক্ত শ্রীকৃষ্ণ তৎক্ষণাৎ দলিলখানা গিলিয়া ফেলিলেন। নবাবের লোকেরা তাঁহাকে বিষম প্রহার করিল এবং অর্দ্ধমৃত অবস্থায় গঙ্গাগর্ভে ভাসাইয়া দিল। রামদেব সে সময় গঙ্গায় স্নান করিতেছিলেন। কৃষ্ণদাসের মৃতপ্রায় দেহ ভাসিয়া যাইতে দেখিয়া রামদেবের অনুচরগণ তৎক্ষণাৎ তাঁহাকে তীরে আনয়ন করিল। কিয়ৎক্ষণ শুশ্রূষা করিবার পর শ্রীকৃষ্ণ চৈতন্যলাভ করিলেন। রাজা রামদেব কৃষ্ণদাসের এই অলৌকিক প্রভুভক্তিদর্শনে একান্ত প্রীত হইয়া তাঁহাকে দেবসেবাব নিমিত্ত এক ক্ষুদ্র জমীদারী প্রদান করেন এবং অবাসভূমি

* J. Westland's "Report on the District of Jessore"—P. 43-44.

নান্দোয়ালীতে এক মন্দির নির্মাণ করাইয়া দেন। তদবধি তাঁহার সন্তান-সন্ততিগণ “নান্দোয়ালীর ইস্তফাগেলা দাস” এই আখ্যা প্রাপ্ত হইয়া আসিতেছেন।

রামদেব অশেষ গুণগ্রামে বিভূষিত হইলেও একটি দোষ তাঁহার চরিত্রের কলঙ্ক হইয়া রহিয়াছে। তিনি যে সময়ে নলডাঙ্গার রাজগদীতে উপবিষ্ট ছিলেন, সে সময় বঙ্গগৌরব বোরাগ্রগণ্য সীতাবাম রায় মহম্মদপুরে স্বাধীন হিন্দুরাজ্য স্থাপন করিয়াছিলেন। তাঁহার সময় যশোহরের এক প্রাস্ত হইতে অপর প্রাস্ত পর্য্যন্ত বীরত্বের উদ্দাম স্রোত প্রবাহিত হইতেছিল। সকলেই সীতারামের বীরত্ব ও গুণরাশির পক্ষপাতী হইয়াছিল—হন নাই কেবল নলডাঙ্গার রামদেব দেব-রায় ও চাঁচড়ার মনোহর রায়। রামদেব ও মনোহর সীতারামের উন্নতির পথে কণ্টক হইলেন। কিন্তু পাঠকগণ দেখিতে পাইবেন যে, মহামতি সীতারাম কণ্টকসমূহ সমূল উৎপাটন করিয়া আপনার স্বাধীনতার পথ মুক্ত করিয়াছিলেন। ইতিহাসে তাহা উজ্জ্বলবর্ণে চিত্রিত হইয়া রহিয়াছে।

একসময় সীতারাম রামপাল জয় করিতে গিয়াছেন শুনিয়া মনোহর রায় মহম্মদপুর অধিকার করিবার বাসনায় মহম্মদপুরে সসৈন্তে উপস্থিত হইলেন। কিন্তু সীতারামের দেওয়ান যছনাথ মজুমদার তাঁহার কার্য্যে এক্রপ বাধা দিলেন যে, মনোহর রায় অচিরে স্বীয় হুজুতিসন্ধি পরিত্যাগ পূর্ব্বক চাঁচড়ার প্রত্যাগমন করিতে বাধ্য হইয়াছিলেন।

রামদেব দেবরায় একদিন শুনিলেন যে, নন্দোয়ালীর শচীপতি রায় সীতারামের উৎসাহে বিদ্রোহী হইয়াছেন। অবিলম্বে তিনি সসৈন্তে শচীপতিকে দমন করিতে গমন করিলেন।* যুদ্ধের ফলাফল কি হয়, ইতিহাস তাহা বলে না। শুনা যায়, রামদেব বিবিধ উপায়ে সীতারামের অনিষ্ট করিয়াছিলেন। রামদেব ও মনোহর মধ্যে মধ্যে নবাব মুর্শিদ কুলি খাঁর নিকট সীতারামের বিরুদ্ধে অভিযোগ করিতেন।

রাজা রামদেব ১৭২৫ খৃষ্টাব্দে সমগ্র মহম্মদশাহী পরগণার অধিকারী হইয়াছিলেন। তিনি ১৬৯৮ খৃষ্টাব্দে রাজা হইয়া উনত্রিশবর্ষ জমীদারী ভোগ করিবার পর ১৭২৭ খৃষ্টাব্দে স্বর্গারোহণ করেন।

* শ্রীমোকদ্দাচরণ ভট্টাচার্য্য-প্রণীত “রাজা সীতারাম”—৮পৃষ্ঠা।

নিম্নে রামদেব পর্য্যন্ত নলডাঙ্গা রাজবংশের বংশতালিকা প্রদত্ত হইল ।*

বিষ্ণুদাস হাজরা (রাজবংশের প্রতিষ্ঠাতা—১৫৯০ খৃঃ অঃ)

শ্রীমন্তদেব রায় (রণবীর খাঁ)

গোপী দেবরায়

গন্ধর্ব্ব দেবরায়

রামদেব রায়

রাঘব

রতিনাথ

চণ্ডীচরণ (১৬৪৩ খৃঃ অঃ)

রাধাকান্ত

লক্ষ্মীকান্ত

ইন্দ্রনারায়ণ

জানকীবল্লভ

কালীচরণ

বিবেকধর

শূরনারায়ণ

ব্রহ্মনারায়ণ

রামনারায়ণ

কৃষ্ণরাম

উদয়নারায়ণ রামদেব (১৬৯৮ খৃঃ অঃ) ঘনশ্যাম নরনারায়ণ রামকৃষ্ণ রাজারাম

শ্রীনীগোপাল মজুমদার ।

* নলডাঙ্গা রাজবংশের কীর্ত্তিচিহ্ন দর্শন করিতে আমরা নলডাঙ্গার গমন করি। নলডাঙ্গার বর্তমান রাজা মাননীয় শ্রীযুক্ত প্রমথভূষণ দেবরায়ের ভাগিনের শ্রীযুক্ত বাবু বিজয়চন্দ্র গঙ্গোপাধ্যায় মহাশয় অসুগ্রহ করিয়া নলডাঙ্গা রাজবংশের "পারিবারিক ইতিহাসের" একখণ্ড আমাকে অর্পণ করেন। সেই গ্রন্থ অসুসারে রামদেবের বংশাবলী লিখিত হইল—লেখক।

সংগ্রহ।

বিবিধ

—X—

দক্ষিণ-ভারতের কয়েকটি সাহিত্যসম্বন্ধীয়

গল্প।

পল্লীগ্রামের প্রচলিত গল্প ও কথার মধ্যে যে একটা অভিনব প্রাণের সঞ্চার দৃষ্ট হয়,—এই কথাটি আচার্য্য অক্ষয়চন্দ্র এবার চট্টগ্রাম সাহিত্য-সম্মিলনে বেশ স্পষ্ট করিয়া বলিয়াছেন।

আমাদের বঙ্গদেশের পল্লীগ্রামের প্রচলিত গল্পগুলি স্বর্গীয় রেভারেন্ড লাল-বিহারী দে “Folk tales of Bengal” নামে বৃহৎ পুস্তিকায় লিখিয়া গিয়াছেন। তিনি লিখিয়াছিলেন বলিয়াই আজ সমগ্র ভারতবাসী—শুধু ভারতবাসী কেন, সমগ্র জগদবাসী বঙ্গপল্লীর প্রচলিত গল্পগুলি পাঠ করিয়া হৃদয়ে বিপুল আনন্দ উপভোগ করিতেছেন।

প্রসিদ্ধ Antiquarian নামক মাসিক পত্রিকায় জনৈক লেখক দক্ষিণ-ভারতে প্রচলিত সাহিত্যসম্বন্ধীয় কয়েকটি গল্প লিখিয়াছেন। আমরা তন্মধ্যে কয়েকটি ভাবান্তরিত করিয়া দিলাম। দক্ষিণ-ভারতবাসীরা যে গল্প বলিয়া বা শুনিয়া হৃদয়ে বিপুল আনন্দ পাবেন, আমরা তাহার অংশ গ্রহণ করিব না কেন ?

প্রথম গল্প।

একদা এক ব্রাহ্মণ-পণ্ডিত ভোজরাজের সভায় কিঞ্চিৎ দানপ্রাপ্তির আশায় যাইবার সঙ্কল্প করিলেন। রাজার কাছে রিক্তহস্তে যাওয়া যুক্তিযুক্ত অবস্থায় বলিয়া তিনি পথিমধ্যে একটি দোকান হইতে কয়েক খণ্ড ইক্ষুও কিনিয়া তাহা আপন বস্ত্রাভ্যস্তরে করিয়া সন্ধ্যাকালে রাজ-বাটীতে গিয়া উপস্থিত হইলেন। রাজ-সভা তখন সেদিনের মত বন্ধ হওয়ায় ব্রাহ্মণ স্থির করিলেন যে, তিনি সে রাত্রি প্রাসাদের কোন স্থানে অবস্থান করিয়া পরদিন প্রভাতে রাজ-সভায় উপস্থিত হইবেন।

তখন ব্রাহ্মণ ইক্ষুদণ্ডপূর্ণ বস্ত্রখণ্ড উপাধানের আকারে মন্তকের নিম্নে রাখিয়া প্রাসাদের সিঁড়ির উপর শয়ন করিল। ব্রাহ্মণ গাঢ় নিদ্রায় অভিভূত হইলে রাজ-বাটীর জনৈক পরিচারক সেই ইক্ষুদণ্ডগুলি অপহরণ করিয়া তৎপরিবর্তে কয়েক খণ্ড ভস্মীভূত কাঠ রাখিয়া গেল।

ব্রাহ্মণ প্রভাতকালে ইক্ষুদণ্ড সহজে তিল মাত্র সন্দেহ না করিয়া রাজ-সমীপে উপস্থিত হইল।

কিন্তু কি আশ্চর্য্য ! তিনি বস্ত্র উন্মোচন করিয়াই দেখেন, তন্মধ্যে ইক্ষুদণ্ড নাই—কয়েক খণ্ড পোড়া কাঠ মাত্র আছে।

রাজার চক্ষু ইহা দেখিয়া একেবারে জলিয়া উঠিল—সভাসদ পণ্ডিতরা সকলে তাহাকে উন্মাদ বলিয়া হাস্য করিতে লাগিলেন। কিন্তু ব্রাহ্মণের উপস্থিত-বুদ্ধি ছিল, তিনি অপ্রতিভ হইবার লোক নহেন। তিনি বলিলেন,—

দক্ষং খাণ্ডবমজ্জুনেন হি বৃথা দেবদ্রুমৈর্মণ্ডিতং,

দক্ষা বায়ুহুতেন হেমনগরৌ লক্ষাপুরৌ স্বর্ণভূঃ ।

দক্ষং সর্বমথো হরেণ মদনঃ বিং তৈত্তরযুক্তং কৃতং,

দারিद्र্যং জনদুঃখকারকমিদং কেনাপি দক্ষং ন হি ॥

অর্থাৎ অজ্জুন খাণ্ডব-বন দাহন করিয়াছিলেন, হনুমান্ লক্ষা দক্ষ করিয়াছিলেন, হর-কোপানলে মদন ভস্ম হইয়াছিলেন ইহা তাঁহারা ভুলই করিয়াছিলেন।

কিন্তু দুঃখের একমাত্র নিদান এই দারিद्र্যকে কেহ ভস্ম করে না কেন ?

রাজা ভোজ ব্রাহ্মণের এই শ্লোকাবৃত্তি শ্রবণে এতদূর সন্তুষ্ট হইলেন যে, তিনি তৎক্ষণাৎ তাঁহাকে পুরস্কৃত করিলেন।

দ্বিতীয় গল্প ।

একদিন ভোজনদাশরথি নামে একজন ব্রাহ্মণ কবিশ্রেষ্ঠ কালিদাসের নিকট গিয়া বলিলেন, “মহাশয়, আপনি ত রাজার দক্ষিণ হস্ত, আমি নিতান্ত দরিদ্র, রাজার নিকট হইতে আমাকে কিঞ্চিৎ দান দেওয়াইবার ব্যবস্থা করুন না কেন ?”

কালিদাস বলিলেন, “আচ্ছা ভাল, আপনি ‘ত্রয়োকারক সুখবাগ্নিরস্তু’ বলিয়া রাজাকে আশীর্বাদ করিতে পারিবেন ত ? এই সামান্য বাক্যটি আপনার কর্তৃত্ব হইবে ত ?” ব্রাহ্মণ বলিলেন, “একমাস চেষ্টা করিয়া দেখি।”

এই ঘটনার প্রায় এক মাস পরে ব্রাহ্মণ আসিয়া কালিদাসকে বলিলেন,
“এখন চলুন, রাজ-সভায় যাওয়া যাউক।”

যথাসময়ে উভয়ে রাজ-সভায় উপস্থিত হইলেন। কিন্তু আশীর্বাদ করিবার
সময় ব্রাহ্মণ “ব্রহ্মকারকোহুথবাশ্চিরন্ত” স্থানে “ব্রহ্মো কারকোপীড়াবাশ্চিরন্ত”
বলিয়া ফেলিলেন।

রাজা ও রাজপণ্ডিতগণ ব্রাহ্মণের আশীর্বাদের ধারা দেখিয়া আরক্ত-
লোচন হইলেন। কালিদাস দেখিলেন, মহা বিপদ; তখন তিনি ব্রাহ্মণকে রক্ষা
করিবার জন্ত তাড়াতাড়ি বলিয়া উঠিলেন, মহারাজ! ব্রাহ্মণ আপনাকে এই
বলিয়া আশীর্বাদ করিতেছেন যে;—

আসনে বিপ্রপীড়া চ স্মৃতপীড়া চ ভোজনে।

শয়নে দারপীড়া চ তিস্রঃ পীড়া দিনে দিনে ॥

অর্থাৎ আপনি যখন সিংহাসনে উপবেশন করিবেন, তখন যেন ব্রাহ্মণরা
আসিয়া আপনাকে বিরক্ত করে, আপনি যখন ভোজন করিতে বসেন, তখন
পুত্ররা যেন আপনাকে বিরক্ত করে আর শয়ন করিলে আপনার স্ত্রী যেন
আপনাকে প্রেমের খাতিরে বিরক্ত করে—এই তিনটি পীড়ায় যেন আপনি দিন
দিন পীড়িত হন।

রাজা ব্রাহ্মণের আশীর্বাদের মর্ম্ম বুঝিয়া তাহাকে তৎক্ষণাৎ সহস্রাধিক মুদ্রা
প্রদান করিতে আদেশ করিলেন

তৃতীয় গল্প।

একদিন ভুকুন্দ নামে একজন লোককে রাজসমীপে দণ্ড-প্রদানের জন্ত
নীত হইলে সে বলিল—

“ভট্টিন্ঠো ভারবিশ্চৈব নষ্টঃ,

ভিক্ষুর্নষ্টো, ভীমসেনশ্চ নষ্টঃ।

ভুকুন্দোহং ভূপতিস্বং হি রাজন্।

ভবাবল্যামন্তকঙ্কঃ প্রবিষ্টঃ ॥”

অর্থাৎ ভটি গিয়াছেন, ভারবিও গিয়াছেন, ভিক্ষু গিয়াছেন, আবার ভীমসেনও
গিয়াছেন, এখন ভাদ্রগিনীর মধ্যে আমি ভুকুন্দ ও আপনি ভূপতি মাত্র অবশিষ্ট
আছি। আমার বোধ হয়, যমরাজ ভ, ভি, ভা, ভু, ভূ, প্রভৃতির মধ্যে প্রবেশ

করিয়াছেন ; অতএব আমার মৃত্যুর পরই মহারাজের পালা । এই বুঝিয়া মহারাজ আমার প্রাণদণ্ডের আজ্ঞা দিতে হয় দিউন ।”

ভুকুন্দের কথা শুনিয়া রাজার মনে ত্রাসের সঞ্চার হইল । তিনি তৎক্ষণাৎ তাহাকে মুক্তি দিলেন ।

চতুর্থ গল্প ।

একটি বালক একদা মহাকবি কালিদাসের নিকট আসিয়া রাজসন্দর্শনেচ্ছা প্রকাশ করায় তিনি বলিলেন, “এল দেখি, তুমি কি বলিয়া রাজাকে আশীর্বাদ করিবে ?” বালকটি বলিল যে, শাহার গুরুদেব তাহাকে “কবিঃ কবী কবয়ঃ” এই তিনটি কথা শিখাইয়াছেন ।

কালিদাস বলিলেন, “আচ্ছা, কাল তুমি আমার সহিত রাজসভায় গমন করত এই কথা তিনটি আবৃত্তি করিয়া সভাসদগণকে এই কথা তিনটি অবলম্বন করিয়া একটি শ্লোক রচনা করিতে বলিবে ।

পরদিন বালক রাজসভায় উপস্থিত হইয়া এই কথা তিনটি করিল এবং সভাসদ পণ্ডিতগণকে ইহা অবলম্বন করিয়া একটি শ্লোক রচনা করিতে বলিল । কিন্তু তন্মধ্যে কেহই তাহা করিতে পারিলেন না ।

তখন কালিদাস উঠিয়া বলিলেন—

জ্ঞাতে জগতি বায়্বাকি শব্দঃ কবিরেতি শ্রুতঃ ।

কবী ইতি ততো ব্যাসে কবয়স্থমি দণ্ডিনি ॥

অর্থাৎ যখন বায়্বাকি জন্মিলেন, তখন “কবি” এই কথাটা উৎপন্ন হইল ; তার পর ব্যাস জন্মিলে “কবী” এই কথাটির উৎপত্তি হইল ; কিন্তু আপনার রাজত্বকালে “কবয়ঃ” এই কথাটির উৎপত্তি হইয়াছে—আজ সমগ্র জগৎ কবিপূর্ণ ।

রাজা বালকের কথা শুনিয়া তাহাকে ধনদানে তৃপ্ত করিলেন ।

শ্রীশ্রামালাল গোস্বামী ।

যোগেন্দ্রচন্দ্র বসু।

যে সকল ক্ষণজন্মা পুরুষ আপনাদের সর্বস্ব দান করিয়া বঙ্গভাষা ও সাহিত্যের পুষ্টি ও শ্রীবৃদ্ধি সাধন করিয়া গিয়াছেন, যোগেন্দ্রচন্দ্র তাঁহাদের মধ্যে একজন। তিনি শুধু জ্ঞানবীর ছিলেন না, তিনি একজন কর্মবীরও ছিলেন। তিনি শুধু সাহিত্য-সেবা করিয়াই ক্ষান্ত হন নাই; তিনি সাহিত্যক্ষেত্রে পথ প্রস্তুত করিয়াছিলেন; গতানুগতিক সাহিত্য-শ্রোতের প্রবাহ-পন্থা ফিরাইয়া দিয়াছিলেন। তিনি সাহিত্য-সেবায় কর্মের আদর্শ সৃষ্টি করিয়া গিয়াছেন। তিনি আজ স্বর্গগত; কিন্তু তাঁহার শক্তি আজ বঙ্গের সাহিত্য, সমাজ ও ধর্মজগতের রক্ষে রক্ষে কর্মশীল রহিয়া তাহাদিগকে আজিও সঞ্জীবনী সূত্র দান করিতেছে। প্রতি বৎসর স্মৃতিসভায় এই পুরুষ-সিংহের বিষয় আলোচিত হইলেও তাঁহার জীবন-কথা কখনও নবীনতা ও সৌন্দর্য্য হারায় নাই; পরন্তু পাষণ-ফলকে চন্দন-দারুর ঘর্ষণেও ত্রায়, যতই আলোচিত ও বিবৃত হইয়াছে, ততই সরস, সুহৃৎ ও সম্বন্ধময় গন্ধে অন্তরাগ্না পুলকিত করিয়াছে।

যোগেন্দ্রচন্দ্র অতি অল্প বয়সেই কর্মক্ষেত্রে অবতীর্ণ হইলেন। বিদ্যালয় ত্যাগ করিয়া তিনি চুঁচুড়ায় ‘সাধারণী’র সম্পাদক শ্রীযুক্ত অক্ষয়চন্দ্র সরকারের সহকারিরূপে সংবাদপত্র-সম্পাদন শিক্ষা করিতে থাকেন।

‘বঙ্গবাসী’ই তাঁহার কীর্ত্তিকেতু। রথী আজ স্বর্গত হইলেও আজিও তাঁহার সাহিত্য-রথের রমা কেতন তাঁহার জয়-পরিচয় দিতেছে। ১২৮৮ সালের ২৬ শে অগ্রহায়ণ তারিখে শুভক্ষণে ‘বঙ্গবাসী’র জন্ম। তাৎকালিক সংবাদপত্রের সর্ববিধ গ্লানি বিদূরিত করিয়া নবীন আদর্শে, বঙ্গের জনসাধারণের প্রতিনিধির কার্য ও দায়িত্বভার দিয়া, যোগেন্দ্র বাবু ‘বঙ্গবাসীকে’ কর্মক্ষেত্রে প্রেরণ করেন। আজিও সকল সংবাদপত্রই সেই পন্থা অনুসরণ করিয়া অগ্রসর হইতেছে।

যোগেন্দ্রবাবু ‘বঙ্গবাসীকে’ বৃত্তস্বরূপ অবলম্বন করিয়া স্বীয় হৃদয়ের রণ-সৌন্দর্য্যে আপনার বিশাল তেজস্বী অর্ধচন্দ্রময় ও সুকুমার হৃদয়কে বিকসিত করিয়া তুলিয়াছিলেন। তাঁহার ‘বঙ্গবাসী’ শুধু নিজীব সংবাদপত্রমাত্র ছিল না—তাঁহার কর্তব্য ও দায়িত্ব সাধারণ সংবাদপত্র অপেক্ষা গুরুতর ছিল। তাঁহার ‘বঙ্গবাসী’ জীবনময় সংস্কারকের বেগে বাঙ্গালার সমাজ, সাহিত্য ও ধর্মক্ষেত্রে অবতরণ করিয়াছিল। এই ‘বঙ্গবাসী’র অঙ্ক তাঁহার সময়ের দেশের অনেক সামাজিক ও রাজনৈতিক জটিল সমস্যার সমরক্ষেত্রের কার্য্য করিয়াছিল।

সাহিত্যে তাঁহার ‘বঙ্গবাসী’ সর্ববিধ আবর্জনা দূর করিয়া নবীন আদর্শ দিয়াছিল, সমাজে তাঁহার ‘বঙ্গবাসী’ সর্ববিধ নীচতা, সংকীর্ণতা, মানি ও ভণ্ডতার উপর তীব্র শ্লেষ, বাঙ্গা এবং কুশাঘাত প্রযুক্ত করিয়া ভ্রষ্টাচার ও ভণ্ডগণকে সতত সন্ত্রস্ত রাখিয়াছিল, ধর্ম্মজগতে হিন্দু সনাতন, নিষ্ঠ ও অধর্ম্মপরায়ণতার মহিমা কীর্ত্তন করিয়া, ভারতের অতীত স্মৃতির উদ্বোধন করিয়া লুপ্তপ্রায় ধর্ম্ম-ভাবকে পুনরুজ্জীবিত করিয়াছিল। পাল্লীগামে যথায় উচ্চশিক্ষার অভাব, তথায় ‘বঙ্গবাসী’ শিক্ষক ও গুরু কার্য্য করিয়াছে। পল্লীবণিকের বিপণি হইতে ভূম্যধিকারীর অন্তঃপুর পর্য্যন্ত কঙ্কুরীয়ায় সর্বত্র ‘বঙ্গবাসী’র প্রবেশাধিকার ছিল। সাহিত্য, সমাজ ও ধর্ম্মবিষয়ক শিক্ষা ও দেশের সৌভাগ্য ও দুর্ভাগ্যের বার্তা বহন করিয়া তাঁহার ‘বঙ্গবাসী’ পল্লীগামে গমন করিত। আবার তাহাদের দুঃখ, যাতনা, অভিযোগ ও আবেদন বহন করিয়া রাজদ্বারে উপনীত হইত; অন্ননয়, বিনয় প্রয়োজন হইলে বিতর্ক পর্য্যন্ত করিয়া রাজপুরুষের নিকট অনুগ্রহ ভিক্ষা করিয়াছে। এক কথায় ‘বঙ্গবাসী’ তখন দেশের একাধারে সচিব, বন্ধু ও নেতার কাণ্ড করিয়াছে। দেশের বাসনা ও সাধনা, সমগ্র জাতির অনুভূতি ও বেদনা জ্ঞান, গৌরব সমস্তই গোমুখীর মধ্য দিয়া জাহ্নবীধারার ত্রায় ‘বঙ্গবাসী’র মধ্য দিয়া বঙ্গে প্রচারিত হইয়াছে। যবনিকার অন্তরালে একা আড়ম্বরশূন্য নিভৃত-কন্দী যোগেন্দ্রচন্দ্র যন্ত্রচালনায় সমস্ত কার্য্য সাধন করিতেন।

তাঁহার দ্বিতীয় অনুষ্ঠান, স্নলভে শাস্ত্রপ্রকাশ। আজ যে সকল শাস্ত্রগ্রন্থ বঙ্গের গৃহে গৃহে নিত্য ধর্ম্মচর্চায় সাহায্য করিতেছে, নিঃস্ব চতুষ্পাঠীর শিক্ষাবিস্তারে অগ্রকূলতা করিতেছে, সে সকল গ্রন্থ যোগেন্দ্র বাবুর অনুগ্রহেই মুদ্রিতাকার প্রাপ্ত হইয়াছে। দরিদ্র গৃহস্থ, ভিখারী ব্রাহ্মণ, নিঃস্ব ছাত্রগণ এই সকল গ্রন্থ স্নলভে প্রাপ্ত হইয়া নিয়ত কৃতজ্ঞতাশ্রঙ্গে তাঁহার পুণ্য স্মৃতির অভিব্যেক করিতেছে। শুধু শাস্ত্রগ্রন্থ নহে, ‘বঙ্গবাসী’র উপহারচ্ছলে একরূপ বিনা মূল্যেই তিনি পুরাতন বঙ্গ-সাহিত্য আমাদের গৃহে গৃহে প্রেরণ করিয়াছেন—যাহার প্রসাদে দেশে এত সাহিত্যচর্চা, এত সাহিত্যিকের সৃষ্টি;—আমাদের সাহিত্য-ভাণ্ডারে এত সম্পদ এত ঐশ্বর্য্য! যোগেন্দ্র বাবু নিজ হস্তে ভাণ্ডার-দ্বার না খুলিলে আমাদের সে ঐশ্বর্য্যের উপভোগ ঘটিয়া উঠিত না। এক কথায় তিনি আমাদের ধর্ম্মচর্চায় ও বাণী-বন্দনায় পুরোহিতের কার্য্য করিয়াছেন।

তাঁহার রচিত গ্রন্থগুলি বঙ্গ-ভাষার অতুল সম্পত্তি—বাণীচরণে অম্লান কুসুমস্তবক। তাঁহার চরিত্র-সৃষ্টি, ভাষাবিজ্ঞান ও বর্ণনা-চুতুর্ঘ্য, কিসের

কথা বলিব? সবই প্রশংসার অতীত : ‘মডেল ভগিনী’তে তিনি পাশাপাশি পুণ্য ও পাপের চিত্র আঁকিয়াছেন। একদিকে বিলাস-গর্ভিত বিদেশীয় কুশিক্ষার কুফল, মতাদিকে অকপট ধর্মপ্রাণ হিন্দুদের অমান পুণ্য-জ্যোতিঃ। ‘মডেল ভগিনী’ সমাজের বিকৃতপুরুষ-স্বপ্নে নির্দয় আঘাত করিয়াছে। তাঁহার ‘রাজলক্ষ্মী’ সর্ব্বরসের সমন্বয়। কাভ্যায়নী অন্তর্পূর্ণায় করুণ-রস, প্রভূভক্ত রঘুদয়ালে বীররস, ভক্ত রাধাশ্রাম ও দীনদয়ালের চরিত্রে শান্তরস আর রাঙ্গলক্ষ্মীর চরিত্রে সতীজন-সুলভ রোদ্ররস পরিস্ফুট হইয়াছে। যোগেন্দ্র বাবু ‘চিনিবাস-চরিতামৃত’ ও ‘বাঙ্গালী-চরিত্রে’ নব্য কুশিক্ষায় বিকৃতরুচি যুবকগণের প্রতি তীব্র বিদ্রোপ ও ব্যঙ্গবাণ নিক্ষেপ করিয়াছেন। ব্যর্থ ও অন্ধ উত্তেজনাকে যাহারা দেশহিতৈষিতা ও অসার বাকপটুতাকে যাহারা বীরত্ব বলেন, যোগেন্দ্রবাবু তাঁহাদের প্রতি কশাঘাত ব্যবস্থা করিয়াছেন। যাহা কিছু মোখিক, আড়ম্বরময়, বাগ্‌বহুল ও কস্মন্দীন, তাহাই তাঁহার ঘৃণার বস্তু ছিল। তাই তিনি নীরবে কণ্ঠের সেবা করিতেন, তিনি সাহিত্য-মন্দিরে ফুল-লতা-পাতা আঁকিতে আইসেন নাই,—তিনি তাহার স্তম্ভ-প্রাচীর তুলিতে আসিয়াছিলেন।

শুধু বিদেশাগত কুশিক্ষায় বিকৃত সমাজের মলিনতা ও প্লাণির প্রতি নহে— স্বদেশজ সামাজিক চরিত্রের অধঃপতিত ও ঘৃণিত পরিণতির প্রতি তাঁহার কঠোরতর শাস্তির বিধান ছিল। ইহা তাঁহার ‘বাঙ্গালী চরিত’ ও ‘নেড়া হরিদাসে’ ব্যক্ত হইয়াছে। কল্লনাশ্রিয় বাঙ্গালীর বিবাহ-রহস্ত্রে ও অধঃপতিত বিকৃত বৈষ্ণব-সমাজের উদাহরণে তিনি আমাদের গৃহছিদ্রগুলিকে নির্দয়ভাবে দিবালোকে প্রকাশ করিতে ছাড়েন নাই। যোগেন্দ্রবাবুর পুস্তকে সর্বত্র অক্ষুণ্ণ ধর্মভাব, সরলতা, স্বদেশপ্রিয়তা, সংপ্রবৃত্তি ও সাধু-উদ্দেশ্যের লক্ষণ বিদ্যমান আছে। তাঁহার পরিচালনায় ‘জন্মভূমি’ পত্রিকা তাত্‌কালিক শ্রেষ্ঠ মাসিক-পত্রগণের অগ্রতম হইয়াছিল। তাঁহার প্রকাশিত ‘হিন্দী বঙ্গবাসী’ হিন্দীভাষা জনগণের মধ্যে বাঙ্গালীর প্রতিভা, সাহিত্য-সেবা ও শিক্ষা বিস্তার করিয়াছিল— অপর জাতির সহিত আমাদের ঘনিষ্ঠতা বাড়াইয়া দিবার জন্য একটা বন্ধন-শৃঙ্খলের কাজ করিয়াছিল। তাঁহার প্রকাশিত দৈনিক ইংরাজী পত্রিকা ‘টেলিগ্রাফ’ বিশেষ উল্লেখযোগ্য। অতি সুগভে তিনি এই পত্রিকা প্রচার করিয়াছিলেন। তিনি প্রথমে ইহাতে লিখিতেন না, পরে তিনি ইহার জন্য অবিরত শ্রম করিয়া ভগ্নস্বাস্থ্য হন। রুঘ ও জাপানীজ যুদ্ধের সময় এই পত্রিকায়

অনেকগুলি মূল্যবান প্রবন্ধ প্রকাশিত হইয়াছিল। তাঁহার মৃত্যুর পর এই পত্রিকা সাপ্তাহিক হইয়া দাঁড়াইয়াছে।

যোগেন্দ্রবাবুর পুরুষকার, অনন্তনির্ভরতা, ব্যবসায়-বুদ্ধি, সকল কার্যে আস্তরিকতা ও অক্লান্ত অধ্যবসায়, স্বজন ও সাহিত্যিকগণের প্রতি অকৃত্রিম প্রীতি, ত্যাগশীলতা, একাগ্রতা, অকপটতা ও নির্ভীকতা তাঁহাকে মহীয়ান করিয়াছিল—আজও উহা তাঁহার স্মৃতির সহিত জড়িত হইয়া রহিয়াছে। শেষে গুণের আধার তিনি, তাঁহার কোন্ গুণের কথা বলিব? চারিদিকেই তাঁহার অশ্রান্ত সাধনার পরিচয় পাওয়া যায়। তিনি সাহিত্যসেবীগণকে সাহায্য করিতেন, অনেককে ‘বঙ্গবাসী’ আফিসে ও শাস্ত্রগ্রন্থ-প্রচারে কর্ম দিয়া প্রাতিপালন করিতেন। বহু বিহঙ্গকে নিরাশ্রয় করিয়া আজি আশ্রয়-তরু অন্তর্হিত হইয়াছে। বর্ধমান বেড়ুগ্রামে তাঁহার পল্লী-নিবাস। তথায় তাঁহার খাত পুষ্করিণী, স্থাপিত বিদ্যালয় ও ডাকঘর, প্রতিষ্ঠিত হাট, বাঁধান ঘাট ইত্যাদি বহু জন-হিতকর অমূল্যতান তাঁহার কীর্তি প্রচার করিতেছে।

এই সকল মহাত্মগণের স্মৃতি-পূজার প্রয়োজনীয়তা আছে। শুধু তাঁহাকে শ্রদ্ধা বলিয়া নহে, তদ্বারা আমরা আমাদেরই শক্তি বৃদ্ধি করি, আদর্শ আলোকে তমোময় হৃদয়-গুহা আলোকিত করি, সাহস, ভরসা উৎসাহ ও অনুপ্রাণনায় আমাদেরই হৃদয় ভরিয়া যায়। যে আলোক-পথ বাহিয়া এই সকল জ্যোতিষ্কগণ কক্ষ হইতে কক্ষান্তরে চলিয়া গিয়াছেন, তাহার প্রতি দৃষ্টিপাত করিয়া আমরা আমাদের কর্মবজ্র দেখিয়া লইতে পারি। তাঁহাদের স্মৃতি তাঁহারা নিজেই রাখিয়া গিয়াছেন। মানব-হৃদয়ের মনোময় অক্ষয় কীর্তি-স্তম্ভে তাঁহাদের জয়-গাথা উৎকীর্ণ। বাহিরের ঝঞ্ঝা-বৃষ্টি তাহার কিছুই করিতে পারে না।

ত্রীকালিদাস রায় ।

বৈদিক সমাজ।

অতি প্রাচীন কালে—কত প্রাচীন, ইতিহাস তাহা বলিতে পারে না; কল্পনাও তাহার ধারণা করিতে পারে না—ভারতের আর্য্যগণ সিন্ধুর উপকূলে বাস করিতেন। তাহাদিগের তৎকালীন চিন্তা, ধারণা ও জ্ঞানের একমাত্র ইতিহাস বেদ। চারিখানি বেদের মধ্যে ঋগ্বেদ সমধিক প্রাচীন। আমরা বর্তমান প্রবন্ধে তৎকালীন আর্য্য-সমাজ কিরূপ ছিল, তাহা ঋগ্বেদ-সংহিতা হইতে বুঝিতে চেষ্টা করিব।

আর্য্যগণ কৃষিজীবী ছিলেন। ঋগ্বেদ হইতে এ বিষয়ের বহু প্রমাণ

উদ্ধৃত করা যাইতে পারে। মোক্ষমূলর প্রভৃতি কৃষিকার্য্য।

পণ্ডিতগণ বলেন, আর্য্য অর্থে “কৃষিব্যবসায়ী”,

ঋ ধাতুর অর্থ “চাষ করা”। অতএব আর্য্যশব্দের প্রকৃত অর্থ “কৃষক”। কৃষিরত প্রাচীন হিন্দুগণ কৃষিকার্য্য দ্বারা জীবিকা-নির্ব্বাহোপযোগী দ্রব্যাদি উৎপন্ন করিয়া স্ত্রী-পুত্র সহ একত্র বাস করিতেন। ইহা হইতেই সমাজের উৎপত্তি। সভ্যতা-বজ্জিত অনার্য্যগণ সমাজ মানিত না, পরন্তু সমাজ-ধ্বংসেরই চেষ্টা করিত বলিয়া, তাহারা “অনার্য্য” বা “দম্ব্য” নামে অভিহিত হইত। ১ মণ্ডলের ৪র্থ সূক্তে ৭ম ঋকে “কৃষ্টয়” শব্দ ব্যবহৃত হইয়াছে। সায়ণ ইহার অর্থ করিয়াছেন,—“মনস্যা অন্নিমিত্তভূতাঃ”। প্রকৃত পক্ষে কৃষিকার্য্যের উপর আদিম মনুষ্য-সমাজ কেন, সর্ব্বকালীন সামাজিক সভ্যতা নির্ভর করিতেছে। এই বিংশ শতাব্দীর সভ্যতায়ও “Ruralize” করিবার একটা বিশেষ চেষ্টা দেখা যায়। আর্য্যগণ কৃষি-কার্য্যের প্রয়োজনীয়তা অনুভব করিয়াছিলেন বলিয়াই আপনাদিগকে “কর্ষণশীল” (মনুষ্য) “কৃষক” প্রভৃতি আখ্যায় অভিহিত করিতে লজ্জা বোধ না করিয়া প্লাঘা বোধ করিতেন।

আর্য্যগণ কৃষি-কার্য্য করিয়া ও প্রাকৃতিক দেবতাগণের তুষ্টিসম্পাদনের জন্য

অনার্য্য-সংঘর্ষ। যজ্ঞাদি কার্য্যে নিযুক্ত থাকিয়া জীবন অতিবাহিত

করিতেন। যজ্ঞবিধেয়ী আদিম অধিবাসিগণ সর্ব্বদা

তাহাদিগের যজ্ঞের বিষয় ঘটাইত। তাহাদিগের মধ্যে সভ্যতার চিহ্নমাত্র ছিল না। এই জন্য (১০১২১৮) তাহাদিগকে “অকর্ষ্যা অমণ্ডঃ অগ্রত্বতঃ অমানুষঃ” বলা হইয়াছে। তাহারা আর্য্যদিগের হিংসা করিত। কৃষকনামক

এক অনার্যাপতির দশ সহস্র অমুচর ছিল। তাহারা এক সময়ে এক ঋষিকে কূপের মধ্যে আবদ্ধ করিয়া রাখিয়াছিল। ইন্দ্র ক্রুদ্ধ অমুরকে বধ করিয়া, যাহাতে তাহার পুত্র না হয়, এজ্ঞা তাহার গর্ভিণী স্ত্রীকেও হত্যা করিয়াছিলেন। এই অনার্যাদিগের সহিত আর্যগণের বহুকাল ধরিয়া সংগ্রাম হইয়াছিল। ১১২১১৩ ঋকে দেখিতে পাই, অবশেষে আর্যগণই জয়ী হইলেন।

সমাজরক্ষার পক্ষে বিবাহ অত্যাবশ্যজনীয়। এই জ্ঞাত আর্যসমাজে অতি

প্রাচীন কালে বিবাহ-পদ্ধতি উদ্ভাবিত হইয়াছিল।
বিবাহ।

বিবাহের সময় বর চন্দনাদিতে ও সুবর্ণ-অলঙ্কারে সজ্জিত হইয়া যজ্ঞস্থলে উপনীত হইতেন (৫৬০ ৪)। তৎকালে ব্যাভিচারিণীর অস্তিত্ব থাকিলেও, তাহারা যে সমাজের মধ্যে ঘৃণ্য ও নিন্দিত ছিল, এ কথা ২১২১১ ঋকে বেশ বুঝিতে পারা যায়। ওথায় আমরা দেখিতে পাই, গৎসমদ ঋষি আদিত্যগণকে সম্বোধন করিয়া বলিতেছেন ;—

“ধৃতব্রতা আদিত্যা ইধিরা আরেমৎকর্ত রহস্যরবাগঃ ।

শৃঙতো বেঃ বরুণ মিত্রদেবা ভদ্রশ্চ বিদ্বান্ অবসে হবো বঃ ॥”

“হে ব্রতকারী শীঘ্রগমনশীল সকলের প্রার্থনায় আদিত্যগণ! গুপ্ত-প্রসবিনীর (গর্ভের ভ্রাতা) আমার অপরাধ দূরদেশে নিক্ষেপ কর। মূলে “রহস্যঃ ইব” আছে। সায়ন ইহার এইরূপ ব্যাখ্যা করেন,—“রহসি অগ্নিরজ্ঞাতে প্রদেশে স্থ্যতে ইতি রহস্যঃ, সা যথা গর্ভঃ পাতায়ত্বা দূরদেশে পারত্যজতি তদং ।” লোক-নিন্দা ব্যতীত গোপনে গর্ভপাতের আর কি হেতু থাকিতে পারে ?

পূর্বকালে পিতা কন্যাকে সুসজ্জিতা করিয়া বিবাহস্থলে আনয়ন করিতেন। সেই প্রাচীন কালেও “সালঙ্কৃতা” কন্যা দান করিবার প্রথা প্রচলিত হইয়া থাকিবে। কারণ, ১০৪২১৪ ঋকে জামাতার হস্তে সালঙ্কৃতা কন্যা অর্পণের কথা দেখা যায়।

বৈদিক যুগে অবরোধ-প্রথা প্রচলিত ছিল না। সে সময়ে স্ত্রীজাতির প্রতি সম্মান দেখাইতে কেহই কুণ্ঠিত হইত না। স্ত্রীলোকগণ অবাধে সকল স্থানে যাতায়াত করিতে পারিতেন। ভদ্রা ও সুগঠনা কন্যা অনায়াসে স্বীয় পতি নির্বাচন করিতে পারিতেন। (১০২৭১২) তৎকালে দম্পতিগণ যজ্ঞভূমিতে একত্র যজ্ঞকার্য্য সম্পাদন করিতে, ঋগ্বেদে তাহার প্রমাণ আছে। “সস্ত্রীক ধর্ম্ম আচরণ করিবে,” সে যুগে যথার্থই পালিত হইত বলিয়া মনে হয়।

আর্য্যগণ সোমরস পান করিতে বড়ই ভালবাসিতেন। কেবল ভারতীয়
প্রাচীন ভারতে মদ্যপান।
সমাজেই সোমরসের সমধিক ব্যবহার ছিল। এই
আর্য্যজাতির এক শাখা; ইরানীয়দিগের মধ্যে সোমরসের ব্যবহার ও উপাসনার
কথা শুনিতে পাওয়া যায়। তাঁহারা সোমকে “হাওমা” কহিতেন। ঋগ্বেদের
তায় তাঁহাদের ধর্ম্মশাস্ত্র “আবেস্তার” অনেক স্থলে “হাওমার” প্রশংসা দেখিতে
পাওয়া যায়। উদাহরণের জন্য একটি অংশের অনুবাদ দিতেছি :—“আমরা
কাঞ্চনবর্ণ ও সুদীর্ঘ হাওমাকে মজ্ঞদান করি। তিনি কগংকে বৃদ্ধি করিতেছেন,
তিনি মৃত্যুকে দূরে রাখিয়াছেন।” ৯৬৩ হুক্তে সোমরস-প্রস্তুত-পণালী লিখিত
আছে। আর্য্য-রমণীগণ পশুর দ্বারা সোমলতা নিষ্পীড়িত করিয়া ও তৎপরে
অঙ্গুলিদ্বারা পেষণ করিয়া রস বাহির করিতেন। পরে সেই রসকে জলের
সহিত মিশ্রিত করিয়া মেঘ-লোমনির্মিত ছাঁকনির দ্বারা ছাঁকিয়া লওয়া হইত।
আর্য্যগণ সেই শোধিত রসের সহিত ক্ষীর অথবা দধি মিশ্রিত করিয়া পান
করিতেন। ক্ষরণশীল সোমের বর্ণ শুভ্র। কিন্তু কোন কোন স্থলে ইবিড়বর্ণ
বা পিঙ্গলবর্ণ বলিয়াও উল্লিখিত হইয়াছে।

সভ্যগার উন্নতির সহিত জাতীয় সম্পদও বর্দ্ধিত হয়। ভূমি ও পশুই
প্রাচীন ভারতের প্রধান সম্পত্তি ছিল। ঋগ্বেদে
প্রাচীন ভারতের সম্পদ।
পালিত পশুর মধ্যে গো, মহিষ ও অশ্বেরই অধিক
উল্লেখ দেখা যায়। এতদ্ব্যতীত হস্তী, উষ্ট্র প্রভৃতি পশুর উল্লেখও স্থানে স্থানে
আছে। ৮৫২:৩ ঋকে অগ্নিদেবের নিকট একশত দাসের প্রার্থনা দেখা যায়।
৮৪২:৩২ হুক্তে পুনঃ “শতং দাসম্” শব্দের ব্যবহার দেখিয়া অধ্যাপক রথ
(Roth) অনুমান করেন যে, উন্নতির সহিত মেঘের তায় প্রাচীন ভারতে
দাসও বিনিময়ার্থ ব্যবহৃত হইত।

প্রাচীন ভারতে নিক্ক নামক এক প্রকার মুদ্রার প্রচলন ছিল। বেদে
বহুবার এই নিক্কের উল্লেখ দেখিতে পাওয়া যায়। মুদ্রার প্রচলন ব্যতীত
সামাজিক উন্নতি সমধিক সাধিত হইতে পারে না। প্রাচীন ভারতে নিক্কের
প্রচলন আরম্ভ হইলে, সম্পদের বিশেষ উন্নতি হইয়াছিল। ঋক্ হইতে তাহা
বেশ বুঝিতে পারা যায়।—৮৪৭ হুক্তে জানিতে পারা যায় যে, সমাজে ধনবানের
সংখ্যা যতই বর্দ্ধিত হইয়াছিল, ততই যজ্ঞের আড়ম্বর বৃদ্ধি পাইয়াছিল। ক্রমে

ধনবান্গণ ঋষিক্ ডাকাইয়া বৃহৎ বৃহৎ যজ্ঞ সম্পাদন করিতেন। ইহা সমাজের আর্থিক উন্নতির পরিচায়ক।

বর্তমান ইংরাজি অর্থশাস্ত্রের মত মুদ্রার দ্বারাই Territorial distribution of wealth সম্ভব। বর্তমান সময়ে যেমন এক দেশের পণ্যদ্রব্য অপর দেশে নীত হইতেছে, বৈদিকযুগেও তেমনই ভারতীয় বণিকদল ব্যবসায় ব্যাপদেশে এক দেশের পণ্য অপর দেশে বহন করিয়া বেড়াইত। এ কার্যের জন্ত যে মুদ্রার একান্ত প্রয়োজন, তাহা বলাই বাহুল্য।

৭৮৮।৩ ঋকে বশিষ্ঠ বলিতেছেন, “যখন আমি ও বরুণ, উভয়ে নৌকায়
আবোহণ করিয়াছিলাম, সমুদ্রের মধ্যে নৌকা স্তম্ভর-
বাণিজ্য।

রূপে প্রেরণ করিয়াছিলাম, তখন শোভার্থ নৌকা-
রূপ দোলায় স্নখে ক্রীড়া করিয়াছিলাম।” ইহা হইতে বুঝিতে হইবে যে, বশিষ্ঠ
বা তৎসংশ্লিষ্টগণ সমুদ্রে গমন করিয়াছিলেন। এই সমুদ্র গমনের কারণ কি?
এক দেশের সহিত অন্য দেশের নৈকট্যসাধনের জন্তই যে এই ঋকে উল্লিখিত
জল-যানের প্রয়োজন হইয়াছিল, তাহাতে আর সন্দেহ নাই। জলযান আবিষ্কৃত
হইবার পর ভারতীয় আর্য্যগণ বাণিজ্য-ব্যপদেশে সমুদ্রপথে যাতায়াত করিতেন,
ঋগ্বেদে হইতে তাহা সম্পূর্ণরূপে প্রমাণিত হয়। (৪।৫৫।৬) অধিকন্তু অন্ত্যাত্ত
ঐতিহাসিক প্রমাণের বলে ঐতিহাসিকগণ এ কথা অকুণ্ঠচিত্তে স্বীকার করিয়া
ছেন। জর্জ রলিন্সন প্রমাণ করিয়াছেন যে, এক সময়ে ভারতের স্বর্ণ
ভারতীয় যানে কাগডিয়া প্রভৃতি সুপ্রাচীন জনপদে প্রেরিত হইত।

প্রাচীন ভারতে ঋতিভেদ ছিল না। তখন কেবল মাত্র আর্য্য ও অনার্য্য
বা দম্বা, এই দুইটি জাতি ছিল। ১।৭।২ ঋকে
শ্রেণী-বিভাগ।

লিখিত আছে যে, “ইন্দ্র একাকী মনুষ্যদিগের ধন-
সমূহের এবং পঞ্চক্ষিত্রের উপর শাসন করেন।” এই “পঞ্চক্ষিত্র” শব্দ লইয়া
কিছু গোল হইয়াছে। সায়ন বলেন, পঞ্চক্ষিত্র অর্থে ব্রাহ্মণ ক্ষত্রিয়াদি চারি
বর্ণ ও নিষাদ। কিন্তু সায়নের এই ব্যাখ্যা সকলে গ্রাহ্য করেন না। যুরোপীয়
পণ্ডিতগণ ইহা ভ্রাম্যক বলিয়া ত্যাগ করিয়াছেন। যাহারা এ বিষয়ের বাদাম্ববাদ
বিশেষভাবে জানিতে ইচ্ছুক, তাঁহাদিগকে মুম্বর-কৃত Sanskrit Texts
দেখিতে অহুরোধ করি। মোক্ষমূলরও ইহা অস্বীকার করিয়াছেন। তিনি
বলেন যে, যখন বৈদিকযুগে এক শ্রেণী অন্য শ্রেণীতে বিবাহ করিতে পারিত,
তখন বেদে যে জাতি-বিচারের কথা আছে, ইহা স্বীকার করিব কেন? পণ্ডিত

রমানাথ সরস্বতীরও এই মত। তিনি বলেন, “প্রাচীনকালে ইদানীন্তন জাতি-বিভাগের কোনও উল্লেখ দেখিতে পাওয়া যায় না। ক্ষিতি অর্থে কি প্রকারে জাতি বা বর্ণ বুঝাইবে?” বোধ হয়, পঞ্চক্ষিতি অর্থে পঞ্চনদ অন্তর্গত পঞ্চভূভাগ হইবে। এইরূপে ১১০১১ ঋকে “ব্রাহ্মণঃ” শব্দ থাকাতেও গোল হইয়াছে। সায়ন “ব্রাহ্মণঃ” অর্থে ব্রাহ্মণ জাতি অর্থ করিয়াছেন। কিন্তু ঋগ্বেদে ব্রহ্ম অর্থে স্তুতি। ব্রহ্মা একজন স্তুতিবাদক পুরোহিত। “ব্রাহ্মণঃ” অর্থে স্তুতিবাদকগণ। রমানাথ সরস্বতী মহাশয় বলেন, “ব্রাহ্মণঃ অর্থে ব্রহ্মাদি অগ্ন্যগ্নি ঋত্বিকরা।”

সায়নাচার্য্য বলেন, একটি আশ্চর্য্য প্রাচীন ঐতিবৃত্ত অবলম্বন করিয়া ৫ম মণ্ডলের ৩১ সূক্ত রচিত হইয়াছে। তিনি বলেন যে, আগম-পরিদর্শকরা এইরূপ বর্ণনা করিয়াছেন, “একদা দর্ভের পুত্র রাজা রথবীতি অত্রিংশীয় অবর্ণনাকে যজ্ঞে নিযুক্ত করিয়াছিলেন। তিনি পিতৃসমীপে রাজপুত্রীকে দর্শন করিয়া স্বীয় পুত্র শ্রাবশ্বের সহিত তাঁহার বিবাহ দিবার প্রস্তাব করেন। রাজা ইহাতে সন্মত হইলেন। কিন্তু মহিষী, শ্রাবাশ্ব ঋষি নহেন, এই আপত্তি করায় তিনি তপস্বী করিয়া ভ্রমণ করিতে করিতে মরুতের সাক্ষাৎ পায়েন। মরুৎ তাঁহাকে ঋষি বলিয়া স্বীকার করায়, তাঁহার সহিত রাজকুমারীর বিবাহ হয়।” ইহা হইতে বুঝিতে পারা যায় যে, তৎকাল ঋষি ও ঋত্বিকগণকে লইয়া একটি জাতি গঠিত হয় নাই।

প্রাচীন ভারতে জাতিবিভাগ না থাকিলেও শ্রেণীবিভাগ ছিল। এক ব্যক্তির দ্বারা সর্ব কৰ্ম সম্পাদন হওয়া সম্ভব নহে। এইজন্ত শ্রেণী বিভাগের প্রয়োজন। শ্রেণী-বিভাগ উন্নত সমাজের পরিচায়ক। প্রাচীন ভারতে ক্ষৌর্যকার কৰ্ম্মকার বণিক প্রভৃতি বিভিন্ন শ্রেণী সৃষ্টি হইয়াছিল। সূত্রধর, বৈজ্ঞ, শিল্পী প্রভৃতির উল্লেখও দেখা যায়। ইহা হইতে ইহাই বুঝিতে হইবে যে, তখন ভিন্ন ভিন্ন জাতির সৃষ্টি না হইলেও ভিন্ন ভিন্ন ব্যবসায়ের সৃষ্টি হইয়াছিল। তৎকালে এক পরিবারস্থ ভিন্ন ব্যক্তিগণ স্বীয় বুদ্ধি ও কৰ্ম্মানুসারে ভিন্ন ভিন্ন ব্যবসায় অবলম্বন করিতে পারিতেন। ১০১৯০১২ ঋকে ব্রহ্মার শরীর হইতে ব্রাহ্মণাদি চারিবর্ণের উৎপত্তির কথা লিখিত আছে। কিন্তু পণ্ডিতগণ স্থির করিয়াছেন যে, ইহা ঋগ্বেদের রচনা কালের অনেক পরে রচিত হইয়া ঋগ্বেদে প্রক্ষিপ্ত হইয়া থাকিবে। ব্যাকরণবিৎগণ প্রমাণ করিয়াছেন যে এই ঋকের ভাষাও বৈদিক ভাষা নহে, ভাষা অপেক্ষাকৃত আধুনিক।

রাজাই সমাজের মেরুদণ্ড । রাজাকে আশ্রয় করিয়াই সমাজ প্রতিষ্ঠিত ।

যে দেশে রাজা নাই, সে দেশে রাজশক্তির জ্ঞান
প্রাচীন ভারতে রাজা ।

অন্তশক্তি বিস্তারিত । প্রাচীন ভারতে রাজশক্তির
অস্তিত্ব ছিল কি না, ইহা যাহারা অনুসন্ধান করিয়াছেন । তাঁহাদিগের বিশ্বাস,
ঋগ্বেদের সময় হইতেই ভারতে রাজশক্তিবর্গের সৃষ্টি হইয়াছিল । ঋগ্বেদে ক্ষত্রিয়
বলিতে “বলবান” ব্যক্তিকে বুঝায় । অপেক্ষাকৃত সুস্থ ও বলিষ্ঠ ব্যক্তিগণই
শত্রুর আক্রমণ হইতে আত্মরক্ষা ও দেশ রক্ষা করিবার জন্ত সুরক্ষিত নগরের
সৃষ্টি করিয়া থাকিবেন । ঋগ্বেদের নানা স্থানে (৭।৩৭, ৭।১৫।১০, ৭।২৫।১)
“আর্য্যো” নির্মিত পুরীর উল্লেখ দেখা যায় । সারণ আয়সাতি অর্থে হিরণ্যরীতিঃ
করিয়াছেন । ইহার দ্বারা যে নিরাপদ স্থান বুঝাইতেছে তাহাতে সন্দেহ নাই ।
৪।৩০।২০ ঋকে “অশ্বন্নয়ীনাং পুরাম্”—প্রশস্ত নির্মিত নগরের পরিচয় পাওয়া
যায় । কল কথা এই ঋগ্বেদের সময়েই আর্য্যগণ ক্রমে সরস্বতীর অতিক্রম করিয়া
রাজ্য বিস্তার করিয়াছিলেন । অনার্য্যদিগের সহিত যুদ্ধ ব্যতীত আপনাদিগের
মধ্যেও পরস্পরের সহিত যুদ্ধ বিবাদ হইত । ঋগ্বেদ (৪।৩০।১৮) হইতে জানিতে
পায়া যায় যে, সরস্বতী পূর্বপারস্থ দুইজন আর্য্যরাজা এইরূপ যুদ্ধে হত হইলেন ।

১০।১৭৩ সূক্তে রাজাকে অভিষেক করিবার মন্ত্র লিখিত হইয়াছে ।
বর্তমান সময়ে যেমন ইংলণ্ডেশ্বরের মস্তকে আর্ক বসপ মুকুট অর্পণ করিয়া
অভিষেক কার্য্য সম্পন্ন করেন, সেইরূপ প্রাচীন ভারতে ঋষিগণ উক্ত মন্ত্র উচ্চারণ
করিয়া রাজার অভিষেক কার্য্য সম্পন্ন করিতেন ।

পূর্বে রাজা অমাত্যবেষ্টিত হইয়া গজদ্বন্দ্ব যুদ্ধক্ষেত্রে উপস্থিত হইতেন ।
ঋগ্বেদে তাহার প্রমাণ পাওয়া যায় । (৪।৪।১) তাঁহাকে যুদ্ধ সজ্জায় সজ্জিত
করিবার কালে, বর্ষ দেবতা ধনুঃ ও জ্যার, সারথী ও অশ্বের স্তুতিসূচক মন্ত্রের
উচ্চারণ করিয়া তাহার অঙ্গে বর্ষ ; হস্তে ধনুঃ ও জ্যা প্রদান করা হইত ।
(৬।৭৫) সুতরাং যাহারা বলেন প্রাচীন ভারতে রাজার অস্তিত্ব ছিলনা,
তাঁহাদের কথা কত দূর গ্রহণীয়, তাহা বিবেচ্য ।

এইবার আমরা দুই একটি সামাজিক প্রথার উল্লেখ করিয়া প্রবন্ধ শেষ
করিব ।—

প্রাচীন কালে অনেক কন্যা এদেশে চির কুমারী থাকিতেন । তাঁহারা
পিতৃধনের অধিকারিণী হইতেন । ঋগ্বেদে এরূপ
চির কুমারী ।
প্রমাণ পাওয়া যায় ; যথা ;—

অমাক্ষুরিষ পিত্রোঃ সচা সতী সমানাদাসদসন্তামিয়েভ্যাং।

কুধি প্রকেতমুপ মাত্ৰা ভরদ্বন্ধি ভাগং তদ্বোহ বেন মামহং ॥

সায়গভাব্যের অমুযায়ী ইহার অমুবাদ এইরূপ।—

“হে ইন্দ্র পতি-অভিমানী হইয়া যাবজ্জীবন পিতা-মাতার সহিত অবহিতা, পিতামাতার শুশ্রূষাপরায়ণা হুহিতা যেমন পিতৃগৃহের ধনভাগ প্রার্থনা করে ইত্যাদি।—

স্বামীরমৃত্যুর পর, বিধবা ব্রহ্মচারিণী হইয়া অবস্থান করিতেন, মমুর এই নীতি

বিধবা বিবাহ। প্রাচীন ভাষতে দেখিতে পাওয়া যায়না। ১০।১৮।৮

শ্মশানগামিনী বিধবার প্রতি উপদেশ দেখিতে

পাওয়া যায়। অধ্যাপক রথ (Roth) বলেন ঋগ্বেদের সময়ে স্বামীর মৃত্যুর পর বিধবা স্বামীর ভ্রাতাকে বিবাহ করিতেন। রামায়ণ যুগেও এই প্রথা দেখিতে পাওয়া যায়, কিন্তু তখন ইহা অনার্যদিগের মধ্যেই প্রচলিত ছিল।

ভারতবর্ষে চিরদিনই বহুপত্নীকতা প্রচলিত রহিয়াছে। ঋগ্বেদেও বহুপত্নীক-

বহুপত্নীকতা। তায় যথেষ্ট উল্লেখ দেখিতে পাওয়া যায়। ঋগ্বেদের

মন্ত্রকার দীর্ঘতমা ঋষির পুত্র কক্ষীবান্ অধ্যয়ন

সমাপন করিয়া গৃহে গমন কালে পথিপার্শ্বে নিদ্রিত হইয়া পড়েন। সেই সময়ে রাজা অমুচরবর্গের সহিত তথায় আসিয়া তাঁহার রূপ দেখিয়া মুগ্ধ হইলেন এবং তাঁহাকে আপন আবাসে লইয়া যাইয়া, দশ কন্তার সহিত তাঁহার বিবাহ দেন। আবার এই কক্ষীবান্ যখন বৃদ্ধ হইলেন, তখন ইন্দ্র বৃচা নামে এক যুবতীকে ইহার হস্তে দান করেন। বেদে লিখিত আছে।—

“যদেকস্মিন যুগে দ্বৈরশনে পরিব্যচতি তস্মদেকো জাগ্রে বিন্দেত”—অর্থাৎ যেমন যজ্ঞ কালে এক যুগে দুই রজ্জু বেঁটন করা হয়, সেইরূপ এক পুরুষ দুই জ্ঞী বিবাহ করিতে পারে।

শ্রীমুরেশ্বরনাথ মিত্র।



বিজ্ঞান ও হিন্দুবাবস্থা ।

কোনও কার্য্য করা অত্যাশ বিবেচিত হইলে, তৎসম্বন্ধে শিশুদিগের ভীতি উৎপাদন করাই অধিকাংশ স্থলে ন্যায্য হয়। কিন্তু সেই শিশু যৌবনে পদার্পণ করিলে, তাহাকে সামান্ত ভাবে নিষেধ করিলেই সম্যক ফল পাওয়া যায়। আবার, সেই যুবক প্রাপ্তবয়স্ক হইলে, তখন তাহাকে তৎকর্ম্মের দোষ দর্শাইলেই যথেষ্ট হয়। অগ্নির দাহিকা শক্তিসম্বন্ধে শিশুকে ভীতি প্রদর্শন করিয়া তবে শিশুকে অগ্নি হইতে দূরে রাখা সম্ভবপর হয়; যৌবনের উন্মেষকালে, অসাধনতার সহিত সংযোগ সম্বন্ধে নিষেধই যথেষ্ট, এবং প্রাপ্তযৌবন লোককে অগ্নিদাহের বিষমফল হৃদয়ঙ্গম করানই যৌক্তিক।

শিশুর পক্ষে যে নিয়ম খাটে, সমাজের শৈববাবস্থায়ও তাহাই খাটে। কোনও অতীতযুগে, হিন্দুসমাজ সমুন্নত হইয়া থাকিলেও, বৌদ্ধ ও মুসলমান-প্রভাব-কালে, হিন্দুসমাজের অবস্থা ক্ষুদ্র শিশুর মনোবৃত্তির সহিত তুলনীয়। শিশুর জন্মকালীন মনোবৃত্তি একেবারেই থাকে না। ক্রমশঃই পারিপার্শ্বিক ঘটনাবলীর ঘাতপ্রতিঘাতে তাহার মানসিক বৃত্তির ক্ষরণ হইতে থাকে। সমাজের এইরূপ মানসিক-শৈববাবস্থায় যে সকল অনুশাসন প্রবর্তিত থাকে, তাহা বেণ করিয়া দেখিলে বুঝা যায় যে সমাজের তদানীন্তন অবস্থা অতীব শোচনীয়।

হিন্দুর মরণ-অশৌচ গ্রহণের সময়ে, ক্ষৌরকর্ম্ম নিষিদ্ধ। অশুচি ব্যক্তি রজককে বস্ত্রাদি ধৌত করিতে দিতে পারেন না। অশৌচকালে, আসনে ব্যতীত বসিতে নাই, ভিক্ষা দেওয়া নিষিদ্ধ, মৃন্ময় পাত্র ব্যতীত অপর পাত্র অব্যবহার্য্য, নারিকেল পত্রের উত্তাপে সিদ্ধ হবিষ্যার মাত্র ভক্ষ্য। যাহারা এই ব্যবস্থা দিয়া গিয়াছেন, তাঁহাদের উদ্দেশ্য আজ আমরা ভুলিয়া গিয়া, মৃধু কর্ম্মের বোঝা এবং তৎসঙ্গে বোঝার “খুঁটি-নাটি” লইয়াই মহা ব্যস্ত। এমন কি, সেই সকল স্বর্গীয় খুঁটি-নাটির উপরেই আমরা-উদার হিন্দুধর্ম্মের ভিত্তি বসাইতে চাহি।

যাহারা ইংরাজী জানেন, বা যে সকল বাঙ্গালা ভাষাবিদ মহাশয়রা রীতিমত মাসিক পত্রিকাদি পাঠ করিয়া থাকেন, তাঁহারা “অ্যান্টি-সেপ্টিক” কথাটি শুনিয়াছেন। ঐ কথাটির অর্থ, “পচন-নিবারক।” এই কথাটি লইয়াই, আমাদের এক্ষণে কার্য্য, অতএব অতি সংক্ষেপে, এইটি সম্বন্ধে দুইচারিটি কথা বসিয়া লই।

পৃথিবীর চতুর্দিকেই নানা প্রকারের জীবাণু ইতস্ততঃ বিক্ষিপ্ত রহিয়াছে। ইহারা, জমী হইতে উর্দ্ধে আধক্ৰোশ, এবং জমির তলে ছয় সাত ফিট পর্যন্ত বিরাজ করে। তবে, জমী হইতে যত উর্দ্ধে বা নিম্নে যাওয়া যায়, ততই ইহারা সংখ্যায় ও ক্ষমতায় হীন হইয়া পড়ে। জীবাণুগণ সাধারণ চক্ষুর অগোচর; অমুবীক্ষণ যন্ত্রের সাহায্য ব্যতীত তাহারা অলক্ষ্য। এই সকল জীবাণু, সাধারণতঃ দুই শ্রেণীতে বিভক্ত—একশ্রেণীর জীবাণু রোগোৎপাদক। অপর-গুলি রোগের কারণ নহে। এই শেষোক্ত শ্রেণীর কতকগুলি জীবাণু পচন উৎপাদক। যদি কোথাও একটি পাত্রের অগ্নে জল মিশ্রিত করিয়া রাখিয়া দেওয়া যায়, তবে সেই অগ্নি আর স্থবাহু থাকে না, অগ্নরসাত্বক হইয়া পড়ে; ক্রমশঃ দেখিতে পাওয়া যায় যে তণ্ডুলের প্রত্যেক দানাটি ক্ষুদ্র ক্ষুদ্র কণায় পরিণত হইয়াছে; তাহার আরও কিছুকাল পরে দেখা যায় যে তণ্ডুলের কণাগুলি ক্রমশঃই ক্ষুদ্রতর আকার ও ভিন্নবর্ণপ্রাপ্ত হইয়া পড়িতেছে; কিছু দিন পরে আর তণ্ডুলের চিহ্নও বর্তমান থাকে না—সকলই জলের মত তরল হইয়া গিয়াছে; আরও কিছু কাল পরে, সেই তরল পদার্থটির উৎসেচনা (fermentation) হইয়া বৃদ্ধি নির্গত হয়। ইহাই পচন ক্রিয়ার দৃষ্টান্ত এবং ইহা পচনকারক জীবাণু-দ্বারা সংঘটিত হয়। এই পচন-কারক জীবাণু না থাকিলে আজ আবর্জনার পৃথিবী পরিপূরিত হইত, আজ জমীর সার হইত না। কিন্তু অপর যে কোনও বিধায়ে পচনকারক জীবাণুগুলি মানব জাতির পক্ষে হিতকর হইলেও, পচনকারক জীবাণুগুলি, পরোক্ষে মানবজাতির বিষম শত্রু। যেখানেই পচনক্রিয়া সংসাধিত হয়, সেই খানেই জলের ও উত্তাপের আবির্ভাব হইয়া থাকে এবং তৎসঙ্গে গলিত পদার্থ হইতে সার-নামক জীবাণুগণের ভোজ্যেরও সৃষ্টি হইতে থাকে। তাই বলিতেছিলাম, যে, যে স্থানে পচনক্রিয়া হয়, সেই স্থানেই রোগজীবাণুগণের নিমন্ত্রণ হয়। আবার যে স্থানে রোগজীবাণুগণের কার্য চলিতে থাকে, সেই স্থানেই পচনকারক জীবাণুগণের সমাদর। পরস্পর পরস্পরের মুখাপেক্ষী। • এই সংক্ষিপ্ত বিবরণ হইতে জীবাণু সম্বন্ধে কতক আভাস লাভ করা গেল। অধুনাতন চিকিৎসকমণ্ডলী জীবাণুগণকে অনেক রোগের কারণ নির্দেশ করিয়া থাকেন। এই জীবাণুগণ বড়ই সংক্রামক। এই জীবাণুগণের রোগোৎপাদিকা শক্তির বাহ্য বিকাশ হইতে, সাধারণতঃ, দশ দ্বিঘটিকা লাগে। এই কথাগুলি যদি মনোযোগ সহকারে গ্রহণ করিয়া থাকেন, তবে পাঠক মহাশয় হিন্দুর অশৌচ-ব্যবস্থার মর্ম গ্রহণ করিতে পারিবেন।

প্রথমতঃ, অশৌচের কাল অন্যান্য দশ দিবস হইতে এক মাস কালাবধি। ব্রাহ্মণরা কি স্বার্থীক হইয়া, নিজেদের পক্ষে, অশৌচের কাল দশ দিবসমাত্র নির্দেশ করিলেন, এবং শূদ্রাদির জন্য এক মাস কাল স্থির করিলেন? আমার ধারণা যে, এই কালনির্দেশ স্বার্থপরতাসম্ভূত নহে। প্রকৃত ব্রাহ্মণ যথার্থই অতি গুচি ভাবে থাকিতেন; সেরূপ পরিষ্কার ("Surgically clean" কতকটা) বর্ণের পক্ষে দশ দিনের quarantineই যথেষ্ট। কিন্তু যাবতীয় অপরিচ্ছন্ন জাতি শূদ্রবর্ণের অন্তর্গত। তাহাদের পক্ষে এক মাসের quarantine বা Segregation এর ব্যবস্থা করা কিছুই স্বাস্থ্যনিয়মবিগর্হিত কার্য্য নহে।

দ্বিতীয়তঃ, Rigid quarantine বা অতি সস্তর্পণের সহিত রোগ সংক্রামিত ব্যক্তিগণের স্বতন্ত্রীকরণই যদি মরণাশৌচের উদ্দেশ্য বলিয়া মনে করা যায়, তবে ক্ষৌরকর্ষের নিষেধ, বস্ত্রাদি ধোত করিতে দেওয়া বা ভিক্ষাদেওয়ার নিষেধের কারণ অতি সহজেই বোধগম্য হয়। মৃগ্ময় পাত্রে মৃত্যু অতি সামান্য বিধার, উচ্ছিষ্ট পাত্র অনায়াসে ফেলিয়া দেওয়া যায়। অস্ত্রাস্ত্র পাত্র ব্যবহার করিলে বা অপরের বিছানায় বসিলে, সংক্রামক রোগের বীজ অনায়াসে চতুর্দিকে ছড়ান বাইতে পারে—বোধ হয় এই উদ্দেশ্যেই, মৃগ্ময় পাত্রে ও স্বতন্ত্র আসন ব্যবহারের ব্যবস্থা হইয়াছে। এই উদ্দেশ্যেই পরিধের ও অতি যৎসামান্য বস্ত্র ও উত্তরীয় মাঝে পর্য্যবসিত হইয়াছে, এবং শয়নের জন্য কবল প্রভৃতি স্বতন্ত্র শয্যা ব্যবস্থা হইয়াছে।

আহার্য্য সম্বন্ধে বিবেচনা করিলে দেখা যায় যে, হবিষ্যায় বিজ্ঞানসম্মত Complete food. মটর ডালে ও দুগ্ধে অপরিয়াপ্ত প্রোটীড্ বা অণুলাল জাতীয় পদার্থ আছে; আতপতণ্ডুলে ফলমূলে ও কদলীতে যথেষ্ট খেতসার আছে; এবং আতপ চাউলের সহিত অনেক পরিমাণে স্বত বেশ সহ হয়। অস্ত্রাস্ত্র সময়ে করলা বা কাঠের জালে অন্ন সিদ্ধ করিবার কোনও অন্তর; নাই; কিন্তু হবিষ্যায় পাককালে নারিকেল বা তাল পত্রের অগ্নির প্রয়োজন। এত প্রকারের ইন্ধন থাকিতে তাল পত্রের অগ্নির ব্যবস্থা করা হইল, বলা বড় শক্ত। বোধ হয়, তাল পত্রের অগ্নির উত্তাপ তাদৃশ প্রথর নহে অর্থাৎ, হয় ত তাল পত্রে রাখিলে, অপেক্ষাকৃত কম উত্তাপে অন্ন সিদ্ধ হইতে থাকে। আজকাল থার্মোমিটার বা তাপমান যন্ত্রের সাহায্যে প্রত্যেক চুল্লির উত্তাপ বুঝিতে পারা যায়; তখনকার কালে, ঘুঁটার অগ্নি, তাল পত্রের অগ্নি প্রভৃতি নানারূপে ভিন্ন ভিন্ন উত্তাপ সৃষ্টিকারী ইন্ধনের ব্যবস্থা ছিল। "

হবিষ্যায় যে সুধু চিকিৎসা-সম্মত সম্পূর্ণ খাওয়া, তাহা নহে। ডিসপেন্সিয়ারি বা অজীর্ণ-প্রপীড়িত বঙ্গদেশের পক্ষে হবিষ্যায় একটি পরম উপাদেয় খাদ্য। আমি অনেক ডিসপেন্সিয়ারি রোগীর রোগ মাত্র ঐ হবিষ্যায়ের সাহায্যে আরোগ্য করিয়াছি। সাঙ্গিক আহার, ইন্দ্রিয় সংযমের পক্ষে উৎকৃষ্ট আহার, এবং পরিপাক করার পক্ষে সুপাচ্য আহার—অতএব হবিষ্যায় যে ব্যবস্থিত হইবে তাহার বিচিত্রতা কি ?

অশৌচাস্ত করিবার কালে ক্ষৌরি করিয়া, বস্ত্রত্যাগ করিয়া, স্নান করিয়া, হোম (শ্রাদ্ধ) করিয়া, তবে হিন্দু শুচি হয়েন। এই সকল গুলিরই উদ্দেশ্য quarantine এর উদ্দেশ্যের সমান।

কিন্তু কতক বিষয়ে, হিন্দুদের ব্যবস্থা আধুনিক বিজ্ঞানের অনুমোদিত নহে। শোক বা দীনতা জ্ঞাপন করিবার জন্ত নগ্ন পদ হওয়া যতই বাঙ্গালীয় হউক না কেন, যে শাস্ত্রের মূল মন্ত্র “শরীরমাখং থলু ধর্ম সাধনম্” সেই শাস্ত্রকাররা নগ্ন পদে ভ্রমণের বিপদ কি জানিতে পারেন নাই ? যদি জানিয়া থাকেন, তবে কেন তাঁহারা ঐরূপ ব্যবস্থা করিলেন ? বোধ হয় তাঁহারা আজন্মকাল নগ্নপদে বেড়াইয়া থাকেন, তাঁহাদের পদতলের চর্ম একরূপ স্থূল ও কঠিন হয় যে তাঁহাদের পক্ষে নগ্নপদে বিচরণ করার দোষ হয় না।

তৈলাভ্যঙ্গের নিষেধও বিজ্ঞান অনুমোদিত। তৈলাক্তগাত্রে জীবাণু সহজে প্রবেশ লাভ করিতে পারে না। যদি ঘৃত ভোজনে বাধা না থাকে, তবে তৈলাভ্যঙ্গের নিষেধের কোনও যৌক্তিক হেতু থাকিতে পারে না।

হিন্দুরা যে অতীব সুসভ্য জাতি ছিলেন, তদ্বিষয়ে কিছুমাত্র সন্দেহ নাই। আজ আমরা মনোবৃত্তি সম্বন্ধে শিশু আছি বলিয়া হিন্দু ধর্মের অনুশাসন ভয়ে ভয়ে মানিয়া চলি ; কিন্তু আমাদের মধ্যে যাহারা চিন্তাশীল, তাঁহারা বেশ বুঝি বেন যে কি দূরদর্শিতা, কি স্বাস্থ্যশাস্ত্রসম্মত ব্যবস্থা, কি অমূল্য ব্যবস্থাই তাঁহারা করিয়া গিয়াছেন। আমরা প্রত্যেক কথায়, বিজ্ঞানের দোহাই দিই—কিন্তু হিন্দুর শাস্ত্রে, বর্ণে বর্ণে বিজ্ঞানের আভাস আছে।

শ্রীরমেশচন্দ্র রায়.



আর্ষাচরিত্র



০০০০

Block by

S. C. MITRA & CO.,

CALCUTTA.

অলবেঙ্গী ভারত-বিবরণ ।

অলবেঙ্গী তাঁহার ভারত-বিবরণ-বিষয়ক গ্রন্থে হিন্দুদিগের আচারব্যবহারসম্বন্ধে কিঞ্চিৎ আলোচনা করিয়াছেন । তাঁহার মতে, এই সকল আচারব্যবহার অদ্ভুত ও বিস্ময়কর । আমরা নিয়ে তাঁহার মত লিপিবদ্ধ করিলাম ।

যদি কোন ঘটনা কদাচিৎ ঘটে (সম্পন্ন হয়) এবং তাহা প্রত্যক্ষ করার সুযোগ অতি বিরল হয়, তাহা হইলে আমরা সেই ঘটনাকে আশ্চর্য্যজনক বলিতে পারি : যদি এই আশ্চর্য্যজনক ব্যাপার অতি মাত্রায় বর্দ্ধিত হয় তবে তাহা কৌতূহলোদ্দীপক এমন কি অলৌকিক বলিয়া গণ্য হয় ; কারণ, তাহা আর প্রাকৃতিক নিয়মদ্বারা পরিচালিত হয় না এবং যতক্ষণ অপ্রত্যক্ষীভূত থাকে ততক্ষণ কল্পনাস্থষ্টরূপে গৃহীত হয় । অলবেঙ্গী বলিয়াছেন যে, অনেক হিন্দু আচার তাঁহাদের দেশের আচার হইতে এত বিভিন্ন যে, সেগুলি তাঁহাদের নিকট ভীষণ বলিয়া প্রতীয়মান হয় । হিন্দুদিগের আচার দেখিয়া অনেকে মনে করিতে পারেন যে, তাঁহারা ইচ্ছা পূর্ব্বকই তাঁহাদের (মুসলমানদিগের) নিয়ম পরিবর্তিত করিয়া বিপরীত নিয়ম গ্রহণ করিয়াছেন ; কারণ তাঁহাদের আচারব্যবহারের সহিত হিন্দুদিগের আচার ব্যবহারের কোন সোসাদৃশ্য নাই এবং একের আচারব্যবহার অপরের আচারব্যবহারের বিপরীত । যদি কখনও তাঁহাদের রীতিনীতির সহিত হিন্দুদিগের রীতিনীতির কোন সাদৃশ্য থাকে তাহা হইলে নিশ্চয়ই তাহার ঠিক বিপরীত অর্থ আছে বুঝিতে হইবে : এইরূপ মন্তব্য প্রকাশ করিয়া অলবেঙ্গী হিন্দুদিগের আচার ব্যবহারের নিম্নলিখিত মত বর্ণনা করিয়াছেন ।

হিন্দুগণ তাহাদের শরীরের কেশ কর্তন করে না । পুরাকালে উত্তাপহেতু তাহারা নগ্নাবস্থায় থাকিত এবং সর্দিগর্দি নিবারণ করিবার জন্য মস্তকের কেশ অকর্তিত রাখিত ।

আলম্পরায়ণ হইয়া তাহারা দীর্ঘ নখ রাখিত ; কারণ, তাহারা সেগুলিকে কোন কার্য্যে ব্যবহার করিত না, কেবল তাহাদের সুখপ্রদ কর্ম্মহীন জীবনে সেগুলির দ্বারা মস্তক চুলকাইত এবং উকুন অন্ত্রেষণজন্য চুল পরীক্ষা করিত ।

হিন্দুগণ নিঃসঙ্গে একে একে গোময়লিপ্ত আন্তরণের (গোময়লিপ্ত ভূমি)

উপর আহার করে । তাহারা ভুক্তাবশিষ্ট খাদ্য ব্যবহার করে না এবং যে পাत्रে ভক্ষণ করে তাহা মৃত্তিকানিশ্চিত হইলে ফেলিয়া দেয় ।

তাহাদের দন্তগুলি পান ওপারি ঝড়ি (চূণ) ও ঝদির চর্কণহেতু রক্তবর্ণ থাকে ।

আহার করিবার পূর্বে তাহারা মস্তপান করিয়া তৎপরে খাদ্যদ্রব্য গ্রহণ করে । * * * তাহারা গোমাংস ভক্ষণ করে না ।

তাহারা পাগড়ী ব্যবহার করে । তাহারা সামান্য পোষাকে সন্তুষ্ট, তাহারা দুই আঙ্গুল চওড়া গ্রাকড়া পরিধান করে এবং দুইটি সূত্রদ্বারা উহা কোমরের পশ্চাত্তাণে বদ্ধ করিয়া রাখে । কিন্তু যাহারা বহু পরিচ্ছদ পছন্দ করেন তাহারা পাঞ্জামা ব্যবহার করেন । যে দড়ির দ্বারা ইহা বাঁধা হয় তাহা পশ্চাতে থাকে । তাহাদের ‘সিদার’ (মস্তক, বক্ষের উপরিভাগ এবং গলদেশ আচ্ছাদিত করিবার জন্ত এক প্রকার পোষাক) পাঞ্জামারই ন্যায় পশ্চাদিকে বোতামদ্বারা বাঁধা থাকে ।

তাহাদের কুষ্ঠাকারের (কোর্তা, শ্রীভযুক্ত স্বক্ৰদেশ হইতে শরীরের মধ্যভাগ পর্য্যন্ত বিস্তৃত খাটো সাট, ইহা একটি মেয়েলী পোষাক) তাঁজের তাঁজে দক্ষিণ ও বাম উভয় দিকে লেস আছে ।

প্রক্ষালণ করিবার সময় তাহারা পা হইতে আরম্ভ করে এবং পরে মুখ ধোত করে ।

পূর্বদিনে সুগন্ধিद्रব্যের পরিবর্তে তাহারা গোময়দ্বারা শরীর লেপন করে ।

পুরুষগণ মেয়েলী পরিচ্ছদের জিনিসগুলি ব্যবহার করে । তাহারা কর্ণাভরণ ও হস্তে বলয় পরিধান করে এবং হস্ত ও পদাঙ্গুলীতে অঙ্গুরীয় ধারণ করে ।

গদী ব্যতীত তাহারা অশ্বারোহণ করে কিন্তু গদী থাকিলে দক্ষিণ পার্শ্ব হইতে আরোহণ করিয়া থাকে । তাহারা অথৈ ভ্রমণকালে পশ্চাতে কাহাকেও লইতে ভালবাসে ।

তাহারা কটীদেশের দক্ষিণ ভাগে কুঠার দৃঢ়ভাবে রক্ষা করে এবং যজ্ঞোপবীত নামীয় বন্ধনী পরিধান করে । উহা বামস্বক্ৰ হইতে দক্ষিণ কোমর পর্য্যন্ত লম্বমান ।

পরামর্শকালে ও বিপদের সময় হিন্দুগণ স্ত্রীলোকদিগের উপদেশ গ্রহণ করিয়া থাকে ।

সন্তান ভূমিষ্ট হইলে হিন্দুগণ পুত্রের প্রতি বিশেষ মনযোগ প্রদর্শন করে ; কিন্তু কন্নার প্রতি করে না। সন্তানের মধ্যে তাহারা, বিশেষতঃ দেশের পূর্বাঞ্চলের লোকরা, পুত্রকে অধিক আদর করে ।

করমর্দনের সময় তাহারা হস্তের পশ্চাদিক ধারণ করে ।

হিন্দুগণ গৃহ প্রবেশের সময় অমুমতি প্রার্থনা করে না, কিন্তু গৃহ পরিত্যাগ-কালে অমুমতি গ্রহণ করিয়া থাকে ।

সভাসমিতিতে তাহারা এড়াএড়ি ভাবে পা রাখিয়া উপবেশন করে । তাহারা উপস্থিত গুরুজনের প্রতি শ্রদ্ধা-প্রদর্শন না করিয়া নিষ্টিবন পরিত্যাগ করে ও নাসিকা ঝাড়ে ।

তাহারা তন্তুবাঁদগিকে অপবিত্র মনে করে, কিন্তু যে চর্ম্মকারগণ অর্ধের জন্ত মরণোন্মুখ জন্তুদিগকে জলে নিমগ্ন করিয়া অথবা দক্ষ করিয়া বিনষ্ট করে—তাহাদিগকে পবিত্র জ্ঞান করে ।

বিদ্যালয়ে বালকদিগের জন্ত কৃষ্ণবর্ণ লিখিবার পাত্র ব্যবহৃত হয় এবং তাহার উপর বালকগণ এক প্রকার শাদা পদার্থ দ্বারা লিখিয়া যায় । তাহারা পুস্তকের নাম শেষে লিখে—প্রথমে নহে ।

অলবেঙ্গী তৎপরে হিন্দুদিগের প্রকৃতিগত “বিকৃত-স্বভাবের” কথা আর আলোচনা করিয়াছেন । অলবেঙ্গী বলিয়াছেন যে, মুসলমানাধিকৃত প্রদেশে সদ্য আগত এমন একটিও হিন্দু বালককে তিনি দেখেন নাই যে অধিবাসীদিগের আচারব্যবহারসম্বন্ধে সম্পূর্ণরূপে অভিজ্ঞ নহে ; কিন্তু তথাপি গুরুর সম্মুখে পাদুকাস্থাপনের সময় সে উণ্টো পান্টা করিয়া রাখে—বাম পদের সম্মুখে দক্ষিণ পদের ও দক্ষিণ পদের সম্মুখে বামপদের জুতা রক্ষা করিয়া থাকে । গুরুর পরিচ্ছদ ভাঁজ করিয়া রাখিবার সময় সে ভিতর দিকটা বাহির করিয়া রাখে এবং গালিচা এরূপভাবে বিস্তৃত করে যে, নিম্নভাগটা উপরের দিকে রক্ষিত হয় । এইরূপ অগাধ কার্য্যও সে করিয়া থাকে । এ সমস্তই হিন্দুদিগের প্রকৃতিগত “বিকৃত স্বভাবের” পরিচায়ক । অলবেঙ্গী বলেন যে শুধু যে হিন্দুগণের এইরূপ স্বভাব তাহা নহে ; পরন্তু অসভ্য আরবদিগের মধ্যেও এইরূপ স্বভাব দৃষ্ট হয় ।

অলবেঙ্গী মৃতদেহের অন্তষ্টিক্রিয়ার সম্বন্ধেও আলোচনা করিয়াছেন ।

অতি প্রাচীন কালে মৃতদেহ নগ্নাবস্থায় উন্মুক্ত প্রান্তরে বাতাসে নিক্ষিপ্ত হইত । ক্রম ব্যক্তিগণও প্রান্তরে এবং পর্ত্তে নীত হইয়া তথায় পরিত্যক্ত

হইত । তথায় রুগ্নের জীবলীলার অবসান হইলে উপরের উল্লিখিত অবস্থা ঘটিত ; আরোগ্যলাভ করিলে তাহারা বাসস্থানে প্রত্যাবর্তন করিত ।

এই সময়ে একজন বিধান-কর্তার অবির্ভাব হইল । তিনি লোকসমূহকে মৃতদেহ বাতাসে রক্ষা করিতে অদেশ দিলেন । তদনুসারে তাহারা একরূপ রেলিং ও ছাঃযুক্ত অট্টালিকা নির্মাণ করিল যে, মৃতদেহের উপর দিয়া বাতাস বহিয়া যাইতে পারে । ইহা সূর্য্যোপাসকদিগের (জোরাষ্ট্রিয়ানদের) সমাধিচূড়ার অনুরূপ

এই আচার বহুদিন পালিত হওয়ার পর নারায়ণ মৃতদেহ অগ্নিতে সমর্পণ করিবার বিধান দিলেন । সেই অবধি যাহাতে মৃতদেহের কোন অবশেষ না থাকে এবং সমস্ত আবর্জনা, ময়লা ও গন্ধ সম্পূর্ণরূপে দূরীভূত ও তাহার সর্বপ্রকার চিহ্ন লুপ্ত হইয়া যায় সেইজন্য তাহারা শবদাহ করিয়া আসিতেছে ।

আধুনিক কালে শ্লাভনিয়ানগণও তাহাদের মৃতদেহ দাহ করে, যেমন প্রাচীন গ্রীকগণ শবদাহ ও কবর দেওয়া উভয় প্রথাই পালন করিতেন । এই স্থলে অলবেরুণী সক্রেটীস, গ্যালেনাস প্রভৃতি গ্রীক গ্রন্থকারগণের উক্তি উদ্ধৃত করিয়া দেখাইয়াছেন যে, গ্রীকদিগের মধ্যে শবদাহপ্রথা প্রচলিত ছিল ; কিন্তু এই প্রথা সমাজের উচ্চস্তরেই আবদ্ধ ছিল ।

অলবেরুণী তৎপরে সূর্য্যরশ্মি ও অগ্নিই যে হিন্দুগণের ঈশ্বরসমীপে উপস্থিত হইবার সরল পথ বলিয়া বিবেচিত তৎসম্বন্ধে আলোচনা করিয়াছেন । অবিনশ্বর আত্মার ঈশ্বর সমীপে প্রত্যাগমনসম্বন্ধে হিন্দুগণের ধারণা এই যে, ইহা কতকটা সূর্য্যরশ্মির দ্বারা (আত্মা সূর্য্যরশ্মির সহিত যুক্ত হইয়া তৎসহ আরোহণ করে) ও কতকটা অগ্নির ক্ষুলিজ্জদ্বারা (কারণ ইহা আত্মাকে ঈশ্বরসমীপে উপস্থিত করে) সম্পাদিত হয় । কোন কোন হিন্দু ঈশ্বরের নিকট প্রার্থনা করেন যে, তিনি তাঁহার নিকট যাইবার পথ যেন খুব সরল করিয়া দেন ।

জলমগ্ন মৃত ব্যক্তির সম্বন্ধে গাঙ্গু তুরস্কদিগের ব্যবহারও ইহার অনুরূপ । কারণ, তাহারা মৃতদেহ নদীতে একটি শবাধারে রক্ষিত করে এবং একগাছি রজ্জু তাহার পদ হইতে বুলাইয়া তাহার প্রান্তভাগ জলে নিক্ষেপ করে ; এই রজ্জুর সাহায্যে মৃত ব্যক্তির আত্মা আপনাকে মুক্তির জগু উন্নীত করে ।

এ সম্বন্ধে হিন্দুদিগের বিশ্বাস বাসুদেবের উক্তিদ্বারা সমর্থিত হইয়াছে ।

অনুরূপ মত মানীর নিম্নলিখিত বচনদ্বারা স্বীকৃত হইয়াছে । “অগ্ন্যাগ্ন

ধর্মসম্প্রদায় আমাদিগকে নিন্দা করে ; কারণ, আমরা সূর্য্য ও চন্দ্রের পূজা ও তাঁহাদের মূর্ত্তিগঠন করি। কিন্তু তাঁহারা তাঁহাদের প্রকৃত স্বরূপ অবগত নহে। তাহারা জানে না যে, সূর্য্য ও চন্দ্রই আমাদের পথ, আমাদের দ্বার, যাহার দ্বারা আমরা আমাদের স্বর্গে যাত্রা করিতে পারি।”

লোকে বলে যে, বৃদ্ধ মৃতদেহ স্রোতস্বতী নদীতে নিক্ষেপ করিবার আদেশ দিয়াছেন। তদনুসারে তাঁহার শিষ্য শ্রমণগণ তাহাদের মৃতদেহ নদীতে নিক্ষেপ করে।

হিন্দুগণের মতে উত্তরাধিকারিগণের উপর মৃতদেহের দাবী আছে। তৎকর্ত্ত তাহাদিগকে মৃতদেহ ধৌত করিতে, স্নগন্ধদ্রব্যদ্বারা লেপন করিতে, বস্ত্রাচ্ছাদিত করিতে এবং পরে সাধানুসারে চন্দনকাষ্ঠ সংগ্রহ পূর্ব্বক তদ্বারা ও অগ্ন্যগ্ন কাষ্ঠদ্বারা শব দাহ করিতে হয়। দক্ষাস্ত্রির কিয়দংশ গঙ্গায় নীত হইয়া এরূপ ভাবে নিক্ষিপ্ত হয় যাহাতে গঙ্গা উহার উপর দিয়া প্রবাহিত হইয়া যাইতে পারে। গঙ্গা এইরূপে সগরের সন্তানগণের দক্ষাস্ত্রির উপর দিয়া প্রবাহিত হইয়াছিল ও তাহাদিগকে নরক হইতে উদ্ধার করিয়া স্বর্গে উন্নীত করিয়াছিল। তন্ময় কোনও স্রোতস্বতী নদীতে নিক্ষিপ্ত হয়। যে স্থানে মৃতদেহ দাহ করা হয় সেই স্থানে তাহারা একটি স্মরণচিহ্ন স্থাপন করে। তিন বৎসরের কম বয়স্ক শিশুদিগের শরীর দাহ করা হয় না।

যাহারা মৃতদেহসম্বন্ধে এই সমস্ত কর্ত্তব্য প্রতিপালন করে তাহারা তৎপরে অপনাদিগকে ও তাহাদের বস্ত্রসমূহ দুই দিন ধৌত করে ; কারণ, তাহারা মৃতদেহ স্পর্শজন্তু অপবিত্র হয়।

যাহারা মৃতদেহ দাহ করিতে অসমর্থ হয় তাহারা উহা কোন উন্মুক্ত প্রান্তরে অথবা কোন স্রোতস্বতী নদীতে নিক্ষিপ্ত করে।

বিধবাগণের যাহারা স্বেচ্ছায় স্বামীর অঙ্গুগমনে ইচ্ছুক অথবা যে সকল ব্যক্তি জীবনে নিরাশ হইয়াছে, যাহারা শরীরের কোনরূপ অনারোগ্য ব্যাধি, স্থায়ী শারীরিক বিকৃতি বা জরা দ্বারা ক্লিষ্ট, তাহাদের শরীর ব্যতিত অপর কোন জীবিত ব্যক্তির দেহ দাহন করার কল্পনাও হিন্দুগণ করিতে পারে না। ইহা কোনও সম্মানার্থ ব্যক্তি সম্পাদন করেন না ; কেবল বৈশ্য ও শূদ্রগণ করে।

আত্মশরীর দাহ ব্রাহ্মণ ও ক্ষত্রিয়ের পক্ষে বিশেষ নিয়মদ্বারা নিষিদ্ধ। সেই হেতু ইহারা যদি আত্মহত্যা করিতে অভিলাষী হইয়া থাকে তাহা হইলে

বিস্ময়কর উপায় অবলম্বন করে। তাহারা কোন ব্যক্তিকে তাহাদিগকে গঙ্গায় মগ্ন করিয়া মৃত্যু না হওয়া পর্য্যন্ত জলের নীচে রাখিবার জন্য নিযুক্ত করে (ভাড়া করে) ।

অলবেকুণী ব্রাহ্মণ ও ক্ষত্রিয়ের আত্মহত্যা করিবার অন্যবিধ উপায়েরও বর্ণনা করিয়াছেন ।

যমুনা ও গঙ্গা নদীদ্বয়ের সঙ্গমস্থলে বটজাতীয় “প্রয়াগ” নামে একটি বৃক্ষ আছে, এই জাতীয় বৃক্ষের বিশেষত্ব এই যে, ইহার শাখাগুলি দুই প্রকার প্রশাখা বিস্তার করে—কতকগুলি উর্দ্ধদিকে অত্যাশ্রিত বৃক্ষের ত্রায় প্রসারিত হয় এবং কতকগুলি শিকড়ের ত্রায় নিম্নাভিমুখে ধাবিত হয় ; শেষোক্ত গুলি পত্রহীন। যদি এই প্রকারের কোন প্রশাখা মৃত্তিকায় প্রবিষ্ট হয় তাহা হইলে যে শাখা হইতে উহার উৎপত্তি সেই শাখা ধারণ করিবার স্তম্ভ বগিয়া প্রতীয়মান হয়। প্রকৃতি এইরূপ ব্যবস্থা বিশেষ উদ্দেশ্য সাধনের জন্তই করিয়াছেন ; কারণ, এই বৃক্ষের শাখাগুলি অতি বিশাল। এই স্থানে ব্রাহ্মণ ও ক্ষত্রিয়গণ বৃক্ষারোহণ পূর্বক আপনাদিগকে গঙ্গায় নিক্ষেপ করিয়া আত্ম-হত্যা করিয়া থাকে।

প্রাচীন গ্রীসেও এইরূপ প্রথা বিদ্যমান ছিল। জোহানেস গ্র্যামাটিকাস বলিয়াছেন যে, প্রাচীন গ্রীসে কতকগুলি লোক (যাহাদিগকে তিনি ভূত প্রেতের উপাসক বলিয়া বর্ণনা করিয়াছেন) নিজ অঙ্গে তরবারিদ্বারা আঘাত করিয়া ও তদ্ধেতু কোন প্রকার কষ্টানুভব না করিয়া অগ্নিতে প্রবেশ করিত।

শ্রীগিরিজামোহন সান্যাল ।

চন্দ্রবংশ।

• (বিষ্ণুপুরাণ ৪র্থোংশ ৫—১৫ অধ্যায়।)

১।	সোম		
২।	বুধ		
৩।	পুরুরবস্		
৪।	আয়ুস্,	ধীমৎ,	অমাবস্, বিধাবস্, শতাবস্, শ্রতাবস্
			ভীম ৫
			কাশ্যন ৬
			সুহোত্র ৭
			অহু ৮
			সুজহ ৯
			অজক ১০
			বলাকাশ ১১
			কুশ ১২
			১৩ কুশাষ, কুশনাভ, অমৃর্তরয়, অমাবস্,
			গাধি ১৪
			১৫ বিশ্বামিত্র, সত্যবতী (কন্তা),
৫।	নহব্,	ক্ষত্রবৃদ্ধ, রম্ভ, রজি, অনেনস্,	
৬।	যযাতি,		সুনহোত্র,
৭।	যজ্.	তুর্বস্, দ্রহ্ম, অহু, পুরু,	কাশ, লেশ, গৃৎসমদ,
			৮। কাশিরাজ শৌনক
			৯। দীর্ঘতমস্

- ১০ । ধনন্তরি
- ১১ । কেতুমৎ
- ১২ । ভীমরথ
- ১৩ । দিবোদাস
- ১৪ । প্রতর্দন
- ১৫ । বৎস বা পাতঞ্চজ
- ১৬ । অলক
- ১৭ । সন্নতি,
- ১৮ । সুনীধ
- ১৯ । সুকেতু
- ২০ । ধর্ম্মকেতু
- ২১ । সত্যকেতু
- ২২ । বিভূ
- ২৩ । সুবিতু
- ২৪ । সুকুমার
- ২৫ । ধৃষ্টকেতু
- ২৬ । বৈনহোত্র
- ২৭ । ভার্গ
- ২৮ । ভার্গভূ

বুধের ঔরসে পুরুষবার জন্ম সম্বন্ধে একটি অদ্ভুত গল্প দেখিতে পাওয়া যায়। গল্পটি এই ;—বিবস্বৎপুত্র মনু পুত্রকামনায় মিত্রাবরুণদ্বারা একটি যজ্ঞ করান। যজ্ঞ কোন মতে পশু হওয়ায় যজ্ঞফলে পুত্র না হইয়া মনুর এক কন্যা জন্ম গ্রহণ করিল। কন্যার নাম রাখা হইল ইলা। কিন্তু মিত্রাবরুণ মন্ত্রবলে কন্যাটিকে পুত্র করিয়া দিলেন ; তখন তাহার নাম হইল স্নহ্যায়। স্নহ্যায় এক সময়ে হিমালয়ের জঙ্গলে গীকার করিতে গিয়া জঙ্গলের এমন এক

স্থানে একাকী উপস্থিত হইয়া পড়েন যে, সেস্থানে যাইলে মহাদেবকৃত নিয়ম অনুসারে পুরুষকে স্ত্রী লইয়া যাইতে হয়। তাঁহাকেও তাহাই হইতে হইল। সুহ্ম যে স্ত্রীজাতি ছিলেন আবার তাহাই হইলেন। ইত্যবসরে বুধের সহিত তাঁহার সাক্ষাৎ হয় ও ক্রমে তিনি সাক্ষাৎ গান্ধর্ব পরিণয়ে পরিণীত হইয়া পুরুষবা নামক পুত্রোৎপাদন করেন। পুরুষবার পর সুহ্মকে আর গর্ভধারণ করিতে হয় নাই। মম্বুর অমুরোধে ঋষিগণ মিলিয়া যজ্ঞ-পুরুষের নিকট আবেদন করেন; তাহাতে বুধপত্নী হইতে মুক্ত হইয়া সুহ্ম পুনরায় পুরুষ হয়েন ও তাঁহার উৎকল, গম ও বিনত নামে তিন পুত্র হয়। সুহ্ম মূলতঃ মম্বুর কণ্ঠা বলিয়া পিতৃরাজ্যের অধিকারী হইতে পারেন নাই; তবে পিতা কুলগুরু বশিষ্ঠ কর্তৃক আদিষ্ট হইয়া প্রতিষ্ঠান নামক নগরী তাঁহাকে প্রদান করেন। সুহ্ম কিন্তু তাঁহার পূর্বপুত্র পুরুষবাকে আবার তাহা দিয়া দেন। নহষের ভ্রাতা ক্ষত্রবৃজের পুত্র সুনহোত্রের বংশে এই কয়জন রাজার নাম পাওয়া যায় ও ইহারা “কাণ্ডপ” বলিয়া অভিহিত হইয়া থাকেন।

পুরুষবার তৃতীয় পুত্র অমাবসুর অধস্তন অষ্টম নৃপতি জহুই গঙ্গাকে উদরসাৎ ও পুনরুদ্ধার করেন। তদবধি গঙ্গার অপর একটি নাম জাহুবী।

এই ধারাতেই প্রসিদ্ধ বিশ্বামিত্রের জন্ম। ইনি ব্রাহ্মণ হওয়ায় ইহার ধারা ব্রাহ্মণ হইয়া যায়। ইহার ভগিনী সত্যবতী ভৃগুবংশীয় সচীকের পত্নী ছিলেন।

অমাবসুর জ্যেষ্ঠ আয়ু রাহুর কণ্ঠাকে বিবাহ করেন ও নহষ প্রভৃতি পাঁচ সহোদর সেই রাহুকণ্ঠারই গর্ভজাত।

নহষের ষষাতি ব্যতীত আরও পাঁচটি পুত্র ছিলেন; তাঁহাদের নাম যতি, সংযতি, অযতি, বিযতি ও কৃতি। যতি জ্যেষ্ঠ, সংযতি তৃতীয়, ষষাতি ছিলেন দ্বিতীয়।

সুনহোত্রের তৃতীয় পুত্র গৃৎসমদের পুত্র শৌনকই নাকি চাতুর্বর্ণ্য সমাজের সৃষ্টি করেন।

সুনহোত্রবংশীয় ধনস্তরি আয়ুর্বেদকে আট ভাগে বিভক্ত করেন।

এই বংশীয় প্রতর্দন ভদ্রশ্রেণ্য নামক একটি তাঁহার শত্রুস্থানীয় জাতিকে নির্মূল করেন ও তাহা হইতেই—শত্রুজিৎ নাম পায়েন। তাঁহার পুত্র বৎস বা ঋতধ্বজ কুবলয় নামক অশ্ব পাইয়াছিলেন বলিয়া কুবলয়শ্ব নামে পরিচিত।

এই বংশের শেষরাজা ভার্গভূও চাতুর্বর্ণ্য সমাজের সৃষ্টিকর্তা বলিয়া
কথিত হইয়া থাকেন ।

চন্দ্রবংশে যদুবংশ ।

- ৭। যদু
৮। সহস্রজিৎ, ক্রোড়ু, নল, রণ
৯। বৃজিনীবৎ
১০। স্বাহি
১১। রুঘদ্র
১২। চিত্ররথ
১৩। শশবিন্দু
১৪। পৃথুযশস্, পৃথুকর্ম্মন, পৃথুজয়, পৃথুকীর্তি, পৃথুদান, পৃথুশ্রবস
১৫। তমস্
১৬। উশনস্
১৭। শিতৈয়
১৮। রুক্মকবচ
১৯। পরাবৃৎ
২০। কল্মষ, পৃথুরুক্ম, জ্যামঘ, পালিত, হারিত
২১। বিদর্ভ
২২। ক্রথ, কৌশিক, রোমপাদ
২৩। কুন্তি চেদি বক্র
২৪। বৃষ্ণি যতি
২৫। নিরুতি
২৬। দশাই

- ২৭ । ব্যোমন্
|
২৮ । জীমূত
|
২৯ । বংশকৃতি
|
৩০ । ভীমরথ
|
৩১ । নবরথ
|
৩২ । দশরথ
|
৩৩ । শকুনি
|
৩৪ । করন্তি
|
৩৫ । দেবরাত
|
৩৬ । দেবক্বেত্র
|
৩৭ । মধু
|
৩৮ । অনবরথ
|
৩৯ । কুরুবংশ
|
৪০ । অহুরথ
|
৪১ । পুরুহোত্র
|
৪২ । অংশ
|
৪৩ । সত্ত্বত

৪৪ । ভজিম, ভজমান, দিব্য, অক্ষক, দেবাবুধ, মহাতোজ * বৃষ্ণি

৪৫ । বিদুরথ, নিমি, বৃকণ, বৃষ্ণি, শত্রাজিৎ, সহস্রজিৎ, অমৃতাজিৎ
(অপর পত্নী-পর্বে)

৪৬ । শুর

৪৭ । শমিন্

৪৮ । প্রতিকত্র

* মহাতোজের ধারার নাম যান্ত্রিকবততোজ ; ই হাদের রাজধানী যুক্তিকবাতের নামাপ্র
সারে ইহাদিগের এই নাম ।

- ৪৯। স্বয়ংভোজ
 |
 ৫০। হৃদিক
 |
 ৫১। কৃতবর্ষন্, শতধনু, দেবমীচুষ
 |
 ৫২। শর
 |
 ৫৩। বসুদেব
 |
 ৫৪। বলভদ্র, কৃষ্ণ
 |
 ৫৫। প্রহ্মায়
 |
 ৫৬। অনিরুদ্ধ
 |
 ৫৭। বজ্র
 |
 ৫৮। প্রতিবাহ
 |
 ৫৯। সূচারু

ভজমানের (৪৪) ভ্রাতৃ অশ্বকের পুত্র
 কুকুর, ভজমান, শুচিকল, বহিষ

|
 গুপ্ত
 |
 কপোতরোমন্
 |
 বিলোমন্
 |
 ভবসংজ্ঞ (বা চন্দ্রলোদক হৃন্দুভি)
 |
 অভিজিৎ
 |
 পুনর্বসু
 |
 দেবক, উগ্রসেন
 |
 দেববৎ, উপদেব, সুদেব, দেবরক্ষিত

বসুদেবের আরও নয়জন সহোদর ছিলেন তাঁহাদের নাম দেবভাগ, দেবশ্রবস, অনাধুষ্টি, করুক্ষক, বৎসবালক, স্বঞ্জয়, গ্রাম, শমীক ও গণ্ডুষ ।

তাঁহার ভগিনীও ছিলেন পাঁচটি। তাঁহাদের নাম পৃথা, ঋতদেবা, ঋতকীর্তি, ঋতশ্রবা, ও রাজদেবী। বসুদেবের পিতা শুর পৃথাকে কুস্তিভোজ নামক তাঁহার এক বন্ধু রাজাকে দত্তক কন্যারূপে প্রদান করেন। পাণ্ডুর সহিত এই পৃথারই বিবাহ হয়। অর্জুন প্রভৃতি ইঁহার সন্তান। ঋতকীর্তির পুত্র শিশুপাল ও ঋতদেবার পুত্র দত্তবক্র। ইঁহারা সম্বন্ধে কৃষ্ণের পিসতুতো ভাই।

বসুদেবের অনেক পত্নী। তাঁহাদের মধ্যে পৌরবী, রোহিণী, মদিরা, ভদ্রা, বৈশাখী ও দেবকী এই ছয় জনই প্রধান। রোহিণীর গর্ভে বলভদ্র, শারণ, শঠ, দুর্মদ, ভদ্রাশ্ব, ভদ্রবাহু, ও দুর্গমসুত এই সাত ; মদিরার গর্ভে নন্দ, উপনন্দ ও কৃতক এই তিন ; ভদ্রার গর্ভে উপনিধি ও গদ এই দুই ; বৈশাখীর গর্ভে কৌশিক ও দেবকীর গর্ভে কৃষ্ণ বসুদেবের এই চতুর্দশ পুত্র। দেবকীর গর্ভে বসুদেবের আরও ছয়টি পুত্রের উল্লেখ দেখিতে পাওয়া যায় তাঁহাদের নাম সুষেণ, উদাপি, ভদ্রসেন, ঋতুদাস, ভদ্র ও দেহ। ইঁহারা কংসহস্তে বিনষ্ট হইয়াছিল বলিয়া কথিত হয়। বিষ্ণুপুরাণে বসুদেবের স্মৃতজানায়ী কোন কন্যার উল্লেখ দেখিলাম না।

বসুদেবের আর এক নাম আনকহুন্ডুভি। বিষ্ণু ইঁহার গুহ্যে জন্ম গ্রহণ করিলেন বলিয়া বসুদেবের ভূমিষ্ঠ হওনকালে স্বর্গে দেবতারা তাঁহাদের আনক হুন্ডুভি বাজাইয়া আনন্দ করিয়াছিলেন তাই বসুদেবের নাম, আনক-হুন্ডুভি।


দেবকের চারি পুত্র ব্যতীত বৃকদেবা, উপদেবা, দেবরক্ষিতা, ত্রিদেবা, শান্তিদেবা, মহাদেবা ও দেবকী এই সাত কন্যা। এই সাতটিই বসুদেবের সহধর্মিণী ছিলেন। এই দেবকীই কৃষ্ণের মাতা।

দেবকের ভ্রাতা উগ্রসেনের কংস, ন্যাগ্রোধ, সুনাম, কঙ্ক, শঙ্কু, স্বভূমি, রাষ্ট্রপাল, যুদ্ধপাল, যুদ্ধমুষ্টি, তুষ্টিমৎ এই দশ পুত্র ও কংসা, কংসবতী, স্মৃতহু, রাষ্ট্রপালী ও কঙ্কা এই পাঁচ কন্যা। ইঁহারা শ্রীকৃষ্ণের সম্বন্ধে মাতুল ও মাসী।

বলভদ্রের দুই পুত্র ; নাম নিশঠ ও উলমুক। বলভদ্রসহোদর শারণের মাষ্টি, মাষ্টিমৎ, শিশু ও সত্যধৃতি এই চার পুত্র।

অক্রুর, অদ্রাজিৎ, সাত্যকি প্রভৃতি প্রসিদ্ধ ব্যক্তিগণ শ্রীকৃষ্ণের পূর্বপুরুষ ভজমানের ভ্রাতা দেৱাব্রধের সন্তান। মূলতঃ ইঁহারাও যদুবংশীয়।

দেবারুধ (৪৪)



শ্রীবিনোদবিহারী বিজ্ঞাবিনোদ ।

অদৃষ্ট-চক্র ।

পঞ্চম পরিচ্ছেদ ।

অনুভূতি ।

দেখিতে দেখিতে এক বৎসর কাটিয়া গেল । ভট্টাচার্য্য মহাশয়ের পরি-
 বারে নানারূপ পরিবর্তন সংঘটিত হইল । ভট্টাচার্য্য মহাশয়ের সংসারে ভাঙ্গন
 ধরিয়াছিল । নদীর পাছাড়ে ভাঙ্গন ধরিলে যেমন ধ্বংশনিবারণ অসম্ভব
 —সংসারে ভাঙ্গন ধরিলেও তেমনই ধ্বংশনিবারণ অসম্ভব । ভট্টাচার্য্য
 মহাশয় তাহা বুঝিলেন । দুর্ভাবনায় তাঁহার দেহও ভাঙ্গিয়া পড়িতেছিল ।
 তিনি অনেক ভাবিয়া শেষে যাহা রক্ষা করা সম্ভব তাহাই রক্ষা করিতে
 সচেষ্ট হইলেন । দেবীচরণ এফ, এ, পরিক্ষায় উত্তীর্ণ হইল । সে সংবাদ
 প্রকাশিত হইলে ভট্টাচার্য্য মহাশয় এক দিন দেবীচরণকে ডাকিয়া তাহাকে
 সংসারের অবস্থা বুঝাইয়া দিলেন । দেবীচরণ পিতার কথা শুনিল ।
 তাহার পর ভট্টাচার্য্য মহাশয় বলিলেন, “আমি মরিলেই সংসার ভাঙ্গিয়া
 যাইবে । আর আমারও দিন ফুরাইয়া আসিয়াছে । তোমার বড়দাদা
 যে তোমাদের সঙ্গে একত্র বাস করিবেন না, তাহা আমি বুঝিয়াছি ।
 রাধাচরণও গৃহে থাকিবেন না । রহিল এক পার্শ্বতীচরণ । আমাদের যে সমস্ত

শিষ্য আছেন, তাঁহাদের দেখিতেই পার্কর্ভীচরণের সময় কাটিয়া যাইবে। গৃহে কে থাকিবে? অথচ না দেখিলে গৃহ ও যে সামান্য সম্পত্তি আছে, তাহার কিছুই থাকিবে না। শুধু তাহাই নহে। গৃহে একজন না থাকিলে চলিবে না। গৃহে তোমার কাকিমা উন্মাদিনী, এক ভগিনী বিধবা, আর একজন—” বলিতে বলিতে ভট্টাচার্য্য মহাশয়ের কণ্ঠরোধ হইয়া আসিতে লাগিল। তাঁহার নয়নে অশ্রু উথলিয়া উঠিল।

তাহার পর ভট্টাচার্য্য মহাশয় বলিলেন, “ইহাদের জগুই আমার ভাবনা। ভগবান আমাকে যে দুঃখ দিয়াছেন, আমি আপনি সব সহ করিয়াছি। কিন্তু আমার মৃত্যুর পর কে এই সংসারের ভার বহিবে; কে ইহাদের ভাবনা ভাবিবে? সেই ভাবনাতেই আমি অস্থির হইয়াছি।”

দেবীচরণ বলিল, “আপনি আমাকে যে আদেশ করিবেন আমি তাহাই করিব।”

“তোমাদের অন্নকষ্ট নাই। যদি বুঝিয়া চলিতে পার, দুই পুরুষ অন্নকষ্ট ভোগ করিবে না। তোমাদের অন্ন-বস্ত্রের ব্যবস্থা আমি একরূপ করিয়া যাইব। কিন্তু সংসারের কি হইবে? দিন কাল যেরূপ পড়িয়াছে, তাহাতে বি, এ, এম্, এ, পাশ করিলেই উপার্জনের পথ মুক্ত হয় না। আমার ইচ্ছা তুমি গৃহে আসিয়া বাস কর।”

“আপনি অনুমতি করিলে আমি তাহাই করিব।”

“আমার শরীর আর বহিতেছে না। এখন পার্কর্ভীচরণই যজ্ঞমান রাখুক। আমি তাহাকে সে কায শিখাইয়াছি। তুমি সংসারের ভার বহিতে শিখ। যে কয়দিন বাচিয়া থাকি, তোমাকে সে কায শিখাইব। সব কাযই শিক্ষাসাপেক্ষ। তবে যতদিন আমি আছি, ততদিন তুমি অল্প কাযও করিতে পারিবে। গ্রামের বিদ্যালয়ে ইংরাজী শিক্ষকের পদ শূন্য হইয়াছে। তুমি এখন সে কায করিতে পার।”

দেবীচরণ আর কোন কথা বলিল না।

ভট্টাচার্য্য মহাশয়ের চেষ্টায় দেবীচরণ গ্রামের বিদ্যালয়ে শিক্ষকের কার্য্য পাইল।

এ ব্যবস্থায় বামাচরণ বিশেষ বিরক্তি প্রকাশ করিল। সে তাহার পত্নীকে বলিল, “দেখিতেছি বুড়া হইয়া বাবার বুদ্ধিনাশ হইয়াছে। ছেলেদের লিখাপড়া শিখাইবার জন্ত তাঁহার যত্নের অবধি ছিল না; আর তিনি অনায়াসে দেবীকে বাড়ীতে বসাইয়া রাখিলেন!”

বড় বধু বলিলেন, “আমার গতজন্মের পুণ্য ছিল, তাই তুমি তারাকে কলিকাতায় আনিয়াছিলে । মেজ বৌ তখন কত কথা বলিয়াছিল । আমিও বলিয়াছিলাম,—আথেরে কি হইবে ? আমি অন্য় সহ্য করিতে পারি না ।”

বামাচরণ বলিল, “বাবা কি ভাবিতেছেন ? পার্শ্বতীকে যজ্ঞমানের কায়ে রাখিয়াছেন ; তাহাই যথেষ্ট । আবার দেবীর ‘পরকাল’ নষ্ট করা কেন ?”

বড় বধু অধর উন্টাইয়া বলিলেন, “কি জানি !”

ভট্টাচার্য্য মহাশয় যে আথেরের ভাবনা ভাবিয়াই এ ব্যবস্থা করিয়াছিলেন, বামাচরণ তাহা বুঝিতে পারিল না । বড় বধু স্বামীর মতে মত দিলেন । তাঁহাকে ইচ্ছাপুরে না যাইতে হইলেই তিনি তুষ্ট । তিনি কাহারও ধ্বংস সহিতে পারেন না ।

বামাচরণ দেবীচরণকে বলিল, “তুমি বড় হইয়াছ, আপনার হিতাহিত বুঝিতে পার । এখন লিখাপড়া ছাড়িয়া দেওয়া কি ভাল বিবেচনা কর ? গ্রামের বিদ্যালয়ে চাকরীতে উন্নতির কোনও আশাই নাই । ভিটা কামড়াইয়া পড়িয়া থাকিবার জ্ঞ কি ভবিষ্যৎ উন্নতির সব আশা পরিত্যাগ করিবে ?”

দেবীচরণ বলিল, “বাবার ইচ্ছা, আমি বাড়ী যাই । কায়েই আমি বাড়ী যাইব । যদি কপালে না থাকে, কিছুতেই উন্নতি হইবে না । ব্রাহ্মণের ছেলে,—আশার গুণী না বাড়াইয়া অল্পেই তুষ্ট থাকিব । বাবা যাহা বলিতেছেন, তাহা ত করিতেই হইবে ।”

বড় বধু বলিলেন, “ঠাকুর পো, বিবাহটি করিয়াছ ; দুই দিন পরে ছেলে হইবে । খরচ ত দিন দিনই বাড়িবে । ঘরে কতই আছে ?”

দেবীচরণ হাসিয়া বলিল, “বড় বৌদিদি, বাবা ত ঐ যাহা কিছু আছে তাহা হইতেই আমাদের চার ভাইকে ‘মানুষ’ করিয়াছেন ; চার ভগিনীর বিবাহও দিয়াছেন । কপালে যাহা থাকে হইবে । আমরা কেবল মন বুঝে না বলিয়া ব্যস্ত হই ।”

দেবীচরণ চলিয়া যাইলে বামাচরণ পত্নীকে বলিল, “আজকালের ছেলে-গুলি বড়ই ‘ডেঁপো’ ; কথা কহে, যেন শাস্ত্র পড়াইতেছে । কত বিজ্ঞ ! সংসারের চাপ ঘাড়ে চাপুক, তখন বুঝিবেন—কত ধানে কত চাউল । তখন বুঝিবেন, অদৃষ্টের মুখ চাহিয়া বসিয়া থাকিলে চলে না । তখন বুঝিবেন, দাদার কথা আপাততঃ তিস্ত হইলেও পরে মিষ্ট ।”

বড় বধু স্বামীকে বলিলেন, “তোমার যেমন ‘ভাই-অন্ত’ প্রাণ ; উহাদের ভাবনা ভাবিয়া ভাবিয়া দেহপাত কর ! উহারা অন্তরূপ ভাবে।”

বামাচরণ অত্যন্ত গম্ভীর ভাবে বলিল, “আমার কায আমি করি ; কেহ শুধুন আর না-ই শুধুন আমার তাহাতে কিছু ইষ্টানিষ্ট নাই।”

বড় বধু বলিলেন, “তাহা ত বটেই।”

বামাচরণ ভাবিল, তাহার পত্নী সত্য সত্যই তাহাকে স্বার্থত্যাগী মনে করে। বড় বধু মনে মনে হাসিলেন, তিনি স্বামীকে বিশ্বাস করাইয়াছেন, তিনি তাঁহার প্রকৃতির স্বরূপ জানেন না।

দেবীচরণ গৃহে আসিল। ভট্টাচার্য্য মহাশয় তাহাকে সংসারের কায শিখাইতে লাগিলেন। যজ্ঞমানগৃহে তাঁহার গতায়াত ক্রমেই কামিয়া আসিতে লাগিল। এসকল ব্যবস্থার কারণ বিরজা বুকিল। দুঃখের মত শিক্ষক আর নাই। তাহারই শিক্ষকতায় বিরজা সংসার চিনিয়াছিল ; সে আশা অপেক্ষা আশঙ্কাই অগ্রে দেখিত। সে দেখিতেছিল, জরায় ও দুর্ভাবনায় পিতার স্বাস্থ্য নষ্ট হইতেছিল। সে বুঝিতেছিল, পিতার মৃত্যুর সঙ্গে সঙ্গেই সংসার ভাঙ্গিয়া যাইবে। সে শঙ্কিত ও চিন্তিত হইতেছিল। সে আশঙ্কা তাহার আপনার জ্ঞান নহে ; সে ভাবনা অপরের জ্ঞান। সে জানিত, পিতৃবক্ষ্যুত হইলেও তাহার আর এক আশ্রয় আছে। সে আশ্রয়ও স্নেহসিদ্ধ। পিতৃবক্ষে থাকিয়াও তাহার মন মধ্যে মধ্যে শাওড়ীর জ্ঞান ব্যাকুল হইত। জীবনের সায়াহ্নে তিনি নিঃসঙ্গ প্রবাসে রহিয়াছেন। সে কেন তাঁহার নিকট থাকে না? বিশেষ বারাগম্ভীয়াস—সে-ই-ত তাহার পক্ষে স্পৃহনীয়। সে ভাবিত পিতার সংসারের জ্ঞান ; সে কাদিত সুরোজার জ্ঞান। সে বুঝিত, পিতার অবর্তমানে সে সুরোজাকে ছাড়িয়া কোথাও যাইতে পারিবে না—মাতৃহীনা ভগিনীর রক্ষণাবেক্ষণের ভার যে তাহার। মাতৃমের হৃদয় একটা অবলম্বন নহিলে থাকিতে পারে না—সে একটা কিছু আঁকড়িয়া ধরিয়া হৃদয়ের শূন্যতাব দূর করিতে চাহে। প্রেম ও স্নেহ রমণীর পক্ষে একান্তই স্বাভাবিক। পতিপ্রেমবশিতা—অপত্যস্নেহ—স্বাদ-সুখহীনা বিরজার হৃদয় দুঃখিনী ভগিনীকেই জড়াইয়া ধরিয়াছিল। সে জননীর ভালবাসা ও জননীর স্নেহ—সবই সুরোজাকে দিয়াছিল। আর সে যতই তাহার বিপদের সম্ভাবনা দেখিতেছিল, তাহার হৃদয় যেন ততই তাহাকে সাগ্ৰহে নিবিড় ভাবে স্নেহবন্ধনে বদ্ধ করিয়া সকল বিপদ হইতে

রক্ষা করিতে প্রয়াস পাইতেছিল। কত নিশায় সে বিনীত হইয়া স্তম্ভ। ভগিনীর মুখে চাহিয়া কাদিয়াছে; কিন্তু পাছে সে জানিতে পারে এই আশঙ্কায় তাহার নিদ্রাভঙ্গের পূর্বলক্ষণ দেখিলেই নয়ন মুছিয়াছে—সে জাগিলেই তাহার সহিত হাসিয়া কথা কহিয়াছে। কিন্তু ভগিনীর জ্ঞান হুশিস্তা তাহার হৃদয়ে ভারের মত চাপিয়া ছিল।

বিরজা ভগিনীকে কিছু বলিত না বটে; কিন্তু সরোজাও যে কিছু কিছু বুঝিত না, এমন নহে। যে অল্পভূতি সময়সাপেক্ষ তাহার হৃদয়ে ক্রমে ক্রমে সেই অল্পভূতি হইতেছিল। সেও অপনার ভবিষ্যতের ভাবনা ভাবিতেছিল। তাহারও মুখে চিন্তার ছায়া।

সরোজা ভাবিত—কাদিত; কিন্তু কিছুতেই যতীশচন্দ্রকে অপরাধী মনে করিতে পারিত না। বরং কেহ যতীশচন্দ্রের নিন্দা করিলে—তাহার প্রতি ঘৃণাসূচক বাক্য প্রয়োগ করিলে তাহার দুই চক্ষু জলে ভরিয়া উঠিত। কিশোরীর অনাবিল প্রেম ধর্ম্মের নামাস্তর মাত্র। হৃদয়ে স্বার্থপরতা স্থায়ী হ্রানলাভ করিবার পূর্বে—প্রেমের পার্শ্ববর্ত্তাবের অল্পভূতিলাভের পূর্বে—প্রেমে কামনা সঞ্চারের পূর্বে কিশোরীর প্রেম ধর্ম্ম ব্যতীত আর কিছুই নহে। কবির ও সাধকের দাব ব্যতীত তাহার স্বরূপ উপলব্ধি করা সম্ভব নহে। এই প্রেম বাস্তবের মধ্যে মানব-হৃদয়ের ঈপ্সিত আদর্শের আভাস দান করে। এ প্রেম প্রবঞ্চিত করা মহাপাপ। ইহার ক্রমবিকাশ-সন্দর্শন হৃদয়ে স্বর্গীয় আনন্দ প্রদান করে। যখন আমাদের কণ্ঠে কৈশোরের কুসুমহার কালবশে শুকাইয়া যায়—তখনও কৈশোরের প্রেমস্মৃতি সমুজ্জ্বল রাখিতে পারিলে আমরা ধন্য হইব। তাই সরোজা স্বামীর দোষ দেখিতে পাইত না। উপাসিকা কি কখনও দেবতার ক্রটি কল্পনা করিতে পারে? সে কল্পনাই যে দেবতার দেবত্ব-বিশ্বাসের বিরোধী! যতীশচন্দ্র তাহাকে ত্যাগ করিয়াছে, সে আবার বিবাহ করিয়াছে—কিন্তু সরোজা তাহার দোষ দেখিতে পাইত না। লোক কেন যতীশচন্দ্রের নিন্দা করে—সে বুঝিতে পারিত না। সে ভাবিত, তিনি যদি আর একজনকে বিবাহ করিয়া থাকেন—আমার উপর বিরক্ত হইয়া থাকেন—তাহাতেই বা তাঁহার দোষ কি? তাহার নিকট যতীশচন্দ্র দেবতা! যতীশ যে কারণেই হউক তাহার সংবাদ লইতে কুণ্ঠিত হইত। কিন্তু তাহার সংবাদ না পাইলে সরোজা স্থির থাকিত। পারিত না। সেই জন্য বিরজার উপদেশে দেবীচরণ যতীশের সংবাদ

লইত। সে কথা দেবীচরণ, বিরজা ও সরোজা ব্যতীত গৃহে আর কেহ জানিতেন না।

দেবীচরণের সহিত যতীশের এই পত্রব্যবহারে দুই পরিবারের মধ্যে—
এবং পরোক্ষভাবে পতিপত্নীর মধ্যে যোগসূত্র ছিন্ন হইতে পায় নাই। তাই
প্রতিকূল অবস্থার মধ্যেও পতিপত্নীর হৃদয়ের যোগ বিনষ্ট হয় নাই।

মঠ পরিচ্ছেদ ।

শেষ ।

আশ্বিনের শেষে ভট্টাচার্য্য মহাশয়ের শরীর অসুস্থ হইল। তিনি সে দিকে
মন দিলেন না। শরীর ক্রমেই দুর্বল হইতে লাগিল। পার্শ্বতীচরণ তাহা
লক্ষ্য করিল; স্বয়ং কিছু বলিতে সাহস করিল না, কিন্তু বিরজাকে সে কথা
বলিল। বিরজাও পিতার দৌর্বল্য লক্ষ্য করিতেছিল। আলস্য কাহাকে
বলে তিনি তাহা জানিওন না; কিন্তু এখন তাঁহার দেহে জড়তার চিহ্ন
সপ্রকাশ। আর নিত্য বাগানে যাওয়া ঘটে না—ঘরে আর রোয়াকেই
সময় কাটে। বিরজা পিতাকে বলিল, “বাবা, আপনার শরীর খারাপ
হইয়াছে। ডাক্তার দেখাইতে হইবে।” ভট্টাচার্য্য মহাশয় হাসিয়া বলিলেন,
“আমার ত কোন অসুখ নাই।” বিরজা বলিল, “আপনি দুর্বল হইতে-
ছেন।” ভট্টাচার্য্য মহাশয় বলিলেন, “চিরকালই কি দেহে সমান বল থাকে?
তোমার বাবার বয়স কি বাড়ে না?” বিরজা বলিল, “কিন্তু তাই বলিয়া কোন
অসুখ না হইলে দুই চারি মাসে মামুষ এত দুর্বল হয় না।” ভট্টাচার্য্য
মহাশয় বলিলেন, “দেখ, বিরজা, এ সংসারে আমাদের কেহই মৌরশীপাট্টা
লইয়া আইসে না; সকলেরই মেয়াদী বন্দোবস্ত; মেয়াদ ফুরাইলে
কাহারও থাকিবার উপায় নাই।” বিরজা তবুও জিদ্ করিল—ডাক্তার
দেখাইতেই হইবে। ভট্টাচার্য্য মহাশয় বলিলেন, “বিরজা, আমার উপর
দিয়া শোকের—দুঃখের অনেক আঘাত গিয়াছে; বুড়া মামুষের পাকা
হাড়—তাই এত দিন টিকিয়া ছিল। কিন্তু আর কত দিন টিকিবে? যখন
তোমার কাকীমা’র কথা, তোমার কথা, আর সরোজার কথা ভাবি, তখন এক
এক বার মনে হয়, এ জীর্ণ তরী যদি আরও কিছু দিন থাকে, তবে হয় ত

তাল হয়। কিন্তু সে কেবল মায়া। সংসারে যে যাহার অদৃষ্ট লইয়া আইসে। আমরা কেবল মোহে মত্ত হইয়া মনে করি, আমরা অদৃষ্টের কাষ নিয়ন্ত্রিত করিতে পারি। যাহারা ভাবে, সব গুছাইয়া রাখিয়া—কাষ সারিঙ্গা তবে পার-বাটে উপস্থিত হইবে, তাহাদের গুছান শেষ হয় না—কাষ থাকিয়াই যায়। যখন পারে যাইবার ডাক পড়ে তখন সব ফেলিয়াই যাইতে হয়। আমার ডাক পড়িয়াছে। এবার যাইতে হইবে। কাহারও বাপ চিরস্থায়ী হয় না।”

বিরজা তবুও জিহ্ব করিতে লাগিল। স্নেহশীল পিতা শেষে বলিলেন, “তোমার তৃপ্তি হয় ডাক্তার দেখাইব কিন্তু জানিস্ ‘ঘটিলে অসাধ্য ব্যাধি, বৈজ্ঞে নাহি পায় বিধি।’ এই সেই অসাধ্য ব্যাধি।”

রাধাচরণ বামাচরণের কথায় তাহার ব্যবসায়ে যোগ দিয়াছিল। বামাচরণ তাহাকে হস্তগত করিবার চেষ্টায় ছিল। ভট্টাচার্য্য মহাশয় তাহাকে একবার বাটীতে আসিতে পত্র লিখিলেন।

রাধাচরণ গৃহে আসিল। সন্ধ্যার পর রাধাচরণকে ডাকিয়া ভট্টাচার্য্য মহাশয় বাহিরের বসিবার ঘরে প্রবেশ করিলেন, ভৃত্যকে তাহার হাত বাক্স আনিতে বলিলেন। রাধাচরণ আসিলে তিনি তাহাকে বসিতে বলিলেন। ফরাসের উপর লগ্ননের মধ্যে গেলাসে নারিকেল তৈলে পলিতা জ্বলিতেছিল। রাধাচরণ উঠিয়া ফরাসে বসিল। ভৃত্য বাক্স দিয়া জিজ্ঞাসা করিল, “তোমাক আনিব কি?” ভট্টাচার্য্য মহাশয় বলিলেন, “না। তুই বাহিরে যা।”

ভৃত্য চলিয়া যাইলে ভট্টাচার্য্য মহাশয় রাধাচরণকে বলিলেন, “কয়টা কথা বলিবার জন্ম আজ তোমাকে ডাকিয়াছি।”

রাধাচরণ বিন্মিত ভাবে জ্যোষ্ঠতাতের দিকে চাহিল।

ভট্টাচার্য্য মহাশয় বলিলেন, “আমার বয়স অনেক হইয়াছে; আমি আর অধিক দিন নাচিব না। কিন্তু আমি মরিবার পূর্বে তোমাকে কয়টা কথা বলিবার আছে। আমার ভ্রমিসম্পত্তি যাহা কিছু আছে, সবই আমি তোমার ও আমার নামে নাম-পত্তন করাইয়াছি। তাহার অর্দ্ধাংশ তোমার। আর তোমার পিতার উপার্জিত টাকা খাটাইয়া যাহা হইয়াছে তাহা এই তোমাকে দিতেছি।” ভট্টাচার্য্য মহাশয় হাতবাক্স খুলিয়া কয়খানা কোম্পানীর কাগজ রাধাচরণকে দিলেন।

রাধাচরণ বলিল, “ও টাকাও ত আপনার। আমি একা পাইব কেন?”

ভ্রাতৃপুত্রের কথায় পিতৃব্যের হৃদয় আনন্দে পূর্ণ হইল। তিনি বলিলেন, “হাঁ, ও টাকাও আমার। আমি তোমাকে দিতেছি।”

“আপনি আমাদের কয় ভ্রাতাকে সব সমান ভাগ করিয়া দিউন।”

ভট্টাচার্য্য মহাশয় স্নেহে পুত্রাধিক স্নেহভাজন ভ্রাতৃপুত্রের মন্তকে দক্ষিণ করণ রাখিয়া তাহাকে আশীর্বাদ করিলেন। আবেগে তাঁহার কণ্ঠরোধ হইয়া আসিতেছিল। তিনি বলিলেন, “দেবী যদি বেতনের টাকা তোমার কাছে রাখে, তুমি কি প্রাণ ধরিয়া সে টাকা তহবিলে লইতে পার?”

রাধাচরণ তবুও বলিল, “আমি টাকা লইব না।”

ভট্টাচার্য্য মহাশয় বলিলেন, “কেন লইবে না? বামাচরণকে ব্যবসা করিতে আমিই ত টাকা দিয়াছি। জামিন দিলে তোমার ভাল চাকরী হইতে পারে; এ টাকা লইয়া তুমি ব্যবসাও করিতে পার। আমি তোমাকে টাকা দিতেছি। তুমি অবশ্যই লইবে।”

রাধাচরণ আর কোন কথা বলিল না। সে পূর্বে কখনও জ্যেষ্ঠতাতের কথায় প্রতিবাদ করিতে পারে নাই; আজ যে পারিয়াছিল, সে আশ্চর্য্যবিশ্বাসী বশতঃ। সে ভাবিল, ইহার পর বামাচরণের সহিত পরামর্শ করিয়া টাকাটা কয় ভ্রাতায় ভাগ করিয়া লইবার ব্যবস্থা করিবে।

ভট্টাচার্য্য মহাশয় বলিলেন, “রবিবারে তারাকে একবার পাঠাইয়া দিও।”

“আমি লইয়া আসিব” বলিয়া রাধাচরণ উঠিল।

ভট্টাচার্য্য মহাশয় কাগজ কয়খানি তাহার হস্তে দিলেন।

রাধাচরণ কলিকাতায় যাইয়া বামাচরণকে সব কথা বলিল। বামাচরণ তাহাদিগকে বঞ্চিত করায় পিতার প্রতি অসন্তুষ্ট হইল। সে কথাও ভট্টাচার্য্য মহাশয় জানিতে পারিলেন। ভ্রাতৃপুত্রের ব্যবহারে তিনি যেমন প্রীত হইয়াছিলেন, পুত্রের ব্যবহারে তেমনই ব্যথিত হইলেন।

ভট্টাচার্য্য মহাশয়ের শরীর ক্রমেই দুর্বল হইয়া পড়িতে লাগিল। শেষে মাঘ মাসে তিনি শয্যা লইলেন। এই সময় এক দিন তিনি বিরজাকে বলিলেন, “বিরজা, অনেক দিন শৈলজাকে দেখি নাই। একবার আসিতে পারে না? মরিবার পূর্বে একবার তাহাকে দেখিতে পাইব না?”

বিরজা শৈলজাকে পত্র লিখিল। সে পত্র পাইয়াই শৈলজা পিতালয়ে আসিল।

পিত্রালয়ে আসিয়া শৈলজা রাধাচরণকে কলিকাতা হইতে আনাইল ; বলিল, “এ সময় সেজবৌ কলিকাতায় কেন ?”

পত্নীর সন্তানসম্ভাবনাহেতু রাধাচরণ তাহাকে তাহার পিত্রালয়ে পাঠাইবার উদ্যোগ করিয়াছিল . সে বলিল, “সেজবৌকে বাপের বাড়ী পাঠাইতে হইবে।”

শৈলজা রাগিয়া উঠিল ; বলিল এখন তাহারও বাপের বাড়ী যাইবার সময় নহে ; তোমারও কলিকাতায় থাকিবার সময় নহে । বুঝিতে পারিতেছ না, আমাদের কি সর্বনাশ উপস্থিত ? তোমার এমন বুদ্ধি হইল কেন ? কাহাকে হারাইতে বসিয়াছ তাহা কি বুঝিতেও পারিতেছ না ?” সে জানিত, জ্যোষ্ঠভাতের মৃত্যুতে পিতৃগৃহে তাহার সকল অধিকারের শেষ হইবে ।

তিরস্কৃত রাধাচরণ কলিকাতায় ফিরিয়া গেল এবং পত্নীকে গৃহে লইয়া আসিল । পিসীমা সেই সঙ্গে আসিলেন . তখন লোকলজ্জাভয়ে বড় বধও ইচ্ছাপুরে আসিলেন ।

নীরজা অল্পদিনপূর্বে স্বস্তুরালয়ে গিয়াছিল । তাহার স্বাস্থ্যদী তাহাকে এত শীঘ্র পাঠাইতে সম্মত হইলেন না । তাই পার্ক্‌তীচরণ তাহাকে আনিতে দানাপুরে গেল । সে বহু অল্পনয় বিনয়ের ফলে ভগিনীকে লইয়া আসিতে পারিল বটে ; কিন্তু ভগিনীর ভবিষ্যৎ ভাবিয়া শঙ্কিত হইল । তাহার স্বাস্থ্যদী গৃহের গৃহিণী । তাঁহার পুত্রগণ বিদেশে চাকরী করে, কেহ পরিবার সঙ্গে লইয়া যাইতে পায় না । সকলকেই গ্রাসাচ্ছাদনের অনিবার্য্য অর্থ ব্যতীত সব টাকা মা'কে পাঠাইয়া দিতে হয় । তিনি সেই অর্থ সঞ্চিত করেন । তাঁহার অর্থলালসা এমনই প্রবল যে, বধুরা পত্র লিখিবার জন্ত একখানা খাম প্রয়োজন হইলেও সকল সময় পায় না । বিবাহিতা পৌত্রীরা পিতৃগৃহে আসিলে তিনি বিরক্ত হইয়া উঠেন—ধরচ বাড়িবে । তিনি ক্রুদ্ধ-প্রকৃতি । তাঁহার দেহ স্বভাবতঃ শীর্ণ—অস্থিচর্ম্মসার ; তাহার উপর অল্পরোগে জীর্ণ । কাষেই তাঁহার ধৈর্য্যচূড়তি ঘটিতে বিলম্ব ঘটে না । পার্ক্‌তীচরণ এক দিনেই তাঁহার প্রকৃতির যে পরিচয় পাইল । তাহাতে সে শঙ্কিত হইল ।

ফাল্গুনের মধ্যভাগে এক দিন ভট্টাচার্য্য মহাশয় পরিবারের সকলকে শয্যাপাশ্বে ডাকিলেন । সকলে সমবেত হইলে তিনি বলিলেন, “বামাচরণ, পার্ক্‌তীচরণ, রাধাচরণ, দেবীচরণ—তোমাদের কাছে আমার একটি অনুরোধ

আছে। আমার গৃহে আছেন গৃহবিগ্রহ, আর আছেন বিধবা ভগিনী ও বায়ু-রোগগ্রস্তা ভ্রাতৃবধূ। ইহাদের আর আমার এই চারি কন্টার যেন অবহ্ন না হয়। আমি কন্টারদের বিবাহ দিয়াছি। তাহাদের অন্তঃস্থ সুখই থাকুক আর দুঃখই থাকুক তাহারা তোমাদের যত্নের—স্নেহের প্রত্যাশী,—অন্নের প্রত্যাশী নহে। বিরজ্জার অর্থ ভোগ করিবার লোক নাই। সরোজার শব্দ তাহাকে তাহার চলাচলের উপায় করিয়া দিয়া গিয়াছেন। সে সব কাগজ বাস্তবে পাইবে। ধর্ম্মে মতি রাখিয়া সৎপথে চলিও—কষ্ট পাইবে না। আর সব ব্যবস্থা আমি করিয়াছি।”

শৈলজা জ্যেষ্ঠতাতের পদসেবা করিতে করিতে কান্দিতেছিল। ভট্টাচার্য্য মহাশয় বলিলেন, “কান্দি কেন, মা? আমার গুণ আনন্দ কর—তোদের সকলকে দেখিতে দেখিতে মরিতেছি; এমন সুখভোগ কয়জনের ভাগ্যে ঘটে?”

শৈলজা আরও কান্দিতে লাগিল। তাহার পক্ষে এ বেদনা পিতৃশোকের সঙ্গে মিশিয়া অসহনীয় হইয়া উঠিতেছিল।

আরও দুই দিন গেল, তৃতীয় দিন প্রাতেই ভট্টাচার্য্য মহাশয় ভগিনীকে বলিলেন, ছেলেদের আহ্বারের উদ্যোগ করিয়া দাও। আমার অবস্থা ভাল নহে।”

তিনি প্রতিবেশী চট্টোপাধ্যায় মহাশয়কে ডাকিতে বলিলেন। তাহার নাড়ীজ্ঞানের কথা গ্রামে সকলেই জানিত। তিনি আসিয়া নাড়ী পরীক্ষা করিয়া বলিলেন, “ছেলেদের কিছু বলিবেন কি?” ভট্টাচার্য্য মহাশয় হাসিয়া বলিলেন, “এতদিন কথায় ও কায়ে যাহা বলিয়াছি তাহা যদি না বুঝিয়া থাকে তবে আজ বলিলেই কি বুঝিবে? এখন আমার আর উহাদের কিছু বলিবার নাই, আমাকে তীরস্থ করিবার ব্যবস্থা করুন।”

ভট্টাচার্য্য মহাশয় চক্ষু মুদ্রিত করিয়া দেবতার নাম স্মরণ করিলেন—যুক্ত করে দেবতার উদ্দেশে প্রণাম করিলেন।

সেই দিন মধ্যরাত্রি হইতে ভট্টাচার্য্য মহাশয়ের বাকরোধ হইয়া গেল। পরদিন প্রত্যুষে ভগিনী পুল্লী ভ্রাতৃপুল্লীর রোদননিনাদের মধ্যে তাহার প্রাণ দেহ ত্যাগ করিল। ভট্টাচার্য্য পরিবারের উচ্চ চূড়া ভূমিসাৎ হইয়া গেল—স্বার্থত্যাগী গৃহকর্তার আদর্শ নুগ্ন হইল।

রাধারাণী

(১)

হাসিমপুরের রামরতন মণ্ডল নিজের দৈহিক শক্তির উপর নির্ভর করিয়া সংসারের যথেষ্ট উন্নতি করিয়াছিল। সে জাতিতে সংগোপ। তাহার অন্তঃকরণ উচ্চ আশায় পরিপূর্ণ ছিল এবং সে চরিত্রবলে অনেক লোকের আদর্শস্থানীয় হইতে পারিয়াছিল। গ্রামের দশজন রামরতনের এই অবস্থা-পরিবর্তনের অগ্ররূপ কারণনির্দেশ করিত। তাহারা প্রায়ই বলাবলি করিত যে, রামসদয় ঘোষের পুরাতন ভিটা হইতে এক ষড়া টাকাপ্রাপ্তি রতন মণ্ডলের সৌভাগ্যের কারণ। টাকায় কি না হইতে পারে? টাকায় মানুষের বুদ্ধি খুলিয়া যায়—মূর্থও পণ্ডিত হয়! সদয় ঘোষ রামরতনের বন্ধু ছিল। সংসারে তাহার কেহ না থাকায় মৃত্যুকালে সে রামরতনকে পূর্বপুরুষের প্রতিষ্ঠিত শালগ্রাম শিলা ও কয়েক বিঘা দেবোত্তর জমী দিয়া যায়। এককালে উক্ত সদয় ঘোষেরা খুব সম্পন্ন গৃহস্থ ছিল—বনিয়াদী বংশ সূতরাং সেই ভিটা হইতে এক ষড়া টাকাপ্রাপ্তির কথাই কেহ বড় সন্দেহ করিত না।

রামরতন মণ্ডল কথাটা যে না শুনিয়াছিল, তাহা নহে। কিন্তু সে ইহার কোন প্রতিবাদ করিত না; বরং ছুই এক জন লোককে বলিত, “আমার পরিশ্রমই আমার উন্নতির কারণ—পরের টাকা পাইয়া তাহার দ্বারা (অদৃষ্টে না থাকিলে) কি সুখ সৌভাগ্য ক্রয় করা যায়?” রামরতন তাহার দাদাঠাকুর বা পুরোহিতের নিকট সন্ধ্যাকালে প্রায়ই বটতলার রামায়ণ মহাভারতাদি গ্রন্থ শ্রবণ করিত এবং তাহার অনেকাংশ সে আয়ত্ত করিতেও পারিয়াছিল। তাহারই ফলে সে কোন কোন ঘটনায় ঐ সকল গ্রন্থের উপমা প্রয়োগ করিতে অভ্যস্ত হইয়াছিল।

সংসারে রামরতন মণ্ডলের স্ত্রী, তাহার বৃদ্ধা মাতা এবং পাঁচ বৎসরের একটি কন্যা ছিল। ইহা ব্যতীত গৃহে কৃষিকার্যের জন্য দুইজন তাহারই স্বজাতীয় কৃষাণ এবং গরুগুলির তত্ত্বাবধানজন্ত একজন রাধাল ছিল। অনেক বয়স পর্যন্ত রামরতনের সন্তান হইল না দেখিয়া তাহার বৃদ্ধা মাতা খুবই দুঃখিতা ছিলেন এবং স্থানীয় কোন ভদ্র পরিবার বৃন্দাবনে দেবদর্শনে যখন গমন করেন, সেই সময়ে বৃদ্ধা তাঁহাদের হস্তে দশটি টাকা দিয়া বিশেষ করিয়া বলিয়া দেন, ইহাতে যেন শ্রীকৃষ্ণের ভোগ দেওয়া হয়—উদ্দেশ্য

রামরতনের একটি সন্তানলাভ । তাহারই দুই বৎসরমধ্যে কত্যা জন্মগ্রহণ করে । তাই বৃদ্ধা সাধ করিয়া তাহার নাম রাখিয়াছিলেন—রাধারাণী ।

রাধারাণী চাষার মেয়ে, তথাপি তাহার সৌন্দর্য্যের প্রশংসা অনেকের মুখেই শুনা গিয়াছে । রাধারাণী যখন রক্তাভ মাংসল গণ্ড লইয়া একগাল হাসিতে হাসিতে পাড়ার ডাক্তার বাবুর বাড়ী ছুটিয়া বাইত, তখন ডাক্তার বাবুও তাহার প্রশংসা না করিয়া থাকিতে পারিতেন না । রাধারাণীর একটা বিশেষত্ব ছিল, সে প্রায়ই বাড়ী থাকিত না—আহারের সময় তাহার বৃদ্ধা ঠাকুরমা বা পিতা তাহাকে পাড়ার ভিতর হইতে খুঁজিয়া ত্যানিতেন । রাধারাণীর অল্পবয়সের এই কু-অভ্যাসের জন্ত তাহার বৃদ্ধা ঠাকুর-মা যথেষ্ট চিন্তিত হইয়া পড়িয়াছিলেন এবং সময়ে সময়ে তাহার জন্ত দুঃখও করিতেন । কিন্তু বৃদ্ধা একমাত্র নাতিনীর বিরাট স্নেহনীরে যখন অবগাহন করিতেন, তখন সকলই ভুলিয়া গিয়া দেবতার নিকট তাহার অক্ষয় পরমায়ু ও একটি ভাল “বরে”র প্রার্থনা মাত্র করিয়া বসিতেন—উপরে উক্ত কু-অভ্যাসের কথা তাঁহার আর সে সময়ে মনে আসিত না ।

দেখিতে দেখিতে রাধারাণী দশমবর্ষে পদার্পণ করিল । তখন তাহার সৌন্দর্য্য আরও বাড়িয়া উঠিতেছিল । বর্ষার নববারিসম্পাতে ক্ষীণপ্রাণা লতিকার অঙ্গসমূহ সরস হইয়া যেমন নয়নবিমোহন সৌন্দর্য্যের সৃষ্টি করে, তদ্রূপ রাধারাণীর প্রতি অঙ্গের মধ্য হইতে একটা সুখকর সৌন্দর্য্যজ্যোতিঃ আবিভূত হইয়া সকলকেই বিমুগ্ধ করিয়া দিত । সে দিন দিনই সঙ্কোচের পথ পরিত্যাগ করিয়া যেন বিকাশের পথে ছুটিয়া চলিয়াছে । পাড়ার সকলেই বলিত—রাধারাণী যেন প্রকৃতই “রাধারাণী” । বৃদ্ধা তখন মনে মনে যে আনন্দ অহুভব করিতেন, তাহা নরলোকের অদৃশ্য হইলেও, বৃদ্ধাকে এক দিন বলিতে শুনা গিয়াছিল যে, রাণীকে আর কোথাও বেড়াইতে বাইতে দেওয়া হইবে না—পাছে মেয়ের উপর উপদেবতার দৃষ্টি পড়ে ।

(২)

সন ১৩১৭ সাল । এবার গ্রামে ম্যালেরিয়া সর্বসংহারক করাল মূর্তিতে দেখা দিয়াছে । এমন গৃহ নাই, যথায় রুগ্নের আর্তনাদ না শ্রবণগোচর হইতেছে । লোকের পেটজোড়া গ্লীহা, হস্তদ্বয় ক্ষীণ—পঞ্জরের অস্থিস্থলি গণনা করা বাইতেছে । সে এক বীভৎস দৃশ্য ! কোটরগত চক্ষু, নশ্বকে কেশরাশি বিবর্ণ ও দলিত ক্ষেত্রের গ্রায়—দোঁধিলে জদয়ে শকা হয় । •গোগের

যখন পূর্ণ প্রকোপ উপস্থিত হইল, তখনকার সে দৃশ্য বর্ণনাভীত । কে কাহাকে জল দেয়, তাহার ঠিক নাই । পিতা-পুত্র, স্বামী-স্ত্রী—সকলেই যেন মেহের বন্ধন ছিন্ন করিয়াছে । এ যেন মৃত্যুর লীলাক্ষেত্র । ঘরে ঘরে আর্দ্রনাদ—ঘরে ঘরে হাহাকার—ঘরে ঘরে অভাবের বিকট নৃত্য ।

রামরতন মণ্ডলও এই দেশব্যাপী ম্যালেরিয়াজ্বরের হস্ত হইতে নিষ্কৃতি লাভ করিতে পারে নাই । তাহার স্বামিস্ত্রীতে আজ ছয় মাস কাল অনবরত জ্বরভোগ করিয়াছে । এখন রাধারাণীর বয়স ১২ বৎসর । সে পিতা-মাতার কাছছাড়া হয় নাই । পূর্বে যে রাধারাণী কেবল পাড়ায় পাড়ায় ঘুরিয়া বেড়াইত, আজ তাহার এ কি পরিবর্তন ! সে নিজহস্তে পিতামাতার পথ্য প্রস্তুত করে, ঠাকুরমা'কে রন্ধনে সাহায্য করে এবং সময়মত ডাক্তারের নিকট হইতে ঔষধ লইয়া আইসে । আজ কাল তাহার তিলান্ন বিশ্রাম নাই । তাহার ঠাকুরমা'র হৃদয় কাঁপিয়া উঠিত—কম্পিত-কলেবরে বৃদ্ধা অগ্রে তাহার পৌত্রীর মঙ্গলকামনা করিয়া তবে পুত্রপুত্রবধূর মঙ্গলকামনা করিতেন । মেহের কি নিয়গতি !

(৩)

দিন যায়, থাকে না । এইরূপে গ্রামের কত বাক্তির প্রাণহীন দেহ যে ভাগীরথীর বালুকাপূর্ণ বেলাভূমিতে ভস্মসাৎ হইল, কে তাহার সংখ্যা করিবে ? রামরতন ও তাহার স্ত্রী বৃদ্ধা মাতার ও কিশোরী কণ্ঠার মেহবন্ধন ছিন্ন করিল । আজ বৃদ্ধার বুকে যেন একটা পর্ব্বতের চাপ—যাঁহার মুখে আমরা কত রহস্য-কথা শুনিয়াছিলাম, আজ তাঁহার যেন কিছুই নাই ! বৃদ্ধা একটা ভীষণ বিভীষিকায় নিতান্ত অবসন্নহৃদয়ে যেন কিসের প্রতীক্ষায় বসিয়া আছেন ! তাঁহার শুষ্ক—স্নান ওষ্ঠদ্বয় শীতের অস্তোন্মুখ পাণ্ডুর চন্দ্রের ন্যায় রাধারাণীর সন্তোষবিধানজ্ঞ কদাচিৎ কম্পিত হইত মাত্র ।

আজ রাধারাণীর সকলই গিয়াছে । সে নিঃসহায়া বনহরিণীর ন্যায় নিতান্ত ব্যাকুলহৃদয়ে কেবলই হা-হতাস করিতেছে । তাহার মেহময়ী মাতা, মেহশীল পিতা অনন্ত কালের কোন্ অজ্ঞাত ভবনে চলিয়া গিয়াছেন ? তাঁহাদের সঙ্গে সঙ্গে তাহার গোলা-ভরা ধাত্ত প্রভৃতি, পল্লীবাসীরা যাহা লক্ষ্মীর রূপা মনে করে, তাহাও নষ্ট হইয়াছে ! এখন রাধারাণীর একমাত্র অবলম্বন, তাহার বৃদ্ধা ঠাকুরমা । সে এখনও বালিকা । তথাপি তাহার বালিকা-হৃদয়ে বল ছিল—বিশ্বাস ছিল । সে বুঝিয়াছিল যে, রামরতন মণ্ডলের কণ্ঠাকে

গ্রামের দশজন উপেক্ষা করিবে না। তাহার পিতা গ্রামের লোকের কি না করিয়াছিলেন? গ্রামে যখনই তাহার বিপদ উপস্থিত হইয়াছে, তাহার পিতা তখনই তাহার উদ্ধারার্থ চেষ্টা করিয়াছেন। আর আজ তাহারা কি সেই সকল উপকারের কথা এত শীঘ্র বিস্মৃত হইয়া যাইবে? সেই উজ্জল আলোক কি অমাবস্যার গাঢ় অন্ধকারে পরিণত হইবে? সন্ধ্যায় যখন পল্লীখানি নিতান্ত নিস্তব্ধভাবে ধারণ করিত, তখন রাধারাণী তাহার বৃদ্ধা ঠাকুমা'র অস্থিকঠোর বুকে আপনাদি মুখখানি রক্ষা করিয়া নিতান্ত অধীরভাবে এই সকল কথা কহিত। আর বৃদ্ধা একটা একটা করিয়া দীর্ঘনিশ্বাস ফেলিতেন—কদাচিৎ বা তাহার সন্তোষ উৎপাদন জন্ম “হাঁ” কথাটি মাত্র উচ্চারণ করিতেন। এইরূপ নানা কথার পর সে ঘুমাইয়া পড়িত। আর বৃদ্ধা অনন্ত শূন্য হৃদয় লইয়া শয়্যায় ছটফট করিতেন। এইরূপে তাহাদের দুঃখের দিনগুলি চলিয়া যাইতে লাগিল।

(৪)

বাঞ্ছারাম ঘোষ রাধারাণীর পিতার জীবিতকালে তাহাদের বাড়ীতে কৃষাণের কার্য্য করিত। গ্রামে যখন ম্যালেরিয়া জ্বরের লেলিহান শিখা গৃহে গৃহে ফিরিতেছিল, বাঞ্ছারাম তখন কলিকাতায় পলাইয়া গিয়া বড় বাজারের একটা দোকানে কার্য্যে নিযুক্ত হইয়াছিল। দেড় বৎসরপরে যখন ম্যালেরিয়ার প্রকোপ কম হইয়া আসিল, বাঞ্ছারাম তখন গ্রামে ফিরিয়া আসিল এবং তাহার অবস্থাপরিবর্তনের জন্ম নানা প্রকার ফন্দী আবিষ্কার করিতে লাগিল। বাঞ্ছারামের দীর্ঘ বলিষ্ঠ দেহ, বৃহৎ মস্তক, রক্তবর্ণ চক্ষু প্রভৃতি দেখিয়া রাধারাণী শৈশব হইতেই তাহাকে ভয় করিত। এখন কলিকাতায় থাকিয়া তাহার দেহ আরও ক্ষীণ হইয়াছে; আর তাহার কৃষ্ণবর্ণের উপর বার্নিসের আয় একটা জ্যোতি দেখিয়া রাধারাণীর পূর্বতয় যেন দ্বিগুণ বর্দ্ধিত হইল। বাঞ্ছারাম বাড়ী আসিয়াই নায়েবের সঙ্গে যোগ করিয়া রাধারাণীর ৫০ বিঘা উৎকৃষ্ট জোতজমী বন্দোবস্ত করিয়া লইল। নায়েব জমীদারকে বুঝাইয়া দিল, রাধারাণী বালিকা, তাহার ঠাকুরমা বৃদ্ধা—তাহারা এ জোত রক্ষা করিতে পারিবে না; খাজনার টাকার অভাবে এক দিন নীলামে চড়িবে—তাহারও অনর্থক ব্যয়বৃদ্ধি। জমীদার নগদ নজরের টাকা ও খাজনা-বৃদ্ধি পাইয়া বাঞ্ছারামকে উৎকৃষ্ট ৫০ বিঘা জোত বন্দোবস্ত করিয়া দিলেন।

রাধারাণীর ঠাকুরমা ও রাধারাণী এ কথা শ্রবণ করিল, কিন্তু তাহাতে

তাহাদের কোন পরিবর্তনই হইল না । বৃদ্ধা তাঁহার শালগ্রাম শিলার মন্দিরে যাইয়া ভক্তিভরে প্রণাম করিয়া বলিলেন, “ঠাকুর! তোমার মর্যাদা তুমি যদি রক্ষা করিতে না পার, নিঃসহায় আমি—তাহার কি করিতে পারি? তবে দেখিও, ঠাকুর! রাণীর যেন কোন অমঙ্গল না হয়।”

বাঞ্ছারামের একটি পুত্র ছিল, তাহার নাম কৈলাস । কৈলাসের সঙ্গে রাধারানী শৈশবে অনেক খেলা করিয়াছে । তাহার প্রকৃতি তাহার পিতার প্রকৃতির বিপরীত । সে গ্রাম্য পাঠশালায় যতটুকু লিখাপড়া শিক্ষা করিয়াছিল, তাহাতে সে বেশ বুঝিয়াছিল যে, ধর্ম্মার্থের একটা সাকার মূর্ত্তি না থাকিলেও মানবের হৃদয়ে সে মূর্ত্তির বিকাশ অবশ্যস্বাভাবী । সে পাঠশালার গুরুমশায়ের নিকট—“কখনও মিথ্যা কথা কহিবে না”, “কাহারও অনিষ্ট করিবে না”— ইত্যাদি নীতি-বাক্যের মর্ম্ম বয়োবৃদ্ধির সঙ্গে সঙ্গে আপনার অন্তঃকরণে অঙ্কিত করিতে যথেষ্ট প্রয়াস পাইয়াছিল; সুতরাং তাহার ফলে সে তাহার পিতার ব্যবহারে মর্ম্মাস্তিক ব্যথা অনুভব করিয়াছিল । তাহার পিতা যখন রাধারানীর ৫০ বিধা জ্যোত আত্মসাৎ করিয়াছিল, তখন কৈলাস নিতান্ত অধীর-হৃদয়ে রাধারানীদের বাড়ী উপস্থিত হইয়া তাহাকে ও তাহার বৃদ্ধা ঠাকুরমা’কে সাস্থনা প্রদান করিতে চেষ্টা করিয়াছিল । কিন্তু রাধারানীর বৃদ্ধা ঠাকুরমা তাহার প্রতি রুষ্ট না হইলেও তাহারই পিতার ব্যবহারে মর্ম্মাস্তিক ক্ষুব্ধ হইয়া পড়িয়াছিলেন । যে বাঞ্ছারাম তাঁহার বাড়ীতে—তাঁহার পুত্রের আমল হইতে ৩০ বৎসর যাবৎ সামান্য কৃষাণের কার্য্য করিয়া জীবিকা নির্বাহ করিত, সে একমুষ্টি অন্ন ও পরিবারবর্গের বস্ত্রাদির জ্ঞাত কত দিন বৃদ্ধার পদতলে মস্তক লুপ্তিত করিতেও কুণ্ঠিত হয় নাই, কালমাহাত্ম্যে তাহার আজ এ কি ব্যবহার! বৃদ্ধা কোন-রূপেই ইহার কারণ খুঁজিয়া বাহির করিতে পারিতেন না । অনেক চিন্তার পর শেষে তিনি “অদৃষ্টে”র দোহাই দিয়া নিশ্চিন্ত হইলেন ।

(৫)

এখন রাধারানীর বয়স চতুর্দশ বৎসর । যৌবন তাহার সৌন্দর্য্যে সম্পূর্ণতা দান করিয়াছে । ঠাকুরমা আহার-নিদ্রা পরিত্যাগ করিয়াছেন, কি করিয়া তাহার বিবাহ দিবেন । সে এখন বড় হইয়াছে । রাধারানী নির্ভয়ে তাহার বৃদ্ধা ঠাকুরমা’কে বলিয়াছে, “তুমি জীবিত থাকিতে আমি বিবাহ করিব না।” এই বৃদ্ধখ্যসে রামরতন মণ্ডলের মা যে তাঁহার নাতিনী-জামাই-ঘরে গিয়া

একমুষ্টি অন্নের জন্য বাস করিবেন, এ চিন্তা তাহার পক্ষে অসহনীয়। বৃদ্ধা তাহাকে অনেক করিয়া বুঝাইলেন; কত দৃষ্টান্ত দিলেন। কিন্তু রাধারাণী অটল; সে যে পণ করিয়াছে, তাহা কিছুতেই ভঙ্গ হইবে না। এ সংসারে রাধারাণীর ভালবাসার পাত্র কেহ ছিল না। সে তাহার সরল হৃদয়ে সকলকেই ভালবাসে; কিন্তু যৌবনের প্রেম কাহাকে বলে, রাধারাণী তাহা কখনও উপলব্ধি করে নাই। সে কৈলাসের ব্যবহারে যথেষ্ট প্রীতি অনুভব করিত — কৈলাসকে স্নেহ করিত। সে শৈশব হইতে কৈলাসকে খেলার সাথী জ্ঞানে স্নেহ করিয়া আসিয়াছে। কিন্তু কোনও দিন তাহাদের উভয়ের মধ্যে প্রণয়ের কোন অভিনয় হইতে দেখা যায় নাই—কেবল একটা প্রীতির ভাব ছিল, এই পর্য্যন্ত। কৈলাসের পিতা যখন তাহাদের এইরূপে সর্বনাশ সাধন করিতে-ছিল, তখনও রাধারাণী কৈলাসের ব্যবহারে মুগ্ধ হইয়া তাহাকে স্নেহ হইতে বঞ্চিত করিতে পারে নাই। কৈলাসও তাহাদের প্রতি যথেষ্ট অনুরক্ত ছিল; তাহার পিতা যে রাধারাণীর পিতার ক্রপাতেই গ্রামে বাস করিতে পারিয়াছিল, তাহা সে ভুলে নাই।

যাহা হউক, এক দিন বাজারাম রাধারাণীর ঠাকুরমা'র নিকট উপস্থিত হইয়া নানা প্রকার মিষ্টকথার পর তাহার পুত্রের সহিত রাধারাণীর বিবাহের কথা উত্থাপিত করিল। বৃদ্ধা স্নগায় তাহার মুখ হইতে স্বীয় দৃষ্টি অপসারিত করিয়া লইয়া গৃহান্তরে গমন করিলেন। বাজারাম অপমানিত হইয়া প্রতিজ্ঞা করিল, তাহাদিগের সর্বনাশ করিয়া তাহাদিগকে গ্রাম হইতে তাড়াইবে। বাজারাম জমীর ফসলে ও পাটের চাষে যথেষ্ট লাভবান হইয়া উঠিতেছিল। পাটের দর খুবই চড়া, তাই বাজারাম ধনমদে এতদূর দৃগু হইয়া উঠিয়াছিল যে, গ্রামের কাহাকেও মন্থন বলিয়া সে মনে করিত না।

(৬)

কৈলাস ও পাড়ার ডাক্তার বাবু ছদ্মিনে বৃদ্ধার সাহায্য করিতেছিলেন। তাহাদের যখনই অন্ন-বস্ত্রের ও ঠাকুরের সেবার অভাব হইত, তখনই কৈলাস ডাক্তার বাবুর সঙ্গে পরামর্শ করিয়া গোপনে সে অভাব পূর্ণ করিয়া দিত। একদিন রাধারাণী ঠাকুর-দর পরিষ্কার করিতে করিতে ভাবিতেছে, এ কি? কৈলাস আমার কে? সে তাহার পিতার অজ্ঞাতসারে আমাদের প্রতি একপ সদয় ব্যবহার করে কেন?—এমন সময়ে কৈলাস আসিয়া উপস্থিত। রাধারাণী তাহার প্রশ্নান্ত নিম্নোক্তল নয়নের দৃষ্টি কৈলাসের মুখে স্থাপিত

করিয়া অশ্রু বিসর্জন করিতে করিতে বলিল, “কৈলাস! তোমার ঋণ আমরা কখনও পরিশোধ করিতে পারিব না।” কৈলাস কোন উত্তর দিতে পারিল না; সেও তাহার সঙ্গে অশ্রু বিসর্জন করিল।

এই দিন একটা নূতন ভাব তাহাদের হৃদয়ে প্রবেশ করিয়া একটু বসিবার স্থান অন্বেষণ করিতেছিল, তাহারা পরস্পরের প্রতি আকৃষ্ট হইতেছিল। কৈলাসের পিতার অনুরোধ ও ভয়প্রদর্শন বাহ্য করিতে পারে নাই, কৈলাসের ব্যবহারে তাহাই যেন সম্পাদিত হইতে চলিল। কিন্তু রাধারাণীর প্রতিজ্ঞা, সে বিবাহ করিবে না। সে বিবাহ করিলে পিতামহীর কি হইবে? আবশ্যক হইলে সে গ্রাম ত্যাগ করিতে প্রস্তুত ছিল। কিন্তু কৈলাস তাহাকে অভয় দিয়াছিল।

কৈলাসের সেই কথায় রাধারাণীর হৃদয়ে একটা পরিবর্তনের সূর বঙ্কায় দিয়া উঠিয়াছিল। রাধারাণী কিছুতেই স্থির করিতে পারে না, পিতার ব্যবহার নিষ্ঠুর হইলেও, পুত্রের মন এমন সহানুভূতিপূর্ণ কেন? মানব-চরিত্রের রহস্যদ্বার উন্মোচনের ক্ষমতা তাহার ছিল না, কিন্তু কৈলাসের প্রতি অনুরাগে তাহার হৃদয় পূর্ণ হইয়া উঠিতেছিল।

(৭)

দিন যায়—থাকে না। অতি দুঃখের রাত্রিও প্রভাত হয়—সুতরাং রাধারাণীদের দুঃখের দিনগুলিও কাটিতে লাগিল। একদিন রাধারাণী নীরবে বসিয়া ভাবিতেছে, এ কি হইল? তাহাদের বড় বড় ঘরগুলির চালে খড় নাই; বাড়ীর উঠান তুণে পরিপূর্ণ, বিষ্ণুমন্দিরের বারান্দায় রাশীকৃত আবর্জনা। এ কি হইল! সে এক দিনও ইহার জন্য অশ্রুপাত করে নাই। কিন্তু আজ সে আর স্থির থাকিতে পারিল না। একটা অব্যক্ত বেদনায় তাহার হৃদয় চঞ্চল। তাহার উপর তাহার ঠাকুরমা শয্যাশায়ী। তাহার বড় বড় চক্ষু দুইটি জলে পূর্ণ হইয়া গেল। এমন সময়ে কৈলাস ঔষধ লইয়া আসিল। সে বৃদ্ধার জন্য দূর গ্রামে কবিরাজের নিকট ঔষধ আনিতে গিয়াছিল। আবার সন্ধ্যায় কবিরাজের নিকট যাইতে হইবে। কৈলাস জিজ্ঞাসা করিল, “রাধারাণি, ঠাকুরমা কেমন আছেন? কি করিয়া তোমাকে এই বিপদ হইতে উদ্ধার করিব!” রাধারাণীকে কাঁদিতে দেখিয়া কৈলাসও বালকের আশ্রয় কাঁদিয়া ফেলিল।

তাহার পর? তাহার পর সেই দিন রাত্রিকালে রাধারাণীদিগের তিন

মহাল বাড়ীর সাতখানি খড়ের চালে অগ্নি জলিয়া উঠিল। অগ্নিদেব তাঁহার সহস্র শিখা বিস্তার করিয়া গৃহ হইতে গৃহান্তরে ছুটিতে লাগিলেন। কাহার সাধ্য, সেই অগ্নিকুণ্ড ভেদ করিয়া রাধারানী ও তাহার শয্যাশায়ী পিতামহীর উদ্ধার সাধন করে? সকলেই হায়! হায়! করিতে লাগিল; কিন্তু কেহই অগ্নিমধ্যে প্রবেশ করিয়া জীবন বিপন্ন করিতে চাহিল না।

এই সময় কৈলাস একখানি সিল্ক কস্মলে সৰ্ব্বাঙ্গ আবৃত করিয়া উন্মত্তের ন্যায় সেই অগ্নিরাশি ভেদ করিয়া রাধারানীর গৃহদ্বারে উপস্থিত হইল। রাধারানী তখন তরঙ্গ-তাড়িত তৃণধণ্ডের ন্যায় কেবলই ছুটিয়া বেড়াইতেছে। কি উপায়ে বুদ্ধাকে গৃহ হইতে বাহির করিবে, বুঝিতে না পারিয়া রাধারানী যেমন পিতামহীর গৃহে প্রবেশ করিবে, অমনই বংশনিম্নিত চাল ধসিয়া পড়িল—রাধারানী তীব্র যন্ত্রণায় নিতান্ত কাতর হইয়া “মা গো” বলিয়া একবার আর্তনাদ করিল মাএ। রাধারানী মূর্ছিত হইয়া পড়িয়া যাইবে—এমন সময়ে কৈলাস আসিয়া তাহাকে বাহ্যুগলে বেষ্টিত করিয়া ধরিল। কৈলাস তাহাকে বাহিরে আনিবে, এমন সময় একখানা বড় চাল তাহাদের নিকট পড়িয়া গেল। চতুর্দিকে অগ্নি জলিয়া উঠিল—রাধারানী কৈলাসের স্বন্ধে তাহার মস্তক রাখিয়াছিল—সে মস্তক আর সে তুলিবার অবসর পাইল না। তাহারা উভয়ে সেই অবস্থায় সেই প্রবল অগ্নিতে ভস্মীভূত হইয়া গেল।

*

*

*

*

আর বাজারাম? সে এখন উন্মাদ হইয়াছে। পান্থবর্তী দশখানা গ্রামের লোক তাহাকে দেখিলে তাহার প্রতি অঙ্গুলিনির্দেশ করিয়া বলিয়া থাকে—বাজারাম! যেমন কস্ম, তেমনই ফল!

শ্রীভারদাস চট্টোপাধ্যায়।

ফরাসী-বিপ্লবের ইতিহাস ।

নবম অধ্যায় ।

(২)

মহামতি মিরাবো লোকান্তরিত হইলে ফরাসীরাজ নিতান্ত নিঃসহায় হইয়া পড়িলেন । তিনি সেই সমাগরা রাজ্যের অধীশ্বর হইয়াও অহর্নিশি লাক্ষিত হইতেছেন—অতুল ঐশ্বৰ্য্যের অধিকারী হইয়াও দীনহীন দরিদ্রের ত্রায় অর্থকষ্টে কালাতিপাত করিতেছেন । টুইলারি-প্রাসাদ তাঁহার কারাগৃহ । তিনি সপরিবারে রাজনৈতিক বন্দীর ত্রায় যৎপরোনাস্তি ক্লেশ পাইতেছেন । অবশেষে দুঃখের প্রবল পেষণে নিষ্পেষিত হইয়া তিনি পলায়নের নিমিত্ত কৃতসঙ্কল্প হইলেন । কিন্তু অহর্নিশি প্রহরিতে প্রহরিতে টুইলারি-প্রাসাদ হইতে পলায়ন সহজ ব্যাপার নহে । তথাপি বন্দীর ত্রায় জীবন ধারণ অপেক্ষা পুরুষকারের সাহায্য গ্রহণে অন্ততঃ একবার দুঃখ-দশা বিমোচনের চেষ্টা করা কর্তব্য, এইরূপ চিন্তা করিয়া তিনি সেনাপতি-প্রবর বোলির সহিত মন্ত্রণায় প্রবৃত্ত হইলেন ।

বোলি ফরাসীরাজের নিতান্ত অল্পবয়স্ক । তিনি যুদ্ধ-বিভাগের উচ্চতম কর্মচারীর পদে নিযুক্ত । ফরাসীরাজের সর্কশক্তি বিলুপ্ত হইবার পর হইতে তিনি জাতীয় সমিতির প্রাধান্য স্বীকার করিয়া কার্য্য করিতেছেন; কিন্তু রাজ-পরিবারবর্গের প্রতি তাঁহার সাতিশয় অজুরাগ । তিনি ইত্যাগ্রে জাঙ্গি নগরের বিদ্রোহ দমন পূর্বক প্রতিষ্ঠা লাভ করিয়াছিলেন । এইক্ষেণে রাজার অনন্ত দুঃখ দৃষ্টে ব্যথিত হইয়া তিনি রাজপরিবারবর্গের পলায়নে সাহায্যের নিমিত্ত উপায় উদ্ভাবনে প্রবৃত্ত হইলেন ।

বিদেশীয় শত্রুগণের আক্রমণ নিবারণের নিমিত্ত তিনি প্রদেশে সৈন্ত সংস্থাপনের আবশ্যকতা প্রতিপাদন পূর্বক মণ্টমেডি নগরে তাঁহার বিশ্বস্ত সৈন্তগণকে সমবেত করিলেন ; প্যারিস হইতে মণ্টমেডি গমন করিতে হইলে সর্বাগ্রে বণ্ডি, তৎপরে চ্যালন্স, তৎপরে সমভিলি নগরে যাইতে হয় । সমভিলি হইতে কিয়দূরে মণিহোল্ড নগর অবস্থিত । মণিহোল্ড অতিক্রম করিয়া অগ্রে ফ্লারমেণ্ট, তৎপরে ভেরিনিছ নগরে গমন করিতে হয় । মণ্টমেডি নগর ভেরিনিছের অনতিদূরে অবস্থিত । প্যারিস নগর

হইতে সীমান্ত প্রদেশের সৈনিকগণের আবশ্যক ব্যয় নির্বাহের নিমিত্ত মধ্যে মধ্যে প্রচুর অর্থ প্রেরিত হইয়া থাকে। সেই জন্য সমগ্র রাজবন্দী সুরক্ষিত হওয়া আবশ্যক, এইরূপ ছলনা করিয়া বোলি প্রাপ্ত নগরসমূহে ক্রিয়পরিমাণে সৈন্য সংস্থাপিত করিলেন। রাজপরিবারবর্গ প্যারিস হইতে যে শকটে বঙ্কিনগর পর্য্যন্ত গমন করিবেন, ফারছন নামক জনৈক সুইটজার-ল্যান্ডদেশীয় যুবক সেই শকটপরিচালনের ভার গ্রহণ করিলেন। বুডো নামক রাজভক্ত সেনাপতি চল্লিশ জন অশ্বরোহী সৈনিক সমভিব্যাহারে বঙ্কি হইতে সমভিলি নগর পর্য্যন্ত রাজশকটের প্রহরীর কার্যে নিযুক্ত হইলেন। পলায়নের নির্দিষ্ট দিবসে সমভিলি নগরের সেতুপথে জনসাধারণের গমনা-গমন নিষিদ্ধ হইল। সেনাপতিপ্রবর ড্যাগুস মণিহোল্ড হইতে ফ্লারমাট নগর পর্য্যন্ত একদল অশ্বরোহী সহভিব্যাহারে রাজপরিবারবর্গের শরীর রক্ষণে নিযুক্ত হইলেন। ফ্লারমাট নগরে একদল এবং ভেরিনিছ নগরে একদল অশ্বরোহী সংস্থাপিত হইল।

যুরোপের এক দেশ হইতে দেশান্তরে গমন করিতে হইলে উপযুক্ত রাজকর্মচারিগণের নিকট হইতে অনুমতি-পত্র গ্রহণ করা আবশ্যক। রাজ-পরিবারবর্গ কতকগুলি কাল্পনিক নামে পরিচিত হইয়া অনুমতি-পত্র সংগ্রহে কৃতকার্য হইলেন। রাজপুত্র ও রাজকন্যার শিক্ষয়িত্রী ম্যাডাম ডি টুর্জেঁল ব্যারন ডি কফ'নাম্নী সম্ভ্রান্ত মহিলা বলিয়া পরিচিতা হইলেন। রাজপুত্র ও রাজকন্যা কফের কন্যাভয়ের এবং রাজ্ঞী তাঁহাদের শিক্ষয়িত্রীর স্থান অধিকার করিলেন। রাজভগিনী ব্যারন ডি কফের আশ্রিতা মহিলা এবং রাজা তাঁহার ভৃত্য বলিয়া পরিচিত হইলেন। এইরূপে রাজপরিবারস্থ সকলে ছদ্মবেশ ধারণ করিলেন। অচিরে মহানাট্যের অভিনয় হইবে। অচিরে তাঁহারা পার্থিব সুখ অথবা পার্থিব দুঃখের চরম সীমা দৃষ্টি করিবেন। তাঁহারা শকটময় ভীষণ পরীক্ষাস্থলে দণ্ডায়মান। তাঁহারা সুখ ও দুঃখ-সাগরের সন্ধিস্থলে দণ্ডায়মান। পাদবিক্ষেপনকালে পদস্থলন হইলেই সর্বনাশ।

২০শে জুন (১৭৯১ খৃঃ) রাত্রি একাদশ ঘটিকাকালে আহায়াস্তে রাজ-পরিবারবর্গ প্রাসাদ হইতে নিষ্ক্রান্ত হইলেন। রাজা, রাজপুত্র, রাজকুমারী, রাজভগিনী ও ম্যাডাম ডি টুর্জেঁল প্রাসাদ পরিত্যাগ পূর্বক থিয়েটার বন্দর নামক প্যারিস নগরের সুপ্রসিদ্ধ বন্দরসান্নিধ্যে আগমন করিলেন।

তথায় এম্ ডি ফারছন শকটসমভিব্যাহারে তাঁহাদের আগমন প্রতীক্ষা করিতেছিলেন। তাঁহারা শকটারোহণ পূর্বক রাজ্যীর আগমন প্রতীক্ষা করিতে লাগিলেন। রাজ্যার সহিত একত্র প্রাসাদের বহির্দেশে আগমন করিলে প্রহরীগণের মনে পাছে সন্দেহ উপস্থিত হয়, এই আশঙ্কা করিয়া রাজ্যী জনৈক বিখ্যস্ত ভৃত্য সমভিব্যাহারে প্রসাদত্যাগ করিয়া স্বতন্ত্র পথে গমন করিলেন। কিন্তু নগরের রাজবন্ধ্যাসমূহ রাজ্যী এবং তাঁহার ভৃত্য উভয়েরই অপরিচিত। সুতরাং অন্ধ ব্যক্তি অন্ধ কর্তৃক পথ প্রদর্শিত হইলে যদ্রূপ ঘটনা থাকে তাহাই ঘটিল। তাঁহারা দুইজন বহুক্ষণ যাবৎ বহু দূর পর্য্যন্ত ভ্রমণ করিয়াও নির্দিষ্ট স্থানে উপস্থিত হইতে পারিলেন না। পশ্চিমধ্যে এক স্থানে সেনানৈত্বের ল্যাফাইটি শকটারোহণে আগমন করিতেছেন দেখিয়া রাজ্যীর হৃৎকম্প হইল। তিনি তখন শশব্যস্ত হইয়া একটি সুরহৎ অট্টালিকার গুপ্ত শ্রেণীর অন্তরালে আশ্রয় গ্রহণ করিলেন। অনন্তর দিশাহারা হইয়া বহুক্ষণ যাবৎ বহু স্থান পর্য্যটন করিয়া অবশেষে তাঁহারা ফরাসি-রাজ্যের সহিত সন্নিগিত হইলেন।

রাজ্যী শকটারোহণ করিবামাত্র শকট প্যারিস নগর হইতে যাত্রা করিয়া কয়েকঘণ্টাকালমধ্যেই বণ্ডি নগরে উপনীত হইল। বণ্ডি নগরে আগমন করিয়া রাজা ও রাজ্যী এক শকটে এবং রাজপুত্রকন্যা, রাজভগিনী ও শিক্ষয়িত্রী দ্বিতীয় শকটে আরোহণ করিলেন। অনন্তর শকট চ্যালন্স নগরে উপস্থিত হইল। তখন রাজ্যীর আনন্দের আর পরিসীমা রহিল না। বিপদ-সাগর উত্তীর্ণ হইয়া অপর প্রান্তে নির্মলে আগমন করিয়াছেন মনে করিয়া তিনি বলিয়া উঠিলেন, “আর ভয় নাই আমরা পরিত্রাণ পাইয়াছি।” অনভিজ্ঞ ব্যক্তিগণ সংসারের জটিলতা উপলব্ধি করিতে অক্ষম। চক্রান্তনিহিত অনন্ত চক্রের সম্মুখে যে বিশ্ব সংসার রচিত তাহা সরল-প্রকৃতি ব্যক্তিগণ হৃদয়ঙ্গম করিতে সমর্থ নহেন। যিনি বাহুবলে বাহুভেদের ন্যায়, বুদ্ধিবলে সেই চক্রসমষ্টি ভেদ করিতে পারেন তিনিই প্রকৃত জ্ঞানী। কিন্তু সেই বাহু, সেই চক্রান্ত-নিহিত চক্র ভেদ করা রাজপরিবারবর্গের সাধ্যাতীত। রাজাও রাজ্যীর ন্যায় অনভিজ্ঞ। চ্যালন্স নগরে আগমন করিয়া বিপজ্জালমুক্ত হইয়াছেন মনে করিয়া তিনি সেই নগরে প্রকাশ্যভাবে ভ্রমণ করিতে লাগিলেন। বহু সংখ্যক ব্যক্তি তাঁহাকে চিনিতে পারিল। তাহাদের দুঃখভিক্ষা থাকিলে রাজপরিবারবর্গ এই স্থানেই বিপদগ্রস্ত হইতেন। কিন্তু সৌভাগ্যক্রমে তাহারা

কোন প্রকার শত্রুতা সাধনে প্রবৃত্ত হইল না। চ্যালন্স নগর হইতে যাত্রা করিয়া রাজপরিবারবর্গ সমভিলি নগরে নির্ঝিলে আগমন করিলেন। সমভিলি সেতুসন্নিধানে সোনানায়ক বুডো অঝারোহী সৈন্য সমভিব্যাহারে উপস্থিত থাকিবেন এইরূপ স্থির ছিল। কিন্তু সেতুসন্নিধানে অঝারোহী না দেখিয়া তাঁহাদের আনন্দে নিরানন্দ হইল। এখন তাঁহারা অনন্যোপায় হইয়া অরক্ষিতভাবে মণিহোল্ড নগরে যাওয়া করিলেন। মণিহোল্ড নগরে উপনীত হইলেই তাঁহাদের বিপদের প্রপাত হইল।

বিধাতা বিমুখ হইলে অভাবনীয় কারণ হইতে বিষম বিপত্তির উৎপত্তি হইয়া থাকে। বক্ষ্যমাণকালে ফরাসিদেশে জাতীয় সমিতির আদেশে ধাতু-মুদ্রার ত্রায় কাগজ-মুদ্রাও প্রচলিত হইয়াছিল। কাগজ-মুদ্রার উপরিভাগে ফরাসিরাজের প্রতিমূর্তি অঙ্কিত থাকিত। রাজপরিবারবর্গ মণিহোল্ড নগরে আগমন করিলে, ড্রয়েট নামক ডাকঘরের কর্মচারী কাগজে মুদ্রাঙ্কিত রাজ-মূর্তির সহিত আগন্তুকগণের মধ্যে জনৈক ব্যক্তির সৌসাদৃশ্য অবলোকনে বিশ্বাসাপন্ন হইলেন। শকটদ্বয় মণিহোল্ড হইতে যাত্রা করিয়া কিয়দূর অগসর হইলে ফরাসিরাজ সপরিবারে পলায়ন করিয়াছেন, এইরূপ সন্দেহ করিয়া ড্রয়েট তাঁহাদের অনুসরণের নিমিত্ত জনৈক দ্রুতগামী অঝারোহী প্রেরণ করিলেন। রাজপরিবারবর্গের শরীর-রক্ষকগণে মণিহোল্ড নগরে যে সমস্ত অঝারোহী সংস্থাপিত হইয়াছিল, তাহাদের সেনাপতি ড্রয়েটের কার্যকলাপ দৃষ্টে সন্দিহান হইয়া অঝারোহিগণকে অবিলম্বে রাজশকট-সন্নিধানে ধাবমান হইবার নিমিত্ত আদেশ প্রদান করিলেন। কিন্তু ড্রয়েট রাজপরিবারবর্গের পলায়নবৃত্তান্ত মণিহোল্ড নগরের জাতীয় সৈন্যগণের সমক্ষে প্রচার করিয়াছিলেন। জাতীয় সৈন্যগণ শরীর-রক্ষক অঝারোহিগণের অশ্বশালা বেঞ্জন পূর্বক সশস্ত্র শ্রেণীবদ্ধ ভাবে দণ্ডায়মান হইল। স্মরণ্য, শরীর-রক্ষকগণ অঝারোহণে সমর্থ হইল না। উপায়ান্তর দৃষ্টি না করিয়া অঝারোহিদলের নেতৃপ্রবর ড্রয়েট-প্রেরিত অঝারোহীর প্রাণ সংহারের নিমিত্ত একটি দ্রুতগামী অশ্বে জনৈক রাজভক্ত সৈনিক পুরুষকে প্রেরণ করিলেন। রাজভক্ত সৈনিক অত্যল্প কালমধ্যেই ড্রয়েটপ্রেরিত অঝারোহীর সমীপ-বর্তী হইল। কিন্তু ড্রয়েটদূত অটরে নিবিড় অরণ্যমধ্যে প্রবেশ করিয়া অনুসরণকারী সৈনিকের দৃষ্টির বহির্ভূত হইল।

অনন্তর রাজশকটদ্বয় ক্লারমন্ট নগরে উপনীত হইত। এই স্থানে বোলিও

আদেশক্রমে রাজপরিবারবর্গের সাহায্যের নিমিত্ত কতকগুলি অশ্বারোহী সৈনিক সংস্থাপিত হইয়াছিল। সেই সৈনিকগণের নায়ক তাহাদিগকে রাজশকট সমভিযাহারে গমনের নিমিত্ত আদেশ প্রদান করিলেন। কিন্তু বিপ্লবসমাগমে রাজার বিশ্বস্ত সৈনিকগণেরও চলচিত্ততা উপস্থিত হইয়াছে। অশ্বারোহিণ রাজপরিবারবর্গ পলায়ন করিয়াছেন শুনিয়া তাহাদিগকে সাহায্য প্রদান করিতে অস্বীকৃত হইল। উপায়ান্তর দৃষ্টি না করিয়া রাজপরিবারবর্গ প্রহরিবিহীন হইয়া ভেরিনিছ নগরে যাত্রা করিলেন।

দুর্দশাগ্রস্ত ব্যক্তির পদে পদে বিপদ। ভেরিনিছ নগরে শৌছিবাযাত্র শকটদ্বয়ের অশ্ব পরিবর্তিত হইলে, রাজপরিবারবর্গ নির্ঝিল্পে পলায়ন করিতে সমর্থ হইতেন। কিন্তু দুর্ভাগ্যক্রমে তাহাতেও এক বিয় উপস্থিত হইল। অশ্ব পরিবর্তনের নিমিত্ত বৌলি এই স্থানে স্বীয় পুত্রের তত্ত্বাবধানে কয়েকটি দ্রুতগামী অশ্ব সুসজ্জিত রাখিয়াছিলেন। কিন্তু বৌলিপুত্র নিরুপিত স্থানে উপস্থিত না থাকিয়া নগরের অপর প্রান্তে অশ্বসহ রাজপরিবারবর্গের নিমিত্ত প্রতীক্ষা করিতেছিলেন; অথচ ভ্রমবশতঃ স্থানপরিবর্তনের সংবাদ করাসিরাঙ্গকে প্রদান করেন নাই। নিরুপিত স্থানে অশ্ব দেখিতে না পাইয়া রাজপরিবারবর্গ সাতিশয় উদ্বিগ্ন হইলেন। সংবাদ প্রাপ্তির নিমিত্ত ব্যগ্র হইয়া রাজ্যী পদভ্রমে দ্বারে দ্বারে অনুসন্ধান করিতে লাগিলেন; কিন্তু বৌলির পুত্রের সন্ধান পাইলেন না। উপায়ান্তর দৃষ্টি না করিয়া রাজা শকট-চালকে অশ্বপরিবর্তন না করিয়াই শকট চালনা করিতে বলিলেন। কিন্তু শকটচালক ইতস্ততঃ করিতে লাগিল। এইরূপে কয়েক ঘণ্টাকাল ব্যথা অতিবাহিত হইতে বৌলিপুত্র অশ্বসহ রাজপরিবারসমীপে আগমন করিলেন। তখন অশ্ব পরিবর্তনের পর শকট চলিতে আরম্ভ করিল। কিন্তু ইত্যবসরে ভেরিনিছ নগরে ড্রয়েট আসিয়া উপস্থিত হইয়াছেন। তৎপ্রেরিত অশ্বারোহীর কোন সংবাদ না পাইয়া তিনি স্বয়ং ভেরিনিছ নগরে আসিয়া নগরস্থ জাতীয় সৈন্যগণের নিকট রাজপরিবারবর্গের পলায়নবৃত্তান্ত জ্ঞাপন করিয়াছেন। রাজশকটদ্বয় নগরের সেতুসন্নিধানে আগমন করিলে রাজা দেখিলেন যে, জাতীয় সৈন্যগণ কর্তৃক সেতুপথ অবরুদ্ধ; সুতরাং বল-প্রয়োগ ভিন্ন পলায়নের সম্ভাবনা নাই। রাজশকটে দুইজন যাত্র বন্দুকধারী ছিল। তাহারা শত্রুগণের ব্যুহভেদ করিতে ক্লতসঙ্কল্প হইয়া বন্দুক উত্তোলন পূর্বক দণ্ডায়মান হইল। তদৃষ্টে জাতীয় সৈন্যগণ শকটের

প্রতি লক্ষ্য করিয়া শতাধিক বন্দুক যুগপৎ উত্তোলিত করিল। রাজা অবরোধকারিগণের বলাধিক্য দৃষ্টে সান্নিধ্যকে বলপ্রয়োগ করিতে নিষেধ করিলেন।

(ক্রমশঃ)

শ্রীসুরেন্দ্রনাথ ঘোষ।

গ্রন্থ-পরিচয়।

নির্কাসন-কাহিনী।*

এই গ্রন্থের লেখক মহাশয় বঙ্গদেশে ও বাঙ্গালা সাহিত্যে সুপরিচিত। তিনি ধর্মপ্রাণ ধর্মপ্রচারক ও বক্তা বলিয়া বিখ্যাত ছিলেন। শেষে তিনি গুপ্ত রাজনৈতিক কারণে নির্কাসিত হয়েন। আলোচ্য পুস্তকখানি তাঁহার নির্কাসনের কথায় পূর্ণ। যে সরলতা ও সরসতাগুণে মনোরঞ্জন বাবুর বক্তৃতা শুনিতে চ্যুতমুকুলগন্ধাক্রুষ্ট ভ্রমরের মত দলে দলে শ্রোতার সমাগম হইত, আলোচ্য পুস্তকে সেই দুই গুণই বর্তমান। স্বজনবিরহিত অবস্থায় কারাগারে মনোরঞ্জন বাবু যেরূপ শাস্তিতে বাস করিয়াছিলেন—কারা বাসকে যেরূপ সাধনসহায় করিয়াছিলেন, তাহা ভাবিলে বিস্মিত হইতে হয়। কারাগৃহে তিনি এমনই শাস্তিতে বাস করিয়াছিলেন যে, মুক্তিসংবাদ পাইবার কথায় লিখিয়াছেন,—“চৌদ্দ মাস কাল যে ঘরে বাস করিয়াছি, যে উদ্ভানে ভ্রমণ করিয়াছি, আজ তাহা ছাড়িয়া যাইব ভাবিয়া মনে সত্যই কিছু ক্লেশ হইল। আমার রান্নাঘরের কাছে আমি ক্ষুদ্র একটি ধনিয়া-ক্ষেত করিয়াছিলাম, পুনঃ পুনঃ সেই ক্ষেতের কাছে গিয়া ধনে গাছগুলিকে স্পর্শ করিতে ও সেগুলির আশ্রাণ লইতে লাগিলাম। যেখানে যেখানে রোজ বেড়াই, সেই সব স্থানে বেড়াইতে লাগিলাম। আরাম-কেদারায় বসিয়া নীল আকাশ ও সবুজ বৃক্ষ দেখিয়া লইলাম। আর আমার সেই মার্জার-

* নির্কাসন-কাহিনী—শ্রীমনোরঞ্জন গুহ ঠাকুরতা-প্রণীত। প্রকাশক—শ্রীনিত্যরঞ্জন গুহ ঠাকুরতা—গিরিডি। মূল্য আট আনা মাত্র।

পরিবার, তাহারা সংখ্যায় এখন আটটি ; তাহাদিগকে পরিত্যাগ করিয়া যাইতে হইবে ভাবিয়া মনে বড়ই ক্লেশ হইতে লাগিল । তাহারা কিছুমাত্র বুঝিতে পারে নাই যে, এতদিন যে ব্যক্তি তাহাদের আশ্রয় ও প্রতিপালক ছিল, সে আজ হঠাৎ তাহাদিগকে পরিত্যাগ করিয়া চলিয়া যাইবে । আত্মীয় আমার বড়ই আদরের ছিল । রাত্রিতে আমি কখনও কখনও আহারের পূর্বে ঘুমাইয়া পড়িতাম, আত্মীয় সম্মুখের দুইটি পা আমার খাটের উপর তুলিয়া দিয়া আমাকে ঠেলিয়া জাগাইত, কিন্তু আমার গায়ে নখর লাগিত না ; মকমলের ন্যায় কোমল ক্ষুদ্র পায়ের যুহু আঘাতে আমি জাগিয়া দেখিতাম, আত্মীয় আমাকে ঠেলিতেছে, অমনি আমি বুঝিতাম যে, নটা বাড়িয়াছে, আমার রাত্রির আহারের সময় হইয়াছে । আহারের পর বিভাল-পরিবার প্রসাদ পাইবে, তাই আমাকে জাগাইতেছে । আত্মীয়ের অনেক কথা এখনও মনে পড়িতেছে, তাহার ভ্রাতাভগিনীদিগের প্রতি তাহার যে অতুল অনুরাগ ও নিঃস্বার্থ ভালবাসা দেখিয়াছি, মনুষ্যের মধ্যেও সেরূপ বিরল । * * * সে আপন সন্তানগণকে স্তম্ভপান করাইতেছে, এমন সময়ে অদূরে ভাই-বোন কেহ কোনও কারণে কাদিলে আপন সন্তান ছাড়িয়া দৌড়াইয়া গিয়া তাহাকে স্তম্ভপান করাইত । অনেক সময়ই দেখা যাইত, সে আপন তিনটি সন্তান ও তিনটি ভাই-বোনকে এক সঙ্গে স্তম্ভদান করিতেছে ; ইহাতে তাহার শরীর অত্যন্ত খারাপ হইয়া গিয়াছিল । আমি অনেক সময় উহার ভাই-বোনকে স্তম্ভদানে বাধা দিয়াছি ; কেন না, তাহারা তখন বড় হইয়াছে, কিন্তু আত্মীয় গোপনে তাহাদিগকে স্তম্ভপান করাইত । একদিন একটি ভগিনীকে পাওয়া গেল না, তজ্জগৎ আত্মীয় সমস্ত রাত্রি রোদন করিয়াছিল । আজ এই বিভাল-পরিবারকে ছাড়িয়া যাইব ভাবিয়া আমি হৃদয়ে বড়ই ব্যথা পাইলাম ।”

মর্নোরঞ্জন বাবু যেরূপভাবে বিভাল-পরিবারের বিশেষত্ব লক্ষ্য করিয়া লিপিবদ্ধ করিয়াছেন, সেরূপ ভাব বাঙ্গালা সাহিত্যে এক সম্ভাব্য চরিত্রের রচনা ব্যতীত আর কোথাও দেখিয়াছি, মনে হয় না ।

গ্রন্থখানির ভাষা যেমন মধুর, ভাব তেমনই নিম্নল । আর গ্রন্থে নানা রূপ বর্ণনা এমনই সরস যে পুস্তকখানি পাঠ করিতে আরম্ভ করিলে শেষ না করিয়া উঠা যায় না । গ্রন্থে গ্রন্থকারের সদানন্দ হৃদয়ের পরিচয় সর্বত্র সপ্রকাশ । “

নারীধর্ম *

এই গ্রন্থখানি হিন্দুর গৃহলক্ষ্মীগণের উদ্দেশে লিখিত। ইহার কয়েকটি প্রবন্ধ ‘সন্ধ্যা’ ও ‘প্রতিবাসী’ পত্রিকায় মুদ্রিত হইয়া সমাদর লাভ করিয়াছিল। গ্রন্থকার হিন্দু ব্রাহ্মণ, হিন্দুশাস্ত্রে ব্যুৎপন্ন এবং হিন্দুত্বের গৌরবে উৎফুল্ল। তিনি নানা শাস্ত্র-রত্নাকর মন্বন করিয়া হিন্দু-আদর্শের কয়েকটি মূল্যবান রত্ন বঙ্গীয় হিন্দুগৃহস্থের অন্তঃপুরে পাঠাইয়া দিয়াছেন। কুললক্ষ্মী-দিগের রূপাকটাক্ষে এই রত্নভরণগুলির উজ্জল মহিমা বিকীর্ণ হইয়া বঙ্গের গৃহ সুন্দর, শান্তিময় ও সর্বশ্রেষ্ঠ পার্থিব সুখের মঙ্গল-নিকেতনে পরিণত করুক।

কার্যক্ষেত্র হইতে শ্রাস্ত-ক্লান্ত-হৃদয়ে যখন আমরা গৃহে ফিরি, তখন গৃহ-প্রান্তের দ্বিধুছায়ায় যে কত সঞ্জীবনী শক্তি নিহিত আছে, তাহা আমাদের বুঝিবার অবকাশ হয়। যে অন্তঃপুর আমাদের আলায়, কর্মশ্রোতের জন্মস্থান, শিক্ষার কেন্দ্রভূমি, জাতীয় জীবনের ধাত্রীগৃহ,—যে অন্তঃপুর আমাদের লীলার কুঞ্জবন, ধর্ম্যাপবর্গের নিলয়, চিন্তা ও সাধনার আশ্রয়, সম্মানের চরিত্র-ভূমি—সেই অন্তঃপুরে সত্যত্বের আদর্শ, ধর্মের গৌরব, সরলতাপবিত্রতার মুক্তি দেখিতে কে না ইচ্ছা করেন? কিন্তু সে কাল গিয়াছে, যখন পুরুষমহিলারা গৃহকক্ষে আত্মোৎসর্গ করিতে আনন্দ পাইতেন, ব্রতচর্য্যায় যখন প্রোষিত-ভর্তৃকার ও বিধবার সময় সুখে কাটিয়া যাইত, স্বামীর পরিচর্য্যায়, সম্মান-পালনে এবং রোগীর শুশ্রূষায় ঘাঁহাদের হোমশিখার ত্রায় পবিত্রমুষ্টি অমিত দীপ্তিতে প্রতিভাত হইত! সে কালের সে আদর্শ এখন স্মরণ করা আবশ্যক হইয়াছে। আজকাল রঙ্গমঞ্চ কুন্দনন্দিনী ও শৈবলিনী, রোহিণী ও বিনোদিনী বা তাঁহাদের প্রতিবেশিনীগণের চটুল চপলতায় মুগ্ধরিত, যাত্রাগানে সীতা-সার্বিকীর স্থলে রসে ভরপুর নূতন নূতন চরিত্রের আমদানী হইতেছে, এবং কথক ঠাকুর যখন কদাচিৎ কখনও দেখা দেন, তখন তিনি এই নূতন রুচির সহিত সুর মিলাইয়া, পুরাতনের সাঁচ্চার উপর হালের চুম্বকি বসাইয়া নিজের “সিধা ও বিদায়ের” পরিমাণ বুদ্ধি করিবার সুযোগ

* নারীধর্ম—ঐগিরিজাসুন্দর চক্রবর্ত্তি-প্রণীত। কলিকাতা ৩নং মিরজাপুর স্ট্রীট হইতে সেন, রায় কোম্পানী বর্জ্জক প্রকাশিত। মূল্য ১/ এক টাকা মাত্র।

করিতেই ব্যস্ত । সেই জন্ত বলিতেছিলাম যে, পুরাতন আদর্শ স্বরণ করাইয়া দিবার বড়ই প্রয়োজন হইয়াছে ।

আলোচ্য গ্রন্থখানি এইজন্ত সমাদরলাভের অধিকারী । ইহাতে অনেক শিখিবার ও শিখাইবার আছে । গ্রন্থকার পুস্তকখানিকে শাস্ত্রীয় নীতিগুলির একটি নীরস গুরু সংস্করণ করিয়া তুলেন নাই, পরন্তু উদাহরণ ও লিপিকোশলের গুণে সেগুলিকে যথেষ্ট সরস ও হৃদয়গ্রাহী করিয়াছেন । এই ক্ষুদ্র গ্রন্থখানিতে পাতিব্রত্যা, সন্তান-লালন, স্ত্রীশিক্ষা প্রভৃতি সংসার-ধর্ম্মের প্রায় সমস্ত জ্ঞাতব্য বিষয়ই সুচারুরূপে ও বিশদভাবে বর্ণিত হইয়াছে : অথচ সীতা, পার্ক্ণতী, মহাশ্বেতা, কাদম্বরী, দেবী চৌধুরাণী ও রাণী শরৎসুন্দরীর উপাশাস ও আখ্যায়িকা অবলম্বন করিয়া গ্রন্থকার তাঁহার বক্তব্য বিষয় অতি উপদেশ্য ভাবে উপস্থাপিত করিয়াছেন । গ্রন্থখানির প্রচার সফল হউক, বঙ্গরমণী আর্য্যনারীর আদর্শে অনুপ্রাণিত হউন, মানবজাতির ইতিহাসে আর্য্যনারীর মাতৃমূর্ত্তি ও পত্নীমূর্ত্তি অক্ষয়, উজ্জল ও চিরগৌরবারিত হউক, ইহাই আমরা কামনা করি ।

গ্রন্থখানির আকারের তুলনায় মূল্য (এক টাকা) কিঞ্চিৎ অতিরিক্ত বলিয়া মনে হয়, এবং মুদ্রাকর-প্রমাদও ততোহধিক । আশা করি, এই দুইটি বিষয়ের প্রতি গ্রন্থকার পরবর্ত্তী সংস্করণে মনোযোগী হইবেন ।

আর্য্যনারীর গৃহধর্ম্ম *

পূর্ব্বোক্ত গ্রন্থখানির দ্বারা এ পুস্তিকাখানিও নারীধর্ম্মের প্রতিপাদনকল্পে রচিত । হিন্দুধর্ম্ম সম্বন্ধে সচরাচর যেরূপ কথা শুনিতে পাওয়া যায়, সেইরূপ বক্তৃতার দ্বারাই ক্ষুদ্র গ্রন্থখানির কলেবর পুষ্ট । সুতরাং আর্য্যনারীর গৃহধর্ম্ম সম্বন্ধে সকল কথা বলিবার সুযোগ হয় নাই । হিন্দুললনাদিগকে শিক্ষা দিতে হইলে কেবল কতকগুলি শাস্ত্রীয় বচন উদ্ধার করিয়া, পতিস্তোত্র পাঠ, পতিপদপ্রকালন ও পতিপাদোদকপানের ব্যবস্থা করিলেই চলিবে না । উপদেশ বাহাতে হৃদয়গ্রাহী হয়, উপদেশের সঙ্গে সঙ্গে বাহাতে একটি দিব্য আদর্শ হৃদয়পটে মুদ্রিত হইয়া যায়, স্বভাব-কোমলা গৃহপিঞ্জরকোকিলাগণের মনোবৃত্তিগুলি সহজে ক্ষুরিত হইয়া উঠে, তাহা না করিতে পারিলে,

* আর্য্যনারীর গৃহধর্ম্ম—শ্রীনৃসিংহরাম মুখোপাধ্যায় কাব্য-সিদ্ধ-প্রণীত । কলিকাতা ৬৭ কলেজস্ট্রীট ট্রুডেন্টস্ লাইব্রেরীতে প্রাপ্য । মূল্য চারি আনা ।

এ সকল পুস্তকের লক্ষ্য সিদ্ধ হয় না বলিয়া বোধ হয়। তাহা হইলেও সৎকথার প্রসঙ্গমাত্রই উপাদেয়। গ্রন্থকার সেজ্ঞা সমাজের ধন্যবাদার্থ। তাঁহার লিখিবার ক্ষমতা ও ভাষার বিস্তৃদ্ধিও প্রশংসার্হ।

আফগান-আমির-চরিত ।*

গ্রন্থখানি শ্রীযুক্ত আবুনাসের সহিছলা-প্রণীত। “প্রণীত” না বলিয়া “অনুদিত” বলিলে বোধ হয় সুসঙ্গত হইত। কেন না, এখানি আফগান-স্থানের ভূতপূর্ব আমির আবদুর রহমানের স্বহস্তলিখিত আত্মচরিত। মূলগ্রন্থ পার্শীভাষায় লিখিত; গ্রন্থকার তাহার অনুবাদক মাত্র। অনুবাদ-কার্য্য অনেক সময়ে বড়ই দুরূহ ব্যাপার; তিনি সে বিষয়ে কতদূর কৃতকার্য্য হইয়াছেন, তাহা পার্শীপাঠকগণ বিচার করিবেন। তবে অনুবাদ পাঠ করিয়া গ্রন্থকারের বঙ্গভাষার উপর যে প্রভূত অধিকার জন্মিয়াছে, তাহা স্বীকার না করিয়া থাকিতে পারা যায় না। তাঁহার ভাষা সর্বত্র ভ্রমপ্রমাদ-শূন্য না হইলেও প্রাজ্ঞ, গতিবিশিষ্ট ও সরস।

আমির আবদুর রহমানের জীবনে অনেক আশ্চর্য্য ঘটনা ঘটিয়াছিল। যুদ্ধ-বিগ্রহ, কলহ ও ষড়্‌যন্ত্রের মধ্য দিয়া তাঁহাকে সিংহাসনে আরোহণ করিতে হইয়াছিল। কখনও তিনি পলাতক, কখনও সেনানীপ্রিয়, যুদ্ধজয়ী বীর সেনাপতি, কখনও নিজরাজ্যে নজরবন্দী, কখনও পররাজ্যে স্বাগত অতিথি, কখনও মরুভূমির মধ্যে পিপাসায় ত্রিয়মাণ, কখনও স্বেচ্ছাচারী পিতৃব্যের রোগশয্যাপাশে সেবাতৎপর। এই সকল কারণে আবদুর রহমানের আত্মচরিত উপন্যাসের স্থায় কোতূহলপ্রদ। তাঁহার অদৃষ্টের পরিবর্তনগুলি সেইজ্ঞা আগ্রহের সহিত অনুসরণ করিতে ইচ্ছা হয়। রুস ও ইংরেজ গভর্ণমেণ্টের মধ্যস্থলে পড়িয়া পরলোকগত আমির কিরূপে আফগানিস্থানের স্বাধীনতা ও সম্মান রক্ষা করিতে পারিয়াছিলেন, তাহা তাঁহার নিজের বিবরণ হইতে জানিতে কাহার না কোতূহল হয়? এই আত্মচরিতে আমির তাঁহার নিজের দৃন্দুভি নিজে বাজাইতে চেষ্টা করেন নাই, তাঁহার বর্ণনার মধ্যে সরলতা, সত্যের মর্যাদা ও দৈবের বিশ্বাস বেশ পরিপূর্ণ দেখিতে পাওয়া যায়। আবদুর রহমানের জীবন অধ্যবসায়ের একটি সুন্দর

* আফগান-আমির-চরিত (প্রথম ভাগ)—শ্রী আবুনাসের সহিছলা-প্রণীত। ঢাকা, বোড়ালান, ইসলামিয়া পাবলিসিং কোম্পানী কর্তৃক প্রকাশিত। মূল্য ২১।০ টাকা মাত্র।

দৃষ্টান্ত। কৈশোর হইতেই তিনি যুক্তবিজ্ঞায় পারদর্শী হইয়া উঠিয়াছিলেন ; কিন্তু শিবাজী ও হায়দার আলির জায় বাল্যকালে লিখা-পড়া শিক্ষার দিকে মনোযোগ করেন নাই । পরে একজন প্রণয়ার্থিনী মহিলার পত্রের প্রত্যুত্তর স্বহস্তে লিখিয়া দিবার জ্ঞান অমরুদ্ব হইয়া সাতিশয় লজ্জা অনুভব করেন এবং তদবধি লিখাপড়ায় মনোনিবেশ করেন । দৈবের অনুগ্রহে যে তিনি সে বিষয়ে কৃতকার্য্য হইয়াছিলেন, তাহা তাঁহার আত্মজীবন কাহিনীর লিপিতাত্ত্ব্য হইতে স্পষ্ট বুঝা যায় ।

গ্রন্থকার আবুনাসের সহিষ্ণু সাহেব বঙ্গভাষায় এই মূল্যবান গ্রন্থের অনুবাদ প্রচার করিয়া যে অদম্য উৎসাহ ও সাহিত্যানুরাগের পরিচয় প্রদান করিয়াছেন, তাহার জ্ঞান তিনি বঙ্গসাহিত্যের হিতকারী ব্যক্তি-মাত্রেরই ধন্যবাদভাজন । পরবর্তী সংস্করণে পুস্তকখানিকে ভ্রমপ্রমাদবিরহিত করিবার জ্ঞান গ্রন্থকারকে মনোযোগী হইতে দেখিলে আমরা সুখী হইব । অনুবাদের ভাষা প্রায়ই স্থানে স্থানে আড়ষ্ট হইয়া যায় ; আলোচ্য গ্রন্থেও সে দোষ একান্ত বিরল নহে । সেগুলির পরিহারও বাঞ্ছনীয় ।

—

সংগ্রহ ।

ইতিহাস ।

বান্দির লক্ষ্মীবাই ।

ভারতে সিপাহী বিদ্রোহের সময় বান্দির বীর-রমণীর আবির্ভাব হইয়াছিল, তাঁহার কথা অনেক পাঠকই শুনিয়াছেন। এই রমণী ইংরেজরাজের বিরুদ্ধাচরণ করিয়া আপনার জীবন বিসর্জন দিয়াছিলেন; বিচার-বুদ্ধির অভাবে আপনার অসাধারণ শক্তির অপপ্রয়োগ করিয়াছিলেন,—কিন্তু তাঁহার হৃদয়ে বীরত্বের যে বহুশিখা প্রজ্বলিত হইয়াছিল, তাহাই তাঁহার নাম ভারতের ইতিহাসে অমর করিয়া রাখিয়াছে। যুরোপীয় মনীষাসম্পন্ন লেখকগণ লক্ষ্মীবাইয়ের নাম করিয়া দীর্ঘকাল ফেলিয়া থাকেন। তাঁহারা বীরের জাতি, তাই রমণী-হৃদয়ে এই বীরত্বদর্শনে তাঁহারা বিমূঢ় হইয়া থাকেন। লক্ষ্মীবাইয়ের নাম কেবল রাজ-জোহের অভিযোগে কলঙ্কিত হয় নাই, পরন্তু বিশ্বাসঘাতকতার মহাপাপেও কলুষিত হইয়াছিল। কিন্তু সেই কলঙ্ক বাদ দিয়া যদি আমরা তাঁহার চরিত-কথার আলোচনা করি, তাহা হইলে তাঁহাতে অনেক অসাধারণ গুণের সমাবেশ দেখিতে পাই। কিছুদিন পূর্বে লণ্ডনের ‘ডেলী টেলিগ্রাফে’ জনৈক লেখক লক্ষ্মীবাইয়ের চরিতাখ্যান অবলম্বনে একটি সম্ভর্ড প্রকাশ করিয়াছিলেন। আমরা নিম্নে সেই সুন্দর সন্দর্ভের মারসঙ্কলন করিয়া দিলাম।

লেখক মহাশয় লিখিয়াছেন যে, ভারতের ইতিহাসে বান্দির রানীর যে চরিত-কথা কীর্ষিত রহিয়াছে, তাহা সৈয়দ ও শৌর্য্যো তাহা ফ্রান্স দেশের বীর-রমণী জোয়ান অব আর্কের চরিতাখ্যান অপেক্ষা কোনও অংশে হীন নহে। উক্ত চিরকালই মানবমণ্ডলীর বীরত্বের সম্মান। সহানুভূতি সঙ্কলিত করিতে থাকিবে। পঞ্চাশ বৎসর পূর্বে এই ঘটনা সংঘটিত হইয়াছে, উক্ত ঘটনার সমসাময়িক লোক এখনও অনেকে জীবিত আছেন। পুরাতন যুগের জ্বালামালামণ্ডিত এরূপ গৌরবময় বাপার ইদানীন্তন যুগে আর কোথাও সংঘটিত হয় নাই। যে সময় এই মহারানীর রমণী তাঁহার প্রগট্ট গৌরব উদ্ধার করিতে সমর্থ হইয়াছিলেন, সেই সময় প্রতিহিংসার প্রণোদনে তাঁহার কাগ্যাবলী নির্মমতায় ও বিশ্বাসঘাতকতায় লঙ্ঘিত হইয়াছিল সত্য, কিন্তু রমণী আমাদের শত্রুদিগের মধ্যে প্রশান্ত ও বিদ্রোহীদের প্রশান্তা নেত্রী ছিলেন, আমাদের তাঁহাকে সম্মান করাই কর্তব্য।

সিপাহী-বিদ্রোহের আবির্ভাবকালে বান্দির অঞ্চল ইষ্ট ইণ্ডিয়া কোম্পানীর কুরতলগত হয়। বিস্তারে ঐ অঞ্চল ইংলণ্ডের দুইটি বৃহৎ শায়ার বা জেলার তুল্য। ইহার অধিবাসি-সংখ্যা আড়াই লক্ষ। বিদ্রোহবির্ভাবের অল্প দিন পূর্বেই বান্দির বিদ্রোহের কারণ। লোকনাথ ইহলোক পরিত্যাগ করেন; তৎপরে ঐ রাজ্য ইষ্ট ইণ্ডিয়া কোম্পানী দ্বীয় রাজ্যের অন্তর্ভুক্ত করিয়া লয়েন। কোম্পানীর কর্তৃপক্ষ রাজার অল্পবয়সী বিধবা ভাগ্যার সহিত সদ্ব্যবহার করেন নাই, স্ত্রীতর

রাণীর অন্তরে ক্রোধানল লোল-রসনা বিস্তৃত করিয়া জ্বলিতেছিল। সিপাহীবিজ্ঞোহের সংবাদ শিলাময় দুর্গবাসিনী রাণী লক্ষ্মীবাইয়ের নিকট পৌঁছিল। রাণী যুদ্ধিকামধ্যে প্রোথিত কামানগুলি তুলাইয়া লইলেন। কোম্পানীর এজেন্টকে বুঝাইলেন যে, তিনি বিজ্ঞোহীদিগের আক্রমণ হইতে আশ্রয়স্থান উদ্দেশ্যে প্রস্তুত হইতেছেন। এজেন্ট তাহাই বুঝিলেন। রাণী সৈন্য সংগ্রহ করিতে এবং গোপনে বিজ্ঞোহীদিগের সহিত যড়যন্ত্র করিতে লাগিলেন। যখন তিনি যুদ্ধার্থ সম্পূর্ণ প্রস্তুত হইলেন, তখনই আচম্বিতে ব্যাঘ্রীর শ্রায় ইংরেজদিগকে আক্রমণ করিলেন।

রাণীর আক্রমণ হইতে আশ্রয়স্থান করিবার জন্য দুর্গস্থিত মুন্সিয়ের খ্রীষ্টান পর্ব্বতশিখরস্থ একটি সুদৃঢ় দুর্গে সপরিবারে আশ্রয় লইয়াছিল। তদ্ব্যতীত অনেকগুলি শিশু ও ইংরেজ সামরিক কর্মচারীও ছিলেন। রাণী সেই দুর্গের উপর কামানের রাণীর বিশ্বাসঘাতকতা। গোলা বর্ষণ করিতে আরম্ভ করিলেন। দুর্গস্থ ব্যক্তিবর্গ সাহসে ভর করিয়া দুর্গ রক্ষা করিতে লাগিলেন। কিন্তু তাঁহাদের জল, খাদ্য, গোলা বারুদ ফুরাইয়া আসিল। তাঁহারা সন্ধির কথাবার্তা কহিবার জন্য রাণীর নিকট দূত পাঠাইলেন। রাণী দূতদিগকে হত্যা করিয়া পুনরায় প্রচণ্ডবেগে উক্ত দুর্গ আক্রমণ করিলেন। কিন্তু রাণীর দুর্গাধিকার-চেষ্টা ব্যর্থ হইল। তখন রাণী ভীষণ বিশ্বাসঘাতকতায় আপনায় চরিত্রকে কলঙ্কিত করিলেন। তিনি স্বয়ং যুদ্ধ স্বগিত রাধিবার নিশান প্রেরণ পূর্ব্বক প্রস্তাব করিলেন যে, তিনি উক্ত দুর্গে অবরুদ্ধ ব্যক্তিবর্গকে কোনও ইংরেজাধুষিত স্থানে পৌছাইয়া দিবেন। বিপন্ন দুর্গবাসীরা রাণীর প্রস্তাবে সন্মত হইলেন। কিন্তু যখন অবরুদ্ধ খ্রীষ্টানগণ সন্ধির সর্ব্ব অনুসারে নিরস্ত্র অবস্থায় দুর্গ হইতে বাহির হইয়া আসিলেন, অমনই রাণীর সৈন্যগণ তাঁহাদিগকে ধরিয়া বাঁধিয়া ফেলিল এবং আবাল-বৃদ্ধ-বনিতাকে অত্যন্ত নির্দয় হইয়া হত্যা করিল। এই কাপুরুষোচিত, পুরুষ ও অধর্ম্মের কার্য্য রাণীকে ভীষণ কলঙ্ক-কালিমায় কলুষিত করিল।

অবরুদ্ধ ব্যক্তিবর্গকে নিহত করিবার পর রাণী লক্ষ্মীবাই দুর্গ ও দুর্গের সন্নিহিত জনপদের উপর স্বীয় অধিকার প্রতিষ্ঠিত করিতে সমর্থ হইয়াছিলেন। কিন্তু রাণী অত্যন্ত দুরদর্শিনী ছিলেন; তিনি বুঝিয়াছিলেন যে, বিজ্ঞোহীরা পরিণামে জয়যুক্ত বিজ্ঞোহের প্রাণস্বরূপিণী। না হইলে, তাঁহার সেই আপাতভঃ সুবিধা, সুবিধা বলিয়াই গণ্য হইবে না। সুতরাং বিজ্ঞোহীরা যাহাতে জয়লাভে সমর্থ হয়, সে জন্য তিনি প্রাণপণে চেষ্টা করিতে লাগিলেন। তিনি বিজ্ঞোহের প্রাণস্বরূপ—চৈতন্যস্বরূপ হইয়া উঠিলেন এবং তাঁহার নিজের রাজকোশ আপনায় প্রস্তুত যুজায় পূর্ণ, দুর্গাদি সুদৃঢ় ও সেনাসমূহ জনবলে পুষ্ট করিতে লাগিলেন। সেনাদল শিক্ষিত হইলে রাণীই তাহাদের নেত্রীস্বরূপিণী হইয়া উঠিলেন। দলে দলে লোক আসিয়া রাণীর দলে যোগ দিতে আরম্ভ করিল এবং ঐ সমস্ত লোক অদম্য উন্নত উৎসাহে দুর্গের প্রাকার-পরিখাদি সুদৃঢ় করিতে আত্মনিয়োগ করিতে আরম্ভ করিল। রাণীকে তাহারা দেবী বলিয়া মনে করিত।

কিছুকাল ঝাঁপি এরূপ সুদৃঢ় ও সুরক্ষিত হইয়া উঠিয়াছিল যে, কোম্পানীর সৈন্য উহা অধিকৃত করিবার সংকল্প পরিত্যাগ করিল।

সার হিউ রোজ সৈন্যে ঝাঁপি অবরুদ্ধ করিলেন। তত্রত্য বিজোহী সৈন্যের তুলনায় রোজের সৈন্যসংখ্যা অনেক অল্প ছিল। ঝাঁপি সহরের পরিধি চুই কোশ। ইহার জনসংখ্যা

ত্রিশ হাজার। দুর্গসমুখ হইতে চতুর্দিক লক্ষিত হইত এবং

সার হিউ রোজ। সন্নিহিত স্থানে গোলা নিক্ষেপ করা যাইত। ইতোমধ্যে তান্তিয়া-

ভোপী বাইশ হাজার সৈন্য ও আটশটি কামান লইয়া অবরোধ-

কারী বৃটিশ সৈন্যদিগকে বিভাডিত করিবার জন্য অগ্রসর হইতেছিল। সার হিউ রোজ প্রতিভাশালী সেনানী ছিলেন। সিপাহীবিজোহের ইতিহাসে তাঁহার শৌধ্য-কাহিনী সর্কাপেক্ষা সমৃদ্ধ। অসাধারণ মনীষাপ্রভাবে তিনি প্রাচ্য অঞ্চলের যুদ্ধ জয় করিবার রহস্ত উদ্ভিন্ন করিতে সমর্থ হইয়াছিলেন। সেই রহস্তটি এই,—“শত্রুগণ যখন অনাবৃত প্রান্তরে থাকিবে, তখন ক্ষিপ্ততার সহিত উহাদিগকে আক্রমণ করিয়া উহাদিগকে চঞ্চল করিয়া দিবে, যখন উহারা প্রাণারাদির অন্তরালে অবস্থিতি করিবে, তখনও ক্ষিপ্ততার সহিত শত্রু সমুখীন হইয়া উহাদের পলায়নের পথ বন্ধ করিয়া দিবে; আর যদি তাহারা পলায়ন করিতে থাকে বা পলায়ন করিয়া থাকে, তাহা হইলে তাহাদিগের অনুসরণ করিবে।”

শত বর্ষের ভূয়োদর্শনে এই অভিজ্ঞতা অর্জিত হইয়াছিল। ইংরেজ এই অভিজ্ঞতা অনুসারেই কার্য্য করিত। তান্তিয়া ভোপীর যত সৈন্য ছিল, তাহার বাদশাংশের একাংশ মাত্র সৈন্য লইয়া সার হিউ রোজ প্রচণ্ড বিক্রমে ও অদম্য বেগে তান্তিয়াকে আক্রমণ করিলেন। সেই আক্রমণের বেগে বিজোহীদিগের বাহ ছিন্ন-ভিন্ন হইয়া পড়িল, উহাদের সেনাসংস্থান-কৌশল একেবারে বিপর্য্যস্ত হইয়া গেল। যে সেনাদল ঝাঁপির অবরোধ নষ্ট করিতে আসিয়াছিল, তাহারা পরাজিত হইয়া প্রান্তরপারে পলায়ন করিল। তখন সার হিউ রোজ যেন বজ্রবন্ধনে দুর্গটিকে বেড়িয়া ধরিলেন। কিন্তু রাণী লক্ষ্মীবাই যতক্ষণ ও যতদূর সম্ভব নগর রক্ষা করিতে কৃতসংকল্প ছিলেন এবং যাহাতে তিনি শত্রুহস্তে বন্দি নী না হয়েন, তাহার জন্য প্রাণপণে চেষ্টা করিতেছিলেন। তাঁহার দৃষ্টান্তে ঝাঁপির রমণীগণ এই কার্য্যে পুরুষের সহকারিণী ও উৎসাহদায়িনী হইয়া উঠিয়াছিলেন। রমণীগণ গোলাগুলি ও বারুদ প্রভৃতি পুরুষদিগকে যোগাইয়া দিতেছে, এ দৃশ্য প্রায়ই দৃষ্ট হইত। রাণী ও তাঁহার সঙ্গীগণ মণিমাণিক্য-পচিত পোষাক পরিধান করিয়া সন্ধ্যায় শীতল সমীরণ সেবন করিতে করিতে অক্ষুট আলোকে কৃষ্ণ কোটাটালকে (Black Tower) গমন করিতেছেন, দেখা যাইত। একজন ইংরেজ গোলন্দাজ তাঁহাকে লক্ষ্য করিয়া গোলা ছুঁড়িবার অনুমতি চাহিয়াছিল। তাহাকে অনুমতি দেওয়া হয় নাই। যে ক্ষেত্রে রমণী বিজোহের বুদ্ধিস্বরপিণী হয়েন, সে ক্ষেত্রেও ইংরেজ জাতি রমণীর প্রাণ সংহার করিতে সক্ষম নহেন। ইংরেজ-চরিত্রের ইহাই মহত্ব।

অতি বিশ্বাসজনক ভাবেই রাণীর গুণা হইয়াছিল। তাঁহার জীবনের শেষ কক্ষ সপ্তাহ

কাল মধ্যে যত বিশ্বয়কর ঘটনা পুঞ্জীকৃত হইয়াছিল, তৎপূর্বে তাঁহার জীবনে আর কখনই
সেরূপ লোমহর্ষণ ঘটনা ঘটে নাই। সার হিউ রোজ রাঁঙ্গি সহর
বিশ্বয়জনক পলায়ন। অধিকৃত করেন। নগরবাসীরা যেন কোনও অতিমানুষী শক্তি
কর্তৃক অনুপ্রাণিত হইয়া যুদ্ধ করিয়াছিল। রাজপ্রাসাদের প্রতি
প্রকোষ্ঠেই তুমুল সংঘর্ষ ঘটিয়াছিল। বিজোহীরা প্রাসাদপ্রকোষ্ঠের নিয়তলে বারুদ রাখিয়া
তাহাতে অগ্নি প্রদান করে। প্রথর রবিকরে তের খণ্টা কাল যুদ্ধ করিবার পর দেখা গেল
যে, বন্দীদিগের মধ্যে রাণী নাই। রাণী সমস্ত দিন যুদ্ধ দর্শন করিয়াছিলেন। তিনি যখন
দেখিলেন যে, বিজয়লাভের আর কোন সম্ভাবনাই নাই, তখন তিনি যেক্রপ বিশ্বয়জনক ভাবে
পলায়ন করেন, তাহার নিকট উপস্থাসবর্ণিত অতি বিশ্বয়জনক ঘটনাও পরাজয় মানে।
সমুদ্রত দুর্গচূড়ার গবাক্ষ হইতে রাণীকে নিয়ে একটি অশ্বপৃষ্ঠে অবতরণ করাইয়া দেওয়া হয়।
কয়েক শত মাত্র সৈন্তসমভিব্যাহারে তাঁহার সপরীপুত্রকে কোলে লইয়া রাণী তথা হইতে
অদারোহণে করি দুর্গে পলায়ন করেন। করি রাঁঙ্গি হইতে পঞ্চাশ ক্রোশ দূরে অবস্থিত।

রাণী করিতে পলায়ন করিয়াছেন জানিতে পারিয়া সার হিউ রোজ অবিলম্বে তাঁহার
অনুসরণ করিলেন। তিনি রাজিযোগে ক্ষতবেধে রাণীর পশ্চাদ্ভাবন করিলেন এবং প্রচণ্ড
আক্রমণে বিজোহীদিগকে ছিন্ন-ভিন্ন করিয়া দিলেন। কিন্তু এই
করি অধিকার। কাণা করিতে তাঁহার অত্যন্ত কষ্ট হইয়াছিল। প্রথর আতপ-
তাণে অনেক ইংরেজ সেনানায়ক ও সৈন্য মুচ্ছিত হইয়া ধরাপৃষ্ঠে
চলিয়া পড়িয়াছিল। অনেকে প্রলাপে হাসিতেছিল ও কাঁদিতেছিল। সে কালের সেই
হাতাহাতি যুদ্ধ অত্যন্ত ভীষণ। জৈনক আইরিশ গেরা শরীরের উনিশটি স্থানে আঘাত
প্রাপ্ত হয়। তাহাকে যখন ডুলিতে তোলা হয়, তখন সে বলিয়াছিল,—“ভাই সকল!
সাবধান, যেন আমার মাথা না নড়ে; নড়িলেই মাথাটি পড়িয়া যাইবে।” করি দুর্গটি
একটি গিরিশীর্ষে সংস্থাপিত। গিরিটি যমুন-জল হইতে উথিত। উহার চারি-পার্শ্বে অনেক
গাত। এই দুর্গে রাণী স্বয়ং যুদ্ধকার্য্য পরিচালনা করিয়াছিলেন। কিন্তু সার হিউ রোজকে
পরাজিত করা অসম্ভব। সন্ধিগর্ষিতে বারংবার অবসর হইয়াও তিনি উষ্ণিয়া যুদ্ধ করিয়া
ছিলেন এবং অবশেষে করি দুর্গ অধিকৃত করিতে সমর্থ হইলেন।

কিন্তু ইহাতেও লক্ষ্মীবাই ক্ষান্ত হইলেন না। শত্রুর নিকট পরাজয় মানিবেন না, ইহা
তাঁহার সংকল্প। এইবার তিনি যে কার্য্য করিয়াছিলেন, ক্ষিপ্তাকারিতায় ও বিশ্বয়জনক
ভাষা অভূতকর্মা নেপোলিয়নের ক্ষিপ্ততা ও বিশ্বয়জনক কার্য্যে
রাণীর বীরত্ব। তুল্য। রাণী সমস্ত বিজোহী সেনা লইয়া আবর্তনপূর্ব্বক চম্ব
নদী পার হইয়া বিজয়ী বীরের স্থায় চলিয়া গেলেন এবং অত্য
প্রবলবেগে গোয়ালিয়র দুর্গ আক্রমণ করিলেন। মহারাজ সিদ্ধিয়া ইংরেজরাজের বিশ
ছিলেন। তিনি বিজোহীদিগের দলে যোগ দেন নাই। রাণীর সৈন্য সিদ্ধিয়ার সেনা
আক্রমণ ও পরাজিত করিল। রাণী তথায় উপনীত হইলে সিদ্ধিয়া-সেনা রাণীর দলে

যোগ দিল। মহারাত্রের প্রধান নরপাল সিজিয়া স্বীয় প্রাসাদ হইতে পলায়ন করিলেন। প্রাসাদ রাণীর হস্তগত হইল। সিজিয়ায় রাজকোম ও অস্ত্রাগার রাণীর অধিকারে আসিল। যে দিন উপদ্রুপারি ছই যুদ্ধে রাণী পরাজিতা, সেই দিনই তিনি সর্বাপেক্ষা অধিক সৈন্তের— অধিক ধনের ও অধিক অস্ত্রের অধীশ্বরী হইয়া উঠিলেন। এই বাণীর দেখিয়া সকলে বিস্মিত হইল। অনেকের মনেই আতঙ্কের সঞ্চার হইল।

যাণী হউক, সারি হউ রোজ সহজে ছাড়িবার পাত্র নহেন। অবিশ্রান্ত যুদ্ধে তাঁহার দেহ ক্লান্ত ও অবসন্ন হইয়া পড়িয়াছিল। বিলাত হইতে তাঁহার ছুটিও মঞ্জুর হইয়া আসিয়াছিল।

তিনি যুদ্ধে মাত্র বিলম্ব না করিয়া পুনশ্চ রাণীর সহিত যুদ্ধ করিবার জন্ত অগ্রসর হইলেন। গোয়ালীর কর্ণের সান্নিধ্যে

তাঁহার সহিত বিজোহীদিগের হাভাহাতি যুদ্ধ হইয়াছিল। কিন্তু ইংরেজ সেনা কর্তৃক হুগাঁধিকারের পূর্বেই রাণী ইহলোক পরিত্যাগ করিয়াছিলেন। পুরুষের জায় পরিচ্ছদ পরিধান করিয়া রাণী সেনাদলে যুদ্ধ করিতেছিলেন। আট হাজার সৈন্ত তখন প্রচণ্ডপরাক্রমে বিজোহী সৈন্তদিগকে অক্রমণ করিয়াছিল। জনৈক সেনা দেখিল, রক্তপরিচ্ছদমণ্ডিত, ধ্বংস পাগড়ী-শোভিত জনৈক যুদ্ধ প্রচণ্ডবিক্রমে যুদ্ধ করিতেছিল। যখন বিজোহী সেনা হটিয়া আসিতেছিল, তখন উক্ত ইংরেজ সেনা সেই প্রেতাশ্রয়া ধ্বংস পাগড়ী-শোভিতা পুরুষবেশা রাণী লক্ষ্মীবাইয়ের মস্তক এক কোণে দেখুত্যা করে। গোয়ালীর-দুর্গ তখন অনধিকৃত, রাণীর দেহ তখন পূজ্যবলুণ্ডিত। তাঁহার গলায় সিজিয়ার কোমাগার হইতে লুণ্ঠিত হুন্দর মতির মালা দোহলামান। এক সময় উহা পূর্ণগীজ-রাজের ভ্রমণ ছিল। যুদ্ধকালে তাঁহার বয়স বিংশ বৎসর মাত্র হইয়াছিল। উক্ত ইংরেজ লোককই লিখিয়াছেন যে, বহু দৈন্য সত্ত্বেও রাণী অমর কীর্তি রাখিয়া গিয়াছেন।

মেলা ।

১

উষা ও সন্ধ্যার হাসি
 বিচিত্র মেঘের খেলা,
 লয়ে রবি শশী তারা
 গগন পেতেছে মেলা ।

২

ফুটাইয়ে ফুলদল
 মাতা'য়ে মধুপগণ,
 কানন রচেছে মেলা
 লয়ে তরু লতা বন ।

৩

গভীর নির্ঘোষে মাতি
 রঙ্গে ভঙ্গে ছলি' ছলি',
 সাগর পেতেছে মেলা
 অগণিত ঢেউ তুলি' ।

৪

তাই ভগ্নী দারা স্মৃত
 লয়ে প্রেম ভক্তি মেহ,
 মানব রচেছে মেলা
 বাধি মধুময় গেহ ।

শ্রীযতীন্দ্রনাথ চট্টোপাধ্যায়ঃ

